

江湖閒吟八卷

〔清〕王道撰

清華大學圖書館藏清乾隆十二年學詩堂
刻本

附《四庫全書總目·江湖閒吟

八卷》提要

序

前明閩中詩派國初開於林子羽鴻時高彥恢棟
王安中恭王孟揚偶藍靜之仁兄弟共爲羽翼其
音安和穩順追步唐人後曹能始學徐惟和煥
起而紹承之別於當時野體鄙體而鯨魚碧海巨
刃摩天之概未敢任焉中間惟鄭繼之善夫欲別
開面目然學杜而得其皮毛志趣有餘神理不足
論閩中詩者猶有望於繼起之人也王子直夫以
詩鳴於漳浦不背前人不摹前人脫口而出滂

序

一

鴻肆凡天下事理物情之所有者取而一一見之
於詩蓋本乎姿性之高明以爲其質探乎典冊之
奧博以老其學歷乎境遇之常變夷險以堅其識
而後以無所不可之才達之大可籠萬有小可析
秋毫金銀鉛銅鎔之皆成器也正聲么絃調之皆
成樂也昔人以白樂天詩蘇子瞻文能說盡古今
道理雖有語病初不害爲大家直夫之詩亦若是
焉而已直夫困於場屋垂老以教習敘勞宰金山
鯁直去官倚寓涖涇其窘窮之況幾與少陵之拾

橡栗劇黃精相似讀其述懷七哀有會而作等篇
君子傷之不知天之嗇其遇正以昌其詩而世之
履豐席盛享庸庸之福者必不能與直夫爭可久
之名也直夫將歸閩中作序遺之兒子羽善夫諸
人而後別有詩之一途即不敢謂直夫之詩遠勝
於子羽善夫兩家然兩家之外拔戟自成一隊者
直夫足以當之矣直夫行矣風雪南征歸途萬里
老年著述所造彌高子雲而後必有知子雲者
乾隆丁卯冬月長洲弟沈德潛題於夷白齋

序

二

序

漳浦王子直夫負重名絲教習敘勞出宰金山縣
俄罷僑洙涇日吟哦寫其小雅離騷之心以當絲
竹荒江廢圃雜於樵謳樵唱賞音無人則遙慕黃
子爲鍾期蔡邕也者邇新集千篇而寓書以告曰
道少孤誦先人遺書邑侯四明陳公授列朝詩則
嗜崆峒學使歸安沈公授唐宋四家則嗜摩詰放
翁旣乃縱觀古今求所謂高渾古淡卓犖自然者
久而無獲惟雕鏤藻績不設於心時同硯蔡梁村

序

一

侍郎藍鹿洲太守治古文筆墨磨礪共探制作二
君序道庶皇集詳之矣及遊京師名場俠窟聲華
相競類多酬應之作故所存絕少有京華稿高安
朱相國錢塘沈總憲爲之序自是作吏江南簿書
間之期會迫之註誤及之彈劾隨之而我歌且謠
不以患難廢此江湖閒吟所爲作也或曰其江湖
而有魏闕之思歟或曰洙涇者左申江而右瀕湖
也瓦礫堆中偶墜珠璣淘之汰之庶幾有之昔左
太冲所學未及班馬揚雄而三都賦至今傳者元

晏序之也先生豈無意乎黃子受其詩讀竟而序
之曰潮州退之海外子瞻江湖直夫厥詩配焉高
渾卓犖孰如其所自言爰述書辭以冠簡端乾隆
六年春華亭黃之雋頓首撰

序

二

江湖閒吟卷一

漳浦王 道直



五言古體詩

感遇

鴻鵠志四海一舉凌九霄上有風雲知不顧風雨搖丈
夫處世間盛衰各一朝昔爲富人趨今爲俗子嘲嘲趨
如蠅聲我意自鶯鶯
庖丁善解牛在手不在刀鵬鵠淬昆吾缺折同一號丈
夫在世間利鈍隨所遭柔茹剛則吐流俗非人豪不茹
亦不吐置身千仞高

鹿臯詩集

卷一

一

門有車馬趨路人爭嘆息明朝不再來誰得又誰失丈
夫當世途貴賤啓知識媚者傷我刀譽者砍我賊時勢
苟不存恩怨無終極

采蕭在深秋采艾亦秋月相思不相見愛此心如結丈
夫與世交所守惟專一食粥常苦飢衣褐常苦寒富貴
不可求亦有道人曰

寄友

青苔滑堦除白石雨中綠經旬不下堂良恐傷我足足
傷猶可瘳遺體詎堪辱北風何淒淒新霜被華屋下有
萬仞氷行行須局促憂心而離居閉戶守空谷

青蠅附驥尾逐逐隨鞭鐙特立去人羣昨援豈天性不
夷不惠間強顏挺孤勁如以松柏姿橫縱桃李徑枝葉
非不繁俯仰成疾病知止有良模再拜辭趙孟

日出扶桑東月入崑崙西一日復一月百歲寧久稽人
言交可易亦復易厥妻富貴汝何物遂令大道迷不見
遺簪女中途哭慘悽遺簪不足惜故舊一時睽凡百君
子心至老母分畦

採藥北山岑山深丹竈冷不遇燒丹人更無鉛汞影笙
鶴謝人間春秋廼不永蒸蒸草木華何能延暮景飲食
適天和清虛自心領修短本在天終當發猛省

鹿臯詩集

卷一

二

夢筆

非花又非椽精彩更無匹遺我彼何人姓名不肯述疑
是白香山詩成愈真率又疑陸放翁蛟蚪戰白日年少
客相投垂老力已失子固無所欣尊亦不迫恤恒恐墜
浮名翻爲身世桎有如杜拾遺徒矜漸細律命達文章
憎何川取三黜

晒朝衣

篋笥付子虛朝衣未憔悴經年不章身猶藏一命貴昨
宵吐光芒隱見雲龍氣曾從殿上來應抱此靈異開緘
就炎熾沐日宮錦麗雖非對至尊亦復存名器冬深莫

禦寒客來宜引避留贈謝東山蒼生供睥睨

嘆交

久要貴不忘千古有朋友無恒至二三割席當速朽利
劔在腰間黃金繫肘後見金却遺劔心跡焉可割我有
青銅鏡無分妍與醜照而又照心令人堅所守今日讎
良會災鴛可君口君心如轉移勿飲口中酒

兒輩買韻

強解理新律真搜探古風雖爲吾家事毋乃欲速窮熟
精文選理於道未爲通經訓乃蓄畬衆流自朝宗吾老
諸業廢念此心猶蓬故人貽我鏡莊葵山以妍媸在鏡
前鏡貽我

鹿臯詩集

卷一

三

途中見被刑者

中出入行自隨誤汝認良弓逝將付汝曹播穫農子農
肢體本親生所貴不虧辱之子有何辜被此木刑桎鴟
吧不能言詢非命盜族口舌忤長官手足遭敲扑我聞
亟回頭輾轉亂心曲想當上堂時曾否蹈此毒王政重
祥刑不在強摘伏金矢與肺石牖民從其樸或以示痛
鞭肯災赦之屬若憑喜怒爲武健更嚴酷往者不可追
來者寧可贖階前皆赤子命官司民牧不顧父母名不
念一家哭戕人還自傷重譴豈不速于公大門閭至今
留芳躅寄語諸同人才氣非治獄

鼓聲

鼓聲自何處縣治在西南縣官方坐堂伐鼓衆謠謠聞
之猶悚息思痛尚懷慙此地關民社首重能與廉子羔
及尹何聖賢爲未諳我但求無媿其如七不堪飛鳥驚
曲木短髮避華簪採山兼釣水雙肩弛荷擔

遺愁

愁自眉頭生拔着愁未絕眉睫在眼前不能見愁穴時
來欲問心觸緒愁更烈因觀未發初萬象本融結人生
如大夢先覺屬賢哲動靜方自知哀樂皆中節杞人空
有憂望天惱不徹天人相與間升降通氣血水火不須

鹿臯詩集

卷一

四

求莫使傷內熱

螻蟻

孰云汝無目能知雨與王孰云汝無鼻能知臭與香有
龍降中野腥聞江海鄉汝率醜類往蠕蠕試一嘗雖無
制神力亦已不自量忽遇穿山甲鐵甲故開張汝視如
龍偃入甲爭踉蹌掩羣在須臾毋能死不僵迺知肖小
輩安分宜歛藏稍敢肆奸猾顛踣失其疆卽看螻蟻智
有慾無衷腸

刀

淮陰好佩劍嘗遭市少辱仗劍成王侯市少徒以目客

從北方來遺我刀切玉開匣拭寒光微塵點青綠何處
覓華陰取土資磨濯臨河截水流望嶽礪流俗耿耿見
精華秉直去邪曲仇吾不敢忘德吾不敢僂先師有遺
訓厥報從其屬

鳴鳩

朝鳴桑樹顛暮鳴桑樹枝七子分榛梅鳴鳩常不移去
桑自翱翔羣雛能不悲丈夫背鄉井瑣尾見流離坐席
不得安遑問孫與兒有酒難爲酌有米難爲炊矧乃無
米酒江干獨宿時菰蒲長新葉楊柳媚幽姿熙熙乘大
化樂子真無知人生非草木徒爲禽鳥啞撫膺長太息

鹿臯詩集

卷一

五

聚首在何期

白頭翁來巢

入林苦不深偏來傍離舍翁老智故多知我忘機者連
生四五子安巢梅樹下朝出喧我簷暮歸啄我瓦解翁
意在雛保護寧有假兒童禁粘鵲黃口自瀟灑東西南
北人在家日已寡汝雛羽翼齊遠舉亟謀野毋若狐鼠
儔詭譎憑城社安爲善所遺禍乃迷所惹非我吝此邦
不與度春夏方借一枝棲何鄉有廣廈

塔鈴

微風發細響風疾反無聲器小難爲受稱量物之情得

圖三十級一級三百鈴時於烈風裏啞口懸厥形縱有
錚錚韻天不假善鳴譬彼蚯蚓寂叫嘯如蒼蠅殷殷雷
出地萬物咸震驚天地有大用可以達吾生

題舟子

小港容一舟小舟容一人隨潮波上下長竿拂游鱗大
魚欲吞舟亟避返江濱小魚二三寸盈筐給米薪官租
不及歛力役不及均沽酒聽漁歌疑是上皇民三十尚
不娶四十尚不臣傲然天地老浩蕩全其真前船震笳
鼓後船燕嘉賓風濤不戒備翻覆迺胥淪莫言拙用大
好大豈足珍

鹿車詩集

卷一

七

感舊

北有甘露亭南有文昌閣觀海一登臨海水連天薄日
出扶桑東紅輪耀城郭天雞幾度鳴城頭猶擊柝遊子
早出門但道雲遊樂行李滯天涯光陰如捲簾愁來思
故鄉客心渺何託風景縱不殊故交已零落寧作水
鴨不羨雲中鵝倦翮不能還回首徒愧忤

謝漁媼

潮來卽扣門攜筐兼買柳不計青銅錢但可父母口念
爾水中居拮据蓬其首魚蝦能幾何入市資升斗屢餽
滋不寧付直爾反走大義雖已明仁心我絀否煌煌大

江南氣節無不有漁媼亦人豪足破怪吝醜受施常畏
人聞聲生愧怍夏日事長齋瓜瓠雜新藕不復近腥膻
盤盂離舊筍佳話自今茲他年應不朽

聞蟬

何爲抱不平三問不能語清自畏人知伊誰不知汝葉
下罔深藏零露豈給茹疑是腹中飢哀號度殘暑思婦
動閨愁幽人嘆羈旅感觸起徘徊繁惡靡端緒啖汝已
無從阻汝不可禦同調相憐臨風徒延佇

夢

心憂不遑寐蟋蟀益相親倦據烏皮几入夢如有神是

鹿車詩集

卷一

七

龍不見角爲蛇具爪鱗忽焉拔宅去其性固難馴前有
長年老借問當識真指此乃靈物見之有夙因覺來不
自解遇怪大江濱地用莫如馬往者不須論

促織

善鳴雜清砧好關亦相促懶婦耳不聞游民樂徵逐江
干寒氣先七月已移族在宇仍近床節候催更速我昔
重勸農乘時呼警覺不率戒於庭盡驅事杼軸游民
於賭子厲禁之蟋蟀欲以魏唐風易此吳越俗怙終固難悛
頽波曷能穀邦人不顧名好樂咎民牧牧去當無辭生
計日不足

雜感

良臣不去國佳女不再醮去國非不榮再醮亦有耀所
惜心跡乖留爲後世笑賢君擇好臣丈夫匹窮窶苟合
終易離不合付長嘯寧以醜拙老勿以紛華少古鏡屬
斯言人人亟自照

騏驎旣終衰強弩亦有未衰者莫騰驤末者怯遠發及
時貴有爲乘勢當振拔一朝舍我去牽挽手難奪駑馬
紛前趨竹箭爭自脫世人不識真目前快利達棄置勿
復云旁觀哭欲絕

張樂洞庭野聲者無所聞施采五都市聵者不爲文世

鹿車詩集

卷一

八

人皆懊惱兩翁方快欣廣樂雖不覺慢罵徒紛紛文采
雖不見妍媸更無分聰爲伐性斧明爲斲命斤讀碑賦
燕泥前車一轍均世稱小人族天爲君子羣殘疾寧有
損支離何足云

白馬從南來青驄自西去長安十載交不得並鑣轡夙
昔同舍敦今茲疆域異一龍又一猪豈第別軒輊轡刀
薦廟堂鉛刀陳市肆利鈍固不侔貴賤殊位置人生視
所遭有如俎上器陳平亦人豪屠隱有真意

悲秋讀楚詞字與秋風冷君非不忍言懷忠挺孤梗當
年詔令嘉亦如構机等豈及天問篇精華開宋景失意

有文章垂爲奸佞傲皇天哀奇窮錫此龍文鼎舉世莫
能扛風騷手自秉我欲招其魂蘭泉薦秋茗微言不棄
捐助予當猛省

卧雲四十載歲時生光輝忽接弓車貴遂令心事非悠
悠太行道行人多輕肥前有猛虎蹲後有蝮蛇圍馬瘡
僕亦痛何以供指揮決往無生理君命不可違徘徊岐
路間惘不知所歸或云君命召毒物爲害稀但以誌戒
心非關生死機本爲翹翹出生死計亦微行藏不自寶
徒貽後世譏

疾病常畏死日求天地憐長跪訴平生大節固有愆此

鹿車詩集

卷一

九

子何蒙昧自欺爲大言修身得不死世上無神僊人生
如大夢覺來有後先智愚雖有分修短無所偏誰人少
疾病服藥有微權求汗或弗得華扁應舍旃先師垂遺
訓久禱不欺天

秋旻視益高青冥徹纖翳氣象使之然清寧詎有異清
寧在我心乃有平旦氣禽獸去人羣盜跖不爲利此心
與天遊虛靈原不二至人葆其真動靜如天地憧憧物
往來指揮澄萬彙野馬與塵埃自升還自墜

麟鳳在郊藪不食亦不飢靈物非有求時人自知稀王
者契其德至治見芳徽賢達出巖岫賞罰公是非宮中

秦雲門和鳴磬聲依麟向閨苑去鳳從丹穴歸萬物皆得所四海有光輝

怯膽畏邪祟白日慄且寒此身入鬼市惶惑固無端有如好讒謗歡娛裁禍言一朝謫在已哭涕洟潤君子秉特操死亡惟所安盜金與盜嫂何如孝婦冤但能不憂懼天地一心寬

眼前見容華渺不見肝膽容華多誤人肝膽方勇敢青松柏林不發蔭與炎但覺風日舒寧知霜雪慘世人味蔗漿梗澁賤橄欖甘脆一時歡終身味寧淡達者洞其源蹙頰嗜昌歌

鹿臯詩集

卷一

十

朝赴于門會旨酒變辛酸非惟不樂飲舉杯益愁顏座中三十人強半客衣單秋霜被百草何物不摧殘浮名束壯士福少禍爲繁華簪滅汝頃厚糈爛汝肝故鄉千萬里父子不能圓人言常見機見機良獨難

少年愛結客椎牛餉酒徒酒竭客亦散急難枉招呼好客豈易致夷門朱亥屠公子往長跪折節爲前趨一出袖中椎恥辱歸虛無義以壯士膽恩以激士軀莫言無知己桑下有餓夫

口穢人皆覺耳鳴獨自知不逢岐伯鍼隱疾誰能醫譽言常苦入毀言常苦悲不悲與不入守護是吾師越客

冠蟬冕混沌飾蛾眉面目俱成假取病徒爾爲痿猶不忘起盲亦不忘窺廢物尚思用有如敗鼓皮炎神真補天萬古荷隆施

涓涓山上泉濯濯海中山遙遙通一氣乾坤爲大閑神龍所窟宅天矯去來蟠開口嘘白雲奮爪白雲端舉世無相識知者惟鳳鸞鳳翼不可附龍鱗詎可攀幽人守邱壑恒覺考槃寬山河大自在人生當苟安

君騎紫騮馬僂駕白鼻騮物色既殊異頭銜各有階口食太倉粟秦越皆吾儕肥瘠雖不一黽勉貴和諧如何同舍郎恩怨一朝乖前車遭下石後車復擠排自非經

鹿臯詩集

卷一

十一

百折能不困重霾沉吟谷風詩痛哉置於懷

巨鼇浮滄溟非山又非石斧鑿無所加雷霆不能劈綿亘極天長不見尾與額小舟那肯吞時或艤商舶徙運乍翻騰波濤埋估客恃大徒冥頑往往爲物賊河鯉上龍門其大僅尋尺頭角一時新風雲爲羽翼每向海中吟百靈皆悅懌巨鼇廁其間龐然得無啞

灼灼芙蓉花有客寄一枝長江道路遠顏色半葳蕤顏色縱衰謝芳心詎轉移花藏溫玉匣枝植華清池朝朝發新葉白露媚幽姿來秋當爛熳誰謂子無知回頭江上望伊人在永湄投桃終有報慰此長相思

兕乃虎之族豺爲狼之儔獨出爲物擾並行爲民憂猛
威或相關散處終非仇伊昔重華帝嘗與鹿豕遊忘機
兼遠害有如狎野鷗熊羆蹲其足獬豸揚其頭聞韶皆
率舞百獸同優游熙熙躋壽域人物自春秋

驅車泰安州四度乘昏曉翹首瞻岱宗壁立浮雲表未
遑登其顛焉知天下小古來封禪基其跡亦縹緲七十
有二君山靈應皎皎欲上東封書敢先茂陵草四裔皆
嚮風八荒樂熙皞功德固難名豈在盛文藻天門長紫
芝采之可娛老

牛關縮其尾虎吸伸其舌牧豎與樵夫所見甚昭徹外

鹿車詩集

卷一

三

人焉得知耳食第剽竊問喘旣有人陰陽宜中節殿上
亦有威邪佞亦已絕感物著徽猷平治屬賢哲水火各
分司居者惟就列日日食太倉豈徒取容悅樵牧方笑
人巖廊非養拙

依依山上喬采采中原菽誰家好男兒教誨不式穀盛
衰或有時世系亦難續今之皁隸行昔爲樂郤族皁隸
當可爲在官豈無祿尹姑舊衣冠一朝猶可復達人善
持盈名乃身後福置身廉讓間前賢踵遺躅

河邊長飲河漢旁但吸漢清濁無所分同流方自見人
言當嚼冰穢惡莫如炭清濁俱堅冰河漢如一貫棄炭

在水中服之腸未爛所以至人心觀海發長嘆細大何
不容噉噉反零亂

崇朝天無雲亭午西風雨一日半陰晴彼蒼應有主螻
蟻常出封鳴禽曬其羽萬物各得時乘化自終古吾生
亦有涯可樂莫愁苦朝朝數米炊不足無所補日日備
春糧有餘不須吐但當牖戶牢不取下民侮何必問祁
寒怨咨輕喜怒

昔爲秀才時自許如琬琰聲價日以遙浮華不稍斂自
任學希文狂懷慕曾點日月忽已馳言行猶不掩終非
席上珍投老有瑕玷雖磨尚可爲已覺所生忝造物鑄

鹿車詩集

卷一

三

羣生豪者落坎窞時去勢亦移和舒變愁慘知非惜已
遲人世又何憾

長安十載遊交盡天下十綰紵無所投常恐門戶起文
學不乏人望古不勝指幘固與中培好學立風軌相如
及王褒爲文亦華美惜無並江都授受天人理糟粕非
可欣詞賦非可喜於道渺無聞有媿昌黎子

怯影不就陰好交又就客出入多憂虞何事自取疚怯
是膽所爲好乃情所近一身不能持況涉三軍陣一人
不接歡矧乃歷秦晉孤疑實敗謀塞齒何由振不見張
子房破產令名震翩然脫虎狼終與赤松親至今垂英

風圯橋日益峻

官以宦成頽病從少愈劇先民爲此言其理亦昭灼有
淺猶不知病深受束縛風日俱成仇陰陽憑作惡三夏
衣匪單初秋裘已薄何曾藥可瘳但覺曠眩虐人生窮
達模用壯可揮霍留此龍鍾軀枉爲乾死獲馮唐白首
耶雖老未落魄

室思

依依楊柳條隨風渡江水隔岸是郎家不得傍階祀鷄
鳴江水生月落江水死看月復聞鷄盈盈千萬里昨夜
見鮫人新綃逾錦綺買綃爲上襦欲充君子體何時得
波願言合兩美

金山人屬南珍書黨籍碑

籍甚碑中名輝煌史上烈當年寫碑人千載有遺孽高
掛草堂前雷霆劈冰雪徬徨不忍觀敬恭對賢哲山人
亦好事屬書摹巨碣祇恐鬼神知安民惱不徹夜夜吐
光芒精靈不終絕行當寶匱函縮筆兼捫舌

寄舊

顏色下霜露當秋念益悲低徊思舊賦感憤七哀詩出
處固殊轍飄搖寄一枝高飛不擇木遂爲弋者欺回首

鹿臯詩集

卷一

古

憶儔侶羽翼故差池在山蘊德輝還山杳無期西風掠
歸鴈天遠附書遲朝來減一餐暮至蹙雙眉日月從茲
老之子安得知

吳學博招看秋色

伏生授經處四座生光輝秋草呈五色書帶紛相依如
遊錦繡場不張霜雪威豐顏皆渥赭麗景薄輕肥相對
却忘老會心欲忘歸君當勵抑戒予亦化知非晚節從
所尚莫謂知者稀

屋漏

天地爲穹廬四嶽爲几案沐浴日月中騰身跨汗漫有

鹿臯詩集

卷一

五

似御風行自覺冷然善胡爲局一方觸此當世患風雨
所飄搖颯遯苦鳴鶴滴滴到繩床瀕洞成河漢欲以一
木支碎瓦紛凌亂如何脫艱虞不就鑪錘鍛手握北斗
杓足躡六鼇面哀號徹九閭通辭藉雷電贏得天帝憐
起我於塗炭

室思

誰謂君棄我錦字遠相將誰謂我不思玉匣深閤藏時
來憶芳徽拂絹掛中堂見字如見君再拜起徬徨我有
四愁曲夙昔達君傍願承君子歡下筆誠恐惶君能惠
我私顧盼生輝光先民亦有言久要貴不忘仰看明月

遲令德終播揚

晒書

紅日半牕明陳編簷下颺飛雨簸西風任來不及障白蟬亂浮沉牙籤紛蕩漾不論史與經狼狽如覆醬嗟予當流離聖賢亦遭創不入鄴侯家偏依不繫舫汎愛枉追隨漂泊五湖漲酹汝酒一盃福我致卿相用汝治平規躋我廟廊上不然靡所歸當從汲冢葬五十九年非活埋同汝壙

解龜

清晨看海塘大龜向我泣淚下不成珠但見塘土濕

鹿臯詩集

卷一

六

放乘潮迴詰朝旋復入窮黎爭解之刀錐一時集爪甲若雲飛頭顱衆競執白肉如雪紛鬻割徧城邑爾本水中靈曷爲不自戢猛虎下山岡居人羣岌岌爾烹鼎鑊間猶欲指其汁貨貝叢爾身如何不共拾枯魚母過河戒之悔莫及

采蓮

采蓮湖水東蓮房大如斧食子棄其心共說蓮心苦我心卽蓮心其甘如馬乳念爾水中生潔不染泥土受土皆作甘爾獨黃連伍水陸有同情至味契肝腑母爲世所吞寧爲世所吐心苦殆有憂食之良有補

遣興

形骸與世違鈍根如頑鐵廢棄固所甘愛憎起媒孽置之太冶間鍛鍊日益烈精粗無所呈形骸漸銷削古稱歐冶子匠石同明哲樛櫟猶弗戕頑鐵何勞熬詎以百鍊剛出自鐵中血苦辛寧敢辭爲器表奇節恐作屠龍刀技成用亦絕自處苟不高進退皆爲孽

乞竹

高樗盡成陰叢棘紛滿目却憶坐幽篁不到篔簹谷路出竹竿園風聲擊寒玉移情入耳根乞得淇園葉問訊報平安初栽宜顧復朝嗽藉暄妍秋霖常沐浴明春遂

鹿臯詩集

卷一

七

爲林猗猗期在速漫作主人翁不問知舊牧來看莫折枝一斷不可續或釣嚴溪魚絲綰有芳躅或爲公堂筓傷我百姓肉此物本無心出世任榮辱鴟萃從叫號鳳來邀止宿有子如琅耳直作豐年粟慰我離索懷庶免窮途哭追隨有夙緣予猷實吾族

日華

日華開五色照耀彌天涯四海挹光輝浮雲不能遮浮雲常蔽日反走避天葩世人愛嘉瑞芝草挺瑤花本爲地靈出一見止驚呀金烏展六翮非暈又非霞雕龍與炙轂行也窮齒牙大聲呼屈宋騷賦亦難誇欲問江都

相奇異何以加當云書所載帝德頌重華

舊興

朝衫不在笥象笏亦去手豈敢故辭榮官職獨難守江
干久滯淫倏忽成老叟一杖凌崎嶇安行不遑走爲郎
未幾時非從大夫後階前見舊興蒙戎垢且醜拭拂往
時塵有如露衿肘敝帷常可焚一馬已無有敝蓋莫棄
捐家尚餘一狗甕式類勞薪炊爨漫餬口決裂無復完
何堪易升斗世人欲求售拙於用大否無力致千金聊
享此敝帚

夜春

鹿臯詩集

卷一

六

舍南千斯倉舍北萬斯杵秋風遞杵聲遙聞兒女語新
月隱林梢孤鴈叫洲渚母乃稻梁謀感時急呼侶年豐
物情舒滯穗棄如許橫縱不拾遺富及雀與鼠朝來有
酒沽暮來無酒沽夜夜理新糧火明若炬村居樂事
多相忘在逆旅

漫興

撫事又微吟如破止酒或陶然醉復醒始識飲時快家
在白雲鄉身依黃浦界泛泛類浮槎風濤壯行邁不知
謂我驕心憂天地隘歌謠率其真飄零猶未懈秋來風
雨多薪貴莫償債檢點代荆榛叫號孺子怪飢寒皆此

編不直一稊稊窮愁漫著書愁深何處賣

五兒入學

種竹看凌雲栽桐欲戾日東園樂事饒新題費紙筆稚
子騎馬來不覓梨與栗強解拜堂前歡欣揭書帙鏗鏘
三字經崇朝授一一學古得其華播穫看獲實念茲韶
齡年何時方有述吾老嗜讀書竊取詩禮術經訓乃舊
畬精勤致習吉天運不我艱克家從此出

責夢

失足入朱門不顧冰山涸夜夜夢中遊羣公如有約平
生澹泊心乃爲富貴縛耻至辱亦隨榮華詎可托甚矣

鹿臯詩集

卷一

九

覺吾衰今是非在昨

憐雪雀

依依苦向人未覺乾坤大積雪滿平原無枝得安坐雖
兆十年豐不救今朝餓子餅罄亦頻欲借南箕餼殘膏
尚可活何事埋頭臥聞之喜應狂躍躍以自賀

友人送糲

昔我濫太倉歲支三百斛縣官不我訶湛恩實優渥不
謂蝨其間無籍應去祿流落大江南北飢餓徒填腹故人
遺我糲珠翠如露潔不釐玻黎春惟煎蘆服粥糲兒在
門東既飽仍復哭人皆飮膏粱我獨枵半菽烏雀棄其

餘得食亦慚惡穉兒且莫譁此是豐年福糠粃尚可餐
虛糜何所辱不見依婚姻行野歌采遂

示南珍南璞

吳尊村云公在難中二子皆而哭者屢矣故示

自我喪親時淚珠不去眼今我尚生存悲兒識事淺廼
聞念我艱痛哭不自遣我躬負聖言篤敬疎黽勉我罪
賴

聖恩肯災幸已免夕死夙所安兒行當益展上以通神
明豈徒門內踐我老無以遺自致萬金產經訓乃苗裔
願言飭揚顯

淮徐流民

鹿阜詩集

卷一

三

頭上無敝冠足下無完裙去家千百里提挈非兒孫生
者亦他適歿者已離魂人滿天所戒水禍汝何冤縣官
有明詔還定歸田園慎毋棄故鄉家室當可圓子囊本
羞渫一錢準壺飧指汝北歸路竊附仁者言

自題江湖閒吟圖

形骸非汝有寧論肥與瘠心思非汝有寧計愁與娛不
有將誰屬認此百年軀愁能令人瘦娛則令人腴瘦腴
俱在外愁娛爲之模詩詞本情性內外會無殊今我其
迷方無知作此圖唐堂有言曰潮州滯韓子海外淹大
蘇鹿阜王氏子乃復佔江湖其風皆肆好其詩展良謨

千古固同軌風流原不孤果爾吾無愧何當見大巫留
以示孫子不忘困三吳

補碗

卓哉顏氏子簞瓢堅不漏豈以竹木姿能勝金石闕缺
憾當補苴鑽之力恐後區區任刀錐雖完焉得壽所願
粥與餽有穀宜左右

小銅鯨爲筆架

天然二寸魚陶鑄亦已久頭角儼生成怒目如將吼猶
作掉尾形欲挾風雷走中書毛氏翁好奇無可耦暇則
騎其顛偃息脫人手相倚遂成隣立功當不朽玉山俱

鹿阜詩集

卷一

三

等閒英石易蒙垢偉矣鱗鬣雄伴子呼小友

磁水注

有虞氏尚象良器不苦窳悠悠千百年其制莫可觀茲
注類小缸濶口供納吐位置安不危有足更無取潮來
挹清波墨酣濡厚醺雲烟几上生儼作風騷主豈曰斗
筭才不及盞與簋古色綠沉沉神光耀栩栩助我戰蛟
蚪江干人敢侮留以示孫曾爲渠載圖譜

草書寄南球

負郭久荒蕪石田視古硯或因坐位爭敵以過庭傳非
關紙上形實出心中撰茲邦識者稀附和漫稱善歲得

億萬錢取供菰米麴遂使墨猪形江鄉飛片片念汝治
真行未遑辨使轉使轉出孫過庭書評爲學有階程居後不可先
此亦詩禮模兼通乃爲彥望汝非一朝十載無由見題
絨當南金欲題淚如霰

珍兒寄皮衣至

耐寒非一冬雖僵猶骨立念汝滯邊疆飢渴愁駢集開
絨幸苟無不作兒女泣傲裘亦歲蕤萬里遙什襲北風
蕭瑟來禦之需補緝絕勝綌與絺妻其正羞嗟汝膝
下孫盼望久嗚咽何當衣被周解此倒懸急

西星

或曰含舉

鹿耳詩集

卷一

三

西星有奇光白氣指東方長天雖未竟綽有千丈強經
月尚不散莫辨爲災祥日月猶薄蝕雲物亦渺茫先師
不語怪萬事歸綱常自有識緯書見之輒徬徨王者但
修省惠迪致永昌消彼天上祿保此下民康乞言兼罪
已古帝視禹湯天人本一氣補救庸何傷

燈檠

老悖廢詩書宦窮絕珠翠蘭膏照熒熒繩床伴假寐昌
黎嘗賦詩長短初終異我豈異人情居處非其位燈檠
知我深投閒亦得地

賦得振衣千仞岡

衣塵不可曳抖擻藉天風天風隨地有峻潔在高峯登
之造其極衫袖白雲通衆山一何小寰海一何濛俯視
熙穰民來往山海中我亦世間人所處良獨崇上衣既
已獨下衣無所蒙一振自辟易夷惠將無同

賦得濯足萬里流

沐浴在盤中潔身取諸邇既潔又何求局促困厥趾惟
常尋其源流水通萬里清濁無所分滄浪未足擬臨波
寂無風亂流得坎止洗足如洗心安心不洗耳回首謝
巢由亦各致芳軌

山居雜咏

鹿耳詩集

卷一

三

僕本野人少長巖壑雖好雲遊終懷石隱追述
舊歡欣然得句有先後無殊旨也

開畝

膏腴非所求町疇力可闢揮鋤趁陰晴爲非常避石平
者種秫杭畸者植菽麥歲暮輸土供春酒樂賓客所願
風雨時暢茂無蠹賊山中嵐氣深歸來日未夕

伐木

芑芑成穢墟蕩滌當剪伐許許齊其聲邪邪振林樾大
木可爲梁餘材備楔櫪小卜樹雞柵爲薪齊枘拙自茲
疎密宜山夜露明月瘠土偏易生乘春看萌蘖

移石

結戶傍巉巖戶庭皆磊砢參錯礙當途易位勇而果或
正扶其偏或危置其妥爲丈合居前爲友右與左相對
不知頑耐久惟茲可拜下戒莫言能言召災禍

引泉

石頭長劈沸非醴亦清甘不用汲修綆兒童可負擔遠
引弛其力伐竹剖雙函一竹僅尋尺數竹如葛覃泠泠
達窻下挹之酌不貪尋源遙可溯只在此山南

網雉

忘機羣鳥狎繞宅自翱翔睨睨盡眉啼好鬪何強梁獨

鹿耳詩集

卷一

雉

愛雉子斑羽翼有文章嘗聞齊人術招致艾如張畢之
又羅之母乃類鴛鴦設網聽自至不至隨遠揚

射虎

麋鹿豕羣俟俟豺狼侶與人非有爭弋獲供鼎俎惟
汝老於菟無良當亟禦市矢鏑可嬰勁弓力可舉遠害
貴白強豈曰柔則茹食肉兼寢皮吾欲踐斯語

牧牛

春田旣已犁春草復萋萋牛兮食細草隴畝自高低有
石礪厥角有犢呼不迷但當勿相關壯長用力齊雖非
大臣側一命及山妻絕勝城南隅牧豕傍牛蹄

刈葛

無衣不剪荷無裳不綴蒞山中常早寒不厭緼袍敝我
愛夏日長采葛漸流憩蒙棘蒙楚問揮鎌解其締爲綰
稱體輕爲綌足斐斐蕭灑清風生未覺章服麗

采藥

老至不知衰飢來惟服粥到處藥苗肥長鑱刷黃獨其
類日以繁水芝通白茯苓物皆土肪歲月結巖谷不采
韞精華采之備旨蓄托命非所云養心在寡慾

種松

野竹千萬竿不能招鳳鸞何如種松栢猶堪共歲寒植

鹿耳詩集

卷一

松

根貴深固爪膚莫摧殘直幹當摩空蚪枝任屈蟠花落
紛如雨和露準晨餐待作老龍鱗終日撫盤桓

看燒

前山有烈光四而明如晝雷碾車有聲亂石紛相鬪
狼何處逃鷹鷂莫能救一炬去所憎乾坤應不宥昨日
列青屏詰朝成黝岫海水深且遙沃焦功豈驟惟有草

木根東風吹又茂

臥雲

朝從白雲餐晚與白雲宿衣裳冷不知散髮如新沐風
露助其清被濯埃塵毒雲生興俱移雲飛心不逐起坐

石床問白雲一茅屋高臥學希夷大夢有先覺

續山居雜咏

葺茅

鵲巢在高柯綢繆日益固今我托林中三椽一破篴風
雨肆其狂霜雪若相妬腐草易飄搖脆脆終旦暮于茅
復索綯拮据自工作大兒能縛簷小兒學安措雖非堂
構模陋粥守吾素

治蹊

一徑去人羣崎嶇不肯到履跡日以疎榛茅輒爲暴荒
塞在爲間行行失故道揮鋤拔其根有如勤洒掃來去

鹿臯詩集

卷一

美

識牛羊光明回虎豹貴潔不貴汙莫使困泥淖心境營
豁然豈曰仁者樂

負薪

庭中皆落葉燎爨突已黔暇豫弛其力致力不勝任惟
當持斧子一往入山深械樸非盤錯猶須備厥樵一束
何翹翹再束何森森兩肩足負荷夷猶更行吟山妻不
我棄唱和助清音

晒笋

薇蕨生以時藜莧有時徹所嗜在龍孫甘脆見微節折
生代烹鮮粗熟需麴蘖厚浸吸其醇晒晾勵堅潔朝朝

向驕陽醞藉香彌烈老齒皆動搖臨餐緩嚼齧不是膏
梁族無妨獨饗餐

拾果

常航種樹書不收桃李實到處見離離松子及橡栗拾
取攜滿筐不學猿猴術饑來或一嘗疎爽去沉疾時於
木石間流黃露蜂蜜念此蘭蕙膏菁華更無匹第恐螫
毒傷袖手猶戰慄

不冠

都人重臺笠虞人貴獸皮非虞又非都科頭嬾最宜斑
白豈爲飾鬚髭不礙眉蜩蟬亦多事生來即有綏適越

鹿臯詩集

卷一

毛

資章甫善賈亦如癡椎結隨所願桎梏令人嗤不見簪
華簪徒爲世網欺

跣足

閒隨麋鹿行口口上邱壑幸無葛屨縻偏驚珠履寵所
踐苟有違却貴齊人跣山中雪作冰舉趾得無恐惟此
戰且兢雖跣覺容重清澗萬里流濯之去塵凡莫作下
山遊翠微荆棘茸

吟嘯

石洞得奇書不知何代物終日事沉吟疑義近仙佛原
非治世資聾牙任佶屈倦後入雲峯舒嘯去佛鬱山應

谷亦鳴恍若雷霆歎心口共超然有伸無所紂天扉或
開時一登庶可乞

課子

爲弓世所需爲治亦世用二者弗爲良何如同抱喪仁
義乃原田播穫藉嘉種履蹈卽有秋上農足殫饗聚族
亦於斯誰敢侮題鳳植根倘不深外物易爲動甌中有
黃梁不信試一夢

客至

吠犬走且僵羣雞噪而竄衣冠固動人畜產方散亂良
由所見稀生新起畏憚未問寒與暄先訊憂與患坐久
鹿臯詩集 卷一 天
既無稽爲黍兒曹辨莫歌反招隱出處兩泮岸相送返
自嵯小別猶感歎

對瀑

屋角雷轟轟懸瀑怒激碎銀絲自天降一瀉歸滄溟時
來將掬飲滾滾若龍形一飲不滿腹惟恐與龍爭人間
常苦旱得雨謝青真巖頭異氣候曾無一日晴爲霖澤
及遠滴滴爲蒼生

示竊

有壁方可穿有墻方可踰顧此蓬華間覬覦亦非夫
米不盈斗析補不完膚猶來騎屋山嗟汝一何愚常聞

竊國侯不肯竊鉤誅况乃負盜名所竊無錙銖亟返當
收圖不返喪其軀

後山居雜咏

鑄崖

隱處非有求庚桑居畏壘爰以邱壑情不作華陰市今
我闢奧區耕鑿在經始剗削去荆榛高低隨峭岬某阿
腴可田某泉甘可醕夕陽面可廬山椒石可砥用物兼
取材參錯就條理大書示來茲深刻磨石齒苔生成綠
文岫嶠何敢擬後人過讀之廼識極崖子

釣湫

鹿臯詩集

卷一

天

深清百丈潭遊魚佔靈境大作掉尾形小逐於物影不
餌漫垂綸有如汲修綆悠然逝無蹤當機一何警或云
龍所家古湫號龍井雲雨幻斯須白晝青天冥凜乎不
可留曰歸方猛省幸未觸逆鱗豈敢咽其脰

烹澗

一簞與一瓢飢渴不爲病曾愛盧玉川啜茗若成性非
無爐扇供烟火貴清淨行行南澗濱地偏人跡屏挹注
入嘉磁魚眼動傾聽雖無顧渚春猶得茗柯柄喉口倏
通神清風生不競方知陸井渾未覺中冷勝欣欣得獨
醒從此罷中聖

縛帚

四海既永清天下不掃除安居事一室吾亦愛吾廬
敝帚享千金聊云樂只且已敝當復縛剪伐不須樗疎
枝搜苦竹勁葉取併稠密比束其固庭院日爬梳伊威
不能踞蠨蛸無所儲耳目一以豁塵垢歸子虛朝朝受
清氣何必賦遂初

削杖

行年六十強日覺膚肉皺常陟千仞岡衆先予獨後歎
見古木籐杖材何獨秀截取磋其皮任樸不雕鏤莫作
鳩婦形哽咽尚無話自倚不扶人出入隨懷袖比於

鹿車詩集

卷一

三

竹良亦備蛟龍鬬於國何可期恃茲當不仆履蹈莫如
恭或云恭則壽

植架

林樾匝重圍瓜壺不遠附蔓延性則然植架引其步綠
葉蔽空庭聊可障毒霧長夏時清陰涼秋實布獲纍纍
千百懸大小蒂相傳嘉蔬在目前無須學爲圃夙昔讀
幽風樹藝皆可慕今茲七八月食斷猶堪賦母若五石
瓠用大取謬誤

尋芳

幽香到山庭縹緲百花氣蜂蝶爲之媒嫁與東風壻却

使外人聞微笑故舍聯閒來次第求撲鼻首蘭蕙梔子
結同心姊妹若聯袂野花有姊妹就中不知名鷹爪以形系
野芳亦足娛莫誇梅與桂巖穴一名園執云爲避世

選砥

刀劍備不虞斧斤有攸利鋒鏑宜歛藏磨鈍在克治金
石兩相成所貴利其器山石有精粗枕漱隨位置平者
砥之資周道曾取譬用以礪鋒芒不爲渾脫戲邪出吾
將斬豈抱挈瓶智吁嗟周道衰如砥供履視今我處太
平以砥通道藝刮垢復磨光直作邱園貴

結鄰

鹿車詩集

卷一

三

海燕皆有匹野鶴豈無羣萬物各依族所以成芸芸山
北炊烟起山南雞犬聞南北雖異路脉絡一山分胡不
比閭接晨昏藉慇懃刺竹插爲城怪石樹爲門非唯待
暴客亦以固山村理亂總不覺長奉堯舜君

飲蜡

終歲在田間相將出入友賴此歲功成方社德已厚於
俎薦豚蹄於尊具黍酒凡我陌相連依依聚童叟擊鼓
奮其聲吹幽和其口沮溺知我心親睦俱佳耦泥飲各
自譁如量不計亩所願屢豐年爲醴媚黃耆

驅鬼

昔我遊江濱射工弗能毒豈有辟邪方正直誠且篤今
爾魑魅流白日駭鄰曲雞狗那得寧兒童遁且哭山沒
何所求醜形不慚惡老翁鬼谷師視鬼如禽畜殺戮非
不仁姑息乃取辱古劍嘗吹毛一斷不復續誓將決汝
曹廓清歸掌握不見大鯢來宣聖亦驅逐

却薦

嵒嵒山澤癯曾無輔世畧所好讀黃虞慕古微有託不
知謂我輩將以否民瘼折足當取譏撫心得無忤不合
識時人浮名自束縛千秋萬歲餘猶當奪其爵勿爲廟
中犧寧作雲中鵝文采一時新翺翔九霄樂

鹿耳詩集

卷一

三

廣後山居雜咏

雲海

島嶼海中山乘潮出復沒雲濤山外海瀕洞生髣髴不
辨爲蓬萊還疑近溟渤蒼茫象萬千銀蕩竦毛髮乾坤
返鴻濛白晝淹日月嘗聞黃山巔有此大奇崛臥遊昔
所思親見今何猝宛在水中央山靈興猶勃

峯魚

石峯千萬仞時有白雲封非雨亦非瀑晝夜滴淅淅望
之如有物心疑爲躍龍神魚忽墜落如葉委飄風依然
具鱗鬣投崖氣力雄隱隱見金色不與凡魚同安知非

龍種寄托此峯中有湫在其下逝矣莫能窮

山梁

兩崖聳如肩相去逾百步誰將一氣通石梁空裏布當
是巨靈神不干天地怒揮手補其缺留與世人度五丁
惜未經對之定驚怖下有萬仞淵蛟螭不可捕堅臥守
山門亦自致雲霧吁嘻乎危哉舉足生戰懼

鼎爐

王子本仙宗不聞治鉛汞列仙彼何人在此避塵冗猶
存鼎與爐拔地不爲動鼎豈百鍊鋼爐具三足聳古色
綠又紅奚啻壁而拱饒粥莫相汙芝木可供奉聊將永

鹿耳詩集

卷一

三

火調氣候出丹種神物能娛人愛之常手捧

芝菌

清淑萃巖窟精華吐芝菌發越在何年斑駁自含蘊根
蒂亦搖搖雙莖粘石笋世人重祿祥一見起恭謹草木
本尋常採擷供笑哂入山日以深奇異日以近不識有
谷神不死變玄牝即使遇五芝豈能瘳疾疢

石衣

峴巖亦冥頑渾樸何緣飾苔蘚遂成衣依附反相得雨
露漸涵濡霜雪潤顏色遠望若披蓑近觀如綴積蒼蒼
變爲黧歲久甚於墨自衛方益堅日炙不能蝕繫于患

消渴掬澗煮而食飄然幾欲仙衫袖生羽翼大都受輕
清足助騰身力

竹雞

前身出嶰谷愛米故爲雞朝朝山夜曉深叢不覺啼竹
老米更多宿食勝稗穉鳳鳥杳不至老死無分攜卵育
繁其族匹耦亦夫妻笑殺祝家翁孽息競時栖胡不繼
竹林山禽羣欲迷家山各異類斯物猶可齊

木癭

松皮作龍鱗松枝施女蘿貴賤無所分遠不召斧柯古
木生厥癭觀者輒詆訶盤紆兼菌蠹詆訶意則那謂爲

鹿臯詩集

卷一

三

萬乘器上以供尊犧吁嗟木之災華美反爲疴何如老
山間天年猶足多可笑馬廐背路人目駢駝木癭何異
此吾意其蹉跎

紅葉

萬壑盡飄丹山村揚烈焰經冬日益滋光華不自斂非
關白露侵良由青女染行人爲停車倦客倚嵯嶇愛此
麗而葩硃砂散萬點沙風從北來涼雨集有淪渥赭欲
然空絳雲豈能掩烟煥射雙眸已覺春花減

禽言

百鳥皆有言生前爲物化姑惡最分明啼聲尚驚詫快

哉提葫蘆寄興在杯竿行不得哥哥似嘲還似訝明朝
結箇巢綢繆真善暇鳳凰不如我羣禽俱在下架犁復
架犁勸農務耕稼不如歸去兮斯言寧有假聆此契予
心匪特綿蠻罷強解梅聖俞多言頻似借

兔窟

學書需兔毫拔毫不忍殺當其羅致時趨趨何狡猾一
窟傍荒畦一窟依草苗一窟逃其方出入恣奸黠遇犬
數乃窮不遇安窟穴前山有麝香弋人逐勇決戈鋌當
及身噬嚙亟自拔何如索象焚貪心亦太忍誠汝善閉
藏有口可長缺

鹿臯詩集

卷一

三

玉輝

空山夜有光發祥根巨石固知玉在中韞之匪朝夕所
幸世莫窺常恐遭霹靂雕琢壽永昌流傳良赫奕出世
損其真欲出方有責無淚若江河有足不爲覽美璞任
自然山鬼詎能索行將乞六丁呵護保無斲造物愛精
華在今猶在昔

鹿臯詩集卷一終

江湖閒吟卷二

五言古體詩

漳浦王 道直夫氏著

述懷

日居月諸駸駸斑白言念劬勞及茲輶軻慨焉
感懷紙畢遂多淵明有云今我不述後生何聞
哉賢哲自愛猶恒情爾

我生固始平依山尚棲遯夜夜石巖中啼聲千衆怨阿
母速掩口餘寇害稍遠提攜反舊廬岐嶷克餐飯王父
曾王父迭抱破窮悶人前指蓼莪我謂愜書鄉願匪我廼

鹿臯詩集

卷二

爲蒿莫挽九原恨

家居不近郭負郭竟無田筆舌資耕耨凶豐屬陳編嚴
親忽不祿焚焚勺象年母妹四十指拮据備晨飧王父
挈其領前途令勉旃低頭撫厚地仰首盼高天死生寧
足論痛楚絕人憐

蒔竹存有節滋蘭秋有蓀望子匪朝夕依依五弟昆雖
與陶令肯思勤難具言婦嫂頌一笑後屬諸孫學稼
能共早治蔬同灌園向心好紙筆又採貧賤涼雖經當
牧犢衣褐避高軒

柏生桃李間不花晚亦實嗟汝二三子同氣異顏色入

則列名卿蔡梁出則位邦伯藍鹿光華照四隣相繼歸

窀穸而我犬馬年差長頭始白窮達天所司寧敢計豐
嗇前身或爲樗不材老其力

策蹇謁皇都藍衫見

天子六堂千百人推爲天下士懷書出鳳樓作宰峯泖
里民梗課更嚴鬼蜮互爲市孤直迷其方白哲墜泥滓
一墜轉沉迷禍機從此始

有雉不高飛顛連入兔網虞人得之喜耿介一朝枉昔
爲文明雖今作鼎俎享志士不忍餐衝冠髮盡上不見
種甘瓠近井資井養蝮蛇出其旁螫帶瓠不長禍來豈

鹿臯詩集

卷二

二

有根斯理識可廣

平生不强顏茲膝况可屈張大長官威禮在罔敢拂臣
道昧死上罪實由隸卒執法滅見聞旁人得攻訐臣實
蝨其間俯首膺巨罰

章服不禦寒終朝况已禿殘臘高連屋寧可代薪炊上
農食九人八口尚懷飢分張各異縣惟此膝前兒學語
習吳音吳人辨不知棄官如可家久僑亦一支倘有陽
羨田南歸其遲遲

江天無豺虎匝地盡蚊蟲驅除力弗任青蠅又營營耳
目成疾疢何能去所憎紅蓼自奮發蓼蟲紛縱橫念茲

嗜酸辣作繭戀根莖移置蜜桃樹宛轉傷其生物以苦
爲性對之怡我情

樓頭夜讀書八窓通四野天地何茫然朝朝望來者蜀
日自升沉粵雪自高下亂吠誠有之見怪緣識寡寂寞
大江南居諸春又夏千里不唾井茲樓寧肯捨公愚谷
亦愚暫得我心寫

客從遠方來遺我大秦珠謂我貧至此良用佐區區捧
珠汗四出懷寶罪豈徒此爲萬乘器顧我亦匹夫欲賣
世無價欲獻世無塗載歸大海中波動羣龍趨雖非願
下取與之亦歡娛神物有顯晦人間焉可需

鹿臯詩集

卷二

三

孤蓬亦有根隨風轉天涯因風不復返當春根又芽人
生如浮查四海以爲家左手執干將右手提莫邪有仇
終不報有功焉肯誇自唱還自和奏雅別淫哇瑯琊大
道王時或入琵琶

大兒知我寒寄衣自燕薊三兒念我衰學醫投藥劑球
兒慰我愁書來隱其勸瑤子垂六齡認字日百計飲酒
還獨醒寤言猶獨寐如何淚滿膺萬斛太倉累鼠雀良
負予淹留歲復歲

哭母淚已枯被砍肱亦折放歸雖未還

主恩感獨切思報以賤軀欲塞黃河決石林久不平

决石所需赤手拈負土伐蘆柴終奏安瀾烈無籍誰可
通舉足恨羈縻跼蹐不能言中夜自嗚咽

白日舍我去不作魯陽回浮雲又蔽之陰陰暮景催智
者與時競色老心尚孩愚者寂無爲時去但與哀義和
有常馭羸縮令人猜黃楊獨阨閼脆木本無材所以貴
後彫霜雪不能災

天台有故人寄我萬年杖云是神仙遺出入莫去掌
麈不敢窺魑魅不敢仰果爾乃龍精乖龍焉得據於國
祝豐年於朝歌擊壤簞瓢挂其顛行行亦瀟爽倘遇河
上公或訝列仙長

鹿臯詩集

卷二

四

君子愛抱孫我孫遠萬里未知犀角豐已脫生來齒人
言隔山啼所愛獨兒子孫子本同情思之淚如水臨餐
徹其甘有餽留其旨莫致路迢迢如聞叫庚癸寄書閩
海陬聊作萬金擬髮白猶可梳鬚白鍾可恥他年王父
尸音容俱在爾

塵鏡不須磨猶能掩厥醜人心苟自知止水亦可剖僕
僕衣上塵出入易蒙垢人言休洗紅洗頻紅不有吾嘗
取太玄雖緇難自守大江沂門前清濁皆翕受日日浣
其汗江神不我咎

大風西北來芙蓉落江水本以朝暮姿榮枯一時起大

地方疾威摧折先彼美白頊處中流開謝付沱渚苻菜
在河洲采芼良有以托身貴得地利害無常理大風正
愁予作此芙蓉誄

枯藤絡高桐桐衰藤亦老以直故清疎用柔能自葆相
與遂同羣獨立風中懸我來輒摩挲敗葉自除掃問年
逾我強兄事入懷抱少陵四松儔令終心所禱其下石
丈高足備忘年好他日當繪圖別後圖可考

讀易無苦功大過遂爲叢觀象復玩占進退總蒙蒙人
事有生殺天時迭始終天人一以乖欲寡滋益攻今者
耳不順良由蔽厥聰一年揣一卦假年莫能窮先師尚

鹿臯詩集

卷二

五

三絕我輩罪在慵補過罪可祛羣聖啓其衷

士人呼我師庶人稱我母教養兩已虧聞之生媿忸士
庶前致辭公德深且厚下邑本疲繁振刷蔽厥醜成立
愛亦行豈徒碑在口倚茲八閩餘旦暮環童叟生男爲
我兒生女爲我有金俗小子必過繼不能拒也貴賤無所分朝朝致

牛酒受餽有何名曰爲長者壽

桃蟲在藩間倏忽變爲鵬衆鳥處其下大小有殊稱鳳
凰在九霄視此如蒼蠅大者固自大一出天下寧小者
固自小徒爲毛羽驚達人遺細故與世淡無爭有如龍
德隱可潛還可升

夙昔患羸弱常貽父母憂及老轉強健二人在冥幽但
知兒疾苦不知兒體適茲憂莫可釋負罪等山邱幸無
手足傷以爲虧辱羞奈何名不立世網觸愈尤摧肝更
泣血自覺此生偷

東園可十畝一半牡丹亭自我寄木榻荒草沒秋棚富
貴種已絕無根那有並回首謝主人興敗理相仍昔爲
金谷筵今爲飛鳥廳不見彼高岸翻爲谷與陵

十丈假山松五色山畔菊佳興屬深秋奇姿媚幽獨遙
憐三逕荒對之思愈酷宅邊雙荔奴亭亭車蓋覆何日
憇其陰拄頤面梁鹿更作三年淹定無一錐卓雲水千

鹿臯詩集

卷二

六

萬重可望不可縮

府帖催官租縣牒問官逋清晨聞剝啄雞遯狗亦徂悉
索莫爲應隱忍待追呼長安有故舊桑下無餓夫誰當
赴急難低徊類守株鰥官無足樂去官累在帑天長地
又濶我馬其踟躕

謀道猶未減光陰嗟已逝六十四年非一往不可治克
己若大師截斷爲利器寸鐵殺人方孳孳佩禮義苟能
去偏頗考祥在視履

庚桑亦人豪居處耽畏壘能使一時民被德致淳美治
化握其源張大徒爲爾作牧已懷慚撫古方自鄙不幸

踵孟明再用莫雪恥歸來鍵柴扉但稱極崖子

梅雨

密雨釀黃梅雨晴梅未熟寒燠變朝昏離離間青綠閨中少婦愁見梅眉已蹙摘食忌辛酸愁心酸更酷伐梅除其根梅時憶遠人無梅愁尚可心酸愁殺我

七哀

本韻語陽秋之數而以事屬之非擬陳王也

痛而哀撫桐杖也

窮居無斗升有祿不及養親亡祿亦隨陟屺又何望霜露歷歲年莫治牛眠墳哀至不欲生死殉更無狀柴毀覲視人行行撫桐杖非能節所哀歸葬不遺忘

鹿臯詩集

卷二

七

義而哀懷死友也

我生鮮兄弟獨賴出門功磨礪兼潤澤學術致稍豐匪敢役名勛出處曾不同悠悠數十載藍蔡宦不終謂藍太守蔡梁他齋歿牖下謂陳鹿坡殯園中謂李鱗蓋棺多不見金石歸虛空有淚滴天涯隨波到江東

感而哀獨學陋也

中歲頗好道有丞仕學慕兼優惟思敦踐履不敢事真搜性頑根又鈍龜勉力猶浮今者墜坑塹淹留江海陬請業日以衆爲師更有憂言行貴交慎何能去愆尤方知衛武詩提命爲良箴

怨而哀感世塗也

在險而運奇舉世莫不爾奇兵尚可摧奇心焉可擬有機必有事禍患曷能已德厚多不酬怨小報沒齒大都以勢言勢窮趨則止利與仁義間孟氏有明指三復石邱言民瘼貴治理

耳目聞見而哀傷水旱也

淹留大江南而有江北患河決石林隄流民鴻鴈散心憂方未平歟報閩中旱斗米不計錢十口糧何辦縣官飢溺懷漕儲賑如霰遐邇固周沾溪谷恐未遍一夫倘向隅枵腹亦思亂

鹿臯詩集

卷二

八

口歎而哀身被創也

孤直古所許特立世所擠龜勉赴事功不敢與人齊時逢阻抑前路俛昏迷彎弓射其左毒弩中其西無能逞勇決含忍抱酸悽章身非美服困辱在塗泥禍來當無根解結思佩觿

鼻酸而哀家分張也

雲散旋復聚海汭應時潮盈縮自天地人事何漂搖曰子無罪咎離居非一朝少者日以長老者日以消歲晏孰華子棲泊等浮藻歸來靡有定握粟卜而羶不忍南向坐望見故鄉遙

柬友

山高海外陰明月度前林形影不相屬孰爲勞我心竹竿何離離海水千萬尋西風何撼撼林木蕭蕭以森望君久不至托此商聲吟

題洗耳圖

不洗汙此耳洗之汙此水至人外形骸外言徒爾爾不入無所汙洗之將何以神堯不汙人許由不汙已誰爲述此言至今傳畫史

沈錫疇歿後其室猶餽米

井水無波瀾挹注有遺潤勝於望西江涸轍方坐困沈

鹿臯詩集

卷二

九

子固人豪婦亦閨中俊常時棗栗修珠玉更無吝嘉惠出精誠豈曰飲食餒歌以志終溫嬌貞有令聞

張薛渠歿經年矣其室貽古墨

田疇旣分張室廬亦頽墮鍵戶守圖書貞心勇而果古墨致雙丸良人曾許我足以拓前徽珍奇視瑣瑣真勝一丈夫女士名始可

得莊復齋觀察書却寄

南山有喬松結根本同岑上枝逼雲漢風起作龍吟下枝臨草澤日出徒成陰栽培天地德上下鬱以森後彫終不改老此霜雪心

彭城千餘里渺渺天一涯契濶三十載金石覺心遐

哉久與遠回首念丹霞聚散如夢寐窮達若風華盛年

各努力晚歲勵攸嘉岫雲有歸期攜手種山畬

硯北旣已荒梁鹿在九原

謂梁村鹿洲

死者不可作生者當

益敦之子真愛我喜我今尚存閒吟滯江湖曾無盜嫂

冤幽明兩不負思與達人論

龜手耐春寒開緘得雙鯉纔觸忽加餐相思終不已離

緒日以繁盛名方聒耳名實固可珍貢公有殊喜抖擻

竹皮冠願言當覲止四牡恐駢駢曰爲

天子使

鹿臯詩集

卷二

十

臯橋

傭春城市間高寄非小隱椎髻偃蹇餘齊眉見恭謹祇今問臯橋流風尚含醞吳中本名都霸圖俱泯泯臺苑有遺基聲華去已盡匹婦與匹夫長作人倫準方知漢代隆草莽賢哲蘊

甫里

江湖一散人風流自千古不爲世網羈抵在絕簪組茶竈享萬鍾竹竿敵萬戶家本近三江有里厥名甫我欲弔其墳蘭泉薦秋浦未拂衣上塵敢履高人士作詩寄遐心極目隨漁父

摘菜花

南鄰炙肥牛北垞燔豢豕薰臭徹里門厄窮敢是傲園
草媚初晴嘉蔬奮泥渾潤澤即膏腴宜於左右芻舍此
慕腥羶智同螻蟻好履豐衆所營食貧天所勞至味在
精華清疎具風操於陵與漢陰異趨亦同道南北萬鍾
家八珍不敢傲

東園雜興

蚤起

襖被覆羈愁惺惺到明發二人入我懷不寐若轆轤披
衣覽東方屋角抹殘月蟲飛漸薨薨蠢動及蛰蟄物情
鹿臯詩集卷二 七
俱向晨人事懼衰竭今者在泥中安寢宜自罰常恐忝
所生滯滯老吳越

授徒

師道久不立小學廢無存孜孜講明新初從入德門黠
者多畔去愚者尚知尊羣情重在華子惟培其根規條
準白鹿一一細討論未能引不發諄諄故有言庶幾敦
學半以爲吾黨藩

閒行

一杖入莽蒼烟深露猶濕步履若迷方逢人聊小立老
農挈兒孫遙向前尹揖行野見古風王化被下邑還爲

雞黍邀不從繼以泣猶憶在官時小惠曾未及進食矢
慙慙泥飲終悒悒佳話播江村所至供奉急

勞農

草舍在中田日與塗沾處立談契夙心蓑笠亦軒舉須
臾儘滿筐續紛諸亞旅旨否莫能嘗曾孫在何許願言
風雨和多稔又多黍百室婦子寧豐穰天所予與世淡
無爭公侯應美汝

江村偶紀

截流

高竿插兩涯施罟截中流小魚受羅籠大魚跋扈游朝

鹿臯詩集

卷二

七

朝不能竭方知物產優聖王戒盡取厲禁爲餘留漁人
以湖田魚多亦有秋輸租數率土富庶江海陬

野渡

臨河方待濟未濟故爭喧前人與後人肩摩來源源柳
陰什伯憇漁磯三五蹲風潮無有阻急趨在黃昏歸鴻
戀其侶陣陣投荒村萬物皆向晦吾亦望衡門

蒙館

何處聞書聲村孤室亦陋八九諸小生開卷從句讀先
生居上頭揖客忘左右進退昧所從曷以升俊秀戒汝
恒爲農學儒卽誤謬識字記姓名渾朴保無疚客本宏

博儻迷途悔莫救

小市

比閭聚如城日中列小肆水酒常醇醪蝦菜卽甘脆得過乃遺安節用始不匱不見五都人富難貧亦易區區通有無猶存耕鑿意逐末豈在多市隍古所治

墓田

親在水中央毋乃同委壑旣樹又已封依然馬鬣薄慈孫孝子心詎不共圖度奈此江海孺青山不近郭却怪火其棺隨風散村落惟孤尚有邱報本物亦各

野廟

鹿皇詩集

卷二

七

匝地多淫祠草木皆爲祟時有魍魎變見形令人悸立廟薦馨香大都由此類泰伯與延陵應祀反廢棄社公固其宜報賽非爲媚若茲金碧塲亟毀充種地

燒香

月維三與八林在東與西山門一以闢佞佛志何齊老少日奔波男女相提攜稽首隨厥角遇雨曳新泥泥車及瓦狗金錢棄如糞種福豈有用莫解此羣迷

鼓吹

吉凶有殊禮江村皆用樂不辨爲婚喪簫管雜歌哭頽波那可追奢侈已成俗禮失於野求斯言未爲焉安得

西門令厲禁堅約束去泰爲救時大聲告民牧

開汊

無處不臨流通塞隨水道惜無遂人營嬰以泥淤告歲歲請開渠小官肆其暴履畝勒金錢嚙嚙如虎虓揮鍤竟何裨莫備旱與澇

催租

張牙入村呼奮爪向人攘疾言急王供袖裏銀鎗響雞犬紛叫號搜括若羅網酒肉糜不貲舉家意惘惘牽牽入城來鋪堂首刑杖縣官方坐堂堂高不得上

傳訛

鹿皇詩集

卷二

六

孤村滅聞見異言輒爭譁非災亦非祥聚訟相咨嗟朝野本一氣庶人識何加方今大有道含鼓樂無涯但當順帝則俯仰見勳華好異昔所戒象魏懸官衙

拳毒

東家挺老拳西鄰伸毒手詬誶豈在多數小爲難首議戰更議和出自莠民口武斷遂紛紛連朝事牛酒酒竭氣亦平誓不相擊培好關有夙根頽風何日厚

講約

昔有鄉大夫覺民如木鐸今茲教不明讀法變講約家喻豈能敷司講翻悔怍窮鄉見未曾物色取驚愕爭爲

看官來法語等糟粕王者必世仁先師言甚廓安得學道人禮讓施救藥

廣述懷

母難日作

行年六十六乙丑已重過

三朝耆舊輩黃髮半皆皤我生固羸弱賴飲太平和盛年志四方垂老滯江河壯心無復存徒爲歲月磨明發長有懷不寐當如何

朝見慈烏飛暮見慈烏宿母子不相離亦各依其族吾父在九京吾母尚風木哀來杖莫扶無分桐與竹梁山鎮天南何由卜林麓所願惟奮飛長歌聊當哭

鹿臯詩集

卷二

五

宦遊非徙宅詎曰忘其妻竭來倘相見應笑烹伏雌平生好讀易家人乃次睽離居固常事念之未酸悽嗟爾顧彥先贈答不勝題發情止禮義古訓重提撕去年白數髯今年落一齒飄飄數百輩不自還可耻斷斷三十三動搖猶有址歲以爲期漸落可三紀母爲韋仲將方當廢筆紙母爲韓昌黎翻餉徹廿旨我心信在天我身代與子形骸如浮漚流愁水中沍學射能挽強力衰如弩末猶恐遭發機當躬不自脫有妹非弟昆畏見河唇葛有糧亦宿春往往蹈飢渴六十五年非浣滌方剔刮白哲其庶幾豈不在勇決

我思在保陽愛我惟高叟

謂制軍高東軒先生

迢遙萬里餘千金

一垂手遂使八年羈一朝破械枉殺身報豈徒輕身未

敢苟俠烈亦人豪以德庶不朽受施方畏人祇恐此顏

厚命駕亟驅車曰爲長者壽

東園桂有林大小俱無蠹桠葉綴疎枝特秀干霜露其下樂婆娑相依終旦暮辛夷早飄零崇蘭亦先吐秋風動客心躑躅歌行路念茲久滯淫沉吟爲君故

汀南方苦水直北又愁旱宮中

聖人憂賑飢逾億萬水利正經營我任兼我輦大兒籍始通奔走不顧阡民社責匪輕勤勞補其短厥父不能

鹿臯詩集

卷二

六

菑播穫實瞻轡晚歲見良田亦云萬金產

浮雲在東南掠我望中舒忽聚又忽散出岫歸太虛三

色令人喜五色令史書三五本無心中寧久居人生

亦有涯豈不念吾盧達者觀物我悠然賦遂初

白圭不辭玷尺璧實藏瑕至寶有殊質現異在光華瑕

玷安足恤昧者徒歎嗟勝基用敗局取臂不用遐由來

重蓋愆暮景返春花

一裘羈非鷄一笠敗若籜冬春不改容賓來猶赤腳廢

棄萬事慵還愁有乖錯密邇冠蓋場行行前且却坑塹

出坦途傾跌靡有藥寧懷數月憂俯仰無愧怍

黑鳥非不祥白鵲亦非喜結巢在園林有似共鄰里
啞枝上啼紛紛穀中子禍福本無門彈射從茲起兒童
莫近前一彈繫生死無患又無爭忘機爲至理

曾被射工傷不敢遊上洋此物何處少上洋毒更强當
年偶失足今日戒迷方勿以弓矢圖勿以口舌張遠害
守邊幅庶幾受祿祥

大兒寄生地三兒煮河車良藥挽吾衰子職又何加但
常不近女亦勿辭流霞日食百五錢梁頭挂畫叉東坡
真解人此法良足誇

教子務本根力田惟孝弟四兒愛立名欲以奇文市

鹿臯詩集

卷二

七

否真未知名實貴一致天人亦何奇三策絕純粹不學

董江都乃爲軋茁嗜名細實亦虧好奇反爲累作書當

過庭諄諄認此意

膏粱無風緣鹽齏有真味闢畦種閩蔬土壤乘春氣拔

草去其根汲泉俟其沸以灌以誅鋤鮮新醒腸胃人言

五侯鯖嘉肴爲最貴不知士大夫曾嘗此蔬未

吾老嗜讀書殘年多識字不作趨世文遂遂博高第歐

陽好手鈔卷首自題記舉子獵其詞吾乃取其意

語卽此是良師經術致平治心口相繫維三復不能置

昔有曹景宗亦有楊越公龐參生意氣直爲武人雄出

口談仁義舉足近妖兒文人成鬼蜮曷若佩刀弓取友
不擇品何如好畫龍古來奇傑士強半在農工

畫龍在中堂神龍在雲端不見徒擬議高飛及屈蟠九
峯雙翠鳥野老詫文鸞走報傾城邑稱瑞衆聲躍龍鳳
自希出徒爲世所歡苟非擅博物識真良亦難

湖估滿船書漁媪柳貫魚二者可得兼心口樂只且稨
子啓柴門招徠價未除採藥但羞蒞塵有一錢儲我本
鄴架蠹生涯托五車謂書猶自飽謂魚名亦虛下士枵

然笑朝朝爲會醪

上塘一尊酒下塘一豚蹄弟子重再拜草堂聊可躋中

鹿臯詩集

卷二

太

作強解事頌禱且分題先師有遺訓吾道猶醯雞何敢

不自量覲此面目鰲相與發胡盧酩酊拚如泥

茶苦視若齋蔗長甘在末冷暖心自知知通濟飢渴食

蔗受怡愉茹茶獨超脫世味勵英賢小者不能奪志大

爲良模豈不在密察

春寒桃李遲三月亦燦爛陽氣重發生敷天萬物煥我

本爲物靈稟此清和旦三皇世如春乘運仁風扇竊比

古之愚無能附狂狷上世多老人耆英又何美

兒曹王事勞日不遑將父爲國方致身事父還可補我

亦念君親其如解厥組未了屬後生弟兄相接武何處

非庭闈離散當復聚在天不在人惇行致篤祐

阿清歲有九十載當爲命得孫爲我會羣季未有涯種
松作龍鱗蔣竹出龍牙春秋皆勝日行地卽仙槎何必
合青蓮滄溟是我家

王父曾王父相繼皆期頤家傳方竹杖正直刻銘詞今
我望於國遵道行遲遲餘澤承在手恭敬重執持或云
恭則壽竹杖具威儀列祖啓我心小子飭未知他年倘
旣耄祖德能述之

腐鼠歎

忍渴過盜泉懷飢食薇蕨飢渴繫死生不忍墜顛蹶

鹿臯詩集

卷二

九

鳳翔九霄鳴鵠恣饕餮在上視益高迴與泥塗絕在下
獨徬徨猶恐事爭奪不嚇動機心嚇之乃汗巖腐鼠何
地無鳳德表奇節詠志爲此歌庶幾勵賢哲

春暮偶書

歲月蹉跎去日苦多對此艷陽何以行樂夫風

浴詠歸狂者之志尚已瞻言童冠渺焉寡儔我

歌且謠聊以自嘲有繼其聲者亦空谷之音也

荏苒閱居諸朝暉媚潁江南春色佳強半在烟景萬
物自得時發揚生意挺感此重咨嗟可樂非吾境榆柳
火又更暮年方警省

春分尚無雷時雨差朦朧耕種事猶賒鰲龍奈困伏皇
天固疾威南山有時覺始殷繼且轟羣動解約束煦煦
去所憎欣欣聚所欲

晏坐獵陳編終朝無客至豈不念我孤乃靳枉駕惠門
前蔓草生無須苦竹簟風靜落花深園晴鳩婦醉依依
伴索居日長方假寐

盡日望家書開緘覺心悸未知生死情先猜飢餓意
急乃無衣大布莫爲寄無衣可負暄無食當出涕聊分
鬻字錢計口營糗糒得過夏秋來幽燕救援至

故人萬里餘許我金百鎰迢遞未來茲翹首日復日相

鹿臯詩集

卷二

十

期三月晦今已二十七句大債爲官逋小債償紙筆平
生慕幼安揮鋤猶自律急難需解圍於卜得習吉過此
淡無營有如烟嫁畢

觀書得未曾臨餐有滋味兒子亦能文味長心更慰
瓊爲蠹窠短褐達春氣沐浴日月月中焉知人所貴天運
在自然清閒天所乞

噉噉頭上雪歷亂無冬春微微面上赭聚散爲醴醇興
來強爲歡老去率其真有有不買鱸有蔬不採蓴一飽
亦易足至味屬苦辛食梅常苦酸潤澤口中津愚者欲
適口相與乞諸鄰

鄰兒晝夜啼飢來爲索食欲止更無方授餐庶可息顧
此一盂粥孫子遠莫得惻隱不能伸何敢張德色方知
千萬間不及一簞力無補但空言閉戶憫飢溺

終日陰而風有似莊公暴匿跡掩重門焚香供酒掃舍
南迎社公舍北籌水漕入耳雖恥紛時務從所好倦來
常獨醒詩成還自犒喜不近庖廚無方觀煬竈

厭事覺吾衰強健謝黃犢今春霜雪多不受寒威酷
手藥錢微題扇老媼促牀頭十日糧食盡當辟穀神仙
亦何奇所欣地可縮濯足與振衣指揮在梁鹿

謂梁山鹿水

朝來退夾衣家人笑露肘幸無顯者來交接惟隣叟

鹿阜詩集

卷二

三

月披裘翁見金微所守遂令公子驚受暑事豈偶春去
已堂堂我獨享微帶陽羨倘可耕應從沮溺耦

讀郭弘農遊仙詩

當塗阮陽九弘農懷出世飄然棄市朝山林得高位深
識邁等倫逍遙有真意茲詩特駕言不發神仙義肯受
符籙詎更染鉛汞氣大都類阮公托酒好沉醉寧若魏
伯陽枉著參同契

鴈奴

生來重匹耦無匹卽爲奴飛則尾羣翔宿則衛羣雛更
轉劃然鳴響如軍中枹防疎衆共擊辱若軍中俘甘心

事同儕老死義不渝紛紛娶後婦僕僕棄前夫有覩面
目者何當視此奴

雉媒

何時棄其族此日致生禽招邀更善誘斷續爲雉音雄
者遠來關雌者思煽淫遂使艾如張雌雄一網擒無獲
滯樊籠既獲不歸林惜以耿介性化作凶險心因人坐
鴈犬文明驚且陰

搏黍也黃鵠

詩人歌睨睨征人觀熠燿聲色足怡情禽中獨佳妙春
寒柳上藏日暖桑畦照山家黍熟時戴顓藉吟嘯斗酒

鹿阜詩集

卷二

三

及雙柑提攜助詩料無須聽釣輶遠出黃陵廟

春鋤

漠漠下雲間平疇水一灣特立伴耦耕沮溺去復還素
絲真不染拳足自閒閒有魚聊俯啄無魚但仰看何似
信天翁得失了不關冥鴻爲避弋野鳥怯弓彎惟汝靡
爭患孤高性獨完

賦得潛鱗有飢蛟掉尾取渴虎

東坡記惠州事之句

飢渴繫死生貪生不顧死有虎渴臨淵負隅下潭溪有
蛟視如豚磨牙兼礪齒曳之水中央攀絡卷其尾皮肉
爲腹腴浮沉皆骨髓平生莫敢撓倏忽比螻螳剛惡有

時窮柔惡靡所底得失勢使然強弱乃常理蛟倘入
林虎亦雪其耻相報無終期機來有伏倚飲水本無辜
食肉得殊喜周處方怫然盡殺庶乃止

竹爬背

寒來利用曝曬時不須澡一節含風倚徑尺如箭筈刻
劃作鋤形伸手自揮掃輕重兼疾徐條然去煩惱僮僕
俱等閒何況婢與媪枕流致其清漱石礪其老此亦君
子風不侈麻姑爪

望嫁女三章時有求遷官而未得者王子作此詩

也

鹿車詩集

卷二

三

金爲頭上釵珠作耳中璫衿悅亦已備良時不得將夫
壻始扶床
衣裾不覺短裙帶不加長曾無父母命媒妁枉思量夫
壻在遼陽
修眉不覺短皓齒亦加長妾身未分明無處拜姑嫜夫
壻又他鄉

移居詩

丁巳去官僑厝西里氏已未徙東園愛其地偏
淹七稔爲居停雷氏所促遷蘭玉堂堂本陳氏
質庫毀餘八九間不敵風雨稠疊洒掃糜金錢

十千精力大耗念歸籍未能就養未果感而有
賦寄示珍兒兼邑子族子舊雨惟莊復齋觀察
淮徐非遠不以相聞出處殊轍爾

松竹自有林何忍辭喬木秋深風雨多一枝非所托西
顧蘭玉堂爽塏異幽谷舊有好樓居傾頽不可築強半
爲市廛聊以備饘粥雖無素心人亦具一邱壑
一身爲孤舟十載繫洙水今朝纔乍移乘潮載行李前
艙數篋書後艙數升米送我返自涯迎我又同里入室
遂歌謠穉兒與嬌女我亦顧而欣可仕還可止

鹿車詩集

卷二

四

生頻履卽共目爲西園所嗟無隙地爲圃折柳樊買薪
日不給買菜日以煩何時舍此去屯種漳南村
我思在丹霞荒蕪故山畝夷猶不得返爲愛叢桂花東
園五十樹今此見杈枒少陵有言曰獨樹老夫家僑居
非我有落葉快梳爬涼秋八九月采采興亦奢何必頌
甘棠剪伐其無加
我思在保陽兒曹祿可養念茲通籍初百端屬草創晨
昏旨與甘拮据何所餉况我子職虧反作阿爺狀飲食
亦懷慚恐益素餐謗教子惟致身事君在親上天運倘
相從老夫速歸葬

漁媪遠相尋四腮方潑潑紫蟹豐且饒畧可佐麤糲雙
彫厭我貧竭來復跳脫不顧主人恩甘爲飢餓活諒非
黃耳儔更非短喙獨何以守重門時平不閉閤

閒來好倚閤徒招路人目猶有嚴舊官趨前一俯伏慰
勞赤子情慚子衆母鞠憶昔朱使君眷戀桐鄉俗緊欲
踵前徽漫云蓬廬宿揮琴操倚蘭無田可種玉長歌歸
去來悠然見梁鹿

讀陳恭尹詩

父爲大司馬子爲羽林兒大運阨陽九父死子何之不
登首陽山不采商山芝歌哭動天地吁嗟歎命衰伊誰

鹿臯詩集

卷二

五

速我獄謠極良可悲三復獄中篇慷慨不卑卑維彼蒲
衣子目君詩人詩王風起哀怨可續黍離離

空梁落燕泥

燕燕有情禽一飛一回顧所以動離思莊姜送歸路空
梁落燕泥卑卑寒儉句沉吟致殺身詩人盡驚怖豈有
天下君而爲章句如唐虞貴賤世主多謬誤隋室滅
亦宜但爲狹隘成

兩頭纖纖戲贈新婚者

離離枝上青纍纍盤中果蔡司門云兩頭消渴去沉痾
纖纖卽青果也微酸甘亦頗既醉當解醒未醉口皆可投核炬中然吐

出蘭花火蘭花有異香並頭開朵朵一照巧笑瑳一照
佩玉儺

崆峒問道圖

治道與仙學由來事不同黃帝尚清淨爲治有仙風所
以契廣成其言匪至公形神不勞搖思慮不相通塊然
養此身平治有何功刪書自二典道統惟一中萬古莫
能易三代猶能從祖龍遺入海武皇拜竹宮是皆賢智
過有初靡有終告汝後世人大道本中庸

珍兒判涿州

涿鹿臨大河繁難領其半民社無所分宣防在泮岸有

鹿臯詩集

卷二

美

車匪高軒無馬騎款段牧伯爲長官安瀾亦云贊勳業
本難期欲以勤勞冠發軔始王畿名實悲考按知汝捧
檄情爲我加餐飯

春日蘭玉堂遲所思不至用柳州雨後獨至愚

溪高樹臨清池風驚夜來雨爲韻

長檠燒絳蠟膏火自煎熬望客轉蕭條何以散鬱陶相
思一夜雨浥彼園中桃枝枝初破綻紅白低以高開筵
傍嘉卉艷色映醇醪

春江蕩淥波洄溯春申渚蒹葭猶未生道阻水中趣遙
望白雲鄉莫知君子寓嘉辰展良遊相思不相遇日暮

烏鵲歸飛滿江樹

新晴未出戶遲日晚來陰白駒在何處躊躇未一臨好
鳥嚶其鳴簷外有清音矧伊君子侶寧不懷盍簪揮手
操圯橋聊云托素琴

塵居閉湫隘孤坐有餘清日出暴其背稚子娛前榮竹
馬號且呼導客遠行行客來應煮茗碧乳流玉英不來
聊當酌不醉長獨醒

大道渺無岐守玄任素絲窮通本一致賢哲豈差池昔
人嗟已逝同心今在茲黽勉谷風詠遲回明月詩我唱
子其和兩地聽埤篴

鹿臯詩集

卷二

七

不忍讀離騷還來誦國風舟子漫相招山鬼枉相從日
長多夢寐曾不類姬公倦後輒懷人有如噴與鬻鳳鳥
久不至此地無梧桐

美人在雲端髣髴爲目成諒君亦見之含睇兩不驚精
誠寧用剖白日起雷霆所思獨不見杳杳降青冥匣中
有龍劍常作雌雄鳴

明明與子期五日豈虛假千里弗爲遙况乃同傳舍愁
來神不王去聲恨深氣已霸室邇人故遐唐棣華之下白
日何沉沉三星照殘夜

四郊皆水鄉登高又無臺極目但浮雲思君有餘哀予

美爲誰併雞鳴風雨來慰此泥塗辱幽蘭拔草萊斗酒
藏已久何當試一杯

思君欲奮飛剪刷少毛羽渺渺莫能來迢迢不知處剪
紙強招魂風吹江上雨遲暮抱幽憂歛懷復澄瀟賁然
食我場遇之在旦暮

立春賓至

今日設春盤而無細生菜雨雪初霽塗寧敢招絃佩陶
謝爲古徒籍湜乃吾輩入座脫岑牟陰雲開黻黼木鐸
持作瓢輪囷非玳瑁魚鱉雜作肴匪能備鱗介有客善
藏鈞分曹決勝敗稚子亦張軍元戎出小隊絕勝醉紅

鹿臯詩集

卷二

七

裙夜關戰未退

瑤兒上學

焚香告聖人此是不才子傑黠類聰明頑鈍實無比方
當就傳年訓詰費唇齒大學猶未通詩禮何敢始循序
以致精願學趨庭鯉吾老無所貽惟有殘筆紙勉追
乃兄亦覺欣欣喜善後務在勤矯輕務在恥區區抱此
心小子昧臧否

羊裘

匪狐亦蒙戎披背簷前曬依稀晏子風歷年猶未壞冒
雪出長安禦寒滯江介無復五紵蹤但覺素絲敗家食

方委蛇何必自公退大兒寄褐衣寬博畧可愛爲父勝
子衣覩顏聊一快

雷翠庭銀臺蘭澤齋題詞

蘭爲乃祖所遺

青青徂徠松鬱鬱新甫柏遙映山之阿蔭此高士宅鍵
戶養其貞修齡介於石令德致芳芬幽蘭手自植蘭葉
何猗猗蘭根何籍籍在室與在堂香郁紛辟易流風啓
後人曰爲君子澤

蕭艾滿中原芟除莫嚮邇凡卉塞園林揮斥莫近止維
茲空谷中紫莖抱殊軌位置擇磁盆挹注覓泉水雨露
自春秋皇天愛彼美養足顏遂豐苞含千萬蕊有子常

鹿臯詩集

卷二

三

過庭聞香方色喜有孫時見孫詒謀自今始一春復一
秋發榮長若此

架上有遺書庭中有瑞蘭雖無老成人典型同一看築
我讀書堂遺我以蘭安晨昏勒保護霜雪不能干開時
慎勿剪將落慎勿彈優游得其性奕世猶簇攢上以尊
王者下以索古歡有此家自肥生生衍且繁

羣葩戒早發素植重餘榮當其初種時像大兆豐亨仁
義爲本根道德爲精英紹聞今在茲華實有令名山中
盛藻采天下播厥聲山中肯堂構天下底厥寧斯齋卽
廣廈斯蘭爲國楨衆庶依喬木有功在治平未躋蘭澤

齋先爲蘭澤銘玩物匪所尚祖德述歌賡

南璞三十

昔人方有室今汝未添丁左右能就養子職已克勝離
家將八稔分張亦可矜江干逢母難焚香告青冥願得
雙親壽堂上見孫曾南望拜祖妣北望拜椿庭有焚香
等夙興兼夜寐豈曰忝所生慙教弱弟黽勉事長兄
孝友天當佑福祿看來成

送沈歸愚閣學假歸

出宰山水鄉逢君在侍從騎驢到京華又遇鳴騶控

天子惜公歸天章雨露重拜手叶歌賡塗改蒸民領車

鹿臯詩集

卷二

三

馬滿畿郊二疏同一送君興寄林泉綸扉應入夢君簡
協帝心謨猷當盡用虛左待名賢聞望已殊衆去時鯉
魚風披拂江南葑來時梧桐華朝陽見翺鳳定以采風
詩包匭螭頭貢

至尊坐承明都俞喜色動慎勿戀邱園明月自嘲弄

顏風

初起自蘋末倏忽變爲顏黃沙塞天地不辨塵與埃魑
魅盡迷人荒城東南隈恐懼獨在子豈有安樂懷翹首
叫閭閻蚩尤迺罪魁誅殛其無從狂蕩復成羶何時見
霽色清寧振八垓

對吏

下車問土風升堂辨因革次第未一施羣吏伺顏色黠
若蒼鼠窺鷄如鷹隼擊平生重川膽不覺深自匿匪敢
事詭隨直恐爲彼得政體不可處謬誤重自責若受吏
人愚負咎寧有極貴猛不貴寬庶幾極反側不然同室
居對面爲盜賊所失莫能償補救終何益

病脾

晝夜怒如飢當餐欲投七十六大馬年何以延暮齒憶
昔蔡與藍謂梁村鹿洲就予共糠粃甕開新鼓桃井汲清泠
水一飽三十秋不羨梁肉美二子氣如虹精神實倍莖

鹿臯詩集

卷二

三

皇天老眼昏遂令相繼死繫予獨生存白晢落泥滓枯
腸耐冰霜愁心甚畏壘飢渴已乖方在陳缺甘旨二子
念艱難當示衛生理大招夢中魂消此隔年瘡數倘未
終窮强健今伊始

操舟賣書

有客自姑蘇操舟到江許舟中列蠹編典籍俱稱古繫
纜深柳陰寄托漁鱸戶清晨來叩門請作風騷主上溯
墳索邱下迄羣芳譜大小千萬言攷義兼按部客言本
非夸但恐聞者怒方今崇制科明經重八股簡練爲揣
摩簪裾擔印組爲雲得攀龍爲風得從虎通顯匹夔臯

吾君卽舜禹詎必侈書厨獺祭終何補我昔嗜藏書頗
喫三冬苦裘敝不當衣糧絕不入釜白頭老儒冠事業
莽且鹵鬼闕高明家文窮賢達伍良由誤在書悔不事
農圃嗟客亦昧時行貨過黃浦收業是良圖張理破膠
柱估客大胡盧返棹蹈且舞

璞兒爲變產之行

城南十畝田城北半畝宅拮据自辛勤良由尺寸積昔
爲菽水資遠遊供朝夕營祿以事親親亡祿亦革公私
待補苴瘡孔逾千百在官但飲水去官更嚙藥悠悠路
旁人肥瘠不相識念此田宅微莫抵滄海隙棄去家無

鹿臯詩集

卷二

三

依不去身轉逼六月方棲棲時事一何棘航海需好風
歸來信健翮爰解倒懸艱庶脫水火阨危爲安所基逸
乃勞中得竭力報吾君曰盡臣子職

題野人家

軒亭弄林影返照觀晴霞乾坤開晚景來集田野家門
前通海水水淺長魚蝦盟漱或垂釣送客惟及涯園塍
不種竹植栗紫苦瓜養雞莫養雄不闢亦無譁飼牛但
耕地毋勞駕役車熙熙上皇民擊壤又何加却笑武陵
人問棹尋桃花

落梅

無風猶自標誰肯復傾僅時過真可惜人情何太涼
見常拾襲寄與稚子嘗辛酸一氣通入口常不忘楊梅
方待熟桃李已爭香薦新讓豪家飢渴忍中腸蔗境後
乃甘何如俟蔗漿

田中雷

疾雷起田間火在水中剖阡陌俱燒枯不論苗與莠修
蛇十丈餘劈死猶蚋蟻爪角雖未形鱗鬣雜紅黝此物
若成蛟邦人爲魚石雷公仗天威亦須擊其首生殺有
大權乾坤無所苟

江荳

鹿臯詩集

卷二

七

離離青衫帶顆顆綠真珠來自野人家供我棄官廚大
魚厭腥臊肥肉怯豐腴惟此甘且脆入口覺清疎酸鹽
適時用不與八珍俱有如白戰手寸鐵無所需老病不
恃藥食淡爲良圖晨昏但盈把聊以度江湖

討碩鼠

厠鼠有此穢倉鼠無此肥盤踞在田間苗黍日已稀不
念種者艱不恤穫者飢三歲方貫女一朝合重圍障水
灌其穴揚火薰其扉刀鎗伏廣陌弓矢張曲畸一出一
礮殺奔竄紛如飛畢命起俄頃雖竄無所歸此邦本樂
國爲女久歔歔旣已服其辜亦復受厥譴詩人但永號

未伸討賊威應須反乎爾隱忍避者非

示南球

寅年未及肩午歲已勝衣趨庭昧詩禮學殖何能微我
爲捧檄出結念奉慈闈祗今多謬誤滿目紛是非對汝
抱孤孽慈孝兩相違艱危如不死有日常解圍負薪當
早起鋤園或晚歸自給饘與粥寧論災與禍內美重修
能籍籍看家肥

早起

野曠百蟲飛天明羣動作紅輪海上升精光射簾箔披
衣坐垂堂愛此清寧廓門前潮水生行舟已爭泊延佇

鹿臯詩集

卷二

七

望所思揚帆天際落五日以爲期六日已過昨漸衰楊
柳條益展芙蓉萼新霜感客心飄搖何所托

苗勃然

龜坼赤如焚不分苗與莠崇朝雨沛然懷新競先後天
地憫人心施此回生手膏澤在須臾謳歌均所受東南
億萬家貧富從中剖賦稅縱靡靡饑饉亦常有輕賦重
生靈聖德何廣厚自天宜降康時雨豈爲偶

秋曉

殘雨生夜涼吟蟲催漏盡一枕夢羲皇先民爲導引風
景若三春和氣滿畦畛老少不相猜鋤耰靜戈盾四海

屢豐年雞犬亦養蠶帝力歸虛空寧復知解慍汗漫幾
忘歸華胥渾遠近喜鵲自西來任噪聲轉緊叫破如醉
醒元酒猶在吻

南璞舟至廈門有信

去國日以遙離家日以邇行李濕烟波猶帶金山水矯
首挹梓桑鄉音已盈耳鹿溪遠域流梁峯當戶峙爲我
問山川離別何時已禍重福乃輕艱虞及子女今朝得
赤蹕聊作萬金紙買棹亟歸來我病遽然起

哭桂

不向月中華偏落人間植古幹飽新霜旁枝挺孤特身

鹿臯詩集

卷二

五

大花益繁秋老江南色隣人突決焚欲救嗟無力金粟
一時災馨香觸邦域蘋蓼與芙蓉大笑生讒慝謂當水
中居不合躡人跡旣爲衆所欣應爲火所尅老桂默無
言我淚已沾臆可惜舟楫材揚灰真屈抑倘作焦尾桐
中郎抱拱壁今我不平鳴淚盡終何益擬欲搗魚胞學
製諸奚墨猶勝萬山松落紙雲烟黑

偶述

飛鵲自南來啼鴉從北去悲喜一時并悠悠動遠慮秋
風逐塞鴻翱翔南北翥知我有故鄉迢遞邈何處知我
有故人音信不一語念此久離居臨餐焉得飢徘徊恨

窮陰輾轉難達曙誰能棄於懷直作粘泥絮

江干廢園

蒼蒼水竹居百步具邱壑玲瓏小洞天不知何代鑿料
想經營初十世猶當拓不暇爲瓦棺不朽造石柳劫火
有時灰積金亦遭鑠矧此戰伐場濱海風潮惡潮怒嚙
其基風狂撼其壁一春復一秋今朝不如昨我來漫徘徊
主人不可作天陰水鶴歸細雨芙蓉落惜無買山錢
更理臺亭閣近爲期月歡遠作三載泊何地無江山獨
棲聊取樂

行囊羞澁尚有乞米者

鹿臯詩集

卷二

美

我已被飢驅逢子亦買買何處謝嗟來不妨蒙袂就平
生洽比心豈在萬石富一錢猶可分如割儿上肉新穀
漸登塲無能學饒飈快哉田舍翁春酒介眉壽欲干監
河侯未往眉先皺誰能俟西江挹取潤何恆

買藥

頽齡氣力微飲食翻作惡命藥首人獲無奈賈人酷昔
我遊京華結交晉公族餽致閤重兩啓視如柴束迢遞
奉老親不自充口腹親歿物亦空遺體恐虧辱願言從
故人吉林掘上木丹鼎沸香泉洗此腸胃

鹿臯詩集卷二終

江湖閒吟卷三

五言古體詩

漳浦王

道直夫

氏著

有會而作

宦海沉淪莫返邦族明發有懷詩以志感題本

徵君非敢擬陶

孤兒無父母有孫亦有兒一氣相聯屬無非父母遺血
氣日以衰二八曷能知平生飭操履履虎不忘危哀來
聊記述援筆涕漣漣

十五尚無志何能讀父書三十猶無聞婚親日倚閭所

鹿鼎詩集

卷三

好惟雕蟲樂與長者居道未見端倪藝已播虛譽日月
忽不留莫返此居諸

解組爲歸田有田不獲歸將母已無日夜夜夢庭闈未

飢益我食未寒添我衣顧此罔極恩醒後尚依依狸首

飽淒風卜兆願有違遙看原上草猶自戀春暉

不敢輕訕上諂瀆其何能於時有母在戰戰復兢兢良

恐墜且陷莫脫淵與冰艱難幸不死雖老猶人形他年

得全歸空嗟枉此生

此生如蠅屈何處可求伸遮藏無介冑奮發靡馨芬辱

在泥塗間困頓豈有神猶勝螳螂臂怒以當車輪刀錫

與斧鉞幸不及其身

雲端十六龍一龍墜江江須臾亦上昇潛見有如此昔
爲貴人矜今非十室宰昔爲貴人矜今爲賤者鄙自非
孔顏模可行誰可止

盛年不自檢暮齒乃知非謀道不謀食豈不在德輝鳳
凰遊雲霄翱翔無渴飢虎兇率曠野猝然遇重圍萬物
各乘時君子慎先幾噬嗑得卦繇其機亦已微

縣官詔蠲租羈旅無公田縣官例封典錫職有前愆豈
不負湛恩徒增犬馬年千金脫重累一杖托神仙采薪
兼賣藥歸臥白雲天

鹿鼎詩集

卷三

二

終年不夜遊恐逢瀟陵尉白日亦閉門射工尤可畏有
客叩柴荆載酒醒腸胃我字本無奇曷爲問者慰愛此
授餐情助我寬閒味一飲輒陶然日高興猶未

駿馬尚可羈去日苦難追平生貴快意失路在臨歧轉

蓬霄壤間頽風西北吹何處爲故土瞻望涕沾衣揮涕

達申江遠溯漳水湄

天邊有匏瓜流光照戶隅坐對永今夕聚散念吾徒遠

者居廊廟近者落江湖他山同砥礪窮達有殊模鴻鴈

慕儔侶伊誰歎我孤

今年鬚髮斑浮垢有厚顏故人舍我去墓木拱深山植

梓應先伐植樗猶得閒草木與人事性命見機關方知
無用用寧須講大還

丞相不樂生

高安相國有疾往而相

尚書亦思死

沈開齋

肯歎息子頻聞先後躡其尾佩紱豈不榮功成退爲美

春秋有代謝生死亦常理天心不我憐顛連至沒齒乾

筆罷書裙往往作人誅

一琴久無絃一劍久無鐔何以吹一呖雅奏薰風南有

類屠龍技無用自稱諳投閒亦可喜世俗爭誦誦當遊

廣莫野日與大瓠談

我無放翁狂羣兒隨其後問兒亦何爲聞公佩容臭列

鹿耳詩集

卷三

三

肆皆鮑魚腥羶觸人嗅禮防聊自持乃遭流俗詬何當

飲狂泉亦入國人圍

足疾欺吾衰無方鋤其種借宅近河廢不忍見微腫斯

人笑我剛私語亦尚勇君子貴精義暴亂素所恐至人

重天機其息深以踵風氣不能干焉肯受牢籠

江村無豺虎所產盡蟲蛇與人爭此土毒螫寧有加我

見常股栗遠害憶山家出入惟竹杖躑躅又咨嗟由來

卑濕地不獨在長沙

韓柳始南食赧汗記未曾吾亦南國人飲食無不勝惟

龜知吉凶雖老不忍烹匣地有枯桑雖爛非美藥虎魚

腴且甘大嚼忘虎形藉茲旌嫉惡嗜之豈有憎

翠鳥巢珠樹琅玕宿鳳凰物類相感召人情苦分張大

兒歌出牧中男賦出疆巍巍四五子各坐讀書堂一簞

但麤糲一壺具椒漿迢迢南北路何以爲樂康

吉日排酒肴良時烹羔豚先公同慈姥陟降往來魂先

公愛黃魚慈姥愛蘭蓀所樂與所嗜一一告諸孫大

猶及見小者得傳聞絕勝祭於野被髮禮不存

先公澤在手慈姥澤在口不能讀且飲書酒無不有鵲

鶴飛且鳴杖杜在林藪老至覺支離衰來益奇醜願宜

無急難原隰負朋友

鹿耳詩集

卷三

四

高梧忌秋霜亢直老朝陽白露歛焉結曷能長蒼蒼盛

衰各有時天道况靡常今之繞指柔昔爲百鍊剛所夢

非姬公吾衰庸何傷

不忍棄敝衣縲絲又重補不忍棄決履穿鍼又重組所

幸無褊心茹茶泔甘苦故人在長安餽遺出內府非分

致厚貲良恐自取侮藏之篋詩中物壞情莫腐

古琴有異形宮商無異聲爲君彈別鶴滿座俱涕零人

心最易感離別爲真情況乃長契濶雲水萬重青何期

執子手偕老梁山坪

芰荷紉爲衣悲秋不禦寒餽糟兼啜醪薄酒亦心酸下

士不及識達者托所歡雖有金縷衣何如敝褐完雖有
琥珀春何如飽一餐徵君方乞食衡門莫開關
嘗飲黃河水又食河魴鯉氣味異人間安能長有此嗜
終亂吾真生事貴知止人苦不自知行行昧前軌中夜
覽明鏡形影猶非己朝朝對槃匱取鑑於止水
種草當種萱植花當植葵管能忘人憂葵根終不移移
之不衛足葵心亦已悲嗟爾子居高能不危吾足
幸無恙庶幾不辱虧

上天垂春雲不日又重陰驕陽在何處勞我負恒心風
雨不同方日月長照臨沐浴在其中百寶逾南金人言

鹿臯詩集

卷三

五

天有寶安受足惜惜

人爵不可期天爵不可虧平生飭忠信將爲蠻貊施一
朝得訶譴忠信方自疑見石思其堅見韋戒其脂吾道
在卓爾雖老無轉移

置酒高堂中衰白爲上賓無爵又無德我豈異伊人彬
彬子弟行杖履奉逡巡大聲呼忘年衆賓敬益伸不赴
雞豚社敢與醬爵倫縣官善養老粟帛猶可分

不爲人所識狹道每見擠宛然急左避失足落春泥濯
之萬里流不赴九曲溪流長溯其源溪小路終迷眴彼

東逝川清濁費品題

此間得佳趣米賤菜花肥八口上農家饗殮未苦飢青
黃或絕糧貨粟爲解圍不向監河侯鄰叟幸相依頻年
吾事濟無須采薇薇
畢池長不乾毛穎得其職池水有源流穎粟嘉禾實古
硯爲良田赤手勤稼穡所懼致荒蕪懶不用力主伯
俱在子鋤耰無德色

天目遠山客遺我以貳兒春田有此獸仁恩洽可知揮
手自解剝一刀貫其頤顧盼類陳平再双抉其皮伊彼
几上肉作脯細紛披何必勞麒麟求仙問瑤池可以當
大烹無慕太廟犧

鹿臯詩集

卷三

六

齋心常食淡不撤水晶鹽和以椒與薑勵其介而廉比
年無腹疾滋味轉成甜從無顯者來容得老夫潛昨日
過田父春盤雞黍兼一酌不知醉扶歸月撼撼少陵亦
泥飲自放豈爲嫌

東園一草堂河水環洋洋飢來聊可樂淹滯七年強移
居稍近市戶外別開忙貧來欲學卜一屨未開張君平
簾下坐得錢日有常祗恐女兒子錯認爲韓康

訪我度阡陌逆之水墻門洄洑不相左所過非高軒坐
中無俗客勢利幸勿言趨世患不明出世患不分行藏
豈一轍吾道固難論

爲邑無城池爲街無十字惡少橫且縱非猛不可治去
歲騎屋山踰踰告官吏盡攝刑其庸僅免尸諸市舊金
非不仁茲邦多盜氣新尹亟到門厲禁掛明示以禮防
庶民依稀見古意有如盧王川昌黎奮其勢買羊復沽
酒明日復招致

我思在甬東

謂陳心齋先生

夫子真愛我授經戒其荒入道戒

其頗時方病且羸扶翼出坎圻期許狂狷問猷爲無不

可回頭五十年所造亦瑣瑣辜負提命慙徒爲一碩果

我思李篤素

謂李祁山先生

館我天海山英英汀漳伯出入無

閉關圖史紛左右引之籤軸間坐令致青雲要觀名賓

鹿鼎詩集

卷三

七

班流光五十載霜雪滿頭斑惜公不復見徒老又何顏

將軍氣如虹

吳子衡提帥

尚書健若鵠

高東軒篆宰

與我近庚申

彼羸此乃紬相見各忘形我我頭角出異人本天生神

寒重在骨我以山水濯稍勝賈島佛

敝輿不忍棄迴廊度春夏唯蓋無一存不敢畜狗馬烏

雞愈頭風不病胡爲者欲學祝家翁相與謀於野辭貴

而取富智豈陶朱下

朝衣織山龍其光猶歲蕤鄰人輒來假吉日荷榮施念

此係名器與共豈爲宜藏之篋笥中筦鑰獨自持送老

重章服大尹具威儀將以見

先皇莫言臣職微

晨興拂几案始覺市塵離大車與廣廈自取將無同提
攜一敝帚庭內洒掃空匪博千金享拮据戒疎慵獨潔
稱我心仲舉豈英雄

幽居近官衙朝朝聞伐鼓見獵無喜心多盜覺心苦不

忍猛而寬爲治終無補古之遺愛人刑書卽政譜聞來

常讀書敢云聞見普居停猶在茲采風告文武

不入城府久渡江無安車江水洶且惡失舵縱所如我

生豈不達安危破拘墟不死於道路可以葬江魚祇因

無事役猶自愛吾廬

鹿鼎詩集

卷三

八

浮雲無根蒂油油大海東宦遊不顧返滯淫躡雲蹤海

水不上天揚波由天風舟楫爲之絕商旅不得通嗟汝

遠行客與我在愁中

愁來天地塞愁破天地開瞻仰日光華如子在母懷有

母天地喜無母天地哀既廢蓼莪篇又刪補南陔廣徵

太多事續經安用哉

無人去地下寄書與二人兒老不敢死負土欲成墳西

郊雞籠山山秀水有神奉母附命側禱祥啓子孫行將

築一廬掃洒侍晨昏雖衰猶及辦甘與虎豹鄰

鸚鵡思隴山文章亦頗頌籠中拙語言告哀實慚愧低

頭思故鄉幸免鴟鵂驚羅罽滿林邱無禽不驚悸隴山
萬里遙枉下相思淚

白髮同秋草不拔亦蕭疎去年落兩齒存者盡欲除自
顧已可憎宜世莫宗子登高爲望遠宇宙一穹廬茫茫
無所見還思太古初

骨肉已無多有妹亦蹉跎一生而一死幽明傷如何爺
娘昔分愛禍福乃殊科手足致乖異終身抱沉痾我行
負神明莫謂彼蒼苛

青松在東園結交非一旦前歲折長條今歲落老幹有
如齒髮稀根柢不終爛好風自南來頽風從此散時或

鹿耳詩集

卷三

九

作龍吟天地爲長歎老此棟樑材誰令生野岸

禍來常無根福至亦有原曷不學庸庸爲此受福人聰
明伐性斧文詞絕命斤垂老懷史筆不作封禪文良恐
所忠進後世有遺論

古井非不清常汲亦自渾人生有智慮禍至易爲昏蹉
汝自投閣寂寞揚子雲太玄欲準易吉凶乃不分下土
常大笑千載猶如聞

潛魚莫脫淵宿鳥莫去林后羿能射飛漁師方入深人
生貴保終母爲械所侵魚或完於淵鳥或歸於岑二物
會不若世網密且沉竄逐亦常事疾痛鳴楚音不老竹

皮冠乃使抽華簪

形骸埋土中莫辨賢與愚面目在人間猶論肥與癯我
癯惟自覺我愚衆所呼何敢曰子智吾獲幸勿驅與世
漸無患保此七尺軀

古稀已不遠從心境尚遙讀易做假年畧識長與消不
坐蒲輪聘不往車乘招康衢擊壤民何曾說神堯吟詩
送日月按節當歌謠苟有知我者共樂

聖明朝

擬古

愁來無端興至無緒擬古諸作猶隨事劄記爾

鹿耳詩集

卷三

十

雖涉風雲亦歸性命

重華愛其弟泰伯善爲兄姬公何不幸爲國致東征恩
義難兩全不失權與經至人握大象倫物此權衡可惜
江河下無能與地爭

外戚千萬戶老父一杯羹實封與權辭言行皆不經人
心厭秦政興王功易成惜哉重瞳子氣力盡無名三讓
亦快論詎曰肆譏評

亦快
論也

屢屢烹伏雌五羊爲食牛何曾有此事厚誣百里羞大
人飭細行出處具謨猷豈有棄其妻而以汙自謀當時

策士輩苟且居下流却教賢且智藉口致咻咻禽獸亦
何幸名與賢智留

春風生百卉禽鳥聲啁啾桃李各自媚靡蕪被道周伊
彼治遊子意氣策鳴騶行行挾金彈有似富平侯駕言
欲適野瞻望寫我憂荆棘滿前路禦手不可留悠悠路
上人一揖非我儔時無管夷吾身名將何酬

燕市得古琴可以鼓號鍾一鼓地祇出再鼓天神通鳳
凰亦來觀不啻歌南風舉世莫能聽棄置錦囊中異物
非不貴雅調衆皆蒙號鍾久不作吾道宜固窮

豺狼在中野猛虎鎮巖窟人肆其力力盡還就烹騶

鹿車詩集

卷五

七

虞希世出飢餓不貪生百獸皆退避誰謂仁無能有畜
亦異類干羽兩階平置身唐虞際不見戰與爭

君騎青驄馬我策款段騶青驄有時蹶款段忘其疲側
見野雉飛決起十丈餘不踰隴畝間焉能度山陂人生
貴善守捷足又何爲

北方長葛生蔓延滿幽谷良工執斧斤刈獲充杼柚織
絺貢上方歲獲比蟬翼至尊爲嘉歎下陳服無數南山
葛更長條條風中舒過時不見采嚴霜被凋枯樵者束
其薪燔燎將何如遭逢難一類詎云材質殊

我遊滄海濱蕭條多悲風遙見海中石嶺嶺如兒童豈

是秦人驅未嘗到海東十洲匪人境人跡焉可通萬人
無一返徒爲波浪雄

松柏在高岡上有女蘿草女蘿死復生松柏猶未老精
風春夏涼霜雪歲寒飽皇天愛其材精華令日葆不見
動忍人德成首已皓

故人顏尚紅嗟子頭已白餘年寧有幾暫爲逆旅客矯
首望中原猶有苦飢渴人事挽天時誰抱此悽惻昔與
二三子同志如同室昔爲連理枝今作荆與棘繁枝徒
有刺秋實不可食知人良不易結交復何益

女德重不爽士行在無貳抱布貿絲人卽謀言易遂夏

鹿車詩集

卷三

三

姬得異術顏色妖且媚縣陳復敝楚歸晉未頗頽荒淫
至暮年千古亦無二哀哉兩髦婦柏舟矢其志玉顏苟
自珍不嫁有何累

四座且莫譁聽我歌一言看君屋上瓦本自出陶甄質
者爲土室華者上朱門人事一朝改朱門碎不存土室
尚無恙參差猶獨完回首田中泥貴賤寧有分成敗致
若此高華安足論

玉粒貢至尊播穫由農夫犧牲享上帝黍養以束芻事
貴廼用賤萬國拱王都巖穴有奇士草莽出鉅儒棄置
不復顧何以致唐虞鳳凰衰麟亦泣終老泰山隅

柱中生白蟻大厦爲傾墮燕雀堂上居倏忽變成灰土
人千萬戶火熄隨風埃煌煌通侯印若若土中埋生時
豈不貴惜無徒薪來

蔗竿長一丈寒漿勝酥油嚼喫先小節其味始到頭男
兒處季世無功良取羞太上貴立德勳名非所謀鼎鼎
百年內禍福惟自求拙哉文中子一出歸林邱精華亦
已竭空憶夏商周

蕭蘭生一區氣味不同芳共是春草人情有抑揚拔
蕭損厥蘭去惡還有傷帝舜鋤四凶秦穆殉三良聖狂
從此別大道豈不昌

鹿臯詩集

卷三

三

五陵遊俠子一手挾兩弓左射玄狐兔右射老熊熊金
丸如流星箭羽如飛鴻一朝赴邊急羸於塞上翁弓箭
猶故物鎧甲無奇功由來統袴兒意氣閭里雄

璞玉人不知刀錐世所爭宵小貴苟且君子無伐矜德
深逾海水功高踰山陵當時不自銜垂爲萬世名守先
兼待後詎爲萬乘榮

隰桑阪有漆伐者無虛日春來還復生何曾畏斧鑕人
生如草木有華斯有實車馬弗馳驅重趸嬰足疾衣服
弗曳斐藍縷生蟣蝨但知守庭內不防人人室

神龍有上角亦復有上齒所以異牛羊麋鹿不可比伊

誰援而秦古昔傳劉累荒唐遂漫淫學屠稱絕技我欲
攀其角恒恐拔其尾矯首白雲端瞻望不能已

公輪爲夏屋輪扁爲廣車大人有異用動靜隨卷舒出
則騁天下處則守吾肅仁義卽膏粱不歎食無魚聞譽
卽文繡不曳侯門裾隨彼公孫張欲進徒趑趄

織得雙鴛鴦裁成合歡被大君京洛遊暇安長獨寐中
夜捲羅幃明月懷中置妾心隨月孤妾影隨月墜三五
有時圓方知不相棄

前有一樽酒持爲主人壽天下久太平庶民貴且富農
官儼薦紳多穀又多豆不數金與張不侈田與寶但得

鹿臯詩集

卷三

古

百畝庄勝于提印綬祇恐枉殺人縣官不能有
梗楠生深山衆木讓獨秀牧童放野燒一炬無先後惜
此棟樑材大匠不遑救南國有芄蘭蓂楚同暢茂棄置
人不收終老不自寇微物亦得時詎爲天所厚

敝褐紉爲裘殘粥煮作糜匪可長溫飽禦寒又止飢不
飢賤八珍不寒棄繭絲此心不知節如水赴天池百川
猶未足萬谷亦無餘倘能滿不溢居高亦何危

贈君錦繡段報我珊瑚枝贈君金壺液報我玉卮匱君
有殺父仇我有千金椎誓將不共生袖椎同所之中道
聽讒說謂我力不支全身爲令謀歸臥南山陲

覽古自皇墳狂者謂糟粕含咀吸其精矣當既醱醖經
訓乃菑畚不耕胡得獲狂者直冥情聰明多自作常恐
迷其方聚鐵難鑄錯

官禮豈誤人舊章由自昔苟無雕鵠模舉世俱遭阨
賊無仁心繼之在安石遂使耳食輩學古謂無益先師
夢姬公官禮有遺澤吾哀周亦哀文武應痛惜

河干白楊樹交柯垂清陰曉鳥萃止鳴喜鵲弄好音主
人無疾病喜懼不能侵梔子挾飛彈烏鵲投前林喜懼
在禽鳥於人更何心

殘冰疊作山不近神猶寒有如地盡獄遠避去人間刀

鹿車詩集

卷三

五

鋸固乘威水火亦行權得時爲廷平下民無煩冤所以
于公門高大子孫蕃

天風激海濤風順舟更利終朝不得泊搖搖何造次平
生寡驚怖至此防失墜撫心無慚忤雖險當用濟蹄蹤
可殺人莫謂禍機細

龜本不仁獸玄獺亦非仁乘時祭其祖豈欲學爲人造
化鑄萬物靈蠢各有真鋤耨生德色不復知爲親採薪
與負米吾黨重葵倫

五星何歷歷五嶽何稜稜哲人應列星亦復稟嶽靈傳
說申及甫皆爲二代英帝王重師相久道致化成漸流

爲具官星嶽移其形

湘芷澧有蘭精潔號水仙不遇屈靈均泯泯亦無傳楚
地多芳草楚水復連天長沙最卑濕賈子獨留連寧讀
哀郢詞莫咏鵬鳥篇

張良亦人傑長與赤松遊不忍見菹醢寧貪萬戶侯成
功應受賞詎爲快恩讎苟能長揖歸抗志非常倚天子
不得臣大名垂千秋

庭前一樹梅標已過其時吉士見梅喜女子見梅悲蒼
黃結恩愛吉禮非前期今年喫梅子明年抱男兒指梅
爲良媒有家不爲贅

鹿車詩集

卷三

六

美女老不嫁隣兒方長大不嫁惜娉婷杜句莫使旁人訝
佳禽擇喬木智士辨王霸深源與景畧名心猶未破不
見隆中人再顧猶堅卧

申公老經生不出有令名一言幸破的爲治在力行當
時刺豕圈不中何能非帝假其利安蒲亦無稱平津
但布被庸碌荷殊榮人生貴遭際垂老重行行

大易卜筮書所主非一事春秋重垂戒星變固當識欲
將人事配焉知聖人意有合有不應遂使天人異董子
二三策敷陳極純粹情奏未成書暮年取謬戾雖孽在

門人禍至得母悸

先師重詩教頻呼汝小子興觀羣怨問二南尤有旨韻
詩本窮經作詩亦窮理其源出性情其歸禮義止一變
為風騷再變為蘇李末流難具論濫觴至靡綺

內有上柱國外有二十石友朋盡權貴推引獨無力孝
弟力田科茂才在名實明詔莫一應循良焉可得刀筆
為公卿通侯及恩澤不有魏無知終嗟賢路格

曉起必新沐耳目淨聰明洗濯及其心舊惡一以清古
帝念武湯智勇天所生聖敬日益躋為功屬盤銘訓詞
固昭揭敢謂吾無能朝朝見盆水沐與浴同稱

畫布作鴻鵠天下齊張弓陳恭尹句禽獸皆可取曷不盡羅

鹿臯詩集 卷三 七

熊鴻鵠能高飛矯矯雲霄中君子惡下流射之返其躬
有力不及巧亦足稱英雄

無賊猶點兵寇至方偃息僕射如父兄子弟太不職古
者立軌連民兵練軍實守望致牧宰不糜在官食何代
無方召兵防貴整飭

嘲風不似龍蟲肩號龍種變化靡有窮或入藕絲孔羽詩云神龍地用莫如馬其神通蠶蛹萬物各不齊生
逃入藕絲孔生氣所籠原始又反終齊之識已洞

至人善達生言生不言死至人善攝生存歿歸於理異
教誑愚氓引入虛無裏天上靡神仙人間有厲鬼乾死

服其辜誰能別識此不死為猛獸為害方大矣異端之
洪水猛獸陽儒陰墨則又甚矣

鵲雀戲籬間增繳若不知翠鯢處尺澤網罟無所施何
彼雉免鯉魚獵起重圍傷生為殃美今身在細微盜賊
憎主人非仇利其肥誰能積而散止足無居奇

黃山變為海海水有樓臺氣氤氳氣結無地非蓬萊王
亭云早行見前路茅舍無人問一幻夢珠玉亦塵埃觀
落近之即無如屋氣然

物又觀我惟當外形骸及時且行樂莫使後人哀
春秋非我有燕鴻自來去春秋為我有衣服自嘗試發
憤不知愁勞苦忘其勸萬卷活老蟬飢飽在文字老至

鹿臯詩集 卷三 六

方假年未解彼蒼意一春復一秋寬閒天所賜

銅餅挹江水養此四時花花以餅為家水清無有涯壯
士遭困辱良玉毀成瑕白圭玷可磨洗辱屬莫邪世無
歐冶子逢人徒歎嗟

困辱顏有汗非從服藥求下士固恒爾賢聖豈其儔孰
殺吾其與不為國僑愁適陳復之蔡先師曾何憂道太
莫能容眾口徒悠悠大都處季世懷垢又含羞

昌黎直倔強照壁喜見蝎性命委南方無愁若是愁炎
州更怡然大蛇甜口舌平生藜藿腸到此已決裂生惟
不顧歸死亦表奇節放還天地仁竄逐致身潔昌黎傳
強東坡

之論也謂其不服神
仙一生大槩如此

十指能屈伸肩背亦無病邪色不敢看淫聲不敢聽人
言謂噴噴馬牛俱不應渴飲濁水源飢咽糲糲梗濁水
有時清糲糲終更令

伐石翻見璞掘地又得金坦然去不顧方知君子心繫
馬却千駟露肘爲提襟戶外聞歌聲響逾金石音堂前
鵲書至猶自費沉吟知稀我亦貴陋彼碎胡琴

采薇復采薇初葉小如拳山蔬有嘉味青脆入春盤深
山有猛虎擲攬日往還愛此義士糧莫使戍婦歎既剛
猶不采翹翹雜榛菅樵者揮斧斤爨下付燎爨

鹿耳詩集

卷三

九

當局有奕秋日解庖丁牛二人精其技非能與道謀若
道本在邇率履誰能修禮門兼義路君子益恤恤繩行
懸度險鼠穴鬼國幽平生不失足傷足又何憂

役者爲國相國相復爲役青蓮亦有言一體更變易遂
豫常不安勞苦不遑息夜夢豈盡思勞逸各有得未見
蝴蝶周東方忽已白

七子皆漢人乃遭漢魏際當年公譙詩五官得其志宋
公亦卓犖運方曲意不有陶徵君風雅幾失墜畏歎
歸去來五柳高位置三復飲酒篇絕調莫能繼

司馬取其潔孟堅取其密造詣各不作精嚴致若一體

翦揚其旗孫吳執其律高壘在中原無能分得失惜不
生一時觀厥共載筆

南山與北征平甫有定評南山可不作北征孰抗衡
不在忠愛家國見真誠先賢非苟述詩文共章程行文
準昌黎歌詩本少陵道藝有元氣庶以達吾生

太行天下脊太華人雲青峯頭開玉井毛女毓山靈有
如姑射仙冰雪肌體輕手握十丈連足躡芝九莖神人
不可見行路翹且停函關出虎豹聞者皆震驚山前與
山後年年不得寧

山東非多盜盜起自山東墜汝秦漢民阨運遭其窮

鹿耳詩集

卷三

三

兄爲塗炭子弟猶戰攻何地無真人未出故爭雄社稷
在猷畝有德成大功天命固靡常恃險亦何庸戍卒叫
函谷相從到關中

吉貝白如雪縑車細於絲織布爲大被覆翼五男兒小
者尚黃口問兄何所之分張各異縣兄嫂不相隨朝朝
念離別涕泗常交頤春來燕燕飛不忍見差池差池猶
尚可爲巢鸞雄雌

社燕能重乳如人有子孫喃喃作細語或以道慙慙昆
蟲爲汝糧香芹爲汝茵芹泥相俛啄綢繆此一門居處
非不足率屬歸江村揭來又有卵莫使簡狄吞

維趙武靈王騎射而胡服二者實良圖可制中原鹿
氣盛東南在水不在陸樓船制世不勞車馬足武備
誰昔然因時應定局兵法猶變更父書焉可讀

鐘聲聞十里雷聲震千峯天定能勝人無射由人功晨
鐘發警省疾雷劈妖囚盜賊不惜死人患大亦窮王人
秉叅贊斧鉞有神工賊臣不及殺舉世成混濛快哉逐
鹿師出尤變爲風

楚人固多詐季布重然諾風氣剛庸愚賢者破郭郭貌
取非良方耳食亦輕薄黑肱欲無盟惟求子路約忠信
能久孚蠻貊猶可託折獄在片言詎詐庶不作

鹿阜詩集

卷三

圭

宮中奏雲門君王非好樂天下皆臣妾君王廣似續萬
國盡供輸君王財賦足貨色兩無營武湯有芳躅齊宣
尚知慚孟氏善啓沃所好俱不妨與民聚所欲此是帝
王模治平無不淑

都城有九門一門容九軌車馬如飛龍亦復如流水縱
橫千萬人富貴兩人耳前有終南山捷徑出其裏欲辨
山中人衣白非衣紫

吹臺鳴鼓角壯士胆氣粗名麗大將軍遠征北單于閨
中別少婦淚下如垂珠齊紉爲裏衣魯縞爲上襦妾心
長於縷隨君永不渝不愁功不立但愁歸路迂留君若

所服愁來罩妾軀却勝夢魂飛車馬不見夫
狂風捲落葉飛從何處來已散不復聚草木那知哀榮
時本同根悴時不共萎榮悴靡窮期萌葉待春回所願
莫砍伐終老如枵材

琴瑟旣和張簫管亦備舉旨酒清且醇佳辰樂儔侶調
出長相思昵昵兒女語一彈破羈愁一吹忘逆旅幸勿
操琵琶青衫淚如許

一晴復一陰天氣釀清明青山猶未變布穀已先鳴興
懷古田舍沮溺方耦耕丈人亦荷蓑雞黍托深情若悲
憂世道止宿卽留行

鹿阜詩集

卷三

圭

廟堂用相如羽檄用枚臯文章爲世用二子亦賢豪修
詞尚體要豈盡華與高先師貴在達範圍無所逃慎莫
發狂言奴僕欲命騷

長年惟夜寐夜短亦夙興良恐貪鮮睡頻曉泰所生且
入羣動息天曉百蟲鳴萬物各乘時矧廻爲物靈所以
戒晝寢糞朽一無成

口臭鼻不知旁人皆掩鼻穢惡累終身宜爲人所避原
壤俟而夷先師杖以治奸邪至正卯誅之與衆棄小大
固不同疾惡無他意

孔雀巢文梓山雞集白楊五色相參錯山野有文章一

朝入樊籠神王亦微傷徒觀百鳥飛不得共翱翔猶能
飲與啄終身富貴場

有馬不食粟有妾不衣帛廉潔風下寮未足爲臣的所
貴庶事康無取素餐謫天祿享萬鍾錦繡資千百湛恩
及老臣區區何足惜

執熱濯其手樊圃須折柳馮藉物之情狂夫亦却走河
決由細微蟻穴任其咎先民亦有言納約惟自牖苟能
慎厥微庶以彰所守

投我以木瓜置之頽玉盤几席散芬芳幽居索古歡玉
盤不足報贈以雙聯環木瓜有時朽聯環轉無端一氣

鹿耳詩集

卷三

七

相聯屬有如一心與肝

八口上農家固有十斛麥五月頗有餘一歲轉蕭索遂
使逐末多金銀出貿易贏絀相灌輸平準致充斥弘羊
固當烹孔僅亦宜殛

大都逾百雉小邑獨無城無城猶可守恃險在民情兵
革亦何庸米粟焉足稱孟氏有眇論重爲萬世經不見
王者師壺漿到處迎

在昔穆天子車馬窮幽荒犬戎終不服王母亦荒唐致
啓秦漢人求仙爲帝王周德固云厚遠遊亦皇綱巡狩
乃常典一紀爲舊章

蝴蝶不爭花青蠅羣逐臭香花墜涸中青蠅焉肯嗅
言好交亂聽之亦同垢蘇公非不良暴公許且詬營營
隨飄風豈徒如婦口

徐君未求劍季子已心許解掛墓樹間死者不能語
讓稱夙懷奇蹤在逆旅衆國如浮雲一劍豈難處慚愧
後世人豆萁弗輕與

長袖布已贏小袖布已縮贏時無有餘縮時靡不足制
度與時宜車書同一局愚用賤乃專往往遭殺戮先師
惟從周美哉文郁郁

不習天官書市垣昧經緯支離究吉凶趨避亦無謂
鹿耳詩集 卷三 七

人重修省星變原可畏月犯少微星處士何所諱理數
莫能逃夜夜徒望氣

石鏡照天明石劍饒大利物形猶有遁魑魅不知避避
者生自然山川有名器鑄銅爲菱花妍媸各思媚鑄鐵
爲吳鉤佩之壯其氣人事代天工師濟致平治

風氣有南北春秋無古今既聞杜鵑啼又看白雪侵
事起通識智者費沉吟黃河本難清人壽莫能尋奈何
百歲軀欲與造化參但當飲醇酒俯仰獨自斟

相士如相馬以興復以居匡章非不孝於陵有廉譽
夜獨坎壈謬誤溯厥初巨魚游江湖細魚落沮洳豈不

同一水大小不相如

羣工有大小臣心惟一誠麻鞋見天子不知臣職輕行
在亦草創赴者皆公卿從官盡才俊誰識杜少陵豈爲
求聞達跋涉事遠征文章固增命不達稟有生

禮廢始綿菽樂廢用延年制度既殘缺音律亦無傳曹
褒尤極陋教坊豈宮懸姬公不可作天地徒茫然同和
與同節望古發長歎

中華自喪亂何必罪五胡不能慎厥初蔓延致難圖先
小而後大瓜瓞有殊呼撫后而虐仇豈在計區區天駘
亦有稱不獨數匈奴

鹿齋詩集

卷三

五

有人亟叩門生子夜求火問之乃爲厲云恐其似我支
離尚無傷雖厲無不可不見桑上虫螟蛉從螺贏七日
木空中形骸肖已妥

飢雀落階除雞雛護餘粒雀羣齊下來雞雛已岌岌應
候久相秦蔡澤驅車入未遑奪其位丞相方涕泣恐懼
終避賢相位究相及

北風吹落梅餘香散郊野傍徨拾散藏攬之不盈把北
風方未晴躑躅梅之下高士寒無衣美人况新寡何處
不關情愁來曷能捨

天不出慶雲地不生醴泉野人將獻瑞俯仰盼無端願

露澤萬物河水灌原田粟帛民所寶雲醴何與焉嗟汝
采芝人老死在山間

雞林本外裔乃愛樂天詞浮名雖及遠吾道亦已衰煌
煌大禮賦棄置無護持卑卑清平調徒爲妃子嬉不如
藏名山後世猶有知

西湖有巨鯉遁跡入震澤雖云宮室寬終覺天地窄不
遊大海中漁父當可索大海詎無魚網漏生可得嗟汝
趨世人徙官避彈射

手執百鍊金顏色若古銅市人不能識謂我誑愚蒙爐
火猶未熄寶氣光熊熊至人握重寶待價不匆匆幸無

鹿齋詩集

卷三

五

三泣涕時窮道莫窮

季世重武功豈爲多殺戮干戈衛社稷汪錡固當錄先
師却萊兵從容壇坫肅平日亦有言戰克祭受福臨事
懼不勝好謀成可卜所以諸葛公小心能王蜀

王去聲

種松莫傷心傷心松不生種竹莫傷筠傷筠竹不榮松
竹擅本性保護得其情蒼蒼歷歲寒淇澳賦青青桃花
有潭水可以葆吾生

煌煌京洛道老少好觀場舞罷歌未散無人不顧狂我
友去不返恐或墜迷方剪紙爲招魂述將歸故鄉魂兮

不歸來痛哭斷我腸

是日間莊
後齊計

枯楊忽生梯老驥復生子榮華已逾時騰踏將何以楊
枝亦一時驥子終千里人生惜暮年黃髮與兒齒晚歲
見良田變泰莫云否

黃鳥鳴啾啾蒼鷹縱臂鞬黃鳥謂蒼鷹尚能殺我不低
頭一決起翔集歸林邱搏擊皆爲人無功祇取羞桑葉
方盛結沉醉狎鴟鴞

對酒歌咏懷祝公歲百二身爲天下豁口有風雲氣弟
子不能從遠遊無執轡仁義爲膏粱忠信爲糗糒前呼
衛武公不美玉皇吏人目爲行仙何處非福地

踏雪

鹿車詩集

卷五

七

履齒泛鹽池步虛聲頗頗海鶴導前趨鴻爪出其左周
折印矩規終無傷足禍當到玉皇家亦越玉堂可渺渺
白雲鄉環珮翩躚儺

傷園桂

老幹已成髡作花獨自媚健婦與狂夫採擷靡遺類嗟
汝種花人零落忽焉逝繫予負且僑折柳不能衛手無
斧柯權呼號甚矣憊撫樹淚泫泫似枯常立翳蒸爲芝
菌華身後亦高異

木石吟

薜荔石爲衣寄生木之賊衣裳石亦豐賊大木已蝕蝕

謾徂徠松巖巖泰山石長藤及女蘿攀緣那可得位
倘能高宵小無顏色拒之峻且堅附之怯其力

賦得與君同得罪寄李順亭

遊習旣同方雲間從薄宦謂子政能循黽勉事追扳下
民弛怨咨上官罪訕訕終朝褫其衣姑惡婦莫辨謂子
行能廉亦罹汙墨患廉吏當可爲是非易淆亂天高聽
固早望天窮睇盼目斷北來鴻心逐南歸鴈歲晏孰華
予坦夷脫危棧努力在桑榆莫道出塗炭

舌問齒

我濟汝剛汝欺我柔旣傷我邊又破我頭憎不知其由

鹿車詩集

卷三

六

於我乎何仇

齒答舌

汝爲出納我爲干城汝肆饕餮俾我心驚警覺我心寧
終遲汝長必戕汝生

洙涇淹滯方隅莫能博涉耳目所及得句遂多錄二

十首

桐陰

拱把大於斗孤直不爲林朱明氣候至發憤成濃陰却
任魯陽戈卓午長照臨爰以七尺軀倚此身十尋石床
不生苔清潔如秋砧倦踞方灑然靜撫無絃琴

竹陰

山鬼愛幽篁假山闌篁境萬个豈爲多半畝散清影挽
河洗飛塵翠挹娟娟靜是爲君子風無心心白領更無
肉食相世炎茲獨冷

桂陰

獨秀久成林老者不計樹垂蔭亦扶疎彌彌小山布葉
落頻掃除未花思早吐消息自中聞婆娑至秋暮無須
持斧柯獨能斲羣蟲

車聲

軋軋月明中潮來達河以爲念穉苗飢寧分晝復夜足

鹿車詩集

卷三

五

遲韻若謳足急聲如罵前村後村忙逆入耳間瀉望秋
勞爾車秋成同我稼

櫓聲

海水到衙門鳴櫓聲常聒東入中浦頭西從於越末去
聲漸以遙潮雄櫓力奪夜來枕上喧驚醒訝明發宛轉
雜飲歌似唱還似喝

吟客

居與皮陸鄰人希韓孟匹竭來唱且酬同聲亦協律長
句海內稀不揣頻譏述升堂猶未能何以入其室客勿
賦高軒子固重名實

逋客

夷猶將避人逢君亦逃債會非郭解家急難寧足賴相
對漫咨嗟筮得明夷卦當有酒食來渙作雷水解園中
寶氣多夜夜吐光怪語君且莫歸或可脫於械

熱客

科跣野人致嘉賓亦過從匆匆脫襪襪坐席起涼風冰
盤薦瓜果竹簟傍杉松絕勝河朔飲杯酒尚爭雄程曉
不解事作嘲非至公俗子意興淺乘興破疎慵

酒債

上塘醉朱歸下塘醒莫解猶堅不速招分曹校勝敗亦

鹿車詩集

卷三

五

以諸侯賓頻教床下拜行處本尋常始信少陵話第恐
墜馬傷未覺神全快

病債

五十已知衰前人非誰汝矧此羸弱根兩度如柴毀消
渴猶可除腹心痛未已尺寸豈不珍養愛難就理人言
罪在魔固結三尸子子命乃庚申守之常有喜

字債

平生薄雕蟲翻爲壯夫役日押千百行踵門猶強索會
無題扇錢屢作書裙客能事亦已微流傳竟何益幸不
學草書未受匆匆逼

冰水

冲冲北陸藏深深依地窖清白涅不緇豈在畏泥淖炎
曦欲燦金此物特違物能使滿座涼不愁長夏燥化水
屬斯史飲餘藉烹宰雖非伐冰家亦別酸鹽好

墨水

不飲寧忍棄歸與大河流一陣雲氣黑未遇蛟龍遊羣
魚揚其波雲氣波上收朝朝河上立魚樂最忘憂自非
莊惠心洗硯亦悠悠

樹蛤

肢體類蝦蟆青衣靚如葵木處固宜風情性偏習次天

鹿耳詩集

卷三

三

陰一再鳴雲雨集有滄石燕不爲羣鳩婦不相飮却饒
螻蟻心自得先天感

木瓜

辟荔不生花木瓜乃其子纍纍石頭垂剖之漚如泚野
人和以漿涼粉名伊始不救兒女飢聊可伴沉李持以
薦賓筵有核豈堪鄙

檐蜂

爲窠不擇地散處或無王不見負花鬚出入但空房厥
形如果羸螳蛉乃在桑依我故有托幸勿恃鋒芒園中
多伯勞伺汝卽餘殃

筆塚

不從枚臯遊不爲相如用與我相周旋退老終無俸猶
恐遭俗夫禿穎戲題鳳金甌築汝壑象床安汝供中書
碣亦榮生花空一夢發爲芝蘭華勝於茅土封

紙爐

大造若爐錘於物無不化矧此泓穎遺其材亦已謝草
創原有功一一千金價直可國門懸莫作覆瓿訝珍重
歸洪爐慕古爲薰炙

畫叉

中堂生五嶽閒中得卧遊支撐賴此君枝節挺然修古

鹿耳詩集

卷三

三

軸屢更代高低不少留豈應截作杖浮生感行休猶欲
學東坡日向叉上求
東坡在黃州日用白五十錢月以三十塊杜于桂每日以畫叉取一塊用之不盡則藏于別器

茶具

戒酒避缸甕嗜茗備筠籃嘉竈藏一器提攜不負擔山
巔與水涯舉火酌其甘遙憐陸鴻漸編經未細參欲招
玉川子計碗博餘談

寄范魯齋

九秋風日好繫纜上津橋伊人蚤于役京國路迢迢行
李千霜露去馬鳴蕭蕭僕夫未况瘁客舍猶陶陶雖遭

市虎懼

時有戒心

亦逐曉烟消上堂拜老人嬰樂喜和調下

堂揖羣季棣萼暢枚條人生歸有道險阻生嶠嶢矧乃

潔白哲勞事聖明朝慙慙問行止無方但卜無旦暮復

來茲畫舸趨春潮願言當既觀姑蘇樂事饒

讀張平子四愁詩

天高聽在卑神幽能燭顯精誠有時窮煩勞不及遠大

都心不同咫尺起乖舛况廼隔天涯此心那得遣平生

好讀騷離愁滋益蹇所以古達人借其言以反白日怯

浮雲蔽惑寧可轉興懷托美人始歡終淚潛沉吟意惘

然欲辨口已瘖

鹿耳詩集

卷三

三

常慎齋贈隻雞

欲烹爲能鳴欲養故無穀夜來識五更亦足資警覺園

中近獸場黃狼與狐逐猶恐遭不祥搜搏肆羣虐珍重

使君仁吐哺分餘粥兒童莫浪傳祝翁在鄰曲

覓鏡

硯池發菱花日作同心友忽被山鬼欺徑挾青銅走神

物未歸來暫覺忘老醜壁上挂玻璃形影相左右癡肥

失其模顧盼認誰某鑑水復鑑人大真爲我有

催菊

居諸十月交秋英猶未展倚杖守荒畦淒風酸老眼有

如望歸人盡日費瞻瞻清酤白茅醺紫蟹黃蘆縮酹放

吐奇芬慰我素心款雖無九錫如亦邀一笑莞同人方

在門籬疎不得鍵所願啓朝華爭先慎莫緩

王東涯孝廉賦筆

分得夢中花奈此才盡何知君營五鳳材其富且多都

人看脫手五鳳其巍峨我本長安客樓下舊曾過家有

如椽譜結構述東坡端莊雜流麗剛健含婀娜無能啓

秘錦歲月徒蹉跎日揮蚓滿幅豈敢博白鴛惟當注蟲

魚爾雅掘曰窠邀君訂訛舛物外共搜羅

移居酬夏蕓垌孝廉

鹿耳詩集

卷三

三

遷客西復東負此園中秀杉松與桂林既辭莫能就幸

近孝廉居德芬憑取艤頻過蘭玉堂酌酒爲子壽不飲

猶醉酖威君意獨厚君家丈人強八十相左右造子却

杖扶座中麾几授願以耆英行俾君歌且作春秋佳日

多嘉賓式燕又

路旁

路旁桃李花先春氣已洩白面冶遊郎竭來共攀折但

得枝葉妍不顧本實撥草木有何知詎能勵名節嗟汝

熱鬧場榮枯亦太忍

高東軒先生讀易圖

動靜固無端陰陽本無始爲顯與爲微爛綸見真宰公
學究天人公政有綱紀修齊致治平一一取諸此精勤
做假年三復猶未已吾生過何多因昧消長理曾從固
哉亭莫殫一畫旨願言乞韋編卒業自茲始

楊宛亭至

雪後又層陰天意欲如何洒掃亟稠疊蹠履復披蓑相
彼鳥綢繆下民侮則那况處危疑地時有不謀窟與窩
田文猶有薛幸已據高窠慎莫咄馮驩策士亦足多

聞莊復齋計

深山不養病殞命彭城地觀察非不華亦昧首邱智平

鹿臯詩集

卷三

盡

生重謨猷垂老廼一試國子天下師稽勳天下吏

君起助教

擢稽勳司出守

彭城觀察淮徐出守固良圖陟取高位吾黨謂光榮

子心方抱悸君年六十強子長僅七歲契濶三十秋祗

憑數行字昨夜夢中魂幽明已乖異諒因心血枯彌留

不可治欲哭更無聲不哭空墜淚他年曳杖歸孰與話

離思地下有四君

謂他齊鹿洲梁村中川

得遂九京志風義兼師

友子懷曷能置

夏無籟見招

家室閤樓居誰與辦中厨朝來召羣客樽有舊屠蘇兒
曹愛酒渴躑躅春泥糊不醉當無歸應逢醉尉呼我亦

故將軍托跡壺公壺

鹿臯詩集

卷三

美

鹿臯詩集卷三終

江湖閒吟卷四

漳浦王 迨直夫氏著

七言古體詩

渡黃河

臨涯十里聞冰吼春流解凍洶沙走招招舟子轟如雷
人語波聲不可割我曾六度汎征人非利非名行不苟
今朝過此倍咨嗟指以盟心仰厥手誓將宦海歷華顛
不易初終昭所守河神未信我言真挹取河水酌數口
河冰在口入在心夙夜戰兢垂永久他年問渡對河神
神其鑒茲記誰某

鹿臯詩集

卷四

夜鞠

燈光晃晃照顏色北風凜凜動魂魄升堂若與鬼神謀
幽明一氣無遮隔殺人者死盜抵罪三章之法有程式
方今天子重好生青災肆赦不窮迫詔書一日萬里餘
輕者不議疑者釋泣此惟當聖德宣求死不敢求生得
得情勿喜師所遣仰瞻屋漏謹三尺

收漕示民詩

東南財賦首三吳白粳樓船貢上都舊有浮糧數十萬
金雞大赦積年逋今秋大有更莫比晚禾亦足供天庾
是宜輸將赴期會日月告竣罷追呼國家積貯富四海

何曾惜此窮錙銖由來惟正重升斗况經蠲免困全蘇
長官敲朴非得已一懲百警爲良圖宜開四體本爲樂
縣庭流血豈非膚斯言直作催科榜宋箋高揭不揮殊

蔡梁邨宗伯

賜諡文勤詩以紀之

聖代侍臣崇學術淑人君子其侯一先生嗜學無等倫
中歲好道心如結

先皇有詔亟呼來豈特通宵見宣室平生稽古力有餘
十載賢勞徹始卒疏桓二子何足云夔龍親見勲華日
若使菁華永歲年道德勲名誰顏頤可惜春秋五十彈

鹿臯詩集

卷四

二

玉棺忽降修文疾空留遺韻在人間捫齋著述垂之筆
聖神天子念前徽秩宗清要追崇秩亦管殊榮冠百工
褒寵有加旌輔弼易名之典古所行諡曰文勤備名實
先生靈爽實式憑應瞻銀闕謝優卹時或空中萬歲呼
忠誠定爾陳無逸生死
三朝荷國恩千載流風永不沒作歌紀事傳後人鹿臯
老友拜手述

紀夢招藍鹿洲也

藍鹿洲個儼不羈藝端多材以薦舉授普寧令
攝潮陽篆忤監司某被劾勒停聽理久而昭雪

制軍鄂公表其能召對出爲廣州守抵任一月而沒未罄所用論者惜之蔡梁村嘗語予曰鹿洲開拓心胸推倒豪傑陳同甫一流人物也然氣盛恐不免於禍逮被劾落職梁村曰此非其驗歟閱三年鹿洲應詔來京梁村適棄世鹿洲與子哭之欲絕蓋不復聞箴規之言矣未幾而廣州計至予遂益孤次年予承乏金山頻夢鹿洲不言不語事涉疑怪鹿洲齋志以沒者爲前以招之夢遂絕

若有人兮佩瓊琚溫潤瑩湛玉不如文逾賈董賦子虛

鹿車詩集

卷四

三

鯨鯢十萬手鋤除功成不賞歸田廬

鹿洲有平還提利臺之功

劍搜鱷魚棉陽萬戶樂蠶漁黃之政民安紆高明鬼

闕毀不譽棄官坐獄方著書青冥上天藉吹噓榮枯消

息信有諸何必長驅畫軾車魂兮歸來炎方不可以久

居

若有人兮挾奇猷肝嬰爲侶管葛倚餓鄉養晦三十秋

三旬九餐樂忘憂一麾出守嶺南州畜牧樹藝爲民籌

一民不贍爲已羞嶺南近遠無賢侯獨以耿直生愆尤

鳶梟善匹鳳凰仇鯁鯁得志蛟龍愁蛟龍高舉鳳凰遊

世網恢恢脫卽休魂兮歸來炎方不可以久留

若有人兮五馬驂驕皇駟駟與駟乘酣騁駿馳天維指揮決策以鞭撻高牙大纛寧足誇譏者消阻張怒蛙

一朝捐館蜂散衙萬事渾如雨後華人生得意不在遐何必感舊長咨嗟魂兮歸來炎方不可以爲家

若有人兮偉如神雙眸炯炯善敷陳禮防自持靈所贊

水中之怪訟而囂衆口誓予其申申帝達厥聰施厥仁

拔擢位置褒殊倫昔時貝錦成灰塵風霾開霽見秋旻

流徽不沒啓後人學準公案垂千春

學準公案鹿洲所著

鹿車詩集

卷四

四

隣

盆蘭廢棄久矣元夕盛開詩以發之

門庭鳥雀遠人跡盆蘭棄置誰可惜去冬大雪一丈強

埋沒花梢詎尋尺春來融液在斯須欲見翹翹生起色

不死涵濡造化仁作花沐浴彼蒼澤官梅未放柳未萌

先開豈曰非帝力疾雷一鼓起羣芳茲花最靈乘霹靂

繁子對此月明中珍重國香抱拱璧自從遇難幾相忘

不世名花亦遭謫奮發精神屬一朝佳話直須播邦域

微物之微匪偶然請看今夕爲何夕

海客述其鄉有龍降地偃卧衆欲屠之旣而雷雨

大作飛去蓋異事也

青雲敷天龍所致波濤鼓海龍所戲奈何可潛可見身
落此濁淖汙泥地豈是罪垢論人間何不叫閻額上帝
抑或疾病求神仙應向丹爐乞療治二者無一必癡乖
迷津失足取憔悴傑焚封豕吳其腥磨牙掉舌耽耽視
兒童走卒競誼譁持刀挾斧互爭利鱗將去逆肉作糜
鬚將掣勁爪作器首尾有脛過車液為酒醴滓藥餌
解剝決在呼吸間誰念為霖功不細屠龍技手世間無
若輩奸頑敢嘗試須臾雷電轟天來風伯雨師各相為
潏潏之雨浩浩風龍乃一躍萬里去當是無罪病初平
鹿耳詩集 卷四 五

貧家女

貧家女子閉門處富家女子開門語貧女開門眾不許
富女開門稱避暑本俗世人不識貞與淫但看貧富相
齟齬人生視德不視家相馬以與有良矩貧女何屈富
何伸門閉門開豈異所吁嗟貧女且莫羞武侯好醜將
聘汝

估客樂

去年破產遊臺灣今歲攜家往佛山荷蘭日本及蘇祿
一度春風往復還劍錢斗大錯人物雞雞錯錯馬斑斑
蠻女如花供使作琅琅約臂雙金環男兒不用手擲封
侯筆又不用身歷東繙關但得舌頭宛轉解蠻語世間
富貴俱等閒

採菱詞

蓮子房空菱正熟綠波盪漾南湖曲柳帶絲牽嫋嫋風
觸尖血刺纖纖玉一日三秋經幾秋菁華一去不可續
今茲若待念五年棄置道旁嫁與孰

鹿耳詩集

卷四

六

折艣嘆示珍兒

男兒在世常自得不辨江魚與馬革但視泰山一毫芒
履險如夷當不忒我今墜壘辱泥塗赤足奔波不遑息
山魃鬼魅日同羣鵠面鳩形又相逼萬人所指欲無生
未辨死期緩與亟聞汝申江折艣危愁中不覺動魂魄
申江日日往來過我白江神毋相嚇若使操履負神明
沉舟一死不為溺三載行行路坦途無罪無辜荷天錫
父子安危共苦辛江濤于汝何刻責狂飈排擊浪埋頭
觸斷橋傾不能力於時漁父倘來遲烏鳶螻蟻俱無德
昔人代父靡不甘無名未應輕一擲我將買棹問江潮

威福不平亦非職陸海風波尚未休鉅創頻仍真反側
神如不答當問天彼蒼悔禍有終極

破鏡詞

憶昔十五初嫁來盈門車馬爛鑣轡庶庶士各成行
羅列鴛鴦七十二繡枕花開並蒂蓮白頭恩愛靡攜戴
無端烏鵲向前飛鏡亦團圓隨破碎故人捧鏡悲又悲
新人見鏡覷又覷新人美好故人嫌新人重情故人義
破鏡照心不照人烏白馬角有時致明月會當三五完
鏡忽重圓屬遷次新人破鏡飛上天故人明月懷中墜
出門大笑不須啼同盛同衰莫相棄

鹿耳詩集

卷四

七

雉子斑

麥漸漸雉子斑雉朝飛子麥間朝飛暮始還衆子不能
餐艾如張之母乃殘園丁路人不忍看汝當挾子歸空
山深菁叢棘亦爲閑飲水啄草豐其顏何必鼎鼐試鹽
酸

交交桑扈爲倉患作

交交桑扈啄我粟日日呼羣傍簷屋又引鳥生八九雛
大張厥喙飽谿壑一啄十百已成瘡再啄十千直剝肉
我膚本是父母遺我力衰頽原不足念此公田籽粒珍
困廛保護惜如玉官租未入務未閒夙夜憂煎勝鼓赴

一朝被啄付子虛無罪無辜遭殺戮鷺鷥不管餐與
羅網無方掩螫毒公田之耗在必償仰首問天何能
憶昔倉頡制字年天爲雨粟鬼夜哭我今非鬼涕洟
穹蒼乞灑千萬斛更遣后羿射烏弓盡殺爲奸禽鳥族

將軍嘲

山下無人虎豹驕路傍無人盜賊要盜賊凶殘亦人
類虎豹遇之乞憐搖將軍彈盜乃其職猶當射虎矜雄
朝喧笳吹震金鼓夕吹笳樂鳴銅鏡帳下千夫百夫長
脫盔露甲事逍遙皂弓服矢生蛛網但有七尺長酋矛
若使相逢山下路二物力鬪豈能調勝敗死生真未決

鹿耳詩集

卷四

八

但看奔竄如飛猱腰間雖有大羽箭徒供閑暇指揮號
吁嗟北平飛將常寂寞不試沒石槩形弭渤海太守亦
無策牛犢不買橫劍刀且喜太平消殺氣虎豹盜賊俱
無聊

尊

季鷹思汝不得歸我今食汝不能去何物水草繫勞人
粵鍾燕函拘以地丈夫弧矢屬四方躬際太平當得志
南陽未出留山阿靈均放歸禦魑魅世間榮辱各一時
所貴達觀母有貳柳州巨膽甘蝦蟆昌黎蟹實亦嘗試
百怪喜入哲人腸藉以流芳昌歎嗜東坡口腹更貪饒

花猪肉外蕉與荔二物甘美跨嶺南開漳荔子尤出類
海山仙人白玉膚滌牙浸齒瓊漿味絕勝專絲滑欲流
錦帶溜匙擅姿媚未能特立空諸羣依傍八珍見風致
對尊思荔心如醉鱸膾同情良有爲

懷春引

門前楊柳綠依依堂前社燕來飛飛佳人折柳傷春色
手招燕子巢深幃明朝帳前忽離別床頭拔劍紛指揮
不爲封侯赴秦隴不爲割地入燕畿原嘗春陵皆宿怨
誓將一擊解重圍丈夫幹濟憑赤手決起何當心事違
回首仗劍出門日柳眉含睇笑聲微須臾沾巾泣歔歔

鹿臯詩集

卷四

九

故教稚子牽郎衣朝朝暮暮問雙燕藁砧山上何時歸

傷春

東風暖鼓新泥蟄西風怒掃羣芳急江村桃李爲誰妍
東風笑臉西風澀仲宣樓頭春復春汨羅江頭泣又泣
天涯淪落萬古愁死生不遇嗟何及馬上琵琶抱不平
出塞胡笳轉吹入漢朝粉黛非無人明妃蔡姬共鳴咽
破鏡朝朝顏色衰露華夜夜春草濕嗟汝地下母相猜
枉死偷生不須執

宅邊古樹

宅邊古樹春無葉枝如青銅幹如鐵夜來風雨作龍吟

定有蛟龍同窟穴不知何代結根株獨立參天飽霜雪
三吳曾此治艤艫未遭砍斲有奇節應爲樑棟壯岩廊
足當一柱表鴻烈終恐匠石多不仁用違其材汙且棄
作舟尚可濟蒼生爲車不免泥轍我來坐憇經隆冬
百鳥啾啾伴疲茶撫之非杉又非松垂蔭千家萬家刻
惜非召伯草舍間蔽芾千秋誰敢折徒使盤桓望杳冥
放歸當與古樹別樹猶如此人何堪仲文爲我寄愁絕

魚虎

有魚殊狀漁者曰是虎也小能制大詩以辨之

沔南丙穴清見底魚樂搖搖見其尾中有鱗鬣挾奔騰
張口脹腹如蛇豕出沒波瀾恣噬吞不論鱗鱗與鯢鯢

鹿臯詩集

卷四

十

是爲魚虎虐同羣鳥鬼浮沉擒不起漁人罩罩無則休
獨搜魚虎痛入髓有义如矛列三隅有網在綱密不弛
欲斃一虎活羣魚赤身宛轉水中坻虎乃鼓鬣奮前趨
隨波直入南橋裏南橋水深多毒溜搗蓼搥茶供釜鑪
浣將狂藥入流漸虎當一飲中毒矢齒牙之孽不可蘇
殘賊之事寧可抵卽看水獺布重圍鋤姦衛良有前勦

百舌

小園無樹堪棲鳥恰有百鳥啼音巧春夢沉沉醉未醒
芙蓉枕畔微微攪但聞其聲不見身張子兩耳目成眇
何事終朝屋角頻多言或恐致鷹爪汝本佞口巧如簧

前生當以倖佞老大隄若遇治遊郎酷好巧佞愛少小
畢之羅之伺汝遭一入樊籠莫快惱舉頭雲鶚是神仙
卽見城烏亦縹緲何如鸚鵡喚琵琶獨宿金閨親窈窕

今日雨

昨日快晴今日雨鳴鳩宛轉拂其羽天地機緘在口中
吾當何以避寒暑青羔之裘已蒙戎雷陽之葛亦藍襪
一裘一葛寒暑間倏忽涼炎何所取呱呱稚子在懷懷
饑則悲啼覓哺乳長大諸兒饑不啼赤身晝夜但依父
有客來過勝父衣弟兄父子迭爲主若使裘葛破不完
江畔獨行傷踽踽故人贈我綺百端又嘗許我穀千鬴

鹿臯詩集

卷四

七

燕雲萬里莫致之不如斗粟尺布猶有補仰看明河長
竟天牽牛織女自終古有牛不得借春犁有機不得治
絲縷逝將攜眷爲傭春一屋賣麟充晨釜不然不文不
武蝨其間寂寞何能脫此窶多謝義和鞭策三足烏自
茲宜雨宜晴免疾苦

花上露

花上露何盈盈上枝露重下枝輕春風搖動不肯停上
枝之露下枝凝閨中挹露注紅粉枝間點滴歸銀罍佳
人得露添顏色惡人得露塗醜形上枝下枝無美惡直
教紅粉不同情早知分傳兩家面定不濃濃一夜零

春閨老女嘆

春水未泮春水生柳李濃桃照眼明歲歲年年望家室
水暖花濃空復情憶昔初生衣我襦爺娘伯盼掌中寶
東方千騎夫婿殊相攸未得嫌草草長兄殿上侍中郎
大嫂嬌癡不下堂中厨豐膳誰是主爺娘左右當姑嫜
徹我環瑱髻椎首褰我羅裳操井臼婉孌弟妹各成人
笑我偃蹇待佳偶諸姑伯姊方經營相見秋歔話不平
不愁北宮嬰孺事親無令名只愁親沒不嫁至老長歸
寧

老夫

母難日作

鹿臯詩集

卷四

七

棄我去者昨日日腹心肩背俱嬰疾匪饑匪渴匪風寒
無怙無恃但銜恤短髮青青鬚未華鬚如戟又如漆
浮生已逼六十強路人爭譁方七七鬚髮原是氣體遺
二人元氣萃於一昔爲夢我今爲蒿哀哀劬勞何處逃
恒言稱夫不稱老可笑非夫老不保兩足奔波曾未傷
負垢在躬愁如擣憶昔陟岵當子年今茲陟岵歲在郊
素冠素韠自樂樂鮮民之生死及早百年歲月能幾何
長荷春暉蔭青草春暉莫報眞匪人悠悠何以對蒼昊
六十有孫猶苦晚三十得子方偃蹇依依孫子拜堂前
棘人何以致繾綣白雲縹緲暗閨山春雨淋淋滯江堰

野鳥引雛飛且鳴朝爲羣遊暮返覓物徘徊鳥不嫌
痛極悲來愁滾滾粥飯和淚勉加餐自此天和當日損
遺澤梧椿猶在手舉杯未飲先銷口患泉良醞琥珀春
羔雁雞豚克左右歲時備物祭必豐可惜官祿客升斗
東隣老子方白頭一肩鸛水將老月買魚沽酒兼弄雞
公侯卿相不得友吁嗟行樂在得時犬馬之年詎爲壽
吾友才猷推管葛胡不永年天所奪梁村鹿洲真可憐
五十居諸共蟬脫高官顯秩躋大夫壯志空齋長抑遏
木冠膏煎疇昔然誰使二子俱賢達我觀九原何所從
百折餘生猶苟活榜以不材終天年于鄉于國于紫蘭

鹿臯詩集

卷四

三

媚神曲

金山神廟多種牡丹開則張樂設飲以娛神

坎其擊鼓河之涯鏜鏜催花花如霞奇觀不數姚魏家
靈鑒茲兮美有加靈之來兮晝開衙風爲馬兮雲爲車
雲爲錦兮風無譁歌喉宛轉舞袖斜花枝婀娜花神遐
去歲無芽今有花今年之花歲歲嘉靈歆歆兮士女誇
靈不散兮士女嗟年豐酒賤不須賒日日三牲奉匪奢
靈爲孃兮靈爲爺

河鯉

娶妻不必問齊姜食魚往往得河鯉南方蝦菜本尋常
我愛巨鯉如龍子身高一丈金作鱗雙眼明珠媚河水

中有一鰲印丹砂定是龍門點所指於時雷公在何處
未燒其尾滯河汜遂使積石達河淮日口漁人試網紀
吁嗟騰蛇猶能乘霧飛爾已破額何爲落泥滓曷不一
躍出海門乘風破浪滄溟淡不然春水隨鱗進上方又
薦寢廟傍鱣鮪旣無所樂但懷憂河水洶洶終有底我
將爲汝祝網漏吞舟汝當報我素書致桑梓

先生嘲

東家力田堆穀麥西家什一擁金帛先生寬博居上頭
時有歌聲出金石朝無舉火日至哺妻饑兒寒起交譎
東家不誦古先生西家不習賢良策金石之音空斷腸

鹿臯詩集

卷四

古

舉家却爲歌聲阨太守不聞舉孝廉縣令誰肯致牛炙
何不經營急治生學稼學圃遲亦得先生幡然揮出門
我當傾心從估客

紡車聲

沈園四壁森樹木有聲入樹灑寒玉朝朝至暮無時休
人語非絲又非竹細辨方知是紡車前車後車紛相續
或衣父母衣其夫織織女手安且煥家室和平世太平
王化熙熙被遠服我欲羊酒慰勤勞去官非職力不足
東隣長笛倚樓頭如怨如慕亂心曲不是絃歌政所敷
也須耕織還民牧

驕兒行

朝吟嬌女詩暮作驕兒行嬌女事人不復返驕兒破敗
枉所生豪家有兒年十六但有一伯無弟兄凌人使氣
日不足金錢如土揮錚錚遇父視官若草土不愁追削
方縱橫一朝嚴譴自天至失勢忽落深壑坑浩浩長江
杳無際放舟直欲赴滄溟詎知江水不汙玷蒲芽柳葉
絆餘生華亭鶴唳猶在耳上蔡黃犬當無聲驕兒尚快
千場博臨餐投箸思龍羹

楞

魯人好枉惠好直三黜皇皇不遑息行於中野蔽芾

鹿臯詩集

卷四

五

其下先已憇盜跖惡木應須庇惡人未敢近前遭霹靂
欲斫此樹棄穢墟手無斧柯孰爲力弟恐滋大蔽聲牛
徵妖聚怪靡終極吁嗟直道不容吾道窮路旁草木皆
仇敵

望府治高明樓

松江府

崔巍十丈出雲間仍治雲間吏與官大都循名當責實
明固可燭高可攀南方黎獻望天子却來此處瞻豐顏
作樓者誰居者誰前人後人如循環淮揚至今思卧治
蘇州當日燕寢閒永嘉山水尤不惡朝朝挾妓遊層巒
寧似峴山一片石襄陽士女淚痕斑登樓眺遠更懷古

三年樓下空跼跼

山中三章章五句

山中太璞生光輝牧童敲火燒翠微一時玉石紛灰飛
嗟爾至寶亦遭厄卞和泣涕抱灰歸
楓葉流丹楓脂香山中耳目不能藏持刀斫脂葉亦傷
古來直木皆先伐托根合在無何鄉
萬仞峯頭湧醴泉開畝種林盡良田白雲蓋屋巢神仙
不知軒冕爲何物稚子黃昏抱虎眠

菜根

象白駝峯無信宿魚與熊掌美新熟腥羶臭餒棄溝渠

鹿臯詩集

卷四

六

寧似菜根禦冬蓄花香酒氣隔年聞齒牙精潔如浣濯
漢陰老人賞識真獨抱汲甕養豐玉菜豐根老淹爲菹
春秋佳日山盤足南隣北宅口萬錢妻子嘻嘻飫肥肉
金錢散盡肉亦稀饑腸哀鳴斷莫續但當從事菜根香
由奢入儉期在速有口同嗜自昔然養心莫善於寡慾

移寓

渺渺愁予不繫舟中江簸蕩逐浮漚浮漚乍無或乍有
子方解纜去仍留沈園樓頭弄明月偷聽殘夜聽歌謳
耳目餘歡頻獨旦與人無思更無求詎謂藏舟遂有力
粉牆鬪角爭蝸牛太平書院亦清淨素竹青青媚子猷

却來竹下避新暑科頭跣足聞颼颼柴扉不鍵無剗跡
睡起支頤啜茗甌縱有粗豪索酒食釜魚塵慨又何尤
此間已是千腸坂冥搜故作以麟洲詩成爛熳足揮灑
知者應識我心憂

蚊

細微無口善窺人嘴長於面足過身呼羣時作雷聲吼
負山無力空逡巡黃昏欺我疲且瘦有肌無血勞其唇
富家列炬除汝毒朱門煮藥攝汝魂窮奔無賴集於此
衆口嗇予徒申申逝將棄汝適樂國明日移家近露筋

吳宮

鹿耳詩集

卷四

七

吳宮美女三千人金釵玉面靡有真先來美人髮委地
朝朝結束墮馬新後至美人髮覆額尤能高髻壓諸嬪
吳王見髻不見髮先者多踈後者親遂使脂粉汗顏色
爭妍負寵徒紛紛西施自是傾城貌一嘆一笑花從春
曉妝未就常散髮後先彼美俱灰塵廿年爲治亦不枉
好色亡家古所因

五兒學步

五柳先生誰與儔五斗五子適相侔枯楊生梯良可笑
家雞紅蛋傳九州去年懷抱不脫手今日落地如行舟
輕搖放蕩向前走階除尋丈日幾周風栗霜梨每不給

不啖之肉預遠謀索筆亂揮莫効鼠執鞭自挾等騎牛
諸兄緩轡爲引導近庖猶恐撞烟樓餽粥於斯方娛老
突決棟焚我所憂玉川有取添丁字欲充耘耔耕田曉
未能遺安危豈敢雖有白羽不終留

觀縲絲者

白可染兮亂可治亂不治兮白可棄由來物曲在人工
不辨精粗與巨細此絲之貴爲宮衣大采少采端冕泣
下逮羣僚章服榮士民亦得分婁曳須念春蠶作繭難
夜牕紅女纖纖試東南財賦出桑田寸絲尺縲皆美利
宮中聖人恤民瘼日以農桑勞瘁寐不勤而憤匪王民

鹿耳詩集

卷四

末

不儉而奢豈王意縲絲一日能幾何頭頭系忝不可計
太平日月總寬閒賣絲買穀謝官吏所願縲車不肯停
手口交作莫言瘁

石像行

翁仲嵯峨仆路傍苔蘚剝蝕虎馬羊不知此是何年物
大都許史與金張竭來又見豐石像眉目冠佩俱飛揚
未老不似馬伏波受封却類郭汾陽欲摹碑碣乃没字
伊時磨琢誰表章古廟傾頽基址滅茲像當阨爲橋梁
石柳還宜令速朽石犀無用應奔落苟有鉅功勒鐘鼎
日月爭光照太常身後之名真可惜千秋萬歲獨甘棠

野哭

陰雲黯淡西風淒星月無光天地驚聲自西來號轉
阿誰裂斷肝腸悲時平井邑無戰伐年豐父子免流離
此聲何爲獨慘酷哀厲有類長相思蛟龍出聽河水溢
中宵百怪何淋漓清笳驚管俱蕭瑟但聞怨慕無窮期

寄李伯能萬年藤杖

天台山中萬年藤伐藤爲杖已通神圓頂方趾如垂象
細肌密節具龍鱗我初傷足猶未老自得此杖行嶙峋
李丈雙足病於我十載荏濶虞不仁封題數重致航海
乘風直到漳江濱置之高堂時拂拭頓教雙鑠驚鄉隣

鹿耳詩集

卷四

九

他年待我同潦倒東郊百甕玻璃春子孫却扶路旁看
飄飄王李真仙人

雀爭米爲鷗所攫刺時也

城中老雀黠且肥來與野雀相因依一旦開漕百萬斛
爭取籽粒鬪還飛啾啾勝負曾未決野雀差小氣力微
海鷗側眼窺其後先挈城雀充朝饑野雀徘徊方倖免
海鷗奮爪匝重圍拔毛啄腦如蓬粉須臾二雀無所歸
早知俱被海鷗攫悔不隨鷗學忘機

寄熟地與南珍

非商非戎屢薄遊暑濕之區我所憂熟地新蒸數用力

倘有違戾可以瘳長鑱木柄不在手黃精百節老丹砂
吳淞江畔飽蒿苳不能備藥送春秋何時與爾採且蕭
琵琶坂上鹿溪頭

朱茂才致蘭花

江畔獨步何處尋幽蘭一枝雙南金九畹移來度雲水
國香已契高人心分我奇珍超雜佩一時羣芳俱却退
氤氲在室復在堂如逢舊雨欣相對吾家建溪三百灣
溪上花開無閉關崖蜜巖茶同臭味神仙風骨不可攀
自入江南常戀此花不遐棄良有以何年玉幹遠貽君
謾說投桃應報李

鹿耳詩集

卷四

十

朱茂才送荷花

清晨蒼頭擎翠蓋亭亭玉立豐如畫來自西隣高士家
馨香簸蕩紅塵界羨爾泥中不染心特操豈易三公介
嗟予僂屨在泥塗艱難未脫駝駝疥對花揮汗却懷慚
既見君子宜下拜盡說江南可採蓮方湖曲沼不同派
芙蓉一色爛明霞異種多生湖沼外茲花更見所未會
錦衣又綴風流帶端莊流麗美丰儀相逢莫道元公愛
苔

青如銅不爲錢滑如脂不可餽階堂秀髯變新田蝸牛
日日口流涎學步嬌兒蹠又顛欲拔無根蘗無權不老

不死但信天門無車馬使之然

偶述

金山孤城懸海隅熬波出素衆爭趨負擔私鬻赴村邑
夜行日有千百夫前官不治嬰重譴後官不治爲良模
大書遺愛活窮販老滿應代民還呼前後尙寬不尙猛
黜陟惟命何殊塗五民熙熙皆爲利此物獨悍出椎屠
年豐米賤猶橫逆偶逢睚眦聚其徒縱使荏苒根可拔
奸宄亦已費戈殳示民詩章垂鑒誠子示民詩痛誨警言私販之害
聽藐終頑恩祗今欲言已非職未雨之論真拘迂未聞
之論雖拘迂良牧莫棄堯與芻

鹿臯詩集

卷四

三

隣雞

雌雄鸛子啄蟲蟻日攘其一巢已毀隣雞日日過牆來
翻掀跳擲餉糠粃開門放歸告主人樹柵保護毋爾爾
祗恐羽翼向東西飛鳴一去如流水疑人爲盜倘匪真
聚訟煩冤靡終已不見前村李與蘇一雞搆毀達天子
長官重譴民流離官民却爲爭雞死茲風惡薄何由敦
放雞三嘆良有以

題背書圖

聞詩聞禮庭前趨先師遺訓齊賢愚能言能立有大用
但求章句何其迂乃翁自是窮經者一經教子將爲儒

當其讀時難字過要使纍纍如貫珠數十萬言皆出口
致君堯舜在吾徒乃翁耳目有真意風流瀟灑類蘇轍
我昔十齡侍嚴父躍鱗堂上號驪駒尙書孝經徹終始
應對往往驚座隅自從聰了轉頑鈍半生名實空模糊
卽今兒子三四輩遺經不治成荒蕪未入大學已游藝
小學之廢可吁吁逝將歸去理茅屋荔支樹下談黃虞
七業殘編隨所授枵餒亦足生歡娛播種畚耨有美報
諸兒不學視茲圖

龍起

烏雲滾滾臨江水蒼龍取水連雲起岸上離離四五家

鹿臯詩集

卷四

三

瓦木參差入雲裏半空飛灑雨中零田翁墜落傷其趾
此翁當是俗緣慳不到天門看天市我時正襟坐堂前
咫尺雲龍纔十里何不掠我試爲霖追隨舒卷附龍尾
四方上下救蒸黎與龍同生亦同死明日如逢行雨期
洙涇橋西拱而俟

指鷹圖

養時在臂不在指畫時在指臂所使臂指之用無窮期
世間萬事類如此涼秋九月掛高堂陰風獵獵天雨霏
百鳥飛來傍簷隙紛紛墜落如顛狂我見角鷹適原野
狐兔攫取鳥雀舍棄禽囓獸獨何爲作威自是食肉者

此鷹雖厲高且閒翎毛不借筆花斑瘦骨更無肉食
指頭生活出人間

患贅

當胸不宜着一物十年患贅如懸瘤一朝痛楚作牛頭
天地爲之黯然愁鮮血淋漓味更苦心膽俱碎從腰流
醫者汗顏瞪目視刀圭戰慄不敢投恒恐旦暮填溝壑
毀傷何以返山邱尺寸之膚無不養髮膚尚在徒懷憂
欲赴河涯洗穢毒未應殘疾老春秋

七夕

銀河耿耿徹西東明星煌煌在河中誰家女兒望牛女

鹿車詩集

卷四

三

晚妝含淚灑金風自言初嫁遠離別夫婿非商又非戎
鶯花幾度無消息三秋零露泣芙蓉良夜問星星不語
大嫂小姑徒汝汝星沉月落日亦窮天長信短奈何許
東隣老子聞嘆聲可惜貞芳傷獨處喚起勞人一片心
黯然魂銷恨羈旅

夜雨

夜半雷公逼殘凍蟲蟲已覺天地動金蛇入戶爛奇光
簾枕竹床破惡夢須臾急雨打篷牕鐵馬錚鏦鄒魯開
新秋暑氣壓人昏雷電力去千斤重花明禾秀萬象蘇
桔槔無聲閒抱甕昨朝爭水詰公庭今日歸來胥息訟

官民不擾樂陶陶太空大德足謳頌撞鐘擊鼓逐天磨
不報新晴農事重祗恐秬稌等兒饑慙慙待雨如待運
十日五日一行施斯人痛後不思痛

夏雲多奇峯

夏雲多奇峯削成千萬重不作霖雨倏忽爲虹虹在東
誑老農虹在西欺小童入江吸水江水紅持弓射虹江
神蒙吁嗟上下徹天公臣言九閭安得通

雞鶩爭食

平湖孤米草間蟲飛鳴各得鷗雌雄有鴨能飛不下水
有雞能鳴守門東揭來庭除共喧鬧索食不念主人賄

鹿車詩集

卷四

四

殘蔬剩飯有幾許衆口交搆如爭鋒不飛不鳴但顧腹
我不果腹貽隣翁日烹其一攘亦可會須十日絕羣踪
有鶴在林方饑餓此輩不殺違天公

三過沈園

洞戶沉沉闕高閣蓼花侵堦紅簇簇別來三度月盈虧
不覺西風掃殘綠北門不出賦無衣白露爲霜方未歸
狐裘蒙戎在何處坐憶啣薑一雁飛東隣鼓吹晚衙散
西家賓客號吮衿樓頭據槁仰秋旻沉吟梁甫空三嘆

鳳凰集

秋風蕭瑟梧桐凋烈日照耀烟霏消茸城城頭鳳凰集

文彩翩翩下九霄，狸狌狌忽不見。惟有百鳥爭來朝，
北向啾啾殷細響。但覺嚶嚶律呂調，白頭老子挈幼穉。
拱手竦聽虞廷韶，吾聞成周鳳凰至。疏附先後充官寮，
方今聖人求侍從。弓旌下賁車乘翅，五色光昭澄海宇。
清明六合分鸞象，浪說秦樓有仙分。神靈豈肯愛吹簫，
病鶴

誰傷汝翅折，汝足口不能言。聲不哭，鴛鴦離鵲競嘲嗤。
沮喪低垂不敢目，惡溝之水無源流。惡溝之泥更醜醜，
天寒日暮正酸辛。墜落沉迷何能毅，呼僮扶翼上階除。
豐草清泉和半菽，五日能行十日飛。戀我恩情去不遽，

鹿車詩集

卷四

五

汝當一舉九霄翰，倦遊莫向江南宿。

北風

北風凜凜搜荒墟，玄冥威福先吾廬。垣墉瓦薄紛搖動，
壓覆方愁慘不舒。蘆花散天白如雪，飛來曳曳泊庭除。
將花入衣當古貝，將花鋪席襯蘆條。我行其野行人疎，
三家村裏有冬儲。藉草堆糧皆北向，北風不擾此村居。
溪頭老翁獨垂釣，竹竿兀兀徒驚魚。問翁何事不歸去，
大魚不避風吹噓。嗟爾尺水清見底，大魚豈肯居沮洳。

句本
昌黎

閉戶

枯蒲老柳抱江村，寂寂秋風畫掩門。不爲鄉隣常好關，
直教鴉鴨不能喧。經旬病肺吟苦雨，床前履迹印苔痕。
卑濕長沙應似此，讀騷得句弔靈均。珍兒在側共揮灑，
連篇未足張吾軍。璞兒又撫淳化帖，那及阿買書八分。
筆髡硯渴共一榻，絕無客到爲書裙。嗟此難中閒日月，
仰天大笑謝乾坤。門前廣陌行人指，屋後吳歛舟子紛。
如聾且瞶無所覺，主人不飲亦微醺。

投筆歌

學書不作文，章伯學劍不封萬戶侯。書劍馳驅南北路，
揭來去劍有書留。自從署判混塵吏，毫端鈍拙如土牛。

鹿車詩集

卷四

美

家雞野鷺無面目，長蛇春蠶蚓藏秋。今者辭榮何所樂，
筆鋒活殺兔毛柔。只可自怡供捧腹，邦人好事頻相鈎。
吳綾便面常不絕，一揮墨汁傾杯甌。有醢合與隣人乞，
有火應須昏暮求。似此飲食俱無用，猶邀載酒醉與酬。
吁嗟斗大黃金印，丈夫攘臂箸可籌。規唐撫晉亦徒爾，
不到聖處空冥搜。大行小楷俱含羞，定遠見之爲子投。

紅雲

紅雲環擁玉皇居，神靈侍從羣龍趨。散仙追陪方未得，
鞭鸞咎鳳凌空虛。九天門開懸日月，照臨下土一穹廬。
呼吸之間通帝座，豈由謁者生趨趨。俗子視天如夢寐，

浪傳闕語有天書舉頭紅雲猶不見玉京金闕當何如
客有賦惡溪徙鱸者戲答之

惡溪東南水所潄溪邊廬舍無雞猪雞猪不產六畜絕
望蚩何以供鱸魚韓公愍然念民瘼強弓毒矢躬剪除
弓矢未發先文書羣鱸聽令歛徙居世間太守鱸不如
威福逼人惡有餘鱸食畜兮守可逐守爲鱸兮民焉舒
韓公韓公神在天曷不將鱸守投穢墟徒使遷江涉湖
播威福張眉奮鬚暴戾兼恣睢

梅花爲雪所摧詩以悼之

東園梅比去年盛江天雪獨今年橫瓊瑤之粉利於刀

鹿耳詩集

卷四

三

殺傷綠萼存者病欲開不開拘且攣繁枝枉自逞孤勁
吁嗟白哲不相憐夔蛇風况殊逕美人遲暮負春風
我亦憂心方恹恹

田柴歌

松人名不棄爲柴元夕以木束葉立于田間祭
而焚之取添財同音之義益土俗也

村頭社尾高崔巍杉松十丈建田柴紙旆飛揚風怒捲
非旗非旄相磨揩搥鐘伐鼓迓神降丁男婦女無疑猜
老翁居前拜且舞有肉如山酒如淮酌畢誰譁爭舉爆
銀花火樹一時開照徹東南千萬戶歌聲四起動春雷

明朝數點廉纖雨盡說財神帶雨來

祝神謠

爲陳氏獲地金作

地中金神所守神何之陳氏有掘七缸金百斗酹神床
雞豕狗東家西家競奔走大薦厭藉厭首拜神祝神
福誰某神冥冥不知醜徒費金錢夫呪婦陳氏聞之笑
掩口

督河使院啖荔呈高東軒先生

荔閩產也遠者以耳食不得且心醉有以鹽漬
蜜浸間關數千里者其真雖損猶勝常果子謂
京師馬乳葡萄殆不少遜自來江南七載思荔

鹿耳詩集

卷四

天

而不及馬乳故土之戀未釋也六月朔日河院
得此奚翅拱璧爲詩誌之猶楚吟乎

河平水落鯉魚肥鈴閣風清畫漏稀忽有海仙來入夢
膚如白玉絳羅衣座間吳客俱驚詫解剝凝脂撲鼻醅
念茲本是王家貢菁茅包匭相因依得入潭潭公府裏
紅菱白藕氣已微閩中老子歎離索他鄉邂逅瘳渴飢
烏石連天紛刺眼烏石閩產荔之鄉也一時乍啓故園扉有似醉
酒兼飽德賓筵樂事幾忘歸或云方物何足戀拘墟之
見世所訊龍門羣鯉亦到此乘運寧論躍與飛

雜感

獭獮人面不能言麻姑鳥爪成神仙人面噬人鳥入道
一體變易何其然青鸞本是仙家物偶傳指爪在人間
虺蜴方張鬼蜮技面目竊似毒愈堅王仁恩及民物
鑄鼎象物別神奸寇賊姦宄不及鑄我冠博帶豐其顛
天地之大猶有憾千古疑義誰能詮

昆吾雖利脫無辜白羽雖銛發豈徒無端睚眦向前去
殺人不顧血模糊黃昏馳馬臨狹道意氣驕矜醉欲倒
石齒嗟我馬足傷千金之軀不能保昆吾雖利已去腰
白羽雖銛空翠翹有仇伺隙扼其首魄方入地魂凌轡
却悔春秋多事日磨刀淬鏑成疾疾殺人者死自昔然

鹿臯詩集

卷四

完

挾讐相報無時畢

白雲東走赴滄溟赤日流光照戶庭朝朝景象在耳目
混元千古垂青冥我心動靜亦如此日光雲影昭雙清
迅雷風烈本常有至人寵辱總不驚卑憂煎業猶可見
孔顏樂處更難明一已觀心不自得無怪下士蒼蠅聲
在梁之鵲不濡味鷺鳴之雉聲惟雉羽蟲同類不同羣
無端又見同室鬪鄉隣閉戶猶可逃頓騎屋山悍於寇
可憐掌握無斧柯荆棘不鋤徒手袖權移時去古所嗟
猛政還須強項守昌黎不待玉川來買羊沽酒誰相就
中秋辜負月明天江波空作雙眉皺

稽叔夜隱於鍛水火克剛柔斷水火不克升降乖剛柔
不斷陰陽亂千斤精金入鍛爐鑄成寶劍光燦爛上燭
天門貫索室下祛地軸妖兇散元功不顯亦不尸紛紛
劍俠等塗炭如何殺戮累養生豈是神仙尸解慣丹成
九九數已窮景純同歸應合傳

芝蘭在室蒼蠅避蕉漿在地螻蟻萃二蟲齷齪已可憎
未若黠鼠猾而驚公然白日伺人踪香臭無分竊嘗試
床頭米甕鏘有聲猶搜餘粒連羣至壁間短褐掛蒙戎
競囓袂裾紛破碎貧窮於汝亦何仇蹂躪無端不可治
萬斤之弩莫發機巨石欲投又隣器會須熏穴擒渠魁

鹿臯詩集

卷四

幸

揮刀格磔尸諸市

肥水清秦人猶未兵肥水濁秦兵死相續北風凜凜鶴
聲悲認鶴爲軍軍心離不善將兵兼將將可憐芳草掩
肌骸苻秦不是嬴秦此肥兵却似長平裏自相蹂躪不
顧生人人祇爲風鶴死爭王圖伯亦一時世間自有真
天子

五月六日時移事去王子作此詩也

去年此日巡海塘上公節鉞光煌煌樓船蔽江抵張堰
緯夫恰有三千強蚩尤揚威方震怒飛灑馬鬣傾淋浪
猩紅之衣雨中立泥水沒脛不敢康役夫索食吏呼馬

嗷嗷衆口生謗傷上公停船問行李從官兩岸爭踰隙
海塘渾爛三十里跣足無有完衣裳供帳一餐飭厨傳
六畜叫嘯踰山岡慎莫近前驚左右祇恐非福能爲殃
歸來十日攝魂魄耳中猶響鐵錘鏘少年但道爲官樂
辟除行人意氣揚一旦當途遇盤錯不及走卒徒奔忙
民事絲毫無裨益不能補助回瘼瘡俗弊風顏曾莫挽
尸素日日偷太倉當時棄官猶未得卽今官棄愧岩廊
建溪憂鍋行

憂鍋者禁語也舟人曉起亟憂其鍋客有語者
是日輒不利夫多言招尤不獨行路也余于茶

鹿臯詩集

卷四

三

陽黯淡之間終日屏息過萬石灘作此

停篙結纜河之許買柴沽酒山之塢東方未明聿有聲
前船後船憂其釜舟子無言客不譁客若有言舟子怒
茶陽水激逾沸羹黯淡石叢如虓虎阿彌以上尚奔瀧
朝朝啓行利用祖我聞此言覺栩栩詢于葛藟良有補
維錡及釜總屬金金人三緘原有取吁嗟古之慎言人
萬物垂戒靡定所正襟危坐過洶濤戰兢何處非篤祐
前詩旣成舟子曰客自抒其意耳願爲棹歌發我
也戲答之

憂我鍋聲鏘鏘整我篙堅且強我鍋憂罷我篙行不言

不語是爲禳大水大湘小茶陽黯淡阿彌至九昌出我
乳力本爺孃朝朝送客方未央高者使平險者康

河水驟退歌寄郭旣明

郭在口外運糧河水暴漲爲文祭之遂退

河之水從天來渾無垠濟無限欲濟未濟聲如雷公曰
衆母猜狂測力可回焚疏離天天爲開須火水勢急傾
頽坐銷一丈如排摧騎牛競渡何快哉峙糧堆積高于
臺飽我軍士歌臺萊祇今河水不爲災吁嗟乎郭公真
有濟川才

合歡詞

黃絲歷亂綠絲長黃以爲衣綠爲裳服以事君吉且祥

鹿臯詩集

卷四

三

同盛同衰方未央食梅苦酸衆所嘗五味彌甘是蔗漿
銀燭高烧徹洞房燭花焰焰照肝腸明朝皎日出東方
心悅君兮君不忘

聽道人彈圮橋進履操

大雅不作聲微茫朱絃往往墜箏簧有唐一代辨音律
昌黎十操誰頡頏躋攀分寸不可上失勢忽落千丈強
每誦兩言渾未解紛紛諸譜俱荒唐西江道人操進履
恰與韓詩互抑揚初似桃源引舟子迷途風景乍蒼黃
繼如武皇降王母欲見未見心徬徨大都兒女變勇士
詼諧逼肖真張良于時起坐三嘆息不圖絕響掃求凰

我有銳歌學朱鷺未堪七德並掄揚焉得通宵達明堂
被之絲管方未央

追述他齋看花用昌黎寒食日出遊韻

一春無處可療病忽憶舊家花始盛編籬三丈翠屏開
引翼繁枝互相映寶相離披雜麗春後先紅綻如爭競
夜來微雨促封姨嫣然欲語待吟咏不是愛花只欲死
少陵詩句未傷正走馬來看貴及時逝者風光實難更
日居月諸不少留當前止足乃知命若營金谷備羣芳
造物已復司其柄羨君赤手闢茲園一年一度足稱慶
有水盈池花可澆有蔬滿蹊客可敬柴扉鎖鑰慎閉關

鹿臯詩集

卷四

重

竹下石床閒且曼玻璃新釀三百壺我來不飲負中聖
中川雅量醉復醒康中川雅量醉時似將以日併留連花友之豪者
下幾忘歸滿頭高插適情性無端惡少急喧嘩隔離呼
取意何橫不聞折柳衛狂夫粗豪之氣須遠避我將折
此寄西方吳待摧殘空對鏡主人無言知我心有花不
御誰爲政呼僮更把菊花栽新苗加植去老勁興來相
就復何如勝遊暇日在秋令

酬孫靜軒先生授春秋義

經書傳註董而肄褒貶是非拘以例不拘例者爲良模
諸儒講解鑒其義何鄭樹幟號專門未融筆削知與罪

先生講解真啓蒙屬詞比事餘可東即經考事昭列眉
卽事見義統鉅細王春日月爵氏名禮樂政刑歸正諦
措之家國體之身萬古禮防興不廢所願暇日註他經
前人未發發其秘我姿雖困尚勉旃諸編籍巾箱備
屠龍劈麟謝上帝斯文幸不墜於地

追述藍鹿洲失古劍

綠光爛爛逾三尺英風凜凜動顏色延平城下去年遊
神物不化隨京國自從佩此祛兇妖赤手翦斷東寧棘
功成不受爵祿封愛劍何曾誇殺賊無端風雨撼燕山
頭上雷公轟霹靂疑是六丁下取將蛟螭却走搜東壁

鹿臯詩集

卷四

壽

起視龍精乍有無魚皮木鞘空飛擲壯士傍徨色惘然
主人耿介意可惜昔我亦有切玉刀遠遊恐爲鬼神索
收拾瑤函掛藥房丁寧稚子勤拂拭昨宵雷雨徹東南
遮莫雌雄生羽翼神物聚散各有時安能株守長寂寂
桃花竹

昔聞少陵桃竹杖今看桃竹正交花何年盤根遂同氣
鄂然常棣紛大葩荏苒條枚猶見節如蟠似个生參差
或云此是神仙物朱顏爛爛明朝霞瑤池之旁閬苑側
托生根蒂偷丹砂如何流落染塵俗令我花時重嘆嗟
願餐霜雪老厥質江心蟠石謝朝華盤錯虬龍端有取

行將仗汝遊天涯

遊仙詩

我思仙人神海東三千弱水蓬萊宮宮中鸞鳳趨匆匆
是日貝闕與大通十二樓臺縹緲淮南前導八公從
安期種瓜在何許曾聞挾策謁重瞳重瞳不用遽亡去
肯與蒯通並受封神仙本是有心者踞床天子豈能庸
爰有東海魯連子光明沉識將母同脫然避世標高蹤
抵今姓字垂清風當年定當入海先梅福抑或窮山歷
水待葛洪神仙本是有心者燒丹養汞徒虛空黃金可
成河可塞雖有其語無其功碧雞金馬亦寥寂柏臺芳

鹿阜詩集

卷四

詩

草哭秋蟲

鹿阜詩集

卷四

鹿阜詩集卷四終



江湖閒吟卷五

七言古體詩

策蹇吟

蹇之羸兮朝飢泥滑滑兮行遲遲蹇復蹇兮傷止丹陽
道上鳴何悲前有猛虎朶其頤後有盜賊相追隨側身
西望垂涕洟以身當虎攘賊椎藉賊之糧捋虎鬚雖不
得飽脫於危行歸瓜步遇蒙俱不畏虎賊畏鬼欺吁嗟
乎我之命不時

圖書引

鹿阜詩集

卷五

一

老夫姓氏畏人知題名自署極崖子常陟梁山第一峯
極崖之署自茲始路人不解謂予狂位置何高曾不恥
吁嗟梁山僅蕞爾縱友善士一鄉止天下之大萬古遙
放眼觀之在眼底極崖極崖仰泰山雖有山名不敢擬
呼兒爲作急就章露布不用押繭紙

題古詩後三十首

甯戚飯牛歌

治世人才衰世詞叔牙仲父不能知桓公夜半獨加舉
自媒自衒士所悲此歌卓犖能爲傑四十萬言踵其轍
東方朔亦以大臣自命

漳浦王

道直

大氏



越人歌

東方之日月出皎彼姝者子
佳人僚思王子兮未敢言
山木有枝心悄悄離騷繼雅先
繼風平子四愁將無同
莫道無情情乃至青舟繡被漫相從

諸葛武侯梁甫吟

南陽隴畝卽有莘大夢未覺念斯民
好吟梁甫亦偶爾
排擊晏子何津津舊志流傳未足信
或有篇什久淪湮
出師誠子自千古風流名士在綸巾

陌上桑

艷色誰不憐富貴誰不慕秦氏好女子
抱色能守素南

鹿耳詩集

卷五

二

方五馬不足誇東方千騎壻所駐使君不殊夫壻殊有
夫之媛君何顧大義稜稜不可干厲詞凜凜令人懼後
身化作秋胡妻死生一節終不逃

蘇李別詩

屬國長歌聊當泣將軍繁絃管不急自然天籟在人間
千載聞之尚嗚咽匆匆岐路不忘規各懷明德爲汲汲
大歸大別有同情淑慎其身豈用襲後人擬作何能爲
俯觀江漢不須執詩用江漢後人遂以爲擬作者

蔡中郎飲馬長城窟

中郎獨斷傳千古飲馬長城五言祖五言轉調最難諧

誰能旋折見規矩此詩曰手山匠心枯桑海木就斤斧
爲興爲比爲敷陣一篇恰有三百譜

蘇伯玉妻盤中詩

怨乃情之窮怒乃情之逼如怨如怒深於情盤中之詩
爲極則後世猶傳如婦津當年伯玉豈狂或明妃文姬
怨不同各言其遇亦悽惻風騷最是白頭吟無方怨怒
形於色

古詩爲焦仲卿妻作

西京文字古不如前有史記後漢書詩挾文情惟此作
機杼經緯整且舒古來棄婦有殊轍貞者艱難淫者棄

鹿耳詩集

卷五

三

桑落雖爲靡室勞思反終教兄弟啞谷風陰雨本德音
未聞以死昭其潔妻赴清池夫挂枝合葬死別勝生離
一千七百四十五言言情種非情疑

十九首

言情言志無名者紹述變風追變雅江湖閑閣友朋間
可怨可羣亦瀟灑宮商絃管按節歌廣樂張於洞庭野
如何風會漸流遷靡曼寢熾元音捨唐詩三變猶堪把
明詩三變風斯下陳恭尹句江河之勢不可回沉吟歎息聲
將啞

魏武帝短歌行

大風秋風雄悔心文仲子高帝武帝無嗣音魏武窺竊

具雄俊短歌橫梁賦沉吟雖不足王酒可窮區區山海

校高深周公自是與王相青天白日長照臨月明星稀

終在陰

魏文帝雜詩

呦呦翩翩歎孤英廣陵馬上爲觀兵乃父沉雄氣已絕

和柔婉約諧人情雜詩兩章出悲感斷絕中腸露肝膽

短歌微吟不能長冷暖自知魚水嘆

甄后塘上行

行仁行義妾所慕思君念君別離故魚肉慈雄同所甘

鹿臯詩集

卷五

四

麻桌菅蒯無嫉妬宮中之賢女中豪歸風送遠安足數

可憐無寵冀悟君有金不買長門賦甄后爲郭嬪所詔賜死作此詩

陳思王贈白馬王彪

伐木廢兮兄弟離几筵徹兮親戚悲二王異路行遲遲

意毒恨之歌此詩怨悱不亂詩人旨畏天知命達人軌

乃父霸氣掃空虛乃兄文氣不能爾煌煌大雅振漢音

俯視應劉抗蘇李

王仲宣七哀詩

荆蠻非鄉不可住棲棲已失英雄路回首長安但白雲

大江滔滔愁日暮別離之苦甚夢中子弟爲俘不忍顧

七哀之痛在切膚陳思徒爲思婦訴其後張載憫原陵

悽愴抵爲萬乘故皇陵口歎各有殊感怨不及登樓賦

子建張載皆有七哀詩一傷思婦一傷原陵惟仲宣之哀獨至

阮步兵咏懷

胸中壘塊猶可澆心中不平那可消和愉哀怨亂無緒

酒杯詩思共相調平生善哭胡多笑絕勝幽憤紛嘲曉

謂嵇大都玩世無涯溪下不在地上雲霄

傅休奕明月篇

雷隱隱車遙遙聲不相同入耳調休奕手有白玉簫明

月之篇非爲月春蠶秋女如長消方知比興詩之興風

鹿臯詩集

卷五

五

雲月露空招邀信陽有作尚窠臼未能掃却逞孤標議

論雖高隔心手追唐軼杜路猶迢何信陽明月篇意在追唐軼杜王阮亭亟

許之然尚未脫窠臼安望休奕

王衡虎符歌

立言貴創不貴因猛虎開口已勝人起用六字句屬創體平生逞

博不能運氣卑語艷徒陳陳緣情綺靡其至論却教排

偶揚後塵士龍步趨又其次和神清節句猶新和神當春清節

爲秋陸士龍句

左太冲咏史

讀書不讀史既讀其目聾其耳咏史襲前語鼠嚼殘書

鹿食紙太冲胸次超古今事借前人情則已卓犖雄邁
無等倫漢魏以來惟此爾安仁士衡旗之旂明遠太白
孫與子詩品謂左在潘陸之下
妄矣鮑參通多學左史

郭弘農遊仙

有身莫作朱門客八珍不如鍊五石蜉蝣寧知龜鶴年
洪崖之肩猶可拍未必成仙當學仙來去山林有遺跡
弘農自是會心人托興於高生羽翼伯陽何事著參同
言奇語怪世莫識

陶淵明飲酒

心中有酒口無酒世間萬事歸大斗山中有酒心無酒

鹿塵詩集

卷五

六

世間萬事杯在手窮通得喪各一時惟有南山長不轉
秋菊自花鳥自還依然山下一老叟真味忘言誰得知
黃者黃流白者醲古來天運盡如斯聊借孔顏爲細剖
琴張曾皙與牧皮與酣亦可呼四友

顏延之秋胡詩

宋世人文推大手句奇語重不肯苟五君詠後數秋胡
敷情緩節獨敦厚不矜其婦薄其夫但感別離傷永久
其新孔嘉舊如何東征故爲風化首高張絕絃良足悲
惜哉投金喪所守

謝康樂登池上樓

謝公夙有山水癖永嘉原是山水鄉山水變幻卽陵谷
委蛇交會恣徜徉春草鳴禽臨所適空翠難名不細詳
誰能濟勝有此具拙疾去職亦良方勿從宋公違祖德
高山流水揚其芳

鮑參軍擬行路難

雲夢出胸中赤手闢蠶叢常蹶安足道靈區有逕通爲
代爲紹復爲擬鮑參軍則代之不奇不古不稱雄抗
古詞則紹之擬之懷孤直愁謬誤吞聲躑躅歌行路俊才逸足去人羣縱
橫跌宕工行步俊逸本少
陵贊語

謝宣城咏銅雀臺

鹿塵詩集

卷五

七

睨睨黃鳥好其音天半雲霞變其色動人耳目快人心
自然靈秀非由力玄暉佳句俊且清銅臺之咏尤辟易
鬱鬱西陵樹已衰陽秋言外甚誅責千載徒傳小謝名
祇恐軒輊難別識

沈家令別范安成

家令已習蕭梁氣能以波瀾拓流麗破除選體爲此詩
駸駸欲逼行行勢謂行行中間佳句耐人吟骨格若高
重行行當出類

江文通效阮公詩

步兵寄托本孤高偉詞開闢亦人豪攀躋分寸不可上

黎昌 追慕心手見風騷歲暮感傷有述作畧社排偶快
爬搔維擬諸篇美髮髯優而終非孫叔敖

何水部送韋司馬別

風情稍入深常語不覺淺交遊贈答多茲篇獨宛轉鋪
排隊裏破昏沉手提孤軍能盡沈填然一鼓對陰鏗彼
亦能軍此校善不知李杜何適從行行川心啓其鍵少
云頗學陰何苦用心又曰
李侯有佳句往往似陰鏗

木蘭詩

世間奇事有如此將軍歸來是女子替爺從征十二年
知者惟有黃黑水詩云暮宿黃河濱又云暮至黑水頭莫稽其事愛其前

鹿車詩集

卷五

八

沉雄峭快振卑靡辛延年羽林郎後無可擬

庾子山商調曲

清廟明堂重至德神聽和平貴力素安世房中惟泰元
漢郊依稀備典則子山商調領北周甲甲句以爲社稷
咏懷諸篇對酒歌風華猶見詩人色清新之句歷陳隋
盛名直與參軍敵少陵有取須別裁莫畏前賢徒耳食

楊越公贈薛播州

周詩章句別次第先聲後振連具義越公贈言敘九章
一章一義有根蒂盤空硬語時能爲骨格猶超繁縟際
武人獨數曹景宗生若同時堪戰藝其言也善或妒詞

薛得贈詩云人之將死其言也善未幾楊遂卒若識然燕泥之垢乃在帝

選書寄南球

能勝我衣我已寒能荷我薪不返山八載乖離莫相見
問天誰爲致此艱詩書之報非不厚我獨違世嬰痛癢
一束陳編何忍棄揀選精要當遺安宗文宗武熟文選
將在城南索古歡杜韓於我固殊絕恩勤鬻子摧心肝
汝兄汝弟同此業題緘遠寄淚潛潛慎莫鄙夷生厭惡
人言瘠土發芝蘭

淮海歎

淮黃驟漲兼天起彭城下沂揚州鄙海口高懸若倒流

鹿車詩集

卷五

九

不辨淮黃與海水蒼生魚鼈共浮沉生者嗷嗷出釜底
淚珠落水添波瀾夫失其妻母失子我
皇神聖邁湯堯視民如傷傷若此詔書百道插雞翹不
惜金錢萬億秭倉皇飛輓截南漕艘船相啣數百里一
時倉廩付災荒流民半爲飢寒死茲邦戶口不計量七
百萬口約爾爾庭羸何以備春耕萬頃膏腴沉瀾瀾安
得開鑿五丁功來佐天吳亟移徙水旱相仍古則然瞻
仰昊天空抱杞

拯溺篇呈高東軒先生

大河南徙天使然淮水入河地之權數十百年嘗一闕

時有大力幹坤乾公在淮黃馴且翁公去二水割廬田
天子重公如禹稷汝往欽哉亟旬宣公心飢溺本由已
皇皇奉命夔龍前輅車日行三百里彭城維揚及海隅
赤手決排殺其急指揮不憚水犀鞭剋期鍊石補圻缺
流民喜得役夫錢水土漸平繼粒食奔趨官吏散粥饘
澤中嗷嗷究安宅七百萬口俱安全占來安危繫豪傑
爲枅爲舟命世賢公歸燮理坐黃閣翊贊湯克億萬年
還須仙宿留茲土使相一柱擎南天邦人勒碑紀豐績
大書深刻細雕鏤平江善後有奇策獨與賈潘相後先

樓船行

鹿耳詩集

卷五

十

樓船汎汎河之湄大書皇米賑民飢三吳旁郡俱奔命
淮海徐揚方殿屎百丈牽江篙力奮日行百里無參差
詎謂流淺泥先凍前船膠固後船隨大吏方愁倉廩缺
上天歛令層水結天時人事屬艱難豈是流民自作孽
我皇南顧切痼瘼詔書字字刺心血流民讀詔忍斯夷
雖則劬勞究安節但聞處處榜人歌和氣直使春冰裂
粼粼白粲如坻京一隅得所萬方悅

招風伯

十尋之雪沒原田十日窮陰但信天驕陽在上浮雲蔽
令我愁慘心茫然虫尤虫尤居何許廓清大力當亟禦

人間疾苦倘不聞揚旗振旆徒汝汝伯兮伯兮本稱雄
推山倒海豈爲功明朝節氣近驚蟄破除積滯呼雷公
會同勾芒朝太昊馳驅靈景飛蒼龍四方上下絕陰翳
大家傾耳聽靈籙

萬竅怒號杉松舞新雪舊雪如織組十日重霾掃不開
招風却被風生苦老農笑我不知經東風簸蕩正宜雨
若使蓬蓬西北來窮陰乍破急於弩感此仍當請迅雷
烟以烈光擊其鉞鼙乎鼓之軒乎舞熙熙黎庶坐春臺
老農大笑乖時令風雷攸行各司柄四十九日不開門
驚蟄未到雷之病若使南山殷一聲淫雨何須歸虐政
鹿耳詩集 卷五 三

嗟予之智不如農抱頭堅臥墮且犂雨暘寒燠乘元化
將順帝則光天中

讀求賢詔

漢皇馭賢如馭馬駢馳泛駕則一也嘗聞老驥貴調良
不在千里沫流赭當年長孺駢駿雄長鳴慙諫風斯下
遂使冠裳重惠文沽名市直滿朝野亢宗七載默無言
賓王亦代常何寫至今猶愛陽馬名借才異代才方寡
畫龍何必求其真買駿以骨原爲假天生英傑不尋常
大木棟梁安廣廈求賢乞言徒爾爲黃鐘毀棄雷鳴疾
先師道大莫能容空有尼谿與書社

茂陵原上磨刀劍 武皇托夢語

寢園嚴肅閤重重兵衛如城倚帝雄磨刀礪劍者誰氏
羽林孤兒不知攻竊聞神道尚清靜在此磨礪真不恭
何不驅厲鬼誅羣兇托之於夢徒蒙蒙當時則榮歿則
已王者氓隸將母同伯有偏能殺仇怨取精用物豈獨
豐鬼神之事焉可窮

催梅

亭南旭日光融融遷客無衣背受烘翹首但求梅信早
此間佳趣擅獨豐昨宵微雨達昧旦起視枝頭畧綻紅
河邊擊鼓喧何事載酒携豚禮社公我欲借鼓催花爛

鹿阜詩集

卷五

三

坐看橫斜白玉叢東望鄧尉山龍嵒西望良嶽草茂茂
無官漫道官梅好一春潦倒在園中

周檢庵以燕遊詩質

有詩不作高軒過世無昌黎識李賀仙才鬼語非等倫
萬斛珠璣生咳唾公卿不肯低華簪高士能裁雅以南
清廟蒸民徒有作不逢薦達預朝參於予夙負長吟癖
九衢舊句風塵積今朝見獵興復狂相視而笑真莫逆
妍媸好醜莫校量清平之調亦尋常北征南山焉可少
杜韓千載有餘光

題蓮鷺圖

出泥不染花之德不浴而白禽之色水天蕩漾見依依
花香禽意兩相得亭亭高蓋下無魚雖欲素餐何所食
是皆君子操之遺日對斯圖三歎息

梅時追憶張薛渠

種梅百樹繞茅屋長與梅鄰爲醫俗大者三丈小則尋
絕類幽人戀空谷君本知醫獨抱疴梅前日展內經讀
沉疴漸可梅作花安閒此是養生福俗緣祛盡一朝殲
惟有梅花自成族夏蟲攪擾渴無泉繁枝不剪淪樸樾
吁嗟人亡物更衰縱有花開亦孤獨我來撫樹淚泫泫
梅不能言聞痛哭紛紛霜雪助悲傷坐久無人空躑躅

鹿阜詩集

卷五

三

內經書籍歸子虛不及諸梅猶在目

今日風

久雨初晴今日風鑪錘鍛鍊此其功羣黎百姓靡聞見
猶有所憾真愚蒙古者湯堯大水旱聖人補救爲勲庸
祁寒暑雨天地德雷霆鼓盪氣始通東園杉松奉風伯
號令歛至呼空中老翁鍵戶方屏息敬天非畏大王雄
噉蹴

有金莫作富貴容無錢莫蹈行乞蹤有無於人亦何定
國相役者將毋同受人之施常畏人噉蹴爾太匆匆
時移勢去反乎爾莫道噉蹴爲不恭獨哀王孫而進食

一時施受俱英雄

春日讀書

牕外遲遲行晷影
芸香一炷蠹魚醒
嗟爾六籍何酣醺
却笑人間空酩酊
故人貽我種樹書
便備杞梓爲綱領
梧檟棘棘各有分
直如樹人別忠佞
栽培不逆暢其支
疏剔修平條整整
此意得之郭駝順
物之情非有警
悔不十載事揮鋤
拱把參差娛老境
願乞蒼天假厥年
不能讀易勤作屏
學稼學圃無有成
擇術於粗齊民等
有冠有帶篋笥藏
不與貴人預朝請

訓狐聲

鹿臯詩集

卷五

古

亂啼如嘯非綿蠻
縷縷滾滾杉松間
兒童聞聲惱不徹
何況烏雀心胆寒
有目不明夜斯舉
有粟不啄嗜血餐
虎狼雖凶不食母
豈若此物眞冥頑
長刀斬頸老無力
萬鈞之弩何由彎
黃昏閉門但掩耳
佛鬱不樂成煩冤
或云烏鳶之卵鳳凰集
機祥禍福底事太相干
投弓釋弩不校放歸去
告爾醜類莫出東南山

雲間客

有客有客在雲間
來時尚壯今顏顏
日月幾何人易老
流離淹滯蝨其間
在官已覺包苴絕
泖水尊鱸亦等閒
但飲申江一杯水
屠腸爛胃嬰痼瘕
一年之水八載毒

母死不葬涕洟瀾
太倉莫補密囊囊
召親兩負罪如山
昨者詔書行萬里
遼陽以外承匪領
若使蠲租兼肆赦
提攜子女歸闕關
可憐分張音信斷
剝肉摧肝鼻屢酸
嗚呼長歌止於此
人生不幸爲鯨官

盧毅庵告休

將軍學劍萬人敵
赤手平臺誇殺賊
平分虎竹坐江南
十載不遷徒有力
白面長髯偏與神
開府何曾在功績
大弧挂壁箭生塵
縱居專城亦寥寂
嗚呼不復用干戈
樓船橫海無消息
駸駸歲月易欺人
解甲歸田計亦得
布衣麥飯有卽休
慎勿登樓看太白

鹿臯詩集

卷五

古

春曉聞百舌

簷溜初晴猶滴瀝
樹影沉沉罩東壁
春愁展轉不知曙
臥聽百舌如簧笛
老夫晏起罷梳頭
階下菜花青可摘
縣官衙裏鼓逢逢
屠牛封羊接上公
牛鳴羊叫雞犬走
上公未入黃浦口

示穿窬

樓上飢鼠鳴不止
門東餓犬吠不已
那知鼠狗卽汝曹
窺我架衣囊中糝
終年乞食不留餘
有求莫應滋媿恥
視汝形軀可挽強
棄汝刀鉞負弓矢
將軍方除老弱兵
男兒出身自茲始
揚旗策馬彼何人
椎埋漏網反側子

清明家祭

朝朝悽愴非關雨家家上墳河之曲兒孫儲以我不如
何期陟屺又陟岵黃雞團子望空陳濁酒不澆墳上土
松楸剪伐更蕭條踉蹌易以安列祖爲人孫子重光榮
那識役名如此苦生還梓園杳無期寒食年年誰是主
驚心莫問故鄉名身在黃浦心滄浦

陰雨寄珍兒

天南地北三千里零雨其濛一氣爾思歸念我辱泥塗
在途苦汝滯行李春寒無日不傷心馬頭何物件書琴
相見雲間俱是客匪來澤畔不成吟父仇不報爲孝子

鹿耳詩集

卷五

夫

父難莫解有誰任願言南北驟駸駸青天白日破窮陰
有鶴自來放而不去

上洋匝地盡魚蝦高飛翔集宿山家我不學仙何所慕
去官有似蜂散衙汝來不是爲軒車衣裳玄緇自梳爬
劃然一嘯鴉鵲避大雅終可闢浮世羅星橋上驚鳥驚
放汝不歸杜歎嗟曉來俛啄花枝蝸或時爪殺尋丈蛇
無求得食計已足主人抱愧箱齒牙與我同返居丹霞
雖無養俸共飢渴安能鬱鬱滯天涯

李順亭歸有日矣詩以訊之

颶風吹浪檣桅截中流失船一壺絕死生呼吸與君同

飄然艤舻亦人傑聞說歸舟已挂帆月明滿載與豈不
故鄉問我獨離居惟道江南山水穴開緣未盡故淹留
齒縱無存猶有舌臨渥相送應憮然鴻鴈哀鳴見愁別
憫留鬢爲鬚者

人生失節在虧辱形體無虧歸亦足強留鬢髮垂爲鬚
已覺髮鬆如桎梏子瞻原爲命世才蘇軾之號甚粗俗
時人期許又一坡顧盼自豪會未惡優孟雖能致寢邱
寓言感悟豈芳躅何異雕題鑿齒流文身殊相徒醒醒
古來物色太相干莫道林宗中有角

白氣

鹿耳詩集

卷五

屯

東皇御宇駕蒼龍天扉開闔青雲從歛有白氣貫南北
非烟非霧竟空中春秋日食月無紀星隕猶書畧蟬
拾遺鑿度不可曉識書緯書亦朦朧王者側修斥圖象
不論災祥與吉凶巫陽在天無處問巫咸在地不能窮
杞人懷憂徒爾爾痛哭流涕笑盧仝

馬不厭穀

乘馬在廐摧秣亟不散林垌食人食拾養何爲異昔時
聞說肥者將應客客奉王綱閱海疆旂旆央央馬彭彭
計程未至三千里走卒輿夫不敢康駑驥無分同一飽
長官之憂方悄悄

箭貫耳

將軍揚旂在高壇畫角聲粗士膽寒犀渠刀弓不合度
以箭貫耳走傳觀此誠習戰非爲虐千夫百夫體不完
會須停械方洩憤祇恐對賊徒悲酸賊不來軍獨謹夫
夫無藥醫箭瘢

映水紅

使臣駢駢不下馬路旁供帳椒蘭宮使臣傳餐但草具
下邑雞豚掠已空可惜經營官吏悴輶車一過如飄風
荷戈與父走不足前有負弩後青驄江邊觀者擠叟童
使臣亦是七尺豐就中誰爲五等崇我我嵌冠映水紅

鹿耳詩集

卷五

六

萬安橋

萬安橋水急於箭千艘萬舶維之徧外臺太守檣下居
西望王人由水傳王人尚爲良嶽遊環橋官吏皆戰戰
吉行一舍三十里遠則在郊近在縣郊無草舍縣之尤
外臺太守心如煎蒼黃捉人詰不周用膚血注不及滅
伐竹爲蓬架已遲縲麻爲絢急莫辦一時官吏鳥獸奔
流汗決渠土色面迎來送往禮則然無禮不恭應受譴
隣封供億載滿船爾鵝鵝爾羊牽外臺太守顧歡顏
喜怒雖公情亦變不問召伯憩甘棠路旁官吏起謗訕
沈歸愚選明詩以陳恭尹入

司馬死國骨不朽羽林孤兒猶善守天上雷霆不可當
霹靂餘生罹械紐日月間過牢獄中心肝碎逐首陽首
獨漉詩篇血淚成遵王道路不敢苟唐虞之際才所鍾
巢由不啻夔龍友史臣載筆欲分明不爲舜有卽堯有
沈君卓有良史模收陳入明字衆口若以嚴義例前人
劉基危素亦含垢

得珍兒關外書

馬頭文章帳下書雪中詩句風前抒駝峯鹿痿羊羔酒
臨餐不歎食無魚猶恐飢渴係童僕生來渴疾未能除
寄書念我貧且病上策無如返敝廬柳絮爲萍隨處泊

鹿耳詩集

卷五

九

石荷葉酬完卓亭先生

河中之水產石蓮貽我一葉生雲烟蓮殘葉老人由舊
臨河悵望空田田使君已傍青雲宿我心匪石還抱璞
比來又得水肪新日招泓穎同沐浴書成道德五千言
報道閒緣無不足

璞兒自上洋歸風濤脫險

陸沉世網幾無生天風海濤偏不死禍機已熟聽所如
死生在地猶在水恒言知命避巖壙我豈非人爲虎兕
累子驚魂無處逃殷憂疾疾何時已年少惟當受坎壈

皇天意者將玉汝

老龍行

老龍精雌雄子老龍顧雌又顧雄四方上下靡定止老龍抱雄又抱雌千秋萬歲見其尾雄者在天雌在水爲雨爲霖未有已

石池

莫采蓮蓮葉正田田莫養鵝粟米已無多池水有泥清見底池水無波石差齒蘇松道上築官塘官吏督責鐵銀鐺坐看池水笑閒忙

對筆客

鹿臯詩集

卷五

辛

我雖旣飲我鋒藏不與歐褚抗顏行雖有利器閱縹緲汝殺汝兔剗汝羊抽毫選穎遠承筐獵心一見喜揚揚指力臂力用殊方拙於用小大則臧孽窠巨帚中正健剛或題石壁書山堂大醉之後誇兒郎鬚眉已白莫驚惶愧殺當年韋仲將

曹白村載酒來遊

孤舟遠泝清風涇春潮帶雨布帆青未到柴門先叫嘯驚子酒醒夢亦醒袖中一卷編年冊年年佳句撮其英奇與直逼古箴銘讀罷話關喉口渴開船擎出菊花釀命藥可以駐顏齡僑居不是了雲亭感君一斗又一石

醉喝天扉啓不局思欲騰身跨汗漫轉移斗柄看誰能

長安行

車如雷馬如塵王侯卿相去復來酒如澠人如蠅健兒惡少紛相仍宮中聖人奏韶護欲得所欲惡所惡四方上下會王畿太平日月等閒度九衢六月疊冰山炙手可熱盡歡顏須臾北風報寒沍炎涼一氣自循環人情苦寒又苦暑身受炎涼不得語君不見金張許史門前侶避暑避暑無定處

烹天泉

地中水天上來天上水衆所猜飲水之源當郊禰飲天

鹿臯詩集

卷五

壬

之和無後災取火於石取薪於材火隨石出材可培植非其有禍所胎承天嘉貺藏於罍日飲數椀餘作醅仰天大嚼亦快哉

牛引犢

老牛引犢上邱隴步步回看方舉踵白額於菟伏草中翻身護犢立而竦雙角稜稜向虎頭虎亦逡巡失其勇前山大牯見虎驚垂首帖尾不能鳴茁壯肥臙供虎口何似黔驢徒喪生老牛非勇虎非怯舍身護犢有真誠他年此犢大於牯棄母不救無殊能

祀狗

莆田野廟塑狗祀之明末倭奴犯境狗斃倭無
數於人有功故血食焉

昂然高踞坐神龕猗猗意態雄耽耽爪牙勢帶腥血
倭奴蹂躪可追談當年官軍亦鏖戰億萬之卒陳空鏑
此狗馳突不成陣有似神兵殺戮酣定功行賞祿弗及
殘羹剩炙足懷慚諸將驍騰那有此微侯府第高潭潭
漢皇功狗殊快論人不狗若但天食

農諺

大麥花黃小麥青社公催雨隴頭零雨晴麥熟家家足
朝來食飯不食粥食飯可飽粥易飢牽牛負耜向東菑

鹿耳詩集

卷五

三

山深村寒苗不長麥飯何以至秋時嗟我農夫惟作苦
九餐一飽亦爲祜縱使豐年黍稌多取盈不給曾孫怒

洗鏡

我不汝欺汝母我疑一生肝胆卽鬚眉我不汝嗤汝母
我悲菁華未竭面目黧我壯汝壯衰汝衰我安汝安危
汝危人生百歲以爲期昭昭形影相追隨日新又新其
如斯

布穀

催人耕不食粟飛則交交啼穀穀情農人耳得母惡杜
鵑之外惟汝尊疑是神農古帝魂我見欲拜無田祿對

汝吞聲不忍聞

咏貧士

鷄雀飽問飽蟲螭鷹鷂曠野啄禽龜物類相戕誰昔然
彼蒼不替臧與否鳳凰干仞絕雲霓呼吸天風自豐美
琅玕垂實無所求飢餓羽儀終不死陳蔡絕糧亦一時
鳳凰禽中之君子

青豆

園西青豆腴園東青豆臞雨露田不均盈縮各有區域
南盛韋杜城北多編戶豈不近帝鄉乃一猪一虎

一龍一猪
語本獨創至人齊物去支離沃田不種取其畸肥肉不

鹿耳詩集

卷五

三

御留其皮美錦不異綌與絺美色不異鹽與施人生快
意在得時得固可快失莫悲看取園中青豆其

乃信也

佩刀困辱於市少登壇三軍又一笑含羞忍辱爲王侯
留侯倔強老人召項氏必亡劉必興一時佐命盡知兵
百鍊之剛柔繞指大都委曲就功名

奈若何

劉氏必王項必死不愛三軍愛女子八千子弟盡爲灰
楚歌空向帳中起好色人情况霸王軍中有女鼓不揚
圖霸圖王根已絕漢宮呂氏正恢張

喜雨

大麥青青小麥從上隴下龍浪生風小姑西行大嫂東
愛麥祝麥熟則同春雲油油雨雨雲攜手歸來日未夕
但看蒼翠濕人衣婦子欣欣有喜色縣官何事亟催租
割麥輸將在斯史麥間有雉兼有烏慎莫驚飛尾畢逋
賦得江湖夜雨十年燈山谷句微遜隱和山谷詩體

閒來檢點不書空解在西隣園在東漂泊江湖招雨風
冷暖天時心自領孤燈不寐愁能忍祇恐呻吟詩思窘
眼底風光日又新流離看破十年春可憐南浦未歸人
其二

鹿車詩集

卷五

畜

剪韭抽菰總屢空烟波乘釣大江東十年不返花從風
長檠短檠興獨領大雨細雨寒可忍一部閒吟思未寤
景物淒清久益新連宵燈影獨尋春我亦江湖一散人
其三

斷雲飛鳥野天空歸帆出浦各西東不問屋雨鯉魚風
夜夜攤書非薄領年年抱病獨堅忍胸次漸寬交漸窘
憂心見愠日益新澤畔伊誰共探春依依楊柳正懷人
雜咏二十首

劍俠

千金學劍家室虛疾視彼惡敢當子貴人有仇不得報

技成無用徒欷歔朝車馬迎未暮豪氣直欲凌專諸
吁嗟剛吐柔則茹茹惜哉荆卿尚尚疎

酒狂

不讀終朝浮大白寧論一斗與一石青天是主我是客
醉時屢舞天爲窄妻飢兒餒知未知死即埋我方辟易
非歌非哭據糟床玻璃傾倒流琥珀

書癡

鼠食字而不聖鹿食紙而不賢槎牙滿腹皆陳編大都
文義多拘牽蓬頭垢面坐高閣龜手跣足犁硯田日日
停餐伴蠹眠逢人猶自侈便便

鹿車詩集

卷五

畜

茶叟

江水山泉儲百甕碧玉茶團印龍鳳晨興盥手活火烹
點得香波白似漣饗飡無米不校量雙井旗槍分鶴俸
願養清顏山澤癯飄飄欲挾飛仙動玉川鴻漸俱通神
習習風生經自誦

睡翁

百年三萬六千日欹枕山中只一息世上紛紛俱等閒
黑甜鄉裏無偏側希夷邂逅本同心不須椎殺三尸賊
大夢先覺自有時何如不返華胥國

琴師

薰風去古遠莫追廣陵散絕亦堪悲不有師襄爲指授
金徽玉軫空差池穎師猶能別水炭勇士兒女無不宜
洗盡從來箏笛耳

東坡句

莫教大雅正聲衰

歌客

碎胡琴擊玉壺箏篋擯却麾箏箏口傳齊右郢中呼抑
揚按壓聲嗚嗚引商刻羽雜流徵曲高和寡能事孤新
腔小調俱得意曷不填詞薦上都

山長

小學久廢大學荒上庠東序垂空堂經明行修作山長
猶堪道藝共助勦潮州趙德昌黎舉不由除授式與鄉

應舉詩集

卷五

美

教育還能振頹陋不數稷下有諸姜何地無材須撲斫
棠梨亦足充棟梁但當延英師道立即此爲國培賢良

園丁

謂汝不能耕桔槔常在手謂汝不能耘耰鋤時有耦聞
來鑿井候陰晴薄酒冷淘餉鄰叟嘉蔬嫩菜列成行采
采清疎畧可口於陵仲子挈其妻卿相公侯不得友

農官

力田孝弟本高科古制不復秀民多忽然應詔如通籍
垂紳委佩冠嵯峨昨日牛羊指前路今朝胼胝豪豬難
老妻稚子走驚怪園廛穀麥半消磨嗟嗟保介勞相勸

好官却任笑么麼

織女

木棉花貴布無價經長緯短起中夜篝燈未滅天未明
軋軋紡車動隣舍上衣須裁五丈餘中衣贏得三丈下
春冰欲泮桃李花小姑無衣不敢嫁前村犬吠有人來
我悅在門得無怕

牧童

春原膾膾碧草生老牛引犢隴頭鳴小童未跨先牽鼻
日左日右鞭使令薪蒸雌雄各有取可嗤挂角不橫經
野竹長竿裁作笛江南短弄兩三聲牛蹄踏破月華明

應舉詩集

卷五

老

釣叟

大魚不肯居沮洳小魚不用施釣車獨向蒼茫長佇立
白雲舒卷見龍嘘有魚歸來漑金鱗無魚揮手剔書蟬
桐江遠接渭流深可出可處莫沉吟潛見之龍知我心

市僧

五都日出五民譁精粗貴賤各等差不有市官平物價
徒憑諸僧亂如麻布帛菽粟本常事金玉錦繡競相誇
或羸或絀由僧手相欺相詐豈有涯固知此物少爲貴
五尺童子亦能家

博徒

謝安賭墅談至今劉毅終輸百萬金收豬奴戲何所樂
朝夕結伴枉相尋焦頭爛額俱不惜破家棄產猶惜惜
飽食終日亦已矣嗟爾羣兒太用心

雞翁

馬有駒牛有犢一母一子不成族雞雌伏子粥粥十百
爲羣趁麥熟姓者陶氏者祝日把蟲蟻當菽粟聞說純
鳥愈頭風一隻十千價不縮致富有方在牧畜

漁媼

大船載客夫與子小船泊岸姑與姊四腮鱸雜縮頸鰻
花鱸白絲兼赤鯉攀楊折柳貫其頤提筐入市誇未死

鹿臯詩集

卷五

美

青布纏頭步步搖赤脚印泥猶帶水得錢歸去急如矢
晚潮初長魚唯唯

菜傭

采葑采菲莫相擠根莖美惡原不齊春韭秋菘舊品題
入市爭新衆所攜一肩卸盡媚山妻口祝萬戶皆長齋
遮莫貧民有此色愁眉簇簇見酸嘶

馬醫

善踉好齧本非病龍醫鳳臆非常乘僕夫摧秣偶有違
多方剪拂得其性驚駘委頓路旁喧駃騠調攝廐中政
與人萬里成大功良醫猶握生死柄敝帷不棄禮則然

告爾奇方莫浪訂

象奴

瑤精在地獨遲重有奴馴之擅操縱但看手執三隅矛
勾革上騎寧敢動將軍階級祿殊科汝奴歲月吞其俸
厖然受制徒開牙以鼻擊鼓惡嘲弄人物靈蠢此中分
虎兇在柙不能控

楊侯廟僧招看牡丹

深紅淺碧侯所司去歲與侯乞雨枝重樓疊瓣香在榻
又驚爛熳眼迷離老僧叩門解侯意招我花前酌一卮
金盤玉盞紛交錯繡幃錦被光蕤蕤當前富貴非常有

鹿臯詩集

卷五

美

風馳雨驟消胭脂仍向我侯拓嘉惠歸途酩酊手自持
名園麗苑不肯到野橋流水獨吟詩

四感詩

語本潘安仁詩以自況

登山

脂子車兮馬瘠戒予從兮僕痛望高岡兮躑躅指夕陽
兮踟躕城闕蒼蒼兮雲樹故鄉渺渺兮江湖嗟黃綺兮
何處紫芝長兮終枯山有木兮石爲徒非木石兮云何
吁

臨水

江之永兮洶洶漢之廣兮颯颯洩尾閭兮淙淙溯源流
兮莫窮需舟楫兮未濟駭風濤兮水雄光隱見兮龍宮
龍之出兮乘風角不可攀兮尾不可衝欲與爲霖兮將
曷從

遠行

南適粵兮多虎北走燕兮不武攜春糧兮苦飢命儔侶
兮無伍望故人兮天涯遠莫致兮怨怒羌非商兮非戎
投逆旅兮遭侮車隕輻兮傍徨行路難兮自古

送歸

旨酒陳兮肴饗僕夫飭兮馬鳴贈君策兮怵怵勸君酌

鹿耳詩集

卷五

三

兮盈盈君爲賓兮予亦客握手分手此時情飛鴻兮在
天宿鷺兮在汀嗟爾禽鳥兮靡定攪遙遙兮心旌

楊侯廟僧送牡丹用前韻

看罷封姨謝職司

花時俗以樂媚神名曰看罷

高臺朱紫綴繁枝醉

眼竭來興未足却似相逢又別離老僧叩門致神惠銀

瓶擎出金玉卮紅瑪瑙盤堆艷雪翠芙蓉帳生葳蕤一

時茅舍集佳麗百匝瓊漿注粉脂老夫十年花事薄到

此風光不自持買魚沽酒召鄰叟不窮驟富爲工詩

種秧飯

大筐炊飯小筐蔬平疇水滿秧如鋪十千揮插齊其力

侯主侯伯紛相呼開筵掣飯又持蔬歸歸居兒呱呱
有噴不妨分肯否山歌共唱聲鳴鳴畦間有鵲挾其雛
啄取顆粒如真珠無端決起草爭趨縣官牙爪來催租

梁上鶯

梁上鶯飢啄渴飲百無憂梁上鶯有翼有味不乖睽真
鴻在天鶴在野雖無弋慕知者寡稻粱鰕鱗俱等閒羽
儀高潔亦瀟灑人生得失會有期不與鶯鶯爭上下

答友荔枝問

端明學士諧模糊欲說先須按畫圖蜀川以外數南海
綠荷包裏當隋珠

荔枝之佳者名綠荷包其種出南海以荷包包裹入閩故名

生食金

鹿耳詩集

卷五

三

鐘又難得

荔枝初出者名生食金鐘卽狀元紅微香難得多汁皆別品也

酸香流液類

醍醐綠荷之佳在豐潤有如那媛美且都猩紅直透絳

羅襦鮮剝爭看白玉膚味中吐納猶有味一飽真可遠

庖厨不信瓊漿能辟穀癯者已肥病則蘇河豚惡腥豈

倫比東坡言語但欺愚不如文旦

文旦橋袖之屬出武安者佳

尚芳

潔堪與龍眼稱爲奴

移居後遇雪

聚星堂上詩已陳蘭玉堂前雪正新歐陽謝去東坡老
無能爲雪寫精神昨日移居今日雨風吹屋底盡鋪銀
天將富我猶飢我冷甕炊烟焙濕薪一餐日晡方未得

穉子門東啼且喚憶昔長安三日卧執床酒禮主人厭
醉後橫斜草舞絮明朝傳出駭都人祇今墨焦筆亦秃
忍寒貪看江南春

琴伴吟

去官九載獨餘一琴無弦也東園挂之樓柱位
置猶高移居近市璞兒安之卧榻雖裏而溫作
琴伴吟

長安歸來兮無以爲家促居湫隘兮臨河之涯甕中無
米兮炊飯以沙有琴無絃兮揮手歎嗟辭樓入市兮維
塵所遮覆以繡被兮相得有加寂處不鳴兮終勝淫娃

鹿車詩集

卷五

三

呼爲小友兮青翰非賒永以爲好兮思無邪

賦得公平真愛山

東園假山在樓前樹木交蔭別有天蘭玉假山在堂後
海榴叢桂相周旋洋洋泌水飢可樂飢來長對石頭頭
我心匪石不可轉與時動定有山緣故山松栢大如許
古竺巖溪挂眼底真山不理任荒蕪久假不歸豈有以

朱陳嫁娶圖

謂我舅者乃吾甥爲吾婿者半吾子重重姻婭無盡期
姪娣諸姑與伯姊世家公室有等差朱陳何似尹姑家
盈門九十其儀爛開圖却見御輪車

何彼穠矣桃李華邕邕鳴鴈旭日些雖無百輛亦親迎
羊轅攜酒兩家譁常言禮失求之野以時以正寧苟且
茲圖百姓可使知淳風直接三代下

放歌

蒼頭俗子健如賊昨日傭奴今赫赫不知何處得寶藏
金玉堆山麾不惜燕姬趙女滿樓臺蜀錦齊紈無顏色
蒼頭深居不見人溫柔之鄉樂靡極藏舟于壑山于澤
祇恐夜半逢有力

女蘿不離松上族萍梗無依水中宿平生結客少年場
無那浮沉多翻覆管葛才猷不永年屈賈文章遭束縛

鹿車詩集

卷五

三

况我十百古人餘命與仇謀嬰桎梏十年生死有無中
地下諸公何由覺白日青春吟大招南望長歌聊當哭

寄張旋九

人生骨力貴健強文字精華在痛癢冊命詩歌非兩途
漫膚多肉總皮相雕龍往往發其微下士無知得其墮
少時常服樓迂齋關鍵一書論頗暢遷固刻意欲登堂
揚雄慕古徒覆醬古來道藝本相關醇而後肆若佳釀
力探制作出心裁輪扁公輸真哲匠力圓規矩具神明
與子共遊秦漢上

媚神祠

前神巫後神祝除人災保人壽祝在西巫在東熾災乞
壽趨洶洶自作之孽徒爾爾災亦不消孽不止神君司
命何能以人人半爲祈禳死彼淫者祠盛其居黃童白
叟皆安舒

迎春

東郊土牛易以紙江南風俗薄如此縣官導引紙牛前
禮無所載意已虔春泥躑躅遊人競盡說今年春氣盛
朝來旭日照單衣米平酒賤家家令我亦狂歌誦太平
垂老庶幾無疾病

和陳古民詩九首

鹿皇詩集

卷五

香

香心廟

梅五娘涇縣人黃巢之亂賊欲污之不從遇害
土人爲立香心廟

旻天疾威憐窈窕黑雲不減秋蟾皎美人貞魂在雲端
千秋陟降香心廟廟前無水不鳴咽廟中禱祝人不絕
亂臣賊子莫來遊見卽生擒仇耻雪

唾夫面

鄧艾下陰平漢將馮遼欲降妻李氏唾其面曰
負國如此何面目與子並生乎遂自縊死

唾夫面面在夫有覲長視人易不歸黃墟負心如大豚

顧生不顧死妾嫁犬豚匪男子願爲精衛隨孤鳳得鳳
古帝王謂杜鵑蜀帝也

几上頭

唐末楊行密圍揚州軍飢食人肉洪州商周迪
在圍中妾語迪曰君有老母當歸賣妾備行資
自詣屠肆迪袖金行門者詰故至肆驗之妾頭
已在几矣

賣妾備行資臨岐忍相看踉蹌未出門妾首已登案首
登案路人悲恩情斷絕在生離家有老母莫戀妾更勿
行商事耕盤揚州雖好不如鄉肉羹滋味豈堪嘗

鹿皇詩集

卷五

畫

兒背馬

龔開淮陰人宋亡不仕家貧無几席每令子俯
伏就背按紙畫馬甚工見者爭購之

背上馬馬有駒馬駒汗血由兒軀神駿如生飽墨水兒
背欠伸方漸起兒背馬不可騎六丁下觀那能羈不易
燕臺金聊吸亡國廢市中若遇趙王孫莫教手指汗其
痕

臣負帝傷崖山殉國也

臣負帝臣雖不臣帝猶帝帝手拍臣肩莫拭臣眼淚波
濤掀天不見君皇天那管存亡意嗚呼崖山崩今立無

地地維解兮奈何帝

抱夫屍

夏蜀中張真渡江舟覆妻黃氏求夫屍不得自
沉十四日抱夫屍出面如生

蜀江山青江水黑黃娥沉江日復日半月夫屍並頭出
抱得死夫猶生夫同生同死義不殊大義在天恩在手
莫道孟光能舉臼

漕河水

乙丑二月糧艘過瓜洲犁纜壞民船死一女子
年十五作漕河水

鹿耳詩集

卷五

三

河水中何湯湯前者民渡後漕糧後船犁纜前船覆十
生一死嗟女郎女郎嫁夫爲皇民死于漕糧嫁水濱青
衣練裙見龍女不作尋常瓜步人瓜步人多舟子歲歲
爲漕糧性命隨流水可憐去歲七人沉不見今年女郎
死

水軍行

官設水軍救火災也乃乘急攘民財官弗之禁
是益薪矣作水軍行

水軍驅龍灑急水水活我民回祿死奈何食公食火作
虧汝職公然掠取逾盜賊官吏無言隨所罹災民敢怨

不敢噴哭聲震動萬家昏里正方催輸水軍

稽家庄

高郵布衣瑞晉迎文丞相于家資送海航達行
在時工部侍郎柳岳奉詔去過其庄詳憤其賣
國襲殺之

有酒宴嘉賓有資達海航丞相本爲國一夕稽家庄稽
家庄忠邪此分行辨別在劍鋒賣國固當誅亡國有典
常布衣雖云賤降臣已無面殺人得不死路人亦欣忭
君不見禮云戴天不共怨干戈社稷古所美

出無車

鹿耳詩集

卷五

三

秋雨淅淅泥沒足朝餐不辦食無肉經旬閉戶北城隈
北風凜凜寒更酷故人許我狐白裘愛而不見心焉數
衝泥未敢褰裳從祗恐口惠言不復門前轍跡何紛紛
借得車來遭脫輻不如安步老河干伐檀坎坎聲相續
仍遣韓盧獵野圍懸貍懸鶉滿庭曲

鹿耳詩集卷五終

江湖閒吟卷六

漳浦王道直夫氏著

五言近體

解組詩

章句曾何補耶官報已豐地濱滄海險風擊浦江雄分
邑繁稱最孤城界尚通縣治在衛城與華亭各半若非才俊彥何以
奏膚功

舊俗耕漁半新風訟獄甘威難臨健婦勸屢飭丁男日
念知維四時懷善有三前賢徽已遠對綬不勝慙

民事真難緩愁腸日幾迴星明占雨集蜺見望晴來野

鹿臯詩集

卷六

一

柳春空綠江梅臘白開官忙猶有罰臥治豈爲才四邑同修

哨船遲延一月例議隆調

無欺憑獲上有恪凜瞻天心跡雙清矣施爲百拙焉談

當自鄙下貧若在陳年老母饗飡苦何能買薄田

海底金山出初分大邑誇循名多寶玉微實但魚蝦堂

寂宜羅雀泥深漫種花自慙百里長牧外更無加

與居席乍煖飲食突初黔舌爲柔猶在腸雖冷未嫌種

瓜園有待採藥逕還添此際行藏意無勞向鄭占

無從騎款段舉步盪輕舸岸草連天碧沙鷗避網高機

忘渾得失與淺息本騷何必柳軒冕行行意氣豪

披豁天真露逍遙塵事離寒消山簡酒晴晒水曹詩戶
外烏啼曙花間蝶夢移衣冠從此懶有客未相宜

吏隱譏談少囊空奉養稀新蔬冰雪晚苦茗蕙蘭辭已

攝殘生足聊供暇日肥他年倘有肉淡泊莫相違

一榻依版舍蕭蕭風雨悲終朝防鼠雀永夜竄狐狸人

散疑空谷庭窪強學池傳來南北字苔與故交知

砥礪松筠操清冷冰雪心民瞻惟不忤衆好實難任望

古求良牧端居佩雅箴不才終解組何以理鳴琴

組解方需代簪抽末掛冠共傳犀首飲不減伏波餐齒

長岐猶熟形虧魄尚團悲秋兼漫與贏得旅懷寬

鹿臯詩集

卷六

二

不是金閨彥還從簿領忙濫竿應薄罰毀瓦又何當過

宥期云補恩寬竊佇望大瓠無用用上下海天長

捧檄方思義版輿已媿潘自來鱸膾地屢夢荔支園有

客分新粥無花獨愛萱所欣強健在猶足慰晨昏

明遠材垂盡長卿病正多竟無龜共話聊與鶴相過掩

耳逃謠詠安心適寤歌鄰人莫來問奇字已消磨

遠眺頻臨水栖遲但掩荆語蒙天覺笑詩待雨催成梁

甫吟垂暮陰符註未更自心商出處不必問君平

有園真覺小度夏日方蒸雷雨倏然至蛟龍矯欲騰暫

依羈旅客還擬在家僧採取青蘊舊囊空喜不勝

已覺真心寂寧知入耳謹聽鳴猶有好牛關定爭看何
物堪醫俗誰人肯嗜酸幸無皆欲殺獨立未爲難
外物能無我閒情致亦豪但觀腐鼠嚇始識彩鸞高據
槁懷莊叟焚香讀楚騷自然成曠達濁草幸皆淘
酷烈消殘夏清涼漸入秋看蓮知不染種菊亦忘憂
角憑人闌迷心獨自收陶陶天地廓浩氣此中流

七夕

今夕爲何夕雙星古別離誰將天上話欲解世間疑目
極微雲渺情深淡月移大家方得巧用拙守吾癡

題美人圖

鹿臯詩集

卷六

三

杏子單衫色鴉雛雙鬟痕逢人應笑蹙乘醉可留髡月
下疑無影燈前若有魂相如消渴甚何處是文園

舉五兒

喜作添丁字徵蘭與夢符未知好紙筆且復掛桑弧屢
角看猶尚樓頭撞可娛吾衰已甚矣莫訝是狂夫
諸兒皆已長勉守舊門閥此地猶生爾知天未棄子餅
空懸穀架滿愛藏書耕讀吾家事殘年樂只且

得南珍溫陵道中書却寄

時將引見

自汝行彌遠嗟子病益深勤勞無少補得失轉難任未
解歸田組還修向闕簪廟廊方有用豈遂老山林

洙涇村居偶成

雲水江村綠春歸未有期杖藜多病後屐齒看花時燕
熟窺簾早鶯新出谷遲風流天所予爲政滯今茲
夙有子猷癖風塵負此君門庭難避俗雞犬日同羣地
濕傷紅粟倉貯天高望白雲思親時一哭不使外人聞
舍北芹芽出橋西槐葉青誰云仲蔚宅不似子雲亭
宿方成懶酣歌蚤獨醒欲將高士傳乘興一書屏
脫粟山田飯無飢未煮沙教兒知素位飲水是生涯果
待秋來熟蘭添雨後華喧卑風日好江畔暫爲家
不覺衰顏叟曾非白首郎人稱孺子輩我是丈人行馬

鹿臯詩集

卷六

四

齒時加長葵心日自傷添丁有佳話學步始扶床

三月初八夜翫月示南珍南璞

爲愛清和月貪看入夜分澄空渾是水萬里淨無雲冷
徹蛟龍動光搖竹柏紛疎星曾幾點烏鵲正思羣
淒淒江上坐渺渺旅懷侵天覺團圓近人驚離別深太
刀延望眼破鏡照歸心不寐東方白流光早已沉
照臨天有眼下土仰高明肝膽當空見樓臺次第平波
流金乍爛露潤玉無聲最是容光徹纖微塵遁情
對此三年皎真忘子夜寒盈虛知有數今古一虧完薄
蝕人皆見當更我獨歡美人遲暮意遙問白雲端

席

坐中曾未煖已復染行塵舒卷方無定涼炎共苦辛愁
來寐亦假病慣懶成真非汝相依久何鄉覓所親

偶成

難中衰不覺折柳始驚秋問藥須蒼耳臨梳見白頭鶴
歸因米少雀散避羅搜寂歷隨形影何如不繫舟

展

細雨消殘暑紅皮木屐新聊將居濕地未敢侈高人躡
卯衷何徧登山與轉頻何時能折齒兒輩足誇賓

賦得秋天不肯明

鹿臯詩集

卷六

五

悲秋方假寐殘夜故彌長遲落星低戶斜侵月近床愁
多催昧旦老去怯新涼湖海思歸客何年臥故鄉

落梅

搖落風霜厲南枝及北枝香飄山以外望斷水之湄亂
石承瓊屑層冰襯玉肌不堪高士見撫事一題詩

寂寞孤山畔林逋喪老妻自憐明月夜厭聽五更雞

粉塗芳草流英出別蹊何郎方一弔腸斷對春泥

韶景偏多雨水容損復捐玉堂方慘澹金谷漫流連酒

罷霓裳散燈殘綈袂遷美人遲不返何處問嬋娟

不入時人眼寧從遁世心風光曾占斷衰謝合沉吟已

惹惹烏啄頻邀野老尋尚餘香半日吹入杏花林

皎潔猶高異孤踪自抑揚何堪素手折致使玉鱗傷雪

後神多減風前態未任清心當夜化渺渺白雲鄉

片片飛還泊淒清到海隅人憐常不受骨立未爲孤蜂

蝶追生魄風塵識故吾有時能止渴軍旅見良圖

春歸無可奈老去又何辭愁殺江南客倚沉舍北時青

枝方發憤綠葉足棲遲莫染傷心淚東風會有期

衰白泥塗見悠悠任愛憎誰因訴困辱祇自耐欺凌蒂

下同心嬾枝頭結子能和羹他日事分定不須矜

渺渺芳初歇離離影更疎淡雲牽紙帳細雨咽茅廬

鹿臯詩集

卷六

六

冷猶盈匊標孤落子虛無方可索笑延賞意何如

幽居鄰水竹蕭散凡間仙衫履飄飄度江湖處處顛琴

心三疊盡鶴唳一聲傳萬里橋西遠徘徊別有天

杞菊

杞菊榮秋圃辛香却類荃自然成皎潔直可謝腥羶逸

是仙人氣清憑高士傳終朝終不徹暮景看延年

薑

獨愛生薑辣秋深氣味嚴排將青玉指插入水晶鹽已

覺神明遠還驅穢惡潛若鄰椒與桂無處辨涼炎

歷盡

歷盡江河險還經邱壑危樓遲南服日沉痛北征詩硯
凍翻唐帖燈孤讀楚詞浩然長不寐惟有古人知

寒月

今夜洙涇月歸來第四圓斜扉臨白版冷榻伴青氍毹
瘦鳥啼急江空鴈陣連所思方萬里同照別離天
庭隅閒積水衣帶盡青霜竹影來魑魅琴聲鼓鳳凰稀
星翹可數破牖迓容光乘興隨遲暮三更費佇望

野望

茫茫三泖水越在數村西俗以漁蠶異松江無養蠶者
過越界乃有
民猶富庶齊征帆寒浦出老樹暮雲迷徙倚東臯外臨

鹿臯詩集

卷六

七

岐信杖藜

寄洪稷人

三載遲雙鯉寒江獨釣磯詩名誰與共時事轉多非欲
殺生猶死無家老不歸何能一執手話盡寸心微

賦得獨樹老夫家

不是甘棠蔭僑居漫作家枝孤逾我老影隻閱年華坐
憇摩挲慣行吟躑躅嗟仲文方作賦春至看楂牙

倉橋

鐘聲橋以北日暮出東林隔岸諸天靜臨河下界深倉
開肥鼠雀網漏散魚禽萬物含生意行行動醉吟

過王氏莊

十畝自閑閑澗水一灣竹陰清世界花落淨人間極
浦南趨海平原北阻山謝安不復出贏得養豐顏

山茶北枝小春盛開

麗景開何早窮陰媚小天南風吹不及北牖喜新暹
米芾觀者方去斟酌延清賞偏反寫極妍江梅猶恐妬讓爾占
春前

買帚

楚楚來蓬徑翹翹出竹林徒能事一室未足享千金花
落收殘錦塵封拂碎琴閒中躬自潔且寄教兒心

鹿臯詩集

卷六

八

示南珍南璞

殷憂方玉汝克已若談兵雪耻推曹昧收功用孟明數
爲七日復心與寸陰爭陽戈猶可反得意足縱橫

嗜學如行路駸駸日夜徂易精文選理難得六經腴源
遠朝宗海工深融液鑪升堂兼入室造極是良圖

觀曳大木者

伐時方許許曳處復邪邪愛此參天幹殊非泛海查材
良恢巨室用大壓高牙可惜輜車者河干閱歲華

暮村

羣鷺飛如雨炊烟燭若燒水吞鳴野碓玉柱砍江瑤市

散沽樽酒人歸度板橋村村無吠犬已覺太平宵

迎春

簪纓久已去猶白夢迎春物采皆成幻風光一氣鉤梅
南天最暖江上日初新俯仰三皇世義軒有逸民

沈石田山水

醉墨何年灑寒牕得卧遊亂流千澗瀑老樹兩崖秋
結茅君宅坡連杜若洲桃源曾莫比是處可藏舟

重題背書圖示兒

盡說簾金滿何如腹笥便萬言咸了了一得愛拳拳業
是青箱舊功隨白蠹穿閒來欣對此急着祖生鞭

鹿臯詩集

卷六

九

晏起寄友

晏起稀人事簾開日已東豪吟貪捫蝨得句避雕蟲
僻梅偏早池寒墨不融草書猶未就母乃太匆匆

漫興

不識殘生養猶愁樂事荒心無叔夜達與有放翁狂爲
國終無補循名失適藏棲遲橫海畔何處卜林塘
牢落形難問羈離跡已荒忘仇論劍術消渴著書藏過
柳還思鹿登峯若見梁

謂鹿水梁山

哀歌聲困悴誰可拔王

郎

南珍適郡

小艇粘泥固寒潮凍未歸三更聊趁月一夜總披衣雪

霽遊無興鳥啼繞莫依艱難供子職不病受天機

時事催于役寧居實不遑波濤櫻夜險舟楫予望忽

過斜塘岼還穿里塔鄉旋歸期及早歲暮慎風霜

漫興

鵲鵲頻來語枇杷半欲黃耳邊唧破寂眼底惜流光春
漸堂堂去愁仍滾滾長晨昏同父子歌誦旄印章

月季

斷續開無限微紅月有英不因魚腦滅却傍莢萸生擢
秀枝枝媚尋芳旦旦評幽居誰是伴常引望春情

鹿臯詩集

卷六

十

訪日者王明初

未識盈虛理還尋日者遊稽疑因一決端策得何絲圍
急真難解時艱枉自憂君平原有道應與鬼神謀

紙鳶聲

何物音徽遠初疑海鶴鳴風狂時亂聽紙破忽無聲絲
竹慚同調兒童望轉晴若非牽一線輕薄曷成名

海訊陳白沙意

結本張東

寄金勉堂

編蒲聊作筆覓紙漫題蕉韻事推貧兄離魂得句招雲
橫三泖斷潮逆九江遙何處通情愫幽居費企翹

新令至

有客臨新邑維舟不駕車停眸四易位屈指半年餘鳩
鵠環堂事雷霆繞簿書有言不敢告舊尹愧何如

逃羊

躑躅來何處隣家總不攘寧知吾黨直未見觸藩傷絕
逕惟防虎當塗莫遇狼離羣亦自取好伴失林廛

畫牡丹

富貴何爭慕偏宜趙孟家平鋪紅與紫共織綺爲霞紈
已薰人甚香無撲鼻奢寧知世外賞素絢是天葩

與隣媼借米

鹿巖詩集

卷六

士

分張纔八口緩急屬三升不日醯來乞無厭穀未登腹
充如飲颺耳聒尚聞蠅請好方需汝還看束縕能

野人看官爲鞭所傷

堂上能平政途間可憐人如何道路口枉作馬牛身呼
父仍呼痛受刑亦受噴茲邦稱樂土猶有向隅民

聞有虎落阱而逸

山阿深掘地重坎險城濠費盡千人力無傷一獸毛石
虔曾弗拔馮婦未相遭歸去方張翼人間伺犬羔

雨中題壁間山水

雨色逼層岑茅堂日結陰幽人閒灑澗甲子遂淋漓乍

冷生衣帶餘寒透野襟瀟湘纔咫尺寫意托雲林

逆旅

逆旅嗟難度渾如水上船危疑終載鬼強暴但論錢膽
碎心徒小時乖智未圓有懷思邈語不禁淚潸然

移居東園

風雨欺人甚東村畧可團載將三簞籍力挈兩盆蘭不
買寧須卜仍僑擇所安此間容隱侶贏得素心寬
市聲聽漸遠農業近相關不爲終朝計猶當十載還
蓀添逸韻松子養豐顏榮辱更無取何如元魯山

答沈自西

鹿巖詩集

卷六

士

白飯長腰米嘉穀縮頸編人皆欣一飽我獨愛高賢經
術藏何密才名隱不傳同舟方有媿郭泰是神仙

招張浩然

城中十萬戶竈下挹河流久客無留井貪眠不下樓塔
鈴風自響杏臉露初收彷彿家園樂遲君一唱酬

寄邱了庵司馬

舊憤何曾洩新兵亦未奇漫云爭餉道忽報豎降旗
與同官角勝將畧應多算軍心莫使離銅符原可奪晉
卒爲所陷鄙不能知

兒輩晚歸有戒心焉

僕僕因人出泥中又露中非真愁燭短多是畏途窮閭
倚勞瞻望予修備戰攻乞師猶未決魏絳請和戎

姚問州致茶

斜封付銀鹿遠至當金龜薄醉方消渴忘餐亦止飢談
清黃雀舌愁解老君眉他日祛塵事商山共采芝

鄉有餽虎皮者曰是吞十餘人矣悚然有作

耽耽久已去逐逐亦堪虞解剝文雖炳摧殘不殊傷
心聞野哭暴氣伏冥誅我以皮爲寢何能服厥辜

煮藥

平生不蓄艾老至仗菖陽借酒通幽氣憑爐發瑞光功

鹿臯詩集

卷六

三

深關尺寸道大出岐黃珍重全歸計非圖還少方

作字應客爲鼠所攫

未就匆匆興何曾咄咄真慢藏招黠鼠烏有謝嘉賓楮
薄飢無補厨空盜不悛於茲方貫汝佳話亦堪嘖

晚抵妙嚴寺

風水遙相逆登涯憇上方庭寒哀虎耳池淨拔鵝腸信
宿僧留戀低徊佛渺茫慈航如可借何事滯江鄉

食羊肉疾作

肥羜爲珍味連朝腹不寧加餐當取膺知足味常經芋
栗驅非類糟糠飫自馨菜園方踏破何事近董腥

寄蔡季澄

文勤功未墜努力事窮追非汝伸高足誰人號白眉貧
猶沾舊祿名貴策清時十載分南北微言寄所思

食牛

藜藿猶艱食何當享大烹因人分一臠助子備三牲秦
過應非福饗多莫可爭從來不設炙亦已損廉名

泥中曳杖

微雨西郊過輕藜百步扶踰溝方脫險履坦故從迂不
于村童訝驚惶巷狗呼所欣臻止境安坐聽吳歎

茸城舟中

鹿臯詩集

卷末

四

風潮冲面削舟楫簸身危俟命隨顛覆無心辨渴飢村
孤寒樹縮城遠暮江遲今夕漂搖甚浮生未有涯

病

久已遭魑魅還來近虎狼驚心渾是祟奪魄遂成殃未
卜膏肓厄先嗟面目傷安居總不敢獨畏北風強

南璞自閩來述蹈海之苦

絺綌登舟楫水霜滯海濤驚惶淹日月坐困凜兵刀忽
送青冥上還從白浪號一身隨簸弄無翼詎能逃

三月何曾沐艫中屈復伸漂搖依島嶼空濶混吳閩興
起遙相失柁撐若有神安危在呼吸不敢發聲噴

滿目惟愁慘關心念老親晨興猶夢寐晚泊亦艱辛
似無根芥飄如不繫蘋一朝臨上海舞蹈是仙人

郡城回洙南珍南璞送白涯返悵然有作

逆旅仍分別城濠趁落潮無人扶上下二子倍蕭條

立徒相泣哀音慘獨曉篙師不忍視齊力急蘭橈

歲暮皆還舍堪憐隔一江劬勞緣事役坎壈爲言唯子

在嗟何及予歸心未降閒愁千萬斛舉世莫能扛

洙涇十賣

賣琴

平生航大雅跋涉佩朱絃已覺知音絕應將古調捐

鹿皇詩集

卷六

五

期同一哭金玉杳難傳稀世今誰寶空憐菽水緣

賣鶴

汝觀魚樂愁予乞米艱買錢稀萬貫一飽強開顏

賣書

傾箱翻剝盡掃榻點殘鉛忍以傳家物徒償索酒錢

墳辭阮運聖籍度貧年欲借猶堪問隣居有茂先

賣字

嘗臨瘞鶴帖未敢換鵝羣受直備無異爭售賤已聞硯

田權市利筆陣半含醺祇恐仲將覺方爲潤澤分

賣裘

狐腋幾成鄴追隨十載親無衣猶可賦絕粒莫能噴雪
盛惟堅卧風嚴莫近人一朝升斗足鼓腹上皇民

賣被

與寐求無忝惟應布被知床頭嗟告盡囊底計安施夜
永寒難忍霜深起最遲兒曹踏裏裂得者發嘲嗤

賣僮

一力隨南北奇窮信所之無能同白髮何處有長鬚
士才垂盡淵明子獨支他年當可贖團聚話流離

賣盆花

鹿皇詩集

卷六

六

蘭蕙非常品洋茶亦異觀盡爲有刀奪徒作子虛看世
事同開落天時耐燠寒愛花情未竭猶憶上林繁

賣酒器

玉醴猶常味金鼎世所珍偶然藏玳瑁不復愛輪囷
聖回初夢賢人亦反唇興來攜瓦缶漫醉玻璃春

賣唾壺

酣歌防擊碎喉舌罷相親割愛隨人去離居亦夙因痰
多常感舊渴甚強微呻几案空諸有浮漚剩此身

沈錫疇致鹽米

攜筐復挈袋入室勝於銀與水成三白同兒度十旬酒

看些剩物金饒自生春當阨無須慍頻來進食人

發家書

抽毫生百感南北共乾坤來司萬金抵去知數口存波
流萍不定風起葉辭根渺渺終何着楊條望荔園
空有歸田賦仍爲學楚吟人看生菜色我是死灰心石
上餘花落牆頭晚日沉春來常不寄船寐藥窮陰
獨鶴來庭下哀猿到耳邊一聲故國淚一嘆九臯天野
色連江碧鄉音與駛圓未能輕去此猶泛藕花船

曉楊

洗硯冰初解留瓶蕊未開暖窓紅日上隔院蜜蜂來形

鹿臯詩集

卷六

七

困心爲役喪終痛更哀知非曾莫補人事漫相催

觀結網

結繩非復古臨羨禍江湖不作吞舟漏能開一面無枯
魚草欲泣宿鳥侶相呼願汝寬分寸天淵亦縱逋

學劉夢得同樂天和微之春深二十首

何處春深好春深豪士家日長唯看劍醉後或簪花挾
策調驄馬呼僮奴客車扶風佳氣滿連袂踏青斜
何處春深好春深貧士家傾將杯底物不潤硯頭花
暖頻翻蠹泥潭靡有巾勞勞營飽屋角夕陽斜
何處春深好春深農圃家開挑新穀種晴晒舊棉花拈

据修秧馬馳驅共役車東南溝水足舞蹈破衫斜

何處春深好春深採藥家馬牛日自飽龜鶴萬年花新

火安丹竈長鏡挽日車羣芳纔盛發守人白雲斜

何處春深好春深賣酒家香醪陶謝宅人醉杏花墮

手傾金盃流涎就麴車高陽曾未斷搖動晚帘斜

何處春深好春深撥舜家選步先投可捻葉辨巖花雀

舌微烘火龍團試碾車玉川遙乘興品罷月初斜

何處春深好春深孤客家每看新壘燕遙憶故鄉花背

井懷王粲談兵傍左車風光又一度歸路望中斜

何處春深好春深老宦家樽開前歲醞衣展舊宮花玉

鹿臯詩集

卷六

八

几高人坐蒲輪長者車嘉時歡樂地絳蠟暮烟斜

何處春深好春深牧犢家行隨原上草踏碎隴頭花泥

裂方求水旱閒不駕車呼羣薄暮返館韻繞村斜

何處春深好春深樵採家誅除萬个竹亂折一林花束

濕挑流水行吟待後車鄭公風信準不畏石尤斜

何處春深好春深織女家機頭時出力錦上日生花蠶

老分纁手梭拋答紡車迴文無可用枉使字行斜

何處春深好春深蠶婦家未眠看蠶箔上簇近簷花伯

姊勞抽繭諸姑競響車山桑從沃若莫伐遠揚斜

何處春深好春深漁父家鳬鷺隨水哺楊柳隔溪花但

解施囊網無勞用釣車醉歌同婦子帆影日西斜

何處春深好春深戊婦家粟新初挺葉瓜苦未開花握

粟占歸旆逢人問出車玉關鴻鴈去遙指曉風斜

何處春深好春深道士家談揮白羽扇丹合青蓮花石

鼎陰陽炭山庭雲霧車清和惟戲鶴對舞編衣斜

何處春深好春深蘭若家惠風翻貝葉零露濕曇花鐘

磬原同器牛羊總一車化城遲日旭裊裊妙香斜

何處春深好春深種時家搜窮裏內種廣覓外洋花乘

曉鋤殘月尋芳駐過車更番二十四望入彩幢斜

何處春深好春深稚子家棒椎行試馬簫鼓坐催花日

鹿耳詩集

卷六

九

每呼惟乳果當載滿車室前頻學拜舉手輒欹斜

何處春深好春深估客家真珠編綵勝薔綺結新花外

鳥揚飛舶中華駛大車東風催上路意氣自橫斜

何處春深好春深富室家饒如新泛漲滿是已開花夜

飲喧金谷晨遊逐鈿車珊瑚尋丈尺如意莫傾斜

賦得得罪風霜苦

歲暮趨中野凌風更履霜祗緣嬰罪罟無處避淒涼入

口茶爲美安心胆有香蒼黃何所似惘惘失林麋

江亭晚眺用賈浪仙韻

暮色低烟火蒼深各一村牛歸分路轉潮落舊隄痕細

雨含愁思孤雲帶旅魂江亭獨徙倚南北兩眸昏

自詠效玉川子

行行重失足垂老忽成顛寃欲理何地孽由作自天臨

危思後勁善處境前賢磨折力滋甚呻吟日似年

達人以樂死下士得憂生遭際原殊軌安危各稱情水

因自取濯物爲不平鳴刺作詩千百寧爲身後名

賦得故人無少年

總角猶前日相看髮似銀行藏忘按劍契濶欲沾巾好

雨思惟舊湛恩應在新聖朝隆拜老聯袂上蒲輪

把酒思閒事效白樂天

鹿耳詩集

卷六

辛

把酒思閒事臨江春色深鶯花三月暮兒女百年心屢

作炊沙計翻成破甑吟可憐蘇季子刺股爲求金

把酒思閒事幽居趣轉多罄餽賒絲蟻投燭救青蛾書

草大人賦詩賡豪士歌公卿非傲汝曾奈客愁何

檢簾中廢牘焚之

束束如春筍三年令久更有懷宣上德無路達民情故

紙投新火藏書益滿簾尚餘硃與墨留作硯田耕

李順亭寄米

誰如鮑管好推分在他鄉遠遞三區米欣添一月糧河

魴曾莫必鼃鼎豈堪嘗此意唯君解兢兢爲履霜

題壁閒美人

粉黛誰非假衣裳故逼真髡應留末坐宋已薄東鄰燈
照珊瑚影花俱寂寂嚬望夫夫未至無淚可沾巾

東園十景

環綠亭

大野誰開闢菁蔥四面移一年春不老六月坐尤宜紅
紫裴公客清閒謝傅詩僑居子所好莫道在流離

南山樓

層樓跨方巔拔地接穹蒼不謂金山小猶觀滄海長雲
歸簷下宿鳥傍檻前翔目力窮千里無能見故鄉

鹿阜詩集

卷六

三

北水樓

臨涯架複閣更上一層危身在空虛際人瞻位置奇
旣檣黃浦外草樹白涇湄北向雲山渺迢迢有所思

舫室

停篙行陸地每日坐沙飛豈有江河險能教風浪稀漁
家牕外語飲唱柳邊歸少伯真人傑平生願不違

石蓮池

海石瀦明鏡么荷出鏡中田田遮礪硯節節錯玲瓏大
雅高人致清香君子風池頭閒讀易光霽對元公

桂苑

結宇凝秋爽當階老桂榮無聲露自落晚節子猶生凡
席皆仙氣衣裾藉絳英奇芬雲外賞攀折稱心情

松磴

喬木何年植霜皮石磴蒼蒼參差巢水鶴披拂奏笙簧葉
落供茶具脂流註藥方歲寒來一撫挾策踏青霜

桐逕

曲徑桐陰密蓬蒿去所憎不時疎雨滴自致曉雲蒸勁
直身將老知秋葉可憑鳳皇方愛汝僻陋亦交翮

玉蘭洞

片石猶名洞辛夷十丈強花開渾是玉樹老故依牆濯

鹿阜詩集

卷六

三

濯風前致離離筆下香自然成福地何必入華陽

菜圃

隙地閒爲圃搜羅四序蔬天晴常抱甕雨集好揮鋤澹
泊膏粱上勤勞僮僕餘隆冬有百蓄郁烈老農儲

鳥巢爲風所落詩以悼之

綢繆曾不早牖戶被風拋卵已和泥碎雖非隔膜包渚
鴻空見惻離鷄漫相嘲告汝明朝結新窠莫向梢

維鵲能完固餘巢實不如那知風乍撼莫待雨攸除呼
躍真哀迫經營費拮据忘機原有我許汝寄荒廬

里兒

里兒何兀岸談笑有光輝十載遊如夢今朝乘是肥技
爲逢時巧名因動衆翻古來豪傑士不肯薄寒微

贖名媛圖鬻之

紅粉圖千載緇函去一秋委身仍可贖善價豈應留
窈歸金屋輕盈上玉樓他時倘相憶祇向籍中求

松鶴圖

松鶴有生氣干霄又喚空相依一歲久共老白雲中羽
翼連鱗潔菁蔥視頂紅乘軒猶不肯況乃大夫封

德星圖

維德移天象占星太史知兩家名父子一世繫安危冠

鹿寧詩集

卷六

七

蓋遙相望經綸合濟時畫圖眞足慕千載有威儀

濯足

不向萬里流更無識馬周頻年淹逆旅何日返南州踵
決麻鞋垢塵生布襪羞何能稱自潔赤足恣遨遊

兒輩同袍以出爲之賦無衣

皆能勝我服更代褪還披骨肉原相屬皮毛總不離捉
襟唯自覺同澤有誰知最是秦風古含悽咏此詩

斑竹簾

別淚沾筠老爲簾透綺羅文隨湘水曲皺若洞庭波皎
月檀欒動清風玉笋拖水精與珠翠艷麗不能過

畫角

畫角侵晨發將軍試武場時平士坐享日暖旆飛揚已
覺皇靈震欣看海國康無官仍自適不假固封疆

鬼語

空中聞鬼語強半是風聲起止來無定呼號轉不平遊
魂當漸散寶氣或求生多謝細腰子相逢訂五更

陸山人爲子寫撫松圖

消瘦骨非重淒清神未寒原無廊廟器強作簿書官時
去呼牛馬閒來脫帶冠喬松聊可倚揮手一盤桓

沙崩

不信江河下村居識漸增一灣當浪口終日見沙崩舟
楫徒憑纜蛟龍莫可嘗從來天地用陵谷本相仍

夜雨

殘雨空階滴小樓一夜聽鐘聲侵耳亂龍氣逼牕腥香
可明朝賣萱堪計日青客心不落莫贏得眼中醒

彈射

彈射傷飛鳥仁人不忍看應弦真手熟繁矢覺心殘鵠
炙何嘗美臯羹詎可餐追隨有猛虎同汝出巖巒

答陳仲華

成敗誰先覩奇窮或得生敵雖攻益急天亦厭橫行糧

絕宋真憊辭卑鄭乞盟古來基一局借鑒且談兵初陳能脫我於厄不知反擠之

謁松江府城隍

贊幽昭祀典民社有輝光舊令來庭謁精靈見獻皇有
心將白水無禮獻黃堂罪苦何時釋重拈一瓣香沈自西云
無禮受譴傷哉貧也

霧

風霧連朝襲願言噫已侵天將加疾病日枉費呻吟百
忍因成怯三緘豈是瘖垂簾惟讀易少待破窮陰

寄子猷姪

鹿耳詩集 卷六

美

瘦木床猶穩斑藤杖一拳人常當路避詩畏滿城傳少
食非崇儉多思欲放顛幸無榮辱意贏得學安禪
當春芭菜老原是去年根內熱消陳藥長齋謝採薪歲
豐家獨困雨過轍加速朝朝江上望誰是拯窮人

復授生徒

遺經闕高閣暇日得重攤諸子心誠服先生鼻欲酸晝
長紗帳寂春老墨池寒筆舌耕耘慣無勞訝素餐
爲政風流拙窮經藝力優蒙求非有待叩應足相酬未
敢張標榜何會計束修多難兼畏事解識在從遊

自艾所著

未敢名爲著窮愁不讓虞方知學古淡獨厭少年粗棄
置當成塚留餘但覆瓿若逢封禪日無力可揚鋪

丁未春同藍鹿洲訪蔡梁村於花園新寓用少
陵遊何將軍山林韻雷翠庭銀臺常誦之蓋感
舊也

禁苑朝天路甘泉跨版橋樓臺皆拔地樹木欲干霄勝
日延清賞輕車重見招會心原在邇不事臥遊遙
暫息輪蹄擾方軌山水清春深遲見柳谷應爲聞鶯院
落餘寒雪盤餐出糝羹自然風味勝佳趣逐雲行
高低殊意象衆壑若分支是石都臨水無亭不面池洞

鹿耳詩集 卷六

美

天真有別勝地締新知從此煩襟解頻來快一披
東風蘇萬象萌蘖始崖花施萬生芳樹盤藤類結蛇攀
緣磴道滑徒倚木欄斜一日當如兩寬閑徑可家
圓明瞻咫尺軒敞白天開繫馬環楊柳連山接李梅望
中平野潤足下白雲來始覺登臨快行行石未苔
拾級高臺憩西方俯玉泉四圍爭擁護一氣白聯綿別
館超思谷他山省買錢浩然幽意愜乘運看流川
當軒鋪翰墨窓几亦生香密蔭應宜夏迎薰適晚涼奇
搜防有漏心逸景無藏笑語爲謀野非徒愛莽蒼
微風空碧漢皓月照水池其此聆天籟寧須倒接羅石

高呼以丈鵲返哺其兒物理當前見茲遊識亦隨
聚散曾何定真如出岫雲大都上苑客不賦北山文一
榻閒相對三山杳可分言歸方眷戀旅思轉紛紛
始至知非俗重來樂若何寫心時有約攻錯思猶多袖
滿奇珍餉詩賡解慍歌自今誇勝侶管葛不能過

追憶黃草堂假山有述

用少陵遊何將軍山林韻

聞道羅浮勝崔魏駕鐵橋茲山微在野諸石欲干霄屐
齒時相過雲根每見招會心原不遠豈必洞天遙
廉名在羣石早識太常清賡蔭喬維木新遷谷有鶯螺
盤玉女髻較薦野人羹風物如斯好天台直抗行

鹿臯詩集

卷六

毛

五丁伸赤手開鑿獨撐支絕壁危無路清泉曲赴池蛟
龍潛白日禽鳥結新知仁者忘言解煩襟此一披
抵鵲何須玉沿崖幸有花自然成福地豈復訝添蛇南
筍蒸嵐濕中峯掛月斜共云幽意愜徙倚卽爲家
蓮花峯可接遠近畫屏開驟雨爭流瀑尋春共探梅市
塵喧不到雪夜凍還來莫辨寶爲主摩挲石上苔
爲愛醉翁興經營傲釀泉有形皆錯落無勢不聯絲霧
起疑千仞風清博萬錢無須呼竹杖僕僕問前川
微雲何擾擾到處博山香石榻通幽處松濤咽晚涼可
無燒汞訣合有著書藏高臥烟霞意非徒愛莽蒼

十年養健翽早晚出天池暫爾辭塵鞅無妨倒接羅
狂呼石丈蘭茁稱家兒誰敢更題鳳山門嘉客隨
儔侶聚還散真如嶺上雲大都上苑客不賦北山文
塢風光富空庭秀色分呼僮勤縛帶落葉正紛紛
石上敲碁好生平拙若何逢場寧不校得句未嫌多樹
密方宜夏床移足寤歌買山子有約不遠更相過

追憶黃草堂假山

用少陵後遊何將軍山林韻

經年萬里客不枉故人書鴈又呼寒浦雲晴覆舊廬孤
懷思拜石知樂憶觀魚嘆息茲山好終朝慰索居
戶外三峯秀窓前一榻移平安常愛竹問訊飭諸兒苦

鹿臯詩集

卷六

美

長青綠磴波清曲赴陂俗人不到此閉戶勝藩籬
相過幽意愜不計別離時歷落青山眼沉吟石壁詩欲
歸悲倦翮觸緒看遊絲寤寐勞人甚盤桓未有期
斑筍渺何處羣峯入夢長登高疎斥堠視夜沒機槍旅
夢蕉依鹿朋情月近梁故園無恙在計日話羲皇
幽樓開小苑新景媚芳年愛此花迷塢兼之石有泉
多非幻境地少當良田惠好寧遐棄臨風一灑然
追述春日同莊復齋藍鹿洲登文昌閣
好雨崇朝霽登臨景倍明一春行樂事十載舊遊情
屋螺青老溪流鴨綠平東風有別趣麥浪趁潮生

海天蒼欲滴曙色水光涵雲渺丹霞嶼花明白鷺庵雙
虹波上下萬壑郡東南無限憑欄意頻懷縱目酣

兒輩婚

未得迎賓冠成人禮數疎盈門何以爛侯者已稱夫旦
必聞雞警旦應卜鳳符思家歸有日繞膝看孫呼

英夢堂司馬杭州扶母親

泣涕隨流水孤舟沂武林悲哀俱子職跋涉奉親心杯
冷途猶莫風淒樹獨吟嗟子歸葬未撫事嘆沉沉

晚出白龍潭

暮色層雲綠微涼過水腥初疑龍罷浴還覺雨將零風

鹿臯詩集

卷六

夫

葉菰蒲戰山歌浦澈冥天河纔咫尺回首數流星

讀阮公咏懷詩

健鶻凌霄漢孤鴻出海雲翩翩何自得矯矯莫能分借
古誅奸梗傷時拔糾紛興來當一哭留與後人聞

馮魯淵見過

金山舊令

西林飛一葉暮雨遠相尋之子真憐我何人見此心交
新吾道古宮老世情深已覺清言快猶懷報好音

秋夜馮魯淵至用前韻

風雨催潮急孤燈一逕尋送迎渾是客解脫遂初心歲
序寒將近詩情別更深白駒留不得金玉有佳音

寄馮魯淵仍用前韻

亦知去卽返旅夢尚幽尋水落蛟龍跡風回鴻鵠心孤
城荒戍古老樹暮雲深離索添多病吟成學楚音

鷺

獨處不成羣長鳴遠近聞稻粱方未得雞鶩已爭分物
色矜王帖聲名壓蔡軍諸兒尤解事日浴雪其文

見米

履霜曾未幾眼底又堅冰近岸還堪鑿如山不可登寒
深惟戰戰威重逼稜稜厚薄何時解春風獨自勝

朱作霖貽水仙

鹿臯詩集

卷六

夫

惠好原非俗名花出袖中亭亭金玉質渺渺鬼神風供
奉宜瑤島流徽自蕊宮江干聊暫謫寂寞對衰翁

辭邑人醵金佐子不給

舊治爲吾土猶懷飢餓慚已分蝦菜餉又荷水薪擔歲
久方滋累河清莫洗貪一錢如可受留作去時談

雪茶

活火烹瑤粉新泉品洞芽不貪梁苑客獨愛玉川家餐
勝塵懷潔尋幽仙路賒楊朱腸已冷世味本無加

南珍將有江北之行

牢愁方未釋客思轉難禁祇爲飢驅去寧辭拙苦吟平

江春水濶極浦暮烟深若見烹魚者無妨溉金鬻

壁間蘭

升堂猶作色在室不聞香何似牛空谷毋爲柱面墻幽
居子有伴僻陋汝韜光相對無言吳交情澹莫忘

討黃鼠狼

花鴨吞將盡雞雞嚼未酣論辜浮鼠竊伐罪首狼貪弋
獲窩無定誅鋤磔亦堪莫教刀筆吏弄法宥之三

李麟蒼自京歸里

燕趙悲歌客金張盡貴人所遭非合志既返亦全真詩
染烟霞麗名飄劍珮新江南吾亦客不及傍清塵

鹿臯詩集

卷六

三

聞謝古梅閣學計

作賦憑來鵬遙傳豈信然相思十二載此別百千年石
墨埋芳草銘旌起暮烟生平文采在不復照閭天

諸子皆先往

謂蔡梁村陳他齋藍鹿洲

惟君亦後行九原誰可擇三

益望無生老去孤彌陋悲來感易萌臨風嗟腹痛淚下
不勝情

紅日

紅日床頭大殘更一枕驚似從天上去還向海中生沐
浴遊元化煦和愜性情不須餐沆瀣亦與散仙盟

觀挽簪

河漢習猶設長繩十丈牽雖非求綠木有似美臨淵俯
仰勞於釣紆回位屢遷嘉魚常可得所貴莫忘荃

經倉署而歎之

中田爲積貯度地本非宜四面皆環水無城獨有池雀
多應日損蠹甚益虛糜紅腐吾方累傷心憶代時

洙涇巫風

黃昏鳴小鼓處處祝神謠勿藥醫師賤焚香太保驕俗
者不求醫惟以太命隨三品盡風逐五牲臊最是雞聲
保祝獻人亦多死

斷無從候早潮

先大人諱日將至愴然念之

鹿臯詩集

卷六

三

丙歲騎箕去於今四子餘

大人丙子棄世歷戊子庚子壬子矣

每當霜露

降有似飯含初祿養嗟何及時思所嗜虛故鄉千里外

何處覓黃魚

大人臨易養思黃魚而不得

姚耘工自行束修

來學循循禮於今見古風只應防畫虎不必侈雕蟲益
自虛中受心因變始通慙慙求志毅應得聖人功

遲范凝園音書不至

早有遺魚約如何尚久淹遙看南至鴈已度六虧蟾極
目踰關塞君有關東之役傷心臥塊君丁內艱閒來馳數字草草

不爲嫌

四腮鱸

旅食淹三泖行厨備四腮烹鮮聊取此嘉客故常來巨
口堪爲膾文身却類鮓年年蓴菜後投箸歎歸來

程震揚致米八斗

維昔陳王富才名八斗豪多君借異代許我共風騷潔
比瓊瑤勝豐逾區脯高家人欣一飽捧腹樂陶陶

感舊

豈有鼻頭火更無耳後風長安十載事吳會一時空髮
白心非白花紅淚亦紅可憐桃李月彷彿夢魂中

讀嶺南三家

鹿臯詩集

卷六

畫

古鼎分三足元音動九韶生猶知勝國名始著與朝觀
海波瀾濶張軍旗鼓調執鞭徒有願爭奈老成凋

驚

獨立真高潔翹翹望遠空不時招野鶴盡日狎村童雪
盛衣新濯魚多肉不豐此生厭且讓何似信天翁

得南璞信却寄

五日期當返三旬竟未歸非貪河水潤猶飽鯉魚肥梅
雨澆殘夢酸風脫敝衣書裙如有客爲我款柴扉
念汝愁無計登樓學避人債催如負重語逼莫生嗔遠
汲遲修綆煩勞備老薪來時思痛後團坐話頻頻

件至魂初穩書行緒更長大都多難日須有濟時方艾

蓄求還得珠明探尚藏淹留非樂客且莫厭相將

道藝閒中得勳名盤錯餘我尋賢哲轍詔索治平書河

上懷猶曠江干興未疎好風何日報佳話到樵漁

梁問燕壘

此地非同幕孤棲亦安然突黔謀徙宅棟穩靜炊烟有
缺新泥補多難學語綿嚶鳴皆出谷勸汝早他遷

詠狂士

兀兀終無合嚶嚶別一蹶捫將景畧蝨來聽祖生雞泉
毒原成國天高豈有梯春風童冠侶何處不堪題

鹿臯詩集

卷六

畫

秋蟬

清高豈自歛秋思渺難裁每向衰楊咽非因落葉哀泥
塗逃世早飢渴笑人來耳食誰能賞孤懷亦快哉

無衣

篋笥同懸磬淒其動隱憂未遑謀卒歲何以計防秋交
謫天無咎偏枯命不猶願言霜雪薄長作負暄遊

周檢庵有江湖烟艇之思詩以壯之用屈翁山浮

湘韻

家居鄰震澤客興寄瀟湘不染紅塵垢寧貪白水涼棹
歌如鎖發欸乃去聲長此意誰能覺滄浪是故鄉

河水菖蒲滿周居菖蒲涇春來漾綠叢祇因平仲宅不及鄭

公風雞犬喧宜遠膏粱氣遂空豐顏滋益粹照耀及丹

楓

載將書籍去一枕卧雲烟但得前人與何須負郭田隨

波終底海放浪總乘天不遇鴟夷子浮沉莫可憐

江湖通一氣古道不終逃舟子招叩否蒿師力獨齊安

如天上坐望入世間低欲笑東坡拙徒思淺水溪

倦遊周五嶽盡處亦登峯自是方之外非關道莫容烟

霞舒渺渺雲水接重重未許褰裳就還教勇可從

送我涯當返行藏別有門颶風常目擊雲夢可胸吞枯

鹿臯詩集卷六 畫

酒從無價歌漁自一村不時凌浩渺絕勝聽潺湲

不必攜妻子乾坤納小舟憑他閒歲月愛此老春秋物

色窮蛟島繁華極蜃樓眼中看未厭無慕亦無愁

有灣聊自艤無石不知灘與誰神應返心平骨未寒夜

潮生更落岸芷郁仍殘如見水仙子還須問種丹

南樓縱目

雲山皆北向河水盡東流此地臨滄海因天望帝州年

豐疆旅樂世治室家稠未厭僑居久誰爲飢餓羞

牙刀

剪裁同寸鐵象齒是前身畧可供分紙無能使獲薪比

鉛稜自厲却砥用猶神新鐸從收斂何曾敵一人

對鏡

何處來顰面今秋忽白髯捫心原有媿開口亦如籍消

瘦腰頻減行藏策莫占歸家童穉駭故老不相嫌

過花園訪蔡葛山侍講用少陵後遊何將軍山林

韻

高館饒佳日重遊探異書主人大羅客入直承明廬林

靜聞嚶鳥池清看躍魚忽疑天路近髣髴玉皇居

新秋尋舊雨風物喜初移洞戶窺雲母山人駭犬兒地

偏江是曲天碧漢名陂塵氣何曾到藤蘿自結籬

鹿臯詩集卷六 美

憶昔過三夕丁未春同藍鹿洲訪梁村宗伯於此方今重一時風流垂後

進選韻續前詩響徹來林籟香疎出藕絲慙慙池上飲

興與古人期

話逐殘更晚愁分離思長蠅床披玉軸茗椀試旗槍飲

水惟懷鹿依山益望梁北窓涼已甚不必傲羲皇

聚散會無定光流二十年行踪留禁苑遲暮過甘泉稽

古經爲力深耕硯有田低徊前後事揮手一陶然

寄宜黃弟

鴻鴈歸飛急遭風遂失羣可憐寒氣早不忍別聲聞浦

北蘆滴杏江南字跡紛離居逾八載何以致慙慙

苦吟

肝腎愁雕琢風雲力掃除心枯疑血盡句拙爲才疎未
必驚人甚終難落筆初平生債未了猶恐飾虛車

銅剪刀

我欲裁雲錦人言佐菟裘方圓隨指授正直自心求快
比并州剪珍逾禹貢鏐閨中才可借聊以斷離愁

白髮用屈翁山韻

頭上今如此逢人有厚顏麤麤欺白雪冉冉戀青山古
劍隨遲暮殘編共閉關平津無事業贏得老夫閒
赤手辭京國星星在異鄉數莖猶未禿千丈詎爲長不

鹿臯詩集

卷六

七

入衣冠會會觀傀儡場年來寒更甚珍重保秋霜
已快仇人意寧教內子嗤搔時天白問沐後鏡猶窺衰
甚心非白根深望豈緇行年將七十前路渺難期
渾脫猶堪舞岑牟亦自豪科頭知我短論齒覺年高妙
悟臧三月當機舍二毛期願原有賜常衣弋綈袍
石

我心非似汝相對莫如頑愛坐常除蘚長依當入山靜
中吟有伴世外老相關門客皆蕭散惟君獨不還

鹿臯詩集卷六終

江湖閒吟卷七

漳浦王 道直

七言近體

閒居詩

忽聞頭上震雷霆動魄真如夢始醒毀出不虞空負疚
途經絕險早懷刑枯桐半死身猶直老桂摧殘葉亦馨
澤畔孤臣蕭索甚行吟天問仰青冥
不知機事與機心學道其如力不沉魚鳥自忘天地濶
松筠豈奈斧斤侵愁來頓覺風流減困極方憂罪罟深
未必瓦全徒甃破榮枯有命亦難堪

鹿臯詩集

卷七

一

魚莊解舍枉相存犬吠狼嗥不復論豈有生徒供講授
徒勞耆老問寒暄飄零書劍依南服藍縷衣裳出北門
六十年來罹此苦可憐辜負荔支園
青蘊白粥佐藜羹久客江臯獨掩荆指視交叢遲一死
是非未定強偷生連旬慘淡秋深雨竟夕徬徨夢裏兵
憔悴不知何所似有懷虧辱淚縱橫
貪泉未酌竟傷廉銳意功名亦自嫌栗里聲華真淡薄
鹿門風味本精嚴歸耕無計田將鹵涸轍餘生口尚噉
欲續離騷吾豈敢祇愁詹尹不能占
不欺屋漏敢欺天鬼闕難逃匿一錢賣宅併將三畝菊

移家欲傍五湖船，卿飛入海，漸精衛啼泣逢春憶杜鵑。
回首已非黃犢健，何堪久病博高眠。

家無百口累伊誰，跋涉雲間屬大兒。隔宿絕糧身未憊，

中流折櫓命何危。珍兒渡中江遇風折櫓不逢刺孟排，

紛日猶憶春申養士時。本自菲才才又盡，蒼生爲我皺

雙眉。

盡日猶夷意惘然，眼中何事不相憐。雲山北向朝銀闕，

烏鵲南飛滯海天。未信牛渚能誤物，會看魚服返重淵。

書空咄怪何輕薄，墨突微黔亦足傳。

萬里瞻雲見曉暎，普天黎獻沐春溫。江州空有離人淚，

鹿車詩集

卷七

二

東海曾無孝婦冤，舌在欲言非好辨。身垂半老不勝煩，

中原奔走何年事，且復謳歌答

至尊。

夙興夜寐爲鰥官，五斗榮沾媿素餐。脫却朝衫猶覩汗，

投於世網備辛酸。經營太拙鳩非鵲，臭味終分艾與蘭。

一肯可原方見召，此生長荷

聖恩寬。

華奉璽金同因公呈誤予獨奉旨交代後送部引

見蓋殊遇也

江村

江流曲曲抱村平，蘆葦重圍儼若城。豈有高山驚絕險，

更無猛虎指苛名。花明柳暗三春暮，犬吠雞鳴百里聲。
烟火連天洵樂土，新傳富教被蒼生。

遺興

朱門洞戶望仙樓，愛此塘西一徑幽。樹影漸圓庭月午，

葉聲初碎砌風秋。清香燕寢凝殘夢，習靜齋居號故侯。

到處題詩多底事，極崖姓字自今留。

半間敗舍強爲家，日坐愁城未有涯。曉鏡自憐霜鬢髮，

秋風誰念露蒹葭。幸無結客黃金盡，却笑因人白壁瑕。

三十六州難鑄錯，桑榆暮景看春華。

望海

鹿車詩集

卷七

三

連天滄海浦江濤，半剪吳淞入海深。島上烟雲迷白鳥，

空中樓閣爛黃金。乘槎莫嘆欣長往，測蠡無方但苦吟。

萬頃蒼茫舟楫絕，何人更有羨魚心。

舟泊黃浦寄東郊弟

幽樓未賦出無車，小艇迎潮泊水涯。隔岸悲風翻斷葉，

一天秋色點寒鴉。不知去住從舟動，欲辨東西待月斜。

最愛芙蓉凝曉露，却於何處寄君家。

松江逆旅

樓頭風雨一燈孤，寒夜漫漫病未蘇。不敢出遊防醉尉，

或時自笑號狂夫。鏡中髮有三千丈，陌上桑無五百株。

宦海波濤今若此人間何處是良圖

夜起

不遑假寐百憂將寂寂春宵著意長四壁荒雞啼近枕
一窓斜月冷侵牀患聰洗耳聞天籟病怯寒心挹曉霜
平旦幾希存在我披衣端坐待驕陽

偶出倉橋老少羣而望之

非仙非鬼又非官藤杖芒鞋與素冠人醉獨醒行踽踽
形枯容槁見樂樂歸思自許肝腸直用拙徒嗟面目完
呼我爲牛還道馬失時莫訝衆聲譁

臨河未返尚盤桓飲此三年旅夢安喚作細民原是牧

鹿耳詩集

卷七

四

知非吾土不能團具瞻可畏今殊昔遺愛何方古已難
無柱可題聊徙倚免貽芳臭後人看

野人露積春日打稻

春城隊裏關鞦韆樂事偏饒在野田盡檢珠璣歸斗斛
倒裝塼櫛入困廛丈人擁帚歌三百少婦携樽犒十千
一幅幽風圖可續豐稷有慶媚新年

胡丞見過

橋西屐齒叩門頻見此幽居事事新奴不愛才歸已盡
衣曾未做屬於人久無驚座雄談客惟有長歌當哭晨
自笑支離方益甚伐檀終歲滯河漣

春晚

輕烟漠漠壓簷低水碧桃紅望欲迷一樹宅邊微籟響
亂禽曉起有聲啼潮來市擔紛前路網集漁歌唱隔溪
漫掃落花兼掃榻總無人跡到橋西

荅侯陋庵

當年不仕真良貴今日辭榮屢對官藤印塗泥非是辱
面沾霜雪豈爲寒未逢舊雨猶慚汗歎接新書欲碎肝
問訊平安何以報一行莫就涕洟瀾

寄范魯齋

餘生漸覺髮毛蒼脫却朝衫熱亦涼千里故園迷去眼

鹿耳詩集

卷七

五

十年同學繫中腸謝公愛野還堪賭賀監新湖可放狂
何日重栽松與菊斜川有路接滄浪

苦竹黃蘆繞舍新爭投蝦菜未爲貧君親抱愧懷朋友
生死無戎仗鬼神索胆自嘗寧有味披肝遙見豈非真
江湖歲月勞人甚花落花開又一春

題野人居

扶杖衝泥到石池槐陰矮屋少人知牽籬截運栽花補
縛草爲亭受雨欺水餉嘉賓廉亦讓尤憎暴客點非癡
忘歸已得漁樵趣一幅桃源景乍移

收詔至恭紀

南郊大禮配神堯帝日重華旦旦昭一道恩綸御鳳珠
萬方錫命插雞翅臣民盡沐追尊澤功德彌高至孝朝
最是背災方肆赦唐虞雨露在雲霄

茂才王不能程含貞沈錫時至

風雨經旬病不禁迢迢阡陌枉相尋寶門何敢通賓客
掃逕猶堪接子衿豈有文章供嘯傲祇憑琴瑟結知音
青瑣木榻邀於野乘興還來共醉吟

清漳八懷

梁山九十九峯

南屏一望衆山紛削起芙蓉獨插雲齊地石邊生玉女

鹿臯詩集

卷七

六

大臣峯後擁將軍晶光每吐金銀氣野火遙連洞壑焚
祇少羅浮三百一閩關重鎮粵中分

鹿溪九十九曲

滄江迤邐達城濠猶憶登城看早潮石馬不隨波浪沒
水雲還亘野天遙人爭古渡前村沸春暖桃花夾岸燒
九十九灣無恙在布帆何日掛輕舸

千秋樓野眺

礬山曉氣西來爽石磴危梯縱目探旗鼓雙峯排水口
金湯百雉鎮天南春雲漠漠炊烟接野樹離離宿雨涵
粟米不征雞犬樂四郊無壘太平酣

清泉巖度夏

城南十里翠微遙精舍連雲入絳霄別有洞天祛暑氣
縱非福地絕塵囂枕樹蔭陰山雪閣闌人來谷口樵
不是逃禪兼佞佛羲皇一枕伴鷓鴣

萬松關觀潮

雄關屹立萬松峯海色臨崖逼雨濃已覺馮夷轟擊鼓
旋驚驕馬突衝鋒白隨波起鷗千點青送帆來鳥幾重
遙指蒼茫南極外十洲到處是朝宗

眺丹霞嶼

臨漳臺上曉風清極目東南赤嶼橫天作五峯環海國

鹿臯詩集

卷七

七

地分一島壯江城岑樓近水流丹麗遠浦凝霞暮色明
芳草萋萋青又綠自隨潮落趁潮生

鶴鳴山柑園

鶴鳴山下戲虬珠無數累累出畫圖四面輝煌裹是錦
千頭映帶木稱奴封題入貢脣茅甌解剝迎賓酌醴酥
最是洞庭通一氣應分賦料壯三都

坐花草堂談讌

黃恭臣書舍

花香不遠假山隅勝日分題試大巫快論直爲時務策
苦吟亦作治平模樽開北海嗟無酒客散南州老屬吾
何處追蹤稱洛社可憐懷痛過黃墟

撫事

旌旗鼓吹迂樓船撫事興嗟一滄然大尹有親迎八表
小人無母近三年共知捧檄欣無地會奈版輿恨各天
河許依依看葛嶠春聲久廢蓼莪篇

挽張雲友

移家不合下西山溪水東流去不還自以衣冠歸祖父
依然經籍述閩關君先子閩園先生勵志理學閃園寒日遲人冷丹
窺春花滿目斑何處吊君兼哭妹傷心子女淚潸潸

幽居

驅馳倉鼠憇厥廂賃屋還來傍太倉解組猶牽彌綽漏

鹿耳詩集

卷七

八

行囊加澁轉淒涼風狂鳥退疑爲鷁河潤魚嘉不是魴
寂寂衡門聊養拙何能得道過庚桑

寄懷德參兄學道不仕

解榮祗覺考槃寬斗大城隅手獨完弓取六鈞傳射圃
丹將九轉近泥丸松花灑落沾顏色河水漣漪濯肺肝
我有仙禽能對舞臨風欲放路漫漫

漫興寄范慎修范曾度

雨楊風牕漫作家竹枝梧葉自烹茶常供異味航蘆服
爲客開葦試韭芽龍挾江雲朝出浦蜂圍秋樹晚排衙
眼中景物幽人得尚擬加餐繡嶺霞

夾岼衰楊曉色濛衡門蕭倚望晴空杳無春信通花鳥

那有幽情註草蟲絕景一時懷渺渺長江何日罷風濤

漁丁蠶戶閒來往遮莫迂疎笑乃翁

枳籬蒿徑日荒蕪已覺公愚谷亦愚天上有人調玉燭

江干容我混泥塗交遊欲謝徐孺子寡過惟宗遽大夫

牛馬聲中同一諾行年六十傳非吾

窮途無淚可潸潸哀人江南魏子山世事如棋甘後着

愁心似水詎能還空中冰雪三年味鏡裏鬚眉一夜斑

漫道奮飛猶未得厭看鴈陣怯弓彎

王慰軒至

鹿耳詩集

卷七

九

寒花萬點醉霜秋千里初維一葉舟非汝客來鱸膾地

爲誰話入鳳麟洲歌當慨慷終猶續淚是英雄抗不流

寂寂夜深人絕處滿天風雨颯梧楸

五君詠

硯北諸子皆命世才前後就木憮然念之

蔡梁村宗伯

閩學南來道脉真季通沒後屬何人東江始倡談濂洛
黃閣還遲作甫申三禮未成三易閱百家全萃百年身
當朝共識文勤重每讀新碑淚滿巾

藍鹿洲太守

自攜一劍倚長天百折千磨淬冷泉市業未完悲管蔡
文章無憾接彪遷狂遭憾軻心猶勁境脫流離病莫痊
與我同生留後死孤行應得鬼神憐

黃草堂茂才

翩翩公子絕纖塵鍵戶妙修類隱淪紳有風流追屈宋
欲將霸氣薄原春日華五色才無敵文史三冬富是真
可惜一斑新玉笋霜天摧折乘江濱

陳他齋處士

揚玄杜左日爲隣小隱無求達與聞好學不爲金馬客
非仙已列玉華君爐紅獸炭燒芝朮水綠龍溪滌滌芹

鹿臯詩集

卷七

十

幾度固辭梁苑客少微星暗望層雲

黃高岑處士

交遊誰肯賜箴規小過猶攻是我師自以漁樵供嘯傲
不修邊幅任支離談窮天地猶存舌書著陽秋或在皮
四坐軒中賓客絕生花宿草不勝悲

杜大相約邀

出已無車獨杖藜還從暇口過橋西爾音自足懷金玉
止宿應邀具黍雞不是王孫猶落拓却教公子重招攜
接離白甚無人問祇恐兒童笑似泥

金山人貽墨

皚皚大雪逼三冬盲雪敲門賓是龍熟杵春殘千澗水
寒烟燒斷萬山松書臨寒鶴饒筋骨池足吞魚見險囑
莫道磨人輕歲月揮毫得意即動庸

烹鴈

非朱近赤別鷓鴣曉折蘆花向晚烹坐客猶憐一片影
主人已厭不能鳴餐加穩送雕胡飯箸下香隣尊菜羹
此際行藏同鴈戶流離未忍數傷生

旅夜

萬里鄉關夢不成銀釭搖處是心旌寺鐘敲破江雲凍
野鳥啼殘海日生羣動向明皆有役半愁觸物獨無情

鹿臯詩集

卷七

十一

水仙開透梅花綻猶自勞勞出客程

寄吳希逸

一方盤錯試硯新相見風流別有真政似西門原尚猛
詩如東野不言貧五茸日送歸飛羽三泖波沉自在鱗
祇覺吾衰君欲老可無消息到江村

輓李伯能

東郊南浦費閒關每憶平肩往復還千里魚書傳病足
一枝藤杖枉歸山李病足予以天台藤杖寄之未幾而訃至魂從何去招來
杳淚爲傷心抗手潛兒女有情真莫遏却添逆旅鬢毛

斑

觀輸漕

江干處處擁坻京惟正無勞敲扑征水轉雲帆飛百萬
官嚴升斗愛聲名曾經上考丙辰松陽縣清非職以予爲上考竊
爲傍觀戒取盈今日東南成保障九重顧慮念春耕

燈花

江天雪後月生華又見燈光結綠花不照紅裙行綠酒
特從紫袖吐青蛇乘春先奪羣芳氣卜福應知晚歲嘉
喚取脂膏添潤澤人間夜夜看仙葩

朝來

朝來乞火一餐遲乘興猶能賦五噫徙宅人爭南北阮

鹿臯詩集

卷七

三

看梅春在暖寒枝幸無季女飢相對豈有將軍數獨奇
盡說顏瓢惟飲水屢空還有不空時

吳學博至

鬚眉晴雪映皚皚一杖提携碩果來與世殊倫惟用拙
同子放浪總無猜天寒未覺青松落暑冷常看老桂開
不是神仙姑吏隱歲星原自愛談諧

插瓶

忽覺東風到草堂水仙初放蠟梅黃殘年未忍拋春色
倦坐猶深惜夜香瓶水作冰常近火銀鈎捲幔爲迎陽
閒中得句多姿媚自笑推敲老更忙

戊午祀竈

久罷官廚徹有饌虔修祀事告年終一盂明水神靈鑒
半炷清香帝座通爨是勞薪無可代炊甕滷菜敢言窮
今朝欲作王孫媚佞口遲疑嘆木一

邱司馬招集韻

滑泥馳馬枉招尋會奈春寒渴病侵三載人無舊尹目
肆筵公是好賢心不須大斗猶當醉爲愛黃鵬報好音
邱亦去官坐客無勞遲後至素冠何以狎華簪

暑至臨流濯足

共知酷吏不堪留愛此深溪萬里流歌引濯纓長潔已

鹿臯詩集

卷七

三

清還洗足感行休蠲除舊染逾新浴挹取微涼待早秋
若遇巢由應一笑賣名寧向耳中求

開甕忽逢陶謝

紅綠真珠滴小槽無端揖謝又迎陶但攜春草生池好
未插黃花入夢勞家是酒泉分太守鄰多吏部攬風騷
百川齊看長鯨吸不數留髡量獨高

雨後登樓看山

溪山宿雨曉初收雨色蒼蒼抱遠樓直上凌虛仍拄頰
飛來堆翠快盈眸八牕窗杳連雲溼一榻清涼與瀑謀
疊嶂烟江圖可續晉卿原是畫風流

柳陰堤畔閒行

春風步履信長隄，新柳濛濛取次齊。
衣似王恭猶有汁，人懷張緒看生梯。
行吟到處傷心句，攀折何堪惜別題。
一望西湖纔咫尺，祇應終日聽鶯啼。

清溪淺水行舟

肯隨樵牧褰裳過，一葉搖搖三尺波。
漫聽所之東抵海，未知何去北臨河。
臥聞欸乃無詞曲，起悟滄浪得意歌。
不敢乘桴聊復爾，扁舟散髮水蹉跎。

見客嬾著衣冠

跣足科頭混野人，據床隱几晤嘉賓。
丈人下拜應修飾，

鹿臯詩集

卷七

西

天子呼來避率真，身有犢褌猶是箇家無。
臺笠本非貧，但當捫蝨談時務，疎懶由來稱逸民。

乞得名花盛開

名葩何處不爭奇，老我憐香莫見貽。
地有林園遲自種，聲聞市擔客餘貲。
獨尋江畔無雙麗，乞得叢頭第一枝。
黃四娘家頻可到，那堪辜負少陵詩。

撫琴聽者知音

廣陵散絕久無蹤，流俗何人識遁鍾。
盡說朱絃原唱歎，可知大雅在雍容。
宮聲髣髴牛鳴甕，羽調精微風入松。
便到移情方變化，海波汨沒聽吟龍。

午後一方藤枕

不分春困與秋慵，午夢初酣若醉醺。
隱下羲皇隨偃息，日中蝴蝶共從容。
却嫌蘭麝懷多事，只爲芙蓉繡太濃。
多謝三尸寬罪過，黑甜鄉裏每相逢。

答吳超然

清晨百鳥報新晴，水落橋危絕送迎。
病齒豈緣除夕酒，驚心疑是隔年醒。
居方卜就東園僻，劍未看冲北斗平。
留滯殊鄉垂飲食，鱸魚雖美不能烹。

柬汪洮言

淒風苦雨黯江村，問字人歸盡掩門。
閒裏常供留墨汁，

鹿臯詩集

卷七

圭

病中嘉惠接壺殮，近山毛識山南豹。
望海鱗看海北鯢，三載淹茲猶未去。
却教芳草愛王孫。

聞陳他齋移居陳埭

田園歸計近山農，芋栗兼收足素封。
不爲羽儀貪山谷，應揮劍珮倚長松。
經綸懷向雲霞卷，服飲行將芝朮從。
何日北郊營荔圃，與君潦倒步龍鍾。

李兼山至

十載長安共一衾，揭來江上少光襟。
懸河辨口談三耳，測海神機試六壬。
數爲奇窮潛莫見，名非特達起猶沉。
青山白首無歸路，相對誰君破此心。

寄亭小集得場字

招招舟子渡橫塘沈謝曹劉醉一場竹葉釀春爭鴨綠
菜花臨水妬鵝黃六朝簫鼓江聲咽千古文章海色蒼
最是盛衰如改觀今視昔總尋常

扁戶

扁戶端居索古歡春風不忍散裴單意將洞茗侵晨吸
移得洋茶就日看月朔尚來新小吏天邊莫起老閒官
席歌已覺非吾士猶自談經誦考槃

寄呂山人

迢迢南北阻重關不見幽人試大還泉水出山原自濁

鹿臯詩集

卷七

七

晚雲歸岫亦知閒書緘碧海滄江上興在欹松怪石間
願向崆峒分一席青精爲飯玉爲顏

坐客賀予六十

經歷年華甲又庚初登六十媿浮生鬚眉已覺嘲遲白
日月何當喝倒行故國有孫遙莫抱他鄉諸子翁無爭
皇天若假勞人歲願乞公田數畝耕

郊行

三家兩屋近河濶籬落風微不動塵豈趁蠶生初出土
花從菜發自成鄰擔夫讓路觀王化貧戶分糧頌帝仁
野服行來曾莫識數年前是勸農人

歸途偶書

野水初來強滿池么荷未發靜漣漪石橋斷處纔容足
刺竹橫生欲礙眉逕小不妨魚貫出沙崩故傍鶴行遲
夕陽一片春光冷指點松陵興更移

寄李順亭

大江東去漲波瀾旅夜相思鼻欲酸飯不加餐應共瘦
春方漸老莫分寒翠雲裘帶紫甚白氈巾箱抖擻難
前路浮沈曾莫定君與予官事俱未白仰天聊作等閒看

答王自東

馬煩車殆遠行迤遇敵孤危但此身三北方爲背水陣

鹿臯詩集

卷七

七

二南應救面墻人江花迎笑非無主野酒澆愁不待醇
昨夜夢中歸路近天明如見荔園春

松陵新寓

書籤藥籠久如郵形影相隨到處留碧草紅花賡信宅
淒風苦雨仲宣樓人聲近市常聞虎野意臨池喜狎鷗
竿木當場渾是戲莫看牛關起閒愁

杜英洲邀看牡丹既而折枝相餉

逃紅避紫笑支離異品名葩遠見貽飲食何當從富貴
容顏今復近胭脂不忘舊雨春相問欲泛扁舟興更移
一陣天香紛入室却教芳韻透詩脾

東園漫興

頭銜手版去三年借得東園事盡眠
遁跡難追鄭谷口尋春不遇杜樊川
身如汗漫疑無地心到支離別一天
冷暖自知思飲水白蓮池上汲黃蓮

訪日者管舍岳

秋朝問棹到山塘簾下君平策獨長
只爲稽疑渾得失願因一決識行藏
人推管輅爲著鑑學出淳風括智囊
莫以不能知此事遂教前路付茫茫

五人墓前少憩

蒼蒼鬱鬱見佳城野老逢人道姓名
直爲乾坤留正氣

鹿耳詩集

卷七

太

得從賢哲悟長生莓苔不蝕荒碑字
山水猶環故國情撫事興嗟深下拜
不堪蟬韻咽秋聲

清浦道中

廣野遙來始見山夷猶山下渺如環
蘇松雞犬會無界婁浦炊烟共一關
岸與水平潮驟長帆隨風轉棹飛還
猶懷抵任當年事從役城頭唱曉班

古帖不能售

野店初觀星鳳樓規模恰與大觀儔
銀鈞是寶應多價石墨無訛豈易搜
子敬自傳大上訣伯英曾向道旁求
此生不遂文章伯空對前賢嘆莫酬

大風累日珍兒當待渡楊子江

萬竅號呼怒未休何堪擊楫在中流
印須定待金山渡既濟應從瓜步留
夢入蝦蟆方破浪途經絕險是浮游
短狐到處皆爲厲遮莫忘機好狎鷗

舫室假寐

花時子役負良晨幾度歸來事欠伸
甚矣吾衰渾是夢可知臣老不如人
虛舟自絕寰中境旅榻還遊世外春
便到蓬萊纔一瞬明朝據槁已知津

却餽者

切菰煮韭是常供問字求書或取傭
餽我莫論周與陽

鹿耳詩集

卷七

先

標門只道卻爲恭不耕枉自無三百
作客何當享萬鐘未敢素餐猶有過
梓人一傳刺心鋒

聽兒輩樓上誦書

朝餐未得放聲吟周誥殷盤詰屈音
不是父書猶可讀勉供子職在能淫
聞天鶴和樓頭近戲海龍飛筆下尋
無計歸田荒已甚卽看松竹自成林

寄范西原

寤言常憶子之丰祗願爲雲我作龍
一日定交成莫逆當時豪傑盡相從
華堂楊下南州客綺席醇開北海鍾
勳業不殊今與古胎嬰僑札有高蹤

秋聞中州大水寄友

豈是臨河漲莫防秋霖平陸變汪洋蒼生魚鼈城三版
白露蒹葭水一方鴈小南歸遲錦字驛因北阻待梅香
浮沉底事關存歿回首中州倍愴傷

秋日絕糧于不能沈錫時張薛渠送爲授餐

不稼無方致百困歌聲金石豈爲真只言開卷逢三益
且喜炊烟接五旬逕爲求羊常待掃朋非鮑管莫知貧
桂花滿地皆成米散作家人面上春

縣牒至洙夜渡中江

簡書徵召太匆匆潮逆舟遲削面風冒險不知眠水底

鹿臯詩集

卷七

辛

衝寒今復辱泥中短狐在處炫明滅密網多方陷始終
三載波濤看益甚招魂須向大江東

鍛

紅爐雙峙逼堅鋼黑水汙泥淬劍鋸不是龍精當畏死
卽看虎氣亦無光五丁費盡千椎力三泐真成百鍊鄉
良冶未生歐冶絕可憐傀儡漫登場

松陵夜歸

白版柴扉月色斜孤舟繫纜小厖譁挑燈先看新開菊
擁帚空憐半落花盤底魂爭鷄鶩食江干長托馬牛家
勞勞欲脫無形械萬頃洶濤未有涯

望長安寄友

寒烟滾滾蔽長空曉日偏遲近未紅萬里孤臣雙淚眼
七年傳舍一征鴻蓬萊閣下知猶舊太液池邊信莫通
老我病軀難矍鑠相思旣見計哀翁

先生

聞說先生有負芻徬徨未解主人憂空無寸鐵何能敵
縱有黃金莫報仇交盡原營辭結客使非公孟枉從遊
毀傷薪木今如此願挹清江一灑芳

剪菊

剪菊簪瓶伴苦吟秋英未落晚香沉離魂欲下靈均淚

鹿臯詩集

卷七

壬

望古徒傷宋玉心居近魚龍非卜吉詩成鬼魅莫知音
蕭條日甚形隨影佳色還應照枕衾

霜雪方侵風帆日急淹淹氣息遂欲永辭人世聞

兒輩赴縣投牒襖被呻吟聲淚俱下

冬日飄風起戒心舟漂黃浦信浮沉罪人豈是龍王客
病口聊爲鬼國吟未免有情孺子慕如何不受長官擒
英流到此無生氣回首平生淚滿襟

訪張鍊師

風霜高潔曉空晴始覺芙蓉自一城雲外列仙隨果老
座中嘉客接方平赤文綠字書猶古石鼎泥丸藥有情

超得芸芸歸上界許多雞犬待長生

兀坐

終朝兀坐總心驚
卜得明夷義未明
有馬玄黃方變色
逢人鍛鍊欲無生
年逾六十身猶寄
家隔三十路不平
進退但看維谷險
衣冠貽誤爲青名

解嘲

行年六十猶如漆
見者皆以爲染皂

飄飄如漆轉輝光
將老曾無却老方
執藝直須龜手藥
保身莫倚麝脐香
強尋佳句吟常撚
每發狂言怒益張
謾說太玄原可擬
鐫銘潑墨總師揚

戴福泉委視子病遲而不至

鹿阜詩集

卷七

三

指視交侵祟匪輕
徒遷南牖莫能迎
當年寮友惟君在
今日端人衛我生
帆趁潮來遲一信
簾移月上度三更
熱腸祇爲相思冷
伏枕何方去不平

珍兒墜樓不偃

危梯十級藐峻嶒
一步行空偃未曾
疑是神全原不醉
依然膽壯競先登
高深有警堪爲子
患難無成豈藉朋
猶憶去年雙櫓折
許多動忍自天增

小吏附舟

霜嚴水冷老芙蓉
蘆葉蘆花歷亂蹤
到處鯢鮪隨赤鯉
遙看蘿薦倚青松
濟時未遂長風志
利物殊非狹道逢

元禮舟中空濶甚登仙獨少郭林宗

洙涇夜渡

通溝新立水柵嚴
野雞鳴鎖尚鉗奔
命一夫惟踽踽
傍觀小吏獨譚譚
早無笳吹鳴前導
應使舟師笑久淹
擊柝抱關權亦細
莞凌傳片不爲嫌

張大木索和菊影

最愛陶詩抱膝吟
菊花垂影助欣怡
在天明月嗟遲暮
委地黃金勵素心
蕭瘦自撐荒寫照
風流有種本根深
揚芳可佩蘭爲友
遮莫悲秋嘯晚林

木末芙蓉曉正濃
秋江爛熳晚來空
共貪佳色親燈月

鹿阜詩集

卷七

三

且喜高華絕雨風
勁直難招麾莫去
丹青無著染何功
却疑挾有通神術
隱現榮枯致不同
延賞繽紛坐客譁
青衫垂手弄花斜
指揮不向南陽谷
魂魄長留彭澤家
未肯逢人供綵筆
每於高處掃鉛華
折來何用堪盈把
遙挹天漿望絳霞

戴福泉至

青江蕩漾到階除
執手徬徨慰索居
帳下無金鋪滿地
床頭有鬼載盈車
聲音似昔行藏異
禍患方深疾疾餘
何日平安逢大雪
輕移一棹興頻舒

倦翮

倦翮重來老鵲窠無糧空憶玉山禾惡聲但恐鴟將至
暴客頻驚七乍過威鳳有儀憑天闕冥鴻何慕自婆娑
臨岐願借培風力萬里雲霄一息摩

祝田

一曲豚蹄酒一盂主人百拜復三呼不論高下簪車滿
祇願春秋水旱無田祖有神同我稼曾孫不怒免官租
望奢挾少曾何補却笑無厭亦近恩

擊柝爲吳篁村作

嚴城夜夜柝聲紛暴客應知不敢聞月下或逢蘇學士
亭中莫叱李將軍雪催詩思頭先白獸作寒灰手莫分

鹿臺詩集

卷七

詩

自是官卑兼祿薄諸公何以報清勤

夜泊維揚

綠波春水路東西入夜臨關櫓力齊城上聞簫兼磬策
陌頭沽酒號玻璃興亡往事憑誰問慷慨新詩自屬題
二十四橋何處是高懸明月照隋隄

暮抵袁浦

維舟極浦暮雲低弔古咨嗟望欲迷河朔酒因諸將盡
淮陰劔爲少年提一時興敗何嘗定萬物紛爭不待齊
明日濟川從北去迢迢徐兗聘輪蹄

汪晚洲寄江寧近詩

天壽南來列秀峯卧遊常有夢魂逢近聞李白歌秋浦
勝讀東坡記石鐘行笈隨雲成汗漫攜瓢選韻寫從容
思君如在滄洲境十二樓頭第幾重

白遣

殘山剩水判無身西第南樓業有人已委肌膚隨虎豹
何從顏色著麒麟一村花柳春難問千載蓬萊海又新
可笑蒼生無屬望等閒對鏡老頻頻

輓李篤素

汀漳觀察

鵬賦傳來信豈真潛焉出涕獨傷神未酬國士空知己
遙哭燕山舊主人黃髮尚矜黃犢健白髯忽趁白雲新

鹿臺詩集

卷七

詩

傷心詩句汀漳日回首襄平澤未泯

江南作吏別龍門玉帶雙環今尚存

李公所贈

不信登車成

永訣空勞剪紙爲招魂談經猶記傾三篋酌酒何曾盡
一尊長我十年歸太速人生到此復寧論

江干曉望

兩涯潮落見水痕鳬雁中流若自溫萬頃寒烟連浦澈
一輪紅日散雞豚帆飛遙帶鄉心去嶂斷頻聞過客喧
六載空勞車馬住頻教人指白山園

得范凝園出關之信

浪傳樓櫓下三吳詎謂輕裘出上都滄海浮槎隨博望

白雲回首見姑蘇柳條未渡陽春信竹葉聊爲小歲沽
最是懷人醉不醒雞林曾寄一枝無

風雨思君費苦吟關東極目更傷心秋來臘去年何易
草長花開興更深別地無波通鯉素夢魂有路過楓林
他時邂逅抽前緒願聽驪歌塞上音

官事漸平漫書答友

倚壞山樓十二欄強將愁緒爲君寬依然河朔陳琳在
莫作潯陽李白看赤土莫施干莫利紅光初散斗牛寒
要知萬里飄零苦惆悵秋風淚未乾

渡江遣懷

鹿臯詩集

卷七

美

樓船無數指蒼茫借問誰拋鎖與韁一望東南環赤縣
直通島嶼到扶桑海風突過鴛鴦塚江月空圓翡翠堂
多少閒鷗流不定去來還在水中央

冬曉

梧凋草萎曉霜新寂寂江干又逼春官去不應南向坐
客來更喜北歸人兼旬病肺膏肓漸永日傷心涕泗頻
未卜久居還放逐朗吟在處荷君仁

蚤起

寒宵微雨報初晴帳裏梅花向曉清睡足却疑霜乍重
夢餘不使蝶頻驚齊人有妾遙相矚盜跖聞雞不待鳴

此處機關常有警肯因寤宿忝吾生

留別英夢堂司馬

清江遊興不曾孤祇爲新詩勝老大欲去猶聞鸚鵡話
留行不管鷓鴣呼濺君別淚花如散照我銷魂月載途
何日更隨河朔飲綠楊深處掛葫蘆

黃唐堂前輩序予江湖間吟集詩以答之

龍文百斛莫能扛風力泱泱抗大邦玉尺入閩衡第一
金鍼貽我號無雙欲登壇坫推爲伯望見長城已受降
元晏三都原足重未應聲價壓三江

輓徐澄齋探花

鹿臯詩集

卷七

美

珊瑚筆架渺難分歲厄龍蛇石亦焚廿載不遷金馬客
一朝長作玉華君酒星天上光何黯漢隸人間法不聞
徒使典型留島上二生空自念慙慙

徐曾奉冊封琉球爲烏裔所重琉球官生入監讀書子爲教習知其傾倒於徐者至矣

爐無蓄炭冬不栗烈喜而有作

洪爐何處覓烏銀硯水無冰欲近春自是驕陽憐短褐
不須改火用勞薪香飛寶鴨薰西第酒噴銅龍注北鄰
不及氍毹能自衛團圓婦子漫相因

追和藍鹿洲尚論詩十二首

李將軍

將軍終向北平休千古英雄淚欲流
猿臂徒能誇殺賊虎頭無分取通侯
數奇應使鬼神妬力大翻爲君相仇
可惜戮人聊雪耻滿陵亭尉豈其尤

賈長沙

吳公治行更知人宣室求賢意豈真
年少未應供保傅治安不用刺經綸
身埋卑濕真幽憤賦出彌留狀苦辛
悵望汨羅前後事遺文痛殺屈靈均

董江都

刑名文法不堪論只爲申韓毒尚存
豈有天人能剖晰更將王伯定根源
道當絕統推爲傑學是真儒始可言

鹿臯詩集

卷七

天

災異不無推驗錯春秋亦自號專門

汲長孺

淮揚信宿重思君卧治遺踪杳莫聞
但以不冠驚帝座可無下拜揖將軍
刺心逆耳終何補用慙沾名直少文
後世許多孤立禍祗因遭際薄風雲

東方朔

懷清混濁大臣心金馬門前識最深
真訣不離仙左右滑稽常與俗浮沉
自譽自責皆成幻爲勇爲仁或可任
四十萬言原有用歲星一點耀書林

太史公

旁搜遠紹獨無餘筆底風雲自卷舒
步驟直從左氏傳縱橫又啓孟堅書
亦知黃老時皆好不辨儀秦術已疎
文字無關蠶室禍任安空白泣歎歎

馬賓王

新豐一醉達長安縱筆敷陳駭牙冠
莫謂鄉評無細謹能持名器見譏彈
上皇居處春秋豫宗室安存禮數寬
若使浚儀令不黜却無佳話至今譴

宋廣平

遭時偏遇此難辰語出艱貞泣鬼神
早識元忠非不軌可知鄭果是僉人
功深復辟歸朝政送必臨軒壓薦紳

鹿臯詩集

卷七

天

獨與姚崇同不折飲中腹痛更闔閭

張曲江

道侔伊呂掇巍科大節燕公氣味和
仙客自非常伯選守珪曾奈侍中何
扇歌白羽清高甚鑑錄千秋諍諫多
狼子野心君不悟空憐遺祭事蹉跎

顏魯公

平原太守正倉皇揮手能殲段子光
元載不容盧杞甚常山遺恨蔡州忙
大聲罵賊寧投火痛哭遺文總挾霜
抵死但知朝覲禮昂然不屈立天綱

劉去華

春秋家法本源源痛哭數陳數萬言自昔天人原可鑑
當時將相詎堪論中官久握軍容柄甘露徒銷甲士魂
裴度無辭處厚默蔽賢莫報至尊恩

韓昌黎

曾從國子拜先生太學土地祠相傳即公百世衣冠起九京好古

獨聞推孟氏當時還自薄王生文中子自謂學近聖人當世多宗之公不置論

文原性道純猶未論本說比荀揚擇更精仙佛不疑終

強項巍然特立稱儒名

乞花

乞花常恐負芳辰黃四娘家出比鄰坐客已知分韻待

鹿巖詩集

卷七

辛

侍兒猶詫會文頻難中日月從瀟灑痛後乾坤任率真

歸去尚遙留一樂江湖萬頃一閒人

江邊老樹

閱盡波濤剩此身沙崩石屹幾經春腥風不散蛟龍氣

偃蓋猶招鷗鷺馴卧土還遭穿蟻穴爲桎猶可坐仙人

仲文老去無能賦嗟汝何堪寂寞濱

追慕張閃園先生

二密頽後古風清謂張蒼巖次猶見先民舊典型土室

有書昭日月丹崖無路達都城年何不永悲顏氏世爲

多艱哭賈生小子莫能床下拜嗟然南望不勝情

題時集

薄宋輕唐說豈徒新詞曾未見良模勉搜奇字呼鴉舅
競製方言使婢奴手握風雲雕絕景心邀月露細平鋪
少陵不作東坡死六義誰人更疾呼

舟過高郵憫水

連天淪淪渺無涯傍岸村村溺又飢魚鼈亂叢漂母廟
菰蒲淹沒露筋祠倒傾梅雨雲常陣急發蛟風浪共追
幸以小舟歌既濟韓王背水繫人思

燕皇弟寄龍目

蕉葉封題闕竹筒開緘炯炯見真龍雲山遙度蜿蜒力

鹿巖詩集

卷七

辛

心血方需補救功信有陽精能娛老可無石髓爲還童

他年聚首青槐里佳話堪追司馬公

珍兒將北上

狐裘抖擻歎蒙戎那得寧居對老翁千里乞師馳塞北

三冬倍道指江東馬嘶傾蓋亭邊雪佩拂黃金臺畔風

最是舊遊多不賤相逢莫說我途窮

答徐叔純

孝穆名家澤未荒新詩卓犖近三唐劇談我媿先生輩
來學君逾弟子行性協溫柔身是教功須烹鍊韻彌香
米花清白精如許絕勝嘉修十束將

水仙花影

銀燭高烧照宓妃
凌波朵朵靜簾幃
疑貝闕行無跡
又見珠宮動有輝
香繞飛霞留不住
來從青鳥是耶非
十洲三島爲情種
遮莫天明渡海歸

章繹之至

春朝宿霧罩孤舟
猶帶楓江雨未收
雙鎖抱關呼小吏
百朋錫我重乾餱
循墻輟碾苔莓滑
近宅羅開烏雀歌
枉用相存歸去速
生芻一束不能留

過隣叟

千役歸來賦伐輪
西涯繾綣接芳鄰
蜜蘭初透香粘齒

鹿島詩集

卷七

七

糟蟹微生酒近唇
忽放旅懷忘舊尹
乍開愁眼看新春
坐中二子猶知禮
髣髴窮途遇丈人

檢所著

客思悠悠太瘦生
孟郊東野以詩鳴
雕肝甚憊心無血
刻羽還留手有聲
語未驚人猶惜死
花猶入夢不勝情
老來漸細看能事
望古何堪與杜爭

觀南珍南璞弄筆墨

千役歸來不解裝
勞人偷得片時忙
自裁宋帖追淳化

更訂明詩接盛唐
父子齊聲推寶氏

謂叔向

弟兄應敵是

王郎常談莫被青袍誤
苦樂相尋看取償

王次山侍御以憂在籍

虞山拔地望噴噴
阮無處青弢致羽翰
日月三年惟黯黯
山川百里共樂樂
子內艱未闕江干鴻雁力求侶
路上豺狼那忍看
庶見素冠猶未脫
何時重戴惠文冠

楊子序致茶墨

三年飢渴滯江臯
韻事全荒豈自豪
忽吸黃山烘雀舌
更添歛水煮魚胞
品兼黑白連城價
東坡云茶欲白墨欲黑當其白時嫌

桃李正抽梢

飄風

鹿島詩集

卷七

七

飄風南北總非真
不記當年失路人
豈有俳辭能罵鬼
何從捷徑得通神
沉寃輪是朱殷血
掠影燈皆熠燿燐
多難也應兼畏事
好將詩句匿江濱

張羅

張羅取免伏中逵
爰爰何堪老雉羅
受禍到頭昭耿介
無辜垂死具威儀
鴻冥自得遊天外
鵠病全生在水湄
莫道殺機偏陷汝
人間陰狡是居奇

官事昭雪動忍至矣

危虞險阻有前因
坎陷何方脫此身
絕域不爲遼海客
中華豈作夜郎人
世皆欲殺才非罪
天獨憐子老可貧

幸以千秋逢聖節萬邦沾被荷堯仁

寄寶山學博洪稷人

寒瓊獨與古人居六載遐心亦太疎隔郡直須縮地法
明朝當有絕交書欲知冷暖猶思雨若解榮枯不問渠
吾弟東郊更寂寞杳無一字及樵漁
不腐民社是良籌怪汝名心發獨收多育一方佳子弟
看禠無數小諸侯行藏自惜關離別聚散維時阻唱酬
聞道陋庵官亦冷石頭城下總沉浮

瑤兒撲虎

竹馬非迎郭細侯騎來自號撲斑彪長竿惟取二三尺

鹿巖詩集

卷七

書

攘臂還能左右抽但使衆人推氣魄不爲善士也風流
諸昆嘖嘖當場戲猶勝徒稱孺子牛

答姚耘工

洙涇南望極兼葭時有芙蓉木末花客思遙隨秋水去
爾音偏傍暮雲遐待醫消渴三年艾學種嘉蔬五色瓜
日誦新詩緣和寡何堪委佩乞飛霞

春宵

銀花萬朵豔如焚士女爭觀共結羣曼行來朝新令尹
蜿蜒亦過故將軍門無五尺誰爲應宵有千金衆欲分
遭際太平當共樂齊聲簫管動天聞

樹介

大寒霜氣出層霄萬樹水稜曉未消介出高懸叢武庫
鋒鋦直射貫招搖鳥飛有陣胡思避風小無權不動條
草木皆兵應若此八公山下聽鳴刀

破帳

江干露宿賦無裳破帳追隨亦不祥直使梅花消息透
故教蝴蝶往來忙二人入夢悲明發八載流離受曉涼
襖被堪憐盡裏裂小兒惡卧更無方

寄滋畹弟

強談文字罷登壇終日端居索古歡官放三閭原是屈

鹿巖詩集

卷七

書

侯當萬戶不如韓蕪舊隊裏相知少蕭艾叢中獨拔難
最是折肱醫未得非關凡骨愛金丹

清江浦呈高東軒先生

望闕思公青瑣班皇華遠出穆陵關每懷王事趨邊海
却使輿情重倚山原隰黍苗迎喜色澤中鴻雁驟開顏
可無疾苦煩南顧贏得從容理佩環
聞望中朝仕學優獨施赤手挽狂流不阿豈復因人熱
百鍊何曾繞指柔任重能勝千斛鼎時安終屬濟川舟
漢家丙魏周申甫爲守眞兼秉大猷
淡薄寧知辨菜羹以安社稷志初明經營膂力逾強固

正直持躬在設誠事畢旋歸崇相業風多採納暢

皇清江南米價今年賤焚理仍宜省薄名

藍鹿洲歿有年矣聞其子讀書而喜

五羊五馬足稱雄更有傳人澤不窮千古青山埋事業

一方端硯付流風謝家子弟歸儒雅王氏賓朋愛博通

雞犬相聞新路近兩頭門第倚雲崇

虎皮

何年活剝老於菟文采猶張氣欲蘇一自故山辭炳燿

許多羣犬共胡盧談經尚壯真無敵燕寢攸寧未可沽

縱使吾衰惟有柳風流應得傍騶虞

鹿阜詩集

卷七

七

輓陳他齋

飄零硯北已堪悲一老如何不憊遺甚雨疾風摧碩果

青山白石葬新詩泉間盡集忘年友世上更無博古師

他日南歸獨惆悵生花宿草總迷離

石池秋漲

鑿石爲池可刻銘悠然潦盡見潭清百川始灌真皆溢

一雨初添看乍盈魚鼈自驕天廣大夢蘋爭托水生成

東園過客招孺子閒倚秋風聽濯纓

送胡丞歸里

冰蘖平分共一堂那堪市虎各徬徨

子去官之明年胡亦被劾當年

簾簾均無玷此日衣冠獨返鄉雲散江干飛舊雨劍裝

雪

霏微小霰蕩風簾曳曳飛來觸穴粘到處坐看宜一酌

望空朝食可無鹽家連崑崙光相映穀熟江南兆已占

猶憶長安三日卧銀盆不管馬蹄添

夕霞

有友矜其咏霞句云何用人間鋪錦繡自
然天上煥文章雖佳而近俗因次其韻

孤霞繼日抹西方照耀天衢見裔皇三素雲初收大采

七襄錦已報成章江中影射魚龍駭山下光燒虎豹忙

繡嶺可餐原不俗朝烟并作列仙糧

鹿阜詩集

卷七

七

久不徒步一行十里

閉門未敢賦無車步履還來十里餘送我自涯塵用楫

逢人欲避笑騎驢風晴當爲尋春出路狹非因後長徐

喚作舊官儕父老漫從雞黍到田廬

鹿阜詩集卷七終

江湖閒吟卷八

漳浦王 道直夫氏著

擬樂府

追頌青海平定歌九章

日重華聖人出月重輪聖人一光天之下至海隅來享
來王罔不率雨與風時不失日用飲食民之質蠢爾逞
頑譏上有雷霆下斧鑕

右日重華章十一句

君馬黃我馬鐵君馬三周我馬血搜原別藪間道絕風
雲以舒蛇鳥有截瑕垢乍磨滅奚倭中宵淮蔡雪廟旗

鹿鼎詩集

卷八

一

內定赫哉我

皇之烈

右君馬黃章十句

既陟我岡既橐我糧聿追犀兕與牛羊擒不濫殺我武
揚迺酌軍士醪爲漿誓將海水濯邊疆

右既陟我岡章六句

豺虎窮干戈逼揚黃沙躡遁跡始奔突終弋獲于山于
川匪汝域東爲我東西我西南爲我南北我北悔奸頑
歸有德我

皇寬大恩不刻

右豺虎窮章十二句

天蓋高山無垠血氣豈殊倫何以背尊親飛在野潛在
津涵濡造物仁嗟汝寇虐逐遊魂禽魚斥汝非同羣

右天蓋高章九句

青海水清且瀾交濁流歟泥滓既澄其源歸本始旁有
腥羶斷蛇豕左屠右翦擊其尾窮竟窟宅非得已版泉
涿鹿良有以

右青海水章九句

旂綏章旆央央掃太白射天狼鬼神來助驚不可當蕩
后土提天綱風雨和會永保無疆沐日浴月錫嘉祥

鹿鼎詩集

卷八

二

右旂綏章十一句

皇有正命文德誕敷旣宥其良旣廓其郭簞壺繹繹迓
來蘇王旅燁燁歸載途新田采芑快哉乎虎拜稽首

萬壽呼

右皇有正命章八句

荆棘鋤姦回正神武不殺天所命沙漠絕域惟拱聽風
行草偃明號令九譯攸同一人有慶綏萬邦不執競載
橐弓矢周家詠爰播德音示兆姓

右荆棘鋤章十一句

白紵詞

齊姜萬舞趁春融
照耀燈花射八窗
練裙羅袂委輕風
仙仙垂手觸玲瓏
合坐行觴樂未終
維香五味琉璃鍾
扶桑旭日爛東紅

羽衣緩奏何揚揚
右手執胡左執箏
萬籟斷絲牽繞畫梁
金鳥赫赫照明璫
玉顏微澤濕流黃
金中屬意陳思王
渺渺凌波襪有香

桂宮零露沁芳蘭
妙曲清商引曉寒
颯沓侵凌倚盛顏
絕纓遺履合交歡
明月當空亦下觀
主人仰笑傾金盤
良夜迢迢獨未闌

象牀瑤席地爐溫
白雪新詞半入雲
風雨淒淒快哉軒

鹿車詩集 卷八 三

疑停善睐態屢遷
烏啼啞啞動前村
觀者嘆息寂無言
樂過千春賞暮年

行路難

雙龍寶劍玉爲鏤
白馬金羈逸且嫺
腰下黃金十二綬
狐裘照耀色斑斕
盛年結客走函關
宮闕沉沉不可攀
以策叩關者闌齒
勞舌敝莫開顏
蓬萊明朝返故山
橋邊黃石笑人頑

枯魚過河泣

枯魚過河泣淚珠
東海濕天吳昨夜
徒波濤馮夷擊鼓
羣龍集羣龍上訴
何太急萬頃桑田
畝原隰魚兮魚兮

莫鳴咽蓬萊三度可徒涉
是時小魚涸中甕大魚碣石
曝鱗鬣直須山海合鴻濛掉尾優游復相及

善哉行

來日大難雪暖風寒
雪後多風困於溪灘 一解

被褐至軒中道珊珊
雨袖皆短非無猶難 二解

有客在門叫號行酒
新婦怒噴速掩其口 三解

朝食蕨薇夕餐杞菊
不知有梁寧知有肉 四解

十年結客生死以心
一朝嫌怨起於求金 五解

網羅高張陷阱幽深
驅諸使納不辨人禽 六解

傑英在前狂夫思避
誰嗾一聲實育心悸 七解

鹿車詩集 卷八 四

六鈞之弓萬斤之弩
旁人之力不爲已努 八解

崇朝其雨紅日在天
悠悠行路整我雙纒 九解

白髮非白丹心尚丹
幸甚至哉歌以爲歡 十解

獨漉篇

獨漉獨漉渭清涇濁
清濯其纓濁汙其足 一解

有鴟有鴟萃於墓門
不忍彈射獨汝子孫 二解

磨刀霍霍已殺牛羊
酒再行起以報無良 三解

誰持汝危誰扶汝顛
不思大德反奪土田 四解

秦不出師齊不往救
不須奔命式遏汝寇 五解

壯哉大勇萬夫莫當
四顧躊躇收其劍鋒 六解

短歌行

旨酒在尊明月在天今者不樂將待何年一解

廟有元凱山有巢由以飲以食鼓腹春秋二解

宰肉於俎取魚於淵餉客十旬不糜一錢三解

宮衣之錦濯而彌彰報仇之劍不拭不光四解

葵衛其足志在朝陽片甘於口獻我君王五解

石猶可煉玷尚可磨媧皇至矣衛武若何六解

門有車馬羅雀不去家無斗筲彈琴者踞七解

大海之濱朝市無嫌人亦有言膠鬲魚鹽八解

三年契濶夙夜相思有美一人靈心自知九解

鹿臯詩集 卷八 五

今日微陰詰朝乍晴日近長安翹首太清十解

休洗紅

休洗紅水之湄一洗顏色移再洗顏色衰知者西家施

不老吳宮從范蠡

休洗紅朝至暮桃花漲膩桃葉渡桃花不妬桃葉妬羅

衣練裙當衣素

採菱詞

蓮子房空菱正熟綠波盪漾南湖曲擷蒂絲牽嫋嫋風

觸尖血刺纖纖玉一日三秋經幾秋菁華一去不可贖

今茲若待廿五年棄置道旁嫁與孰

艷歌行

何嘗快獨無憂但當招故老醉新秋今年多收十斛麥

可以築糟邱大兒投筆封通侯中男爲郎參廟謨小兒

吐氣與兄儔迺翁雖無官爵園有橘千頭炙背簷前脫

敝裘時或箕踞磐石徙倚清流振衣濯足倦則休酣歌

擊劍快恩仇皇帝萬年有詔賜牛酒安車蒲輪逼迫不

少留道旁觀者皆嘆息人生得時行樂何須憂

讀曲

碧玉小家女來嫁汝南王嬌小未破瓜衆媛俱無光

碧玉破瓜時含羞人不知並頭蓮子苦種入芙蓉池

鹿臯詩集 卷八 六

碧玉破瓜後娥眉莫相詬香粉一百匣傅之顏彌厚

愁極奈何許相看儂與汝夜深燈火微洞房不知處

奈何許前溪隔十里迢迢寄雙鯉不爲郎生爲郎死

奈何許與郎期極浦日夕兮不來嘆息空房淚如雨

奈何許宵小併予美狐疑良有以愁緒從今不復理

自君之出矣

送君南浦歸錦衾傷獨處春來雙飛燕簾頭相對語

捲簾見明月三五有盈虧明月照我心初終無轉移

附禽言

泥滑滑馬行遲前車既覆後車危屢顧汝僕當知之

姑惡姑惡姑亦婦作婦母怒噴婦母厭薄四五十知
苦樂

不如歸去朝朝不得候鴛鴦啼達曙日有遊人金彈觀
世間那有寬閒處不如歸去

明朝結一個窠南山莫近北山羅風風雨雨樂如何

四言詩

勸農

春雨油油時雨霖霖維土有膏維草碧色耕之用深爾
興是力爾之不力主伯攸責

苗之初生實函斯活如兒之飢如兒之渴乳之哺之呱

鹿耳詩集

卷八

七

呱怡悅良苗懷新得水乃勃

苗之方長實發實秀妨之者稂害之者莠或耘或耔以
祈速朽非種不鋤誰職其咎

苗之方實既堅既好或有不堅皆由旱潦乾則溉滋浸
則利導以補天時自生百寶

阡陌之濱莫非曠土瓜瓠苴荼種之成伍新穀既登嘉
蔬亦膾食我農夫慰此勞苦

有穀在庭有蔬在室爾取爾攜無有吝色相彼惰農求
之弗得先民有言好是稼穡

爾有父母俯仰事之爾有子弟禮義生之非茲稼穡老

少呼飢不飢不寒稼穡是爲

日之出矣衆鋤齊揮日之入矣戴月荷歸鄉井親睦禮
讓庶幾含哺鼓腹家室以肥

松栢在山不澆而活江離在渚不疏而苗惟茲田功乃
作斯發簞笠胼胝歲晚乃脫

薄酒在尊爾式飲斯乾候在筐爾式食斯纖纖草花饁
婦一枝非以云惠戒爾嬉嬉

政猶農功不勤成莽長吏之來以勸以獎爾其敬聽曰
致豐穰自古有年教則先養

示民詩

鹿耳詩集

卷八

八

佞佛戒燒香也

鐘鼓嗶嗶金帛離離有佞其口日叩慈悲種福有田弗
種何爲不嫁不娶焉得男兒不稼不穡焉得梁茨生人

之道攸敘倫彛叛經去正實爲出出求福未得禍已隨
之爾其不信前車在茲

鬪狠戒輕生也

人生親睦莫如井鄉讓道讓畔何弱何强爰有狂夫裂
眦怒張奮而不忍鬼伯同行侍而不死父母悲傷瞻彼

關雞爪距飛揚殞命須臾快此一場人爲物靈曷恃强
梁留其膂力經營四方

相鼠戒淫奔也

人亦有言匹偶相從非匹非偶牝牡雖雄時維仲春桃花天濃六禮攸行如焉附松豈有鑽穴窺以踰通始遂其私醜則在公以決以罰觀者洵洵念爾耻心未喪而蒙警之覺之聆此晨鐘

刀筆戒訟師也

維彼樂訟是已非人或排其難宿仇遜親有筆如刀欲顯靈神屢嫁厥禍好陵而鬪始爲利與利盡乃泯利傍倚刀自殺其身如渴飲鴆救火抱薪其何能穀自外五民洗肝滌腸聽茲諄諄

鹿車詩集

卷八

九

健婦戒女訟也

在昔東海孝婦冤逃三年不雨天爲慘淒苟無大故當守深閨豈露其面司晨牝雞帕蒙於首淚注於袪號枉求直實爲禍梯告夫與子誠母與妻如其怙終負此提撕拯陰有罰其無悔兮

頽泚戒不葬也

野田畸畸斷岸潏潏彼何人斯匪瓦其棺大風疾雨能不心酸或云擇地卜吉爲難山川能語葬師無顏亦有貧窶口餒衣單一抔不辦惟以承歎凡茲孫子實忍且殘事親之終竹杖歸山魂魄無歸將遊厲壇人各有心

何以自寬

熬波戒販私也

傍山而樵近海而漁亦有儲力自食裕如何須盜行竊漁之餘攜筐挈袋早夜赴迥有悍者捕伺於蓐墟以挺以刃怖命匪徐須臾升斗化爲子虛刑法隨及拘繫拮据速返其業歸於耕鋤

惟正戒抗糧也

租催於佃賦問於田矧矣南邦蒙恩獨偏浮糧累萬奉詔除蠲王仁蕩蕩帝澤淵淵輸將以報豈愛金錢青青子衿四民居先是宜鼓舞亟趨毋延若有逋負法在民

鹿車詩集

卷八

十

前敬慎爾止以粥以饘

穿窬戒竊盜也

四民之業謀生孔多不謀其生竊當奈何如鼠之黠畏縮人過如狗之餐啣物歸窩豈知悍捕取鳥於羅剪其羽翼毀其巢窠墨刑而上罪有殊科如或不悛身首消磨戒之戒之視燭投蛾

禮節戒奢侈也

五禮之定本乎人情以質則野以文則明惟是彬彬永久攸行凡今之人從事光榮履豐而縱不守其經維彼蹇齋勉而營營趨以益甚漸恐俗成各稱厥家豈不和

平先民至哉元酒太羹

篤親戒偷薄也

先王之教孝友睦婣爰及任卹六行是陳瞻彼水木枝
派紛紛念此本源益遠益敦旁至親串繫於義倫如羅
締結非仇所親視親如仇狂惑匪人凡茲偷俗驟難塞
堙欲挽頽波責在薦紳

胼胝戒惰農也

江渭河許沃壤平時賴此人力不釋鋤耨爰有惰農袖
手優游雨不及種風不及收相彼閩粵山海交稠開畝
築泊面赤首囚無冬無夏手足馬牛地利務盡跨於南

鹿學詩集

卷八

七

州稼穡匪懈亟宜自謀

拷繻戒賭博也

人有本業母嬉而荒快於一擲百萬以亡爲虛爲雉樂
且無方樂極而悲誰爲歎傷化爲異類不在人行爲牛
爲馬爲犬爲羊異類猶可芻養爲糧人與物伍肌體不
良法雖有漏命迺自戕

負薪吟

難中
自况

有金千鈞有穀千困兒家匪貧使兒負薪上山苦飢下
山苦龜北風凜凜兒罪無垠

朝出行吟猛虎在前暮出行吟猛虎在後兒逼虎頭虎

箝其口虎不憐兒以祈速朽

日暮歸家父母閉門兒亦有兄姁於家尊兒亦有弟愛
不我敦行行中野兒罪煩冤

兒兄有急兒往從之兄弟有難兒往救之兄有急難兄
弟不知父兮母兮兒罪應笞

兒有父母衣單而破賣薪自給兒益其過賣薪不給三
旬九餓父母召兒號泣是賀

天地之大兒無所逃東西南北不敢憚勞負薪行吟其
音曉曉以待親命旅於江阜

東園禽樂

鹿學詩集

卷八

七

燕燕于飛爰托我宇唯拮片泥不徹桑土卵翼羣雛啄

蟲而乳一雛一蟲均平周普有口尚黃戢戢其羽戲我

硯池窺我菜圃戒之戒之門外有虎燕虎比燕差
大而食燕

斑鳩來止婦子嬉嬉鳴則相和行則相隨人亦有言陰

晴先知晴不及喚雨不及祈其聲鳴鳴嚮子是爲朝暮

上下在桑不移均平專一君子之儀

有鳥稱翁乃白其頭羽毛未老豈亦有憂十百爲羣匹

耦爲儔離則招呼有如鈎輳多而不亂哺之斯留對汝

機忘陋彼禿鶯

啄木啄木一雄一雌爰集梧桐特操不移既啄厥枝又

啄厥皮以潤其吭以果其脾豈無菽麥不顧而麾所托
何高所養何奇嘉我廉士利化於茲

誰謂汝射隄白匪黨京兆流徽毓此文采既脫樊籠來
游草萊鳴聲孔彰若鍊以鐵惟雖是求惟謝是愛烈士
之風壯夫之概卑卑衆禽易取即疎

衣不近緇率爾羣子聲不近梵制然而鄙和尚之名亦
食於耳青豈始苗黃瓜舒藍爾取爾攜飫而不止園匪
給孤捨於何始有懷耿介文罔之雉

松栢交枝白楊垂蔭新巢既牢舊窠無滲月明星稀其
臥安枕人亦有言鳴爲喜讖喜無端倪鳴以益甚或求

鹿巖詩集

卷八

三

友生嚶聲沉吟母若老鴉啞啞不噪

松竹有林百舌來賓我聞其聲不見其身如語如歌如

嘯如嘖初疑羣噪啼挽殘春觀其決起有如譏人望帝

爲君衆鳥爲臣爾乃伎口亦列薦紳聆而不迷警哉臣

鄰

挺刃嘆

有木維樛蔽芾榆社爰修斧柯翼我梧櫟誰持作挺殺

人城下匪寇匪仇無冬無夏皇天有眼威亦太假皇天

有心不哀弱寡

有鐵維頑棄置瓦礫叔夜弗需歐冶弗扶誰持作刃以

資盜賊不報父仇不恤王敵枉嗜殺傷如不我克彼蒼
者天曷其有極

侯隨庵洪緩人俱就廣文

青青苜蓿於泮之淵不進而熟不膏而脂我求弗得君
遇飫而陋庵高潔齋以爲明緩人漫膚何以張之此中
真意肉食不知青青子衿相見有儀萬鍾已却十脰奚
爲廉耻弗尚吾道之衰以砥以礪責在儒師羞惡旣敦
惻隱不漓風俗詎病賴此良醫勿謂祿薄勿謂官卑經
義治事次第可施同學少年禍福差池福豈自致禍或
天遺醇酒有鳩鵲羹有菹無若苜蓿其甘如飴有鳥卿

鹿巖詩集

卷八

古

鱸堂前嬉嬉君同升矣我滯天涯顧瞻被佩匪渴匪飢

幸甚至哉歌以揚眉

銘附

履銘

母高人母汗已好高者危白汗難洗

短策銘

尺寸之權壯夫之義在堂如僮在室如婢汝母我虞我
不汝棄相依爲命攸往之利

扇銘

烈則揚涼則釋卷舒隨乎時是爲君子之德

硯銘

方不可轉堅不可卷用行舍藏重之永遠

小刀銘

以筆爲耦以利爲能小則良大則傾故不可爲公卿

薪銘

可以爨可以臥知憂患生於飲食可以無大過

飯盂銘

飢不汝責飽不汝棄金銀雖華不若瓷器膏粱雖甘不若糲糲知止知足傳之世世

鹿車詩集

卷八

五

水注銘

涓滴之水挹注江河濡毫弄墨恐生風波戒之戒之謹小無頗

尺銘

持汝衡物不能自衡失物不智自失不明操長短之柄者貴得其平

巾箱銘

保我纓守我經纓日濯經日明得時則駕將以揚於王庭

錐銘

母恃爾銳堅則技窮堅不自保銳乃有功彌堅彌銳太賢之鋒

筆山銘

藏我鋒倚爾峯不爲人備立萬世功

牀銘

明而動晦而息不敢告勞不違自佚寧疎毋親百年如一

書架銘

賢聖所居奸佞所伏象牙非剛蠹魚非毒縱橫左右并吞在腹

鹿車詩集

卷八

五

書燈銘

蘭有膏兮膏有香在室滿室在堂滿堂蔚爲邦家之光酒卮銘

不甘於旨不竭而止載呼載嘷將碎汝

書三緘銘

訥者師訥者友苟不戒緘脫口旣起羞更納醜背有芒顏之厚舌自捫保無咎

五言絕句

春霧

野色合空濛倉庚濕其羽微聞葉上聲日出樹頭雨

東園雜詩

僻

東園不見人猶云在人境惟有落花間相依春晝永

坐

欲出已無車欲交更無友木榻是吾師坐穿堅所守

眺

登樓心在野下樓野在心人涯遊子意時作故鄉吟

吟

山鳥早呼人暮雲隨倦客得句日以多天成非我力

刪蓼

鹿臯詩集

卷八

七

盤餐已茹茶園亭又集蓼風味太辛嚴刪除猶未了

種荳

播種始云疎生秧還復密何地非南山離離看落實

種瓜

無田亦成行上架紛如織不自青門來猶能脩五色

養鷺

野塘春水滿鴈鴈一聲強待汝成羣後臨池日益忙

採藥

不見種藥人藥苗春轉盛采之遺所知莫使七年病

澆花

潮落花無恙潮來花已飢銅鉞勞挹注戴月亦忘疲

沽鼠

在倉猶可肥在厠不辭穢如何處閣中典籍肆羣隊

收梧子

葉報天下秋子備鳳凰摘鳳凰自高飛留待來遊客

淹桂花

滿地落黃金非貨棄可惜淹浸隔年香金脂如欲滴

石山蟹

水裔非爲濁山居獨愛清出門皆木石何處可橫行

絡樹藤

鹿臯詩集

卷八

六

似葛愁無援如蘿愛作緣徒爲嘉樹累須仗斧柯權

當塗蔓

步屨到蹊間蔓延甚茅塞芟夷去根荄莫縱當塗賊

曳泥龜

伏處伺陰晴曳塗自來去隣翁或汝烹欲把枯桑試

拾枯枝

喬木亦衰時枯枝常自斷大小各有需助我薪與炭

訝暴客

盛夏猶敝裘黃昏未舉火暴客賣不聰爲狗屢欺我

曉聽書興

旭日照青瓊蛇蚓日滿紙淋漓不畫龍吸我墨池水

半夜松風

旅夢誰驚覺松濤半夜來紙窗半掩抱一時開

樓頭坐雨

一榻與雲接蕭蕭四面涼煩襟不用滌入耳卽滄浪

藥苗當薺

初生具香氣愛此藥苗肥一啜瘳清渴方知顧渚非

手汲自烹

雖有玉漿井不及大江潮品得茶經遍無能過一瓢

漁婆賣鮮

鹿耳詩集

卷八

九

携筐兼買柳赤足扣門來不校青錢少欣然擲四腮

石牀午枕

科頭松下蔭一枕石頭眠全消三伏暑疑是上皇天

苔痕上階綠

緣砌青苔長如錢鋪箇箇何須得好官卽此持自賀

洗硯石池傍

江河大且深風波常莫測朝朝就石池浣此醉顛墨

燕雛爲蛇所噬

梁上鷯雛雖長蛇一朝食高棲不保軀何以爲羽翼

課僮伐穢墟木

耳目去所憎盡刊穢墟木倘云力不勝給汝酒一斛

同人約攜樽賞桂

菊開無送酒桂吐俟移尊主人原是客一石可留髡

王丕能借榻讀書

洙涇千百戶四顧無書聲吾子負終笈圖書抗百城

于役詩

書

行李僅半肩殘編已盈笈賢聖不我嫌相隨出復入

劍

澤國鬼域多虫蛇變豺虎佩此祛妖兇下民莫子侮

鹿耳詩集

卷八

十

瓢

飢來待作糜渴時惟飲水腰下繫一瓢曾從顏氏子

杖

以汝爲將伯涉險如坦夷昨日已知非猶阻杖鄉期

颶風

狂波鼓雷霆不是皇天怒一葉付波臣簸弄江之潯

斷絳

艱難百丈牽不滿三分力蛟龍亦妬子嚼斷俾子溺

折櫓

絳斷已無依櫓斷更誰托長跪乞波臣隨風送涯泊

逆潮

小艇乘川流何敢與潮逆來去不相逢一篙行一尺

旅寓

近市不辭譁垂簾下一榻風鈴日有聲仰首見孤塔

登樓

久居厭湫隘愛此一間樓城中十萬戶烟火入雙眸

晨鐘

枕上續殘夢彷彿近黃梁晨鐘忽驚破無處疑清香

閉關

憎子不到此愛我更無人柴扉掛蛛網時時落花新

鹿臯詩集

卷八

三

贈日者

何來太古錢直當龜與策豈是仗錢靈賢于龜策力

讀離騷

不知香草名香自齒間出心鼻忽焉酸淚濕丹鉛筆

懷故山

雲水日已疎杉松日益長種樹十年功枝枝堪作杖

詔蠲租

縣牆掛黃榜微旱遂蠲租不知東海婦三載有寬無

沈園紅梅

陰雨連天釀青梅照日紅曉來看絮絮疑在荔園中

便面應客

俗書欠姿媚揮灑亦忘疲仁風揚不足猶可避元規

東陳仲華

悄悄甚有憂如何徵召急苦我爲枯魚朝朝過河泣
會吟然豈詩哀號亦太急物理本同揆臨詩惟涕泣

爲兒輩刪詩

法律惟由舊風華欲出新無人贈爾斧砍斷盛名根

聞江北不雨

關山非我疆有飢總由已願分黃浦波化作江淮雨

吳學博餽食

鹿臯詩集

卷八

三

減却盤中餐移來備一飽苜蓿等琅玕甘脆敵芹茆

爲客五更愁

已沾霜露冷非關長髮斑有懷在明發竹杖未歸山

行囊羞澁甚

囊物如流水奔趨不少留可憐蘇季子無處覓金裘

聞隣童子呼飢

呱呱爲索食牆東不忍聞雖非父母職念此心如焚

漸不爲人所識

簪纓有異觀金銀尤駭俗頽然野老儔不入世人目

老來花似霧中看

分明錦繡披何曾障曉霧老眼強離襪延賞多謬誤

賦得北風吹裙帶

曉起罷梳頭無端裙帶緩却被北風欺良人方未反
裙開君不知臨風妾自結今夜是中秋捲簾望明月
帶長易招風帶短腰已促獨處可無裙北風不能入
大姑在東廂小姑始扶床裙開慎莫笑共罵北風狂
小姑始扶床大姑在東廂無人聞細語枉自費思量
低頭結裙帶回首見狂夫狂夫如狡童總與夫婿殊
帶爲五采絲裙是猩血滴自妾初嫁來裙帶不改色
裙帶一丈強因風若箇長未能窺宋玉何敢近玉昌

鹿皇詩集

卷八

七

七言絕句

渡黃浦江

乘潮時有送潮風一片孤帆破浪雄春申事業空烟水
猶留霸氣在江中

催科

馳驅秧馬聽纜車那有餘閒赴晚衙已去浮糧三十萬
黔黎何忍負官家
朝朝捧檄急如焚恐詠新絲入耳聞寄語丁男應早計
莫教胥吏擾耕耘

韓家塢

扁舟杳不辨東西河水聲中雜犬雞夾岸桃花紅似錦
春深錯認武陵溪

竹籬深處雨三家漠漠炊烟帶雨斜一徑微通幽欲絕
却疑高士在蒹葭

聞鳥

屋角啾啾曉夢驚猶疑布穀欲催耕郎官印綬方持去
不得壺漿陌上行

步虛詞七章

上清居處大羅天十二樓臺斷又連蓋駕文螭朝絳闕
伯陽先到玉皇前

鹿皇詩集

卷八

七

青真有路許人遊桃實三千尚未收莫道雲間無盜賊
東方來往已三偷

經參歷井泰階平下視人間世永清雞犬亦知餐沆瀣
得依口口說長生

縹緲雲輶玉宇寒先時有信遣青鸞飛霞委佩明如錦

乞與幽人種內丹

鈞天一曲似南薰簫管笙歌世不聞張樂洞庭渾是俗
不知洗耳洞庭君

清和處處玉樓春無數仙官不見身一日相逢香案吏
前生俱是世間人

玉兔金烏西復東八千歲月總如童神仙本是榮華貴
笙鶴相隨碧落中

重過沈園

新泥破屐認牆東
瞻見黃梅映日紅
爲愛主人貧似我
甕頭無米未匆匆

癡兒聊作應門童
到此平分靜者風
秋葉新栽方未老
一庭生意待衰翁

木槿

深紅淺紫擅榮華
脂粉濃妝妬曉霞
有女同車方未嫁
不知樂子之無家

鹿臯詩集

卷八

五

偶題

非烟非雨罩嵯峨
宿靄沈沈綠又藍
讀易山中乾首卦
躍龍時出臥龍潭

近樹蕭疎遠樹低
草亭卓立野橋西
山重水複家何處
不是神仙路亦迷

遣興

茶時方渴飯方飢
已覺真情十二時
橫逆紛來曾不覺
爭傳我服帝休枝
柴扉洞達小牕前
永夜惺惺書或眠
最是經旬無客到
却疑身在白雲天

養胃新生白豈蔻
停眸獨賞粉紅蓮
東隣野老憐子甚
乞與何曾費一錢

避瘟入夏徹銀缸
每食無餘更徹甕
暴客也知貧已極
不須擊柝始心降

荷葉

露珠點滴碎仍收
付與湖波不少留
貞潔自昭君子操
大都爲葉也風流

歌

到處嗚嗚不解詞
秧歌懽樂棹歌悲
六朝度曲歸烟水
耳畔何人唱竹枝

鹿臯詩集

卷八

五

破白羽扇

譙譙白羽忽辭秋
爲愛孤高禿尚留
諸葛無人景略死
可憐名士盡風流

鵝羣新翅不堪抽
白鷺高舉杜若洲
一度秋風空寂寞
班姬執扇亦含愁

廢圃

橋東一逕窅然分
野竹蒼深鎖白雲
玉面狐狸人拱立
何堪與此共爲羣
樓頭亭角露微微
碎瓦頽垣隔短闌
海燕春來猶怯顧
主人原是舊烏衣

八月竹夫人

清風亮節有誰儔名在金閨第一流不肯趨炎當勇退
別離揮手痛高秋

唾壺

枕畔誰人拾唾餘秋風消渴病相如鄂君繡被清香甚
肯與銀壺共起居

月

月近中秋夜夜看漸於天上計團圓可憐月下三千里
兒女無衣耐曉寒

自題稿

鹿耳詩集

卷八

七

有命阿誰共皺眉江南羈旅獨流離如今佳句成何用
死後人間剩此詩

秋晚

雨歇雲收月色初苦吟促織傍階除西林寺裏鐘聲早
催我秋鐙夜讀書

年少也曾開萬卷老來何敢棄三餘明經用處終無用
一部南華是秘書

偶題

綠楊叢裏一間樓半榻凌虛象外幽片片孤雲渾是伴
此心終日與天遊

典衣

枵腹難撐書畫船強將絺綌易晨飢秋風蕭索今朝甚
未雪先須閉戶眠

松聲

萬山幽韻入青冥謾謾遙來到草亭可惜俗人渾不解
孤清獨許歲寒聽

琴聲

成連已去不勝情山水都從十指鳴屏却人間箏笛操
朱絃唱歎是真聲

鶴聲

鹿耳詩集

卷八

八

在陰有子和彌長天上猶聞意氣揚忽掠子舟西去也
東坡身入無何鄉

石磬聲

悠然一擊愛硜硜依此和平振衆聲門外有心長歎息
伊誰知我最分明

野寺鐘聲

山阿敲斷白雲留頑石時聞木杵頭萬戶千門皆側聽
夜分疑出景陽樓

牛背笛聲

掛角橫吹薄暮回收童兩兩興悠哉杏花村裏歌三疊

一路蹄涔印落梅

碁子落聲

石牀深處試丁丁
指點仙家一局零
不識爛柯山下路
復傳車馬逐流星

賣花聲

高唱朝朝深巷來
鮮新無價是初開
擔頭春色知多少
姊妹懷春作意猜

欵乃聲

桂楫蘭橈趁曉風
搖搖聲出桂蘭中
篷牕坐穩聞相答
山水千重綠正濃

鹿臯詩集

卷八

无

機杼聲

深閨少婦理絲綸
伊軋傳來次第勻
不辨纖纖兼織素
故人手爪壓新人

擣衣聲

舍北街南砧杵紛
秋風迢遞散衣裙
故鄉遠隔三千里
月白霜青不忍聞

偶題

振衣高出萬松峯
咫尺匡廬一逕通
夜壑有聲都是雨
不知身在畫圖中

洙涇竹枝詞

上塘橋畔下塘街
盡是魚腥與浸鮓
菜似靈芝常不得

只憑蠶豈作生涯

街頭十步掛青帘
酒味微酸却類甜
一碗一錢渾似水

野人薄醉不爲嫌

遙聞欵乃趁潮回
熠耀漁燈傍水隈
夜半小鼗猶到耳

兒童知是賣飴來

春秋士女競逃禪
笳鼓連朝咽畫船
日日梅檀燒寶鼎

東林氣焰欲然天

家家臨水掛長繩
洗米求魚更挽簪
不有雜糧猶可飽

山堆硬殼水紅菱

鹿臯詩集

卷八

三

腰纏到處買春紗
大布偏宜出小家
滿地木棉開似雪

丁男暇日亦搖花

輕舟泛泛常興臺
河汊分流一丈開
不是鄉隣猶物色

路人爭看舊官來

自放詩七首

科頭

曉牕旭日照攀緣
家有巾箱鎖幾重
客至不冠真是懶
無官豈復爲人慵

跣足

青鞋布襪等閒人
跣足山庭更率真
宜夏祇愁冬日近

堅冰又逼履霜晨

披襟

一裘一葛總淒涼襟肘相關露短長我自胸中無滯礙
芟荷薜荔稱衣裳

漫吟

狂浪無端歎且歌大都悲喜味相和語言文字皆爲累
仙鬼追隨可奈何

散步

河涯隴畔絕人蹤鬼域紛來莫與攻稍近中田看婦子
齊聲噲噍笑山農

鹿臯詩集

卷八

三

謝客

閉關爲少應門童剝啄無聞豈不聰滿地落花閒可掃
呼牛呼馬自稱翁

堅臥

睡鄉縹緲在人寰得趣無方往復還紅日三竿猶不起
非將此地作東山

爲客刪詩

分門別戶各支離敦厚溫柔教不移若欲欺人吾豈敢
陳王陶杜是吾師

續步虛詞

樓居蟲蟲曉雲紅何處披雲見玉童箕尾可騎歸去久
猶傳傳說在巖中

大開閭闔向東方陟降霓衣日月光不見歲星逾十載
玉皇猶白飭巫陽

鸞鳳何須答復鞭踰身湯谷吸飛泉浮邱常向丹邱住
怪得靈均學水仙

慧爲掃兮斗爲麾驚霧流波豈未移直使雷公將護衛
文昌珥節亟相隨

曼曼修遠幾忘歸却指南疑下九扉自美欣欣淫樂甚
祝融戒路莫相違

鹿臯詩集

卷八

三

龍虎相從各一羣朝朝遙會玉華君何人網得王喬履
赤足猶堪踏白雲

鴻濛無地亦無天衆妙由來玄又玄便與秦初通一氣
不知混沌是何年

終風

蘋末初生樹杪顛終朝吹起鯉魚眠大王氣蓋雄如此
爲憶南薰奏七絃

夜泊盤關

倦倚篷牕聽棹歌西山落日沒遙波不須狗盜雞鳴客
亦放柵欄到鶴窠

清明思鄉

杏花含雨黯江天陌上縈衣掛紙錢極目丹霞魂欲斷
松楸何處哭荒田

哭亡妾鄭淑陶

氏出齊人不是姜曳妻官蒯滯清涼微蘭入夢芳菲歇
苦雨淒風枉斷腸

燕閨萬里罷相思子女呱呱渴又飢二十四年春夢破
北邙荒草葬脂胭

懷人善病轉成狂蓬垢飢寒守葯房無藥可醫終委蛻

女兒猶幸侍泉鄉

錦女
先亡

鹿臯詩集

卷八

三

對玉蘭

碧雲朵朵罩江濱暖日微烘倍出神二十四番纔及半
朝朝士女望宜春

觀賣牡丹

蒼黃不覺負花時佇立遙看錯粉脂噴噴但聞誇富貴
有錢奪得最高枝

酌桂

隔年良醞出鵝黃花入杯中沁別腸賓主不分真潦倒
窮途莫訝阮生狂

醃桂

開殘十日不能淹別有奇方可笑拈收拾小山藏社
來春香出水晶鹽

掃桂

終朝風雨自東西金屑無光玉作泥珍重竹枝輕拂掃
陳王八斗足新題

茸城曉發

初晴曉色海山連四塞黃雲望去邊湧出驕陽千萬里
方知前路是青天

去年春盡滯姑蘇風雨無端旅次孤又是一番桃李色
艷陽天氣接皇都

鹿臯詩集

卷八

四

躊躇欲出賦無衣假得綈袍但畏譏抖擻敝裘聊揖客
五陵何處不輕肥

江色遙將百丈牽中流相遇認爲仙野航怯受三人坐
春水初生直上天

崑山小泊

小舟穿透竹牆圍獨木橋頭一逕微不辨賣聲爭擔急
菜花青脆鯽魚肥

密雲

密雲不雨仰天膏何日爲霖罷永號欲倩雷公驅馬鬣
倒翻河水瀉奔濤

荷芳書院調鶴

綠波雨後見田田雙鶴先來草際眠
戲促飛鳴知我意一聲長嘯碧雲天

寄東園諸子

閒愁無意出山來枉汝翹看日幾回
已買孤舟待潮信東風催得片帆開

過淮

春波淪淪浸遙村漂母荒祠尚有存
窮餓黃昏方過此不知何處弔王孫

遊虎邱

鹿車詩集

卷八

五

絳桃面薄春歸瘦柳眉顰客去愁
一霎東風非可買無情却爲有情留

訂稿

無能起草奏明光櫟括篇章集一囊
若使覆瓿猶可用不愁後世莫知揚

揚子雲云後世有如雄者則好之矣

筍船

鳴鉦鼓柁趁潮來載得春山竹尚胎
却使魚蝦價盡減龍孫無骨腹中裁

榆錢

東皇爲恐大家貧樹樹爭開鵝眼新
欲買春風堆萬疊

陌頭無限送行人

柳酒

南海傳來竹葉春山川釀出樹頭醇
杜康不解劉伶醉誰道黃流白勝銀

松脂

龍鱗湧出碧香油山客爭傳琥珀流
蚊蚋在中猶活現幾經甲子紀春秋

草蟲

青青細草變枯蟲冬夏方知造化功
直到春風吹又動可憐老死藥囊中

鹿車詩集

卷八

五

桂蠹

好苦貪辛獨夢蟲蠕蠕桂蠹戀芳叢
一生花底爲存活莫訝秦宮老此中

水紋

平波微皺織綃文不信鮫人有淚痕
濯錦江中明更甚井州快剪莫能分

蜂王

一窠供奉比輪將簡出深居稱厥主
最是分封新舊主閒排隊伍有朝綱

蠟花

夜來何喜吐新花剪剔還生意態奢不有連床嘉客話
雨牕貪看讀南華

蓬筆

大書骨力仗豬鬃小草精神籍華蓬不殺山中羣白兔
指揮亦自出奇鋒

木屐

謝公雖躡未風流只爲登山始一求漫說逢人高一著
還同不借日遨遊

有傳璞自京回到蘇者

客路三千未有程人言繫纜上津亭磨刀霍霍雞豚熟

鹿臯詩集

卷八

三

愁殺江干弟妹情

柳塘

柳塘春水欲浮家籬外紅開姊妹花時有女郎齊掠鬢
一枝簪得浣新紗

讀謝臯羽詩

景定咸淳已矣乎自編啼髮咏黃虞神龍逃入藕絲孔
昌谷如知血更枯

停林懷古

二陸流風顧野王讀書堆裏玉篇光祇今惟有西來相
鐘磬聲微咽夕陽

酬徐叔純

長腰五斗白於銀添得箱盈強不貧八口猶供十日飽
却教菜色喜當春

黃雞白酒生猶熟銀鹿攜來足味和此外不須更備物
睂山羊肉會稽鵝

雞鳴

雞鳴不已晦明時永夜思君君不知葉上蕭蕭聲轉急
却疑本是越人枝

答曹少游

野梅開落負前期江柳青黃未後時趁得風光催九十

鹿臯詩集

卷八

三

百壺春酒待談詩

常慎齋致糟蟹

無腸公子嗜糟油與至持螯共唱酬但得醉醒生事足
不知此地有監州

鹿臯詩集卷八終

江湖閒吟八卷

福建巡撫
採進本

國朝王道撰道字直夫漳浦人官金山縣知縣卷首
有黃之雋序稱所著有鹿臯文集有京華稿今未
見此集題曰江湖閒吟乃其罷官後寓居朱涇所
作其板心則題曰鹿臯詩集蓋其集總名鹿臯以
詩文分集而詩集之中此爲一種也據所自述初
學李夢陽後乃變以王維陸游然先入者爲主矣

在亭叢藁十二卷詠歸亭詩

鈔八卷

〔清〕李果撰

北京圖書館藏清乾隆刻本

附《四庫全書總目》·在亭叢藁

二十卷《提要》

序

客山李君孤貧力學其詩古文詞久名於時余中歲家居同年吳漪堂談及友朋間文行必稱客山後吳子庭瞻稱亦如之既客山辱與余交每言少時於葉丈桐初齋見宗伯公即知嚮慕公文章與立朝大節惜不獲親及公門今得因先生習聞緒言餘論幸甚余前年八十贈余序絕去凡近今歲秋杪出平生所著古文若干篇見示曰此保寧陸君爲刻者余讀之記序書傳論銘皆有關乎人心風俗行已立身之大氣味頗類北宋人匪塗附剽竊如近世諧俗應求之作也余以是信漪堂庭瞻之稱客山不妄先儒謂文以載道客山舊作悔廬說自謂思假炳燭之光以窮六經旨趣今年尚未滿七十充其言殆由文而進之於道者余老矣盤桓孤松飢渴舊雨異時見君文將低頭再拜如家昌黎之推服東野焉至保寧以君文付刻即此亦足以知其風尚之所存矣時

乾隆十年冬十月東籬韓孝基拜序

序

近代以來非無能爲古文之人要而論之患在好沿其流而不思上探其源何爲源六經馬班諸史之類是也何爲流唐宋以下諸家是也每慨世之作文者六經馬班諸史之不求而惟泛涉於唐宋以下諸家中間稍有志者依傍八家門戶或拘守宋儒語錄以爲據依而桀黠者流則又剽竊二氏遁逃虛無稗販僻書薈萃叢雜甚者汨溺乎俳優之辭酬應之習以蘄苟悅乎世人之耳目譬諸觀水者不窮崑崙岷山之源乃決溝塹之水放之盈科而詡詡然謂江河在是亦立見其涸而已矣

在亭叢書沈序

一

李子客山自少以詩名淮揚間所謂詩發源漢魏流行唐人既又益肆力於古文其持論也正其徵引也確其序事也潔其選言也精其用法也不拘成法而自閑乎法文之說理論事者愜當古人之用心即隨事寓意亦能自言其所欲言而不闌入於苟且骯骯之習求其與道爲裂而徒傷辭費者判若莛楹矣窺其得力意殆討源六籍泛濫諸史而後旁及乎子集以暢其支流者耶不然何拔出於流俗人文中萬萬也客山嘗與余論文謂前明之文如北地弇州濟南諸公摹秦漢之形貌者文古矣病患乎似義烏延陵晉江諸公專求文從字順

者文真矣病患乎淺而欲救似與淺之病惟在多讀書能窮理沃根培本俟其富有而日新聞其議論知其所得力深矣夫出崑崙發岷山者江河之源也既立乎不竭之源而由是經流曲折絡乎九山放乎九川濿乎九澤有不會同四海以爲歸墟也耶客山能然宜其於近代古文獨高一格也已學弟沈德潛序

在亭叢書沈序

二

舊序

古文之鮮成家者由時文之習有以錮之也明先輩中如震川荆川鹿門以及正希陶菴諸大家原本六經出入先秦兩漢直以古文爲時文今人學無根柢務以輭熟平庸取便場屋一二有志之士讀書嗜古而於八股濡染日久沉溺日深雖刻意摹擬唐宋八家面貌詡詡自號爲古文其實不過散體時文耳吾友李君客山夙負超然軼羣之姿絕塵之品而專一思慮與古爲徒正如歐陽子序蘇長史文所云始終自守不牽世俗趨舍可謂特立之士也凡所爲文意在取法史漢而以韓歐

在平素素序

一

曾爲歸宿異乎世之貌爲古文者方今吳下古文作手推楊三文叔文叔亦盛稱客山之文世之知客山者徒以詩人目之不知其文有足與詩並傳者余恐其竟爲詩所掩也故爲序之如此康熙辛丑春三月二泉同學弟杜詒

吾吳於東南號稱文藪邇其最盛莫過唐季自陸魯望以詩文著鶴市間同時皮襲美從竟陵來亦家其地著述相埒新城王書嘗欲選唐十家文皮與陸並列其間誠愛之也吾友李君碩夫少以詩名吳下壯更工文凡經之腴史之粹皆擷而取之故自大江南北夙昔所

經歷地及所交游之人無不重其節槩而相與稱其文不置然李君論文少所許可獨與同郡蔡在谷契合嘗自作萊圃記有云篝燈討論更餘乃去其交情可想見以視唐賢之相得何多讓焉予與李君交近三十載而交於在谷纔四五載兩人交相推服翫其所作意態各殊李君才情橫厲在谷頗於裁剪處見謹嚴要其不詭於道則一也而在谷遽沒使文士益子影而寡儔惜哉李君居城南予居城北凡所游息正皮陸攜手相追逐地李君應黯然於在谷之已不及定其文而猥以屬予也同里學弟周準

在平素素序

二

李客山先生少孤奉其兩代節母太夫人之教自力於學早負詩名其爲文尤簡而有法嘗過葑溪與先太父介峯先生及彭侍講訪濂施考功覺菴交最洽後先生移居鷺鷥橋去余家隔兩橋往來尤習余嘗序其舊作石間詩自謂得其指趣先生意簡澹布衣麤食舉習俗之所嗜者皆不好獨與二三廉謹之士刻礪於學而衰遲舊德遺老必有在座嘗客兩淮鹽漕御史所客皆溫厚起家美田宅而先生敝廬如故識者謂其處膏不潤大江南北所經歷及所交遊莫不重其節概相與稱其文而貌爲古文務粉飾附聲勢以要譽者見先生文輒

在亭叢書元序

一

嗤之所爲文極爲魏高士州來蔡處士九霞王尚書涓來趙贊善伸符推重其尤所知者朱處士雪鴻方處士望子張解元超然劉處士五原張太學樸村吳太史漪堂張檢討日容王孝廉崑繩顧太史俠君費處士滋衡惠侍講仲儒王吏部虛舟杜太史雲川蔣編修迪甫唐太史赤子陸檢討坡星陳太學少章方太學勺湖周處士少逸蔡秀才在谷蓋諸公皆深於學宜其好之篤也江南節鉞大吏舉以鴻博先生病未應好爲山澤之游或尋訪舊蹟留連旬日遠近求文筆者相屬未嘗苟作尤喜聞發忠孝節烈事時時以賣文錢助戚友空乏先

是余從京師歸遇寶坻芮副使衣亭於塗偕之歸江南見其車中所攜小冊多先生文副使手自選錄又嘗過徐殿撰衡園凡上亦多先生文及一二方外友亦多有鈔先生詩者蓋先生之著作爲人傳誦如此先生嘗語余曰文之所據道之所寓也文而不本諸道吾恐其支離畔戾而不經也作文之道不尚侈靡以爲富不貴詭僻以爲奇深非艱澀之謂也峻非矯激之謂也雄厚者務於堅蒼質實者歸於典雅留畬經訓而力求古人槩獲之所在斯爲得之聞先生之論而其所養可知矣會有同學友爲刻其在亭文彙爰爲序之乾隆七年九月

在亭叢書元序

二

葑溪尤秉元序

在亭叢書總目

卷一

序

卷二

序

卷三

序

卷四

序

卷五

書

論

說

議

卷六

傳

卷七

傳

書事

卷八

碑記

卷九

記

卷十

在亭叢書總目

一

題跋

卷十一

贊

銘

墓誌銘

墓表

祭文

哀辭

行狀

卷十二

家傳

行述

啓

跋

紀遊

在亭叢書總目

二

長洲 李 果 碩夫

楊編修古柏軒集序

文章之道理勝則體立識遠則意周見道之文高深雄駿不爲詭異之體而言足樹訓義取範俗自與古相合不善學者不求致力於理與識務工辭藻摹擬古人或淺薄枯澁拘拘尺幅其陋者又彘彘不足道矣古柏軒者吾友楊編修文叔所居也文叔自其少時即寢食六經左國史漢諸書理與識並到其發之古文也閱邃堅蒼抑揚操縱不可忖度既成進士入翰林郊廟應制及

大著作必推文叔而又親見國典廟謨學益博才益老爲文益深醇嚴密有漢京之風余嘗擬之賈長沙而其詩亦激昂沉鬱有類杜甫其論文之言曰尚書經之祖左國傳之祖史漢史之祖諸子皆外篇八家猶苗裔其論詩則曰少陵之新樂府詩之變大雅也香山之諷諭詩詩之變小雅也張文昌王仲初之樂府詩之變國風也因推而上之屈子之離騷一變而爲庾子山之哀江南賦再變而爲少陵之新樂府其言皆前人所未發而後此莫能易者宜其文之度越流俗睥睨一世也文叔高王父莊簡公官兵部尚書爲隆萬間名臣王父忠文

先生文章氣節與日月爭光尊甫貞孝先生高行深隱通於經學文叔少遊堯峯汪鈍翁之門與其仲兄各以文相雄長比年奉諱家居以貧故未克葬其尊甫釋服既久未入都補官余嘗造其廬見其冬無絮衣夏無襦葛脫粟菜羹不給顧於經史百家源流正變剖析疑似開闢叢翳理勝而識遠蓋其所自得有過人者焉余故略書所見以爲之序

徐編脩奉使琉球詩序

琉球國在南海東漢唐宋不通中國明洪武中始遣其臣朝貢率以三年一來又遣陪臣子弟入國學我朝聲教誕敷琉球不待期會共職尤謹

天子亦兩遣使臣冊封康熙五十七年中山國世曾孫尚君敬嗣立走陪臣陳辭乞封

聖祖皇帝詔選儒臣中通達國體者二人以重其任而翰林院編脩徐公澂齋實副檢討海公秩服視一品如舊典節幢旄鉞八座以往正副使俱用史官前此未有也公於六月朔奉冊命出都自泉漳以出彭湖東行迄

在亭叢書卷一

三

五十九年九月復命歷三年往來所經幾萬里凡鉅海之浩瀚齊魯之河嶽富建之谿谷莫不有詩共五百餘首名曰奉使琉球詩以船前中後分之蓋亦盛矣余嘗受而讀之高華典麗中含沉著其陸離光怪又如海中之雲霞滃鬱直以元氣行之也夫通才實難士大夫擅於文者未必敏於事又昌黎云今人適數百里出門惘惘有離別可憐之色以海東萬里之國越鯨波迫鼉鼉滄溟瀾漫不測之險皆足以驚心盪魄公單舸遠赴昭布

聖天子之休命禮成而歸遐荒震疊且得以馳傳過家

將母上壽以勞臣而展子職非公之才何以受茲隆遇余又聞公出五虎門二神魚長數丈左右夾舟文鯨亦數丈出水無定公倚危檣掀髯顧視未嘗幾微怖悸形於顏面已而海面沙亘細若足練雲霞五色周布熒惑夜半出海口如燈日出之景尤麗遂以七日抵其國都蓋其屹然鎮定不撼於疑懼駭愕之境故能肅恭詳慎宣

上威德且能從容宴豫吟詠不輟豈非通才之所尤難者歟隨行者又謂公使還之日屏除陋習有唐韋丹却私覲之風而又按其圖籍山川土風著中山傳信錄一

在亭叢書卷一

四

書蓋合古使臣皇華咨詢之意焉而不獨以詩傳也

滄洲先生詩集序

詩歌自建安以後專尚風容色澤於意義格力均或略焉少陵起而正之海涵地負包羅萬象忠君愛國之色間關戎馬困苦流離觸緒成詠未嘗或忘而沉雄悲壯極才盡變無所不有敖器之謂如周公制作後世莫可擬議者是也後之學杜者自宋以來多人而或得或失所造各有不同長沙陳滄洲先生生屈子之鄉博雅好古於學無不該精神心思尤在詩學上自三百篇離騷漢魏六代三唐靡不陶鎔涵泳而歸宿在於少陵積詩數千首自水東集迄秣陵諸集皆自為編年生前已開

在筆叢書卷一

五

雕康熙庚寅至壬寅亦各次第有集烏程潘君於先生身後分古今體刻之要非先生志也次君侍郎慈田出先生全稿五十四卷屬客選定合為一集以余向辱先生之知交最久論頗合乃屬為序果嘗謂先生詩原於德性發於才情才既宏博德復和平寬厚而積之以學守之以法感之以遇忠愛之誠每飯不忘君父不為憂患所搖奪故其詩沉雄渾厚力追盛唐有元氣鼓橐其中淵乎若金石之相宣賈乎若松柏之特立闔闢變化天機所發自然成韻老而彌真質而愈雅此少陵善用其才歟華落實之候先生苦心深造而得之視世之學

杜者擬粗豪為雄健貌壅腫為渾厚相去為萬萬也先生卒未成進士出新城王公之門時新城以詩倡導後學命令海內先生志大才銳孤行獨往憂憂自造於古人雖新城不克牢籠之則知先生之詩所依歸矣先生篤於故舊而於前輩能詩古文者尤注意嚮往罷江寧守部議重典知黃岡杜先生于皇一棺旅殯先生驚衣裘葬之而行在蘇州知前湖州守吳園次有息女隨其生母溷居市井中先生為擇士之賢者嫁之蓋其風義又如此當先生羈滯憂危之日果屢過之先生置酒僧樓相聯句燭跋不少休又嘗和予詩今先生墓有宿草

在筆叢書卷一

六

而果亦就衰老流覽全集憮然久之至先生生平忠直之氣廉介之操受

聖祖

世宗兩朝之知及先生之以天下為己任而未竟其用者國史必將有載且果亦嘗編次先生事為家傳茲序詩也不敢及焉

詠歸亭詩序

僕非詩人也僕少孤奔走衣食者三十餘年有不得已於中聊以舒其抑塞幽憂之懷而非實能詩也古之作者多矣三百篇離騷而下漢魏六朝以迄三唐其間代有偉人人有專長渾雄沉博竒渺密栗不一其狀要皆有爲而作得性情之正爲歸若僕荒殖鮮學隨遇而成豈足謂之詩哉憶僕十二齡侍先人東江草堂側聞諸前輩餘論三十年來與中原諸公相討論西歷金陵采石濡須北渡江客江都涉黃河覽長江之天塹觀河流之蒼莽弔六代之繁華取漢魏晉宋諸古詩讀之實移

我情顧僕鄙拙末由得其微妙今老矣方思栖處空山潛心儒先傳注之書以求古人緒言餘旨不欲憊精竭神於辭章之末也有從遊者強僕出之篋中因芟其十五曰石間者早歲居石里所爲詩也曰竹亭者客揚州作也曰溪堂者買屋對溪紅橋奉老母以居雖往來江都亦以溪堂名也曰菜圃者旣賦悼亡重歸石里割李氏之園灌畦養母取菜子之意也曰蒿廬者從菜圃移家於此偶有作也曰東樓曰舫齋者橫經城西之地也統曰詠歸亭詩凡存若干卷客曰子之詩性情所寄也不亂於貧賤之境不爲雕巧快心之語而有和緩之思

此則吾子自爲之詩而非世俗之詩也其用志亦苦矣天下當有知者僕曰古人晚年學必加進杜老之夔州東坡之海外皆別出風格僕自顧猶夫初也又所歷危苦之境爲多才短思窘少旣學疎老復就衰鮮有新得風觸於虛而聲作水激於物而瀾生亦聊以寫其境會之適然而已詩豈僕之所能哉客旣退遂書之以爲自序雍正十年壬子十月自序書於悔廬

飲石軒詩序

戴副使綽齋歸自昌平治軒於堂之偏後曰雲松前曰飲石左置琴右置榻几一張茶一盃聚書數百卷偃仰其中晨夕手一冊冊皆丹黃焉意有所得則發諸詩歌積久而成帙今所定飲石軒詩是也其詩氣清以腴節和以雅思往復以綿邈不事藻繪刻琢而化裁自然蓋出入中唐而駸駸上趨開寶卓然成一家言也綽齋分巡東粵引南陔白華之義以歸再起霸昌副使當內調不赴解組息林下高臥雲松坐飲白石蓋其心有超乎爵祿榮利之外者識高則將與造物者遊凡山之崢川

在亭叢書卷一

九

之澄日星雲霞之蔚蒸草木之衰榮蟲魚鳥獸之變幻而文明無不浩浩焉與之各得油油焉與之偕行慮澹則歡欣愉樂悲憂感愴之情咸能約之使平調之使均而有以全其真綽齋之詩所謂和以天倪化裁自然而度越凡近者歟予間過其軒盤桓坐石上綽齋與予論詩真能益所不逮今綽齋自訂詩彙成屬予爲序予竊歎衰老而荒落於綽齋之詩少所發明也綽齋初分司嵯務於泰州著有淮南草今收前刻什之二而胥冠以飲石軒者刪定於飲石軒也

盛庭堅入蜀詩序

入蜀詩予得二人焉曰費子滋衡范丈筠堅滋衡寢食騷雅古樂府其詩多漢京風兼阮籍李杜之長筠堅蒼莽追跡唐人能盡其意所欲言今年秋盛子庭堅客蜀瀘州歸示我詩一卷讀之緒密思深別出新意其經十二碕西陵峽空舸峽過灘諸古詩絕類少陵抑何與二君子先後略相同耶予攷筠堅當康熙初從其宗人尚書公持節自楚至蜀而滇黔展轉於金戈鐵馬憂勞於魚腹羊腸思有所表見故其詩雄邁恣肆縱橫馳驟多激昂之鳴滋衡先世本成都人祖父皆深於經學父燕

在亭叢書卷一

十

峰先生遭張獻忠之亂從戎東西川嘗擄入蠻峒陷賊營累瀕於死既後流轉來江南居揚州滋衡垂老始一返成都省邱墓痛其祖父之忠節故其詩感慨往事而於危崖峻阪戰爭舊壘憑陵壯烈寫其故國之境愁苦之思老而彌健幽者如聽哀猿雄者如掣鯨魚窮哀樂之變一何悲也庭堅擅昔賢之風致當太平之極盛棲遲行旅自楚入蜀攄其嘯歌積句盈卷與二君子之境有不同而其詩淵源則相類蓋詩以閱歷而益工殆不徒得江山之助者歟予自慙衰鈍復不能遠遊名山大川以壯其氣而廓其耳目擬買山香水溪邊徜徉水石

與庭堅諸同遊相倡和也

高南阜詩序

世之學詩者於古詩則撫漢魏於近體則撫盛唐豈非以造乎極至不可踵加而曰吾法之云爾哉予意竊不謂然三百篇後楚騷實繼之騷未嘗撫乎詩也楚騷而後漢人五言繼之漢未嘗撫乎騷也而騷得六義之遺漢有九歌之逸故知善學者博其旨趣肖其神韻而已未嘗規規焉撫而擬之高君南阜膠州才士也由拔貢生爲歙縣丞再出爲泰州壩官抑於下秩未久去官位不副其德材不竟其施獨以其所蘊蓄勃發於詩與文之間文旣古雅詩尤卓越探其囊得已未近作三百餘首古詩近黃初近體類三唐而兩無刻撫之迹故能兼擬六朝宋元明諸家之長而有之異於世之規規焉撫擬之以爲工者也南阜好出遊一歲之中嘗歷武康長興嘉興而再至蘇州夫湖之武康唐孟東野所居而長興前明歸熙甫爲令地也流風餘韻間猶有存南阜過其都邑憑眺其山川望古遙思茫茫交集故詩多鬱伊感喟激昂雄放之概予交南阜方三年意氣頗類總角交驩者顧予已衰老而南阜亦年五十餘右手且病痺然予以窮愁耗其精力而南阜之豪氣有同壯盛也則其爲詩殆日進而無涯也已

周晚香詩序

唐人詩李義山杜牧之皆宗老杜王半山筆甚嚴峻晚年亦喜義山詩以爲唐人知學杜而得其藩籬者惟義山一人牧之鄴杜遺風其詩清麗下語精切而尤長於抑揚頓挫宮商各諧其節初盛唐而後此二人者固矯矯矣周子晚香浙東餘姚人僑於吳弱冠後發憤讀書博聞強記得前輩緒論寢食唐人詩而注意於大歷開成間其爲詩刻意精練層折而出清別秀挺又能以典故融已意使景物情事纖悉必見讀之竊歎以爲不及也夫詩乃心聲心隨境感比興寄託雅切而有餘意乃

在亭叢書卷一

圭

爲得之學初盛者大都端莊渾厚而不能快意學中晚者流利刻畫而傷於淺薄宋人失之太易明弘正間人矯之爲初盛唐詩又不能推求諸家命意脩辭之道往往流爲形似周子有見於此諸體詩初無前所云諸病而又能出入於義山牧之二家近更矯健疎落有類山谷淺學者未之識也其詩稿略不收拾友人鄭子谷有抄存於江都者今年夏屬客錄爲小冊視生平所作蓋十不及四五周子氣慷慨頗有東漢人風常急朋友難其友高才淵雅以事械繫北行對簿方是時同族昆弟皆惴恐不敢問周子子身走京師相視身後爲收尸棺

歛而歸不可謂非死友其行誼抑可見矣予旣序其詩并及之

在亭叢書卷一

丙

徐編脩六哀詩序

杜陵八哀詩懷賢感舊敘述生平深情老筆得太史子長之神蓋千古絕調也徵齋編脩自康熙乙酉春入都垂三十年感知已之凋謝歎賞音之不再爲六哀詩六章以論交之先後爲序始於太倉吳御史終於安溪李文貞公徵齋知交不止六公而此六公者皆海內偉人遇知最深也詩蒼涼悲壯擅杜韓之長而納蘭揆公一章氣味則可比汝陽之作直以史公世家之體兼長卿上林之才流連雒誦西州之痛溢於紙上矣

蔡竹坪曉劍集序

同里蔡君竹坪負盛才豪於詩詩積二十集集各異名君令承德歸予始交君過君劍戲齋讀君詩其爲詩也以才氣勝而其爲律也細其寓意也思微而旨遠其百鍊而出也森焉挺焉其輝光之騰越也熒熒然冷冷然芒寒色正而不可以睇視也蓋君之詩幾欲與唐白香山宋蘇眉山相伯仲而篇什之多亦復類之乾隆庚申君遊都下君仲子紫瞻先爲梓曉劍集夫詩之道實難取材欲精鎔鑄欲力如是而器良器良矣藏鋒斂鐔則色不飛而氣不揚鼓其銳於一試又懼其廉而失之劇也朝旭初出曦光曛曛太阿在匣精氣騰上君其以曉劍名集之意乎他日者君自京師歸予將重過君齋索君新詩而與君說劍紫瞻其盍爲櫺具哉

商都丞畫聲集序

九方臯之相馬也在牝牡驪黃之外其所觀者天機斯得良馬焉所謂得其精而遺其粗存其內而不廛於外惟詩亦然氣高質清中有意味庸可以形似求之乎寶意先生寢食於詩得風人之義其詩至數千首涵演宏肆雄奇怪麗多典以則嘗對客搖筆千言未嘗構思輒多警句客競傳寫之先生早歲登館閣出爲吏京江江右偶集其向所作題畫七言古詩爲一卷曰畫聲集若以昔之無聲詩爲畫而以有聲之畫爲詩凡畫意之所不能傳者以詩傳之蓋補畫之闕即詩亦猶畫也其寫

在亭叢書卷一

七

物入情興懷感觸時亦傾吐嬉笑怒罵皆成篇章得其天機不拘拘外貌形似方其意得誠有如高山大林烈風雷雨虎豹嗥而鹿豕逸又如鮮花儷葉十五六女子姣好動色何摹擬之如繪而神明之變化乎題畫爲古詩唐杜少陵沈雄博厚際天蟠地至宋而稱蘇子瞻明則李空同題詠之多者爲元人虞伯生而空同諸篇實堅蒼余竊怪錢東澗選列朝詩未免以私意於空同好詩多不錄試觀其吳偉松窗讀易林良角鷹詩豈出前賢下哉先生規矩縱橫其詩以杜韓爲宗間效昌谷飛卿而尤跳脫無滯極萬物之情而得於天非流俗人之

詩也視世之外貌可循者去之遠矣

在亭叢書卷一

六

在亭叢彙卷二

長洲 李 果 碩夫

沈确士歸愚文彙序

言必求之道理必衷之經而後研窮史傳以達其識博觀諸大家之言以馭其氣識老氣鉅而其行其止如有神焉如是以爲文而文乃可以行遠沈子确士予交四十餘年其爲人讀書慕道自勵於學問既老而刻苦不少休鋟其詩彙不脛而走當世又馳騁於古而見諸文嘗出其古文辭相切剗其序事整鍊議論廣博殆出入於唐宋韓歐諸子而自名一家者往确士嘗與予論文

在亭叢彙卷二

一

葑溪之上持論鑿鑿見原委蓋其用力者深故能別百家同異諸子瑕瑜爛然如水之分涇渭而其詞小大畢貫不詭乎道不謬乎經爲能鎔鑄古人以成文者也

國初以來海內作者數十家皆足以名世而其間博者間失之雜豪者間失之麤清婉者間失之弱或詞豐理嗇神失形存揆之立言之義往往不能兼舉确士旁搜遠紹自涯溯源而一歸乎典則庶其可以示後歟邇者吾郡治古文者不四五人而吾友蔡子在谷文甚高确士稱其簡而有法如歐公論尹洙者在谷鍵戶窮居蘊釀沉鬱初不輕發及其下筆深造自得直入南豐半山

之室而恥自表暴故世不多有知在谷者确士亟稱之則确士之所自爲與其所以行後者可知也予視兩君子所造自爲弗如而兩君子言論未嘗不於予意合會确士出其彙屬序因爲書之噫同人之可以語此者豈多乎哉

在亭叢彙卷二

二

呂文厚畫竹詩序

呂子文厚工寫竹遠近爭慕之徐太史激齋賦七言古詩以贈諸名流皆有題句至數百首屬余題其簡端余惟寫竹始於唐之蕭悅至王右丞益臻其妙刻石鳳翔趙宋時文與可獨有天趣元則趙子昂李仲實柯敬仲明則夏仲昭歸文休朱白民輩寥寥千載代不數人蓋亦難矣哉文厚以曠遠之姿居城西白蓮涇石橋流水蕭然自得平生愛竹精思二十餘年至廢寢食視一世人所爭逐馳驟者皆碌碌不足以寓其意嘗過僧寺鄰園見竹枝之有致者解衣磅礴坐卧其下縱筆凝神頃刻數十紙俱盡風晴煙雨各得其韻會諸家之長而不襲其迹非好之專藝之精其能若是耶昔蘇子瞻居僦耳於道左見風竹急歸秉燭寫之昌黎韓氏謂張旭凡心之所感天地人物可喜愕者必發之草書古人寓其道於一技而以成名大概如此文厚豈多讓焉余客館湫隘文厚爲寫疎竹四五竿點以苔石觀者颯然皆恐風雨之至其墨妙可知也遂書以貽之

夢虎樓詩序

古之女子類能詩三百篇中小序可據者指凡幾屈也漢晉以降代不數人攷全唐詩篇什亦寥寥然則論詩於女子蓋僅見之矣予讀夢虎樓詩爲山陰楊子耕夫德配朱夫人所著夫人名家子家多著述夙通經史耕夫能古文辭負氣節交四方士嘗客齊魯燕趙楚閩粵黔中累年不歸夫人主家政教其諸子皆力於學耕夫尊人安城先生急友朋之難牽累戍塞外母范太夫人亦同遣夫人念之時時作詩以寫其孝思安城旣歿耕夫與其弟楚萍伏闕上書得破例返骨歸葬天下高其

至行范太夫人亦南歸年至八十餘夫人能以色養至視疾喪葬無違禮一門羣從子女被夫人之教皆明六義能風詩而其女詩賦外兼工書法耕夫歸里與夫人倡和一室如兄如弟鼓吹風雅得性情之正樂在陰之和宜其詩之富而工也予攷唐人薛元曖妻林氏善詩元曖爲隰城丞早世有子四人及猶子並早孤悉林氏訓導成名杜羔性至孝父死河北母不知所之羔終日憂號其妻趙勸夫求訪竟得其母復得其父墓羔後登貞元進士其雜言及寄羔詩皆古雅今夫人之教其子女姪而耕夫得以走京師展轉寧古塔返父骸又奉其

母歸賢殆過於林趙蓋其德既蘊厚宜其趨向高出流俗不止有林下風也其詩堅蒼而雅真意在骨固三百篇之遺而上幾唐人足稱大家者予與耕夫交久又同客淮南使院備聞夫人懿範方思擷其菁華與江浙諸閨秀詩合爲一集而先序其詩如此

研史序

求珠者於南海深淵求玉者於稷翼瑜次非有力者莫之致也而儒生所寶者研以鈍爲體以靜爲用得一二枚可以經久而不窮高君南阜性嗜研所歷山厓墟莽荒林古宇視石之奇樸峭利者試之裁割磨礪成研自爲銘辭以篆隸行草之法鐫之積久至百餘合之昔人所遺四方交遊投贈及索銘贊者近三百枚皆古雅可愛風日清嘉輒手紙墨拓本藏之又載其本末別爲研史古人研以金以玉以瓦以蚌或以浮槎青鐵海門巘村澄泥盛於南唐北宋皆用歛龍尾而端溪則著於南

宋以迄於今唐彦猷研譜則以青州黑山紅絲石爲第一李唐多用之新城王先生謂黑山在益都顏神鎮今其產者雖盡墨而損筆非端溪比南阜家膠州稱鄰境獨不多取意者今昔所產瑕瑜不同即研亦不能無利鈍升沉之感南阜之不事耳食別構此累累者豈無意耶予又見南阜所作王將軍馬記神采追蹤昌黎畫直如徐青藤而疎落過之來吳門病右臂乃以左手書時賦詩作畫嘯歌自如凡衆人之所甘者皆不嗜而所好在此可以想其高致矣雖然君子物物而不物於物南阜洵多才吾知聊以寄其磊落不可磨滅之氣於研

乎何有

郭氏宗譜序 代楊編修作

嘗讀新唐書宰相世系表郭氏居其一郭有太原華陰中山昌樂四支唐時爲宰相者四人而汾陽爲最著吾吳郭氏汾陽之裔也檢討月巖先生修其宗譜旣竣出以示予屬予爲序按譜自汾陽以後宋元之際居長洲大饒車坊間簪冕奕世弗絕坊表猶有存者弘治中遷居入城傳至廣文諱某聲望播於士林至布政諱某以名進士起家廉正守職爲清議所重其後封檢討馨阡先生積學力行爲諸生祭酒

聖祖南巡 召對 御舟有讀書人之褒即月巖先生

父也初郭氏先世譜遭兵燹散失馨阡先生欲加修輯乃以其從兄羽九所鈔廣文公筆記錄而藏之將推廣撰述未遂而歿月巖先生繼先生之志網羅舊聞參互考訂彙爲一編此譜之所爲作也予嘗論譜牒之學其失有二一則牽率附會滿璋冒武秋之族崇韜稱令公之後遙遙華胄無不撫拾失在冒濫一則顛倒漏略籍氏貽數典之譏臧孫蹈躋僖之逆縣縣瓜瓞忘所自來失在舛漏今郭氏之譜斷自大饒公始前此者不錄闕疑也大饒以下世次秩然條分縷晰綱舉目張二百餘年衣冠文物之盛克家經國之猷按籍而稽釐然具在

既無冒濫之弊亦無舛漏之失可以爲修譜者之所法則矣先生以獻賦被

聖祖知遇侍直 殿廷壬辰登進士第爲館閣前輩著作久在史館有子復工文聲著庠序新唐書有言唐傳國久其諸臣亦各修其家法以門族相高然其所以盛衰者雖祖宗功德厚薄亦在子孫不殞其世也若月巖先生庶幾無愧斯言也夫

馬氏譜系序

隋唐之際重譜牒有專門之學有同姓而不同族有同族而不同望每姓第其房望雖一姓中有高下懸隔者自譜學廢而先王大宗小宗之法遂致不講大家巨室或不詳其所自者有之矣馬生耕巖慨然念其先世譜系不存復無宗老之傳聞闕疑徵信始於某公居郡城東者爲始祖編次之而先世之傳記誌銘亦葺之蓋慎之又慎也馬生尊人南村遷於木瀆亦既四十年其意擬仿古人聚族而居之義將使子姓蕃衍孝謹篤實以耕讀世其家歲時蜡臘少長相集不致相視如塗人蓋

先王敬宗敦本睦族之道庶幾有在則斯譜系豈不重哉予往讀鄭樵志略隋唐而上官有簿狀家有譜系官之選舉必由簿狀家之婚姻必由譜系置郎中令史以掌之凡百官譜姓之有家狀者則上之官爲考定藏於秘閣副在左戶夫亦使貴有常尊賤有等威也自五季以來取士婚姻不問家世其書遂散佚而其學不傳昔人已論之近見無錫之華溧陽之史長洲之范其族譜頗詳猶有古人之意信乎其譜不可少也抑予又聞言姓者本於五帝而見之春秋者二十有二齊申呂許紀州向皆姜姓爲炎帝後亭林顧氏謂崔氏馬氏皆姜姓

蓋馬氏之淵源久矣北史薛盾傳載河北有韓馬兩姓各二千餘家北方門族稱極盛吾又安知他日瀆川馬氏之盛繩繩繼繼不與河北之馬有並著者乎其書之紀載正未艾也爲序以貽之

邵編脩北厓祠室考序

邵氏之先居順天之大興其僑居於吳者曰某公積幾傳至我友編脩北厓北厓第五人惟伯兄府尹見可公後有家故籍者餘皆在吳北厓入翰林主試四川後即乞假歸養閉戶著書不干與世事思水木之有本源也折衷三禮博採先儒之議爲祠室於書堂之左祀其父封忠憲公至高曾祖凡四世而異時宜祧之主則奉置龕後自爲之考據典徵經與古大適出書示予曰子其爲我序之予嘗讀禮至祭統曰禮有五經莫重於祭又曰祭者所以追養繼孝也竊歎古者重祭之意後人

其盡失之也古之制爲祭者必置主必設尸主陳於廟以棲神也尸登於筵以象神也典至重心至肅也後代爲尸之儀旣廢不舉而學士大夫家罕立祠宇主無所藏神不之依歲時一薦肴核雜陳拜跪錯列其於追遠之道闕焉其未有講也北厓援古起義創置先祠自義率祖祀以四世而又俎豆有數酌獻有儀以嘉魂魄而可爲後世法焉讀是考也仁孝之思不有油然而動者歟抑予又聞之親親故尊祖尊祖故敬宗敬宗故收族合族以食序以昭穆古收族之道也今邵氏之族家於吳者固少北厓仲兄尊光雖下世而叔兄秋潭弟詞人

及諸姪或以文章著或以科第顯爲循吏諸孫濟濟更閱數世其益蕃而衍矣聯而收之親親尊祖之道也賢者舉事必要諸久北厓其更講夫合食之典明著是考以垂訓後人也哉

朱適庭對鏡圖序

人莫以水監當以人監古人已言之蓋人之所行是非可否皆我之先鑑也朱子適庭溫溫恭己好學能守檢身若恐不及屬友寫對鏡圖若以謂心之所之見於容貌不能自適惟鏡則能見之垢可以滌厥功在勤此亦治心之學歟書有之慮善以動動惟厥時謂慮固欲其當乎理動不以時猶爲無益又曰以義制事以禮制心事得其宜心得其正斯内外合宜而樂記復云和順積中而英華發外惟樂不可以僞眉目之間亦猶是也適庭能文而有行動則思禮不爲利回不爲義疚而猶兢

兢若此吾知其所學方進而未已也

在亭叢書卷三

長洲 李 果 碩夫

送吳邑令廖侯歸永定序

廖侯瀛海先生以永定名孝廉通經術來令我吳者三載治繁理劇一以忠信明決爲本嚴以持已寬以字人不動聲色而稱治以事罷官吳人如失慈父居吳門二十年賣文疏圃以自給與人講經義披制藝必窮源程朱遊其門者考德問業皆自澤於學今侯以暮年睠懷故山奉 朝廷明詔得以還里欣然賦詩別諸同人吳人扶老携幼遮道不前賢士大夫各歌詩以送亦如侯

在亭叢書卷三

一

之甫去官時按廖侯下車爲康熙己丑歲當大水之後閭閻疾苦兢兢在懷郡守長沙陳恪勤公倚侯如臂指相與討論治理三載之內善政不可勝紀夫善爲政者和平廉慎不汲汲求美名往往多去後之思既久而愈信其賢如人身之涵膏液草木之蒙雨露若將依以終身者而侯乃於今去矣昔唐楊少尹歸里昌黎韓子引漢二疏以張大其事彼以國子司業乞休想見其供帳車馬之盛今廖侯一官退處羈跡至二十年之久饑寒不患惟道自安卒荷

天子明聖放歸田里吳人祖餞猶惓惓不休道傍觀者

歎息其賢洵愷澤在人不可以彼此軒輊論也永定在汀州爲甌閩奧區天下之水皆東而汀水獨南流有龍門香嶺諸勝可以盤旋侯今歸矣經先人之舊邱訪少日之遊好以樂餘年其詩篇留傳必多果舊治民也昔曾謁侯寓廬不敢數數見而北平黃公崑圃柏鄉魏公懷舫嘗爲予道侯生平知其學益深於其行也辱枉道過別謹載拜而爲之序

在亭叢書卷三

二

送唐赤子庶常入史館序

往三十年前長沙陳恪勤公守江寧以事至蘇訪予石
閭草堂予造其寓時竟陵唐赤子先生方同之來予聞
其好學有文交名儒遺老能談前朝事恨未之見也後
十年赤子成進士入翰林又十年以病就醫江南始見
於胥門逆旅談詩及史其言衮衮不休益以知赤子先
是朝廷以明史未成詔廷臣各舉所知大學士桐
城張公以赤子薦會病未愈又客中多逋乏資斧不能
去雍正八年冬始行予語之曰作史之難昔之人屢言
之矣歷代之史時事不齊體例有異班不同於馬范不

在亭叢書卷三

三

同於班紀傳志表不相沿襲明三百年其不同於前代
者如建文革除永樂靖難裕陵奪門世廟議禮暨挺擊
紅丸移宮三案與夫河渠之漕運江防海防禦倭刑法
之廠衛廷杖地理之安南郡縣九邊三衛又藩封建置
土司鱗次體例不一傳聞互殊士生於後博考群言以
折厥中使事不誣而文可風亦已難矣當

聖祖仁皇帝時薦舉 召試授館職用纂修者極一時
之盛

今上皇帝尤慎重此選相君以才薦子子行矣事無關
漏文不繁複善惡必書而無憎愛以傳信也老泉蘇氏

論遷史不云乎隱而彰直而寬簡而明微而切勸善懲
惡之義必本於道子以是爲法其於良史也何有赤子
工於詩其平生論詩謂詩必有爲而作海內有負重名
者其辭多摹仿修飾無沉著之致譬諸雕玉美人索索
無真氣觀其論詩而其史筆可知矣乃爲序以送其行

在亭叢書卷三

四

送蘇州守童公赴 名序

周官以六計弊群吏曰善曰能曰敬曰法曰正曰辨弊吏首以善能非如俗吏之爲吏治本也會稽童公心樸以名諸生起家縣令擢真定太守

天子嘉公成績移治蘇州三年著廉名尋奉 詔入

陛見蓋嘗論公之爲政仰體

上意斷絕苞苴廉其根柢而又寬以字人勤以莅事訟庭之下鞭朴不試而事至立辦嘗就廳事作爰書斧劈理解人無不厭服以去者對上憲不阿不撓多所匡救馭屬吏獎擢賢能承流者亦皆自奮蓋於周官六計雖

在亭叢書卷三

五

未兼舉而實善與能先之其可爲守土吏治之法矣果按蘇州自古與會稽吳興三郡爲真二千石其牧守類多名卿鉅儒非然者皆謝不敢承宋范成大嘗言晉以侍郎郝愔爲吳郡郝自以資望少改臨海又以孔坦爲之坦陳年少亦改吳興唐白居易少言首獲蘇杭一郡足矣後三十七年始官蘇郡且謂始望不及歷明至今爲東南財賦重地尤難勝任前守若襄平石公長沙陳公後皆位開府豈非以典是郡而稱厥職者皆有餘於賢且材者哉公故畿輔賢刺史

天子重愛吾吳移守此邦熟悉風土因事制宜不擾而

治吳中賢士大夫耆老百姓如出一口謂東南良二千石以公爲最非如郝愔孔坦之徒資望未副者可比而天子又 詔公入 朝奏對之下必有熟陳民隱深當上心者其秉節鉞任封疆如襄平長沙兩公故事可預卜也果不敏辱與公交數年前公數以事過吳門遇於封溪未嘗通尺素自公莅蘇亦未一入州治今聞公之去也謹隨吳民之後頌公之設施敷布本善與能以爲有合於周官弊吏之法公其益愍厥心以上副聖天子之知遇在此行也是爲序

在亭叢書卷三

六

送魏憲副歸柏鄉序

憲副魏公罷官之明年太夫人以疾卒於柏鄉里第時公以代補舊任帑金羈吳不及歸既釋服哀不置會奉天子恩詔得歸營葬聞命後星夜就道吳民追送不及蓋公之歸心已蓄之數年宜其行之速而無所繫戀也初公之分守江鎮也甫至即議鎮江漕渠挑濬病民丹徒丹陽二縣里戶歲糜萬金旋疏旋圯爲非計請歲捐貲僦夫挑淺五年而後大挑仍修舊牘俾糧艘按潮汐出入制府欲行或間之而止不數月調駐崇明兼轄三郡公清釐數十年影射漲沙千百頃獨留十餘頃爲

在亭叢書卷三

七

學田署臬司半載決滯獄四百餘案當是時制府於公有國士之目而忌者頗衆會公有耳疾兼攝龍江關權務堅辭乞休而鎮江守屢更制撫各令代補虧缺又崇明閭伍每春借米更歷江海之險紅腐日積支絀爲多遂致罷官而非公咎也公爲政務持大體熟識地方利害其任鳳陽郡丞時籌賑泗間六壩撫軍喻公大賞識守漳州方多伏莽株連數十百人公按其首者置之法餘皆得全活修郡東長橋數月完大帥募金數載工弗竣者公爲吏識治體大略如此蓋公爲相國太傅公少子太傅公當

世祖章皇帝時以經術輔太平講求國家政事多所著述而公爲之子公自少服習家訓耳濡目染不學以能又官遊所至舟車中必以經史自隨故其達於治道有然耳公罷官後日手評杜詩杜門謝客不交一人而辱與果有知己之感公之歸也賦別吳詩首齒及果以城西迢隔弗獲追送異日者渡溱沔至鉅鹿訪公里居將從公遍遊大河之北望太行登封龍五馬諸山經趙武靈王城蕪蕪亭之處憑臨弔古想見秦趙之戰爭東漢之壁壘以壯其氣而開拓其耳目醜酒賦詩激昂沉鬱果雖固陋尚當執鞭弭以爲公役也

在亭叢書卷三

八

送沈确士應宏博入都序

蘇之郡屬九而諸生以才著稱者輒推長洲沈子确士每應學使者試率常屈其輩行今

天子下薦舉之詔詔內外官各舉海內博學宏詞之彥以備顧問資實用於是江南北共舉九人而沈子居其一沈子自少寢食六經正史旁涉諸子百家爲文章純正有則論議閎深暢達雍雍乎直欲追古作者顧白髮毵毵浮沉諸生中幾四十年人爲沈子惜沈子不色憂今乃得被大吏之知將以對 明廷覲

至尊天若養其才以待用者士之遇也固各以時哉夫

在亭叢書卷三

九

學難於博辭難於宏才短者蹇澀學疎者淺陋物遡其典而有原本據辭數千言昌明博大無囁嚅瑟縮之狀若漢之班揚文贍而能賦物蓋代不數人洵云難矣國朝前輩應博學宏詞選者如施閏章愚山喬萊石林汪琬茗文陳維崧其年潘耒次耕尤侗展成徐鉉電發高詠阮懷皆江南人數十年來人猶稱說不置豈非非常之典上以實求而下必以實應乃克被恩寵垂令名其言既立歷久而愈彰也哉沈子弓旌貴門踴躍束裝辭所知就道由此承文明之景運迴翔禁苑奮其淹洽之學雄雋之才以黼黻至治沈子年雖老固優爲之易

有之君子豹變言文蔚昭於天下也向沈子坎壈牖下者非其才之不豐殆時有先後也今其文將蔚矣亦何嫌其晚耶予夙所服膺者惠侍講仲儒陳太學少章與沈子而三皆讀書淵博學有原本顧仲儒曾官學使少章老於明經窮居陋巷杜門息交以是無有及之者惜不與沈子相鼓吹休明也予與沈子同學久以詩古文相砥礪幸其遭遇而竊欣其學之得行也因爲稱其所學而序之沈子至長安有故人問予近狀者爲言老鈍棲遲隴畝方窺種藝之書無以爲念也

在亭叢書卷三

十

楊恭伯入官山塢序

珠璣美玉人皆好之然必蹈蛟鰐之淵龍首之山而倖得之可以致富亦可以取禍圭組簪紱人皆慕之然必有經緯之才高乎一世而後得之可以爲身榮亦可以爲身辱蓋家有重貨人所覬覦而主人不易保爵位愈崇危機愈著而圭組不足恃故君子有見於此安貧樂道溫恭謹慎而無殆辱之患楊子恭伯力學有守年六十餘愛林壑之勝入銅井之官山塢官山爲吳城西南之窮鄉其俗不事耕稼以藝花爲菑畚果實爲收穫楊子居之食恒不繼而忘其窮蓋其身心之曠意趣之高

在事叢書卷三

士

有人不可及者吾因之有感焉古之君子履行端方用舍不苟耳目之所接思慮之所及雖萬變而不撓甚至公卿之貴萬鍾之富初未嘗一動其心一易其守環堵蕭然而其中浩浩落落者自在此無他義利之分明而物欲之私寡也若楊子者庶幾其近之乎楊子之先秦之三原人尊人官蘇州流寓於此楊子壯歲嘗遊中原與當世賢士大夫登臨覽古其閱歷深者器識遠也邇者栖遲山谷芒鞋竹杖陟西磧之巔瞰太湖七十二峯煙波無際沙鳥忘機行歌自得舉富貴榮辱爲足動其中哉直與造物者游矣

太湖同知項公移駐東山序

吾吳東南稱澤國水至大者爲太湖去蘇州府治四十里周禮職方氏表揚州之數浸曰具區曰五湖也其地跨江蘇松常浙湖州四府湖中峰七十二洞庭東西兩山爲著山多蠶桑橘柚杭秫菽麥水多魚鰕菱芡菰蓴之利東山戶口浩穰屋瓦鱗次商賈絡繹儼如都會西山閑曠有林屋洞天橘社龍渚之勝東山設巡檢司一員近增叅將一員以事防守巡緝雍正八年特設立太湖同知專修水利治在蘇屬之吳江縣同里鎮蓋四年矣十三年中丞高公上疏言洞庭兩山爲太湖扼要之

在事叢書卷三

士

地山水交會支港旣廣漁舟叢集宵匪易潛請將太湖水利同知移駐東山兼與專汛官弁定界分別捕務其東山一方民事皆請治之制詔曰可於是漢陽項公以太湖同知移駐其地公本以府判官候選來江南試用上憲察其才而廉委署丞篆政通人和一年之中水利咸舉歲亦有收復令追蘇州商人逋負不動聲色負者請償恐後吏民愛之今公之去東山也果語之曰治盜賊者以明察內敏得吏民心爲本昔漢張敞治膠東明設購賞開群盜令相捕除罪吏追捕有功效上名尚書調補官由是盜賊解散吏民翕然國中稱治後遷京

兆亦然而予又考循吏傳西漢六人東漢十一人其善政多或數事少或一二事不過曰盜賊獄訟止息所居民富百姓嚮化而已公名家之後知治體外寬內明於吏治專一精思修治而又有廉潔之行吾知治東山綽乎有餘矣果屬在宇下車騎時過予故不以不文辭而序之

送李鹿山先生歸福州序

鹿山李先生既解浙撫之任則寓居吳門時奉世宗皇帝命偕侍郎黃公協脩松江海塘先生貸藩庫錢應役以產入官不足於償遂留滯不克歸

今天子即位邀恩寬免得起官而先生且治裝返故里蓋先生年七十餘矣先生籍閩之福清為巨族饒於貲通籍後歷宦所至携家困以給食既解組復多賠累迨海塘工竣貲罄竭焉嗚呼先生可謂窮於宦矣先生智識超曠於祿位升沉不少介意雖蹈軼軻履難危無戚戚之色在吳門日嘗終日不舉火而嘯歌自若手一編

不釋果一日過先生所有顧君受基在座先生顧之曰今日未知何處索米因相視而笑顧君者先生客也果嘗讀易至艮之彖傳曰時止則止時行則行其象傳曰君子以思不出其位而竊謂於先生有合也時屢易者也道不易者也位者因乎時者也思者依於道者也兼山為艮有篤實之體有堅固之用動不踰則靜不失正以安所止而無越思道之所以光明也先生起科目居郎署明刑江蘇旬宣安徽而躋開府時平行也則宣上恩德休養斯民持其大體而敬厥事思止其位也及仕途一蹶疏食布服以安其貧僂俛拮据以從王事時

乎止也思亦止其位也而情怡然而貌冲然則又近於知命而樂天安土而能敦者先生其深於易者歟宜無入而不自得也果陋巷布衣學不聞道先生不鄙辱而友之往來過從數年於茲矣蓋嘗以其私幸先生之留於吳而又日望先生之還其鄉也敢拜手而爲之序

送王臯謨入都序

窮經稽古賦詩論文學士之爲也其言可以雕搜萬物縱橫百代而試以一官則術疎而智迂拊循有方催科有法折獄若神良司牧之爲也其材可以理繁劇飭廉隅而叩之以所學則或坐井而面牆也夫豈兼之者難歟學不謀諸道仕不本乎學煩言碎辭無裨幹濟塞流治末弗原於經術也婁東王君臯謨貫通六經發之文章肆而能醇用薦爲縣令歷閩中晉江政和甌寧三邑所去民思進漳州同知移疾歸上官惜其去而莫能挽也夫固以學士爲良司牧矣

今天子嗣位之元年 詔徵入都於是臯謨治裝卜日過別予予聞之道者所由適於治之路也心乎君不私乎祿盡乎職有濟乎時在已爲可守在物爲可安而在後世則爲可法道之得也位不同而道同期於能盡而已臯謨垂老學道不倦其筮仕也既嘗以道爲治今茲應召未知當得何官意臯謨必有蓄之愈宏恢之彌廣者於其將發也爲說以贈其行

贈太倉王日初序

古人耕讀爲一帶經而鋤今人視爲兩塗吾鄉習儒者皆不嫻種植承祖父餘蔭忘稼穡艱難者指未可勝屈也吾以謂民之中惟士農爲貴力田可以得食讀書可以明理二者相須不可離凡百治生農爲經久終歲勤苦力作得之也艱出之也儉多有數世居一鄉者其舍農而驚他術大都機巧牟利飲食衣服玩好以娛其妻子轉燭頽廢者多矣太倉王子日初爲太原望族先世以耕讀爲業日初之先鴻山公與文肅公爲昆弟自明神宗朝族之擢科第登仕版者皆居州城耕種而習儒

在事叢書卷三

七

者居州治東四十里劉河之東莊無他姓人所稱旗杆下王家也日初居東莊讀書喜作山水畫既遊京師學於其兄侍郎麓臺公三年得宋元諸家之奧乞畫者爭幣致之又嘗至秦中歷華嶽關河之險歸其婦勸之力田謂農者雖勞粗可自給若畫牽率酬應不可待以舉火學者貴藏其文采何如東來之爲得乎人多笑其妻之迂吾友沈憲副敬亭獨高其志賦長篇稱其賢昔老萊子耕於蒙山之陽楚王造其門將以用之其妻委畚而去萊子隨之而隱後漢龐公耕隴上妻子耘於前自謂安其棲息刺史劉表見之歎息而去之二子者豈故

爲高蹈之行耶夫婦同志以謂富貴皆不易我之所守嚴居野處深耕概種蓋有其樂在焉而非後人所可知也若日初之棄筆墨事耕耦非與昔賢若有合契者歟劉河去海口甚邇雍正歲壬子七月崇川大水潮湧沿及劉河日初屋被水遂移於東莊之西南四五里編茅屋以居焉予嘗友於日初因序其偕隱之跡爲贈方孝廉惠敷安於耕讀東鄉賢者也他日相見幸以此語質之

在事叢書卷三

六

送運使盧公序

乾隆五年某月前任兩淮運使盧公奉命往坐臺站於塞外於是督行裝治精糧選僕之壯卜辰之良戒塗以行按臺站在歸化城外臺四十有八近者去京師千五百里遠者五千里統以將軍蒙古部落文書過臺者職當稽察向時臣工緣事者在臺效力無年數

今皇帝命公以三年蓋殊恩也公自釋褐爲令積六轉至運使綜覈吏治政尚敏斷坐言者論落職佩刀擁矢短衣健馬馳騁於塞外苦寒之地候八月即需重裘狂沙刮面疾颼刺肌飲食起居咸與內地二公又素體弱

在亭叢書卷三

无

未任勞劇顧公從容宴笑如行無事日誦

聖主浩蕩之仁而感激思奮以致力竭忠自矢無幾微愁苦不堪之色見於顏面公之履困如此則公之處亨者又當何如也公行矣

聖代雨露無間在遠蓋未底於三年未可知也公慎自愛以副朝廷愛公之重豈惟公之心抑亦交知於公者之心悔盧李果序

送侯元經主簿序

台州侯生元經與齊君次風齊名齊君淹博富著作侯生爲詩文下筆頃刻千百言負才實奇橫遊京師京師人爭稱之無何齊君以博學宏辭就徵入館閣而侯生以拔貢試用來江南初主崑山簿旣又改松江之華亭識者以生淪於卑冗竊惜之生獨不然捧檄即行惴惴焉惟恐以政繁廢書卷爲慮予告之曰祿位無崇卑以得治體爲要松爲東南大郡而華亭枕江負海疆土最廣俗務耕織稱壯縣吏是者非強明仁恕不足以爲治生有通敏之才而取舍操縱皆合於情無執持膠固以

在亭叢書卷三

手

是爲治豈有難哉唐崔斯立爲藍田丞庭有老槐對樹四松日哦其間生他日政成固優爲之然則書卷其可無廢也唐之丞尉有贊府少府之稱蓋以輔令之不逮也今之制雖與古少異生其無終謂卑且冗而或自惜焉可矣於其行爲置酒以送之

送芮副使北歸序

寶坻芮公衣亭既竣採銅之役遂束書治裝別所嘗往來者而歸於其鄉蓋計公之罷官留寓於吳而奔走於浙者幾六七年所矣公官溫處道不阿上憲意解組後敝衣徒步浩歌清吟欣戚不入於其心念兩親年老不獲申其南陔之志命工寫望雲圖請假歸省踰月即來不敢以烏私怠王事嗟乎公非當世賢大夫也哉公今年壽六十秘不言今公之歸具雞豚理斑衣奉觴上壽怡然驩然而又以其暇侍老親道故朋舊間而嬰遨於某水某山昔釣遊處無亦有曠焉於天之高雲之浮萬物之熙熙而徜徉自得者乎予嘗爲公序望雲圖道公爲人以志敬仰之私乃更追送公而爲之序

送蘇郡守覺羅雅公升汀漳道序

君子之學本乎六經學優而仕極天下之理與事無不明達而後出而制於宜本乎仁應於用民情以悅豫而政於是乎成此古人之所難也今迺於覺羅雅公見之公天潢重望讀書有養以通政使出守蜀中旋來江南之蘇州溫良子愛爲政務持大體不屑屑沽美名而俗皆以治其屬吏皆奉職不敢有營私而好施仁政嘗見南濠百物走聚路狹失火者頻告爲開水路者三俾無火患紫陽書院延主講席大中丞商之於公禮鄉先生御史王公爲師多士稱得人又能弘獎善類冀其有成

既又念窮檐無師六門爲設義學七而又時時自程其課堯峯汪先生琬吾鄉之賢者也其文本諸經史公念其孫凌替溷於市井屬容訪問思有以拂拭之此非古人之所尤難者哉夫今之爲吏者類多以才智馳驟於簿書期會則以爲能盡其職矣愛民固難孰有計於葆息而安全之而又及於待士教以文章行誼嗚呼輔乎教者本乎仁篤乎政者歸於義兩漢以來循吏不數數見也公守吳不兩載課最而遷今年京察尚書侍郎尚書侍郎多有舉公以代者

天子知公賢璽書擢公汀漳觀察因地以治濱海要區

需大展其才跡公之爲政寬厚和平清廉不擾能得大體真有大臣宰相之風入爲三公可預慶也公好爲詩郡齋清詠有韋應物白居易之致旣又見公燕子磯遊記澹逸疎宕天機流行又在筆墨之外公又修郡志攷訂往迹蒐羅遺事別白人物上下二三十年務精詳而足信蓋所志俱在千載也果田野鄙人辱公之知對客輒舉果姓名媿不敢承日者方有纂記之役於公之行也惘惘若有所失念公之政實本經術而感激之私又不能已於言也乃不揣其不文而序之如此

在亭叢書卷四

長洲 李 果 碩夫

游筠莊桃花源圖序

老友王翁震方以今年庚戌七月爲七十初度之辰游子筠莊寫桃花源圖以贈請予序之予按桃花源見於陶靖節記中非實有其地蓋寓言也筠莊之圖意何居焉翁休寧人樸訥誠謹廉於取而信於言爲今人之所不樂爲者虞山老人汪淦樵有道士也幅巾騎白驢往來山水間年八十貧且老矣翁爲贖錢資其衣食淦樵專心內養以此及大耋翁晚歲舉丈夫子才數齡向學如

成人能對客書大字翁雖年七十而沖和有養每春秋佳日與二三故人爲西山之行徜徉松壑浹日忘歸意其安時委順與造物者遊而能全其天者歟方今天下際唐虞之盛禮修樂明農商皆饒於業民安而物阜何地非桃源而欲筠莊繪此圖耶又翁僑居閩門之西土風清嘉竹樹鮮澤與德配偕老處闌闌之間絕叫囂之習與桃花源趣同而境異殆不可以彼是而此非也然則筠莊之爲是圖抑別有故耶豈其以翁故鄉新安天都黃海有桃花泉朱砂峰丹臺西溪四十七瀨栖止其間者挹雲霞之氣皆康強老壽而諷之以歸隱歟吾覽

東坡書言世傳桃源事多過其實因證以南陽菊水民飲之壽百餘歲蜀青城山老人村有五世孫者生不識鹽醯而溪中多枸杞根如龍蛇飲其水亦百二三十歲桃源之說蓋此類也慨夫天壤之大若桃源者多矣翁今蕭閒里閭畢向平之願他日操杖而遊過境而止按圖經而考之以證淵明之記事之實與否筠莊之取意所在且以解予之惑焉故用序而先之

顧大巖初度序

董文敏論畫之道宇宙在手眼前無非生機故人往往多壽黃子久沈石田文衡山皆大耄蓋以畫爲寄而得其樂者也非然者刻畫痕迹直爲造物役耳顧子大巖世其家學寫山水直以悟入嘗從老友高簡澹游遊精研有年又愛玩宋元明人真蹟久而神韻生動自抒天趣遠方士大夫走縑素造請者日益夥而大巖處之澹如蓋有合於文敏之論而不以畫爲苦者也今大巖年五十矣高懷恬逸無谿刻之行惟與伯兄奉侍其母修潔白之養往還者素心友四五人古所謂隱不違親貞

不絕俗者非耶吾聞大巖先世爲陳黃門侍郎希馮公後宋有進士諱明德者遷太湖之濱爲西顧支祖尊人漢音與其世父舜音俱善山水有屋一區在官山之銅坑擅梅花之勝大巖顧居城西之湖田計不亦左歟銅坑面山枕湖前有池後有圃有花有竹聚族而居風雨晦明雲霞舒卷何減武陵大巖異日者重返舊山樂其土風旣耕且讀課其子孫五日一山十日一水以逍遙晚景其老壽蕃祉當與子久石田衡山相伯仲即近日畫家而論澹游年七十四王翬石谷楊晉子鶴皆八十五六又皆大巖所取法者也其年吾將於此六人卜之

贈侍郎黃公序

士君子抱非常之才當昌明之世學足以馭其才養足以副其學其當大任也如雨露之濡澤萬物沾溉而無迹其退也如松柏之在巖阿挺然獨秀天故以盤根錯節曲成其才與學非偶然也侍郎北平黃公崑圃器識溫茂學博而才敏當

聖祖仁皇帝時以殿試第三人入翰林迴翔於麟臺虎觀之間不數遷遂典太常副禮部公靖共厥位黼黻承平其學行其才亦既顯矣

今上御極晉吏部侍郎典江南試旋巡撫浙江公開府

在亭叢書卷四

四

雄藩秉持國憲未踰年吏肅風清去官日仍荷溫旨終始保全其克孚於兩朝若此蓋原於學之不欺又不獨其才之優也果吳中韋布於世事多所不通而顧好爲文公見之謂其言近道後果謁公於東冶公辱而教之他日對客言目果爲固窮之士近道與固窮果何敢當然公愛惜人才之念何懇以至也昔蘇子瞻上書於富丞相曰明公居其金天下效其偏其誰曰不可而曾子固之上杜相公亦曰閣下奮然自信樂海內之善人用於世爭出其力以唱而助之惟恐失其所自立夫富與杜宋之良相功業磊磊軒天地而蘇曾二公之言

惓惓於推賢進士之務信乎樂育人才邦家之盛事大臣之用心宜如此也公分校禮闈及視學主試所得士多魁奇偉人其後秉節鉞升臺閣者踵相躡也今居旅館而以文藝請益者甚衆公皆進而裁成之單寒介士延譽若恐不及然則果之固陋固不敢自比於蘇曾如公之心豈有異於宋之富杜哉公居吳六年門可羅雀携少子自隨煤幘木榻讀書不輟惟以太夫人年高不獲侍左右心常怒焉夫出而顯其才與學爲股肱心膂之寄退而蕭閒獨處藝黍稷奉母陶育人材繫心國家庶幾古大臣以道事君從容去就之義乎公可謂善自爲養者矣今歲辛亥秋公年六十記曰六十始壽門下之士必有稱彼兕觥祈公輔體延年於以遙祝太夫人上壽岡陵川至者而果私心臆計朝廷眷念舊德必將詔公復起坐論廟堂輔鄧隆之治以益發揮其所養公即欲優游林壑循南陔白華之樂其可得乎果蓋由天下之所仰望於公者信之而知其有然者公毋亦葆精神專思慮壽其身以壽國用答天下之望是則果之所致祝於公者而已

在亭叢書卷四

五

孫定叔七十壽序

山林清迥君子所樂衆人之所鄙豪華聲利衆人所耽君子之所遠君子高覽遠識知豪華聲利之不可恃也沒溺之而品卑也采山釣水布衣糲食而情曠然而貌沖然泊乎無營貞而可久視世之役役者不轉盼已爲陳迹孫子定叔上元人僑居蘇州東修礪行沉潛於學窮六經之旨趣而見其大杜門謝客間授經餬口或失之簞瓢屢空襟懷晏如也性好爲詩不苟作作必有意溫淳樸雅有陶韋之風近年益造平澹斂華就實歸於和粹其於世之榮利毛髮不足以撓其心客有訝之者

在亭叢書卷四

六

則曰吾觀塵境之紛華靡麗起滅者多矣吾以樗櫟之質不材養其天年俯仰今昔流觀雲物覺山之高水之深日月之晦明草木蟲魚之變幻其中有化機焉吾視萬物皆芻狗也而何有於豪華聲利乎夫士之於世鮮不以榮辱得失撓敗其天真者定叔布衣有守樂天知命未嘗涉世情無榮何有乎辱無得何有乎失淮南子所謂使耳目精明玄達而無誘慕志氣虛靜恬逸而省嗜欲者非其人歟予交定叔四十餘年定叔今年三月壽七十予以謂抱德守道頤養反真以順乎天其壽永固未可涯涘蓋躁急者易摧而和厚者永久也初度之

辰諸同人請予言還以定叔之所樂所遠者爲定叔序之

在亭叢書卷四

七

宮保大中丞高公六十壽序

今天子御極之八年宮保尚書鐵嶺高公奉 敕命持節總督江南江西建牙於金陵宣

上德意整躬飭屬謀內涵才智弗耀有司砥節而服職庶民奉法而樂業境內肅然以治旋移節雲貴再莅江南又任巡撫江蘇事於是吳民益喜甚謂

聖天子眷顧吳中移公愈近被澤最先也而公益沛其德從容敷畫以養和平之福廣樂利之休民皆相顧太息謂前此撫吳者自睢州湯公儀封張公而後公實繼而參焉嗟乎如公者可謂德懋於才智周於量得爲政

在亭叢書卷四

八

之體而有古大臣之度者已果嘗讀崧高之首章曰維嶽降神生甫及申言賢詰之佐爲山嶽所鍾英其生有自也曰維申及甫爲周之翰言能爲國蕃宣昭德澤於下其出有爲也其五章曰王遣申伯路車乘馬而申之以南土是保言王寵任之隆欲其保障南土也其末章曰申伯之德柔惠且直揉此萬邦聞於四國言德柔而能剛下土受治而聲名遐播也蓋古名世之臣爲上帝所篤生天子所倚毗而勲績以懋聞譽用光若此公以世臣之後年未弱冠即擢高第入翰苑數遷而履今任然則天之生公固孕山川之秀

天子畀以封疆大任乃期以保障之勞而公之寧謐地

方阜成民物垂令名於無窮者爲協柔惠且直日聞四方之詠也視詩之所稱有合轍焉孰謂古今人同不同

未可知哉公前在滇南時 旨問公地方事公具疏陳

又再問公繪圖以進剖析形勢至詳且盡歲甲寅江蘇秋歉收公力請緩征並留漕 特恩截江南漕米二十

萬石以其半平糶時旗丁停運者苦乏食公繕摺奏請以糶米銀萬兩散給蒙 俞旨準行公所益多善政不

勝臚載約舉一二端亦足以見公慮事之周而仁愛之心欲無一物不得其所矣公在吳振興文教加意樂育

在亭叢書卷四

九

會 詔舉博學宏詞欲以果名入薦果愧懼弗勝固辭然於昔人所謂得一知己可以不恨者竊以自附也今年秋公壽進六十所屬賢士大夫文學之彥莫不交口而頌願公壽期頤位鼎鼎以成 國家泰交之隆者果隨吳民之後慚不能文詩云樂只君子邦家之光敢引之爲

聖主得賢臣慶又云樂只君子保艾爾後敢引之爲公

祝其純嘏且受茲介福於有永云

贈晉彥孫翁序

先高祖少園公有女子子四人俱適名族長適王次孫次俞又次汪四家中表歷前明隆慶以至今往來不絕表叔晉彥孫翁叔和公仲子喬枝公季孫喬枝公先高祖壻也予數齡負笈翁家從王君長先生學先生父順榮公先高祖長壻也翁長予五歲同几研博聞好學循禮法與其伯兄長卿後先補學官弟子以王先生家鳳里村又翁內戚皆在鳳里乃遷居之方去鳳里時翁年未壯今忽忽四十年矣居鄉無事則喜方書間入城與諸名家討論久而習其說其鄉方數里之間病者療之

在亭叢書卷四

十

輒瘡以是餬其口而肆志於經籍有田二十畝稍自給予往曾過之雞黍爲歡極戚友之樂歲丁亥冬予世父慕其風亦居之與翁爲鄰比予省世父於鄉經金鏡湖即金雞堰歷斜塘重湖相襲水波綿渺湖上人家隱見村落高原古木水禽上下舟中指點如圖畫鳳里多汊港居人隔岸牽船以渡杏花菖葉映帶隴畝翁居其中德配衛孺人猶在賢淑有梁孟之風翁後續婚於宋世父徙家入城予亦出遊遂不復至也今又隔三十年翁且年六十六矣翁長子娶婦有孫有女已嫁翁之母周太孺人八十餘尚康健翁之學益深世事益澹豈非其至幸

歟予惟曾祖姑四家汪後無人其兩家惟王氏祖姑子登賢書官江寧即君長先生也俞氏祖姑之子二人皆大耄諸孫中有富厚者以貲雄一時而王近式微俞之曾玄今皆零落翁家昆季四人亦惟翁與季弟在耳翁去郡邑繁華之境甘寂寞之濱守其遺書儲藥種菊逍遙暮景信務華者不常而敦樸爲恒久也老子曰知足之足常足則得失不撓其心委身任運無不可者宜其有以自樂也世人安知之乎予客遊歸屢遷居家復多故逼婚嫁有子已抱孫髮種種矣而猶牽於家累數數不得與翁見他日買櫓過鳳里俯仰今昔話數十年舊

在亭叢書卷四

十一

事詠豳風之詩展桐君之錄舉春酒介眉壽且致其愛慕之無已也

陳德國壽序

陳德國先生今年八十居城東甫橋之濱車馬跡所不到柴門臨水濁酒一壺橫琴自鼓有蕭閒高世之志予嘗過其居凝塵蔽席聞其清論鄙吝爲消予以是深服先生之高而愛其處境之自得也先生三十餘匹馬走海內荆楚百粵宋衛陳許齊魯燕秦梁晉之地幾萬里五嶽遊其四所交皆幽人逸士其興可謂豪歸而垂老杜門若與世相忘者先生無子以弟之子爲子既娶婦矣乃不祿惟一穉孫教之學兩女已適人壻皆美材厥後兩壻與兩女後先皆棄世常人於此時當亦難以堪

在亭叢書卷四

士

矣而先生安以處之委之於數巖陬澗曲獨往獨來或對客掀髯笑歌忘其貧窶精神亦復堅固震川氏有云安其分則心泰泰則百疾不作故壽又謂物取多則焦然不寧有紛紜叢垢之集而無恬愉靜逸之休若先生者不深有會於此者歟先生至性淳篤尊人吉甫先生庭訓嘗以十字律其後賢先生守而弗忘早歲遊京師諸貴介子弟多從之遊有躋顯列者先生足跡未嘗一過諸弟子屢以書來又或以先生之狀貌豫語於家人冀先生之一至也而先生終不往久之有甥官山東壽光者因取道至都始一過即飄然言歸諸弟子爭挽留

之不得其意益可知矣予又聞先生好道嘗遇異人授以長生久視之道誠如是則其壽殆未可以數量矣

在亭叢書卷四

三

韓太史東籬先生八十壽序

太史韓東籬先生以康熙三年甲辰正月十有九日爲覽揆之辰乾隆八年癸亥於是年八十矣其子檢討中書諸君置酒上壽賓朋爭爲詩歌以祝果辱與先生交乃爲之序曰古之獲壽者取境多自適而寓意不爲外物所囿造物之理甚微而會其指而得其要其樂怡然雖榮祿不能以易也彼誠見天壤之間紛紜轆轤智有所不周慮有所不及極馳騁眩騖而役役無所窮皆足以爲我累於此恬養沖和優游林壑以全其天肯舍我之樂以就彼哉先生先世多隱德尊人尚書公文筆起衰遠追昌黎世所稱慕廬先生也先生績學有守歲庚辰以戴禮成進士入翰林旣遭尚書公之憂歸而奉母遂不出

在亭叢書卷四

西

世宗憲皇帝以先生有良史才復徵入史館與修明史又嘗主講紫陽書院成就後學頗多先生於學可謂能世其家矣先生晚歲嘗取陶公采菊東籬之語以自號陶公令彭澤棄而歸其賦飲酒也曰山氣日夕佳飛鳥相與還此中有真意欲辨已忘言論者謂其高懷遐曠故中有至樂而能遺其外物若此今先生官中秘引年而歸慕陶公之高懷而取以號焉非遺其外物中有至

樂能及此耶予又聞先生知己不三數人類多庶靜者時爲計其空乏而稱其所長嘗於除夕大雨中袖金貽吳太史漪堂先生非有餘者而能周急若此漪堂曾以告予也又數稱俞太史之行誼楊編修與果之文子實不敢承而其意則可感矣今先生登八十骨清神朗意恬氣和復曉養生家言悟玄微之旨先生願養如是其壽寧可數計邪彼役役外騖以其所輕失其所重者豈不大相徑庭哉又烏足與言先生之至樂哉斗杓東指庭梅試花登先生之堂喜先生之壽而康也謹爲序之并以質檢討中書諸君其以予言爲合否也

在亭叢書卷四

五

陸朗亭壽序

昔福州鹿山李公解浙撫任居吳門與予論所舊交輒道陸君朗亭謂朗亭孝友不愧古人而其材之偉足以處大任也李公在吳極喜今侍講沈公确士蔡秀才在谷與予之文將歸故山走索其序爲贈而在浙則獨重朗亭疏而薦之予是以多公之能愛士且多朗亭之賢爲不負公所舉也唐昌黎韓子與于襄陽以書謂下之人負其能不肯諂其上上之人負其位不肯顧其下而致慨於高材多戚戚之窮盛位無赫赫之光如朗亭者誠未嘗諂於公而李公者亦豈不顧其下者哉蓋昌黎

在亭叢書卷四

六

不能得之於襄陽者而朗亭能得之於李公其爲幸何如耶朗亭孝於親友于兄弟昆季五人而故者三朗亭撫卹孤寡任其喪葬嫁娶諸鉅事不餘其力其爲李公薦舉也以州同知襄力河防而工役以固經理鹽務而釐政以修監視關稅而商旅以稱便故自兩江制府那公及兩淮鹽漕御史準公莫不器朗亭委以繁劇多所紀錄而朗亭官都運經歷攝篆分司泰州憲臣重嘉其能蓋朗亭之不次遷擢有可豫決者而予獨以諸公之知朗亭也在已仕之後而李公之知朗亭也在未仕之先則李公爲尤難已故友陳子季方之論朗亭也曰朗

亭侍尊甫疾刲股肉以進讓產諸昆而獨負米於外以養老母爲季弟償所負棄祖業代之不私一錢可謂當世篤行之士蓋自李公而外知朗亭者又無如季方焉予交朗亭有素兒子師稷近客揚州數往還歲甲子正月朗亭壽六十思爲侑觴之文而念知朗亭之深而善道之者李公與陳子也述之使世知不誣云

在亭叢書卷四

七

黃母吳太夫人九十壽序

今上乾隆之二年丁丑五月北平黃母吳太夫人壽登九十大夫人之年家子自康熙庚午以至今丙辰鄉會十有四科之賢皆不遠幾千里上壽爲詩文侑觴果向謁侍郎公略識太夫人懿行其可無一言果惟太夫人之生爲順治五年戊子是時

世祖章皇帝初即位億萬年太平之基肇隆於此生其時者類多龐厚老壽應 國家氣運之盛太夫人以延陵著族作配封大夫席開府之聲榮重闡承順封大夫高文峻筆望重京國教授諸生有安定之風維太夫人

在亭叢書卷四

六

有以助成之將母就養承歡菽水維太夫人有以贊相之而尤難者在於教諸子專力於學昆季五人並掇科第侍郎公先以鼎甲第三人入翰林數遷躋九列歷吏部官巡撫繼之者方伯觀察御史廣文諸公並奮起屈指臺閣清要封疆重寄皆遞更之下至諸孫先後登科名一門榮盛直媲王謝崔盧是皆太夫人克修孝行教子義方所致也則太夫人之壽也固宜夫盈虛消長之數人心天道交應之機天有顯道惟順承乎天者爲能滋之深而持之久培之固而旣之勤會有平陂而卒保且大之果竊惟九十年中風雷雨露亦旣閱歷多故而

太夫人安貞之性不爲境囿流觀時序恬然頤養故能疊受

三朝封誥孫曾濟濟四世重慶而太夫人年愈高持躬益肅穆敬慎之德著於閭閻豈非誕生之初得之天者本厚滋之深而培之固歟雍正初

世宗憲皇帝以太夫人安貞多壽 御書德門壽母四字以賜可謂極榮昔宋張齊賢母魯國夫人年八十餘太宗召見有老福之稱以視太夫人殆若過之彈指百齡建坊烏頭綽楔 國恩家慶常有並隆諸年家子尚當以南山臺萊之詩爲頌也當侍郎公留吳門日果辱

在亭叢書卷四

九

公獎借有知己之感今公旬宣山左適當太夫人大慶謹書之以爲序

在亭叢書卷五

長洲 李 果 碩夫

與友論齊期稽首書

湘湖程長公之逝有四子焉而護其喪者實其弟次公凡賓客自遠方來弔者餽遺邀設皆護喪者具名客以爲問僕答以宜書期服某稽首他日客見之謂期服之拜頓首已足稽首則過矣羣議焚如僕小人也何足以知禮欲求其是必原本禮經準今酌古上合 國家之制又不背朱子家禮之宜乃得之乎夫禮喪有四制有恩有禮有節有權取之人情也 本朝會典爲兄弟服

在亭叢書卷五

一

齊衰不杖期與朱子家禮同考之儀禮昆弟不杖麻屨註謂正服衰五升冠八升功麤大不精者也雜記三年之喪以其喪拜非三年之喪以吉拜吉拜拜而后稽顙也則自齊衰以下皆拜而后稽顙孔子曰拜而后稽顙顙乎其順也哀痛之至先加敬於人後盡哀於己爲得序也喪服小記大夫弔雖總必稽顙必稽顙者尊大夫也齊衰貌若臬此哀之發於容體者也齊衰之哭若往而反此哀之發於聲音者也其說載於間傳而檀弓又云齊衰不以邊坐謂喪服宜敬起坐必正不可偏倚也王制齊衰大功三月不從政由是言之齊期之不可忽

也如此而謂稽首爲過乎僕又考周禮太祝辨九拜之儀有稽首頓首空首振動吉拜凶拜奇拜褒拜肅拜之文鄭註稽首如今跪拜禮頭隨手至地稽留乃起也頓首如今叩頭之類首叩地也吉拜拜而后稽顙謂齊衰不杖以下之拜即殷之凶拜言吉者對下文凶拜爲輕也若是則頓首爲常接之儀也夫人而身在齊期之喪猶以常接之儀施諸來弔者得毋不合於禮乎雖近俗未嘗無用之者未可以俗所用爲是而古所載爲非也湘湖友愛諸弟諸弟咸資渠誨奉爲家督一門百口三十年共變汲有義門之風其卒也倘棄周公孔子之教而跪拜與無服者無異吾不知其可也幸明以示我果頓首

在亭叢書卷五

二

與孫秋田先生書名見龍

果載拜秋田先生閣下昨往城東就醫道出調豐里見楊子宣仲知閣下不遺卑陋以賤名達於宮保大中丞公將以附續舉博學宏詞之後謏劣下材過辱噓植知己之感刻鏤心骨即曳踵走謝值車騎他出悵快而歸果幼孤失學不能通知六藝之旨古今事物之變食貧奉母三十餘年奔走衣食藏書散失恒借抄於友朋又不能強記博習少之時尚不敢飾其固陋之質妄冀進取近者先慈奄棄數年益失倚恃精力就衰膝前弱息猶未成立幾如陶潛之乞食少陵之餓子至於文筆絕

在亭叢書卷五

三

非所長其或登高賦物寄趣鳶魚比於時鳥候蟲自鳴其意雖握管於文士之前亦且汗顏澀縮安敢玷名薦牘況孱弱之軀積勞成病手麻目澁心類怔忡聰明日耗昔時所讀之書百不記一構詞思鈍時輒眩暈顧影自憐恐成廢疾豈堪給札

殿廷觀 國光而上承

天子之問耶伏惟閣下文藻瑰麗問學淹洽既以南宮第一人入翰林早結

聖祖之知出而治民屢膺劇邑稱循吏今復以宏博第
一人被薦果心折已久無繇請見顧閣下與果無半面

之雅一日之素乃辱惓惓齒其姓名游揚於大君子之前驚聞榮命既感且媿虞仲翔有言得一人知己可以不恨果與閣下其庶幾哉方今

聖天子在御網羅海內英雋彬蔚朝堂之上凡有知識爭思淬礪承 詔顧惟才質蹇淺實非其人竊恐有負薦舉至意是以低徊瞻顧未敢直前即屬宣老縷致衷曲設憲府尚未舉行實為萬幸如已行縣伏望轉求中丞公收回成命更訪高賢昔王文康公知梅聖俞欲薦於朝終不果薦蓋有以也麋鹿之性久安野逸亦以適其境而已生平知己弘農南州昆仲雲川素園五六君

在亭叢書卷五

四

子而外以神交而久企者無逾閣下故不覺其言之逕直耳賤恙倘不增加邀庇延年優游里井以其暇日補綴篇章詠歌

帝德紀述思知此野人之願也仰惟少賜省覽果惶恐頓首

上吳縣明府辭薦舉博學宏詞書

果窮巷儒生耳生不聞道未能深考六經百氏之旨淺求訓詁帖括之學上窮古今法制之原下搜草木蟲魚之奧終身碌碌無所短長家世寒士積書不多手抄借覽涉獵無幾今年垂六十知識荒耄向時所誦習者百不記一讀書不及數葉輒復惛然伸紙覆閱至於三四每一下筆思艱詞澁中乾額樸不復成章實為樗櫟之材工師至而弗問駑駘之馬伯樂過而弗顧者也今宮保大中丞公恭承 明詔舉博學宏詞檄明府徵果就選聞命驚悸不知所為竊意

在亭叢書卷五

五

今天子渙德音下直省旁招山林草澤之彥上之給札天章敷陳治道次之入蘭臺坐芸閣珥筆著述當左右史之任下之亦將侍直 禁掖與備顧問恩至渥也責至鉅也此豈可以匪材廁其間耶名不稱實苟竊榮顯使聖朝曠典虛名而鮮實用大臣為國薦賢而反失人果所大懼而不敢出也且非獨學陋而無才之患也果少遭孤露力貧養母三十餘年奔走衣食母又奄棄形神嗒喪膝前弱息苦飢號寒積勞既久漸成痼疾心病怔忡目澁手顫間或夜坐便神思昏倦不能自持衰癯之

人即今爭工拙角短長於文士之前猶赧顏瑟縮況敢玷名薦牘妄希趨承玉陛對揚

天子之清問乎此又果之所內顧而深恐者矣當大憲之下檄執事意必有以果名誤達者此亦自有故果少時頗好吟詠為古文詞情之所近心摹手追又以處境之困饘粥莫供八口所資取給賣文間有酬應愛之者或忘其醜更相延譽實則使人面慚發赤言不足以扶世立教徒為苟作欲求一字之傳知不可得耳其足辱大賢之知哉伏惟執事下車以來推心置腹體訪幽隱凡民間所欲申之意欲達之辭悉奔告於執事執事亦曲為區處俾之克遂其志如果今日者亦望執事之終遂其志也仰冀上陳大憲收回成命果得長蒙餘庇優游泉石頤養病軀以其鈍拙之思詠歌

在亭叢書卷五

六

帝德紀載憲仁自附於野人遊士之末備輜軒之所採果於此實有願焉謹布腹心上瀆威嚴無任戰栗惶恐

復蘇州督糧同知項公書

伏見乾隆二年閣臣奏 國史紀載宜詳事實採稽宜廣請自順治元年以後通籍人員理學名儒博通今古文學優長可備名臣循吏儒林文苑臣工奏議山林隱逸文集雜著可備藝文之選者天文五行卜筮醫學伎藝及方外雜流可供史局採葺者令直隸各省地方徹底錄送史館以附

五朝本紀志表列傳之後 詔曰可蓋歷覽前史從未
有定自當代者誠千古未有之盛典也布政徐公以十
一府州各屬呈送簡略特飭諭屬邑選擇邑中老成夙

在事叢書卷五

七

望及通達典故紳士給令遵照詳核搜採執事職任繁
劇廉謹而勤太守黃公復以蘇州一府人物相推採輯
執事不以果固陋下商於果若以謂可與言者苟可效
一得之愚亦何敢自外但此事艱鉅與作府縣志不同
非才學識三者兼擅不可蓋史館所收必須事事核實
無一事可鑿空牽合而人物最難人之行有情善而迹
非有意奸而外淑有實大於名有名侈於實載筆彙集
良非易事第據傳狀碑誌保無索米作傳得金諛墓者
乎故人物為最難今以其略言之我 國家定鼎之初
如吳邑金文通公之俊常熟錢尚書謙益事跡誠有可

議然江浙白糧相沿民運多至破家之俊陳其弊得改
官運謙益則承文治聿興以文學倡導於前而後英雋
繼起又定例三品以上例入史傳則閣臣宋文恪公德
宜崑山徐公元文又葉文敏公方藹諸人皆可類推而
徐尚書乾學著有讀禮通考一書似皆不可遺山林隱
逸當申百之交潛遜幽抑苦節之士吳中不少如鄭敷
教桐菴徐枋昭法彭行先務敏周茂蘭子佩朱用純柏
盧顧炎武寧人金俊明孝章韓洽君望楊无咎震百徐
晟禎起朱鶴齡長孺諸人海內所知者其文集具在尤
須細閱而炎武尤深於經學可備儒林循吏如陸廬陵

在事叢書卷五

八

在新實有惠績理學如彭長寧瓏瓏子侍講定求文筆
如尤侍講侗汪編修琬韓尚書荃潘檢討耒唐長子甄
金靈邱居敬陶昌化元淳惠密雲周惕何侍讀焯張學
使大受皆可入文苑傳而汪韓於經學皆有著述居敬
後人凌替其書不知歸何人汪學使份纂有河防江防
錢法諸論三四十卷有關考核亦可附於經籍志之後
如此類者不可枚舉屬邑豈能一一抄取之乎皆胥訪
問搜錄者也大抵人物當以通志及郡縣志為本而推
廣考核之有碑銘者則當觀其作者若忠孝節烈則以
旌表者為據而尤必其行事赫赫者其無墓誌傳狀者

亦須撮爲事略小傳雖體例宜嚴而不可不多收以聽
史館去取雍正中纂江南通志聞曾檄取各屬人文集
歸之省會志館蘇州九縣亦有之今不知在何處若得
取來亦可爲縣叢也似宜開一書局擇搢紳前輩行已
端潔有學識者一人爲之總而分類編排繕閱校讎者
三四人繕錄者十餘人又須寬以月日資斧筆札當事
宜任之昨以質之惠侍講仲儒楊編修文叔兩先生其
言亦然頗與果合也果旣短於才又學識淺陋以交誼
而論不敢固辭而廣稽之重考據之難陰挾翰墨以裁
前人之善惡又何敢遽諾承下詢殷殷故敢陳之左右

柳子厚有云太史公言大將軍徵蘇建言留侯徵圖書
容貌執事將以何者爲徵乎而果非其人也故一進其
鄙衷焉惟裁酌之幸甚果載拜

與李鹿山先生書

果頓首旌節一別忽及兩年閣下在清江塗中賦詩見
懷果謹步韻奉寄閣下不以果之鄙拙辱賜教和至五
章之多兼發手書褒借過當何以當之閣下歸里後聞
濱海大風屋瓦俱飄經籍大半漂海濤中某令孫文筆
最高聞亦病逝此極爲扼腕比知六令子已完婚閣下
向平願畢可以優游五嶽間矣閩中有名山可遊而又
與重山先生及羣從子弟流連饒家庭之樂雖處貧窶
而高懷曠逸可想見也閣下蘊篤寶輝光之學醇深雅
健之才聞六經之奧探性理之源博而歸約積而遲發
以其清暇訂定平生著作當有遠駕於昔賢者果聞古
大臣歸田多以經術啓迪後學養之育之以成其德裁
之割之以成其材蓋國家所重者人才而人才視乎素
植大臣雖身坐廢退乃心常在王室睠睠於人才升降
之原載在前史班班可考果未敢贅引前者蔡秀才家
駒送閣下歸序亦以樂育人才爲言意蓋有在也閣下
當亦熟睹之矣豈無意乎果行能無似竊欲窮義理於
六藝徵事跡於史乘求載道之文於漢唐宋數十家顧
有志未逮而大君子遠隔山海不能時時奉教學益荒
落去歲蹤跡未定且不得令姪回閩實信楮書末由多

通恃閣下之鑒原也果再拜

上郡守覺羅雅公書

果伏處草野學無師法文章樸拙未能逮人荷纂修郡志諸公委以相助復重以閣下不棄固陋令府學教授浦先生元和訓導吳先生到門將命俾與纂編之末受命以來惟深惴恐輒敢奏記於左右夫吳自闔廬而後歷秦漢唐宋至今爲天下大郡土風最著人物財賦甲於他府載籍之可考而覩者自吳越春秋越絕書以下如漢張勃齊陸澄董監隋虞世基唐陸廣微所述及元和郡國志太平寰宇記圖經續圖經諸書皆前乎志而有作而於志爲草創討論之資者也後范成大趙與簾

並撰類成書章愔作吳事類補元總管趙鳳儀復類次遺闕而書未成明初吳縣盧教諭熊撫羅遺事芟繁取要爲志五十卷以述地理都邑文學祠祀食貨兵衛之屬而古今之制作詩文列焉其人物著以列傳則有名官名臣儒林文藝良吏忠義孝友高行隱逸之目而列女方技皆附焉書刻於洪武間四境之內二千餘年之事可按籍而稽也成化間郡守鄱陽邱公霽聘邑人劉叅政昌李中書應貞陳訓導頤修纂其相助者多文學之士弘治中河南史公簡曹公鳳守蘇皆繼爲之則有張僉事習都進士穆任編輯裁決於吳文定公寬而事

中報書皆未成正德元年廣東林公世遠來守以文定遺書請王文恪公整續成之乃合范盧二志參以諸家凡舉例一如文定之舊封域山川戶口物產人才風俗以至城池廨宇井邑第宅前賢遺跡下至佛老之廬凡六十卷文恪嘗謂范志峻而整盧志詳而贍其著述之才有殊歟抑誌近代者勢不得不出於詳而時爲之也本朝康熙辛未遯左盧公騰龍踵前守甯公趙公意修定今志上距文恪所修蓋百七十餘年爲時既遠遺漏良多今又隔五十餘年矣閣下以通政重臣移守蘇州化行訟簡文事聿興特修纂是書而大中丞陳公亦重

以委之閣下纂修者皆宿學鉅公身負重望果以謏劣亦與其列過不自量竊謂今日纂修必范盧二志爲法而又宜廣羅書籍以爲稽考增續則聚書爲先務如後所開書一百五十餘種必須蒐訪夫遯左盧公志於正德以後事跡頗多未詳且又檢校未細如列傳中朱統毛維張許琰許王家潘翼一人而複載者則正德至今二百二十餘年事跡大須補敘刪正又非特今五十餘年事宜詳考也伏望閣下飭令廣文先生採訪諸書可借者借之凡書可資採獲者俾各疏所有携來儲於志局互相考索又各縣疆域境地兵馬各項未合之處悉

令開冊陳明更加參訂以成一代之全書更有陳者果學力淺陋年垂七十心思有限而同研友有國子生陳景雲者沉潛經史爲文疏達蘇州府學生蔡家駒者文章簡而有法行已篤實吳縣學生惠棟者學問淹博舊事頗習其爲人溫良誠信於果並爲畏友景雲年老恐不得來思欲得蔡惠二生引爲分纂必有資於志乘果前者一詣憲轅以情上瀆伏冀閣下不遺葑菲賜之垂察抑又聞古人修史嘗有一代名儒佐以文學經術之士宜其凌駕前人乃文蕪體散顧反居諸史之下如元史者無他迫於時日也若此則似宜寬之期限俾得從

容著述固陋之識未知是否不勝惶悚之至果再拜

周禮論

有治人斯有治法法待人而行也人存而法亡猶得緣先王之治以立法法具而人亡更無能守先王之法以成治周禮一書周公治天下之法也五官所掌三百之屬官有統職有司月有要歲有會師田禮樂祭享聘問之經犁然具也都鄙鄉遂山川林麓之制燦然備也牛羊雞犬饗殽醢醢弓矢輿輪之事秩然有條也舉而措之四達而不悖矣而後世人主卒不聞有舉周官之法見之於治者豈古之法固不可施之於今歟抑亦未得其人故也昔周公佐武王定天下武王崩成王幼周公

在亭叢書卷五

五

負宸以行天子之事其時同朝之臣如召公畢公芮伯彤伯之屬皆負名世之材挾經綸之具相與遠稽唐虞近監夏商斟酌區畫以成一代之法其在書曰六卿分職各率其屬以倡九牧阜成兆民記曰制禮作樂頒度量而天下大服正謂此也是以成王之治為能上繼文武海不揚波遠夷來貢施及康王刑措而不用豈非以治人行治法之明效大驗也歟後世治不如古其病在於有治法而無治人有治君而無治相苟安於近功小效補救一時之術而不思純王之治行之有本末施之有次第也其初若迂闊繁重而難舉及其成功百世享

其利也如是而望治法之行不可得矣乃世不咎人之不足行法而譏法之不足為治曰古法不可施於今也嗚呼其果不可施之於今也耶自秦燔書先王政教之典蕩無復存周禮一書出於漢武之世而六官又闕其一其僅存者宜珍惜何如也乃自漢以來或謂戰國陰謀之書或謂漢儒傳會之說或謂末世瀆亂不經之語而作論難以排之嗚呼周禮之書具在也學者讀其辭玩其旨其謂之戰國陰謀瀆亂不經也乎抑否乎是不待辨說而明者也說者又謂宋王安石篤信周禮為新義十餘萬言以發明其意安石卒以周禮亂宋天下

在亭叢書卷五

六

若以證夫周官之法必不可行於後世者是又弗深考之過也夫周禮一書惟聖人能著之亦惟聖人能行之性褊執拗如安石望其行周官之法度固已難矣況其所用周禮也者僅以佐其罔利之思也耶程子以周禮為周公致治之大法朱子以周禮為周公建太平之基本世有程朱其人而周禮不難舉而措之天下矣

養心莫善於寡欲論

人天所生也百物亦天所生也五行之秀人得之而成形而凡五聲五味五色之類莫不各有以養人之欲而給人之求記有之曰食味別聲被色而生者也蓋謂是也古之聖人飲以養陽食以養陰德音以養其耳采章以養其目養其身也即以養其心也養其心奈何曰無欲而已矣無欲也者接乎物而不役於物用夫物而不擾於物者也心本虛也中於欲則實本靈也動於欲則滯本純也分於欲則雜本固也搖於欲則危衆欲攻之而心且岌岌乎殆矣然使號於衆曰爾曷不使口不甘

在亭叢書卷五

七

味耳不聽聲目不覩色以勞爾形以全爾心而人且貿然莫知所趨何也心溺於欲絕之而無以拔其本矯之而無以塞其流也嗟乎仁義禮智之心幾何而不盡亡於欲也哉天下相爭之數衆則強寡則弱強則多勝弱則少勝必然之理也以十人攻一人一人雖強禦之爲至難矣進而以百人攻一人人不待智者而知其顛且仆矣此無他形成其孤立而勢處於不敵故也心之孤立不啻一人而欲之疊起而環伺者不啻百人如是而望心之戰衆欲以自勝也得乎否乎故養心者貴乎予心以權而使累心之欲常自處於不勝權在我則能完其

虛靈純固之體而泊然無所役毅然不可擾不勝常在欲則雖欲橫決恣肆以與此心爭一息之雄而亦有所畏忌顧慮而不敢發欲不與心爭勝而心乃無不得其養矣此孟氏莫善於寡欲之言爲害心者孤其黨而弱其助也養心者知此其尚有縱於欲以自戕其心者哉雖然此亦孟氏不得已之情爲下士言之也欲心之疾也去疾莫如盡使夫醫之療疾而曰姑少減焉可以已也是養其疾以爲安也根深枝蔓一旦猝發雖有扁鵲其將束手矣然則養心之道何居曰無欲而已矣人天所生也百物亦天所生也天生百物以養人身聖人節

在亭叢書卷五

八

百物之欲以養其心

曹參論

漢興論功行封蕭何曹參皆大功臣而鄂君爲高祖分別言兩人事參功不逮蕭何至遠也然何卒舉參以自代及參代何爲漢相載其清淨民以寧一而天下獨治參之持論謂毋擾獄市而已夫毋擾獄市足以爲治乎曰此真蓋公所謂清淨而民自定者也且承暴秦苛法之後而以寬大之政撫憔悴之民與之休息乎無爲猶有商周之遺意乎故民益自愛而重犯法此所以治也自是以後諸爲漢相者大抵皆守而勿失者也夫以陳平之智必盡通諸事至其爲丞相亦倣此意文帝嘗問

在亭叢書卷五

五

一歲錢穀出入幾何決獄幾何平乃對以各有主者丞相可勿與知丞相輔佐天子進賢退不肖苟賢者在位以德化民而天下治矣是以斷獄數百幾致刑措若此之時亦一治也至武帝之世則張湯桑弘羊等用事治獄之吏言利之臣人持所見盡變易漢家法度更行一切之術其於獄市不勝煩擾於是民不堪命乃作不靖至攻城邑殺守令吏莫能禁天子爲遣繡衣使者興兵誅之數年不定然則是清淨之足以致治而煩擾之足以生亂也亦已明矣而後之從政者猶莫之悟事無大小輒使吏與其間天下無事民安其業吏方以補弊起

廢自任及至舉措之不當豪彊吏民乘勢作姦此民之始病也嗚呼欲益反損俗吏之殃民類多如此若曹參者其真知治體者哉

在亭叢書卷五

三

悔廬說戊申年作

悔者自反者也口不言而心自咎也自失怙以來歲月坐荒道不加進皆自悔之時也始余十四五時讀六經之書與左國秦漢文知好之衣食亂心不克竟學闕其與爲八股文又不嗜舍之後乃賣文已而客淮南率酬應逐時俗之好顏忸怩而不安自返故廬困愈甚間挾書以學又不能專力殫思其於根柢濟用蔑如也今年垂五十矣古之君子學以萃之氣以養之時以出之天地事物之變古今治亂之故禮樂節文之詳損益因革之宜無所不知乃所以爲學也余往者以種學名吾

在亭叢書卷五

五

齋且以課吾子比諸種藝五穀耕耘以時冀於有成不致鹵莽耳金壇老友王吏部虛舟爲余作擘窠書而周子少逸發明之既復徙石里遭境益苦於昔有倍歎曰吾身如瘠土之樹不避霜雪其耐勞苦久矣而弱質薄植卒未嘗培其本根而榮其枝葉也夫聖人之道博厚而闡深非思之深力之固未足以幾於道況宇宙之大歲月之疾年壽不可知資又駕下今及艾矣方思假炳燭之光以趨於學窮六經之旨趣冀得少有所樹而未知其終遂焉否也故以悔名其廬蓋悼心於向之可悔者多也安得居山谷依茂樹遺塵慮玩心於高明之域

以終吾餘年哉因爲說以告吾子焉

在亭叢書卷五

五

方權歸宗議

聖人制禮不可無祀劉原父曰春秋之義有常有變變者不得已而常者乃其本也此古仁人孝子之用心深念宗法之遺而又懼亡者之忽諸不祀也爲殷殷致意焉今方子東華以其孫爲後於人旣而身且無後則變之中又當通其變以復於常焉初敏成方公與弟正菴爲同六世祖昆弟敏成無子正菴有子四人長九谷公次冰臺公於是以冰臺嗣敏成公後冰臺復無子九谷公有三子莫朝東華川來於是川來又繼冰臺公後川來早卒亦無子莫朝子孟調不得爲人後川來於病中

在亭叢書卷五

五

擇東華次子江津嗣之生一子權而江津復即世權今甫八齡又按冰臺家於故鄉廣州川來雖承嗣仍與伯仲兩兄僑居蘇州而立冰臺公以上高曾木主祀別室歷四十年矣今東華年六十復下世所生五子江津旣出嗣身殞其四子又皆先東華歿孟調又無子權如終嗣川來則東華之有後者終無後也考之會典一子不爲人後戴德王肅喪記曰爲人後者爲其父母降一等其服之節居倚廬言語飲食與父在爲母同雖除服心喪三年著於服令未之有改製服之重如此庸可令本生之祖而斬焉絕乎又冰臺公繼配麥孺人以嗣曾孫

遠隔五千里於兩年前旣於廣州別立一後則敏成公之祀旣有主矣江津一支可仍歸於本親川來可仍嗣九谷而權爲東華承重於禮於情爲宜至東華川來同爲小宗然東華爲兄爲嫡出川來爲弟爲庶出乃庶出無後者居然有子有孫嫡出有子之兄忍使斬焉無嗣乎則江津與權之歸宗不容少緩也然則川來無子終絕之乎曰不然以東華之子上殤者曰素時爲後素時無子則俟孟調有子以其次繼孟調仲弟膏民以其又次者繼素時或權有子皆可立之孟子曰仁人之於兄弟也親愛之而已矣夫亦推此意上以尊祖下以收

在亭叢書卷五

五

族因乎人心而要之原情協理使於義俱全則無後者而皆有後矣東華守先人遺訓績學有本其文足以傳世而又躬行篤厚權雖岌岌一綫蕃衍實大當有興起故爲推本制禮之義合於所宜與諸君子商確爲議

在亭叢書卷六

長洲 李 果 碩夫

尹太僕傳

太僕姓尹諱明廷字贊階長洲人順治己丑進士官至廣西平樂府知府先是 王師破張獻忠於蜀其餘醜白文選父之奇孫可望李定國各擁衆走黔蜀奉故明桂王稱年號後文選之奇與可望相繼歸順定國挾桂王出駐桂林與故楚撫何騰蛟合定南王孔友德統大軍南討騰蛟戰死定國倚常熟瞿式耜爲留守詹事江陵張同敞爲楚督同敞未之任大軍已抵桂林留守楚

在亭叢書卷六

一

督同時死定國以衆來援乘大風雨帥所部猱獠五百突擊定南王帳幾潰是時諸游宦滇黔楚蜀相接連之境者見定國勢張甚皆改冠服向定國定國過平樂問尹太守安在其前部已反接公至定國欲降公公大罵曰狂賊死吾分也何多言定國怒去公衣束以魚網繫磔之公至死罵不絕口順治十年七月十九日也 王師旣平滇黔桂王定國先後走死緬甸公嗣子宗文跣足至粵西求公尸不得日號哭於塗遇老媪告曰尹公守此土四載有惠政其被害也老婦與三人埋於某坊之側今獨我在耳爲指示其地掘得之宗文嚙指血漉

滲入骨因負以歸江撫都御史某公上其事 詔贈公太僕寺卿賜祭葬廕其子某爲河南柘城令初公之從兄明徵邑諸生當崇禎末年聞國變携其妻徐抱幼女赴井死子即宗文也尹氏何多忠節哉其家在郡學前訪其後人已徙而經其址古木頽垣英風其猶在也

在亭叢書卷六

二

范文肅公傳

公諱文程字憲斗號輝猷姓范氏其先自忠宣公第五子仕宋為樞密院料理官諱正國者扈元祐孟太后至江西遂家臨川三傳至迪功郎諱良儻者復徙饒州更六傳至明雲夢縣丞諱岳者坐事謫遼東瀋陽岳四傳至總成正德丁丑進士累官兵部尚書忤嚴相嵩去位總生沉沉生楠三世皆以公貴贈光祿大夫如公官公楠仲子也少沉毅讀書通大義年十八補弟子貢天命三年戊午

太祖高皇帝定撫順公始歸國從定遼陽度三金攻西

在亭叢書卷六

三

平下廣寧

太宗文皇帝嗣位拔置公帷幄天聰三年從蹕入薊門克遵化將偏師往諭潘家口馬蘭峪三屯營馬欄關大安口五城皆下之

太宗自將臨永平留公守遵化攻者甚盛公突圍力戰拔而歸授阿達哈哈番四年以公為秘書院大學士領機密五年師圍大凌河軍以城降後降兵有陰戕部帥叛去者

太宗怒公從容進言全活甚衆又請單騎馳諭壁山軍軍降盡以降人賜公自是平旅順取平島征高麗服蒙

古公皆在左右每議大政

太宗必曰范某知否公或未與議則曰何不與范某議之公嘗以病出直諸務填委待公病已決之

世祖章皇帝即位闖寇李自成陷明燕京報至公以病詣蓋州湯泉驛召決策公力疾趨 朝曰闖寇塗炭中原朕厭君后此必討之賊也雖擁衆百萬可一戰而破國家上下同心兵甲選練誠聲罪以臨兵以義動何功不成又曰好生者天地之德殺者聖人不得已而用之國家止欲帝關東當攻掠兼施欲統一區夏非又安百姓不可又奏記 攝政親王累數百言略謂中原遭亂

在亭叢書卷六

四

思擇令主當任賢以撫衆拯厥無告錄厥賢能拔其德望素著者置之班行俾朝夕獻納擇其善者酌行之及大軍入關定燕京悉如公計公安撫子遺起用廢官招集諸曹胥史收其文籍明季賦額屢加經寇亂僅存萬歷時故冊或疑不可為據公曰據此額猶恐病民可更益乎以功陞阿思哈尼哈番天下既定公首請開科取士以收人才丙戌丁亥已丑公凡三典會試得人最盛順治四年從征蒙古明年夏班師是冬晉一等阿思哈尼哈番

太祖皇帝配祀上帝禮成加一拖沙喇哈番 予世襲

八年正月

世祖皇帝親政大婚禮成上

皇太后尊號晉一等精奇尼哈番時軍興孔棘民多失業餽餉維艱公率同列上疏曰臣等伏見直省地土荒蕪錢糧闕額至四百餘萬民賦虧則兵餉必絀然民地荒則軍屯可興今湖廣江西河南山東陝西五省寇亂日久人戶稀少窮民無力開墾請行興屯土著流戶願來耕者官為給地量助牛種官分子粒三分之一三年之後便為永業編為保甲使守望相助姦宄不生於興屯之中寓招撫之法遠近飢民聞風踵至於興屯之中

在平定縣卷六

五

行救荒之術因條興屯四事曰選舉得人曰開墾守獲曰積貯轉運曰責成考課命會議舉行十年二月召

公於位育宮商確政事賜茶中和殿憫公勞勩

慰諭備至公跪奏曰臣蒙

聖恩推心置腹犬馬之力敢憚微勞時漏下一鼓命近

侍送歸第明年八月詔加公少保兼太子太保先是

公以疾告

世祖親和藥餌馳賜無虛日至宮保命下公具疏

陳謝復固請養病

上覽奏遲回久之乃暫令公解任俟病痊召用

特加陞太傅兼太子太師十四年恩詔加秩一級遣工就第圖其親藏之大內公居家聞四方水旱災傷則愀然吉月及

朝廷大慶必力疾以朝

聖祖仁皇帝即位廢一子入監讀書康熙元年

特命公祭告

太宗皇帝山陵公伏地哀慟不能起以康熙五年八月薨年七十公志在安民在軍首戒嗜殺汲引人材保全善類如恐不及秉政三十餘年家無長物帷幄贊謀皆國是大計外廷莫聞生平奏議頗多尋自焚其草故罕

在平定縣卷六

六

傳於世云子六人皆顯官仲子承謨總督浙閩遇耿精忠亂不屈死

擬贊曰孟子言王者之興必有名世如文肅公者當

國家景命方新首建入關定中原大計佐以一德輔以

仁心武功既偉文教聿興受眷

三朝終始維一誠哉名世之士也太史公贊蕭相國何

謂可與閔天散宜生等爭烈公殆幾過之矣

范忠貞公傳

公諱承謨字觀公號螺山太傅范文肅公仲子沉毅果敏抱負偉岸年十七充侍衛順治八年辛卯 詔八旗茂秀子弟應制科公登賢書明年成進士點庶吉士猶間日入侍十一年 詔免侍衛授弘文院編修晉秘書院侍讀學士轉國史院學士康熙六年 命教習庶吉士明年授都察院右副都御史巡撫浙江公至絕苞苴禁私謁公移呈牒積月餘不批荅僚吏莫測一日忽俱下悉中機宜僚吏又相顧愕眙故事制撫受事三月後當劾奏不法吏及期兩司列狀公還之曰舍豺狼問狐

在事叢書卷六

七

狸耶翌日拜疏一時墨吏咸挂白簡所屬皆股慄浙故多巨猾爲民害公廉得數人立置重典餘悉望風竄終公任莫敢返里門衙台處三府積荒田十萬餘畝其初荒戶賠納戶逃派鄰鄰逃派及同區民不勝累相率遠逸州縣受其叅劾公疏請蠲有 旨令公查勘公核其實以上遂報可十年浙江大侵嘉湖兩郡水尤甚公捐粟設糜借司庫銀八萬兩糴米於吳楚以平糶請改折嘉湖漕米二十餘萬石仍請緩征以俟明年麥熟又請應輸白糧六萬餘石願假三年帶徵又請湖州辦絲十一餘萬斤悉交杭州織造以免南解江寧北解戶部運

費凡撫綏之方不遺餘慮公素體羸至是疾陡作因力疏請罷浙人爲輟耕罷市制府以聞 詔公力疾視事明年冬晉兵部右侍郎總督福建軍務公疏辭不許請陛見許之浙人送者亘百十里擁舟不得前瞽者百輩亦向舟長跪願得一抱公足牽公衣入覲日頓首引疾謝 詔遣御醫就第診視 賜上方藥餌逾月 命馳赴新任閩藩耿精忠素驕蹇不法憚公威望初見執禮甚恭未幾吳三桂反精忠潛與通公察其有異而計麾下士僅三千人又與精忠所部習不足恃欲出巡海嶠簡鎮兵以遙制之未及行精忠佯言海寇至邀公議事

在事叢書卷六

八

巡撫劉秉政已陰附精忠堅促公行公知有變坦然按轡至則逆衆已蜂屯露刃矣公挺身前大罵諸逆無道旋受誅滅逆衆縛之監室公憤甚不食八日不死乃復食精忠遷公禁向內公嚼齒大罵齟齬肉皆腐一日遣秉政說降公揖而前公被械繫奮足蹴秉政仆地公在繫二年冠 賜冠衣辭母時衣溽暑濕蒸霜颺刺骨蟻蝨蚊蚋攢嘅不已而氣愈烈罵賊之餘爲文叙生平及詩若干首以桴炭畫壁上 王師破仙霞嶺精忠夜遣逆黨殺公公笑曰今日方畢吾事起索 賜冠逆黨奪而擲諸地公怒以械索擊其頭幾斃露頂望 闕叩首曰

臣死遲矣時某年九月十六日也同死者自幕客嵇永仁等及隸卒凡五十三人精忠既害公焚尸棄山野有泰寧人許鼎夜行亂石宿莽間求燼骸負之明年至京師事聞

上震悼遣內大臣齋茶酒哭臨其喪二十一年精忠伏誅公子時崇親剖其心以奠公 賜謚忠貞 諭葬御製碑文手書賜其家公博學強記讀書之外無他嗜好 好在史館議論鑿鑿生平嫉惡如讎一介不苟取善詩與文遭難皆散失惟吾廬稿浙閩奏議百苦吟畫壁詩文行於世

擬贊曰國家之有世臣如伊陟巫咸之在商名穆公之在周皆以光輔之烈著美書詩而公梯階前勲建牙海疆獨以賊臣肆逆殞命遂志所遭為不幸焉雖然文文山不云乎讀聖賢書所學何事公之大節雖與日月爭光可也

呂道人桴菴傳

道人名恣字貞九號桴菴姓呂氏宋東萊先生祖謙十二世孫六世祖贅華亭一傳大綸明正德舉人大綸孫崑華崑華生渭石皆諸生渭石生禮部儒士中開即道人父也居蘇州道人幼讀書一目數行俱下弱冠領婁庠第一崇禎甲申之變悲號不食棄妻子入道自號赤隱子從周鍊師雲岫習符籙鞭龍駕霆役使鬼神年四十六辟穀導引又三年訪道終南山居山之碧天洞繼又葺城東清真觀居之最後居木瀆小桃源道人仁而好施早歲積脩脯多散之貧者又修危橋甃道路縫絮

衣衣寒者繼又出丹藥療病者不取直積二十年全活人無算康熙三年卒年五十四卒之前一歲告其家曰來年五月十五日吾當遠別會其三子家黃埭阻風遲三日始至一見遂卒兀然若睡者後五日其門弟子馬珏見道人於天台山云欲之武當終南旣而珏歸省之乃知道人羽化久矣其事蹟載江南通志及元和縣志中孫太晉亦為黃冠居陽山之金芝嶺能詩

李子曰古之談神仙者侈矣後漢蒯子訓顧其老友五百年摩挲銅狄宋李昊善篆符鬼聞其至輒避去昊答蘇轍言曰吾斷欲久故鬼不見夫非以信道篤無求於

人世耶道人身際滄桑飄然物外將卒時見古衣冠四
老人來迎聞者疑爲商山四皓卒之後復歸終南乘雲
而行汗漫謂非超舉之異乎道人修顏色頽潤長髯好
事者餽其像於鄧尉山之妙高峰石壁復塑於清真觀
與元人黃孤山並列其薊子訓之流亞歟

劉處士傳

劉君準字公耀一字希萊其先漢楚元王之後元初有
御史權茶馬稅諱景厚者家於吳歷明世三百年簪纓
弗絕故君爲吳之長洲人君幼遭母喪擗踊哀泣如成
人入學修舉子業讀書一再過不忘值明季喪亂乃隱
於魚鹽謀治生而不專務心計視人之急如己以是終
其身家不厚及衰老謝家事檢責券約數百金悉付之
火謂其二子曰是皆平生素交或亡矣否亦貧乏不能
自存留此爲汝曹異日口實吾不願也疾篤於蠹簡中
復得一券立召負者返之其樂善不倦如此性峻直無

偏黨間有所臧否人咸以爲當歲丙子縣舉耆老不就
卒年七十有三子二藝震震尤力學以詩名

李果曰子讀戰國策至馮驩焚券事嘗歎息謂真能市
義者然不過爲孟嘗君營三窟計耳今劉君何所爲耶
予初怪其早釋儒服而過其室垂老不釋卷古所謂市
隱者非耶

沈玉文傳

沈之璘字玉文本姓劉父曙明崇禎癸未進士授南昌縣令道梗不能赴 本朝定鼎隱居蠡口舟山兵變南昌公有名於籍兩江總制洪承疇令捕送江寧不肯屈遂遇害南昌公之初被禍也吏役猝至長子蕃以下皆就縛之璘生甫期月呱呱棄壁下吏爭取所有獨沈叟奉橋見而哀焉乞歸為養子太守許之之璘稍長知為劉氏子當食輒以鮭菜祭其先祖私自涕泣弱冠補吳縣學官弟子食廩餼名籍甚先是諸兄俱逮繫至京劉氏一門幾無完卵會赦還有勸之璘歸宗者乃泣曰歸

在亭叢書卷六

三

劉固當顧璘襁褓遘患難微沈氏其不陷於溝壑者幾希卯翼之恩詎可忘況又無他子因泣不已伯兄蕃後訪知之璘與共拜劉氏祖墓下然之璘卒不忍歸者以沈氏無後也迨沈叟卒喪祭以禮之璘為人端直而仁慈以古人為師法雖燕居言笑不苟授經於外館穀供饘粥不給嘗雜糠覈以食居三楹不蔽風雨衣冠故敝而性潔清不妄取嘗有老父於賓興歲袖金贈之曰某老矣有田為豪右所侵公固長者當貴他日幸庇我之璘固謝之又嘗入市易錢歸浮其數亟返之其廉潔如此為詩文磊落拔俗與人辯說所學必旁引曲證務發

明經義之奧為諸生三十年貢入太學而卒

李果曰吾友王貢士聞遠嘗謂玉文文學篤行宜在儒林獨行傳惜四方無知之者而今死矣嗟乎雖無老成人尚有典型玉文之謂也子文照諸生次其昌初復劉姓應童子試輒不錄後改沈遂補某縣學生亦奇矣其伯兄西翰余識之西翰即蕃也前諸生有文名年雖老而精悍有慷慨之槩蓋亦先卒矣感其事并述之

西翰有仲弟蓀亦被收二人屢瀕於死賴南昌公同年陳梁兩公贖歸西翰隱城西桃花隔著書以老蓀字藥君年十二為諸生負奇才其後亦卒附記

在亭叢書卷六

四

朱止菴傳

朱翁名廷颺字叔安徽之休寧人父某贈奉直大夫雲南嵩明州知州翁生崇禎九年入本朝纔九歲習見兵事有器識補邑庠生入國子監試授州同遷蕪湖康熙十三年三逆叛淮楚間賊方熾以布抹首隨地竊發副將軍某奉命勦逆初不利舍於江上翁服短衣爲解鞍秣馬副將軍殺賊過當賊陰令間行刺爲麾下所縛翁獻計曰殺之不足揚我威且令覘者復來耳不如縱之窺其懈乘勢擊之蔑不濟矣副將軍如其計間疾去賊果不之備遂平之後復歸新安徽是時山賊蠭起

在亭叢書卷六

五

翁出重貲募敢死士捍禦其鄉賊莫能犯既後居蘇州初翁在鳩茲有豪猾某利翁財誣以不軌訟久不息撫軍某公至翁挺出告所誣狀撫軍明其冤坐某重辟翁惻然憐反爲之請得不死翁臨財廉友于兄弟兄弟宦遊四方翁資助之爲廉吏客有阻之者翁不聽葺宗祠會族人賙卹姻戚治橋梁道路施榷置義塚諸利濟事知無不爲故稱仁者必曰朱翁云翁既歷世事久遭患難晚歲顧諸子皆授官職以家事付之更自號曰止菴卒年七十八子七人皆體翁志孫十三人曾孫五人論曰孔子謂以直報怨止菴於誣已者不力擠之而請

寬之夫寧不足當之耶方副將軍討逆時群盜弄兵翁燭其事機卒之跳梁者皆懾伏蓋其勇略有足多者而不悻悻於報復之際何其柔而能下也捍衛閭里勞在一鄉施及後人止菴其過人遠矣

在亭叢書卷六

六

范尚書眉山傳

公諱承勲字蘇公又號眉山文肅公第三子康熙初以恩廕除工部都水司員外郎轉屯田司晉刑部湖廣司三品郎中轉山東司獄多所平反吏無敢舞文欺法擢監察御史巡視西城豪猾屏跡十七年署江南道時山東江漕飢潦離竄載塗公疏請緩徵又請廉吏以註誤革職者得與題留因地震求直言請廣開言路又明年調吏部文選司郎中譚弘反川東公奉命督軍馳兩日夜會大軍於趙州行抵歸州

上命公駐彝陵轉楚餉給軍譚弘死大軍達重慶公在

在亭叢書卷六

七

彝陵七月先後運米八萬石會滇城圍合復命公監鎮安將軍噶爾漢軍仍督餉滇城降公還京晉內閣學士兼禮部侍郎使持節充封勤郡王副使又充祀北嶽及長白山使明年晉都察院右副都御史巡撫廣西廣西自明季以來蠻獠竊發烽火不絕時大軍旣罷而應徵餘糧尚數十萬石前撫請桂平梧三郡折徵部議九郡并折公條具徵本徵半全折半折之宜以上又奏免經陷賊容鬱等十州縣無徵銀四萬餘兩米三千餘石民困始甦又明年晉兵部右侍郎總督雲貴公至首除軍餉招買灘派之令使兵不得病民核吳逆莊田估報

之價使吏無由染指制桀傲之士夷使無敢淫掠警殺遣土弁持檄入野賊魯魁山巢諭以禍福令解散其眾皆稽顙請命賊黨後有叛者公隨檄平之滇設援勦左右兩協湖北裁兵夏逢龍叛尋甸左協之兵應之而省兵以餉例給錢不便亦謀爲變公諜知賊以夜三鼓舉事戒吏但擊二鼓密擒其魁賊惶惑不敢發及旦以次就縛公持賜節斬渠首十三人於棘門策左協兵必走黔楚飛檄諸路邀擊果遇賊擊之以潰兵獻公斬八人釋其餘勿問事聞

上降諭褒嘉初滇省緣礦鑄錢多以錢千文當銀一兩

在亭叢書卷六

六

錢三銀七給軍而苗獮不習行使諸部伍赴局支領得錢易銀不及其半相與煽爲流言公密疏停鼓鑄給全銀言甚切至賊平後乃從公議公又請免積欠逃荒屯賦民在逃者軍墾治其田請免麗江失地之賦先是吳逆割以賂蒙番而賦籍尚留者也又密察海口濟工歲減浮冒之費十九三十二年公

陛見

上解所御袍帽賜公侍宴乾清宮

上爲手酌金卮明年賜大書世濟其美四字命永

順總兵偏圖護公歸抵任一月補都察院左都御史公還至貴陽又命公總督兩江公視事三月即請入覲

陽江蘇賦重請照夏稅秋糧例於六月開徵江西漕兌民給運費久之編入正項令民重給并追前之已給者完官當免俱格部議

上爲免江西民已給運費勿追公回任又奏江蘇賦重積歲完九分以上尾欠請得分年帶徵又請寬催徵有司處分又請貯各屬剩米十萬石於省以防歲歉又請廣江南鄉試解額奉 旨益二十名是年秋颶風霖雨黃淮并漲淮揚徐泗皆被淹人畜漂流公發捐貯之米借京口留漕以賑又借庫銀二萬兩買楚米平糶請盡蠲被災州縣錢糧活飢民無算三十六年以 覃恩授

在平漢書卷六

亢

階光祿大夫明年丁母憂回京號泣送者萬人一如去滇時旗例喪制止百日公喪既踰期拜兵部尚書公固辭不許淮水從六壩決入高寶而黃水倒灌清口

上命公與大臣督修高堰開引河於陶莊插築挑水壩七月而工竣時

上賜諸大臣書公得典司樞政四字廣東廉州猺亂拒傷官兵 命公察勘所擬悉當四十二年侍講經筵初公嘗患怔忡每思引退以受 恩深不敢告十月景山引見武貲出宮門眩暈仆地

上遣內侍就問 命御醫診視明年正月公具疏乞骸

骨

上猶勉留公求退益力乃允公致政越十年而卒年七十文肅公繫懷祖澤 予告後思請 命謁文正祠天平山祖墓不果遂以屬公兄弟追忠貞公撫浙制閩損俸增修祠宇以殉節未竟越二十餘年而公制軍至蘇始得繼父兄之後竣事可謂難矣其大略見公撰世德源流碑子時繹自公退休即襲本旗佐領

憲皇帝朝亦歷官至兩江總督

贊曰公任中外所建議多蒼生疾苦而其倉猝應變不震不驚雖古名臣智略又何以加諸勞而不伐行之以

在平漢書卷六

平

忠

帝眷之渥雖曰篤念前烈實公之誠有以孚於主也

范尚書蒼巖傳

范公時崇字自牧號蒼巖贈太子少保忠貞公承謨子也年十四忠貞公死耿逆之難公日夜號泣仰天誓曰必手刃而鬻食之康熙二十一年壬戌耿逆正法於京師之宣武門公涕泣請於刑官手自寸磔取其心以歸設忠貞公位拜而獻之監刑者以聞

上曰孺子乃能報父讐嘉歎良久一時名人爭爲歌詩贈公公惻焉不忍視二十三年以忠貞公廕授奉天遼陽州知州三遷至直隸順德府知府公至郡興學校卹窮黎郡人家爲尸祝是時宣化新設府州縣滿漢軍民

在亭叢書卷六

五

雜處又噶爾旦梗命軍需旁午公裁決措置皆得宜巡撫以公有肆應才請調公宣府三十五年冬十月

上幸宣府詢公以政公條對稱旨又問何以得脫閩難公再拜奏曰臣隨侍祖母至京故獲免又命寫字較射

上見之又大悅賜御書舞鶴賦一軸及親民二字扁額再遷晉貴州按察使將赴治會

上西巡回鑒公迎謁於道命隨駕至京改福建按察使

陞辭日

上顧謂青宮此開國名臣之孫殉難忠臣之子也四

十四年晉山東布政使隨晉都察院副都御史巡撫廣東又晉浙閩總督五十五年晉都御史轉兵部尚書五十八年四月命出西塞安設臺站自殺虎口至毛代插漢叟兒共四十七所明年三月力疾復命

上慰勞備至遣太醫醫治賜藥餌果品即以其年某月卒於位年五十八先是康熙九年忠貞公撫浙過吳謁文正公祖祠修建義莊而公莅閩督任過吳亦再謁祖祠重鐫文正忠宣公集文正公從祀學宮命下公感泣手疏奏謝蓋公所日夜冀望而不敢請也敦睦宗族睦顧本原說者謂能繼忠貞公志焉子宜中初名弘

在亭叢書卷六

五

恕世襲牛叅章京今爲鑲黃旗叅領

陳恪勤公傳

公諱鵬年字北溟一字滄洲姓陳氏其先江西廬陵人八世祖某始遷湖南湘潭縣五傳至貢士金臺以文章氣節名楚南學者稱石村先生無子以弟子國學生式穀爲後即公父也以公貴贈中憲大夫生五子公居長母羅太夫人有身夢彩雲大鳥之異因名曰鵬五歲受唐詩即成誦九歲作蜻蜓賦驚其座人當吳逆竊據湖南公全家避亂山中者五年盡通經史康熙二十三年舉於鄉後七年成進士爲衢州西安縣遂寧相國張文端公鵬翮時爲河道總督知公名題請簡用河工補

在寧書卷六

重

山陽縣甫兩月遷知海州四十二年

聖祖仁皇帝閱視河工行幸江浙時山左歲稔公奉命散賑濟充間全活數十萬人東人感德人出一錢樹碑道左

聖祖回鑾召試濟上賦詩稱旨明日賜御書一

軸蓋公任小吏時政治已徹

上知矣進江寧府知府江寧爲江南首郡省會事劇人多權宜苟且公輒持正不肯詭隨會東南有公務需費不貲大吏欲出之民間每地丁銀一兩加耗羨一二分同時諸郡守莫敢言公陳民疾苦抗言力爭事遂格不

行而主者忌之四十四年

聖祖南幸大府委公司上方供億又奉旨修鎮江馬頭三處口岸刻期一夕完蓋爲忌者所中也江口水深溜急觀者悚惕公四鼓告竣是年六月公挂吏議落職羈江寧關帝廟會城頃刻罷市部民相率痛哭於大府之門復繞公寓廬環呼無害我廉吏饋遺薪米絡繹街巷守禦者呵止之不得學使者按句容生童欲焚印卷不就試諸生余養直會九學千餘人建旗將叩關八旂兵駐防者亦釀錢市酒食獻公羅拜而去及赴淮陰會勘山陽海州父老號呼稱枉願以身贖江寧士民相

在寧書卷六

重

隨對簿者幾千人明年二月獄成詔諭從寬免死江南之人始知當事者欲殺公賴

聖主得生也尋徵入修書百姓遮公車局閉十三門凡九日不得行公泣諭得就道抵京師纂修宋金元明詩入方輿志館分纂湖廣省後一年用兩江總制邵公穆布薦出爲蘇州守仍以方輿書隨纂四十九年詔署江蘇布政使事其明年當事者借承鞠吳邑張令虧空遲延再落職時公方以公事至鎮江即羈守城隍廟吳人哭從公者一如江寧時先是未被劾前方輿書成呈進當事恐

上見而憐之持益急羅織擬重典會其人貪墨敗露
上益知公受誣一日御暢春園出公虎邱二詩示九卿
曰有密奏陳鵬年怨望以此作左證者自古小人排擠
善類大都如此朕素知其忠豈為若輩欺耶蓋公之受
知於

上者深矣五十二年遇 覃恩公自江南赴熱河行在
即 召見薄暮入漏三鼓始出

上屏左右奏對凡數千言 御前燭為再易旋 命為

武英殿總裁官兼修月令輯要又修鳥獸蟲魚廣義今
賜名物類輯略五十六年署理霸昌道時方脩密雲城

在亭叢書卷六

五

大府檄公協理公首察巨猾在工行侵漁監督不敢問
者悉逐之城工即完其年十一月迎

駕密雲傍 御輦行二十里

上從容問地方要務及河工利弊公指陳皆中窾要

上命仍入 武英殿辦事遂馳赴都公歷任南北重地

為治專尚實政西安自耿逆叛時人多棄田廬以逃亂

定後版籍殘闕豪強兼數十百頃有田無糧其流亡未

復者名挂糧籍實無田可耕往往鬻子女償官逋有終

身流離不敢歸鄉井者公至親履畝文閱占田一清流

散者皆來歸烈婦徐有疑獄沉寃十載公得其實斃其

元凶禮葬烈婦建祠旌其節俗產女輒溺公為嚴其禁
民生女多以陳名補山陽塗中先奏記撫軍宋公請得
便宜從事捕淮安關蠹重懲之關吏不敢有苛稅居海
州歲除日城中十數萬戶榜桃符者羣揭官清民安四
字於門蓋指公也於刑獄尤矜慎為江寧府日常州守
某文致諸生十餘輩欲致之死公承勘悉為平反松江
惡捕五人嗾盜陷富人家執其婦為之婦自經事發冀
援赦公窮竟之卒寘五人於法蘇州有未結獄三百餘
案公視事未一月咸決遣洞庭山民某以閨房暗昧事
殺二幼子於巡兵家埋其尸沙中吳邑令鞠之求尸不

在亭叢書卷六

五

得公突至其處得之霸昌旂民雜處號難治公裁以法
無所回避有盜開銀鑛詐稱貴戚近屬者公往收之豪
强脅息其精於吏職多類此六十年四月

上以公嫻河務令同張公鵬翮往閱南北河隄尋 詔

留河工七月河南懷慶府武陟縣馬營口衝決直注山

東張秋直隸長垣公奏黃河老隄衝開八九里大溜直

趨決口宜於對岸上流廣武山下別開引河更於決口

少東亦開引河俾河流仍歸正河乃可堵築但河南工

程例不動帑金撫臣設法捐脩其埽臺僅寬三四丈埽

箇長僅二三丈恐難樹立合龍又恐今年冬回空糧艘

阻滯當春桃花汛發重運難行伏乞

皇上迅發帑金別遣大臣董其出入臣與河臣悉心估計用長椿大埽以資捍禦運道民生攸賴公未摺奏前上預遣重臣授方略經理比奏至與旨合嘉歎久之十一月奉命署理河道總督河督署駐清江浦時馬營決口工已竣公乃莅清江受事即條陳淮關收稅捐例二事請另委專司

上可其奏當是時河工廢弛日久修防搶護視為具文當伏秋水漲即開所在牐壩以洩之為淮揚田廬害不可數公燭知其弊牐壩非大漲不輕啓委員得人費少

在平叢書卷六

七

工倍而事以治六十一年正月馬營口隄遭水凌積水再決公謂馬營地勢低窪雖有引河流不能暢惟有分疏上下流殺其悍怒按去年所開沁黃交匯對岸名王家溝者為老黃河故道請於此開引河使水由東南行會入滎澤正河馬營口隄工以次可成奏可乃復至決所開放河頭大溜直趨引河河流漸徙而南堵塞可俟未幾

上以南河險要命公回清江令撫臣專辦時漕運總督施公世綸卒於官例河臣攝篆值漕運梗滯雇民船泊清口諸處旂丁數千人以無口糧水腳羣聚呼號公

出河庫銀六萬兩分借各省監司沿路散給事行而後奏

上稱善謂大臣當如是是年分類字錦告成公舊與排纂進呈日遺公名

上特命補入蓋不沒公勞如此當公之再至中州奉命歸清江也恒鬱鬱不樂曰馬營工久不成負罪深矣請白露後仍往堵築時中州頻年荒旱野無青草料物費不可勝公撥遞年規例銀二萬兩星馳至滎澤縣致齋十一日為文以禱大河及沁水之神是夕黃水驟退八尺隨奏請開官莊峪引河身止宿隄上或終日不食

在平叢書卷六

八

而南河諸事郵傳旁午日數十百件公五官並用事大小皆關其手血枯神耗兩足痠痺疾作矣十一月

聖祖崩問至公方秉筆視事筆墮於地沉迷一晝夜明日望北關長號曰臣屢蒙

聖主不殺之恩以有今日鼎湖可攀敢忘身殉哭繼以血病日劇猶日治南北壩尾工且決且築

世宗憲皇帝即位遣官到河南獎諭後六日以兵部侍郎階兼都察院右副都御史授河道總督公摺謝以病入告

上備問公家人病勢賜物有加命馳驛歸又命

馬爾赤喀同往治病馬爾赤喀由同知新補御史精於醫者也雍正元年正月五日四鼓口授遺本并謝摺遂卒語不及私公虎項目光如電每怒鬚輒張胸懷坦直無城府愛才若飢渴藉以成名者多有交遊徧天下然由州縣歷制府未聞人干以私髫年居母羅繼母賀喪哀毀如成人中憲公卒廬墓三年奉繼母曹太恭人至孝友愛諸弟易簀時公子皆不在側長姊適王氏甥王惺來視殯歛皆惺主之公於書無不窺凡天文地理兵農錢穀星相卜筮皆窮其源楷書學顏魯公詩追老杜詩五十四卷文八卷唱月詞一卷政略一卷河工條

在事叢書卷六

七

約一卷卒年六十一公既歿

世宗見公遺疏為之愍悼下

詔曰惟鵬年潔已奉公

實心為國黃河衝決自請前往堵塞風雨不辭寢食俱

廢積勞成病歿於工所其家有八旬老母室如懸罄此

真鞠躬盡瘁死而後已之臣傳諭撫臣 賜司庫銀二

千兩其母 賜以一品封典鵬年給以優謚以一品廕

其子 子謚曰恪勤子樹芝樹萱自京抵武涉扶櫬至

清江凡中州山左士民路祭巷哭發引日過南北壩尾

官弁及居民夫役數萬人相率繞棺哭聲震郊野子七

人樹芝樹萱樹著樹萊樹繁樹革嗣仲弟者曰樹葵方

公在霸昌

聖祖命樹芝樹萱隨侍 內廷今樹芝知平越府樹萱工部右侍郎樹著廕生倉場監督樹葵舉人

擬贊曰班固氏有言法令者治之具而非制治清濁之源也觀公為治之意務在正本清源而非粉飾治具微倖成功於旦夕者可比惜乎為忌者所中再仕再已然卒受 兩朝之知膺河渠重寄焦勞致疾功建名立鼎湖既痛身亦旋殞殆祭法所謂勤王事以死者歟公尤負知人之明浙中分校得李君陳常等七人在河工特舉陸君師張君杓為監司陸君歿復舉余君甸皆廉敏

在事叢書卷六

辛

而陳常歷官至兩淮巡鹽御史有治績可以知公之能得士矣公官西安及江南嘗訪果公羈金陵京口果襍被過公公掀髯抵掌縱論千古歷歷如昨感往悼今可悲矣夫

蔡處士傳代

蔡處士諱鎮字魯瞻又字嶽立先世居洞庭西山後遷郡城爲長洲人祖之宣天啓辛酉貢士父德熙邑庠生處士側室子早喪父而事嫡母丁致孝事嫡母所出兄致恭嫡母喜曰庶氏子厚我乃踰我所生子處士有饘粥田在城南縣吏某以處士遠館於外徭役應不時攬其田入鄉畝未幾都御史請兵駐南城處士田置營房而納鄉畝之賦三年至兵撤而止卒無嫌吏意吏後乃自愧曰我誤處士我誤處士當督賦甚迫時處士稱貸以償後索逋者至遂盡鬻其產兄鈺喪子處士止存蔬

在亭叢書卷六

圭

地十五畝悉以畀兄曰置妾兄愀然曰奈何累若處士曰弟可無產兄不可無後卒讓之兄處士雖處困約而忘其貧見義必踴躍嘗過其戚張會贖婢張以虧雇值固持之處士曰彼棄人也安取而足若金立叱遣婢爲出館穀盈其數其於某所負金某所負粟俱置不問亦絕不以告人初娶顧踰年卒繼娶袁克體處士意遇稔歲日兩餐粥雜以豆麥室中怡然處士以康熙四十八年六月卒年六十有五所著有四書正解未刻稿藏於家處士既歿其親故皆太息曰是有隱德者也門弟子皆流涕曰其善誘我而不倦者也子四人伯子先卒季

家駒爲諸生勤學植品友其兄如處士與予交方以古文辭名於時

論曰予讀家駒爲處士述低徊久之想見其爲人其諸怨所能忘而貧所無怨者也輾軻其遇隱約以老歿三十年有子能文述其行事以聞於世嗚呼處士其不亡矣

在亭叢書卷六

圭

程亢宗傳

程沆字亢宗又字嘯菴徽州休寧人父航有勇力亢宗少有宿慧方五六歲晝寢忽起立爲人講說四子書大義旋酣寢寤而問之不知也稍長負奇氣援例入太學客都門月夜舞劍觀者如堵咸歎羨尤長弓馬常客湖廣提督林將軍所將軍以家衆百餘人與亢宗各分隸其半列隊伍練習使士卒觀之以爲法桂林守張某知其才羅致幕下張爲政廉亢宗贈詩有一葉扁舟嫌載石句去官時官舍有音石奇峭張悅之將載以歸亢宗不許也先是其族弟兆麟爲陝西糧驛道兼司捐納懷

在亭叢書卷六

重

慨揮金錢如土亢宗常主兆麟獨時時以爲言兆麟不能用及兆麟罷官事至不可解亢宗左右維持數載兆麟歿始他往性篤孝友愛諸弟客歸爲弟償逋負取劑券就質庫贖衣服器纍纍以爲常其宗老曰曷不少留爲妻子地亢宗曰妻子易耳死可再得若吾弟則先人已逝不可復得矣晚年家益困荷鋤藝圃壽六十餘卒亢宗志高簡尋常不通名刺往來公卿間禮未嘗少屈足跡所至必交當世賢豪及空巖遺逸之士詩俊逸屢易其稿不欲鏤板以銜名往三十年前予因方壇締交後復見之范君溥座上亢宗以其舊所著文見質簡宕

自喜類其爲人

李子曰士固有豪俊魁奇不能顯功名於世者豈天之生才不必盡爲人用歟其鬱鬱不得志以死也寧不悲哉程子讀書有守本之孝弟然負經濟才乃窮老牖下吁噉天矣作程太學傳

在亭叢書卷六

重

翁學使傳

公諱嵩年字康飴號蘿軒姓翁氏先世中州人宋南渡遷浙江之仁和曾祖汝遇明衛輝守祖開之明辰谿縣令父菁德清縣訓導皇贈奉直大夫公十歲通六經大義康熙壬子舉順天鄉試試禮部數下第就武義教諭講明經義修文廟建啓聖祠立義學諸生彬彬以禮義自持戊辰登進士授戶部山西司主事閱三年遷本部四川司員外郎未履任丁母哀憂扶柩歸葬偕兄弟結廬墓側風雨之夕哀音動人服除補雲南司尋擢刑部廣西司郎中庚辰分校禮闈取士十有五人皆負海內

在事叢書卷六

五

望若今大學士桐城張公廷玉尚書靜海勵公廷儀其最著者也歲壬午督學廣東所拔皆寒畯之有才者瓊州遠隔大海多大風前使者輒檄生童附雷州考試以爲例公曰某奉天子命畏波濤耶竟渡中流颶風大作權夫驚駭公坐檣下嘯歌自若試之日儒生懽舞公爲稱說六經之旨仁義之道其俗益勵於學明年公又往不懈先是公登進士後留心刑名之學務平允當官刑部時有盜就鞠遽服公察其顏色有異力請寬以期果獲真盜人以爲神往例對簿囚或論辨不服以革批頰人輒齒落血涌公請除之獄中囚日食淡夜臥地多瘕

死公爲捐俸買鹽蔬置臥具全活無算方視學粵東秩滿督撫大吏交章薦公公素志恬逸遂不復出以葛洪嶺近城易往來居焉旣又築室白雲山之塢疏泉種竹以老公弟喬年及弟某之子藻先後官臺諫並有聲子甫生由桐城令除太倉州牧晉山海關同知奉職勤慎孫于廣于縑于田皆能文公長於詩有集數卷藏於家李果曰公歷官部曹理財明刑及校學皆本經術幾有漢儒風年垂六十拂衣退隱優游泉石二十餘年果辱與公交公引爲知己對客數數稱果不休又嘗過子溪堂公今往矣猶想見長身稜稜瘦骨倚樹清吟時也因

在事叢書卷六

五

爲紀其梗概俾後之作史者有考焉

馬處士傳

馬處士元馭字扶義常熟人父耆字子白寫花鳥師侯伯陽復處士少聰敏長於畫其先世所遺及平時摹玩者多五代北宋元明諸家名蹟故其點筆信手皆有生趣好讀書嗜酒間從里人錢孝廉陸燦巖高士熊遊學益博老屋數椽雜樹竹木琴尊碁矢與諸名流日觴詠其中有田數十畝在尚湖之濱困於徭役率不計值售以去家由是日落而畫益工王石谷輩以畫名嘗稱之曰扶義神韻飛動不泥陳迹高於陳道復陸治矣繼又師武進惲南田壽平南田筆墨妙天下處士盡得其傳

在亭叢書卷六

七

當是時名大著渡錢塘歷甬東北至江都四方走書幣造請者踵交錯寸縑尺紙流播遠近京師貴人慕其名爭出兼金訪求其画至不可得相國蔣文肅公處士同里也嘗與處士講論六法其時若汪殿撰繹楊處士晉無一日不聚青桐軒及蔣公官禁近以書招處士入都處士數以疾辭處士爲人孝友與人交誠信而負意氣嘗曰盈天地間隨遇可以移情惟山水入人最深俯仰往事如空花流水此心不拘於物而游乎物之外棲遲林谷可自娛矣遂自號棲霞年五十四卒子逸女荃皆以画名逸久客京師遊蔣文肅公之門

仁皇帝問公弟子工画者擬以逸名薦逸以母老謝女適某生歿以苦節著蘇州守童公華采處士事蹟入郡志焉

在亭叢書卷六

八

朱刑部傳

君諱成家字宣三又字華園姓朱氏其先新安人系出徽國文公之後六傳有諱玠者仕元爲樞密院出鎮九江子珍明洪武初作令休寧政有名跡民思其德崇祀名宦子孫遂家焉曾祖景萊國子生潛心理學著有文集語錄行世學者稱眉白先生祖台日學問淵博尤深於程氏易傳國初家於吳生子九人啓亮啓堯啓昆尤知名以子啓昆貴累封翰林院編修君父即啓亮也字立菴耆德宿望里稱善人誥封奉直大夫刑部陝西清吏司員外郎君幼穎異髫髻時即以古人忠孝廉

在亭叢書卷六

堯

恥自勵嘗侍奉直公及叔父編修公凡議論聞見得之家庭尤多年十七遭內艱哀毀骨立奉直公年高惋愉色養無少懈迨捐賓客終其身如孺子慕從弟袞官臨晉縣著廉名以前令逋帑遺累君傾囊代完帑金其孝友類如此君任刑部陝西清吏司員外郎仁心惻隱於刑獄必誠多所勾檢凡歷政所不斷法理所難平莫不曲盡情偽雖老猾吏咸瑟縮奉行無敢訛法始部堂官以初任易君旣旁睨其所爲遂相器重當秋審案牘山積嘗終夜然燭詳求欵獻累歎務歸平允時

世宗憲皇帝矜惜民命特令諸司官各進條奏君陳八

事切中時弊亦蒙採可施行至滌刑具視囹圄燥濕飯食醫藥必使諸繫者得沾實際而心始安君清介克持雍正二年九月因奏事稱

旨方是時

上念司官勞勩給與飯錢君獨與白公奇不取

天語褒嘉時顧廷臣謂其老成篤實蓋操履廉恪不名

一錢

聖主知之有素也是年十一月

上謁

聖祖皇帝山陵冬至郊

在亭叢書卷六

聖

天俱令隨從駿奔左右恭逢其盛其後以積勞疾發乞歸後病少愈雅與吳中諸薦紳姻戚故舊留連水石蕭閑自得性樂善慷慨慕義敦倫睦族行惠鄉里有不能自給者則予以錢粟嘗焚其責券婢年及笄悉放歸母家婚配人以長者稱之謂有父風也卒年五十七子八人緒繼昭繼暉繼晨勲繼暉繼暉繼暉皆通仕籍繼暉抱異才好行義有志於先人之事業與子交請余立傳因次第之如右

論曰范蔚宗有言循良之吏國家之所以爲理也求之甚難比部君回翔郎署履正奉公

聖主屢加崇獎乃以病乞歸不獲究其施設昔人所謂積德於身責報於天若符契者果安在哉然君之諸子皆能振起譬諸騏驎追風掣電視天尺五又烏可量耶若比部君者可以風矣

在亭叢書卷七

長洲 李 果 碩夫

施考功傳

施考功何牧字贊虞一字覺菴蘇州崇明縣人父某考功少自刻苦於學家貧歲飢雜蠶豆菜腹以食其姊欲食之不爲往康熙乙丑中禮部試戊辰殿試二甲進士授中書遷主事歷戶部某司員外度支利弊經畫敷陳多所匡裨九卿有會議堂長命屬稿初無瞻顧至有不**可必力爭而後已**時滿洲尚書某公欲庇一人微喻以指考功不聽客有欲於富人某貸萬金者富人重考功言客願以千金爲壽考功不爲動未幾富人没入官介紹者皆致累遷吏部稽勲司員外郎轉考功司考功風裁峻整察貪廉精考核甄別以公人不敢干以私每引見監司郡縣吏奏對有體

上嘗稱其能退朝與同官坐藤花廳吟嘯藤花明禮部尚書吳文定匏庵先生寬官吏部侍郎時手植也有詩紀其事在京師居永光寺麤糲不繼俸廩外不名一錢諸僧見其清苦咸曰公乃僧官耶歲壬午充貴州主考官至則取柴大本等多孤寒而力學西南士子是科稱得人黔遠處天末厥後人才蔚起蒸然丕變人皆謂考

功舉拔之公所致也考功既年老乞歸隱於吳城東南隅顧氏園考邑志即吳文定東莊乃芟其榛蕪疏池補石藝花藥種竹百挺於西牖當夏忘暑一二故人及浮屠相往來考功嗜詩歌圍棋嘗輯韻雅宋人梅堯臣陸游詩集及明詩去浮行世優游二十餘年年八十二卒初考功通籍後去京師遂不復渡海至故里然恒以未遇覃恩不得誥贈其先人言之涕泣而念其季弟不表三娶皆無子初娶黃歿嗣某繼娶黃以某嗣最後娶曹氏復以某嗣考功有一山詩集屢易其稿近體有錢劉風

在亭叢書卷七

二

李果曰予交考功垂二十年考功謙謹不恥下問去予居三四里時時使人示以詩其贈予詩云一日遣僕常兩回蓋實事也後予移家鷺鷥橋與考功居前後益早暮至園亭近城有野田去女牆不數武非有巖谷之勝然過之者重其人留連不忍去清風名德爲東吳首屈一指有以哉

陳學士傳

陳學士名璋字臨湘一字鍾庭先世崑山人明末遷郡城五世祖允昇隆慶進士官至湖廣學使祖國子生衷恂有隱德嘗傾囊贖鬻女償官逋者父學洙順天舉人以學士貴誥封如其官學士年十二喪母十四隨封大夫館歷城朱進士所讀書恒終夜不輟進士恐其致疾夜令滅膏火中康熙庚午舉人甲戌成進士是年分南北中卷士限於額蘇松二府入額者惟學士一人改庶吉士散館除編修以封大夫在家請假歸侍者五年始詣京師補官癸未充會試同考官稱得人是年始迎養封大夫於京邸時奉敕修皇輿圖表治河方略分纂宋金元明四朝詩書成後六年充日講官起居注凡兩歲四遷官至侍講學士五十一年提督直隸學政任滿轉侍讀學士後五年與修密雲城仍起居注其明年二月侍班

在亭叢書卷七

三

上前以記注未當有旨詰問學士偕同官花色伏闕謝罪未幾花色構誣以奏部議極嚴聖祖特旨與侍講趙君熊詒同罷職復命於原處行走時封大夫年八十矣方學士被議赴考功聽勘畫則易服出歸則愉色問起居舉止言笑如常時學士每下直

歸有傳呼聲封大夫久不聞怪以問左右亦不言會貸帑金竣城工又所修萬姓統譜及再修治河方略諸書亦告成歸有日而封大夫疾作後二年卒於京易簣前始泣告以故初學士長子拱乾觀省至都以弱病卒拱乾邑諸生能詩封大夫所鍾愛年三十學士甚悼之恐傷老人心亦不言也學士自數歲即知孝道母劉夫人以積勞瘵臥牀親調湯藥時其饘粥溫涼既遭喪禮如成人督學時念封大夫篤友于迎叔父至使署終其任始去當學政日敝奉使者或多瞻徇提調官輒挾以牟利學士甫下車奮曰文衡重任其敢弛清節耶首試保

在亭叢書卷七

四

定即絕請謁杜苞苴振拔孤寒錄忠孝貞節之後以勵風教歷諸郡無敢干以私按部至高邑訪趙忠毅公南星後人無傳者爲之歎息少習國書起居館滿漢檔子詳審精核當在城工日方承纂萬姓統譜往來挾書自隨入直則翻譯記注不少休歸田後嘗語人曰某侍禁近二十年初無積勞蒙朝廷優容今得重經舊邱皆

聖主之賜也次子鴻熙辛卯舉人廣東鹽運使前爲順德令時迎學士至治所留一年歸學士居西郊終歲不入城葺屋三楹名曰陶軒擁書吟諷郡邑吏罕睹其面

雍正七年七月會弔友人母喪於杭州舟至浙西門忽類中暑時方與容對奕手一子置奩中遂逝年六十四其族兄同年生陳侍講恂以所自製一棺舁至經紀其喪焉學士喜爲詩間語予曰吾學詩初宗放翁意盡氣薄晚乃知老杜沉著有東冶集十卷

李果曰退之稱曹成王遭誣在理念母太妃年老將驚而戚出則囚服就辯入則擁笏垂魚此人之所難若學士者其不欲傷親之心非有同之者耶宦游二十年無樵蘇之業葺屋以居而能不易所守其恬逸自得過於流俗遠矣若世之巧宦以自飾者奚取焉

在亭叢書卷七

五

吳石齋傳

君諱瑗字豐玉一字石齋江西高安人其高曾皆力學敦行君七歲即好學當滇藩倡逆所在竊發居人避禍君父以策有遠識獨守田廬率衆捍禦而徙家屬他處君時方數齡每聞警輒披王母母冒險阻出走而令老僕擔負兩弟以行雖極憊猶時時作笑語以慰親心然屢遭蹂躪幾無完巢恫其父勤苦莫能代恒中夜飲泣年十四應童子試瑞州同知談公某以名進士視篆擊節賞其文是年補弟子貢明年食廩餼方是時文體庸滑不振君力矯其習務發明聖賢精蘊而用力於實學

在亭叢書卷七

六

常語人曰自帖括取士舉世專務虛言成周德行之選幾無所用之學者躬行實踐苟所履敦篤文自不至流蕩而無檢識者以爲至言君賦性慷慨恒思歷名都通邑接當代奇偉之士以擴聞見乃渡河踰齊魯遊京師刑部張侍郎劬齋一見延課其孫或謂小學何足以盡持躬之道君曰橫渠謂教童子有四益庸可議其未盡道耶歲戊子復携其子入都將與荆門胡侍郎抑齋商校選文以失血病歸既疽發卒君幼體羸多病母喪哀痛呼天血下數升數瀕於死父病君奄奄微喘猶強起扶持視藥爲人平易舉止以義聞人急難迫切赴之怨

爭者微言喻導退而多自悔且相戒毋以澆薄汙長者聽也痛近世士大夫家昏祭失禮考求三禮參諸儒圖解集爲圖說晚年尤好象山集客有論其主良知與朱子異者君答書大要謂象山純粹雖不逮周程然其議論簡直學問必求諸心不離孝弟忠信篤敬起居酬酢皆歸於切實其服膺朱子則往往見於與趙監勾熙載陳倅諸書兩公何嘗盡異哉病患經年猶日緇六經性理朱子綱目諸書易實前屬兩弟及諸子曰吾讀書數十年苦於大道無所見惟幸此心稍不放逸學問之道無他而曹勉之遂卒年四十有八子學山歲貢生學海

在亭叢書卷七

七

郡庠生

李子曰江右多理學儒若周子朱子後先知南康軍而周子遂家於匡廬之蓮花峰下金溪則陸九韶九齡九淵弟兄一門講學其流風餘韻至今猶有存焉觀石齋答友書深信陸氏之學超朗簡直非有深思定力而能若是乎或以其屢試不第惜之不知科第者前輩特由此以進身士之以道持躬者遇合非所論也若石齋者可謂好學之士矣

方太學傳

太學生方朝字東華廣州番禺人其先自閩宦遊至廣有諱金璧者始居番禺之韋涌十五傳至郊城令殷元僑居蘇州朝郊城仲子也郊城負異才善樂府詩古文學有源本朝幼病目遂不專舉子業郊城教之習古蓄養既厚而有器識既長能抒所蘊以作者自命嘗曰吾拙於用世思惟文筆可以經久見吾志益涵肆於古文歌詩其五言古詩追漢人雜詩詠懷類阮籍五律出入高岑杜甫七言有王維李頎之風文師馬遷韓愈出之以神采頗好莊子多寓言與會所至頃刻數百言而說

在亭叢書卷七

八

理處極深書法行草疎宕可愛類晉人落筆爭為人携去家有園多水木不甚治自名曰勺湖遠方士慕其風咸造之郊城本名進士其年家故舊滿海內從未懷刺一見有兄還同居其奉老母梁饌必特設躬侍食稍不進七箸則竟日傍徨夜則侍寢母傍以時起居閱一兩月母命歸私室乃退客至或母有命肅恭將事事治而後對客母年九十餘壽終朝時年逾艾哀毀不廢禮春秋之薦及諱日先期擇吉凡所嗜必陳之前哀形於色事兄敦友愛析產不擇美惡嘗指一困粟六百石佐况之用季弟常早世嗣以次子兩姊適金氏者厚遇之常

迎之歸與母處母女俱能詩相與吟詠談舊事忘其年邁母歿後亦然南海周孝廉大樽高潔士也朝與友善來吳同賦詩大樽歸老病死朝悲之錄其遺稿陳勵亦南海人以孝廉赴京選過吳暴卒朝為之殯斂故人劉震喪歸朝資助之且卹其家若此類不可舉然產亦由之以落長沙陳恪勤公守蘇州與朝友後以侍郎督河多節省河課以治工朝為書千餘言勉其勿進羨金引閩撫軍陳瓊眉川為語其古道明大體如此性好山水自幼隨郊城在山東遊泰山壯歲返嶺南登廬山遊會稽禹穴又返嶺南入京師所歷山水舊蹟停舟車尋訪

在亭叢書卷七

九

見之於詩又取左國策史記昌黎文及五子之歌古樂府漢魏晉宋迄唐詩選一集好吳人祝允明王寵諸人字蹟憂悶時出以自玩復彈琴為樂郊城著環書窮性命之理盈虛之道朝淹貫於中多師之以是垂老境不甚適而能隱約自安有五子皆早殤惟次子程授室亦不祿遺一孫權程即嗣弟常後者權八歲方歸宗朝卒年六十學者稱勺湖先生

李子曰郊城之學精明而善韜晦其臨民治家有果斷類老氏東華謹默而篤厚不騖於外然見事遲多因循俗流鮮知之嗟乎東華雖無用世之志而其厚重之概

孝友之行嗜學之深無媿古人可以陶冶世俗乃閉門用老豈莊生所謂無所可用以全其天者可同日語耶予交最久爲序其生平蔡中郎稱郭泰有道若東華者其庶幾哉

二吳先生傳

東巖先生諱瞻泰字良齋漪堂先生諱瞻淇徽州歙縣人姓吳氏同母兄弟也曾祖一初明太學生崇禎初客固安會兵警與縣令王九鼎登陴守城破同日死妣方淑人撫九歲孤族有無藉子窺其貲持兵往脅淑人匿孤他所大呼與同命孤即其祖曠也爲名諸生父苑康熙壬戌進士官檢討嘗扈從馬蘭峪索筆應制

聖祖皇帝賞其文十旬間四遷至國子祭酒試八旂官學生以文請廣鄉會額正教習位無旁坐教習歲滿請悉授縣令語在金檢討德嘉傳在雍三年乞歸養母學

者稱鱗潭先生兩先生少好學東巖治六經外喜莊列秦漢韓蘇文年二十五補縣學生江左翕然以能文相目後遊太學名動京師試南北闈十五連不得售楚中屠公艾山中州呂公見素夙負冰鑒名東巖仍不過撒棘兩公皆手遺卷至扼腕折節定交出著作請質漪堂少東巖十一歲六歲即從東巖學後十年隨祭酒公京邸祭酒公分纂一統志明史禮志禮經講義每命漪堂先屬草漪堂由是益習典故深考義疏年三十四成進士爲翰林庶常在館兩月請假歸初漪堂已卯登賢書明年遭祭酒公喪服闋赴會試母程淑人送至門曰何

時見汝漪堂以下第即歸對曰得第奈何曰館選非所望得第亦歸耳又曰館選奈何則跪請曰必陳情母廬母懷方是時程淑人章衣淚漬咽不能語漪堂年未強仕乞歸長安故人屢以書招不應以程淑人故也東巖既悒鬱不得志於有司家益困則涉江踰嶺走江漢閩越之交以就館慨然曰爲國家銘功紀績鼓吹休明非某職矣稱述祖德垂後世法發諸文章據吾懷抱可乎輯家乘上溯得姓之初至於父祖彙註陶詩成杜詩提要十四卷刻之江都刪補文選詩註二十三卷矯昭明門分彙別之例按時代相從正六臣之誤藏於家其文

在亭叢書卷七

七

介無城府不見喜愠之色急人患難不計有無脫同年生某於危代故人子某償官緡幾百金助葬施布衣璜皆出自乞假與黃孺人篋笥物祭酒公家訓族子弟貧莫能娶者歲婚娶二人循長幼以次任漪堂克踵行之紫陽書院明季移建祀獻靖及文公祭酒公歸田講學其中東巖漪堂奉遺命新之爲之志并成歛邑崇祀考雍正某年邑令某舉東巖孝廉方正不就郡延鄉飲勉應之後以禮徵博學宏詞辭以老歲乙卯東巖年七十九夏四月卒漪堂哭之哀至冬亦卒年六十八東巖子二人漪堂子三人東巖子金翼已酉舉人漪堂子中衡已酉副榜亳州訓導尤知名

在亭叢書卷七

七

擬贊曰余讀南史梁何遜爲中書令去官與兄點栖若耶山世稱點爲大山遜爲小山若東巖漪堂者與點遜兄弟抑何相類耶東巖初思奮庸於時旣歸老谿堂以樵終少壯豪氣猶躍躍欲動漪堂早賦歸田循南陔之養湛冥無欲意趣不羣與祭酒公一也不飾其美進退以義東巖兄弟其賢矣哉

杜吉士傳

吉士諱詔姓杜氏字紫綸又字雲川常州無錫人居城南人呼城南杜氏父芳鄉飲大賓崇祀邑鄉賢載江南省志孝子傳吉士體弱多疾而幼聰慧好填詞邑前輩顧舍人貞觀嚴中允繩孫見之喜曰風雅得一人矣年十八始治舉子業康熙二十年甲子以太學生應試困場屋者二十餘年乙酉春

聖祖皇帝南巡駐蹕蘇州召試二百人 欽取五十人吉士名與焉吉士進迎鑾詞梁溪望幸詞 召對御舟賜宸翰遂命入都兼給帑金治行相國陳公廷敬

在亭叢書卷七

古

薦吉士詞學第一充詩餘館纂修又明年分纂廣西省方輿考略歲己丑命修詞譜辛卯舉順天鄉試出尚書趙恭毅公門會三館書成以勤勤最議敘得主事方試禮部不就補壬辰 欽賜進士選庶吉士癸巳

萬壽覃恩加一級授儒林郎 敕封父如其官是年散館改進士館教習以詞譜未竣應得官未補吉士念父年老歲甲午以終養告歸館師王宮詹奕清謂館中詞學莫如吉士者固留不可乃奏移書局於太倉就近校定書成而封翁卒服除吉士竟不赴 闕吉士居里黨以孝友著稱當乙酉冬

上賜文雉嘉魚復賜狐裘並郵寄封翁自乞假歸奉封翁寢興出入必隨封翁耳故重聽口陳指畫每深夜候熟睡始安招諸故人與封翁洽者日宴飲道舊故爲笑樂吉士有兄曰次陵長吉士十有四年持門戶久吉士得專志於學既析產念其食指繁產日落乃請封翁凡所贏餘盡歸之兄復益以已所得財及田租盈千金兄歿復減已田百五十畝分給諸幼穉貧族之居城南者予之貲老病孤寡月給所費歿而殯葬之皆務厚施君曉尤吉士少歲師老而失明贈之田歿爲恤其家後子孫相繼亡求其從孫某嗣之房師三原楊公卒京師與

在亭叢書卷七

圭

同門蔣君汾功營殯殮遣其櫬歸葬後遊秦中哭拜於墓爲文以表之乃去查學士某知吉士最深臨卒時握吉士手曰欲以後事相累既歿經理其喪其篤於師友類如此吉士於世事略不經意而於地方大利害不忍坐視雍正己酉秋邑中冒荒議起吏胥寢成大獄人心皇恐吉士密語所知達之大吏通檄禁止事乃寢壬子七月大風壞田禾無錫金匱兩邑令憂之吉士與華中書希閔遍行城邑勸富人出粟賑濟全活無算吉士親喪後澹於宦情始由荆溪至姑孰盡遊姑孰山水甲辰春遡淮抵河南入秦中年六十諸子欲迎歸爲壽吉士

論之曰吾自渡河以來詩日多興益高乘此精力未衰極天下奇遊壯觀以大快吾志此則吾之自爲壽也即於是日出秦關歷山右諸勝比秦中歸常曰當一遊天台雁宕匡廬於願足矣取篋中衣典金作遊資如集中典衣遊天台詩即是也甲寅從江右至閩遊武夷九曲諸處惟新安黃山未至耳自給假歸二十餘年出遊居多居家坐臥半樓嘗獨坐溪橋閒操小舟乘月蕩漾以爲樂其著述已刻者詩十四卷浣花詞鳳髓詞鳳髓外編詞共四卷文三卷統名曰雲川閣集壬子迄丙辰詩五卷蓉湖漁笛譜三卷文七卷尺牘二卷未刻四詩文

在亭叢書卷七

六

中晚唐詩叩彈集已行世其選而未刻者文源宋元詩叩彈集 國朝詞選又嘗輯山東省志

今上乾隆元年詔舉博學宏詞浙督大學士嵇公曾筠以吉士名入告吉士爲書數百言陳不可復至杭州力辭留西湖當六月受暑歸而病卒年七十一是歲正月朔吉士坐半樓抽筆欲作書忽不見其穎熟視之固在也乃曰吾與筆緣其殆盡耶越七月竟卒

李子曰吉士詩凡屢變少時自言酷愛樊川流利似香山又學義山旣又好澹遠而其爲人襟韻閒逸可與其鄉之嚴中允藕漁稱同調中年以後筆力出入少陵於

詞學風流蘊藉梁汾謂詞如其人文簡淨似廬陵紆徐而有致顧好遊詩與文以是益多予與之盤旋辨論久之深至其孝友宜在獨行傳而其行德往往不欲人知宜其子孫用文學世其家矣

在亭叢書卷七

七

李湯傳

李王臣字立誠湯世堉字殿公皆吳人皆通於醫李子家金閭門之西湯子居婁門兩人初不相知既而論議相友善稱同志於是東西人咸推李湯云李子先世不能詳父某有隱德楚穀城方寺丞征思故明忠介公岳貢子也 國初避地居蘇州窮老賣卜而負氣節李子父常左右之湯子父萬煜工醫爲大興劉獻廷高弟有家學李子少明敏讀書不數遍終身不忘爲制舉文操筆立就窮軒岐仲景諸編能隔二隔三治湯子幼即曉醫大義既喪父益博問慎思兩人舉大起而湯子稍後

在亭叢書卷七

六

五六年嘗同治山陰楊某病湯子謂病宜下書藥品於掌中李子後至定方劑始出之所用藥皆同其道合多如此李子年四十始補弟子負而學益力方切脉一手翻書側視五官並用畫則手一冊肩輿中披覽夜則燃燭擁書呼酒且讀且飲以爲常竟浮沉諸生中湯子先世嘉定人遷於長洲七世祖珍字子重明崇德縣縣丞學者稱雙梧先生雙梧生修修生聘尹聘尹生一龍皆由科甲躋仕途一龍子六人名本濟者 本朝順治初武進士官山西都使司僉書都使司之子名傳祝湯子大父也當湯子喪父時甫弱冠季弟世堉五六歲母病

心疾而家又多故貧無依倚湯子以一身支垂三十年奉老母事之盡職教季弟學爲娶婦使有後湯子既精醫諸負重名不能治者治輒效而不屑骹骹以圖利四方乞治者冒寒暑往不自知其體之弱疾之深也李子長於湯子十餘歲年四十一以雍正元年卒後十年湯子卒兩子並篤氣誼振人之急雖力不足亦曲應之大興劉子死無嗣湯子以父故春秋祭其墓他如助婚代葬不一其人湯子幼以疾失學二十時始執經鄰塾其力學困苦與李子同至爲人講說醫理反覆不倦李子性紆徐未嘗與人較曲直而湯子性質直有不可者不

在亭叢書卷七

九

方穉子傳

穉子名良孺字稚子姓方氏系出漢縣侯尚書令儲公後其後有弦公者自寒山墩遷銅山路口十九傳至其父鹿村翁士瑄客遊豫章僑寓饒州之夢洲穉子年十六從焉豫章多文人碩士鹿村翁相往還賦詩論文穉子顧而樂之慨然曰丈夫要當以文章學問見著於世奈何碌碌塵網耶卒博覽群籍寒暑不輟寧都魏叔子禧以文章名海內鹿村翁與交其門人清江熊頤有行誼穉子請業多得其益爲文下筆無滯而嫻雅人多稱之先是康熙甲寅新安遭兵燹鹿村翁善會計家中落

在亭叢書卷七

辛

者漸以恢復至穉子復兼治生經營淮揚江楚間業益大穉子既深於嗜古通古今事而有明敏才遇事果決鑿鑿得失雖老成人皆以爲不及也母徐賢而明穉子弱冠遭其喪哀不踰禮時祖母鮑猶在堂穉子奉其祖母與其繼母朱以孝退居子舍痛念其母恒抑鬱不樂呼天而泣而侍繼母又多愉色婉容歲丙辰祖母邁疾家書至豫章時鹿村翁已六十餘不耐跋涉而心甚危急穉子既治舟請少緩權翁曰事急矣若何緩穉子曰兒由陸路疾馳計日可達翁許之於是冒暑進抵家遂以積勞成疾不半載卒易篋前呼子善祖語曰子無他

恨惟色養弗克終耳寄語爾叔善事吾親時穉子弟良需在西江也又出篋中負券數紙命焚之曰當其貸時吾心已贈之矣又示其子某處熱費若干某處貨值若干令償之遂卒穉子甘儉約好行其德矜孤寡終其身爲謀朝夕又立義塚以埋暴露者新安地窄人稠鮮腴田以賈代耕穉子慮有盈絀出貲置產給諸弟子亦人所難也子二人善祖太學生吏部考授州同善祈郡庠生貢入太學

在亭叢書卷七

壬

李子曰子讀其子行略不獨穉子賢乃其配汪亦賢者也舅與繼姑與夫子客居豫章以孫婦而善事其祖姑祖姑既逝夫子亦棄世而舅與繼姑猶在豫章子長者年才十四耳備嘗荼苦以撫其孤而又廣其址葺居室釁生肘腋以理得直營兩世葬命其子恢廓宗祠非壘而丈夫者哉而穉子之賢刑于其室可見矣

楊士選傳

楊士選字有貞蘇州吳縣人父公瑞操廢舉術走中州營什一之利屢竭其貲鬱而成疾欲歸又不得父之客徐生者來蘇州言其狀士選時年十六聞之瞿然驚起向母曰父病危隔二千里煢煢無倚有子不得侍何以立天地間兒今日行矣遽束裝出門舟經黃河顧視東南雲氣如死灰俄而風大作雨亦暴至鄰舟覆者凡四舟人相顧失色士選泣禱曰某數固應死但願一見父死無恨有頃風轉雨止舟竟無恙抵懷慶人呼爲孝子舟先是其父病逆旅久家問不通自度無生理夢神人

在亭叢書卷七

七

語之曰爾子當至矣勿復慮比士選至人咸聚觀稱異父驚且喜病少愈士選遂奉父歸方士選父業賈時家已落至是益窘值歲荒食米騰貴士選與其妻饜糠粃間屑豆食之而於父母曲盡甘旨父病思食龍眼時移居下堡村僻不可得下堡近洞庭東山因渡太湖覓之中流遇風波浪衝激同舟數人皆溺獨士選以漁船救免父母歿士選葬之吳山歲暮河凍持篙擊冰膚盡裂又手自穿窰負土以葬廬墓百日遇時祭泣盡哀烏鳥聞聲輒下後數年家稍裕士選食麤糲衣布終其身念親在時食貧故也士選自六歲入塾塾師講說古人孝

行輒喜窮其本末燈下爲父母稱說曰兒他日亦願如是或遺以時果必携歸餉母母暑夜績爲手扇驅蚊論者謂其孝蓋天性云卒年八十配唐氏庠生姜震女有淑行姑病疽醫者言不治氏含泣吮之出毒血數碗得愈蓋亦孝婦也

論曰予觀劉歆西京雜記載後漢顧翽事母至孝母好食雕菰飯家近太湖湖中乃生雕菰無雜草遂日以爲養勝國時劉龍光因亂與父母相失徒行至盱江夢張令公告以寄居石滌竟得母歸而携其父之櫬兩公皆吳人也士選渡湖覓龍眼事頗類翽中州尋父雖非道

在亭叢書卷七

七

梗之時然年未弱冠蓋常情所難矣屢瀕於死若有神人相之庶幾古人之行哉他日太史采風論吳中至行知必有載之史乘者爲次其事云

清平高義女傳

山東清平縣高義女名妙青明成化間人年十五喪父母其兄嫂亦故兄遺一子鼎甫二歲族人利其財欲害之義女始終保護得不死年三十五鄰媼勸之嫁義女曰吾姪尚有童心更數年扶掖之俾成立予則就木矣尚庸何歸乎遂以處子老嘉靖三十年卒年八十有八其姪之子孫衆多迄今蓋一百幾十年矣荏平令錢塘吳陳琰寶崖識其事慮其久而湮沒乃徵諸海內文儒爲詩歌表彰之春秋傳齊軍至魯義姑棄所生而抱兄子齊人曰魯婦人猶持行遂回軍不伐若高義女者旣無父母而獨能不嫁以撫兄子保其家產殆與魯義姑易地皆然者歟世之男子託孤尚難而以一弱女子卒如此亦可以媿丈夫而角巾者矣長沙陳公鵬年賦詩有杜陵意乃爲之傳

陳貞女傳

貞女姓陳氏蘇之長洲人州同某之女祖某祖母顧苦節三十年載於郡志母某氏貞女貞靜肖其母言動中禮則父母篤愛之許字埭川顧賓臣賓臣年二十以疾卒猶未昏也女年十八聞而悲水漿不入口者六日夜父母婉以勸女曰兒不幸喪所天義不獨生辜父母恩矣又曰死固吾志得奔喪持服立伯氏子以守宗祧兒之願也不然有死而已父母又婉以勸令守貞於室女曰我身已許顧矣家居反爲父母累不可父母知女志不可奪乃告於顧迎之歸以長男亳州學博某之子潛爲後始一啜水漿入門後哭於其寢衰經未嘗去身踰三年病死其姑哭之慟於是前輩宋孝廉寶穎彭侍講定求周處士靖諸君皆賦詩紀其事巡撫都御史永寧于公儀封張公郡守恪勤陳公總制鐵嶺尹公後先表其廬或謂貞女奔喪處禮之變記有之未昏而女死壻弔者異耳今貞女未昏而哭其夫居其廬見舅姑奉事晨昏立伯之子婦道妻道並見將終身焉豈過於禮耶處變而不失其常殆有合於德貞者矣議禮者宜通其義焉

李子曰吾聞潁野有華氏者亦年十八未昏夫施死華矢志守貞江撫睢州湯公特請 詔旨旌其門此康熙某年事也若陳貞女者其志行不既侔耶何其遇之殊也然女之貞固根於心而有得於祖母之教者其志其行固非欲爲是以求旌也女死於顧女心安矣嗚呼拘曲之士惡知禮意哉

胡節婦傳

胡節婦松江南匯人姓蔣氏爲同縣胡偉妻歸胡氏十年夫死子士經士紳幼康熙庚申辛酉間連歲薦饑井日不得食有憐而動之改嫁者氏勃然曰吾所以不死乃以此兩兒欲冀其成立耳清白子可父事他人耶晝夜織布節操愈厲初舅姑同病而姑病尤久氏與夫侍湯藥食飲洩泄痛癢寒暑不少懈偉既痛其父母後先奄棄哭之哀毀骨立患瘵病三年家益落氏營藥餌殫心力偉病劇不能言輒以手指其兩兒氏作色言曰此分內事此身未亡縱飢寒決不使兩兒失所以辱宗祔

其後兩子卒賴母之教治行篤實能以潔白之養養其親偉有弟三人佐佑儀皆羈卅氏曰吾不可不教育之既長以時婚娶同居者五十年娣姒間絕無嫌間里之人敬慕之皆稱曰胡節婦氏年十八嫁偉二十八歲喪夫今年八十八矣守節六十年江南督撫上其事乾隆三年 詔旌其門

贊曰吾友張曉山氏初居松江爲予述胡節婦事甚詳以熒熒一嫠婦不獨撫其二子且能及於夫之弟三人當歲稔之後撫育成立寧不足以翼綱常扶教化哉蔣氏故舊族其先世有給諫諱性中者立朝侃侃氏之高

祖也詩書之澤久而不衰節母之賢其有以也夫

吳母夏碩人傳

碩人姓夏氏長洲人父處士公禮言母胡有節操碩人年三十一繼室吳君德文前室子二維屏六齡維翰四齡碩人鞠之如已出越二年吳君病瘵臥床蓐又三年而卒碩人所產子維藩甫三齡碩人艱難困苦教維屏以讀書行已之道久而稍克自立維屏教兩弟砥礪於學兩弟視兄如嚴師母有或違碩人病維屏與兩弟侍醫藥不解帶者幾月及卒哭踊盡節聞者感歎碩人有令子爲不死也方吳君之疾也相內外無鉅細皆碩人任之既寡家益貧薄田數畝供賦稅徭役外饘粥不繼

當是時雖偉丈夫且束手而碩人以一女子獨力左右支吾又連遭凶歲早夜勤作藉十指以資衣食每事必本於禮未嘗有失尤通達事理外侮能禦之嗚呼此非獨其志之堅亦以見其才克勝其志也先是吳君疾革視碩人若有言囁嚅不出口碩人曰吾誓之於心久矣三子當死生以之乃瞑碩人既家計憂勞感風露病欬失血三載今年正月設悅日諸子稱觴碩人愀然曰吾數年來神悴心竭今藥久而不少瘡殆將死矣顧三子而悲屬維屏治棺衾家人怪其言至三月十日果不起凡部署身後事無毫髮漏諸子受成命而已春秋四十

有九蓋守節十四年性貞靜事親孝知書通內則大義持大體遇族黨禮意有加族黨咸稱之間事吟詠有綠牕稿一卷

李子曰母子兄弟之際難言矣繼母而慈者尤難古之孝友稱王氏祥覽兩人竭其至誠迨晚而祥乃得之於繼母若吳碩人之母子可不謂賢矣哉予室人爲碩人同懷女弟知之久昔晉奉車都尉任護與潘岳同娶楊肇女護歿岳作寡婦賦以摅其哀今碩人亦吾姨也而其歷艱辛茹荼蓼慈愛諸子教之成材較任婦爲賢焉述而論之以遺諸孤庶垂於後云

書文衡山遺事

予與崑縣令石君稗齋晏語及文衡山先生稗齋曰向見別集郡有富室者慕先生名迎至家方秋暑酒罷留先生宿盡以席上銀杯陳榻前將以貽先生先生端坐羅幃一人突入攫二杯去蓋坐客也先生曰言之其人絕交矣詰旦留一簡與閣者給曰杯吾暫假去歸而訪知某工所製經營半月製以償焉又儒生某積館穀五十金強留先生所權子母利月請給之後儒生年老盡收其資歿而其子不知也請於先生先生如數應之其夕子夢父怒責曰文先生長者吾往以失館盡歸其資矣麓中某書卷末有次第筆記可稽也亟以還否者吾不佑汝其子乃以銀歸先生先生曰若翁所存固償之矣此五十金以吾子窘敬爲故人助喪耳勿辭他日爾翁見夢幸告以吾意按先生當明弘治正嘉之時文章德望著吳中奔溫州公喪却千金賻寧藩召先生不赴而封識其書幣見於王弇州傳蓋其行義若此若二事者於先生爲細行矣然能周旋於隱微之際不輕暴人過失非古之行隱德不欲人知者耶直不疑償同舍郎金載在史書若先生者高出於不疑矣稗齋亦奇士長洲人讀書不三編終身不忘作令晉陽有惠績子交即

文氏族孫山陰縣丞軾之壻以是知之特詳云

紀沈荀蔚始末

沈荀蔚字豹文又字亦客太倉州人明崇禎庚辰進士成都府華陽縣知縣雲祚子年五歲隨父任崇禎十七年三月流賊張獻忠破成都華陽公與巡按劉之渤推官劉士斗成都令吳繼善俱被執囚於大慈寺公絕粒半月不死賊遣其黨饋食以刃脅之降公從衆中手擲案大罵指其口曰我有口食賊肉耳寧食賊粟哉公貌偉至是奮怒目光炯射鬚戟張遂被害時年四十有三之渤士斗皆死之有叅將鄒振稔其死時狀獻忠尤怒公揮衆叢刃骨肉為醢云初賊將至公自誓必死荀

蔚年八歲知之自夜悲泣公醉以酒令負之與妻女屬妻弟張士偉先護之出城渡江入邛州會上南守道胡恒備兵建昌攜家之任踉蹌同奔抵雅州恒家口為王知州所執并收荀蔚家將械送賊以浙人錢州目力得隨衆竄孔家坪王知州名國臣陝西人久通賊時道路皆傳華陽公殉節荀蔚母子不敢發哀乃由思經山至洪雅縣轉入八面山洪雅土兵假起義名恣劫奪荀蔚數被掠匿空窰中土兵指為偽官家口驅入九溪山過鬼門關鐵鎖橋見其帥黎神武告以實神武處之小尖山西緡寺稍資糧糈後神武從故明監軍道內江范文焚入雅州文焚

華陽公故人也名與其舅同見檄其舅署洪雅縣事而送荀蔚至乾壩陽就近供給 本朝順治三年十二月肅王奉 詔西征至漢中獻忠伏誅賊黨孫可望高承恩劉文秀李定國等猶各擁眾爭屠戮楊展名經理川事實為亂自黎雅而外皆屬展稱錦江伯設四鎮於成都勢尤大四年 王師在重慶遵義范文莢至洪雅荀蔚自乾壩陽往見之其舅張士偉改署儒學篆未幾病卒荀蔚勢益孤而文莢念華陽公殉節為立傳置田三十畝於乾壩陽給荀蔚母子時川中分據者既眾闖賊餘黨李赤心等十三家在建始縣皆有侯伯將軍位號

在事叢書卷七

五

六年七月楊展為表韜所殺其子璟新走免眾皆降韜韜據重慶寨山坪者也有陳安國者引兵為韜掠地行焚劫荀蔚家燬冒雨走夜入大龍溪明日登其巔路險隘止湛定寺十一月復返乾壩陽七年正月洪雅土酋葛佑明作亂九溪復徙入八面山不出者六載十二年滇人何吉生邀荀蔚至其父眉州守治所同研席初荀蔚在西縉思力學苦無書得殘編於敗甲中其舅綴而課之至是乃出試遂與何生同寄眉庠補廩餼是歲為蜀難叙略十三年冬劉文秀自稱蜀王至洪雅乾壩陽花溪雅河所匯處名天生城建宮殿及官署荀蔚田地

盡為軍營其明年華陽公故人銅仁萬某官巡撫留荀蔚委攝崇慶州學正荀蔚痛父死忠固辭省母母尋卒於八面山之白巖溪而妹已嫁彭縣趙弼子身欲東歸不可得益漂泊十六年至天全土司所值高承恩夜襲土司竄逐崖谷懸繩以渡經無人之地六七百里始達冷齋鮮威土番獮獠諸堡若屢瀕於死五月潛出榮經縣九月自洪雅入省城城中鹿豕熊虎充斥城外白骨山積華陽公齒髮無存感痛作詩弔哭幾絕遇隨征總兵楊凌雲留止之凌雲展之子即璟新華陽公壬午所取武舉士也十七年 王師自川東駐嘉定賊眾悉潰

在事叢書卷七

五

川南乃定康熙元年總督李國英引兵東下取夔州盡翦西山餘寇其明年李赤心養子來亨自焚死四川平先是保寧通判彭文煒遷官襄陽約荀蔚與俱乃拜母墓與妹別由保寧至楚抵新灘水發舟觸石下墜以沉石罅得不死四年夏自襄陽歸故里其大父母及兄荀蘇已前歿因母黨居蘇州初華陽公與成都令吳繼善同被執後吳以長至迂獻忠死蜀久亂道遠華陽公殉節傳聞異辭荀蔚憤黑白淆濁乃出其蜀難叙略及范文莢所作傳額於當路達史館為立沈雲柞傳列明史巡撫都御史湯公斌 題入鄉賢祠四川督學王公奕

清復祀之名宦華陽公忠烈大彰荀蔚晚歲授經課子
著讀史印論古人事有確見其他雜文稿亦多康熙五
十三年卒年七十七子國亮單佑元祥國亮亦工文

書程孝子遺事

孝子程願學字某某其先歛縣人僑居揚州儀徵縣順治
十五年己亥之亂邑人相連坐中法死者二十餘家孝
子之祖故睢州知州紹儒亦及於難父免死徙口外孝
子在襁褓得留既長乃知之日夜哀思欲往戍所訪其
親既又念不可無後乃娶婦生一子未幾妻死於是孝
子挈數歲兒往道出湖廣兒病同舟者爭謂子幼且病
設一旦夭死且墮先緒孝子不得已歸復謀寄其子獨
身遠行勢又不可遂終身喪服日夕啜粥不食菜果雖
嚴冬不衣棉帛伏臘具飯祭先祖然不自食也以爲常

孝子僦居學舍傍人罕見其面爲儀徵學諸生教授經
義餬口其弟子皆造門請業孝子率不出戶儀徵訓導
長洲顧藹慕義士也聞之欣然往訪不得見復過之叩
其門無應者又偕其門弟子往出不意始識之坐定無
寒暄語視其室凝塵滿案殘書數編木榻上一單衾而
已藹乃請曰子何自苦乃爾孝子感然曰某抱隱痛不
可以爲人非以自苦也明日孝子報謁袖出一研一畫
爲藹藹謝曰子無所受於人今有所貽吾受之亦願以
報子孝子徑持研與畫去他日再過家已遷不知所之
矣孝子平生從未見一人客以宴會招者皆不赴有從

遊者其家載酒饌遺之孝子堅辭其人委之去孝子招二三所知飲食之其孤高若此後有傳其死者謁將白於郡縣俎豆先賢祠有沮之者不果行而訪其所遺研曰廉士研又私謚曰貞孝先生伐石表其墓禮曰父母之喪仁者可以觀愛焉若程孝子隱痛有不忍言者遭人倫之變終其身喪服勞苦獨行可以礪俗誰謂古人不可見哉吾友瀘州先著嘗爲孝子作傳方思渡江訪其軼事而先以文秀才舍所述者紀之著其純孝孤潔且申余景慕云

書何孝子事

何孝子居蘇城東虹橋地名韓家浜孝子誠樸傭工於外以養母母年老矣孝子日黎明爲市米炭鮭菜雜物復汲水置餅盎中而後出抵夜歸母早寢不敢扣門竚立門外俟母醒溺或聞聲欬聲乃徐扣門進以爲常一夕俟至二鼓徬徨檐下官夜巡疑爲偷兒執之孝子告以故官不信杖之事轟傳里中其後母沒而孝子亦遂死孝子貧未娶無後有賃屋一椽里人將捐貲買之請於當事爲孝子立祠而未果

論曰孝子死十餘年江西萬安令施君陞錦向客言之

而失其名施君江南解元家與孝子鄰蓋事爲其所習聞也夫以孝子至行若此有司宜亟獎勵以厚俗而乃弗恤也彼蓋內問其心度非力所能爲耳嗚呼孰知乘軒而吏導者之所不能彼傭工固能優爲之耶

記二節烈

戴烈婦杜氏海鹽人年五六歲進退有禮儀二十適戴某戴以染帛爲業而嗜酒醉嘗忘歸翁姆年皆五十餘烈婦織縑素勤苦治其家有賢聲里中有報賽徵梨園部爲戲鄰婦傅朱粉衣鮮衣聯臂招烈婦烈婦不肯往有惡少年悅其色習爲染練傭於其家室逼隘不得引避時睥睨烈婦愬於夫夫若不聞他日又白於翁姆翁姆庸黠惡少奸黠始終不疑其年五月翁買鮫去蘇州夫又醉酒他所久不歸烈婦獨與姆居姆老病小叔纔六七歲是日暑雨烈婦寢室在高樓方乳其女惡少梯空突入強抱持烈婦烈婦初正言止之惡少持益急烈婦大哭罵不絕惡少掩其口出利刃斫之死極慘酷小叔驚起怒罵亦遇害其夫聞之始歸里人白有司具棺斂都御史聞於朝斷惡少之頭里人復醵錢塑烈婦像爲建祠祀之

在亭叢書卷七

罕

溧水節婦失其姓早寡事寡姑盡孝謹晨昏甘旨必以禮一日侵晨煮龍眼一甌進於姑姑未起褰帷見有男子與姑臥急趨出後男子寤而起視甌陳几上手之猶溫飲之盡其姑乃寤婦所進者含愧自經死族人告之官官驗姑齒色黑疑媳有姦狀毒其姑死論以重辟節

婦不能辨也會熱審大吏視節婦色疑有冤又始終不言時漢陽徐君永祐爲丹陽令以廉察名檄令覆核徐君追始投狀者知爲從叔指使笑曰是無難辨成獄其在此人耳反覆叅訊將實以致死之罪從叔具引服吐實人始知姑之死出於良知爲羞對其婦也乃坐從叔以姦罪而正其讞出節婦於獄旌其門溧水至今傳之論曰戴烈婦事予得之馬江常副使詩溧水節婦則吳縣教諭虞先生言之蓋在康熙某年雍正某年也副使詩一千二百餘言樸茂頓挫有漢京之風徐君康熙中進士讀書一再過不忘予往曾識之其能辨節婦冤有以也世之號爲丈夫者媿阿脂韋當小小利害遂以瀾倒有如震川所云者而兩女子能潔志於污亂之中雖嬰危難卒之事皆暴白得以旌揚而爲惡者不得自營脫禍孰謂天地正氣不可隨地見哉

在亭叢書卷七

罕

賈孝女事略

賈孝女蘇州長洲人父太學生南式孝女自幼曉文義笑言不苟治女紅之暇愛閱書史見昔賢孝義事輒感動竊自歎曰吾爲女子無以榮顯吾親但當畢力誠事藉以少報親恩耳歲壬戌三月父抱疾孝女時年十八憐母有身顧弟穉且弱乃身侍湯藥終夜不寐凡五閱月如一日父病益深輒背人飲泣每於夜分稽顙北斗請以身代及父死一慟幾絕欲以身殉世父止之曰爾宜節哀毋過傷且而嫁期近而何自戕若是蓋孝女實許字王生玉田去婚期僅一月也孝女復哭曰某女子

在事叢書卷七

望

也此身不足爲門戶重殆鴻毛耳我不能愈父疾當侍吾父於九京矣哭轉甚繼以血視父斂後乘間自經於密室旣死其母撫其尸而哭爲易衣斂見左臂絹裹隱隱有血跡發視之乃知其父疾時刲臂又恐傷母心秘不以聞也可不謂之孝歟或疑毀傷支體以治親病非古聖人之訓且毀不危身雉經以從死父亦非先王制禮過焉者俯而就之之意孝女明於大義宜不當出此然以父子天性固結不解當其醫禱不應旣迫且危惶恐不知所出以爲苟可有益於親何惜吾體鼓刀袒臂彼其心但知有父耳卒之父病奄棄孝女慮無返顧竟

以身殉其事雖非中庸要其至性惻怛過世人遠矣彼薄於所生者方重愧之顧肆其訾訾之口乎哉當事憫其志將具實請旌以邀 曠典長洲令衛公府學教授浦先生先給以扁果意當代作者其不靳表揚之辭以備輜軒之採也爲書其略以徵

在事叢書卷七

望

在亭叢書卷八

長洲 李 果 碩夫

虎邱雪巖寺重建大殿碑記 代李侍郎作

康熙二十三年

皇上允群臣之請稽古天子巡狩鉅典 車駕行幸江南由山東涉河淮而南省方問俗十月抵蘇州次虎邱
蠲蘇松諸郡漕米復經過地方丁徭 諭督撫以潔已愛民敦本崇實吳民數百萬衆忭舞嵩呼如遊康衢擊壤之世越三載 特蠲康熙二十七年應徵地丁及本年未完錢糧民人感激謳歌載道建

在亭叢書卷八

萬歲樓於虎邱之陽恭勒

聖訓於中億兆子來工成不日後 翠華又五幸江南必登是山詢問下民疾苦湛恩汪濊無不周被復 賜題額并 御製五言詩一章惓惓於吳中風俗及山川之清淑官吏之勤慎皆親灑 宸翰供奉茲山照耀泉石甚盛典也顧大殿高踞山巔風雨既久遂致傾圮又天書聖訓崇奉之所理宜宏麗以肅觀瞻某嘗登陟悚然時動於心會隆祖裔孫洞明禪師嗣法座於此以修舉廢墜爲請乃先後捐資三千二百金爲諸宰官居士倡許墅開權使傅公內務府某公協力襄事兩淮諸

鹽綱復出金修浮圖亭臺三門諸處通計土木鐵石餽餉丹漆直八千六百餘金工二萬二千五百始於乙未冬十月訖已亥八月歷五年而竣事僧普融敘其成績請予記之按虎邱自晉咸和初建寺迄今千七百餘年蓋不知幾經興廢矣今恭遇

聖天子在宥世際雍熙而陽時若百穀茂登久安無事臣民沐浴盛德之化得以其餘力恢廓宏規紺殿巍巍金繩瑋麗與山巖相映吳中紳士春秋佳日以邀以嬉載聆 聖謨咸知今日之時和年豐臣工恪職皆聖天子宵衣旰食履冒深仁所致共祝

在亭叢書卷八

二

聖壽於億萬斯年則殿之所係不綦重哉某幸奉使此土垂三十年欣舊蹟之重新瞻 天章之璀璨不禁踴躍贊歎乃作銘曰

我我虎阜秀絕雪巖山無附麗名豔江南中有寶坊晉宋精藍陰垂覺樹花現優曇 其一

天子省方鑒輅時巡六邀臨幸山谷效靈 龍章綸綍

輝燭日星臣工瞻誦如對 闕廷 其二有善知識崇基載

闢必同天宮爲金仙宅生公隆祖依稀接迹願力所周

布金絡繹 其三落成之日爲國回向天休淳至和風宣暢

兜羅雲氣五色難狀祝我

聖人萬壽無量_{其四}

旌表孝子明故鄉飲賓金君建坊碑記

世宗憲皇帝御極之九年德澤滂流政教具舉 詔直省督撫大吏察民間孝義節烈以聞於是宮保兵部尚書兩江總督兼理江蘇巡撫高公以明故鄉飲賓金君秋孝行事達之朝十年九月奉

俞旨旌其門其玄孫景輝擇地吳城西之下津里於今上皇帝乾隆元年七月鳩工建坊中爲堂三楹後列屋數間半載落城奉神主入祠吳中士大夫咸奉辦香拜祠下乃謀述孝子之德於貞石以請於果果惟孝子至行前董文敏文肅陳徵士皆爲傳行誼俱以表見

豈復藉於文哉雖然碑以述德今遭逢

聖天子之洪恩旌前朝之至行榮被無窮烏可無紀以示後歟按行略孝子名秋字有秋徽之休寧人先世以官居桐廬唐季有諱博道者避黃巢亂遷新安之杉坑宋元符間葵以進士晉秩司農丞其五世孫伍當理宗景定末隱邑東甌山孝子父萬珠貨殖於蘇州疾革前孝子甫十四珠詔之曰吾病不可爲矣爾幼何以治生程穆爾異母弟穉同母產方幼何以撫之我谿陽田數十年經營謹守不可廢也遂瞑孝子居喪哀痛如成人辛苦以守其先業而日廓大之乃奉母徙居谿陽招族

之願遷者給以地而不受直母年九十終既葬廬墓以居廬前有橘樹雙白雀巢其枝迨孝子歿猶飛集悲鳴也初孝子方韶訖父戲語之曰吾欲多置產生子爲爾助念爾長也產當分其半孝子跪請曰兒何敢有私願均之耳厥後仲弟殤兩弟娶婦孝子爲家督弟婦數有言孝子書平生勤苦跡及創業艱難事告之祖廟貲產竟三分之弟及婦乃大慙悔孝子生於嘉靖朝卒於天啓三年年八十五郡大夫延孝子與賓筵都御史某以耆年有德上其狀予爵一秩方萬曆午未之際其族欲爲孝子請旌孝子固阻之孝子既歿子可久可學思白

在事叢書卷八

五

父之遺行會其時國家多兵旅之事不敢請遲之至今歿已一百十一年事隔一朝世歷五傳玄孫景輝年且七十餘矣景行潛德不歿人心卒邀旌典烏頭綽楔列於通衢天若故晦之於前而有待於聖朝之顯之者益信孝之至者久而彌光後起之賢有以仰儀型於千載也孝子善行載於前賢傳中皆不具述謹擴其概以登於石并以勉其後人使知善繼罔或墜德景輝太學生考授州同爲人馴謹年六十經理祖墓事風雪中走新安達之蓋孝行亦可風也並書之

儀徵江亭記

出揚州茱萸灣六十里爲儀徵縣縣治南門外爲兩淮鹽漕御史掣鹽所其西出口爲大江爲沙漫洲而掣鹽所過牖少轉出委巷爲小河爲大江夾套流紆緩地平曠有田隴村落草木蒙茂康熙歲乙酉署御史曹公棟亭視鹺其明年莅儀徵相其址掃棘榛築亭其上繼之者爲李公萊嵩復益屋數楹翼其傍蓋兩使君燕遊地也登其亭後視則風檣從空中行水禽江雁翔集沙際江南諸山可跂足而望而盤古山尤近予於壬辰年客使院時李公方任御史事時招賓僚飲射於此間呼漁人張網捕魚爲樂予與萊州韓廣文丹陽楊處士同里申進士尤恒至按曹李兩公以江寧蘇州織造遞視鹺務曹以明察李以寬和無煩擾以樹威風清吏肅奏免累年商欠帑金幾百萬兩又賑恤竄丁兩公加惠商民補敝救災見於政事如此而李公嘗獲大猾某按之法飭巡吏嚴賞罰口岸私鹽之販絕少因得於退食之餘從容休息江亭吟嘯可謂能吏矣古人登臨山水於我見山水亦於山水中見我則山水之情與我合前遊者有人後遊者有人得之於心目而境爲我用天地之化機日以不窮而益新有真意寄焉故也世之爲吏者亟

在事叢書卷八

六

亟若不克濟其視兩公相去爲幾何耶予自壬辰至戊戌屢遊其地九月偕二客重登是亭如逢故人因爲之記

葑湄草堂記 庚子冬作

康熙丁亥世父省菴先生棄石里舊居予凡三遷居葑門之鷺鷥橋初得屋十餘楹後復擴三楹書堂高敞有軒有齋中庭有枸櫞香橙石榴子補種梅樹桂樹疊石爲坡陀藝蘭其下何義門侍講爲書葑湄草堂屋之後隔巷即青松菴菴前喬木一林濃陰交布盛夏無暑坐書堂後軒以望則蔚蒼森幹如在深山門臨河有古榆六七株行人常於此憩息東西有橋夾橋而居者十餘家頗淳樸又其前隔河彭侍講訪濂尤贊善滄湄居甚邇其後則明吳文定公之東莊折而過爲施吏部覺菴

之高酣亭當春時桃花垂柳暎帶原野則皆在屋後之東隅宛村落也予自先君奄棄勞苦二十餘年而乃得經營是屋奉吾母得魚菽之養蓋屢遷而琴書几榻無有遺者及芟草荆莽修其圯壞皆吾妻助之予平生無嗜好惟積書二三千卷陳於齋壁延老友以課吾子方是時予客兩淮李御史所後三年庚子乃得偃息其間所往還者惟訪濂滄湄覺菴及朱處士赤城而覺菴益親善以文字相質疑庶幾南村素心之樂因歎宿昔渡黃河涉大江二十年來風濤多恐登陸則欽崙險阻人生百年歲月有幾何爲逐逐不少休馬少游謂致求羸

餘徒自苦耳吾方幸吾母康強兩子從事詩書復有素
心以討論蘇城方隅秀潤數此地殆可久居歟作葑湄
草堂記

萊園記

萊園在大石里割李廣文園之一隅癸卯冬居之其以
萊名者以圃久荒蕪多蒿萊奉老母以居又竊取老萊
子娛親意也園地五六稜治之可種菜蔬濱李氏之池
易灌溉有古柏四株蔚然蒼翠其堂屋閒靚予顏之曰
種學齋援韓子種學績文之義且以勗吾子掩扉危坐
停雲在天囂聲不至擁書一編遇會意處輒落落自得
既又讀陶淵明詩愛其言近道得孔顏樂天安命之義
予之居此也荷鋤自藝黃虀饘粥一室之內母子欣欣
差堪自逸長子師稷方治經義友人蔡子在谷館城東
乃假榻於其兄家薄暮來篝燈討論六經之旨更餘乃
去予亦閒得商確焉鄰人恣睢好事者竊鄙笑予子曰
此亦何常丈夫得志則龍蛇不得志則泥伏固其所也
吾安吾志而已齋前有黃梅甘子古桂及小石假山予
又於葑溪移桂樹一株植焉并記之雍正三年乙巳初
冬記

觀槿軒記

悔廬之牆西鄰有槿樹方夏四月茂葉鬱青朱英燁燁
予坐南窗見之觀榮落之速測盛衰之理竊有感焉遂
名吾軒曰觀槿夫樹於槿甚微耳花時繽紛晝開夜合
不失其時昔人以朝榮暮落稱之殆以是歟大椿以八
千歲爲春櫟社之樹以不材終其天年而蜉蝣之朝暮
蟪蛄之春秋至伏龜海鶴之屬又常至數百年生物年
壽之不齊如此又不可解也朱子謂生物各有條理物
之短長各乘其二氣潛伏之機夫非氣之厚者爲長氣
之薄者爲短歟予自丙午居此十有二年矣東西鄰之

在亭叢書卷八

士

摧抑頓挫而貧貧而老老而他徙而爲異物者有之矣
曾不旋踵又觀夫處富貴榮利之境者與馬赫奕呼吸
風霆炙手可熱自喻得意人奔走慕豔未幾失勢求爲
貧賤者而不可得以小喻大觀於槿之榮落而益信吾
是以警吾心乾隆二年九月記

百城書屋記

老友汪君東村治園於休寧居第之對舍有石欽如有
樹蔚如峙者亭閣敞者廊軒芳蘭老桂辛夷海棠紫藤
天竹傍砌雜植古梅穿屋而出鐵榦森森類二百餘年
物室內羅列卷籍盈架充棟東村日手一編而與賓客
宴遊酣詠其間園之勝方廣可二畝入門緣石欄折而
南爲曠怡樓下爲東村草堂堂後由小扉面東曰拾翠
軒軒上曰靜觀閣旁曰求志居前達蘭畹齋則古梅在
焉又自古梅外歷攬暉門爲亭曰香腴壘土爲臺與亭
相直臺植牡丹香腴取蘇子瞻句也臺右疊石爲小山

在亭叢書卷八

士

石筍高丈餘苔蘚翠積亭左樓曰傍花升樓啓牖則其
叔氏吏部公萊園適隔城河一水萊園之池館堤柳皆
若爲茲園所有拾翠軒所由名也東村左圖右史顧而
樂之曰此昔人所謂何假南面百城者也吾園宜名百
城書屋汪爲休寧鉅姓族多達人東村性伉爽能詩文
壯歲喜遊覽走數萬里足跡歷數省憑眺山川弔昔賢
陳跡卓乎有不朽自命之想康熙中來京師公卿爭思
薦達東村亦慨然自許欲有所樹立然卒不果東村旋
歸詠南陔侍母後遂不復設仕進念休老茲園世皆以
其材不爲世用爲東村惜也予嘗論人生擁書之日不

可多得方壯盛時意氣剽銳藉謂功名可戾契致於書或不暇擁迨齒髮既衰精力銷沮苟安惠得於書又不欲擁矣東村自辛巳秋即與其宗人編修紫滄及江君箕山謀隙地築小園畫圖綴景略有成竹後數以事往來吳門訖不暇爲近歲乃得構屋補樹擁書其中味經之腴顯史之華而東村年七十餘矣蓋幾積四十年而志始遂也夫豈易易哉予又知東村仁厚好施不屑屑計生產子姓孤苦者撫之故人單寒者周之汶溪石梁圯建議移舊所工費鉅萬衆莫知措手東村毅然出若干金爲倡刻期庀材鳩工四方應者絡繹至梁乃定嗟乎亦足少見東村之爲人矣乾隆二年十一月長洲李果記

在亭叢書卷八

三

補築白雲亭記

白雲泉在太平山之半有白雲亭廢已久范君依洲補作之君居鄉捐田千畝入義莊以贍族

世宗皇帝嘉歎擢爲京官出守雲中解組歸建始祖祠築室文正書院西偏貯義田租粟今又營是亭而新之以復舊觀蓋拳拳於祖墓所在也嗚呼不誠能世其德者哉天平於西山峰巒特峭拔石離立而土不豐中有峰高數丈立雙石之上岌岌欲墜亦有如飛來者如卓筆者如奔馬如屏矗者截立斜倚隱躍起伏而范氏自始祖麗水公葬山之東麓文正公考以上三世皆葬笏

在亭叢書卷八

四

林之陽當文正自睦州移守鄉郡常即白雲庵奉香火洎登政府例得置墳寺慶曆初請於朝改庵爲白雲寺度一僧守焉以泉名也蓋寺屢修無恙而雲泉之亭廢旣久矣予昔嘗遊天平見泉出巖竇色凝白如乳瀉注絕壁下小池涓涓如鳴玉大旱不竭唐白樂天宋蘇子美各有題詠刻石上已模糊不可辨泉上有屋兩楹傾甚今歲之春君撤而新之爲軒爲樓爲閣樓之下爲煥室躡磴以入爲虛廊爲庖湢咸相地所宜以構築而閣尤傑出空其三面以望九龍瑋瑁諸勝王吏部虛舟榜書兼山閣東爲喝月坪古松一本在軒之隅蒼翠如蓋

軒曰如是取孟子語有本之義也山多松栝楓榆細竹生石罅望之蔚如翠微深處一研泉亦乳滴石之名有龍門臥龍頭陀釣魚蟾蜍不一各肖所稱又有大小石屋其穿山洞君易爲穿雲磨崖以書凡此皆循白雲亭以度而諸景可盡得秋八月予過泉亭君留信宿屬以文記予惟君才敏練而性溫良知大同府時愛民如子常辦軍需大役著有勞績又數理冤獄大吏稱其能又能勤思舊德式廣其澤睠焉祖墓謹護松楸庶幾能世其德者君名瑤依洲其字也乾隆三年八月五峯山樵李果記

徽州汶溪石梁記

徽州休寧縣南門外汶溪石梁經始於雍正十二年十二月越乾隆六年四月梁成於水累石立九洞醺水長三十六丈廣二丈六尺夾以石欄首尾有亭糜白金一萬二千兩有奇梁自明季至國朝百年以來欲建者屢矣而不可得里人汪君國漢潘君志標始言之汪君立正請於縣令出金爲倡汪君治事以明專志以誠讒言不撓風雨寒暑馳不休又得同志數人相勸募共事苦心經畫益以許君克智之千金以底於成許君者無子始願捐貲果得子遺命留其金以待建梁者也夏令

曰十月成梁昔單襄公過陳川不陂澤不梁以爲廢先王之政王周爲定州橋壞覆民租車周爲治其梁而償其租汶溪舊有石梁時俗惑風水移建下游識者燭其不利比年山水衝激梁以頽圯汪君毅然採石重建舊地大合樂張讌會縣之文武當事以落之易危而安鼓爲太和神應祥福人士富庶科名茂登羣恬以嬉稚童歌舞汪君好學而文負經濟才未爲世用而汲汲於周官之政實爲難之其共事者金君秉銓夏君士楷汪君志淳汪君文舉四路勸募者王君維鑾朱君斯燉金君宗浩查君弘敏程子邦彥而汪君國漢潘君志標亦董

事皆同心一德勾會出納歸於至善其勞並著乃為書其歲月俾知作者本末乾隆六年五月吳郡李果記

涪州重修伊川先生致遠亭記

代程涪州作

致遠亭在涪州北巖宋嘉定間州守范公仲武建亭之建為伊川先生也考先生年譜及涪州志先生與兄明道先生同受業濂溪周子先生年十八上書仁宗皇帝勸以王道為心哲宗嗣位司馬公光呂公公著韓公絳上其行義於朝官崇政殿說書同朝有忌之者遂罷去而送涪州編管則紹聖間治元祐諸臣罪先生坐嘗為所薦也先生謫涪時注易北巖北巖石壁有洞曰點易有堂曰鈞深與致遠亭者凡皆後之人因先生之學易而名者也夫易之道廣矣大矣以言乎遠則不禦而致

其極者初非有疆域之可限也見者謂象形者謂器近取諸身引而伸之觸類而長之而範圍曲成知周乎萬物者在是焉此遠之必當用致而過而靜正者乃其所由以致也先生之自序易傳曰善學者求言必自近易於近者非知言者也學求之近乃先生之所以研極於易而致遠者與仲武之以致遠名亭其知先生學易之道者與先生自涪歸易傳已成書以授尹焞張繹焞之言曰先生之學本於至誠其見於言動事為之間處中有常嚴重有體而胡安國奏狀謂先生於易則因理以明象而知體用之一源由斯以觀先生之致乎遠者可

知已矣吾程氏先世自西晉太守元譚公後十七世而分南北宗北宗之後名羽者遷河南先生北宗後也而南宗之後迪祖遷居山斗與先生爲弟兄某山斗之二十八世孫也乾隆七年受命典此州其明年正月乃敬陟先生注易之地顧瞻舊蹟覩斯亭之將圯爲經理以復其舊觀且原仲武所以名亭之意以揭諸石至先生道統之傳上接孔孟與夫阨於當時而仰止於萬世者則固無俟某言云

積功堂碑記 代李鼎使

昔三代之隆風淳穆而俗龐厚民皆喪死無憾而老有所終何施而得斯於民也聖王懼民偕死而號無告司徒之職教以任恤四閭爲族使之相葬葬也者藏也土周於槨歸其所與喪死送終之大者也然則閭里鄉黨之間惇卹死之誼襄封土之役誠古道然也矧其爲客死異地旅櫬靡依者哉吳郡閭門外市廛櫛比估客駢集而新安之人處其半疾病以死死而不獲正其卹首者又處半雨苦風淒霜繁雪積青燐徧郊白骨盈壤人知慘目而莫能爲功新安黃生道恒偕同志數人捐貲

置爽塏地三區以瘞枯骼與無歸之喪及新安之商而沒者建堂於桐涇之南擇人以董其事今年予奉命視臬篆來郡城閱其科條規畫地各異向葬無需時也塚勒一石棺可表識也環之以灰螻蟻莫侵也女棺別地以埋遠嫌之義無間幽明也喪可歸者庇之以宇寬之以時望其終得反葬也柁役土工豐其廩犒錢貝粟米稽其出納思密慮周若此洵乎功之日積而靡涯矣聖朝孝治天下嚴火化之禁重停棺之律化導漸摩蒸爲禮俗興於下者士思長厚人恥忍薄不獨親其親不獨長其長而喪死送終之均其戚也閭里鄉黨之間與

之同患無復偕死而號無告也錫類廣仁堂既開而斯堂又繼之蓋其事類而其功等焉謂非國家化民成俗之明效也歟往茲土者覩淳穆之風而樂其俗之龐且厚也其亦至幸也矣堂肇始於乾隆某年前太守汪君名之曰積功爲斯堂言之也若黃生輩之意固不自以爲功也不自爲功功之所以積而可久也

平原義倉涵遠樓記

長洲陸君闇亭於乾隆六年以撫吳都御史文登徐公行社倉旣爲捐穀於長洲元和之社又遵諭旨創爲義倉於城東婁門之內積穀四千石略仿朱子社倉法以貸兩邑佃農之貧乏者而薄其息具規條六上之當事以爲便都御史公大書爲之記其明年農人次第歸其粟於倉而不忍犯其規於是陸君於其堂後餘地復爲樓兩重最後一樓面北名曰涵遠積三月而落成焉地環河流沙渚一曲深林茅舍如村落樓東爲小軒翼以扶欄水抱處可以漁釣樓前老樹一本挺立隔河亭亭若車蓋西望秦餘諸山數十里皆可見迤東則婁封之城垣蜿蜒城之外爲漁村檣竿帆影皆出於雉堞義倉門外有古榆二皆高數尋其一本枝葉西出若相讓者都御史公記謂陸君非求寵利於朝廷非要譽於鄉黨窮乏蓋陸君於此有讓道焉讓則志能下而仁可久宜其周濟如環之無端而不可以竟也謂非吳中盛事哉陸君往以才敏

世宗皇帝命往四川攝萬縣令兩遷至保寧太守其爲政抑豪縱惠下窮禦患拯災廉能而得濟其志今之施仁於佃力本利農其亦本昔之治行而然又能即其地

之空曠寓其耳目之樂俯仰左右襟懷以開岑嘉州詩
有云心澹水木會與幽魚鳥通若與樓有合焉余因書
之壁間庶幾涵遠之意可以見歟至陸君之勞於義倉
者都御史公已記之不及也

順治六年武舉會試錄記

此順治六年武舉會試錄也當己丑歲爲 本朝開科
後第二科我

世祖章皇帝神武開基知人善任諸佐 命親賢大臣
皆文武爲憲暨從龍俊彥又皆方叔名虎之選而猶汲
汲培養人材廣求干城腹心之寄武科之設與文並重
將使天下懷才抱奇之士皆思乘凌風雲建績旂常佐
萬年太平之治也按錄主考官二員內翰林秘書院侍
讀王崇簡內翰林國史院侍講喬廷桂同考試官四員
李運長兵科都給事中高桂吏科左給事中梁清遠吏

部文選清吏司員外郎牛應徵禮部祠祭司郎中監試
官五員范文程剛林祁充格伊免蘇那海范掌秘書院
事剛掌國史院事祁掌弘文院事銜皆大學士伊與蘇
皆官內翰林監射官十一員監試官二員提調官二員
而知武舉則太子太保兵部尚書劉餘祐額數二百人
第一場試馬箭二場試步箭三場試策問二論一試期
九月初九二十五日也取士如制內直隸四十八人
京銜四十七人遼東銜一人大同銜二人江南五十一
人陝西七人陝西銜一人山西二人山東十六人山東
銜一人河南四人浙江二人而湖廣四川廣東西雲貴

福建無之十九日揭曉恭進墨卷前列者三十卷及通
榜題名呈 御覽 欽定三卷首金抱一次為王父次
薛藻為第一甲孫開圖等二十七卷為第二甲朱萬祺
等一百七十卷為第三甲張榜長安街二十三日臚傳
賜進士及第及出身同進士出身有差二十六日賜會
武宴是日給狀元盔甲靴帶腰刀弓箭撒袋及榜眼探
花各九花頂帽袍服各武進士折鈔 特旨大學士祁
充格主席紅旗儀從送第一甲武進士歸第洵鉅典也
錄中載金抱一劉烱薛藻及王父策問四吳中吉孫開
圖論二文皆博大開朗人材之盛 寵眷之隆宴賚之

在亭叢書卷八

重

厚詩所謂公侯干城腹心者其基之於此歟猗歟何其
盛也果惟 興朝定鼎以來歷試人材其雲蒸霞蔚龍
驤虎視者積累至今何止數千人而初開科至己丑又
當 國家疆土甫定方崇尚武烈歌大風思猛士士之
有志識侔儻通變者雖累世儒素不欲守一卷之書咸
思奮其材武仰佐

聖主建尺寸功若王父其一也王父諱聖祥長洲人工
文章復精弓馬先世皆承詩禮至是起家官浙江杭州
遊擊常領兵東南樹勞績志在報國而不久去位年四
十五卒悲夫方有明之季將權太輕文武太分流賊充

斥捍禦無人卒及於敗恭遇

世祖皇帝義旗一振電掃風清四海內外望風奉正朔
貢共球恐後天下比於新去湯火此所以特重武科也
歟康熙辛卯正月撥緝舊籍展是編因記之且以遺我
後人謹什襲藏焉

在亭叢書卷八

美

大理石屏記

郭子書齋大理石屏石質白瑩潔文理如畫中具層崖疊嶂有峰巒五突出山際林木深秀濃綠欲滴隔岸小山類平坡即之有洞穴有澗而五峰盡處有沙渚空處皆水髣髴初秋景題曰秋山雨霽石高二尺廣視高加四之一以木製屏嵌此石黝漆之本金壇于氏物藏二百餘年矣其後有爲縣令者虧帑金雜他物鬻之補庫遂流轉歸郭氏大理爲滇南六詔地點蒼山有十九峰紅泉翠嶂多產此石石文之奇怪者煙雲山水人物龍虎雀鳥花卉往往而有然多模糊要在觀者意得之而

在亭叢書卷八

走

此獨朗潤予觀天地至文含蘊於內人不易知匠石之得是理者四面縱橫鑿之文理始見而藏之於山則奇不著士之奇者處山澤亦然石奇而以俗工取裁之則不奇士奇而不遇賞識則精神不吐奇亦不見嗟乎獨文石乎哉于氏江南巨族勝國時多名人家富厚屏尚有冬夏及春景三不知落何處郭子言此石當天欲雨重巒碧樹隱隱煙雨捫之若濕其神妙可知已往商邱宋尚書有文石屏不盈一尺遠山蒼茫下有浦漁人蕩舟撒網絕似黃大癡畫一時賦詩誇其異較之此屏其高下何如也雍正歲乙卯上元日見之越明日聽雨石

閭草堂乃爲之記

在亭叢書卷八

天

移鬱林石記

漢末陸公績仕孫吳爲鬱林太守廉於官歸舟輕絕不可越海取巨石鎮舟以還今郡學中廉石是也高數尺廣殺其三之一而厚又殺其兩陸公吳郡人石舊在婁門臨頓里人以公官呼鬱林石明弘治中有司昇置察院解旁築亭以覆更名廉石見吳寬龍菴記 國朝裁去察院解爲武弁官舍亭亦久廢康熙四十八年郡守長沙陳公補建前守况公祠於郡學移石樹之祠前况公在前明人夙號爲廉吏也陳公典郡剛毅而能慈愛尤以廉幹稱去官羈潤州日至不能謀朝夕蓋遠師乎

在亭書卷八

无

陸公而近法乎况公者其於茲石宜其肅焉加敬不欲委諸衢路爲販夫牧豎所狎玩而必登自學宮表之賢守之祠使學士大夫相顧而矜式太息而則倣也歟余獨慨夫後世吏道多雜歸舟載石當必有嗤之爲愚者其自爲計良深矣然不愚者之所載往往不踰時而厚亡而愚者之所載其留之千百年照耀於人世耳目間而無有窮期也愚耶智耶當必有憮然興感者矣公在潤州余嘗謁公公屬余記此石因書之康熙五十年七月李果記

楊忠文先生血衣記

前明福藩之亡吳中殉國難者多人而楊忠文先生廷樞維斗與南昌令劉先生曙先後殉節死最酷劉成進士釋褐爲縣令而先生僅登賢書第一卒同以死報國血衣先生就刃時所衣者綾製色白書絕命詞十二章衣後書序血淋漓模糊順治二年乙酉五月二日事也先生少以氣節自命文章聞望爲東南復社之冠東南諸名士爭遊其門弟子著錄者幾二千人 本朝受命先生隱城西光福山旣又居吳江蘆墟鎮巡撫土國寶蹤跡至拘之古寺延坐勸之出先生氣頗厲最後語益

在亭書卷八

手

憤激侵國寶國寶不能堪先生不屈以死事載元和縣志及先生孫繩武家傳先生死門生迨紹原奮不顧收其尸血衣則先生之子貞孝先生无咎藏於家漬痕黯慘蓋萇弘之血三年化碧而先生之丹心忠節千載不可磨滅者也果按故明自熹廟御極閩人擅權屠艾正良不遺餘力而士風爲之頹喪蠅營羶附無復廉耻其後甲申之變東南之士有蜚聲壇坫夙與先生齊名者一朝瓦裂身陷大戮爲天下姍笑而先生卒能成仁取義不欺其志繇此觀之勝國之賢若先生者雖與日月爭光可也貞孝亦高士謹身自惕幅巾布袍局戶輯遺

書通歸藏易與同邑徐孝廉枋崑山朱高士用純異地
同隱以老果十一齡隨先君子居婁門之東郊即先生
讀書草堂古梅與鴉柏樹猶在而先生之塚墓遙相對
松柏數十本悲風烈烈時想見先生英魄欲動也

楊安城補臂圖記

山陰安城楊君與同郡李兼汝祁奕喜相友善順治壬
寅同坐事流甯古塔將行邑人徐象九爲寫出塞圖以
送之圖中黃雲白草寒色萬里兼汝居中奕喜居左君
則以右臂撫李之肩後祁李相繼亡歸旋相繼歿君獨
留塞外取圖分送兩家孤子而君臂之在兼汝肩者不
忍自完乃割而與之無何李氏不戒於火圖遂燬君忽
患臂痛經年莫治夫人范心知其故剪紙作臂補之痛
遂已君既歿其二子賓實以布衣詣闕下乞歸其父
骸骨痛哭三日又跪刑部兵部門凡四百五十有五日
號泣陳訴垢形骨立感動當事爲求比例遂得請
天子哀之竟歸葬江南蓋康熙某年事也而是圖則藏
於家吁繪於圖非真也燬於火而痛補之而止繪事之
通神乎補者之有靈乎抑君與祁李二子相交之深精
神貫通死生無間而畫者補者亦若有默相之者乎予
與賓昆弟交獲觀是圖因爲之記并及其所以得歸葬
者

在亭叢書卷九

長洲 李 果 碩夫

董子祠井記

西漢儒者惟董仲舒得學之正其告君必以堯舜之道其功不在孟子下惜不能大用其說以行之也予讀其廷對三策論治人則本於明道語修己則原於正心尊仁貴義黜霸賤功表章六經仰承天心而興教化以善治興太學擇守令用夏之忠損周之文無與民爭利而一道術可謂切中當世之弊矣然皆以其言爲迂不之信卒之權臣忌嫉出相外藩而能數用諫爭使驕王革

在亭叢書卷九

一

心教令國中所居而治其用心亦苦矣斯文自秦火焚滅之後岌岌一綫未墜漢興六十餘載海內乂安朝廷方用文士斯文庶幾復振而公孫弘曲於對策兒寬曲於議封禪司馬相如以詞章方朔以滑稽惟仲舒克紹絕學而終不見用迨後海內虛耗戶口減半其言始驗帝於是下哀痛之詔興太學章六經黜百家舉孝廉茂材其說亦略施行矣而不能盡用以信王道之難行非易易也予又讀仲舒傳朝廷有大議使使者及廷尉張湯就其家問之其對皆有明法自後匡劉諸人皆未之及也乾隆改元之年嘉平月予客江都都轉運使署即

仲舒故居後有祠其井雖涸址尚在果歎去古愈遠欲學無師瞻拜祠下低徊舊蹟感其生平若仲舒者洵漢一代之醇儒哉頌甘棠者猶愛其樹彼督井也其可忽乎長洲李果記

在亭叢書卷九

二

古柏軒梅記

古柏軒在城東調豐里楊編修文叔所居也軒前老梅一樹蒼株古幹玉英繽紛今年二月風雨既晴花頗爛漫編修閉戶擁書孤芳自賞余過之愛其清冷時與步庭際小石坡陀徘徊相對移日不能去夫春花豔冶世競好之梅獨以冰雪見貞志譬諸經憂患歷寒苦蕭疎特立彼沉溺富貴者未之知也編修登館閣蹤跡如寒士宜其與梅作契有如是軒何以古柏名仍舊額也前明王百穀穉登爲編修高祖莊簡公所書宅向在城西桃花塢旣又居梵門橋而忠文先生又依聶伯通里以居凡屢遷而古柏之額常揭之楣間蓋追思其世德又柏者主冬不凋中含生意以是砥礪不敢忘也予因語編修宜補種柏樹一本與梅爲偶以實之彌見歲寒高致編修以爲然時支硎中峯禪人方招予至山中看梅遂不往因記之乾隆二年二月十有二日記

宣德密脂粉箱記

明宣德密脂粉箱二本宮中物往余見諸萊陽姜仲子學在所高二寸許狹而長有益以開闔廣如高之數而少差長倍之四角微圓中有兩竇隔其半爲湯池通體白地青花色澤細潤砢厚如堆脂汁今歸汪子念翼初學在費重貲以購貽其姬陳素素名流如毛西河吳園次陳其年余淡心諸公皆有詩素素江都人美而艷能畫又善度曲自名二分明月女子好事者至有譜其事爲秦樓月傳奇往學在見余與方望子汪秋原語及此輒躍躍欲動也有明瓷器永宣成弘正嘉隆萬八朝皆有名而宣密尤精考宣廟御極十年天姿英暢政先化理嘗麾鐵騎歷險要出喜峯口麒麟驕虞之獻屢見覽其遺器想見當時朝野安寧富庶景象而學在以佳公子風流嗜古不惜金錢羅致以媚其麗人亦侈矣哉余又考粉器爲多羅見太平御覽康泰扶南傳曰扶南國以純金多羅遺毗騫王楊慎曰多羅奩器新城王先生詩有云玉窗清曉拂多羅即脂粉箱類也今故物猶在望美人兮不見覩粉澤之如新能無興慨宜汪子之摩挲不置也

徐文靖公遺像記

徐文靖公汧遺像舒時貞畫欽式補梧石公坐竹榻兩子枋柯儒巾衣白衣侍立寫於乙酉初夏時公年四十九歲公吳縣人登崇禎戊辰進士官詹事府少詹兼侍讀學士通籍二十年而前後立朝不及七載忠節之氣稜稜不可犯自題百四十餘字詞極憤激其年六月本朝兵入城撫軍十國寶詣公不肯出閨六月十二日自投於虎邱新塘橋河以死距畫像時僅兩月耳枋即俟齋先生崇禎壬午舉人公歿後變姓名匿隱蘆中瀕死者再後乃隱澗上康熙甲戌年卒年七十三柯縣廩

在亭叢書卷九

五

生卒於康熙庚辰年七十四予曾識之枋有居易堂集柯有一老庵稿昔晉卞忠貞公壺與二子吟盱同死王室之難議者以父死於君子死於父謂其一門忠孝今文靖公捐軀殉國二子雖未從死而克承先訓身隱以老勉於大義可謂孝矣畫藏於澗上後歸某今歸公從孫壘子過壘芸香閣見遺像陳於齋壁因誌其大略乾隆三年正月記

陳德園像記

遠山白雲古松一株科頭就石坡坐石上陳書策右手著膝松陰倒垂翠藤紫葛确犖搖綴顧其下流泉泠泠循石罅間去其人長髯古貌穆然神清若有所思是爲德園陳子像德園之言曰吾嘗遊秦隴周歷雍梁二州之境名山大河鳥道雲棧崎嶇幾千里境屢易而此衷未嘗少怖吾以樂吾真焉有以養吾神必有以去吾累觀於巖泉之淵峙松石之清幽心與之會吾視塵網猶敝屣耳時時效阮公詠懷以抒其蘊德園其忘機任運遺世之高士歟於是其友石閭李果作德園像記

在亭叢書卷九

六

讀書射獵圖記

右圖縱九寸衡三尺餘老友平湖太史陸公坡星所藏有松有桂有石有流泉有石几有研有筆有書策有弓矢皆韜於簾圖中四人偉貌虬髯據石擁書端坐者公之尊人太守公也衣冠把卷侍立年可八九歲者公四兄膚士而眉目疎朗短衣持弓挾彈者即太史公也一童子臂鷹側視空際而行若有事於公也方公出示斯圖爲予指畫黯然神惻一似有物刺於中者按畫作於康熙己酉太守公時典郡粵東之南雄公甫五歲後五年太守公丁司理公喪旣補思州以病乞歸歲庚午捐

在亭叢書卷九

七

賓客距今雍正甲寅六十五年矣膚士潛修力學惜不祿公守前人遺訓砥礪於行邑有名公卿欲招致門下公不往晚歲成進士入館閣以文章受知於

聖祖仁皇帝今壽且七十猶篤志經學補疏詩禮及春秋諸經矻矻不輟公仲子綸登丁酉賢書同知梧州攝潯州守篆亦以經術飾吏治蓋公自高祖侍郎公以來皆以經學顯而從兄稼書先生爲理學名儒公兄弟八人讀書承先志皆年不踰半百惟仲兄年六十三公今年躋杖國歸然如魯靈光此所以追惟往昔而撫卷歎歎不置也夫秋夏讀書冬春射獵古人所事晉王僧虔

數歲採蠟珠爲鳳孫放七八歲從父參軍盛游獵場庾

公歎異後皆著盛名蓋其幼已具非常之概即游戲往往施之有用觀於此卷可以得之卷舊存其仲兄笥中今年兄子載霍以歸公公謬謂予能文辭命爲記因記之且以慰公霜露之思焉雍正十二年十月種學齋

在亭叢書卷九

八

祭田記

記有之大夫士宗廟之祭有田則祭無田則薦又曰庶人春薦韭秋薦黍韭以卵黍以豚祭有常禮薦非正祭然遇時物即薦祭以首時薦以仲月蓋非祭則時食不早也近世風氣稍薄貧者至無以衣食韭黍麥稻之薦不以其時有識者傷之錢孝子某有孝行雍正己酉巡撫都御史范公會總制及學使疏請於 朝建坊旌門孝子之配李氏思祠墓無以供烝嘗乃脫簪珥易六十金置長洲縣附郭田十畝餘以歲入租爲純孝祠春秋祭祀用孝子本前明諸生顧君諱維寰之孫維寰乙酉

在亭叢書卷九

九

殉國難孝子幼承父命出繼從母家今從錢姓孝子臨歿念本宗不可以無祀所生子五人以二子續錢後三子歸本宗如其姓至是顧墓之在香山者一花墩者一錢氏墓在花墩者二雅宜山者一氏族之墓在九龍塢者二及香山之幼殤塚祭掃皆取給焉餘則以修葺祠墓而又恐經理非其人出納無度輸漕稅及祭掃不以時擇子弟之賢能而有力者綜理之且冀族有好義者增益之以此詔後世伐石立諸家祠特請予記其事氏之用心良苦矣吾吳祭田惟范文正申文定陳文莊有之然皆出於賢士大夫若李氏一女子夙夜操作忘其

勞苦而能自立腴田以資享祀此古人之所難也氏爲明禮科給事中吳江李公諱某之孫某之女給事立朝有聲當甲申歲有請建儲南幸諸奏疏宜其秉禮有素能重於祠墓知大體有如此也

在亭叢書卷九

十

讓道記

讓道者何讓其宅之地以廣道路也何讓乎爾街巷狹隘不能並兩肩與行者肩摩居者簷接偶一失火燔燒蔓延故讓之也讓者何人爲陳肇文等十有四戶讓者何若則自三尺以至一尺二寸其地何屬爲閭門郭外上津橋東民居矣又何以讓以其不戒於火新築而讓之也宮保巡撫都御史高公旣爲之文吳縣令胡侯乃立石於皇華亭之隅予按閭門爲蘇孔道津橋去城一里許閩粵徽商雜處戶口繁庶市廛櫛比尺寸之地值幾十金築室者爭其阨小者詈毆大者訐訟費擲金錢

在亭叢書卷九

士

不之惜利之所在人爭逐之不復可以情動理告即有一二明義理者出其間卒無以勝衆旋亦囿於其習相視以爲固然蓋其地爲市俗有以漸之也今乃相率爲讓之行不旣賢矣哉宮保公在吳愷悌宜民凡以火災告者單騎馳至指揮兵吏攜皮斗挽水升屋撲救吏兵多走烈焰冒飛煙燎毛髮灼肢體無所畏懼故火甫熾隨熄獨閭門以外往往延燒至莫可救禦則以地窄不能容人故也使居茲土者盡如陳肇文等之讓夫寧便於行旅往來揆之禦災防患之道安必無小補乎宮保公去吳矣遺愛在人人猶津津道之蓋其撫吳也教民

禮讓恤民災患實有革薄從忠之化焉今茲所讓焉知其不化於公乎予故樂述其事而爲之記爲治茲土者告焉讓三尺者二人陳肇文江宗岳二尺者四人陸令譽唐爾元張羽煌唐元一尺五寸者四人素勝大蔣禹年孫德和邱令聞一尺二寸者四人孫永昇周天佑鄭子康陳繼茂并書乾隆元年三月李果記

在亭叢書卷九

士

遊支硎中峰記

中峰乃支硎三峰之一晉支遁道林道場也去城二十五里在龍池山東北山多平石故名支硎吳都賦云右號臨硎即此峰在山之半望之隱然由山麓循路而上細澗有聲汨汨與落葉相亂寺初名楞伽院入門有石幢一清整道人所建也面東有南來堂前明萬曆中蒼雪徹師從滇南萬里而來因以名之蒼公博涉內外典常於中峰建殿買田其詩筆妙天下文文肅震孟姚宮詹希孟王太常時敏隱君周茂蘭徐波諸公皆與之遊虞山錢尚書謙益至願居弟子之列可謂賢矣稍北爲

在亭叢書卷九

六

寶月堂有泉曰寒泉在南來堂之前飲之而甘寺僧云蒼公從事土木時有杜白兩者指庭中地脉曰此當有泉鑿之不三四尺見石板仆碑臥其上啓視一泓瑩然深丈許叢巖居士虞宗臣書寒泉二字於山麓其以是歟殿燬於火其庭傳有雙松蒼秀殿成而松勢難容伐之今殿基爲菜圃矣南曰覃思室古梅一株老幹槎枒二百年物也又西曰冬青軒樹高一丈餘雜以修竹蒼公畏寒冬則居之面東有樓曰水明樓凡東南遠近之山可以送目於月夕尤宜曰水明者取杜詩殘夜水明樓句也樓下有方池多碧螺無尾出中峰院稍西有鶴

飲泉喝獅窩馬跡石跡大於虎印石如泥支公養神駿

遺跡也又西爲南峰寺寺以南池著名唐皮日休陸龜蒙聯吟於此寺今爲章氏墓池亦涸僅留屋一二楹俯瞰石梁舊有碧琳泉待月嶺新泉馬坡坡南有石門在峰之右腋三石巨立一徑斜通如門放鶴亭在中南兩峰間支公好鶴翅欲飛乃鍛其翮後更養令翅長縱使飛去此其處也山之石根絕壁巉削類李唐畫又有牛頭峰在寺門之下東址即觀音寺俗所云觀音山也雍正十年冬十月十有四日中峰禪人性原挈舟招予入山同遊者爲程致遠南溟顧峻大巖賈筠竹墅陳應慶

在亭叢書卷九

七

幼石是夕步中峰左右翫月浴寒泉讀蒼公詩留宿山堂松濤滿山作聲如風雨明日觀南雲山樵文點畫山樵文肅公孫也墓在峰之北竹塢性公方乞程顧二子作賢首宗譜圖且語予曰山中有二未了事建殿與刻集二者然木石粗具他日不乏建者獨蒼公距今垂八十年矣而其詩日就零落爲可念也言之悵然日午予與顧子聯步過寒山趙宦光小宛堂鑿石澗引泉處復尋雲根泉披辭讀王穉登摩崖諸詩飲泉而歸予惟道林築菴茲峰蓋千有餘年矣陵谷變遷而茲菴獨爲僧家世守梵宮鐘室尚存昔規與木石寒泉相映然遠於

城市荆榛蔽路無穠花豔冶以是遊人罕有過者予困於迂拙無所可用以老將與諸子遊於寂寞之鄉茲山若有夙契者汲泉而飲踏月而歌其心寧不以爲樂哉性公留予輯支硯山志予期以異日并訪北峰巖壑云

遊平川汪氏園記

平望鎮去吳江縣治南五十里太湖十里休寧汪子峻堂僑居於此即其後隙地去榛菅益以土治之爲小園作亭榭其中名流士咸造焉園廣三四畝鑿池當其前曰春雨樓者有杏樹一株花開輕紅凝豔於春雨爲宜也下有澹慮堂金壇王吏部澍書以洞庭兩峰浮嵐在肘右對之灑然忘累拈韋左司青山澹吾慮句也樓之前疊石崿萃高下殊狀雜植梅桃桂梧桐池東雙亭翼然亭參差相連空其欄楯以行而石錯處其間折而西有竹百挺爲雁齒橋過橋爲蝶窗又西爲百城閣羅列

經史子百氏之籍所謂擁書萬卷何假南面百城也經行皆通以修廊或側徑藝蘭鈎出池際又樓之前楹因木爲臺扶以危欄西望太湖湖光動蕩如在屋上風帆沙鳥隱見雲濤浩渺中稍東紅牆翼瓦突出入畫爲北宋之殊勝寺有銀杏二本高百尋盤柯並列鴉鵲數千各集其枝東西顛而池中遊魚時撥刺欲起此園之太略也考平望爲漢之松陵鎮南連嘉興西出苕霅松江居其東唐時置驛築塘宋高宗南渡設巡檢司元至元間復設平望務其後張士誠據吳江築土城於此歷漢二千年以來盛衰興廢不知幾變易矣今遭 國家太

平邱隆之治村墟市暨莫不欣欣有起色夾河而居者可幾千家農賈給足楚衡豫章之米浙之魚鹽絲枲綾羅純綃商旅舟檣輳集不絕於道蕃阜視他鎮爲盛而汪子乃得寬閒以居奉其母御板輿承色養優游泉石寧非至幸歟汪之族著於新安其曾大父始寓此祖與父皆溫仁謹厚汪子才且賢文章贍逸蓋能繼其世德者園西偏有菜畦數畝汪子將闢牆垣拓之使皆種竹結茅亭仿輞川竹里館之意焉歲之仲春子泛舟出吳江過其園留信宿乃去而林亭之勝不能忘於懷也因爲之記汪子歲貢生名棟

遊虎邱記

虎邱稱吾郡名山而巖壑不深山藏於寺去城市甚近遊人雜沓予不喜至至則以他事牽率或訪友蓋未嘗特往也今年八月乙亥施子半村具舟招予及秦秀才蔣處士浮屠雲紀遊焉日未晡抵山塘入斟酌橋小溪及岸路出山之半相與攝衣而上坐清遠道士養鶴澗久之尋舊路登舟晴天無雲夜月如練樹影倒垂施子出肴核具飲蟾光蕩漾射杯案顧視畫舸張燈銜尾上下絡繹雲紀爲予談禪空靈解脫學於禪而通儒書論多與儒者合殆大顛之流亞也往予於康熙己卯庚辰

辛巳歲數數訪姜仲子學在至山中學在尊甫貞毅公明崇禎時官給諫劾首輔周延儒廷杖遣戍祠在虎邱學在守先志不應試其詩與畫有倪瓚高致時吾友歛縣方望子山陰劉子志戴南枝皆寓山中常至學在所子志明都御史諱宗周之孫明於輿地通九邊扼要望子喜酒南枝善隸書皆以氣節相高見則相與狂歌爲樂忽忽三十餘年風景不殊諸君久爲異物而予亦且老乃重經舊遊與素心二三人盤旋於石橋綠樹間俯仰今昔蓋感慨係之矣秦秀才名開谷施孝廉名大智即半村蔣處士名某皆崇明人雲紀揚州興化人本李

氏乾隆元年八月十四日李果記

在亭叢書卷九

圭

遊錦峰山昭明寺記

昭明寺在陽山西面錦峰山之麓山產文石梁昭明太子蕭統曾居此後構寺因以名也屋數椽周以竹木背有碧螺池水沄沄可鑑雖大旱不竭乾隆戊午十月廿又五日子與俞吉士諸君以事至山中土人有言其境者過焉東則陽山王宴嶺西則彭山崦西北則東渚金墅南爲簞村竹塢隔數里而許墅當其北陽山本秦餘山亦名四飛山岡巒四面勢飛動田疇基布山高木落望之若在戶牖間予於此有感焉昭明皇家子寢食文史所撰文選爲選家誓宗臺城之禍海桑幾遷矣而於此獨不漸滅以信勢位有時而盡惟文章可以不朽至於今人猶有過之者非地以人重歟長老爲予指殘碑載唐會昌中沙汰沙門隱其地宋理宗有賜尚書鄭起潛錦峰二字藏寺中元至治某年重修而繼此興修者又不知凡幾矣文選樓舊址在揚州東門城下往予客江都數至之而此寺亦昭明所居豈文人愛山水奇勝棲遲托跡有不盡出於後人之附會者耶竊幸無意中得此地又恨不與吉士輩俱遊也爲記之

在亭叢書卷九

圭

南郭讌集後記

隴西公之歸福清也諸同人詩以送之文以序之又啓筵於薛氏園祖以餞之飛觴稱觥感舊論故盤桓永朝沈子确士爲之記公昔秉臬江蘇造吾吳民及以浙撫去官後寓吳者數年虛已與諸文士接相得益歡當公之歸而睽睽焉不能一日舍公也宜也顧維公去鄉四十年蹶於仕宦曩時少壯交游半多存歿之感意必有愀然不釋者否則屈指故山迴憶童時所釣遊處蒼茫同隔世迺得以婆娑白髮之年重撫嘉樹濯清溪鮮可烹蔬可採且將德化乎一鄉材成乎後進也又必有怡

在亭叢書卷九

畫

然以樂者而公二者不形於色賢者固不可測耶而顧與諸同人對景流連興懷聚散命确士與果紀其讌集鐫諸於石其意惻惻如重有感乎此行者然則公之惠吾吳人而思嚶咻之教誨之又豈獨任觀察之日乎哉果知确士之紀石也非直擬諸西園之集而直等諸峴首之碑也夫長洲李果記

桃花塢看畫記

溫處副使寶坻芮公出明人畫六軸周東村者一寒山蒼莽天意欲雪主客二人裹氈巾褰帷坐相與酌酒童子短衣負書牽驢候斷谷勢甚冷以袖掩其口文衡山有題句謝樗仙者四一楓林石壁一江村薄暮皆摹杜甫詩意一寫許渾詩溪雲初起二句木末風撼皆若飛走一春水綠波桃花夾岸樓閣迤出雲際亦寫唐人句筆皆堅蒼疎落仇十洲者一春山初霽一人巾袍坐水亭有客騎馬徐度溪梁嶺半有旅人挾雨具兩兩依石欄走唐解元六如有題句此畫之大略也按古人作畫

在亭叢書卷九

畫

有筆有墨貴空處設想解脫繩束東村筆磊落唐六如常師之樗仙與沈石田同時師宋元諸家而名少遜於石田當嘉靖中某御史巡按江蘇御史之父慕石田名將乞其畫石田居婁門外相城里召之不至復遣隸人呼之石田不得已携樗仙往御史出新紙強之畫石田不可遂與樗仙於聽事堂四壁各畫其二爲春夏秋冬山水景半爲設色而去御史父聞之乃大慙悔使院在玄妙觀西明末時畫壁尚存唐處士重韓自言其父曾見之十洲畫雖不免有畫院氣而吮墨輕倩意之所至耳不聞鼓吹闐駢之聲亦能品也三人者畫各不同近

亦不多見矣副使名進士由錢塘令至今官有廉績今解組而蹤跡落落世榮故泊如間亦作山水畫乾隆三年三月廿又三日子過其桃花塢寓廬出畫以觀又出其同官朱副使倫瀚指頭畫白鹿圖綠松坡石自成天趣遂並記之

青芝山堂飲酒記

友人張子良思有異才志趣高遠官直隸新樂令歸居城東葑溪之上戊午秋七夕前一日招諸故交四五人飲酒青芝山堂子與焉山堂爲明裏毅韓公故園良思新葺之書屋爽塏疊石爲山雜樹茂密其傍有荷池酒人多閒適筵潔不雜留連永日興盡以返康熙中良思以詩賦召試給札內廷修書書成出爲令和而有守縣故有驛通南北路符檄旁午肅清無誤歸而治薄田種秫暇則鈔宋元人小集聽二子讀書間與客對奕其意蓋恬如也昔晉之陶公宋之蘇子或意不在酒或好客飲皆得酒之趣良思量固高而意趣能兼之可以與之飲酒矣彼遺棄世務沉埋其中嗜之如狂泉者亦獨何哉子舊居鷺鷥橋去山堂不數武良思來而子已遷無能與爲鄰然子無用於世又不知酒之趣者也涼風將至菊有黃花姑與良思論淵明之詩託於醉鄉而與之飲酒

遊西湖記

出湧金門坐小舟由小港至西湖舟中見紅牆古廟爲吳越錢氏表忠觀雷峰塔在其左遊湖心亭亭在湖中過三潭印月以石鑿五孔每月夜湖面浮月五金波滉漾有亭以觀三潭有放生池又有石橋橋曲折以通屋舟泊岸至聖因寺達山顛全湖之景得八九經玉帶橋過賢王祠祠起裏湖之央碧瓦鱗次綠柳中如小李將軍金碧山水畫祠內左一門越壁入小橋流水花竹茂密丁家山一名覆舟山制府李公總制兩浙於此洗土得石劈石得水即石鱗水側置亭屋約半里未之至也

在事叢書卷九

天

抵麴院經陸宣公祠瞻岳武穆王墳墳前有碧血丹心碑夏言字碑正殿岳王像兩廡列牛王兩將軍像殿之後有王與夫人像左有五侯右有五夫人及王之女銀餅像墳在祠之右大書盡忠報國四字嵌於壁羅城皆石爲之王之子雲葬右少下俱園石羅城墳之前左右跪張俊萬俟卨秦檜之妻王氏以鐵寫其四人像尋至靈隱寺寺在北高峰之麓門外多酒家進合澗橋探飛來峰晉時天竺國驚嶺飛來者峰通身玲瓏皆石盤據靈隱三竺間多大木旅生石上不藉壤峰石楊禿伽徧鑿佛像峰根清泉泠泠過寺門跨泉之亭曰冷泉蘇

子瞻有云肯與冷泉作主一百日何用二十四考考中書即此也亭聯予友溫處副使寶坻芮公書泉自幾時冷起山從何處飛來二語公官錢塘令時也伏虎棧在其左以手作足極險怪右轉爲龍泓洞再折爲呼猿洞黝黑不可窺乃坐泉亭松篁作聲如雨入寺憶宋之間駱賓王詩境洵與之合瞻具德長老塔經轉輪殿靈隱少西爲美人峰峰腰爲韜光庵石徑逶迤老樹夾路仰視天光露一綫迴側眠竹引泉琮琤之間詩剗木取泉遙此其驗乎韜光有最高亭遠望江湖如懸鏡匹練惜未登耳過關壯繆廟四賢祠四賢者祀唐刺史李泌白

在事叢書卷九

元

居易宋守蘇軾處士林逋因歎一處士與郡守並列亦高矣哉越梅逕尋林逋墓古梅一樹蒼秀天矯坐放鶴亭望巨石寶雲葛嶺一帶浮嵐暖翠與湖光遙映畫舫紅裙搖漾水際間有橫笛度曲者乃至平湖秋月亭愛其澄澈視放鶴亭少有別耳取道秦亭山入玉泉寺階下甃石爲池流水活活寺西一池可半畝榜曰放生蓄魚數千頭不知年歲其大皆幾尺魚之色有赤如火者月白如黛者黃如金者白如玉者水清見沙磔童子以竹籃盛麵丸投之魚輒接尾至有黠者見舉手即洋洋然來物之爲食累如此觀於魚而益可知矣繇此出青

芝塢歷鳥石峰即岳王墳以循舊逕也乾隆七年壬戌
二月記

遊西湖關壯繆廟記

壬戌六月遊西湖孤山竹閣今爲關壯繆廟中有照膽
臺瞻關公碧玉印印方寸四五分高二寸洞其中如井
欄綠文斑劍其文上曰漢壽亭侯下曰關某之印皆白
文按弱侯焦氏云亭侯爵名漢壽地名老僧出印章考
云公死後佩印爲吳將徐盛得又引吳志黃龍已酉盛
過鄱陽舟覆失於水明萬歷丁巳湖中有奇氣漁人網
得獻於朝越二載己未令太史董其昌齎送孤山照膽
臺又遺印考胡琦曰玉泉顯烈廟有司馬印二枚相傳
公所佩其一方寸文曰別部司馬即傳先主爲平原相
以公及飛爲別部司馬者其一方又五分兩環相連系
於印紐文已訛闕唯左有司馬字可辨或曰關某司馬
或曰荆部司馬又曰今關公廟壽亭侯印即公初封印
紐方二寸有奇其上大環徑四寸下連四環皆系印今
實不見上下環矣備錄之以俟考十二日記

修震川先生墓記

歸震川先生墓在崑山東南門內葬先生之父岫雲公及先生凡兩世子孫凋孱幾爲群小荒廢乾隆六年有司檄縣令整理署篆丁公語諸紳士刈荒榛掃瓦礫毀茅廁復築墓門圍牆重新之先生之文本諸六經三史八家當是時天下方相率爲浮游汎濫之辭先生得古人微言與旨發爲義理之文景陵張文隱公謂爲賈董王文肅公稱其溫潤典麗如清廟之瑟王弼州踵二李之後主盟文壇奔走四海不少下其晚年贊先生畫像有云千載有公繼韓歐陽予豈異趨久而始傷弇州遲

在亭叢書卷九

三

暮自悔如此先生爲政稱循吏其文與治行皆可傳爲前明一人葬以萬歷乙亥蓋百幾十年矣邱封翳然墳墓莫翦昔賢愛人懷樹尚或不泯況先生之文與政有不朽者乎丁公之修墓得永保亦即過九原者留連於隨會之意乎聞方斫塚上草草根皆有光燄數日炳然其靈異又如此誌稱先生在孕時家數見禎瑞有虹起於庭光屬天故名有光今墓草亦然宜其文之光芒萬丈也下公名元正字一峰湖南衡州人以拔貢署如臯縣新陽縣去如臯任猶以蘆洲稅賦繫懷數請減亦仁者也十月某日記

天平山看楓葉記

天平山予舊所遊也乾隆七年十月朔之二日馬生壽安要予與徐北山遊泛舟從木瀆下沙可四里小溪縈紆至水盡處登岸穿田塍行茅舍雞犬遙帶村落縱目雞籠諸山楓林遠近紅葉雜松際西山皆松栝杉榆此地獨多楓樹冒霜則葉盡赤今天氣微暖霜未著樹紅葉參錯顏色明麗可愛也歷呪鉢菴過高平范氏墓巖壑溢秀樓閣漲彩折而北經白雲寺憩泉上升閣以望則天平山色峻峭疎松出檐楯涼風過之如奏琴筑或如海濤響馬生出酒饌主客酬酢客有吹笛度曲者其聲流於林籟境之所涉情與俱適不自知其樂之何以生也方今淮徐十四州縣被水舟從城上過濟寧河隄繼決棗林諸處數十里多牽馬船載以渡而沛縣復水湧流民載路上塵

在亭叢書卷九

三

天子宵旰出帑金賑卹謀毋失所而吾郡獲邀蒼昊太和之氣秋禾茂登民物安阜初冬佳日吾黨得以嬉遊田野顧瞻山澤之明秀雲磴石壁巉削類斷深林紅葉掩映若畫酌芳醴對良友陶陶衍衍舒我襟抱覺天地之浩浩景物之熙熙而忘吾生之須臾也其樂又寧有涯歟始約遊者六人馬退山張秉衡王在林皆以事阻

而子兒子師稷適來馬生之父南村聞予遊輒喜携其
孫以從適得六人遊之後四日北山補圖以紀其勝而
予爲之記悔廬翁李果

中峰經遊記

乾隆十年十月廿有七日子以省先壘經木瀆黃家橋
薄暮遇雨宿馬生耕巖山居明日買舟西至塘灣高木橋半
許過寶葉庵至棗園既省壘回舟至黃家橋携馬生從
王家術北步至上沙歷梁巷爲梁鴻牧豕處東觀漢記
載鴻牧豕上林苑中誤遺火延及他舍悉以豕償之不
足乃願以身居作而此云其牧豕地毋乃傳之者誤耶
望徐昭法枋澗上草堂在略東北已爲他人居西南爲
詔山有范氏三太師墳墳有紅葉五六株極高大予向
有詩稱其類鷹爪即此過芳芷橋入聞鐘庵見南海梁

藥亭詩門前椿樹一本亦百年物東北過范文正公忠
烈廟時已晡日色照廟門樹紅豔可愛間有深黃乾紅
者以今年未著霜色不甚著又是日風厲葉半落也少
東爲白雲泉至緡經臺過范少叅長白祠度宛轉橋橋
下水涸而淤沙聞夏日紅蓮甚熾過大同守范君從事
土木點綴臺榭其族人方爲構雲中書院又敘范君捐
義田事爲 恩綸亭觚稜有金碧者留予宿予不果遂
循東南出平嶺穿潼梓門至西北抵支硎之中峰以望
諸山聽流泉入中峰寺留水明樓夜與浮屠念庭及馬
生論詩相與觀蒼雪長老遺棠將謀鏤板念庭與其祖

性原皆嘗從子遊者質明馬生辭子歸木瀆子食寺之
嘯雲堂中庭西府海棠方作花讀故人張石帆方勺湖
壁上詩坐南來堂冬青軒想見蒼公遺韻子亦即歸念
庭遂送子出歷山麓諸精舍少憩遂經支硎巷憶舊友
唐研林已下世久矣研林句容人與丹徒李御簡俱隱
開門之市廛皆嗜詩研林嘗選唐詩數十卷後居此由
支硎巷至西津橋間思菴訪石杉禪友菴面流水古木
斷垣屋五六椽頗清逸出金壇史進士公度記簡雅可
誦石杉採野菜作飯意蕭閒而真有道人風味以視山
麓諸庵修飾爲潔淨者未免猶有世情歟路口過造船
廠見風楊古榆三四株屈曲如畫與念庭撫柯久之乃
抵楓橋念庭遂別子歸中峰是日行三十里子苦家累
久念此山雖非奇峻瑰怪而幽寂深遠人跡不喜到觀
煙雲草木蟲鳥之狀吾得以安焉而不知何日囊書以
居也十月廿有九日悔廬記

記白燕

汪子峻堂園居在吳江平望鎮子既爲文記之其屋有
燕巢承塵今年丙辰五月燕乳雛七一雛毛羽色白稍
稍能飛翔集團樹間間出鎮之東西隅有鳥數百隨其
後匝兩月燕乃就鴛鴦湖從南飛去是歲峻堂試京兆
歸語其事李子曰白者屬金西方色也潔也素也明也
質也古人言之矣文章之道紛華者其說支粉飾者其
說駁本之性靈有根柢者真以素記有之白受采故必
受質於樸揚輝於素此天地之至文也子之文殆類是
燕以之來乎夫燕玄鳥也春秋運斗樞以爲瑤光星精
所化昔賢有白燕巢於庭樹者馴狎几案然不多見今
乃叅於煙雲之表栖於湖渚之野天海沈寥迴翔自遠
果何意乎客曰汪氏先世有德峻堂克承厥祖故白燕
兆於庭或曰此祥也燕雀也爵與雀通雀白者子孫當
爲清白吏二者未知何居李果記

記日本茶鑪 左思詩心為茶荈劇吹噓對鼎鑪

東洋日本國製器精巧世所貴者漆器多泥金爲其本國山水花卉悅目而不適用倭刀鍊數十年鐵成之鋒鏘迅利其次銅器亦雅偶於副使座上語煎茶銅鑪欲屬沈君燮庵乞之汝南氏副使弟方齋適有自海舶來者出其一以贈鑪形如壺容水一升高可四寸覆以蓋中沃以錫有細管勾曲以注水管如高之數而少殺質薄而堅有梁可提以之煎茶視陶器爲鈍拙先是吳市多有之三十年來監司郡守以次買銅海外銅器騰貴吳城金工遂依仿造作亂真者多矣予考有虞氏尚

在亭叢書卷九

天

陶其後劔斗匭柱櫛皆銅爲之漢律歷志凡律度量用銅取其爲物至精不爲燥濕寒暑變節霜露風雨改形也而考工記載攻金之工有六天時地氣材美工巧其器乃良然等是材也而美惡分工也而巧拙異者多矣天下物寧獨銅器乎哉抽管記之并系以詩

赤金爲茶鑪携自日本賈萬里海舶來魚龍共行旅故人何殷勤一語輒見與朱火燃其下風水互吞吐投以日鑄若毋勞久煎煮輕盈蒙霜華芳香流碧乳石鼎空摩挲陶瓦亦苦窳物微意則深感歎無爾汝吳中久不雨藉以滌煩暑 時季夏無雨

別白松樓記

白松樓在閭門外半里許汪氏堂之西隅松當樓之南面啓牖則見其樹杪與檐平蒼翠鬱然予下榻此樓者有年風雨晦明擁書相對忘其久客也當夜半風起則欹枕而聽如在空山濤聲謾謾過枕上樓之對面前後及東偏皆樓計二百四十餘楹中累石爲巖岫坡陀截壁雜樹梅桃桂梧桐檉欄芭蕉石壁積苔蘚長廊雪竇如小李將軍畫今年汪子典與他姓而此樓遂與俱去汪子多雅懷好治宮室凡所作既成有不當意旋復改爲又好聚書至萬餘卷多宋元明人書畫金石碑刻三

在亭叢書卷九

天

代鐘鼎敦匱樽盃官哥窰金玉雜故物行市上見舊畫帖或舊鈔本書不惜解衣付質庫購之其興寄之豪多類此今其去此屋夫亦境之所處有不得已也而舊物亦漸次散去會得舊園於木瀆市之東乃勝國陳文莊公之子皇士別業補綴之將招予同往夫境之去留何常天地亦逆旅而此樓亦傳舍耳何拘於歲月無處非吾逆旅也汪子之居此始乾隆二年丁巳至今纔十一年中間又羈留錢塘蘭溪者兩年歲序之遷流處境之周章友朋之去來世態之炎涼俯仰今昔亦何能無感於中顧吾常過汪子瀆上之居竹木幽茂怪石峻嶒有

岡阜有池有橋有亭有樓有水閣南望堯峰北望靈巖
穹窿秦餘諸山有書可讀閒泛小舟涉太湖登莫釐縹
緲七十二峰雲霞皆在襟袖亦何戀戀此城市爲哉汪
子頻年境皆齟齬方且讀書靜居可以明道伊川有言
達理則樂天而不競內充故退讓而不矜王陽明則以
爲君子之學務求在己毀譽榮辱之來非獨不以動其
心且資之以爲切磋砥礪之地故君子無入而不自得
也亦何在乎去此屋乎若予者鄙拙不肯爲骯髒以迎
時好老思買山以隱與漁樵爲侶其視此樓尤客中之
客耳惟是數年之久睠念老松礫硯多奇姿亦如我故

在亭叢書卷九

罕

友未嘗忘於懷也遂記之乾隆十二年十月晦日

仁壽堂記

仁壽堂者朱君用濟之所建也堂之東以施藥而西爲
塾師講習地經始於乾隆十年之三月月至十一年而竣
事有堂有樓有齋舍庖湍戶牖疎朗聚藥與書規制周
密落成之日郡縣學廣文暨搢紳先生翕集瞻望歎異
以爲貧民之病得所療窮檐文教之被可以繇此以進
於成材邵編修北厓旣以仁壽書其堂矣謂宜有記以
告來者而固命於予予乃廣編修之義而申其說焉昔
先王不忍民之疾而瀕於危也於是爲針砭湯液醴灑
以療之而使無夭札之患先王不忍民之逸居而不知
學也於是設爲庠序學校之地明人倫之道以教之而
後無冥行擗墮之患若是者皆欲躋於仁壽之域也初
朱君嘗建廣仁堂於清真觀傍以待舊族之有地而貧
不克葬者爲引而瘞埋之其事載郡守建水黃公記中
旣又網羅古方試之精良購藥如其法以治病輒愈四
方以病告者如市堂之爲地小至不能容乃謀建斯堂
而徙之則又設書塾於其中謂天下有有形之病有無
形之病有形者山川風露陰陽寒暑與夫動作不靜飲
食無度此疾之自外而入腠理干腑臟循其病之所在
以藥石療之所能及也逸居無教晏安鴟毒疾自內作

在亭叢書卷九

聖

渾渾冥冥所謂無形者非化其心開其意治之以詩書不可也夫學亦治人之藥石也就良先生朝夕講誦足以去疑解蔽日新厥德因進而通古今之變識治安之理發昌明博大之文以備朝廷選舉無亦非儲材之意乎或者曰藥以治病者於仁壽之道得矣於教子弟其亦有說歟曰天下莫忍於可以爲善而任其爲惡而莫之救也莫夭於昏無所知蠢焉以老而莫之覺也其分年而授之學則自一年離經辨志由小成以至九年知類通達彊力不反而至大成如陰陽之迭運於四時而無間内外交養本末兼舉則人材陶淑皆得其理而可

在亭叢書卷九

聖

以爲天下國家之用今朱君一舉而兩得之蓋仁壽之在治病者小而教子弟者大也子曰仁者壽子貢曰學不厭知也教不倦仁也嗚呼使盡如朱君之用心則試之一鄉一遂可推而用之於四方有不躋於仁壽者乎至堂中所施藥既皆本諸古人成方而師之所以教弟子者本之於經通之於史論古文之源流講制義之得失亦皆必有成法以次第施之是在良先生之善教也登堂之後樓則見雙塔巍聳之峙於前喬林蔭翳之拱於後朝雲暮靄浮湧几案復可以供學者息游之助洵佳境也堂在郡城東陸家巷乃書之以爲記

墨莊記

朱君愚溪比部貢外莘園公之六子博雅好古居郡城之南新治小軒於其堂之後藏書頗多遂取宋人劉式事以墨莊名之而揭岳忠武王書墨莊二字重摹勒石軒前嘉木蒼鬱多疊石爲小山絕壁下有清池每雨過投以石觸擊有聲與池水相激越息機靜對髣髴游魚鳴鳥時來窺人軒之北牆外爲崇阜當風日晴朗雲霞澄鮮遙望西北秦餘穹窿諸山浮青翕黛披襟挹爽其境若與書卷相融洽非必驚遠凌危奇詭秀以求堪巖穹谷於數十里之外此豈易得哉前輩謂文人未有

在亭叢書卷九

聖

不好山水蓋山水遠俗之物也俗者與道相背俗遠而後可以讀書研理可以見道俗不遠則求諸可以超曠之境於以滌塵氛而遺世垢今愚溪之居雖不離城市而心固常在邱壑之間宜其所好之有以異於俗也墨莊者式於太宗朝掌邦計有年身後惟遺書數千卷夫人指謂其子此乃父墨莊也其後人若敞放並起高第爲名臣愚溪之所以名軒者以此若忠武書忠義之氣如見昔人已言之茲不具論云

在亭叢彙卷十

長洲 李 果 碩夫

書王伯穀手簡

伯穀少遊衡山待詔之門其壻元喜子長即待詔孫和州學博嘉子也此詩與札皆伯穀寄其外孫彥可者字懸腕中鋒書大小不一游行自得之致神似待詔伯穀五子俱幼家事俱彥可代理子曰無田無留者又即從彥可學以甥而課其舅非古誼獨持者不能也待詔文章德望傾動海內其門下士如陸少卿子傳王吏部祿之彭隆池年周公瑕天球陳白陽道復皆得其流風餘

在亭叢彙卷十

一

韻伯穀詩與文寶相上下札語皆疎落可愛彥可之子端文裝爲兩冊後有中書震亨跋並百餘年矣閱之見吾郡前輩風流具在也

書文子長詩

雁門文元善子長和州學博之子喜爲詩詩頗多不自收拾此數章其四世孫含得之友朋家或殘扇斷簡搜羅者也子長喜作畫多藝能鑒古博物及花石禽魚之玩漁獵騎射招諸故人張燈飲酒爲樂不愧佳公子既後復治田而田多菰蔣鮭蚌子長不以爲意也雅不欲以詩自衒其外舅王伯穀數數稱其畫與詩待詔風流文采子長無愧家法焉此詩雖止近體真比於鳳毛麟角矣

在亭叢彙卷十

二

書邵僧彌小簡

邵僧彌初名高居長洲之陸墓里自父之翰以上二世割股療親疾至僧彌嘗三割股以瘡其父母能詩善寫山水兼真草書此卷不知何時作皆寄令和小簡共十八紙圓健有王大令風予考令和本邱姓居西郊之桐涇工鐵筆與顧元方齊名亦能詩札中所云九章會文九章者即金孝章先生初曰朱袞字九章兵後始易今姓名其時猶未棄諸生與僧彌居母憂皆在崇禎中及今蓋百餘年矣前輩敦篤友朋之真誼蹤跡之離合於此可想見之亦幸事也

書蔡在谷先世遺墨後

予過蔡在谷書堂出其曾祖以下遺墨一篋見示歎在谷謹守先澤餘百年而猶在此孝子慈孫之苦心能表見其世德也蔡爲洞庭西山著姓在谷之先自前明萬曆間遷郡城于蕃先生諱之宣天啓辛酉恩貢廷試第二初明先生諱德熙吳邑諸生松岩先生諱鎮布衣績學此在谷之曾祖及祖父也三世皆立品方潔爲耿介士平生墨蹟散失者多在谷於族人間蒐輯片紙隻字皆不忍棄松岩先生手輯四書正解在谷欲謀付梓而力不逮輒於邑予讀于蕃初明兩先生遺訓語雖不多平淡無奇而立身行已爲學之道已在於是先人家世之清貧經學之深粹一一如見士君子被服古人誦法其言語文章爭自以爲抗衡昔賢夷考其行而往往背馳者有之矣嗚呼若蔡氏世德若茲非矯矯不佞者歟予與蔡氏稱通家先君子嘗受經於蔡雪觀先生諱德烈之門即在谷從祖也蔡名德之後而在谷又孝友力學有文吾知後賢必有興起能保此遺澤也

書慕廬先生手簡後

手簡十餘紙乃慕廬韓先生寄某翁者其中與會所言不一而約略多廬懷玉峰徐尚書事初康熙庚午尚書領書局於洞庭東山先生排纂隨左右官斯土者與尚書相警構奸民撫他人事牽連及尚書禍至不可測門人賓從握手不顧獨先生於波撼震蕩之中挺立相依謗訛亦漸息師友之義始終不渝觀此簡益可知矣是時

聖祖皇帝有大小臣工各釋朋黨之論乃知

聖主深仁久在覆幬之內其事載先生所撰尚書及相

國墓誌中并記之

何昭夏梅花詩跋

詠梅詩梁元帝與陰何最著唐則僧齊已賦之尤多者宋陸放翁張澤民動至二三百首然要必以林和靖暗香疎影爲千古絕倡何子昭夏探梅鄧尉山著詩四章意遠辭鍊平正中有古澹之致讀之彷彿穿雲渡水登萬峰之巔使人神往誰謂古今人不相及哉昭夏好遊復精繪事嘗歷楚南衡永寶諸處又嘗登黃山天都峰絕頂作畫吟詠頗多皆可傳誦而予尤愛其舊作香國梅爲海人家花作田之句惜不附之於後也

書贈吳孝子詩卷後

宿遷孝子吳世瓚尋其父走數萬里所歷海內外士大夫及山澤之有識者皆贈以詩次而集之凡若干首初孝子甫五歲父他出生母亦即世踰十年孝子與庶母訣誓不見父不歸遂從蘇州至上海會有傳其父與胡生販布往日本者孝子即附舟徑渡海至日本不可得乃至琉球歲辛卯抵寧波復有云往長崎者長崎在琉球東往返十有九月不能得復從寧波抵朝鮮因遍歷朝鮮附近諸國若甲刺巴交趾紅毛靡不周歷癸卯復至蘇遇賈客鄭生鄭生故熟遊關以外者孝子授零丁

在亭叢書卷十

七

五百紙屬其黏之要路乃復從水路西入蜀越一年至黔中晝夜行達滇南遂入兩粵道楚湘經豫章返浙江航海至閩出臺灣時康熙六十一年矣再至蘇由濟上歷齊魯雲中秦中俱不得蓋歷中原者幾遍孝子亦苦矣哉雍正元年從棧道重入蜀復至滇黔留三載踰長沙將取道去京師夫以孝子五歲失父音容笑貌不可記憶徒步出門纔十五歲始於康熙四十一年癸未迄今雍正十二年甲寅爲春秋三十有一歷省十四外國七爲程則數萬餘里茹蔬斷酒黧面繭足南北東西偃偃無定過家門不入中間蠻煙瘴雨危崖絕磧山妖木

彪虎狼虺蛇與猺獠睚眦欲噬無所不歷而涉海則魚龍之出沒濤浪之洶湧帆破桅裂飄搖震蕩心憂悲憐飢寒疾病蓋瀕於萬死一生者屢矣幸而不死天地鬼神實相之非至孝所感而能若是歟先是孝子至杭州值武進趙恭毅公官浙江巡撫行部東城孝子自委巷出衝其節鉞公贈以詩云尋父頻年願未酬龍潭虎窟幾驚憂白雲迷跡心無定夜看窗前碧海秋因嗟訝久之今距趙公官浙江時積若干年而孝子之行愈苦使趙公尚在其嗟歎更何如也孝子父久文字爾立補歛縣廩生本葉姓僑居宿遷之六里橋母李徐州人亦早

在亭叢書卷十

八

卒胡生即爾立之甥以貲屬其市布乘爾立出挾千金以遁爾立感憤而行蓋康熙三十一年事今屈指爾立亦年近七十矣而孝子至性顯誠備嘗危苦歷三十一年之久其境彌困其心彌堅所謂孝之至者身有所不顧吾卜其他日終得見也予又聞孝子客洞庭東山遇方士爲設壇致其神而令孝子遙望見其父黑鬚彷彿如五十許人而不可近意者父子精神之交若有以默慰之者耶歲之九月予與孝子萍遇金閨見其面有愛色言輒泣下不止且出諸贈言相示時孝子將北行出關遂書於卷後蓋悲孝子之志因以愧世之親在而不

知孝者

題華西園詩

華子西園詩才淵博五古蒼秀絕倫近體亦溫雅七古
雄橫跳脫有天機流轉之妙駸駸乎超元祐淳熙而上
時俗所僅覩也已酉秋偶與雲川臯里兩太史舟過槎
浦海潮初上秋水時至夜半見月華新吐相與披詠是
卷傾倒不置詩之佳境正復類此

書杜雲川太史上嵇相國辭舉鴻博書後

昔人謂韓昌黎上宰相書言多悲慨蘇氏父子投執政書多曠達而激昂曾南豐上歐陽公書綴語種種斟酌然皆意有所請或欲見其抱負而此以謙退誠摯特勝要之太保公之薦賢太史之辭薦各以其道均爲得體矣

書王節婦傳 吳江潘杲作

予讀王節婦曹氏傳而慨然於大復讐之義也婦之於夫猶子之於親也春秋公羊傳曰父不受誅子復讐可也况斃於盜者乎節婦以弱女子籲當事懸賞金卒肆盜十九人於市是豈尋常守節者所能幾哉小戎一詩孔子錄之嘉女子之明大義也我鄉汪前輩鈍翁壽節婦文盛稱其能復夫之讐以守節有以夫

書宋貞女詩後

長洲程樹玉生聘室曰宋氏玉生才而殀氏以死誓父古農公歸之於程以遂其志不及侍姑奉其舅盡敬禮詹事錢柘南編修邵北崖蔣西原三君子各述以詩而臯里楊編修又爲之立傳宋氏尚存而傳之者明乎全其爲貞者也考之戴記未取而女死壻齊衰而弔旣葬而除於夫死亦如之蓋未成乎爲婦也而楊編修著論引栢舟之篇明共姜之未嫁夫子登其詩於風見貞女之行合於經夫編修之所據誠不易矣愚竊以爲昏禮問名納徵女雖未嫁而名已通乎夫之家身旣受乎夫

在亭叢書卷十

士

之幣矣女子之道名不踰外閭幣不相交接則妃匹之義自茲定焉不俟莫鴈共牢爲與之齊而後終身不可改也且後世夫婦道苦聞貞女之風當必有感慕而興起者於閨門之禮王化之原所助寧淺鮮乎固未可泥戴記之文而或有疑已玉生年十二通十三經爲弟子負其卒也以哭大父之喪宋氏名景衛通經能文紹興守定業女孫潮州同知志契女也三君子之詩思深而旨遠其亦得古風人之遺者云

書東坡佛印論道圖

蘇文忠公與辨才叅寥了元爲禪友而與了元尤契風流調笑別有超詣了元即佛印也吳人柳遇工人物寫公巾服坐石磴磴後石几陳書一冊佛印則袈裟相對若談禪者溪山深秀流雲過樹筆頗閒逸予見公雜志元祐四年公以龍圖閣學出知杭州過潤訪佛印於金山寺佛印有轉語公擬議未即答戲請以所繫玉帶鎮山門又詩話載公喜食燒猪佛印嘗燒猪以待一日爲人攫去公作詩有云遠公沽酒飲陶潛佛印燒猪待子瞻之語而先是元豐五年五月公官黃州於齊安江上

在亭叢書卷十

古

得怪石二百九十八枚又得古銅槃以盛石注水時佛印在廬山即以爲供復紀以文佛印爲刻諸石此兩公之蹤跡往還也不知此圖所寫何地而所談者又何語耶公早悟淨因其自寫生平見於惠淨師贈石絕句序自覺出處粗似樂天樂天恬澹嘗與香山浮屠如滿結社白衣鳩杖自稱香山居士公庶幾相類圖之益見其心性超朗可徧歷劫幻也

侍郎周公神光寺募疏跋

福州神光寺修建法堂募疏順治八年辛卯戶部侍郎周公櫟園官福建右布政使時為浮屠如敏所作藏於寺雍正十年壬子公之孫鴻舉任福州府通判迎養其父廣德公於治所隨之至寺如敏七世孫雲機出冊以示蓋歷八十餘年蠹蝕過半而墨蹟飛動鴻舉手捧痛哭既重為裝潢念先祖手澤寺僧奉為世守不欲攜歸令其子世祿錄一通即此本也按年譜公是年以代建南道自汀州還福州方在汀招撫土寇曾省之餘復代篆赴延平時邵武有耿虎之亂公單騎往諭虎降此疏

引其殆赴延平之前作耶果嘗讀公所為文宏博磊落不依傍門戶據案疾書皆衷於理義嘗以書生領兵事平海寇十數處於金戈鐵馬中不廢吟詠詩亦多歲庚戌在江寧忽夜起慷慨太息盡燒其平生纂述百餘卷以是留者絕少其長子在浚搜輯為二十四卷而此篇舉官閩方修通志以公治閩事蹟請載入主者有難色乃追求順治間遺案得入志立名宦傳又邵武有詩話樓以宋嚴羽滄浪邵武人與戴石屏論詩於此公請祀於此樓以詩話名後人以公有全城功又深於詩遂以

配祀兼泐公寒食登樓詩四章於壁傾圯者再鴻舉與邵武守王君實修之亦以念祖德也昔唐薛元超轉中書舍人省中有磐石祖道衡為侍郎時嘗據以草制元超每見石思祖輒流涕而魏曹休祖父嘗為吳郡守休後亦為此官見壁有祖父畫像乃下榻涕泣昔人於其祖一畫一石緬懷與感矧為祖之文筆乎而鴻舉又官於其地宜其泣然不置也公之四子在延有過濤青軒讀募疏引詩六子在建有神光寺詩附錄於後在建曾知廣德州即鴻舉父也鴻舉後為蘇州府官糧通判有賢聲乾隆七年九月長洲李果跋

書彭念堂秋山行李圖卷

情爲天地之膠漆於朋友尤甚是非得失悲憂患難以至關山古道之窮愁旅思羈魂之悽惻朋友能知之亦朋友能道之也情者交友之端也漢陽彭念堂與長洲過欽願交於逆旅彭子能詩而過子治幕學方負米四方悵悵無所之彭子將歸漢上爲寫秋山行李圖崇山疎樹雲煙遠近舟泊大江一人俯身臨水際而負擔者在後題詩其端旨深而思遠蓋過子亦將遠行合并不可知彭子之爲是圖意他日終有遇也蓋兩人之情深矣予謂多情累於至道戰國遊士樂於說之易合不知

在亭叢書卷十

七

有道之可信而西漢人好傾心沽美譽相率而爲之者得不勝其失昔人具嘗論之若二子者持己以道具有至情而能不易所守雖范張何多讓哉丙辰六月書

書幕府躬耕記後

幕府躬耕記鶴江邱某爲休寧潭渡黃子宗夏作文約五百言仿六朝儷體而運以宋人之筆後附詩二首當雍正初宗夏客廣西提督韓將軍幕廣西古百粵地襟五嶺連兩越外控交趾海徼溪峒西南瀕接稱險峻凡耕於野居於室行於道塗處於卒伍者咸仰韓公爲保障而宗夏實襄贊之厥後韓公奉命提軍會滇督平苗彝宗夏崎嶇軍旅規模布置著有勞績韓公倚之不啻如左右手宗夏於廣西衙齋墾隙地藝稻以驗歲之有秋遂傳爲美談邱君所由記也夫諸葛武侯種菜郭汾陽河中負耒至今稱說若宗夏者大小雖殊然其心寧有少異哉宗夏名曰瑚好學喜交遊嘗遊廣陽劉獻廷繼莊之門繼莊歿於蘇門弟子遠近會葬者數百人莫不以宗夏爲歸宗夏父家悌字復庵曾居吳甲寅乙卯間爲讐家所構繫長洲獄十四年獄中疊石爲小山種竹樹纔盈尺鑿池養魚以自娛有張翬者復庵友也亦以事繫兩人相與日夕考經義讀史不休因多怪之當是時宗夏學成欲伏闕上書訟父冤中道聞釋乃歸復庵事旣白乃徧歷齊魯燕趙荆楚間後遂徙城西九龍山不復入城市蓋異士也宜宗夏之志行爲不群

在亭叢書卷十

太

歟宗夏門人毛生出記見示爲書其後時乾隆三年大暑日

書徐侯齋芝蘭畫後

侯齋先生申酉之交隱居上沙澗上嘗終身凍餓惟寫山水自給間寫蘭與芝草其畫皆在筆墨之外今圖中雖一二筆而孤介之概可與宋人鄭所南頡頏侯齋嘗謂所南之蘭寫其怨要之必有所寄託也當乙酉之歲文靖公執侯齋手泣曰我固不可不殉國若即長爲農夫以歿世可以無憾時侯齋必欲相從地下旣後追感遺訓耕桑谷飲岌岌留此身以爲故國之完人其志亦良苦矣其在山中專精史學又嘗輯廿一史文彙通鑑紀事類聚二書其紀事者部系以事事系以論其間治亂興亡之數較晰毫釐得春秋之義惜其書不知歸何人予方分纂郡志遂書其事於隱逸傳乾隆十年九月霜松草堂書

書高南阜背匙圖

向背之論靡有定也我以為向衆以為背向者背矣我以為背衆以為向背者向矣人知背之為背而不知向之亦為背故向背之說靡有定也駟鐵之次章云公曰左之舍拔則獲獲之有宜於左而不終為背也然則南阜之左其匙安在非南阜所獲之多乎南阜可無嘆於左矣

背匙二字見冷齋夜話予與李德修游公藝同詣新貴人予三人皆左手舉箸貴人曰公等殆左轉也予應之曰我輩定須還左轉如君豈是背匙人匙音與

在事叢書卷十

三

時同蓋背時也時南阜以病右癱方罷官江撫都御史文登徐公既為之贊而屬予題其後

書范貢庭塞北省親圖卷

塞北省親圖一卷貢庭范子將省其尊人太守君於大同會承太守君命奉其祖母太夫人就養於官及叔氏偕行而圖也作圖者為里人陳必大而富陽董太史東山為補其出居庸關塗中之景圖中巖嶂蒼莽亭堡絡繹老樹拔地黃塵際天鳥道盤空而上塞北之地宣府則山多而少樹大同則山高而多土此其大略也貢庭以雍正甲寅秋八月抵京師始出關乙卯夏六月乃歸往返絕塞經萬里餘可謂勞矣昔唐狄梁公過太行見白雲孤飛曰吾親舍其下劉禹錫為播州刺史御史中

在事叢書卷十

三

丞斐度為言播州極遠禹錫母八十餘不能往帝易連州而漢書載雋不疑為京兆尹每行縣其母問多有所平反輒喜笑言語異於他時否則怒之三人者事各不同前史皆述之為美談今貢庭奉祖母以行既得免梁公望雲之思而大同古晉冀地去吳四千里風土淳厚非播州比太夫人康強能親至其治以觀新政無煩易州治而其為良二千石居股肱要地寬仁得民民以無冤則又得不疑之敏有以慰其親心是圖也貢庭父子之孝思於此並見洵遠邁昔賢者矣至雲中三面臨邊河流環折為漢魏尚李廣舊所守地雄風猶在 本朝

德威遠播邊塞之地烽燧無警貢庭美才華能文而個
儻按轡之餘登高憑覽得毋有感慨於昔而幸承平之
盛以見之歌詠者乎予知貢庭不獨奉親爲孝子他日
克繼其父爲勞臣也

書陸茶塢秋江芙蓉圖

離騷經云集芙蓉以爲裳蓋以被服之潔鮮喻修善之
明著也而古詩十九章其第六章曰涉江采芙蓉則又以
寓思友懷人之旨至唐高蟾有不怨東風之句說者乃
謂其能安於所遇焉蟾之意亦本之於離騷離騷曰不
吾知其亦已兮苟余情其信芳蟾之不怨非斯意乎茶
塢寫秋江芙蓉而圖其貌於旁其懷友之思乎抑不怨
之志也茶塢高懷磊落豪於酒喜交當世士當世士樂
與之遊槃竿之會無虛月當不至別久而有思然茶塢
好吟詠坐明瑟園嘯歌於中徜徉自得則又非寄慨於
不我知者賢者固不可測余幾無以測茶塢也

徐瑤圃畫雲間往哲遺像跋

華亭徐璋瑤圃摹寫雲間往哲像始於大學士全公思誠終陳黃門子龍共一百十人蓋勝國二百七十年凡忠孝廉節文章理學悉登於冊瑤圃筆意蒼秀茲冊又所加意英姿颯爽德容肅穆仰止之思不覺油然而生夫前賢登臨之跡一樹一石猶動人流連矧瞻其眉宇恍如聆其謦欬者乎吾吳先賢像爲錢叔寶手筆錢允治功甫欲歸之文文肅公有貲郎以厚利願交於功甫功甫不可文肅感其意至質其家藏宋槧史記酬之後人爭賢功甫然何如瑤圃之自爲寶愛乎乾隆五年九

在亭叢書卷十

圭

月病中書

書葉母杜夫人遺像卷

夫人黃岡杜于皇先生女葉桐初隱君之配此像夫人年二十餘女史朱洵所作其子子山出示予于皇名濬明季乙榜官鳳陽府推官兵後隱江寧鍾山著有變雅堂集爲海內推重桐初名藩父慎行歲甲申以諸生殉國難桐初居太倉之沙溪痛父志節不應試而專志於古學于皇來太倉見而愛之許以女後就婚江寧遂僑居焉此蓋僑居後四五年所圖也桐初客遊遍四方于皇死乃移家來蘇未幾歸沙溪舊居既又至京師歸卒於塗之新城桐初爲子祖母葉淑人姪方夫人居蘇予

在亭叢書卷十

圭

年十四五屢過其居夫人治雞黍間出饌飫食我旣歸鄉予以事至沙溪復見之最後夫人卒年至七十餘今乃瞻其少時之像雖未逼真而夫人之賢淑亦可想見矣予聞于皇屬其客爲太夫人寫像太夫人艷然不許于皇慨歎言悔不學寫照今夫人之像出自閨閣之筆亦猶于皇之意也子山今年亦七十餘矣其什襲藏之桐初客燕京屬禹鴻臚尚基白描戴笠像沙溪廬墓圖合一卷惜失之僅王太常煙客王廬州元照所寫白雲圖多吳梅村陳言夏魏叔子諸公題辭尚在耳乾隆四年二月表姪李果記

題周庸客小像

無機抱甕汲有道帶經鋤庾子山和永豐縣侯言志句也漢陰丈人爲圃畦鑿隊而入井抱甕而出倪寬鋤罷休息輒讀誦兩人之志行固高矣周子庸客澹泊自宜遊心於道能忘乎機而不移所守寧迂拙勞苦而不趨便捷之徑以是所得獨多此其人殆有味乎子山之言者歟亦可以知其風矣

跋甘泉漢瓦

漢甘泉宮瓦山陰楊畊夫於閩中搨以歸者瓦徑五寸強背平可研墨銘有四字其文曰長生未央字蹟絕古雅蓋侯官林同人從父宦遊長安得之淳化縣亂山中而此本今則歸之周季子往予見秀水朱先生竹垞搨孔廟五鳳二年甃吳寶鼎甃又摹此瓦合裝成一冊又爲同人賦甘泉漢瓦歌紀其事漢歷今二千餘年甘泉未央飛樓連閣若三輔皇圖西京雜記所載者皆已淪沒而此瓦出於風霜灰燼荒煙蔓草中流傳至今寧非厚幸哉周子篤於好古其得此搨本寶之不啻如拱璧也壬戌十二月鷹揚里書

題朱翁所藏畫卷

以下題畫十首

古人論畫謂筆墨之外有一種逸致乃為神品此卷不知何人所作絕似高房山又如米虎兒其皴染之法若作草書全不經意而結束入微遠山蒼茫林壑欲而咫尺具千里之勢晴窗披玩恍疑遊洞庭西麓長沙漁洋皆在几案間也

仿巨然畫

惠崇巨然皆以高僧逃於畫禪惠崇以豔冶巨然以平淡各有所入巨然師董源嘗寫松亭雲岫圖而筆則超矣此摹仿巨然頗有不經意處雲峰石迹迴得渾穆之

在亭叢書卷十

无

致觀此可以知畫

撫琴圖

琴之道淵微乃聲音之至妙歐陽公所謂純古澹泊與夫堯舜三代之言語孔子之文章易之憂患詩之怨刺無以異其能故使怵戚者聞之含哀悞吟和平者聽之怡養悅愈其感人之深有不可解者焉世傳伯牙鼓琴子期輒能稱善子期死伯牙破琴絕絃終身不復鼓蓋調高為難而知音尤不易得也觀此圖中層巖絕澗一人刺船正襟危坐撫琴一采樵者隔溪倚擔靜聽絕似伯牙子期有神遇之樂偶一展觀覺海水洞湧山林杳

冥不待奏水仙之引亦足移我情矣

楊子鶴春景

虞山楊晉子鶴為王翬石谷高弟其寫山水本之黃子久而得其師法又善寫真及牛此幅清麗似元人趙大年筆春山綿邈蒼翠欲滴野田茅屋漁舟沙鳥各有其致而野人相訪情話如在恍如坐我水村不知身之在塵境也按其畫時子鶴年八十三矣是歲潛江宗人恒堂官蘇州郡丞曾乞其畫得水墨梅一兩枝疎花數點老幹可愛蓋已不能更作山水而此獨嚴整如是神韻生動流溢於絹素間不易多得也

在亭叢書卷十

丰

馬栖霞山水

昔人作畫山水花鳥兼工不拘一格國朝惲南田壽平寫山水極高曠與王石谷輩齊名後見石谷筆墨深邃遂專事花卉得徐崇嗣法予往見其山水小冊意在神韻品直在石谷上今觀海虞馬栖霞此幅溪山渾厚一人坐水際看雲蕭閒自得深得梅花道人意栖霞以花卉著名而不知其山水之妙有兼長也畫作於康熙辛巳秋正予於藤水王芋田書樓觀其磅礴下筆依稀四十年矣言之慨然

孫山濤臨文衡山畫卷

孫山濤氏臨文衡山待詔畫一卷衡山手筆蒼秀脫去
畫史谿徑與石田並重而各擅勝處古來畫家皆有所
本董源寫江南山米元暉寫南徐山李唐寫中州山馬
遠夏圭寫錢塘山趙吳興寫蒼雲山黃子久寫海虞山
此卷大似吾吳天池山龍池石壁長林深澗巖谷幽邃
其村落人家似未寫竟者蓋就真本摹擬絕不點苔用
筆簡淨可見山濤嘗從王侍郎麓臺遊討論六法往往
筆墨之外別有天趣此仿文氏而氣韻獨見固宜蘿軒
學使之稱許也

顧大巖畫龍

在事叢書卷十

圭

龍被五色而遊故神小則如蠶蠋大則涵天地則凌
雲沉則伏泉其說著於管子而世人往往見之圖繪梁
張僧繇寫橫泉鬪龍昆明二龍兩圖又於金陵安樂寺
寫四白龍不點睛人固請點之須臾雷霆破壁兩龍乘
雲騰去太清中雷震龍泉亭失其壁亦以壁有僧繇畫
龍也昔人謂其骨氣奇偉取資天造得心應手今古獨
絕者矣顧子大巖長於山水心師古人而不泥其迹有
黃子久浮嵐暖翠之風偶為旅堂寫龍舉圖絕壁摩天
海水飛立一龍蜿蜒乘雲欲起煙霧隨之化工之筆雖
僧繇何讓想其興至展穎神與之會不滯於手不凝於

心直以氣運為主近日畫家所未夢見也

汪伯子山水

梅道人山水師董北苑巨然而自成一家一樹一石不
為前人蹊徑所壓於元人中首屈一指大癡雲林莫之
或先也伯子此數筆頗得梅道人意婁江王日初見之
謂兩樹與石絕佳要非妄譽者伯子前羈杭州獄於其
小庭補植桃梅杏樹十五六株花時繽紛吟詠其下忘
其危困可以想其幽致矣

魏西疇仿各家畫

董文敏論畫當以草隸奇字之法為之絕去甜俗蹊徑

在事叢書卷十

圭

不爾縱儼然成格已屬下乘蓋貴能解脫束縛氣韻生
動乃為得之梁溪魏西疇好古能詩復精六法此冊寫
元季四家益以荆關董趙燕文貴九龍山人多種蒼秀
奇橫各擅其長殆集古人之大成自出機軸而得神妙
者歟古來畫家無錫最盛人物則顧愷之山水則倪瓚
王紱諸人魏子生於其鄉流風餘韻濡澤者多宜其盤
礴胸次其流於筆墨自應過人也方今東南名家王侍
郎麓臺以後數王昱日初雲峰木石迥出天機魏子庶
足方駕者矣

趙鹿坪指畫菊花

以指爲畫前代無之始自康熙中鐵嶺高使君章之人
物花木禽獸草蟲不假思索駢指點點頃刻數十幅隨
意飛動無不絕人繼之者爲其鄉甘同知士調宣城劉
期侃湛園江都吳弘謨而山如皐馬芳不群各擅一體
而鹿坪趙子則專寫花草而山題句尤佳今鹿坪倚裝
爲徐春載寫菊花兩枝清芬高潔頗得章之之意張子
見而愛之春載遂舉以贈兩君殆有同好焉

書汪東村短衣看射圖後

短衣看射圖一卷中騎者步者擁者翼者手弓矢而馳
者騎而佩壺臂隼而前後者貌人人殊田犬狐兔各盡
其致而短衣跨馬顧盼奕奕欲動者則汪君東村也東
村屢躡場屋以貢需次爲州判生平負氣好奇時奔走
大江南北山東西中州而粵閩嶠憑陵覽古與彼中文
士遊年幾七十矣歟崎歷落之懷如故偶以杜少陵句
作圖按少陵曲江詩其三章曰自斷此生休問天杜曲
幸有桑麻田故將移住南山邊短衣匹馬隨李廣看射
猛虎終殘年蓋聊以寄其不得志之概耳東村豈亦有
感於斯耶東村故鄉新安溪山可以耕釣杜曲桑麻亦
復不減年雖老意氣尚在天如可問此生未應便休與
少陵同不同何如也請還以質之東村

題黃桐菴畫石卷

此卷石十五紙蓋黃桐菴所寫者其狀不一皆蒼潤靈峭尺寸間具有煙雲涵蓄之妙其子當時擬拾收藏并以桐菴之尊人聖瑞詠梅諸詩裝潢彙爲一卷昔蘇子瞻好石得仇池石色綠罔巒邈迤有穴達於背後見湖口李正臣家九峯玲瓏欲以百金買之與之爲偶王晉卿賦詩借觀意在於奪錢穆父王仲至以爲不可許獨蔣穎叔不然子瞻欲易晉卿韓幹二散馬晉卿難之穆父欲兼取二物穎叔欲焚畫碎石咸有詩紀其事夫一石耳而欲奪欲碎寧如收之圖畫使石之精神光怪流

在亭叢書卷十

畫

傳於縑素固無慮其碎而亦無事於奪耶聖瑞詩字皆淵雅與畫意合是卷也黃氏之祖父手澤具在當時與其弟逢源方以文學著稱於吳睦懷先德庶幾范喬之意願世世寶之也

在亭叢書卷十一

長洲 李 果 碩夫

王右軍抱鶴圖贊

有序以下贊銘六首

世稱王右軍書法以神悟勝嘗傳其少學衛夫人及渡江北見李斯書之洛見蔡邕書又張岳碑始知學衛夫人徒費年月遂師衆碑而書法益妙此抱鶴圖雖屬近代名蹟神韻如生一童子負書隨後頗得冥悟足爲右軍寫照予嘗讀杜少陵詩稱吳人張旭善草書數於鄴縣見公孫大娘舞劍器自此草書長進豪蕩感激即翫驚可知矣乃爲贊曰

在亭叢書卷十一

一

匪悟則罔匪學則殆偉哉右軍於驚是愛驚之宛轉可通於書如觀劍舞頓挫自如書罷黃庭籠驚而去千載風流展圖如故

分湖葉先生像贊

有序

先生爲果祖舅氏諱燮吳江分湖人康熙庚戌進士爲寶應令有賢聲與嘉定令陸公隴其同爲江撫都御史慕公劾論去官世並惜之此獨吟圖蓋前明崇禎壬午年所寫也

四齡讀騷夙擅文辭中歲出宰白田之涓致治有本農桑是資時當戎馬羽檄交馳才高氣雄觸境危疑以劾

解組嘉定名齊身安退處九峰之西拜瞻遺像六紀於茲被服嫺雅弱冠豐頤何以見志登高賦詩鯨魚碧海舞鬣揚馨杜韓而後庶幾繼之

寶山王孝子贊

王樹聲子實先世居上海城會罹兵亂北徙嘉定今寶山是名伯兄明孝廉萬仲兄諸生建聲也高逸遺榮幼孤事母晨夕依膝夏日鬱蒸衣冠秩秩絲粟錢布不以入私室老母病危念諸兄事親日長兒事親日少母病不瘳兒心如擣剪左乳肉作湯奉母血流創鉅秘弗道越六載母亡三年廬墓撫松悲泣高昌古渡葬母黃浦高昌渡

在亭叢書卷十一

二

張君雲章泚筆為誌原委邑令程君國棟載之志乘彰厥美年四十四終老田里有賢者孫渭筠請旌不得終歲哀痛靡已嗚呼王君可謂孝子

欽器圖贊

為金竹谿作

惟爾體虛乃能受惟爾適中乃正而可守繫斯器之取象兮戒持盈而无咎視古人以作則兮示子孫以永久

寒山竹石圖贊

有序

是圖為王母章孺人作也孺人以節著圖之者蓋義有取焉予因綴以小詩三章若六義之有比不敢妄擬風人聊附於塗之謳也云爾

我瞻高山山峻嶒兮不日不月惟其有貞兮我瞻綠竹竹菁菁兮不日不月惟其有瑩兮

舫齋銘

有序

音佩

齋在城西一里許為某氏堂之東廡深約數武前後夾以兩樓有類於舟顏曰舫齋李子讀書其中當夏赤日照灼暑氣逼人甚熾即中庭亦不可至客過之謂李子曰此他人所不能安者而子獨安之殆近於有道者乎李子曰天下之境不足者常多而有餘者常少若以不足視之則此又有餘矣又安在其不可耶吾雖身滯一

在亭叢書卷十一

三

室而心方游乎八極之表則寒暑烏足為我患乎客既退乃為銘以自警

莫謂偏側著書有餘下上古曠覽自如似火烈日如岸高樓我滯我迹同於泊舟記亦有之曰求毋固卑宮夏屋隨我所遇寒為德基逸則事廢君子秉貞庶其勿殆

太學鄭先生墓誌銘 代吳霸昌作

先生諱鉞字季雅姓鄭氏太學生蘇州之元和人七歲就塾師於文信國祠日肅衣冠瞻拜擬製祠記塾師異之弱冠典衣購經史終夜讀之盡焚所作制藝曰此不足見吾志也乃肆力於詩年二十四遊京師以詩謁尚書韓公翰林孫公一見稱歎遂以能詩聞既歸學益苦所作益涵蓄博雅在京時館今大學士海寧陳公所與纂賦彙康熙辛卯復之京賦彙成先生以格於閣議不得敘時秉軸者欲羅致門下先生固辭不就歲壬寅復入都以疾卒年四十有九先是高編修輿嘗夢與先生

在亭叢書卷士

四

衣緇服坐深谷中講道未幾高公扈從塞外病歿先生聞而哭之後一年先生竟卒於京師之永光寺囊無長物故人爲致棺斂子汝暘奔喪扶櫬以歸嗚呼其亦有數歟著有括囊居士集二十卷選昭代清音集唐律多師集他如昭明文選李杜韓白蘇集皆有批解詩學之變久矣務生新者競趨范陸而悅目者專尚元人不失之淺露則流於柔滑先生原本經史而涵泳於漢魏晉宋三唐卓有根柢晚而折衷於王孟杜韓秀水朱太史藝尊嘗致書新城尚書王公謂吳語軟而生詩堅吳人浮而生行猶蓋道其實也而遭時不偶困窮以歿寧不

悲哉鄭氏自宋靖康中南徙居吳明初有諱益者以才試補河南守有惠政數傳至雲山公諱錫孝友潛德即先生五世祖也祖某父某皆隱居不仕配諸孺人某之女有婦德孺人初嫁時裝具甚豐先生二十餘遭外侮橐一空初無怨色孺人以鍼指裹菽水處之晏如後先生十二年卒子男三人汝暘汝莊汝成汝暘亦工詩女一人適繆某汝暘等以雍正十二年八月某日合葬於元和縣匠門塘先期汝暘以狀乞某銘某之先君子於先生爲中表兄弟而某又執經門下受教久謹誌先生梗概於右而系以銘曰

在亭叢書卷士

五

不爲貧困憂戚戚寢食風雅振詩筆瑟琴和樂昭惇德佳城葑湄鬱秀色子孫世守永無斁

夏處士墓誌銘

處士夏君賂南之卒也其孤溶既謁我友蔡君在谷爲之傳矣復介在谷請予誌其墓在谷於文不苟其傳賂南也簡而以質讀其傳可想見賂南焉乃爲節其傳語誌之曰君諱鏐賂南其字系出宋文莊公竦後爲元和縣人父曰珍考授州同知母曰姚明文毅公希孟曾孫女君年八歲盜入寢室君手劒叱盜無驚吾父盜異而退九歲喪父知盡哀葬其父日止墓所不肯歸至母挽之乃行奉母五十年得母歡心居母喪不櫛沐不味醯醬三年鐫木肖父母像奉之推財兄弟而昏嫁其猶子

在亭叢書卷士

六

又出橐中金助凡有喪者又嘗遇遺金於道坐而待以還其人嗚呼君之所爲如是是可銘也已君卒於乾隆八年四月某甲子年若干所著有樹萱堂詩未刻配宋氏大學士文恪公再從孫女爲賢助子四人曰某某孫男若干人墓在某鄉某原其葬也將俟卜日蓋先期而請也銘曰
行施於家爾惟庸或恣而澆不敢從以質諸世尚可風有相厥兆寧此中

吳用霖墓誌銘

吳子用霖吾友珽之孫大鑑之子先世自徽遷蘇州用霖年十歲而失恃十二事後母十四而同母妹殤二十而病病半年而歿蓋失母者十年矣嗚呼其可哀也用霖少歲隨季父讀書城南頗力於學越九年念其家中落又從其從叔治計然之術從叔好樗蒲諸戲乃捨之去素羸弱歲壬子病痺會其父患瘍不食飲用霖客都亭徐氏自都亭至楓橋隔城數里旦暮往來凡兩月忽晨起眩暈幾不見人亦不以爲憂迨父愈而用霖竟不起用霖名澍尚未娶大父傷其志將俟其繼母弟有子

在亭叢書卷士

七

而嗣之以雍正某年月日葬於吳縣靈巖鄉母葉孺人之墓傍屬其戚仲君手其事略請予銘予與用霖祖父交善又哀用霖負志行敦孝友不幸疾病困頓以致短折爲之銘曰
其志則苦而憂勞於厥躬其遇則嗇而又夭折以終祖若父心忡忡泉則流岡則崇惟母氏之相依安魂魄於其中

敕封安人蔣母王安人墓誌銘

皇封承德郎翰林院編修蔣公潛廬之葬也楊編修繩武銘其幽宮葬之明年而安人沒又二年諸孤將以某月日奉安人柩祔葬於封公之墓孤編修恭棐手行狀謁果乞銘果賤且不文固謝不獲乃謹爲之序曰昔三代盛王之世所以正身而齊家者非特男教舉也蓋婦順之明章與並飭焉其在禮傳則自櫛紕笄總之儀紛恍箴管之佩醴醢酒醴之供以及絲麻布帛委積蓋藏之事莫不教之以豫而習之有素故其時外內之位正家齊而國以長治者由斯義也婦順之道豈其微也哉

在亭叢書卷士

八

按狀安人姓王氏父曰煥於其姑

皇旌貞孝贈安人者爲再從女姪年二十歸封公爲繼室用恩鞠其前室之女而敬養於其姑又體姑志致禮於姑之父間被誚讓惟踧踖引咎姑居父喪不敢衣純采以見蘋蘩供祭并虔祀其姑之祖父兩世其侍封公也戶以內醢鹽瑣織之事皆躬點檢辨色以起中夜以休數十年爲常性貞靜耀首澤面之飾屏弗進親壻姪至帷其門而與言編修旣成進士無喜色 貽封象服遇禮事始一衣之而又睦於前室金安人之戚隆於已戚保抱庶子女均其恩勤尤人所難能也乾隆五年十

二月十七日卒壽七十有五子男八人其存者曰恭棐恭果恭樛孫男十三人曾孫男二人以恭棐官庶吉士晉編修加二級康熙雍正間兩遇 覃恩再封孺人加封安人夫以安人行實若茲其能明章婦順以寧厥家而合於禮傳所載者已銘曰

在坤六三貞以含章疇施中梱以順厥常編修有母恪勤內則蘊諸令德 恩綸渚錫起視而石後嗣永式

在亭叢書卷士

九

方母吳孺人墓誌銘

吳於欽之澄塘爲右族孺人太學生諱嘉禮之女贈儒林郎方翁諱士增介婦而太學君諱良需妻也年十七歸太學君循內則動止有法不及事其姑徐而事祖姑鮑太安人以謹鮑太安人喜曰是不愧吾長孫婦翁與繼姑僑居江右之蓼洲孺人遣使起居被服食飲以時餽無少後贈公節儉抑奢有古人風孺人之姒汪安人井曰親操孺人來歸即謝裝飾椎髻布裳身自操作雖甚勞苦能安之娣姒相處視如兄弟家食數百指後乃同居分爨然猶每事必請於汪安人相愛敬無間言鮑

在事叢書卷士

十

太安人謂不愧長孫婦者即汪安人也太學君卒於江右孺人秉家政十數年惟以儉勤教其後人以義方雖一子不事姑息生平無疾言遽怒御下和易而寬肅賓祭必豐服食則必簡性好施與見孤嫠者哀之欣助親族之貧無告與婚喪不能舉者垂老不變也卒以乾隆戊午七月初六日享年六十歲子一人善社太學生女一人適候選州同潘世璠孫二人大猷大謀孫女一人孺人有姪善祖善祈幼孤護如己子病且亟善祖客江右遺以書教之悖孝友無墜先人訓孺人之葬善祖爲述其事略孤善社走千里請予銘墓在某縣某鄉之原

銘曰

繁恭儉之疇偶實惟今母人知其德音則有也嗚呼洵可以傳後溪山盤鬱合高阜庶千載以永久

在事叢書卷士

十一

太學生方君墓表

故友方君東華之卒果率執友哭諸其室既又次君行事爲家傳授君之孫權閱六年權將奉君權葬於吳縣西磧山之原踵門謁曰葬有日矣無以表於其墓敢再拜以請果方卧病然不敢以不文與疾辭也君諱朝先世自閩宦於廣遂繫籍番禺父殿元登康熙三年進士宰江寧郟城二邑有治聲學者所稱九谷先生也去官後僑於吳卒葬焉故君爲蘇州人九谷先生遽於學著環書明性命之理詩文出入漢魏初唐北宋間君與其兄還稟庭訓自少時即以作者自命爲太學生祿位非

在亭叢書卷上

全

所好也沉潛六經博習莊周馬遷班固劉向揚雄韓愈柳宗元之文含茹吐納疏達條貫而後出之而又養以冲和淳澹故其詩歌散文淵然沛然與道大適爲可以垂世而不朽當是時四方名流過吳者皆定交於君集君所居勺湖賦詩論文無虛月咸自謂莫之先也君事母梁太孺人至孝待兄及兩姊甚友愛析產與兩姊而指囷粟六百石佐兄費交友盡誠病曰於我館也死曰於我殯也葬曰於我窆窆也事不可一再計家本素封以是日破其產而至於困君處之怡然常袖金以赴其戚之急而不令人覺人以問者固曰無之蓋君勤於施

德而唯恐人知者若此君又再返嶺南省祖墓置田歸韋涌大宗祠奉烝嘗而以舊產悉散宗人承九谷先生遺命溥其惠於通族也君以雍正十二年卒年六十子男五人耕程位豫載皆先君卒孫一人權程出程先爲君季弟常後矣君既卒權始歸爲君後葬以乾隆五年十二月二十四日奉原配周孺人以祔嗟夫君之詩與文可以垂世而其德亦蓋於一鄉者也自君之歿君之交遊或顯晦異轍存亡與感無復有表君之行而梓其遺集以傳諸後者顧以窮老若果忘其非分而表其墓也悲哉因泣涕以書而揭於其阡之原

在亭叢書卷上

全

同學祭蔣封翁潛廬文

嗚呼昔與編修文章酬倡編修甫冠翁年方壯每造翁堂攝衣坐上翁出揖賓恂恂禮讓日之方昃几筵以張肴核維旅肅陳相餉酒酣談劇縱橫跌蕩吁嗟今人罔知趨向六籍榛莽百家塵埃肆爲新聲非庸實罔大雅不作狂瀾誰障編修挺起追古爲抗本深膏實苞含蘊釀當其下筆雄辭大放江湖百折風雲萬狀韓曾旣逝誰能相尚吾徒啁啁徒爲劣相乃知封翁雅善教子當其髫齡授以經史諸子未醇亦窮厥指毋爲淺植務研至是晨暮諄諄言提其耳編修承訓膏以繼晷遂躡天

在亭叢書卷十

聖

根披其輿理掉鞅名場躬紆青氍秘閣書纂承明筆珥並荷天恩綸章覃被階若編修貽封褒美衆走賀翁翁不色喜兒也無似奚以膺此我聞封翁至孝性成孩提喪父悲哭嗶嗶獨與母居門戶顛仆况遭險釁外侮疊嬰翁也實才瘁力支撐雖富於文棄而治生入庭起居母志以寧翁徙西郊母舍東城間十餘里昏定爲恒墓田宗祠贊畫經營愴悽怵惕露濡霜零孤也可託不負其兄嗟今之人皇皇於利簞豆動色何知仁義誓日矢天背而携貳疇爲久要不渝其志以視封翁能無生媿翁固豪爽雅慕清幽雖近市囂樂此泉邱何以名

廬元亮其疇春秋佳日吾息焉休編修歸來孝養是謀載酒相過昔日羊求酣嬉話舊交錯觥籌翁年雖老大白能浮何意去秋忽來山間老成云亡邦人恐震矧於編修至爲睚近回憶曩年能無惋憫有則斯潔酒惟清醞侑以蕪詞來格無吝

在亭叢書卷十

聖

祭陸檢討坡星文

嗚呼老成凋喪典型頓失疇追後學而示之律猶有不
亡功留著述六經表章炳如星日吁嗟經傳自昔難言
漢註唐疏聚訟滋繁徒究其委莫窺其原君抉其微照
彼昏昏其書一出固有異論君官翰林圖書鑒與作為
文章安帖排弄心摹雅頌力追訓誥立言不朽輝煌朝
廟俯視群言鴉鳴蟬噪一麾出守仲子在粵君也薄遊
山川踰越蠻江湍激桂嶺雲截盡入奚囊詩思勃發
聖朝育士書院宏開秀峰主講咸謂君才君應不辭灌
漑栽培蒼松文梓盡顯名材為國樹人厥功以恢士也

在亭叢書卷十

西

有基流連溯洄予昔壯時筆墨自喜愛者忘醜偶挂於
齒君來吾吳水木棲止不鄙而棄交懽密過詩文辨質
莫逆於指時復過從迎門倒屣射獵之圖臂鷹挾矢五
齡所寫屬題誦諉或共聯吟風物閑美何意疇昔凶問
忽承君實師資豈曰良朋奪吾模範太息拊膺望風增
喟中夜頻興君傳經學載籍光芒長公明經文筆班揚
仲也治行嫺古循良佇見九遷為時棟梁繼君之志君
歿不忘白首論交君先捐館人壽幾何來日苦短老淚
揮殘於邑搦管君其有靈鑒此欸欸

祭孫定叔文

繫大雅之不作鮮六義而得正始競揚標於范陸輒搖
筆而自詡或浮夸而喜僻半蛇神而牛鬼惟吾友之肆
志獨特立而振起研精華於六經融百家而驅使師漢
京之樸厚掃六代之藻綺緬風騷而遠追託美人與香
芷蔚焉鳳鸞之摩霄奇如蛟龍之戲海逮敘華而冲澹
譬醇酒而彌旨蓋變化之無方恥隨俗而步履同學奉
為圭臬視眾木之有模楷邇予夙昔之締交當康熙之
丙子偕張浣石與高澄遠馮絳來並望古而遐企陟洞庭
以渡湖凌高峰之雙峙復訪舊於金陵望焦山而檝弭

在亭叢書卷十

圭

既橫經於臯廡欣二方之秉禮莫朝東華愛水木之深茂憩
亭館以至止聽池魚之跳波送鳥聲之悅耳有金蘊張
石帆之素心與周欽邵而接軌劉生郊北遊而屢歸
沈郎確士健筆而披靡予時風雨而聯床快細語之疊
疊咸一唱而君和見百篇之纘纘予薄遊於淮揚適招
要於御史念孤蹤之睽離剖尺書於雙鯉逮葑溪之卜
宅更石里之重徙遭先慈之奄棄辱慰問之無已悵暮
景之多端時引喻而相解數五十載之深交始如君而
有幾惟勺湖與吾子庶真誠而肯綮何後先而賦鵬痛
知己之莫恃記握手於高齋實秋月之初朏謂後會之

未遠接笑言而可埃曾日月之幾何俯八極而蟻視幸
詩卷之長留固淵雅而有斐名譽曄其用光跡雖往而
奚悔覩承志之有子抱美才而雋偉跪陳辭而莫年知
昭鑒之如在

祭汪峻堂文

雍正丙午君侍乃翁養疴吳門海湧之峰與予論詩邇
源國風厥後聞君外艱是丁心懷毒痛寢食靡寧雪漁
之廬改歲相見貽我以詩辭多雅鍊別去幾何三見秋
雁東樓訪我出逾江縣相與盤旋程生邦彥於後二年
君上燕京驪歌在路揖別吳城官亭之澣勸我橫經燈
昏雨暗花開鳥鳴試罷言旋局閉柴荆乙卯之秋重遊
京兆人爭羅致光華能葆掉首黃塵霜天白草乾隆改
元首籲英才爾有奇文房考稱佳仍然見刑復感沉埋
遨遊齊魯匹馬歸來今年大比乃試浙水載書下榻西
湖之渼抱病暑風旅中誰倚誤爾聰明亂投藥餌郵程
二百一水如咫何不遄歸乃致不起天耶人耶終無信
理嗟嗟吾子學有師資發爲文筆今誰過之千波宗老
不廛貽詩亦有壇長丹青是期大鵬之賦筆走蛟螭君
昔還鄉江船箭疾三百重灘崇崖萃律風濤喧厓林莽
叢鬱猿吟鴟嘯淒其風日成詩百篇聽者嗚咽老友激
齋屢屢稱說我憶往歲訪君書樓魚跳池水雪照羊裘
抽毫作賦綺合葩流謂予知已商確綢繆吳江東下信
宿恒留所未忘情鶩脰未遊嗟我之衰蒲柳是懼君方
盛年乃棄而去母爲爾悲族爲爾憐煢煢孤哀痛膺

填所異首夏安仁涕連塵凝長簟瑟斷朱絃曾不數旬
並赴窮泉雙樓連理豈其云然而我所悲平生是念哭
不撫棺歿不視斂盈盈帶水扁舟猶纜清宵有夢月出
灔灔猶疑君來對面祇暫遺文可傳合授雕輅後死之
責誰其堪任適庭與予何辭校勘古稱立言君亦何憾
哭泣寫哀庶其昭鑒

祭蘇州管糧通判周公文

士感知已道義是友而今所無惟古則有繫我識公絕
無依附駸蔑一言投分若素粵在疇曩見公金閭公即
過我論議激昂河梁言別公赴通州桃花春浪秋月黃
流公罹母憂不見三年聞公抱病走謁床前麻衣白帽
絮語纏綿意所難忘鉛槧未竟先公吟藻要予訂定侍
郎之文焚餘無幾浮圖一篇命識原委維昔侍郎持節
崎嶇金戈鐵馬殺賊剝屠功高物忌被逮遭誣從者千
人舉幡帝都四泣有記因樹有圖樹則西曹泣乃在
塗次第請題捧卷悲吁鄙人蹇劣執筆躊躇抱疾幾何
忽焉徂謝疇昔之夜猶過寓舍暨者在門公已怛化六
十春秋今古何速霜斷哀鴻雪隕修竹我悲知已忍過
公虛心焉摧剝言與淚俱

哭顧氏女文

年月日汝父使汝弟師稷志尹以清酒時果庶羞之奠祭於第二女顧氏小娘之靈嗚呼汝之死也年三十四嫁九年而病病四年而死不死於兩年之前而死於兩年之後耶汝於壬子五月痰凝驚悸成癇證時汝姑猶在堂實飲食左右汝冀可向愈而汝病益深漸不省人事後二年遭姑之喪猶藉兄伯之配張氏貞女同居慰藉汝汝三叔初娶婦婦新來不知汝張氏似時歸母家汝夫壻又就館於城既失館不耐家居輒牽率往來舅氏光福山中室惟一老嫗婦當春夏交即歸隴畝耕種

在亭叢書卷上

壬

汝與膝下六七齡幼女熒熒相對食飲亦不以時而汝死矣嗚呼哀哉汝之生也遭予困苦十歲而汝曾祖母大故十八而汝母病亡汝兩弟長者十二歲仲六歲汝祖母年踰六十汝與伯姊治中饋親縫紉視祖母寒燠撫兩弟既伯姊歸蔣氏家事皆汝助祖母整飭無有誤汝二十二而嫁汝姊於是年死後一年汝祖母奄棄病中迎汝歸襄喪事此後汝間一歲來省視我來不一兩旬即歸豈意六年前過我竟不能復至耶當雍正初勞山公以事落職多累賓客汝與祖母驚憂對予不言而時時露於色又會有訛言城中無識者多結束去鄉井

在亭叢書卷上

壬

汝與姊尤驚恐後遂嬰大病療之愈汝外實而內虛當汝壬子年初病吾携醫就視醫用藥頗峻信之不篤他醫雜投藥劑久而神氣日虛汝亦倦服藥蹉跎歲月遂成痼疾嗚呼是誰之過耶汝病中屢欲歸緣汝心疾又必由舟以達益未便故不即迎汝今年首春吾至埭川汝又病三日瘡三月十五日再至汝瘡益厲形衰貌瘠幾不可識日夕叫號不止七月初九日汝夫壻自城歸汝偃臥榻上蓋瘡半年矣猶苦醫藥也是夕黃昏後聞五房從弟室張氏訃汝翼然驚起曰張氏姊竟逝耶至漏五鼓汝疾遂革矣此又何意耶張氏病在汝前亦四五載恒歸母家醫藥以是感於中耶抑醫藥者亦不起悟此中莫不有數耶汝性柔順而溫厚似可永年乃遭此奇疾又短命以死此不可知也汝死之日傾箱篋無一錢衣飾在質庫者率斷絕幾無衣以斂嗚呼哀哉汝事舅翁六年姑媼九年舅年七十咯血汝侍左右姑持家儉勤汝克佐之聞汝姑常語人曰吾得仲子婦乃勝於生女而門以內從伯叔姊姒無間言汝習勞苦操井臼菲衣嗇食不欲人知然亦有知之者汝母在京汝可無愧矣汝嘗勸我出門營買山之資乃竟不可往吾今年垂六十多病家又多累兒女中知我心者惟

汝一人汝又命不永且無兒子免三女喪其二我能無
痛耶昌黎氏有云汝目汝面在我眼傍汝心汝意宛宛
可忘猶之予之悲汝也汝仲弟未婚繼母所出季弟尚
幼追憶汝失母撫兩弟時不禁悲來填膺老淚泫泫不
能盡也嗚呼哀哉

祭王孺人文 邵編修北厓德配

吾友編修歷有歲年質疑經義賡唱詩篇編修過吾吾
亦頻往時挽而止具黍相餉有肴斯潔有酒斯清盤餐
肅陳間以和羹乃知編修室有賢婦既嚴中饋亦操井
臼家故儒族厥氏惟王歸我編修于于相莊致孝於姑
克稱色養姆姒相見溫溫德讓編修登第孺人來都編
修典試孺人回蘇顧語編修我姑已老君尚歸省膝言
烏鳥承歡一日不易三公寧需祿養菽水融融編修復
命入告請假綵服持觴起拜堂下三徑就理羊裘來
頻剪蔬治醴洽我嘉賓姑衰善病久臥牀第孺人祇事

竟夕危侍疾痛苛瘡扶持抑搔非無嫗嫗躬執其勞
世宗御極 覃恩廣被榮誥輝煌綸翟用賁嫗親燕賀
珠履犀鞶尤徵謙抑踧踖靡安吾聞壺教首重順德詩
詠無非禮嚴內則絲麻布帛修髓脂膏已富能儉雖貴
勿驕云何末俗專恣成習詬誶反脣良可嗚咽惟彼孺
人實爲禮宗閨門之內肅肅雍雍孺人之歿編修淒惻
哀子拊膺老姑淚臆吾言編修走弔其喪敬摠蕪辭以
奠一觴

陳樹滋哀辭 并序

樹滋諱培脉長洲之甫里人以孝友聞於家以文章著於當世今年六十一竟以困窮死予聞而哀之樹滋嘗試京兆又嘗之秦隴山東東粵賓幕最後客山西學使所所至皆傾其賢豪在西安時與王徵君山史李高士雪木討論經史及勝國啓禎時事頗悉山東則尤與新城王尚書論詩有契其詩文必根柢深蓋淵源有自矣予與樹滋交三十年往予客淮南不見樹滋者久暨家葑水而樹滋適從肇慶歸遷居郡城數與辨論詩文流別難答紛紛勉予以所不及既而家城北予又遷徙

在志叢書卷十一

五

無定蹤跡少疎去年遇之婁門方欲求新城所輯山木集與予商刻而樹滋死矣屈指素交若宋成業嘉榆顧紹敏嗣宗徐夔龍友諸子皆後先傷逝今樹滋復窮困以死方易簣一子尚幼貧不能斂李撫軍鹿山爲治其喪其可哀也已遂爲辭以哀之其辭曰

學績今才良早奔走於四方登泰山而下掃粃糠兮弔往古於咸陽胸懷磊落兮激爲文章日星明潔兮湖海汪洋何六十而不遇兮齎恨茫茫鷗鷺高飛兮威鳳迺戕彼豐此嗇兮抑又何常生雖不得志兮死乃彌光自古皆有死兮惟吾友之堪傷無一畝之宮兮三日之糧

顧孺子之未立兮觀手澤以悽愴幸夜臺其有故人兮話舊而蒼涼矧予交之既久兮悲悵悵其難忘

在志叢書卷十一

五

方勺湖哀辭 并序

予與方子交三十一年矣終始如一日方子籍本廣東之番禺父九谷先生以名進士令江寧郟城二縣爲政有惠愛後居於蘇嘗著書深探性命之理方子與其兄莫朝承其先志而好學踰其兄沉酣古籍專力盡思涵養於中者久爲文質而瞻約而明引喻託物氣厚色飛以追古之作者方子兩返嶺南一遊京師觀波瀾之險崖谷之奇皇都宮闕之壯麗與其平居所處之境沖和逸樂得喪離合必發之於文雖酬酢紛如而其心時往來於此也先是歲甲申粵人潘植斯立時時稱說方子

在亭叢書卷上

美

不去口始相識方子居近臯廡有屋一區饒水石不數日必見見則出其所作論工拙各問難所讀書相與撫喬木臨池亭鳴琴酌酒談諧甚適未嘗不漏下燭跋而止後子客淮揚有年屢徙宅喪妻又遭母喪兒女婚嫁憂愁困頓力疲意耗不得常過從而方子亦哭其兄又連哭其五子太夫人亦奄棄十年間疊傷哀戚喪服不離於身傾其產嗚呼方子可謂窮矣方子爲人器識溫茂訥於語言相知久則愈可敬母夫人九十一而終方子年踰五旬居喪盡禮事其兄家財無爾我急人患難家日落不以有無易其志蓋今人中古人也今雍正十

二年八月以疾卒年甫六十臨絕之前夕數數呼一二老友及予而不能言顧家人穉孫在前終不及其私嗟乎方子之高行將必有當世作者爲之立傳區區之懷不能自己乃爲哀辭以舒我哀其辭曰

嗟方子今時之偉器安貞蘊德今出入仁義苦志積學今力掃叢蘚蓄養既厚今發之乃粹日星川嶽今其文炳蔚玄元索籥今鼓之以氣歡能使解頤今悲爲隕涕名譽不期今而乃日至奄忽徂逝今傳者有在故鄉南海今迢遙嶺外蝮蛇猛獸今橫縱恣肆炎風瘴霧今毒厲爲害魂兮歸來今毋爲久滯嗟方子今能禁揮淚

在亭叢書卷上

美

前光祿大夫戶部右侍郎管理蘇州織造李公行狀

康熙六十一年勞山李公虧織造庫帑金四十五萬兩上奏

聖祖皇帝請以逐年完補

今上即位清查所在錢糧覆核無異 溫旨赦其罪令罷官以家產抵十五萬兩又兩淮鹽商代完庫三十餘萬兩蓋公視饑時有德於商人也帑金以清雍正五年以他事發遣口外七年病卒公之子鼎聞之哭失聲不敢乞言於顯者果客公久懼公懿美弗聞謹爲之狀公

在亭叢書卷士

天

姓李氏諱煦字旭東又字萊蒿一字竹村先世山東萊州府昌邑縣人本姓姜氏祖諱某父毅可公諱士楨順治初貢生 廷對用文吏筮仕歷官廣東巡撫都察院左都御史蔚州魏敏果公奏天下清廉官七人巡撫公與焉公其長子也年十四侍巡撫公河南臬司治所聖祖皇帝元年恭遇 覃恩公以蔭應授內閣中書在都候選歲甲寅授中書舍人巡撫公遷福建布政使時耿精忠肆逆制府李文襄公屯師衢州以扼賊衝聞巡撫公才略疏請留佐軍幕未幾調浙江布政使而廣東尚逆與八閩連兵欲爲亂巡撫金公某薦公以原官效

力行間久歷軍事授韶州府在任四年多惠政後巡撫公自江西調任廣東公改補浙江寧波府至則抑悍兵鋤豪猾弭盜賊培學校綏養黎元俗漸以淳有漢循吏之風郡人立生祠圖其像丙寅 召入內務府衛直禁陞扈從出入積節不懈而辦事敏幹

聖祖察其忠純歲壬申 命視蘇州織造既至釐剔積弊澄汰浮費匠不擾民官不累匠往時部員在任嘗睥睨督撫奴隸州縣縱恣驕矜察吏因是多不法公以道持躬以法馭下吏皆肅清春秋佳日與吳中賢士大夫飲射賦詩爲樂三吳以爲盛事

在亭叢書卷士

完

聖祖念兩淮鹽課甲天下須廉幹風力之臣整飭之而臺貲歲一更使不獲盡職 特命公與江寧織造曹公寅兼監察御史董其事今遞相踐更期以十年爲考績公自乙酉至癸巳五視鹽政悉心籌畫所條奏以若干計其大者如丁亥年奏陳商困蒙 恩將准商借帑百萬兩概行蠲免又與曹公奏請於五年內每歲以羨金代商捐補二十三萬兩復以鹽場價重各郡積滯轉輸爲難請緩運引以紓商力又以口岸壅塞私鹽充斥請將淮揚各營武弁悉隸鹽政衙門統轄定處分嚴例又請於三江口立江防鹽政同知專司譏察又與曹公請

寬奏銷考核期限均於復 命時舉行並乞湖南七郡
鹽價一例通銷其所剴切敷陳動中機要康熙戊子
所屬頻值水旱公星軺按部賑南北三十場貧竈丁
十萬餘口及新增竈丁九十餘名捐俸金修儀徵縣學
宮賙卹諸生疏濬河道淮揚之人交口頌公或垂涕洟
當壬辰綱例應曹公視鹺 命下而曹公卒公遵 旨
代理使事一無所私

天子知公之賢丙申丁酉綱 詔再留二年計七年之
內貢江寧蘇州織造錢糧一百四十三萬兩有奇停江
安藩司庫支給代商完欠一百十五萬兩奏免商人借

在亭叢書卷士

辛

帑百萬兩國賦以充商力亦裕鹽政秩然先是乙酉歲
聖祖嘉念勞績拜公大理寺卿曹公亦授通政使司通
政使兼織造如故丁酉復晉戶部右侍郎洵異數也果
按鹽鐵官始自漢武元封中鬻鹽佐賦魏晉及唐制凡
幾更自劉晏爲鹽鐵使上鹽法輕重之宜官獲其利民
不知貴鹽繆遂居天下賦稅之半宮闈服御軍饗百官
俸祿皆取給焉前明設轉運使及提舉司課有額以監
察御史分察鹽課宣德中始令於淮提督軍衛巡捕私
鹽後歲一差駐節揚州我 國家鑒前明之失盡去常
股存積飛輓諸名而歸之綱食一切引課盡輸天府法

既詳盡而兩淮鹽法天下視爲準則公以密勿近臣經
畫規置惜商惠民雖第五琦劉晏何多讓焉己卯春
聖祖行省方之典奉

皇太后南巡癸未

聖祖臨閱河工乙酉丁亥兩年巡幸如前凡四遇 翠
華南幸車輿服御 行宮帳殿大官尚食應織造供頓
公竭誠致慎次第得宜未嘗毫末擾民其侍直 行在
當獨對時凡吏治民生必據實以奏多所裨益平居留
心民瘼東南水旱凶災輒上聞當康熙四十七年歲大
歉奉 旨平糶公減價濟民所費萬計全活甚衆薦達

在亭叢書卷士

辛

能吏如鹽運使司李公陳常張公應詔皆至大官負一
時重望而保全善類罹文網獲矜全者亦不少公性孝
友內行淳備其候選中書在都也王母高太夫人尚在
堂年老公事之甚謹爲內務府時巡撫公方里居公休
沐日與韓夫人謹問起居烝烝色養乙亥歲聞訃奔喪
以不得親殯斂痛不欲生母王太夫人卒哀慟過甚生
母文太夫人命四弟留養京邸後奉迎南來盡心侍奉
年至九十三而卒孺慕之愛不少替巡撫公廉潔以薄
產授諸子公悉讓之諸弟同懷弟兄五人官江南時諸
弟南來省視必謹視寒燠留三四月爲製衣裘厚以資

之苦家累者授之宅未婚娶者佐之費撫諸姪恩意備至振其乏困資其膏火姪某夫婦早世遺孤方穉公尤加憐恤飲食教誨之如孫周氏女甥內姪韓以培其嫁與娶費皆出於公人戴公惠而公終身無德色爲政持大體貌渾厚而內精明揣摩天下事不失毫髮好藏書積幾萬卷間落筆爲詩文泠泠有爽氣字有米友仁意而尤愛馬江亭坦腹命圉人牽至相視或忘日夕其高懷蓋如此公初以中書 覃恩 敕授 次以恩授大理寺卿加六級仍管蘇州織造再進光祿大夫祖考贈如其官夫人 誥封一品夫人祖妣妣亦如之

在亭叢書卷士

圭

公生於順治乙未年正月二十九日卒於雍正己酉年二月某日春秋七十有五娶韓氏昌邑庠生晉卿公女持躬端重有材德當

聖祖南巡時 行宮之內公所未及計算者夫人輒能指辦以命婦朝謁

皇太后應對得體

皇太后以夫人漢人女曉習規矩爲難子二人鼎鼎女一人黃阿琳其壻也正黃旗叅領兼佐領爲內務府營造司郎中佛公寶之子公卒之日囊無一錢韓夫人已先數年卒二子又遠隔京師親識無一人在側方嬰事

時下於理刑部擬重罪

天子念其前勞 特恩從寬發遣方行牛車出關霜風白草黑龍之江彌望幾千里兩年來僅與傭工二人相依爲命敝衣破帽恒終日不得食惟誦

聖天子不殺之恩安之怡然嗚呼公始終忠誠之概可見矣初公與曹公更代視鹽也曹公病公問疾彌留之際曹公張目以鹽政及校刊 佩文韻府書局事屬公公諾之又念曹公兩世官織造奏請其子顯襲任不二年而顯即世公復保奏顯從弟頤復任織造事不以生死易交其所隸烏林大筆帖式或升遷或身歿而負

在亭叢書卷士

圭

庫銀者皆爲代納故交子弟單門寒賤待以舉火者更數十百家貧者給絮幃死而不能斂者助埋殯常祿所入隨手散盡官織造三十年時以千金贈人而卒以虧損國帑身挂吏議賴

天子聖明曲賜矜全然終貧困以死而公終無纖毫芥蒂於昔之被德者也嗚呼可不謂賢哉果曾依公幕府受知頗深聞公之逝痛悼久之惟以素所服習於公暨公所述韓夫人行略中語排續如右而不敢有一言之溢但使公之行事不泯沒於當世而後之欲知公爲人者可考信不誣焉謹狀

在亭叢書卷十二

長洲李 果 碩夫

家傳 有序

彭定求撰

吾家李氏相傳爲帝顓頊之後臯陶爲理官子孫以官爲氏遂以理爲姓後改爲李歷世久遠先世自秦隴分支居中州豫章楚蜀代有聞人明中葉有遊學來江南者後居蘇州之常熟縣既而居郡城崇禎末寇亂王父取先世家集並譜牒捆載去鄉書多難舉裂譜系一卷納襟被中又避兵至崑山倉黃復失世父省庵府君欲葺一書未成而卒故老有言予先世爲唐西平忠武王

在亭叢書卷十二

諱晟之後然世遠不可知舊唐書載李義甫既貴自言出趙郡與諸李序昭穆而無藉者倚其權勢拜伏爲兄叔者甚衆宰相李揆山東甲族見李輔國執子弟禮謂之五父凡此類又皆詳書以志其非子家寒替不敢仰附高望謹按古人述祖德之意爲家傳

五世祖龍泉府君家傳

府君諱培源字龍泉家於常熟以力田讀書爲業不求仕進家故稍裕數以周鄉里明正德嘉靖間舉富戶府君乃遷郡城東之干將里鍵戶讀書非其人不友聚書數千卷而教子以學曰此吾貲也嘗著述祖德賦爲人

孝謹和易澹然自足有陳太邱之風鄉之長老教其子弟必以府君爲法曰孝友恭謹如李太公足矣子潤澤

高祖少園府君家傳

府君諱潤澤字少園凝重明敏精尚書學築別業於城東濠股之上門傍清溪後藝菜圃竹木茂密延宿儒課子其中嘗舉宋人之言曰士而貧多於工商而富也龍泉府君卒居喪哀不踰禮後家落或勸之謀利輒不應胸襟浩落處之晏如有古賢之風子人傑

曾祖之白府君家傳

府君諱人傑字之白少穎異攻苦力學治六經有疑義

在亭叢書卷十二

二

輒對案廢食既後與楊公廷楷李公模彭公行先劉公能補吳縣學生庠姓張試輒高等群推爲諸生祭酒而不得志於有司家日以困明萬歷之季年士之爲制藝者喜倡新說叛違傳註府君慨然思振其弊講說辨難與同志明先正之學受經稱弟子著錄者頗多府君得沉鄉校中晚年學益精進而窮益甚乃作爲歌詩古文以道其所自得筆瓢屢空凝塵蔽榻泊如也爲人和易鄰有潘某肆非禮以犯府君聽之未嘗與較時稱爲長者配張孺人貢生太液公諱文彥之女崇禎七年卒年五十有七有東橋集二卷子壽祥聖祥壽祥早卒無子

先祖懷遠府君家傳

府君諱聖祥字子厚

一字西美

少卓犖有大志讀書不專事

章句爲文援筆立成而才勇善射尤好戚南塘將略嘗

曰丈夫當立功萬里外取封侯印即不遇閑戶著書亦

足以自豪矣 本朝受命府君時年二十五顧謂同學

王君發祥曰 國家疆域初定畿輔近地及汾晉齊魯

之間猶有竊發屢朝廷指麾夫天下承平重文開創重

武亦各以時安能復咿唔守章句哉仗劍謁江蘇巡撫

軍門爲儲將尋歸補長洲縣學武生歲戊子省試與王

君同舉於鄉明年會試登進士 殿試卷上 欽定名

在亭叢書卷三

三

第二 賜武進士及第謁選浙江杭州遊擊授懷遠將

軍部下士雲屯森立才勇者爭至府君勤訓練嚴賞罰

士卒無敢踰法當是時浙東海氛未靖 王師扼之定

海縣之舟山府君在行屢著勞績提督田公忌之以其

功移他人府君既與督府意齟齬又病作乃歎曰吾即

久居此將安所見功乎乃罷歸田公者名雄故明靖南

侯黃得功家將也降 本朝封不義侯一日旌幢輿從

登杭州城閱城髣髴見得功惶遽失措墮地破其膝病

人面瘡死府君既歸賃屋居齊女門外日擁書一編奉

曾王母張孺人孺人性嚴偶不懌府君與葉淑人必長

跪請命奉卮酒上壽顏霽乃起居林下者九年卒年四

十五兩子長世父長春次先考府君長身驍勇幼困頓

而喜任俠遇事侃侃能盡力不肯附和諸少年多借其

名以行識者比於季心又好爲人論古今興廢事口手

指說聽者頗解嘗於演武廳角藝舉六百斤石柱又於

關壯繆廟舞大刀刀重百六十斤張叟亮采曾見之向

果稱說也方會試歸江南獨身行李暴客數人躡其後

府君仰視雲中飛鷹控弦躍馬一發墜地數人者驚顧

引去府君未遇時產止薄田數十畝既歷官而產日落

身後不免貧窶王君者官江寧守備隱斜塘之東果嘗

在亭叢書卷三

四

遊其門爲果道府君遺事甚備昔李將軍廣才氣無雙

而漢文帝歎其不遇曰假令生高帝時萬戶侯豈足道

哉府君本儒生以材武遭逢 聖主擢上第矣遇主

將非其人抑鬱以歸遂捐賓客寧不悲夫

祖妣葉淑人家傳

淑人姓葉氏祖汝華明隆慶庚午舉人滕縣教諭父有

震貢生崇禎甲申國變淑人年十四隨父避地太倉之

沙溪有震公殉節死仲兄慎行兵至不從被斫創十三

越十三日死淑人年十七歸王父事曾王母張孺人恒

雞鳴起嚴妝趨侍張孺人曰婦知禮矣王父好讀書

劍習弓馬刀槊及計偕入都家事皆淑人理王父成進士歷官浙中淑人相內治時椎牛置酒以鼓士氣王父出兵舟山與提督不合罷官歸年未四十酒酣耳熱時拊髀而歎淑人輒慰解曰老屋數椽薄田幾十畝種黍藝蔬以奉老母足矣王父歸里後始生世父又八年先府君生後一年王父捐賓客淑人時年三十曾王母猶在堂淑人慟欲絕顧世父與先府君幼弱歎曰李氏一綫此兩孤耳明年曾王母歿張氏從昆及祖姑盡括室中所有而去不足又畀以屋與婢又外侮蠶起親黨二人相表裏偽爲券索逋淑人棄其遺產及鼎彝雜故

在亭叢書卷三

五

物償之無怨言世父與先府君受經淑人篝燈相對中夜作羹粥節其勞於先府君尤鍾愛嘗曰仲子能承吾志也世父客江右歸與鄰人訟家益落恒抑鬱不自得淑人曰嘻兒何見之小也天道福善禍淫消長之機循環不息以爾父之才不能大用而竟中折此殆有天也昔戚黨之破我家者謂可自飽未及三十年亦同歸於盡矣男兒宜安義命毋以是戚戚也淑人性慷慨持大體急難親舊未嘗計已有無范氏表姑與夫反目去爲尼淑人與王父勸勉之爲夫婦如故視沙溪諸兄子誼尤周至奉高曾以下烝嘗數十年誠恪不少懈又以針

指貲買山營葬曾王父母及王父兩世棺平生莊靜言動不苟聞鄰媼嬉笑聲則曰婦子嘻嘻失家教也晚歲奉佛一月中茹素者殆半淑人少歷滄桑中遘家難焦勞盡瘁自府君即世中懷悲愴居常鬱鬱歲間至沙溪祖舅家後以渡陽城湖被寒至沙溪病下痢遂不起年八十二初果四歲隨淑人寢食入塾歸侵曉寤即令枕上背誦四子書成誦乃喜嘗隨至沙溪見祖舅葉氏村莊魚塘竹林木棉作花盈隴田塍如畫淑人與祖舅談勝國舊事而甘露李氏祖姨母年八十餘亦至相盤桓祖舅每歲遺瓜果海魚及木棉花屈指在日今果年亦

在亭叢書卷三

六

六十有負遺訓言之爲愧爲序梗概如右以見淑人爲吾門中流砥柱非淑人不能至今日也

世父省庵府君家傳

府君諱長春字東徠晚號省庵王父懷遠府君長子也生九歲而王父即世府君少磊落不羈恥標飾爲名而苦志於學彊記博聞下筆有奇氣家貧棄其田宅嚴冬短褐不完市中人竊笑之府君浩歌不輟也康熙乙丑入粵道江右歛人江鳴贊延之饒州越一年館李君文煥所寓南昌南昌名士萬任傅修羅牧諸君皆與府君游又二年還里又二年偕先府君遷城東郭婁江之上

既又遷居城中其明年先府君奄棄府君念王母年老乃授經以餬口蓋歷二十五年中間復遊京師及河南之裕州者二載暇則肆力於文窮源深思頃刻數百言未嘗起草垂老讀書不少止年六十一遭王母之喪又屢徙宅兩子不克自立而皆遠出服賈府君憤悶病右手巨指腫撫膺呼曰棡楨何時歸乎吾弟之子其長貧賤乎顧世母及季弟悲不已毒未潰遂卒卒年六十四府君性伉直喜結客爲豪舉常衣食之至有爲婚娶者急人患難不自顧計論天下事則衣裘不倦初王父歸田日有麾下材官周某某年老無依隨至蘇府君方幼與

之講習弓馬技擊客皆稱其能當丙辰歲府君年二十五聞閩中亂內院某公帥兵入閩慨然自許欲爲朝廷馳驅疆場乃度仙霞嶺思赴軍前隨征以取功名不可得卒迺遭抑塞窮經以老世無知者有自怡集四卷果十二歲而孤隨府君肄業每出必攜之徧見諸前輩嘗語果曰世澤岌岌欲墜承先業者汝矣太息久之世母鄧諸生三顧女賢而能文事王母孝不二載旋歿繼娶湖東徐氏府君歿二年丁酉世母終明年從弟楨卒卒之後二十日季弟梁又病卒嗚呼楨旣逝而梁又不祿今祇棡一人棡一子庭年二十餘又卒噫可哀也果不

才不能承府君期勉之志今髮白種種矣而從弟棡窮老無子天道未可知此果采掇舊事而不勝欷歔悲感也

先考蟠莊府君行述

尤珍撰

嗚呼不肖孤果年甫十二而喪我府君賴吾母徐孺人守貞自誓王母葉淑人以撫以教以迄於今二十有八年生無一日之養歿又窶窶之不時惟歲月之久以陷於春秋之議旦夕哀號無以自容人世其敢輕以不肖之辭述我府君顧惟府君東躬砥行孝友聞修重以孤人之不肖弗克發明幽潛之光負罪滋甚謹就王母葉淑人吾母徐孺人所告語及聞之世父省庵府君者輒含哀茹痛忍淚濡毫略爲撰次如左

府君姓李氏諱長根字仙蟠一字蟠莊先世秦中代以

在亭叢書卷三

九

耕讀爲業有居河南武陟江西吉水及楚蜀者傳爲唐西平忠武王諱晟之後譜牒失傳殆不可考勝國中葉始來江南屢遷而居郡城五世祖龍泉府君諱培源高祖少園府君諱潤澤皆有文行隱德弗耀曾祖之白府君諱人傑吳縣學生讀書纂言著有東橋集生二子長伯祖子愷府君諱壽祥次西美府君諱聖祥即先王父也

國朝順治戊子科武舉人已丑成進士殿試第二人及第官浙江杭州提標右營遊擊階懷遠將軍出兵舟山樹有勞績生二子長世父省庵府君諱長泰次府君

府君生一歲而孤又少多病及長從雪觀蔡先生德烈受業刻苦力學事王母葉淑人凡淑人所須輒先意承之家故貧又多外侮高曾世守之遺僅藏書千餘卷薄田數十畝而已世父又析產以居恒容外葉淑人惟府君是依後娶吾母徐孺人辛苦操作一室蕭然中常自得也當世父去閩中值逆藩耿精忠亂後戎馬載道音問不通者五年葉淑人以爲憂府君力弱冠私揣知淑人意於歲杪衝寒孑身攜襆被涉難河度仙霞嶺備歷危苦始見世父於福寧州偕以歸方踰嶺府君泠泠數日世父亦病腹痧臥不起瀕於死者屢矣卒遇療得全

在亭叢書卷三

十

既歸而世父困頓府君自以屋宅器用讓與世父爨既分而復合歲已巳世父棄于將里故居乃同遷婁郊之官瀆鄉府君奉葉淑人以隱課不肖經營取漢儒註疏程朱義解探索講授折中以聖人之意務以悟入又謂儒者之學涵養在敬凡百紛華靡麗屏弗使寓目又揭昔賢靜以修身儉以養德二語書之座隅日吟嘯竹林中時陳高士匡國爲王父同研友以前明諸生隱於東村常熟馮丈行貞崑山顧丈某亦流寓於此時過草堂討論文藝有素心之樂後一年復與世父遷城中旋授經於鄉之王氏忽病嘔血卒於館舍嗚呼痛哉府君潛

心厲志專務實踐雅不欲以文辭炫長取名譽削橐輒棄之口不暴人過失終身無宿怨親舊往來接以恩誼戚黨有某氏者向頗藉先王父力既後家業累巨萬府君未嘗以家累望援嗚呼素履可以觀矣府君生於順治十六年己亥閏三月二十六日卒於康熙二十九年庚午九月二十四日享年三十有二配吾母徐孺人處士仲美公諱從學女子男三長不肖果次棟次模棟模俱殤果娶陸氏孫男二師稷志尹孫女二不肖果弗慮弗圖偷延視息今始卜地吳縣五峰山博士塢棗園之阡將以今康熙五十七年二月 日奉我府君之柩

在事叢書卷三

士

葬焉不肖荒迷不文不能狀先德之萬一謹綴所見聞以聞於當世立言君子採擇賜之文筆闡揚俾得奉以藏諸邱窆而揭諸原無使德闇而弗彰不肖孤死且不朽不肖孤果泣血述

先妣徐孺人事述

先孺人姓徐氏浙西秀水名族家於吳外祖父仲美公諱從學茂才力學母張氏先孺人行二年十七歸府君少府君一歲府君讀書常廢寢食先孺人未嘗敢先時祖妣葉淑人方嚴持家動以禮法家衆咸憚之惟先孺人能得其懽心偕府君潔滌澣盡子職無怠府君訪世父省庵府君於閩中先孺人侍祖妣於家晨昏無有關失世父自閩歸益困不支府君盡以前所析產推予世父先孺人能承府君志娣姒無間言後府君鄉居與先孺人擷園蔬習溪魚務竭奉養之誠府君有五六老友

在事叢書卷三

士

時往還先孺人置酒治肴核必謹後世父偕府君移居城中府君仍教授於鄉一夕病卒年三十有二蓋康熙庚午年九月也先孺人慟幾絕時不肖年十二次棟四歲次模生未兩月先孺人痛不欲生念祖妣齒已邁不肖輩幼穉乃強食飲然自是雖生之年無非愁苦之日矣歲壬申不肖年十四先孺人爲求婦陸氏癸酉孤棟殤乙亥孤模又病殤先孺人傷感甚幾致疾自府君歿後五年家益蕭條向時婢僕俱已散去先孺人躬自操作不肖傭書官舍又十年而世父命不肖分爨不肖始謝傭書之役又四年不肖典一椽與世父分居是歲侵

於水不肖又遭疾患無以奉甘脆嘗快悒不自得先孺人輒語不肖曰第慮汝學未成為我大憾寧罪汝不足於養乎澹泊吾所甘也不肖感泣謹誌之歲壬辰不肖館於江都秋八月祖妣去沙溪尋歿於祖舅氏之居時祖妣年八十二矣先孺人去沙溪佐世父世母治喪事審視棺斂不使一有遺憾其年冬不肖舉祖妣柩合葬黃山祖墓戊戌二月營葬府君於五峰山棗園新阡先孺人曰吾今心始安耳庚子冬不肖婦病卒先孺人以暮年再理家政撫兩孫為兩女孫遣嫁屏當搢持心力盡憊卒以積勞之故成痼疾嗚呼痛哉先孺人素耿

在亭叢書卷五

三

介終身不苟言笑自奉極約性篤孝敦睦嫻之誼當癸酉六月祖妣病先孺人侍醫藥苛癢抑搔轉側便污皆賴焉兩浹月不寢終無倦容其與世母共居也事無大小輒身任之不以相委外祖父無子晚歲恒迎養於家二三從兄弟皆厯友于之愛沙溪葉氏諸中表為祖妣黨以事來不肖家或累年月久而能敬王氏姪女孀居時為存問兩孫讀書皆延名師宿儒膳飲必親自檢視凡先孺人明禮達義類如此居恒動止有法每四方名流及里中同學辱與不肖交者咸造廬執子姪禮拜堂下先孺人色莊氣和携杖敬謝曰諸公以道義砥礪吾

兒幸甚已又詔不肖曰某某賢汝宜師某某才汝宜友不肖受命不敢失禮於諸君諸君亦心折先孺人之賢曰是能以義方教子者也先孺人守節三十五年優游頤養者不及十載餘皆憂思困阨之日又喪葬婚嫁遷徙諸大事營心容顏尪羸手爪盡裂歲乙巳十一月晦痰喘頓作漸致脾泄食飲大減逮十二月初九日醫藥罔效泄瀉不止於十五日疾革語不及他惟勗不肖保身勵行命兩孫讀書而已嗚呼痛哉先孺人生於順治十七年十月十六日卒於雍正三年十二月十五日享年六十有六子三人長不肖果娶陸氏次棟次模皆殤

在亭叢書卷五

四

孫男二人師稷志尹孫女二人長適蔣立機次適顧浩不肖苦塊餘生神昏志亂於先孺人孝節懿行挂一漏萬惟望大人先生哀憫賜之誄傳銘表不肖死且不朽亦感且不朽孤哀子果泣血稽顙述

亡妻陸孺人事略

孺人姓陸氏父紫明諱時貴母張氏紫明公恭謹拙於治生與予家爲世戚於先府君稱中表兄弟其祖庶母河南范氏常來予家與祖妣葉淑人善孺人幼而端重舉止有節康熙三十年吳中訛傳採選民間淑女閭里驚皇世父省庵府君勸吾母締姻以一肩輿迎歸孺人年十五長予一歲後六年始成婚當孺人于歸拜祖妣葉淑人吾母徐孺人及世父世母於堂上每晨起問寢有常候葉淑人顧語吾母曰孫婦賢能吾與若老懷可慰已予家自懷遠府君捐賓客以來內難外侮洊至故

在亭叢書卷三

五

業罕有存者予與世父同居爨家計益窘乃傭書以養吾母孺人襄治家事親操井臼數年之中奩橐爲罄未聞有交謫聲孺人嘗夜分絡緯治女紅予擁書相對或謂孺人何太自苦孺人曰吾夫子績學礪行類非長貧賤者吾是以安之也歲癸未丙戌兩從弟俱娶婦甲申世父命予析爨丁亥世父遷斜塘之鳳里邨予乃典宅別居踰年而世父貸他人金牽於訟不能償孺人勸予代償之歲壬辰至甲午予客江都家食粗給孺人持以儉約奉吾母甘旨外無銖釐妄費吾母以予奔走於外也戚於懷而口不言孺人心識之輒多方爲解吾母嘗

手書示予曰汝頻年客遊不得在吾左右吾垂老而鬢髮未蒼正賴汝婦之能事我耳歲己丑生長兒師稷乙未生次兒志尹皆躬自乳哺丁酉予買宅葑溪之紅橋孺人助予種竹疊石羅經史增構房舍吾母偃憩其中幾忘予之客於外也戊戌春葬府君五峰山爲吾母營壽壙己亥冬進吾母六十觴心念孺人此後可少逸奉吾母優游晚景不意其遽病病而遽逝也哀哉先是庚子七月孺人體患腫毒甫愈即病傷寒長兒師稷左脇患流痰欲潰予亦抱疴累月孺人驚悸又腰左寒痰墳起醫爲砭治出痰血梳許創以漸平傷寒猶有餘氣十

在亭叢書卷三

六

一月望日病愈劇十七日而卒先卒之五六日孺人執手謂予曰吾病五閱月知不可爲矣身後無他恨惟老姑在堂奉養不終而兒未克成立長女未嫁次女未締姻三事未了不能舍然又呼師稷志尹曰汝父少修志行兒曹毋失前業顧兩女曰我病沉滯不能待汝之嫁矣命也夫女子以敬慎爲主其志之諸戚來視疾者語皆井井有條理嗚呼可謂神明不亂者矣孺人生於康熙十七年五月二十五日歿於康熙五十九年十一月十七日得年四十有三子男二人即師稷志尹也女二人一許字蔣立機吳縣學生桂馨子一未字孺人少事

父母以孝聞後父母歿同懷兄二人亦物故嗣兄有年晚歲客揚州每來吳省視情意款篤曰吾父母見背久見兄益思吾父母也敝衣糲食冬月恒以練裙納敗絮禦寒而色怡然予年三十餘謬以文辭見知前輩名公宿儒四方知名士來吳中者間相過從孺人治酒饌咄嗟具又飯客與馬僕從馬芻次第如之其於歲時腰臘祠祀修事尤潔誠周人之急無兒女纖嗇之習故鄰里戚族多稱其賢孺人歸予二十九年食貧居約糟糠不厭更祖妣及世父世母喪徙宅者四佐世母爲從弟婚娶者二自孺人歿後家累萃予一身吾母暮年精力亦

在事叢書卷三

七

爲盡耗思昔孺人勞苦中梱佐予以養哀痛曷能自己兒子師稷哭而跪請曰吾母懿嫺弗聞小子懵懵何以稱述因援筆記之如右不杖期李果校淚述

上宮保大中丞高公辭薦舉啓

竊以一邱一壑難將河嶽齊觀五畝五湖寧埒京都並賦畦蔬作餉違佐天厨瓦釜自鳴罕諧清廟山中樗櫟虛蒙大匠之求轅下驪駒敢辱賢王之價何則尺有所短易地弗能爲良力有難勝吾斯未能自信也閣下壯猷方召雄節范韓百粵八閩久資專制五溪六詔向藉撫綏兼武緯而文經快風行而草偃今則

帝謀連帥重半壁於東南公自黔滇移三吳而節鉞周以二南分陝曾總任於元公一人唐則宰相行邊爰開府於雄藩千里經綸懋展黼黻光昭賢士願遊其門文

在事叢書卷三

大

章莫大於是弘

天子作人之治用卜茹茅值斯文翊運之期勿遺葑菲前承 敕旨科開博學宏辭續奉 恩綸詔舉山林遺逸閣下虛公無滯飢渴有加亦旣材擢鄧林早收嘉植何難群空冀野詎尚留良而乃謬採虛聲招延下走夫呂文穆愛士咸收夾袋之中謝宣城憐才無惜齒牙餘論屬名流之題拂乍長聲華荷當路之薦樽濫叨品目獎渥所及姓字爲榮果豈不欲刮垢拭塵望司空而吐氣躡蹄批耳向伯樂而嘶風也哉無如年力易摧才分難強懼知己之或負捫素心而莫欺謹佈下情有妨寵

命伏念果少而孤露長乃蹇窮行誼未修於家庭文采
不先於儕輩董惟匡壁謝素業於承蜩鄒架曹倉恨前
身其非蠹貧乏著書之力耳目有窮賤營謀食之艱心
精易殫一知半解識鮮宏通三賦十年性成鈍拙聊東
塗而西抹效來鄰女顰眉終北轍而南轅益去古人門
戶蹉跎壯歲黽勉謏聞問生平所讀何書妄冀嚴朱之
上第顧此日願言思奮倍逾終賈之英年方今

聖世右文茂才應選魁奇碩望淹洽通儒傾三峽於詞
源颺飛泉湧搖五嶽於筆陣劒拔弩張朝賦暮詩立之
則見推韓愈登龍倚馬太白則自謁荊州凡名鄒而延

在亭叢書卷上

亢

枚俱凌顏而鑠謝文成义手辭出鏤金於以鼓吹休明
羽儀隆盛彬彬郁郁雅雅魚魚家號淵雲渾同宿構人
矜潘陸轉患多才而果以樸藪之胸衰遲之腕思與連
鑣並轡關捷角強譬猶假鉛刀以割牲不缺則折策駑
乘而下坂有却靡前人寧苦不自知才固必由天授揣
之已審無俟更籌又况果比歲以來望秋早憊頭目眩
暈顏貌凋枯認杜甫於山頭祇存瘦骨老馮唐於牖下
獨抱殘經相本酸寒詎是鳴珂貴侶心憐瘡癥難趨待
漏清班此尤果之所感遇披丹撫懷欲白者也伏乞閣
下察果自量之素矜果由中之誠另選高賢收還前命

俾得棲山飲谷拾橡採薪行矣此生累焉自力不特庇
明公之德宇開臆據胸抑長爲昭代之幸民含哺鼓
腹聽鄰春而和相或不廢勞者之歌託擊壤以興謠差
自比封人之列矣

在亭叢書卷上

干

天平山補築白雲亭徵詩啓

萬笏攢峰詎數鄭公世德一龕遺額猶傳白傅清吟維
勝地之鍾祥實昔賢所栖止亘綿龍氣秀甲郡中突兀
聲飛翼乎山麓不有作者誰復舊觀前知大同府范使
君夙養恬機群欽偉抱器堪華國才本亢宗爲文正之
裔孫迨然名德分天平之支幹展也達人恢廓洵有家
風憂樂敢忘先訓稟承琬琰特達珪璋阮仲容肯遽入
官一麾出守謝康樂頗饒濟勝五馬遺榮潛見適因乎
時貴高情之自我纘服聿追來孝覺至性之過人宛彼
雲泉傍茲邱隴香林藹藹散花雨於諸天石碣離離儼

在亭叢書卷十一

主

神靈於列祖千年功德之院四世斧堂之封陟降匪遙
魂魄應戀過之必式疇無望古之思廬此何年爰切永
言之慕有懷常寄靡墜不興此白雲亭之所由補築也
於是藉幽討而脫身欣看歸岫每顧名而思義悵望在
天陶令蕭閒不少思親佳句狄公貽贈奚煩妙繪新圖
遐契一生卷舒合度憑欄肆眺虧蔽多姿體勢鬱乎岡
巒清暉媚夫昏旦渺滄波兮不極賦筆會心圍紅樹以
蒼茫秋霜惕念景光坐愛盼嚮時聞不日幸落其成溯
典允從其朔松楸繫懷既善繼述於後人水木均情因
思導揚乎同志伏冀東都上客南國詞宗結想榛苓好

續美人之什瞻言矢棘載虞君子之寧按古蹟於三吳
雅附青邱而有作師流風乎百世指歸東氏之補亡倘
來遊而來歌共以觴而以詠

在亭叢書卷十一

主

跋趙飲谷輓劉東郊詩

琴摧綠水歎起絕絃笛愴斜陽情深思舊數南村之晨
夕久共素心吟北道之音塵遽傳凶耗爰披哀輓之什
彌增故舊之悲所恨文人多妨福命得爲才鬼良勝頑
仙撰有道之碑信臨文之無媿磨南州之鏡嗟會弔以
何期不禁感喟填膺欷歔掩卷也

紀浙東遊

乾隆三年九月乙丑同蔡君香谷爲浙東遊舟出盤門
由吳江平望溪河以達塘西丁卯至杭州草橋門渡錢
塘江風日晴朗望隔岸越山累累若可數旣渡肩輿至
西興爲蕭山境是夕大雨宿烏蓬船百里至紹興府次
日雨不止乃投旅店飯櫂舟木蓮橋訪沈樞元宜士宜
士命其僕擔行李留香谷與予住書堂堂之前爲園傳
爲南宋時沈家園鄰春波橋陸放翁會其故妻於此紀
以詞即其地園有念昔軒澹影池廣半畝榆柳雜立旁
有飛閣閣南面秦望山東望禹陵北蓬萊若耶溪西面

塔山園爲宜士所購而念昔者以繼先人志也雍正初
以他人事牽累沒入官如例得給還猶守其地宜士予
三十年老友也年七十六日行吟其中已巳宜士携其
第五孫大鏞擊舟招予與香谷出東郭門泛鑑湖過渡
東橋乃見遠近諸山峭厲或連或斷南行四五里爲禹
陵陵在山半先過禹廟從西角門入有古篆書碑一入
大門至享殿最後乃大殿方奉 詔修葺金碧飛湧殿
東爲寔石亭石形如稱錘上銳斲處以石灰粘連之不
知者以爲禹穴其地鄰南鎮以雨輒止辛未晴霽遊府
山即臥龍山亦名蓬萊山舊爲越王勾踐宮殿今爲郡

治山蜿蜒渙鮮翔伏演迤一郡數百里之土壤千巖萬壑之勝皆在履舄之下更歷城隍山山有兩城隍神以上下分之下城隍神明洪武初將屠城兵士見神長數丈坐東郭門上遂不敢偏城得保全後人祀爲下城隍神以能禦民災也南出偏門經跨湖橋爲山陰道上山綿亘不可名狀王右軍云每行山陰道上如鏡中遊王子敬又云鏡湖澄澈清流瀉注令人應接不暇者今予與香谷寶暢遊焉拜馬太守廟守名臻漢順帝永和五年爲會稽守常疏鑑湖之水築隄溉田明嘉靖中郡守湯紹恩復築三江插以瀦以洩皆效馬臻之所爲自漢

在亭叢書卷上

重

以來二千餘載無荒廢之田無水旱之歲力本利農皆二公之澤也壬申尋戒珠寺誤至五雲門乃轉而至昌安門寺爲右軍故宅有右軍塑像寺在戴山之麓山產戴越王嘗采以食者有故明劉宗周念臺先生書院溪流野色縈回鈎帶下有墨池已不可見矣去寺一里爲題扇橋右軍題嫗六角扇處又過鎮東閣閣在城之中唐元微之詩我是玉皇香案吏謫居猶近小蓬萊即此青藤館在觀巷有徐青藤故里五字揭之石其天池乃書堂前一小方池與青藤猶在耳紹興多山而城中之山有八其至小者有二彭山在人家竹園蛾眉山在鎮

東閣旁土穀神香案下子僅遊府山戴山而已癸酉別宜士返權至西興留題四詩於柯亭壁宜士命其孫漢佐送大鑪來蘇就婚於香谷氏香谷詩有探珠盈几案携玉返茅茨句蓋稱宜士之詩及指其五孫用樂廣事也以風甚留西興旅店一日與香谷倡和有詩二章明日渡錢塘江方未半中流作風浪時秋而連旬水漲潮不敵水勢也至草橋門已亭午方擬作西湖遊乃紆道至錢塘門縱權於湖以微雨不及登山遙望青松紅樹橋亭遊騎如小李將軍畫也青田劉氏謂會稽山層巒複岡而無梯磴攀陟之勞大湖長溪而無激衝漂覆之

在亭叢書卷上

美

虞素宏道謂西湖如宋人畫細入毫髮山陰山水如元人畫意在隱約山陰顯於六朝西湖著於唐而會稽多園亭之勝平湖清淺嬉遊畫舫多野趣香谷持觴笑謂子曰適日之遊蓋非偶然也自有此山水晉以來王謝支許諸公相嘯聚觴詠不知其幾然往復推移轉燭卽爲陳迹而我兩人垂老經此留連水石夫亦臭味有同之耶丁丑抵家昔柳子厚居嶺外日與賓客遊山水皆有記況越中佳山水耶遂記之其雲門秦望蘭亭五洩沃洲天姥諸山則願俟之異日香谷名芥居同里負經濟才嘗客山右遊中條山王官谷出雄武關至京師今

年亦七十餘矣九月晦日悔廬記

在亭叢書卷十一

宅



前夫子客山刻其在亭叢書成
理清醇文與道合迨余持節西越
神傷歎抱道之士之不常在為可惜也今冬以公
事至吳令子耕伯南臯持其所遺詠歸亭詩來謁
其門下士朱子適庭所刻復請為序公餘繙誦並
欽其人焉蓋言為心之聲其質厚者其言實其氣
平者其言和其志清者其言雅其守廉者其言潔
容山之詩無刻厲之音有溫柔之致無華飾之語
有沖淡之情凡親串之合離友朋之贈答無不纏
綿委摯間或託興山川寄懷魚鳥一一本乎性情

雅序

之真而又不惑於時不趨於利決然有辨理欲審
好惡不可移易之識如見其質之厚氣之和志之
清守之廉焉嗚呼如客山者使得致身通顯以其
才作為雅頌可以鳴
國家之盛否亦假以歲年享期頤之壽以詩教倡
導一鄉俾後起者皆得與於風雅惜乎其所遭之
窮才之未展懷抱之不得抒年僅餘七十以歿也
雖然士患無傳於後耳窮通得喪固一致也客山
之行既已信於今其歿也吳之鄉先生無不追念
之遠方人士經其里者至於車過腹痛其為時所

敬慕如此而其詩若文又足傳於後無疑其身亡
其名久存矣余是以執筆愴悵始而悲終而躍然
喜也耕伯南臯能守先澤適庭能表彰師傳並可
嘉也故并及之

乾隆十七年歲在壬申嘉平下泮覺羅雅爾哈善
序

雅序

二

舊序

吾友李子客山富於學能古文詩以布衣老二三
同志謀集其詩藏諸名山乃商榷去存得數百首
客山意不自嫌屬余更為審定務深求瑕類而去
之以余知之尤深也乃及後誦吟毫無遺憾既歎
其學之粹益欲其擇之精遂盡刪去尋常酬應之
作計所存者才十之六既畢業舉其生平得力之
處而序之曰詩自子建以上藏輝歛鐸渾乎淳古
之風下逮少陵包涵衆有如元氣混茫值物成象
不可以一言槩自餘諸家雖軼倫超羣如晉之淵

舊序

一

明唐之太白皆可目之曰清淵明清而遠太白清
而逸亦清而麗得淵明之清可以探王孟韋柳之
源得太白之清可以掩左郭鮑謝之美是雖本於
天賦而疏濬滌雪之功未始不由於學客山於漢
魏以來之文無所不究衆體悉精五言尤為一時
之冠古詩溫醇涵濡於晉人者最深觀其和陶飲
酒詩二十首不啻身與淵明相答倡性情浹而臭
味同也其寄友用陶詩擬古韻者九首有淵明之
胸次出以漢魏之渾成又善學淵明而不拘拘於
其趨者律詩思飄然以遠聲鏘然以振得太白之

補觀他學杜諸篇此尤逼真矣非氣之至清出乎
塵壒之外而成之以學曷由至此夫淵明之清人
不能學而能知之若雄博藻麗如太白而目以清
人且疑之韓子曰氣水也言物也江水至清而風
濤浩渺之間物之瑰偉怪珍者畢具水之力足以
發之也運吾氣之至清而音聲采色無不激越焉
焜耀焉亦猶是耳故少陵以清新美太白擬之庾
開府知開府之清益知太白矣夫谿瀑沼沚之蟾
微無瀾濤之壯物產之奇自足以洗滌塵心使臨
之者流連不能去此淵明所以超出百家也而太

舊序

二

白有時近之若舉汝漢淮泗之大滙之別之飲之
吐之而總歸於一清此太白所以炳煥千古而淵
明所不必為也客山將更歷斯境乎余烏能窺其
涯涘哉乾隆四年冬十一月驚魚磯樵同邑繆嗣
寅識

序

李子客山年二十餘即偕予遊橫山葉先生門為
詩友時論詩者家石湖而戶放翁掃掩庸瑣并為
一談而客山篤信師說於古體規撫魏晉於今體
追模唐人有怪而訕笑之者弗顧也後遂守是以
終其身客山喜結納年甚少而交與皆老蒼如方
望子文先遷夫著冷秋江士嶠皆先朝遺老客山
與之上下其議論故見聞越眾既遨遊淮揚交日
廣學日富詩格亦日高客山之名見重於大江南
北間視與予初結詩課時顯晦若兩人然客山明

沈序

一

義利之辨不苟取大理李公任驤政延入幕司文
章事見其謹慎守貧欲共商鹽筴力辭之後大理
罹禍客多及難客山超然然自是家益貧清節益
勵賣文錢外豪毛弗受也老境嘗坐破窗風雨間
點筆起草家人以無米告浩歌自若弗應時先後
下 詔求鴻博高隱之士大吏屢欲薦於 朝上
書堅卻聞者益重其為人丁卯春予乞假歸偕客
山拜橫山先生神位時橫山門下士尚存九人共
六百四十九歲傳為美談方意重結詩課繼續曩
遊以存師門風雅之一綫乃時序未幾漸歸零落

而客山亦遂成古人矣朱子適庭從學客山者也
欲不死其師出詩若干卷屬予稍加去取鐫而存
之先是有古文若干卷陸閭亭太守已付之梓此
客山所及見者詩文傳而客山可以無憾集名詠
歸得吾與點也之趣知客山生平嘗在春風沂水
間也質之亡友應以予言為然
乾隆十八年癸酉初夏學弟沈德潛題

沈序

二

清廟之瑟朱絃而疏越壹倡而三歎有遺音者矣
大饗之禮尚元酒而俎腥魚大羹不和有遺味者
矣延平周希聖解之云傳曰有聲者有聲聲者有
味者有味味者聲之所聲者聞矣而聲聲者未嘗
發味之所味者嘗矣而味味者未嘗呈是故清廟
之瑟有遺音者貴其未發之音也所謂未發者無
音之音也大饗之禮有遺味者貴其未呈之味也
所謂未呈者無味之味也愚謂清廟大饗乃明堂
配天之祭祀天尚質故不極音不致味詩文之至
者亦然讀存亭之詩如朱絃之有遺音所謂無音
之音也讀存亭之文如元酒之有遺味所謂無味
之味也此惟知音知味者方可與之言詩與之言
文莽鹵之人何足以知之元和惠棟

後序

一

舊序

余作令信安時曾於坐客扇頭見李子客山贈別二章歎劔南石湖二集彌天塞地安得復聞開寶遺音後往來吳門問客山於諸名下士皆莫能舉其姓名訪之所知知客山性超異不妄交一人其為詩又不習為吳松間派宜乎其名不著於吳而客山亦忤然不肖投一世之好也今年冬余以公事至吳客山惠然執卷請益展玩數四歎客山之詩比前更超詣五言古風寢食太白神與之似五律出入盛唐辨香尤在襄陽輞川間夫客山年才

舊序

一

及壯數年之間所造不同如此其所至何可量哉惜淪落不偶世無賞音之人然客山足不出戶庭海內已有知而愛之如余者不患無知己也余碌碌簿書不足為客山重大中丞商邱宋公與吾師新城先生為當代風雅宗匠庶幾一邀顧盼可定客山聲價客山其亦益肆力於學以俟知我者而已康熙甲申立冬後二日長沙弟陳鵬年書於墨雲寓舍

昔之論詩臺閣山林各一體其實指合而趣同蓋卿大夫之賢者綽然從政以其暇從容諷諭與寮

友相答宮商諧金石應而巖棲澤居之君子信天樂道浩乎高歌比於鸞鳳之音聞者心曠其致一也自宦路日巧一切齷齪失其情性而雅韻凌微至於幽居不仕苟且以謀食不自振於文字之場兩者均有所失而詩之近乎古者罕矣同里李子客山少負清骨讀書棄舉業專心詩學自三百篇後漢魏六朝唐宋之作涉獵吟味中有所得隨事觸境拈毫成篇脩然自賞於清泉白石朝霞晚煙之間筆力之蒼老詩格之嚴謹句法之雅逸餘波之動盪方之昔賢無毫釐不合蓋余自趨走塵俗

舊序

二

離其鄉土如文獻劉石齋諸高士皆已傷逝近得與客山訂交歎服不止客山亦傲當世以為不足言獨折節於余以所賦詠郵筒相遺此倡而彼和燕吳數千里寤寐之懷思書札之問訊相契而無相違甚可樂也蓋吾鄉尚文學明初吳楊沈文之交清風雅什彼此相承本朝館閣諸公都與方外者宿諱論砥礪迄今邈然餘音不可復矣余以病軀栖栖冗散無能發揚潛德幸而遇客山往復投報思深調高若以吾兩人相知可遠託千載無復仲荆海隅之恨讀其詩而論次之凄然而悲抑暢

然而無憾矣康熙歲在壬辰十一月嘉定同學弟張大受序

李子客山年三十餘早以詩名吳中吳中之詩不與客山為類客山乃能違衆而自為詩人亦莫能掩之長沙陳滄洲公前守江寧後守蘇州閱人頗多獨稱客山能詩而老友方望子先生暮年貧甚客死於吳門經紀其殯歛者則客山也是不獨才之美矣癸巳秋八月晤於儀真顧南原之學舍客山適攜越人黃儀逋詩十數篇來相與歎賞不置儀逋有才不偶捐其身於麴蘖死將二十年其詩

舊序

三

矯矯錚錚思超而勢健語苦而貌奇在今人中所少觀者客山詩實近之宜其愛之深也詩者不盡之秘藏日新之盛業也初無古今高下之判作者於其間後先自為合轍至於時代風氣之遷流固聽之矣明自正嘉以後欲世之為詩者皆出於盛唐其說已謬今則天下之人又胥化而為宋詩不更偵乎非惟學宋詩又學其至劣者聲音笑貌惟恐一毫之不若徒耗心力於此至無一句之佳者可舉世之有才者頗不乏率皆牽挽從之而不能有以自立噫奈何其不貴已而務人之狗也睹客

山詩或有悔焉耳瀘州學弟先著

一心之小一毫之弱詩之為道大抵空言然而君明臣良萬機庶政廟廊尊嚴雍雍穆穆則能歌之軍旅之事運機如神發動風雨戰鬪之雄關山之阻士卒羈離之思則能賦之故宮戰場其事往矣登臨之項悲風落日則用感而興懷離絃濁酒則有贈言賓主班荆斯相唱和征夫就道班馬長嘶孤妾離魂追飛千里則有相思之曲足以寫之品物瑣屑感而寄託則大義發揮棄妾逐臣哀怨不窮則代為之表吐崇山巨壑噴瀑崩崖古木霾雲

舊序

四

洪流積雪興酣意會則有以譜其瑰偉之觀雅樂淪喪聲音之道日以衰微雖有致齋鬼神莫接則君子者張其志則發我和聲若有黃鍾鼓於喉舌以追雅頌然則心雖小毫雖弱詩之為用非空言也古人作之蔑遺義矣今之述者思復不窮性情之妙天發其機豈由莽滅裂所能强者然自宋元以來日競新體古調無傳李子客山總角從事於此非風雅之旨弗敢存非漢唐之音弗敢賞磨礱浸潤日與功積邇來三十餘年思精機熟遂以名家客山將門之子以投石超距之勇力轉而為此

宜其時有果敢之氣躍於毫端不可磨滅然觀其
為人臨財廉交友信進退不失其節語言不出口
口蓄寶而不市懷才而深藏則又溫然抱道君子
也余獲與之為友因序其詩并及其所以自為養
者南海方朝

舊序

丑

先師悔廬李先生之喪門人既哭諸寢孤子師稷
抱持遺稿言曰苦塊餘生不足繼先人之志願此
闕編殘簡其誰任枚譬諸孤實死且不朽於是新
安朱昂再拜受之攜魁手錄乃就正於沈侍郎翹
愚先生選閱鑒定復與吳教諭竹嶼商榷間承先
師遺意所訂石間以下諸集更搜輯賸草附綴編
餘共得詩四百一十五首曰詠歸亭詩鈔凡八卷
始以祖墓慈烏明孝弟之端終之懷人感舊見五
倫之重此集詩大略也嗚呼吾師一生隱德高風
在祿南東原之間後之學者頌其詩而想見之雖

後序

一

無老成人尚有典型其不然乎至詩之沉雄渾厚
古雅冲和諸名宿序中之論已詳無庸贊一辭大
雅云亡編校卒業獨不禁泣然涕泗也乾隆十六
年歲在辛未相月朔門人朱昂謹識

自序

僕非詩人也僕少孤奔走衣食者三十餘年有不得已於中聊以舒其抑塞幽憂之懷而非實能詩也古之作者多矣三百篇離騷而下漢魏六朝以迄三唐其間代有偉人人有專長渾雄沉博窮渺密栗不一其狀要皆有爲而作得性情之正爲難若僕荒殖鮮學隨遇而成豈足謂之詩哉憶僕十二齡侍先人東江草堂側聞諸前輩餘論三十年來與中原諸公相討論西歷金陵采石濡須北渡江客江都涉黃河覽長江之天塹觀河流之蒼莽

自序

一

弔六代之繁華取漢魏晉宋諸古詩讀之實夥我情顧僕鄙拙末由得其微妙今老矣方思栖處空山潛心儒先傳注之書以求古人緒言餘旨不欲億精竭神於辭章之末也有從遊者強僕出之篋中因芟其十五曰石閭者早歲居石里所爲詩也曰竹亭者客揚州作也曰溪堂者買屋葑溪紅橋表老母以居雖往來江都亦以溪堂名也曰菜圃者旣賦悼亡重歸石里割李氏之園灌畦養母取菜子之意也曰萬廬者從菜圃移家於此偶有作也曰東樓曰舫齋者橫經城西之地也統曰詠騷

亭詩凡存若干卷客曰子之詩性情所寄也不亂於貧賤之境不爲雕巧快心之語而有和緩之思此則吾子自爲之詩而非世俗之詩也其用志亦苦矣天下當有知者僕曰古人晚年學必加進杜老之夔州東坡之海外皆別出風格僕自顧猶夫初也又所歷危苦之境爲多才短思窘少筆力老復就衰鮮有新得風觸於虛而聲作水激於物而瀾生亦聊以寫其境會之適然而已詩豈能之所能哉客旣退遂書之以爲自序雍正十年壬子十月長洲李果書於悔廬

自序

二

傳

西原蔣恭棐撰

李果字碩夫號客山中更曰在亭晚歲又自號悔廬而客山之稱最著先世自蘇之常熟遷郡城祖聖祥順治己丑武榜進士及第懷遠將軍荆江杭州營游擊父長根累生四歲授詩及漢唐人詩即成誦八歲病瘧夢有人於所居庭中石級上剖其腹出腸胃浣諸河已納之覺而瘧如失自此文思穎發其父以雲馬弓矢等物令分詠隨口成若宿構因異之十二歲而孤十四歲學爲古文辭嘗應童子試旋棄去入官舍傭書以供養其大母母橫

傳

山先生葉燮其大母族也時方以古學爲後進師乃從之游刻苦爲博深詩文遂有名母取中表陸氏女養之爲子婦及冠而昏其婦亦孝謹能承兩世孀以是益得肆力於古長沙陳恪勤公令衢之西安見其詩大稱之手書招徠不赴公擢守江寧過吳門訪得之大喜及公爲大吏所劾得罪且不測走數百里相依累月事解而歸其守蘇未嘗入州治去而頌繫京口又走省視之聞者多其義目其六父棄官歸而家苦貧其父與兄析兄盡廢其產而復之弟與居至是其世父并售其居以償責

傳

二

乃別僦屋以居然筆墨所入甘脆之奉亦不廢大理卿李公煦視饒揚州聞其名具書幣延之典文章是時公幕中多名士其大事欲辭之善者必推之屬橐饒使固脂膏地公素坦闊或因緣以自潤獨李生館俸外不名一錢迄公以虧帑解官客亦間挂吏牘始服其先見云束髮噪名場海內老生宿儒咸折輩行與交其後諸老宿零落將盡而其名獨重所作亦卓然成一家言嘗自謂其詩沈鬱頓挫學少陵而參以右丞襄陽左司之高淡蘄逐乎漢魏之真樸文自廬陵入喜往復歸本乎六經以希昌黎其紀事頗縱橫宕逸得司馬子長之一體知言者以爲然雍正乾隆間屢 詔旁求博學宏詞及山林隱逸之儒制府高文良公巡撫宗人雅爾哈善公先後欲薦之朝或遣屬吏或語所知示其端皆力辭雅公爲守時修郡志以屬之初在李公墓中公奉之稍贏裁得葬其兩世而卜居城南之葑渚草堂後困復棄其居母死直省大吏請之不復應日鬻文以自給不肯有所干亦無有氣力人能振之者中喪其配陸更娶於夏生少子少子善病所需藥物不繼不能無憂愁偶感疾遽卒

卒時年七十三未幾其少子亦夭始余為翰林告假歸而與之為深交二十餘年於其卒哭之以詩略其行事為之傳以竢述文苑者采焉
舊史氏曰客山處和而守堅恂恂篤行君子非獨其言立也沈侍郎德潛雅以詩文與客山相切劘侍郎晚達顯於時而客山以布衣終耀名與之齊里中往往稱沈客山生時陸太守錦為刻其文集十二卷余所論定其未刻詩集若干卷宋生昂藏之侍郎云必傳於後無疑

傳

三

詠歸亭詩鈔目錄

卷一 古今體詩五十六首

石間集

短歌

秋夕

先祖墓

慈烏行

寄姜處士

揚軍

鄧尉山

贈冷退菴

送方望子還歙縣

送友

過從舅氏

題黃山圖

王將軍劒歌

雜詩

詠歸亭詩鈔目錄

一

別母渡京江途中賦

江閣

高郵

將進酒

江月

江望

懷葉荃園黃山

譚家洲

擬古

題葉子山淮陰贈行圖

題葉荃園畫

周匏耶鷗舫

真州

孤舟

得劉損齋長沙書

春夜集陳滄洲太守寓樓聯句用柏梁體同陳訥菴滄洲於在文

劉東郊張豈石來亮工諸君子

古釵

蝶

春夜留別陳滄洲郡守同陳訥菴於在文張

豈石來亮工諸子

貽陳使君

江臯

冷處士江泠閣

寄懷孫芷田客西江燕

題東林圖

寄懷方望子

蘭陵

地僻

采石磯太白祠

南園

驚峰寺夜坐寄陳侗有

蘇東坡詩鈔目錄

平

江夜

擬古

京口

登蒜山絕頂

江上寄沈方舟

寄友

曉發

練湖

愍公自瓜渚過訪即別却寄

題余鴻客金陵覽古詩

春江

村燈

寄懷戴孚階

卷二

古今體詩五十八首

竹亭集

九龍山麓訪顧澗西茅舍

寄懷王副使南村望穹窿山

湖口望七十二峰放猿

放鴨

秋原

風

旅舍喜逢故人

舊邊八首有序

薊州

宣府

大同

山西

榆林

寧夏

固原

甘肅

蘇東坡詩鈔目錄

三

邊雪

邊塵

邊笛

邊草

冬日有懷

寄陳虎文

雜詩四首

送方源子二首

施考功園亭七詠

高酣亭

釀泉

鶴坡

橫秀閣

溢吹池

東莊書屋

半舫

過方望子墓

出自北門行

送劉東郊

雜興 寄吳青霞

秋夜

范增

南村六子詩

朱嘯園 襄

蔣香山 夢蘭

金最木 國棟

繆桐邨 宗鑑

秦南岡 應陽

繆曉谷 嗣寅

揚州

壬辰初春過陳氏木瀆

山莊用杜詩夜宿贊公土室韻二首

揚州雜詩四首

送朱贊皇之大梁

贈漢陰周丈

古劍

蘇軾詩鈔目錄

四

卷三 古今體詩四十九首

溪堂集

答張日容二首

寄陶甄夫

得家書

送人之邳州

雪霽登郡城望西南諸山

紅樓

懷陳使君

焦山瘞鶴銘重立為陳滄洲使君賦 有序

梅花嶺

浴福

簡沈叔子

夜坐懷杲公

送何昭夏之湖南

寄吳秋屏

九日

登樓

寄懷施考功二首 羊裘

題深柳莊圖三首 歲暮歸途二首

歷歷

送吳秋屏渡京江掃詩

人姚後陶墓余友冷處士秋江亦葬丹徒

因及之

平山堂

羅浮蝶

白燕

岳武穆王墳

新柳

新竹

寄陳虎文山

瓜洲懷友

雜詩二首

蘇軾詩鈔目錄

五

移家封溪

九日與顧十一使君

松下聽琴 同彭研持

封溪

貽朱赤霞

還家二首

揚州郭外

贈後山

瓜洲牖口贈周編脩

徐編修亮直冊封琉球

沈華陽詩 有序

卷四 古今體詩五十一首

菜園集

白紵曲

送方源子趨廣州

成指揮鐵券歌

雨後溪上見月有懷戴

子孚階

陳處士過訪溪堂

蔣香山客大梁

秋日雜詩四首

我友

觀碁詩爲徐心友賦

憂旱

過趙丈秋谷

過飴山池亭

八月十六夜月

使院有作

先遷甫輓詩

丹陽道中

遊師子林

王南軒觀察招同張樸村賦

吳青霞歸自塞外枉駕草堂即送返新安三

首

題程生並園江村讀書

詠歸亭詩鈔目錄

六

圖二首

費滋衡輓詩二首

高城

殘菊篇

茅堂

關山月

查書雲騎驢圖

懷友二首

雜興四首

哭蔣氏女二首

我友二首

追悼二首

題汪西京乘槎圖

寄友四首

晚菊

憶昔行

卷五

古今體詩五十八首

高廬集

歲暮雜詩五首

寄懷劉東郊

雪漁詩三首

寄吳處士漢陽

偶作

題李撫軍廬山學圃圖

二首

有懷黃侍郎崑園

季冬霧中渡揚子江

和陶飲酒詩二十首

別詩二首

青溪

丙午六月金陵留別諸子

雪夜

哭沈方舟三首

種藥

蔣香山水巖硯

詠歸亭詩鈔目錄

七

九日賀九嶺初見霜葉

宿天池精舍

月夜黃姑灘露坐東山

中一二知己

還舟西津回望支硎天

平山色

白堤楊柳曲

己酉上巳雨中魏憲副念庭招同黃撫軍崑

園陳學士絨菴寓齋讌集

秋霖敗屋歌

夜光木歌

槎溪道中

同雲川文粹賦

陳學士鍾庭輓詩

卷六

古今體詩四十四首

東樓集

婁江旅中詠懷詩五首

鎮洋陶明府嵇山營葬葉丈桐初於沙溪余

昨舟過婁江感其高義為賦此詩

東園

婁江王來珍池亭偶作

過高忠憲水居

有序

杪秋遊惠山用唐人王武陵實錄朱宿惠山

詩韻三首

白沙渡

樓雨

雁

善哉行

埭川悼顧羽皇

懷魏西疇

從弟至

蘇東亭詩鈔目錄

八

泛艇木瀆

郊女操

有序

白开行

有序

登天平山

白雲泉

范文正公祠

庚戌小除太倉葉子山至自章江信宿草堂

有詩見貽和答

披雲菴

一指窩

望望邨寄蔡在谷

曾聽

寶刀二首

述懷六首

寄懷汪峻堂吳江四首

卷七

古今體詩五十三首

舫齋集

過楊編脩文叔古柏軒却贈三首

偶感示兒師稷志尹

宿中峰寺

癸丑早春集方東華勺

湖亭同杜雲川孫定舛張石帆沈确士尤

在涇以杜詩溪壑為我迴春姿句為韻得

壑字

贈許武平子遜二首

癸丑上巳繡谷雅集集蘭亭序字成詩二首

重過施考功池亭

元墓山看梅二首

潭東

潭西

山遊雜詩四首

渡崦

蘇東亭詩鈔目錄

九

周子晚香集中送春日送鄭子谷南歸有花

殘下弦月春似欲歸人龍潭道中有江山

吾左右花柳路東西句此二十字新警可

詠因為賦之

題高且園都統畫次韻

二首

投所知二首

高公之

七月十四日蔣編脩西原陸太學我田攜酒

招同杜庶常雲川徐編修澂齋林閣學榆

山邵編脩北厓古舉人剩樓程處士筠軒

吳太學拙菴僧雪礪集虎邱小吳軒得綠

字

沙頭葉子山過我石里

書堂夜話即有淮安之行

古劍為梅道人賦 用陶淵明擬古詩韻寄

友九首 和答蔡在谷三首 次韻

寄懷海虞王次山御史二首 用其集獨樹軒詩韻

題秋山轉運圖 禹廟

送李撫軍鹿山先生歸福清三首

題朱愚溪寒松書樓

寄贈汪念翼三首

卷八 古今體詩四十六首

編餘集

寧波全翰林謝山海寧施徵士蘭垞同為南

十

嶽之遊讀其與友話別詩次韻奉呈一章

兼簡徐明府寶林湘陰曠翰林魯之衡陽

疊前韻寄貽全翰林謝山

丁卯正月五日同葉編脩定湖顧處士西

張處士少弋沈閣學歸愚謝徵士林沈

徵士頴谷薛徵士一瓢周太學唐客集橫

山二弄草堂用淵明斜川詩韻

涉園雜詠八首 為保寧太守陸閣亭賦

宛虹橋 澆花井

見句廊 月波臺

紅藥欄 芟梁

質簪征 沉香榭

淫雨和朱適庭韻二首

答福建按察雅公見懷步韻

題沈冠雲登岱圖 趙忠毅公鐵如意歌

沈侍郎歸愚 予告歸里賦贈四首

翁朗夫暨陽三十三峰草堂圖四首

述懷 元初廣文先生四首

蔣太史西原六十賦二詩侑酒

詠歸亭詩鈔目錄

士

寄韓東籬太史二首

同葉定湖俞賦拙虞東臯許竹素汪山樵袁

簡齋集薛水南居是日沈歸愚謝林却未

至

感舊詩十三首

王處士東筏 汲 沈學正豹文 荀蔚

葉處士桐初 藩 蔡徵士息關 方炳

馮仲子服之 行貞 唐長子鑄萬 大陶

黃處士儀通 連 王尚書昊廬 澤弘

朱郡博莊伯 端 呂處士逸田 熊

陳處士陽山

炳

程舉人幼鴻

功

湯處士葯房

光啓

詠歸亭詩鈔目錄終

詠歸亭詩鈔目錄

士

詠歸亭詩鈔卷一

長洲

石間集

短歌

春風和暢景物熙熙四序易逝不樂奚爲今日何
日園林氣佳紅藥灼灼綠草離離幽鳥乍鳴朱霞
欲飛何以娛情置酒調絲一觴未盡月出南池

秋夕

秋月冷于水輕颺散浮陰一雁度遙漢哀響歸空
林蕭條感物候離別傷人心所思不可見佇立發

清吟

先祖墓

一林翠柏帶寒雲瞻拜荒墀日未曛愁見烽煙來
海上路人空說故將軍

慈烏行

慈烏復慈烏羽毛摧落身羈孤驚飛啞啞一何急
空山月暗雲模糊庭前老樹枝柯禿巢中有雛忍
飢宿辛苦慈烏得食歸可憐僅飽雛烏腹此時烏
啼聲最悲聽之不覺淚雨垂烏啼知者尚有我我
啼知者當爲誰烏夜啼今啼不住牽動千愁與萬

慮哀我煢煢一藐孤先公三十傷朝露先公一去
隔重泉吾母傷心涕泗漣柏舟自誓不敢死堂上
老親難棄捐織作常將換甘旨上承姑歡姑色喜
燈前夜夜授兒書書聲機聲長不止當年聽烏猶
無知此日聞烏空嗟咨烏雛及哺尚有日孤兒報
母將何時慈烏慈烏且莫啼五更霜冷風淒淒

寄姜處士

宿雨晴山寺孤雲澹碧天知君倚高閣終日聽寒
泉詩句老秋色茅茨隔遠煙所嗟人甚邇相望一
悠然

詠歸詩鈔卷一

二

揚軍

吹角黃雲暮揚軍黑水遙龍城春欲盡狐嶺雪難
消賞重人思戰威行馬不驕天心方厭亂努力漢
嫖姚

鄧尉山

捨舟從翠嶂一杖破明霞古寺千年樹新春昨夜
花香侵樵客路影落野人家且喜空山裏猶能識
歲華

贈冷退菴

頭白居東魯間關歎此身亂山斜日路立馬望鄉

人作客三秋雁還家滿面塵舊時朋輩在相見鬢
俱新

送方望子還歙縣

千里新安路君歸別思賒江船搖夜雪山驛繞寒
花負米荒城遠看雲古樹斜相逢舊鄰曲款款話
桑麻

送友

落日一杯酒登高送爾歸風帆衝鴈過霜葉向人
飛遠害隨麋鹿安貧采蕨薇征衫到家日歡笑換
斑衣

詠歸詩鈔卷一

三

過從舅氏

慈親無弟妹從舅只先生不見幾何日相思隔一
城年衰餘涕淚頭白尚經營此際親言笑瓊瑰空
復情

題黃山圖

須江朱繡於黃
山蓮花峰頂畫

黃山之高高插天三十六峰橫雲煙陰晴朝夕歛
變化畫師無數誰能傳須江朱子本奇士爲愛黃
山入山往興來拂素一寫生筆底如有山靈助蓮
花天都何崔嵬咫尺之間萬象開傾崕疊石盡奇
狀飛泉細灑青莓苔此外奇峰三十四高低隱現

無倫次朱砂紫石峰色殊指點丹青恣遊戲山風
習習山霧昏天光墨蹟俱無痕雲翻滄海濤崩奔
猿吟鶴唳杳莫聞蒼崖古木一氣吞雙手展卷不
敢捫更恐虎豹深林蹲寒瀑萬疊長松根側見仙
人倚吹笛欲往不得傷精魂世上喧卑那可道振
衣我欲茲山老請君放筆爲我謀一椽寫向何峰
好

王將軍劍歌

神物鑄成干將手三尺蒼龍半夜吼七星吐燄燭
銀潢魍魎潛藏白猿走將軍匹馬來疏勒手握寒

詠歸亭詩鈔卷一

南

光邊塞黑贈將海內有心人風吹一片無情色半
行籀文不可認血光點點荆卿恨平生慷慨思報
恩樽前睚眦何須問

雜詩

昔我十五時飛夢遊蓬萊馬蹄騰卿雲萬里鳴風
雷金碧映絕壑流耀千峰隈洞門對流水灼灼桃
花開玉女三四輩飄然步瑤臺向我前致辭飲我
綠玉醅春風忽吹醒我心空徘徊

別母渡京江途中賦

戚戚辭故里駕言遠行遊上堂別慈母擢發城之

甌生不識四方飢驅不暇謀雙帆破煙浪轉瞬抵
潤州是時屬孟夏隴麥亦已秋身孤親復老去佳
多懷愁依人靡所託泛泛如浮鷗顧望洲渚上漁
樵咸自由而我獨何爲道路增百憂

江閣

江閣雨初鳴江干潮欲平遙憐芳草圻獨客潤州
城歲月足高卧關河勞此生計程行復去明發若
爲情

高郵

帶雨下高郵長堤夜泊舟寒煙渺無際一鳥破中

詠歸亭詩鈔卷一

辛

流綠樹臨津渡紅燈出驛樓誰家吹玉笛三十六
湖秋

將進酒

花下秦箏簧張燈宴畫堂珠纓邀上客翠袂引明
璫酒溢金尊美歌隨玉漏長盤中如按舞不異在
平陽

江月

雨霽雲才歛潮平月復來海門千里見水色四天
開光引鼉鼉出涼生鴻鴈哀懷趨鄉路隔深夜獨
登臺

江望

崇岡風葉亂萬葉懷古登臨亦壯哉西下潮疑驅
馬至中流山欲渡江來繁華六代空陳迹割據三
分想霸才吟眺漫驚天整險仙人飲我紫霞杯時萬

山道士
同遊

懷葉荃園黃山

黃山好山色三十六芙蓉以爾煙霞侶高居第一
峰松園秋屋雨雲渡隔溪鐘我欲搜奇蹟憑虛駕
白龍

譚家洲

歌歸亭詩鈔卷一

六

客夜江天泊驚呼聞打魚風波星影動煙月水光
虛鷗靜成羣宿民淳聚族居蕪葭與楊柳却指是
吾廬

擬古

躬耕常苦飢衣褐常苦寒東江有一士終歲門常
關霖潦積閭巷長歌歌考槃手自芟蓬蒿獨藝蕙
與蘭顧瞻浮雲翔浩然增詠歎

題葉子山淮陰贈行圖

半幅清淮半幅秋離亭細語去還留夕陽驅馬黃
河渡總為征人寫遠愁

題葉荃園畫

自得林泉趣因之筆墨閒終朝依老樹獨坐寫秋
山野鶴隨雲下孤猿踏葉還不知幽澗水何日到
人間

周乾耶鷗舫

雪浪迎雙槳寒煙蕩白鷗前身定漁父老眼送江
流蘭芷風多夕魚龍氣盡秋憑君寫圖畫家在采
香洲

真州

邗水通江郭真州更買船桃花開滿路燕子別經

歌歸亭詩鈔卷一

七

年野客閒呼酒村姬正饁田鍾山看不遠飛翠到
帆前

孤舟

孤舟蕩翠微江柳碧依依帆影隨山轉鴉羣背水
飛晚風吹斷角春色上征衣俯仰慙漁父蘆中有
釣磯

得劉損齋長沙書

去歲桃花放相逢話敝廬今朝桃葉渡又接楚南
書嶽麓殘碑在損齋摩崖
再岢嶇碑湘陰春雨餘芳洲滿蘭芷
詩思近何如

春夜集陳滄洲太守寓樓聯句用柏梁體同
陳訥菴滄洲於在文劉東郊張豈石來亮工
諸君子

春郊澹蕩花正飛菴訥舊京風物搖晴暉滄洲馬蹄暮

送客子歸文在江星幾點明禪扉東郊使君招要開絳

幃山客沈雄才氣干太微豈石賓廚巨魚雜蕨薇亮工酒

如琥珀金椀揮菴訥名流佳節交光輝滄洲高談感慨

人其頎文在石城自昔帝王畿東郊鍾山陵闕高巍巍

龍蟠虎踞空揚威豈石遡觀六代增歎歎亮工昭明

臺荒古木圍菴訥況乃四邑多年饑滄洲浮華俗尚今

詠歸亭詩鈔卷八

已非文在三載力使蒼黎肥東郊春陽和煦呈芳徽山客

一官清暇看雲飛豈石蜀國文翁蘇州韋亮工夫君神

化真足希菴訥故山蘿薜慚先幾滄洲芙蓉爲裳荷爲

衣文在奚爲遑遑歌五噫東郊白華採擷娛慈闈山客行

吟散帶臨芳菲豈石流觀魚鳥皆天機亮工吾儕方復

思游沂菴訥今夕何夕相因依滄洲同心千里來江磯

文在新詩典贍羅珠璣東郊載歌既醉露未晞山客眼前

紛紛咄且譏豈石陶然一醉與世違亮工

古釵

翠落珠殘歲不知鳳凰留得美人思香魂終古埋

芳草誰記宮中拜賜時

蝶

暗隨春色度重門香翅曾經浥露痕最是輕寒金
粉褪落花時節夢黃昏

春夜留別陳滄洲郡守同陳訥菴於在文張
豈石來亮工諸子

春夜一樽酒動我千里心欲別不忍別秣馬臨江
得我昨遠相訪所感在知音惜君方被論憂患嬰
胸襟鸞鳳羽翩鍛蛾眉嫉妬深浮雲會消散高天
無常陰諸子雖異地同心能斷金江昏月復黑虛

詠歸亭詩鈔卷九

九

閣聞龍吟剪燭發高唱罷席還鳴琴人生秉直道
寧論升與沉

貽陳使君

貝錦雖多口冰壺總一清江深蛟蜃伏天迴鳳凰
鳴忠孝神明格生全故舊驚欣聞膺帝眷珥筆
侍承明

江臯

江臯宿雨歇山翠挹朝暎白鷺一行影桃花何處
村春聲傳社鼓草色動柴門野老能遮客黃流注
瓦盆

冷處士江冷閣

喪乳存高潔柴門老客星閒時向江閣卧聽水泠
泠長蕩涵空碧焦山隔岸青無人念幽獨自著種
魚經

寄懷孫芷田客西江兼題東林圖

廣陵城中風雨秋廣陵城外長江流長江一望澄
如練遠接匡廬插天半屏風九疊挂飛泉想見天
風吹不斷之子自是山水人風期暗與廬山親杖
策不愁樵徑窄放歌常對雲山春雲山日落變青
紫君之畫圖母乃是石橋欹處即虎溪逍遙如在

詠歸亭詩鈔卷一

十

東林裊歲惟丙戌逢端陽沈子鼓櫂來吳閭為言
道出西江口與君一月同壺觴論交往往及下走
惜哉兩地成參商我愛廬山好林麓香鑪峰接康
王谷禹蹟深藏石室函道人穩跨青牛腹下臨彭
蠡長江滙大小孤山在其內中宵劃見日月開白
晝俄驚雷雨晦天地變化安有窮看君收拾奚囊
中尋常夢想亦神旺何況坐卧皆雲松他年騎鹿
遠相訪尋君應在東南峯

寄懷方望子

白嶽高何許白雲渺相望仙人日散髮六月濯滄

浪循吏遺樽酒論詩坐草堂謂新使君熊封壯車不輕出倚
杖見前岡

蘭陵

季子今安在遺風自昔聞江從五湖合山到九龍
分井邑迷煙靄樓臺亂水雲練塘知不遠先見白
鷗羣

地僻

地僻罕人迹槐榆蔭古堤東雲江郭小崩浪楚山
低浦漲鳬鷺集林昏鸛鶴棲時時漁唱起不定水
東西

詠歸亭詩鈔卷一

士

采石磯太白祠

賈生遷謫同淪落宋玉風騷邁等夸遠道夜郎終
古恨空山采石至今祠陰崖嘯雨掀鯨鬣江夜搖
星動酒旗不惜扁舟磯下泊梯雲剔蘚讀殘碑

南園

同張右有舉人
戴登榜處士作

空翠來含山暗濕南園樹斜日下溪橋誰人挂帆
去

鷲峰寺夜坐寄陳俶有

秋來白門月深夜覺情親星影依雙樹蟬聲靜四
鄰捲簾荷氣入倚檻露華新側想江樓望能無憶

旅人

江夜

風定舟偏疾月明江轉遙水光疑沒岸人語欲生潮
深夜忘眠夢清樽破寂寥誰家弄瑤瑟商女怨無聊

擬古

悠悠西山雲渺渺蘆溝水引領望京華迢遙幾千里
故人隔三秋聲歎猶在耳中夜對屋梁月光流
悲几積思不得寐庭柯時徙倚張琴一再彈調成
角與徵安能生羽翼乘風忽奮起周旋君子廬用

詠歸亭詩鈔卷一

三

以滌塵滓

京口

大江流不盡孤櫂遡風行水入東吳闊雲從北固
生城池餘霸氣林木蕭秋聲寥落平田雁應知旅
客情

登蒜山絕頂

絕頂天風一嘯生滔滔波浪幾時平重城舊屬南
徐鎮列炬曾揚北府兵潮長玉山尋路遠宮開鐵
柱對江橫頻年作客登臨處獨倚危欄聽鴈聲

江上寄沈方舟

欲見不得見相思江上樓葦花無意緒飛作一天
秋

寄友

思君向遙夜江帆未由渡忽夢秋浦猿啼過池陽
樹

曉發

一鞭侵曉出宿霧未全消野店留殘月寒江暗上
潮林枯見巢鳥風勁折霜條曾記攜朋過高天射
皂鵝

練湖

詠歸亭詩鈔卷一

三

扁舟櫂湖波爭共歸雲渡却顧采樵人黃昏下山
路

慙公自瓜渚過訪即別却寄

幾載得一見斯須帆又發悵望楚山遙歸人渡江
月

題余鴻客金陵覽古詩

少日曾經戎馬間外黃偶贅壯初還春來花柳尋
常見愁絕江南庾子山

春江

楊柳前村路桃花何處津春來風復雨江上總愁

人

村燈

夕陽初黯黯燈火已熒熒隱現一村遠依微深樹
青隔籬驚吠犬近水亂寒星側想茅檐下機聲應
未停

寄懷戴孚階

軒轅臺前樹黃海標奇蹤戴子讀書處蒼翠環百
重一去漢陽渡復陟華山峰想見騎紅鶴仙潭看

玉龍孚階向客秦楚

詠歸亭詩鈔卷一

十四

詠歸亭詩鈔卷一

詠歸亭詩鈔卷二

長洲 李



碩夫

竹亭集

九龍山麓訪顧澗西茅舍

九峰新卜築愛此數家村古樹深藏屋清流直到
門漁樵堪結侶雞犬不聞喧長得機心息寧辭老
灌園

寄懷王副使南邨

自非萬斛舟何以凌江海自非佩朝霞何以爲文
采大夫特達名家子夙抱經猷氣磊磊出身帝里

詠歸亭詩鈔卷二

一

立廊廟更有辭華若蘭茝幾回奉使走天涯憑高
浩嘯悲千載北凌恒嶽南羅浮吳江西下錦江舟
十年使我再得見一賦西京成白頭雖曾簪笏從
王事于今瀟灑寒塘秋穹窿山南日欲暮湖風霜
後凋紅樹歡來秉燭重開樽山花一放催新句大
夫久客鄉思疎每接新知若逢故況如賤子稱石
交獨愧嗚呼然魏王孫生遭盛世翻沉淪日向寒江
偶鷗鷺感公一見即相知幾度傳書出煙霧轉憶
離居秋水深江花搖落悵知音臨風試奏瑩篴曲
一調分明舊日心

望穹窿山

攜筇隔嶺見奇峰，峯際高盤路幾重。
晚照故依樵客徑，西風時落遠山鐘。
天光不斷雲容碧，野色常涵樹影濃。
何日相隨赤松子，笑尋靈藥上芙蓉。

湖口望七十二峰

湖上峰忽來白雲，亂如絮參差落照中。
隱隱仙壇樹

放猿

縱爾還山去悠悠，故國賒月明巫峽。
夜歸路接三巴，聯臂蒼崕迴攀藤。
峭壁斜莫啼行客，聽腸斷苦

謀歸事詩鈔卷二

二

思家

放鴨

游泳隨天性，何為深閉藏。
漁人荷蓑笠，秋雨放陂塘。
影亂分千隊，聲喧聚一方。
芙蓉最深處，莫狎紫鴛鴦。

秋原

平楚莽無際，斜陽黯欲昏。
人煙不見處，古木遠成村。
風緊飢鷹下，沙乾渴馬奔。
垂鞭看野燒，獵獵捲蓬根。

風

颯沓吹茅屋，喧飀入暮林。
豈無催雪力，大有釀寒心。
獨雁聲偏急，昏燈夜欲沉。
滄江波浪闊，何處一龍吟。

旅舍喜逢故人

相別情難已，相逢話較多。
關河同涕淚，出處各風波。
棲隱復何地，憂懷且放歌。
無繇及青鳥，長食玉山禾。

舊邊八首

有序

庚寅秋偶與同學諸子論唐人征戍詩，因假有明各邊為詩八章。我國家定鼎以來，萬方寧謐，不復見征戍之苦。攷八邊事實，知今日太平景象，遠邁千古矣。

謀歸事詩鈔卷二

三

薊州

薊州

永樂中徙封寧王於江右，分其地為三衛以處兀良哈。後三衛盡失，退城為石。三衛系顏秦寧福餘也。

鎖鑰幽燕壯九重，薊州形勝枕居庸。
空勞獨石為屏翰，誰識寧封屬要衝。
路扼龍岡聞夜角，山通虎谷入邊烽。
何人尚話宣皇日，萬騎雲屯出喜峰。

宣府

宣府開平不能獨守

山陵近接拂雲堆，天際偏驚嚴篴哀。
一片旌旗屯上谷，三秋鷹隼下高臺。
芻糧繼運經時竭，士馬空懸幾日回。
不信開平難獨守，竟無人有靖邊才。

大同 正統後東勝
豐州不守

雁門自古雲中地渺渺川原列戍營割險每憐東
勝失沿邊空倚麥河橫春風草綠明妃塚夜雪烽
高馬邑城深喜將軍能備敵周塞垣堅築鎮威平

山西

偏頭寧武雁門為外三關初設大將於偏頭嘉靖中
撫臣請移於寧武。山西撫臣春夏居腹裏秋冬居邊
視他鎮為勞

三關高峙作金湯西盡黃河東太行老馬飲泉知
內地征人橫笛怨嚴霜兵從胡峪穿垣出水注龍
池繞塞長見說偏頭當要害莫因腹裏廢隄防

榆林

舊治綏德成化間徙鎮榆林築邊牆連墩臺橫截套口
曰夾道。榆林不毛之地耕牧樵采皆資於河套

四

漢入河
套遂失

千里墩臺朔漠連黃河三面抱銀川春回沃野堪
栽粟月上紅城每控弦鎮徙朔方開夾道堡橫套
口截窮邊吉囊何事偏深入到處哀鴻劇可憐

寧夏

有漢唐二渠。西北抵賀蘭山
後羽騎出沒宜於花馬池建堡

漠漠風沙拓跋居夏州遺址近何如紅鹽地名互市

通諸口春隴屯耕匝二渠將士彎弓秋射獵營門

飛羽夜傳書但城花馬池邊堡山後誰窺實與虛

固原

靖西一帶每歲黃河
冰合千里皆如平地

積石雄軍列幾層諸羌門戶恣憑陵東連寧夏為

唇齒西倚蘭州作股肱餉乏總因鹽政弛民罷空

議戍樓增年季徵調將何補况有黃河易合冰兵

取給於鹽課自鹽池徙而餉益匱。固原每歲用西
鳳臨鞏兵防守凡四閱月務糧在本兵領內六分

甘肅

牛羊四驛草蕭蕭宛馬嘶風慄不驕哈密入藩嘉

峪重燉煌屏棄黑泉遙黃榆古戍愁征雁大雪名山

空山想射鵰險絕西羌中路斷將軍誰是霍嫖姚

明初以哈密為甘肅藩衛洪武中宋國
公下河西以嘉峪關為限遂棄燉煌

邊雪

千里盧龍雪寒光照塞垣榆枯枝更白窖沒獸安

諫書詩鈔卷二

五

存漢將拂金甲蕃兒捧玉尊前軍已擒敵鵝鴨不

聞喧

邊塵

塵埃飛不息沙漠遠相連白草無空地黃雲失半

天風高迷幕毳日暗亂軍煙回首龍城外將軍射

獵旋

邊笛

吹笛西風裏長城月影斜可憐春不見一曲落梅

花苦調兼離別流聲帶怨嗟戍兒頭欲白無寐向

龍沙

邊草

沙磧回陽氣春風長綠莎只今通燕塞當日隔黃
河塵土飛來遍牛羊散處多何年埋戰骨遺恨滿
山阿

冬日有懷

蕭颯寒空暮色侵月華山外野雲深波濤自鼓滄
江氣雨雪何傷君子心木落高城來旅雁風鳴孤
館應彈琴閉門我亦嗟寥落何日陽和散積陰

寄陳虎文

隆冬風雪深凍羽投林息郵夫困蓬蒿終日擁書

讀書詩鈔卷一

六

籍凌寒乍出門荒岡偶登陟故人忽遠隔相望渺
難即中夜頻夢君依稀見顏色古道日以鮮志士
守繩墨亮無高飛鴻一爲寄胸臆

雜詩四首

少小事詩書未得窮毫芒虛名宿所恥歸耕山之
陽旱潦乃頻仍何以慰高堂故人強我行爲我理
衣裝良辰置酒別駕言之四方大江無安瀾深谷
多豺狼驅車悵何之日暮空徬徨
南國有佳人膏沐臨朝陽綺繡爲裳衣雜佩鳴鏘
鏘有時拂朱絃纏綿發清商馳情一何悲聽者爲

神傷芳春不再華憂來樂無方常恐顏色衰零落
歸山岡何當及盛年和鳴儀鳳凰
故人湘江來遺我一束布云是親手成一縷一回
互溫暖逾續繼古樸充家具裁爲牀中被中實綿
與絮其物雖不華遠勝服紵素明宵風雪中攜之
渡江去

我有一心人容顏若桃李登高動遠懷盈盈隔江
水野田鮮稻梁黃雀亂棲止但識守遺書獨立絕
依倚服德而懷仁荼苦甘如薺無能褰裳來望望
渺難已

讀書詩鈔卷二

七

送方源子二首

芳春河水漲桃花溯重灘君子有遠行欲發重盤
桓念當千里別送子河之干子行豈得已母老方
艱難惜無盈觴酒與子開歡顏引領睇江州廬嶽
流雲煙吾欲往從之惜哉無羽翰

臨歧豈無言氣結含欷歔惜別奏清歌歌短思有
餘譬彼雙黃鵠毛羽交華敷豈必同林棲歡愛有
獨殊所嗟道阻長世路多崎嶇君但履忠信古道
能不踰毋爲久留滯高堂方倚閭

施考功園亭七詠

結亭城南隅竹木愛蕭爽超然一酣吟白雲自來
往高酬亭

亭際有古泉涓涓出叢竹秋來釀秫成官負東籬
菊醪泉

無心託飛揚幽棲傍池沼引吭偶一鳴重林散清
曉鶴坡

春草欲連天春山渺何極秀色如美人可望不可
即橫溪閣

花落水亦流所動不在水試觀池中魚游泳情何
美溢吹池

清晨露濯花薄暮鴉歸樹靜者自忘言獨坐得冥
悟東莊書屋

泛宅多風濤何如此棲泊終日抱孤桐揮絃遊溟
漠半舫

過方望子墓

曾因會葬薄河干今日重過憶古歡黃海雲濤鄉
路遠吳江風雪墓門寒仙人自合騎紅鶴塵世空
教認玉棺何處笛聲吹更苦松楸一望思漫漫

出自北門行

驅車出北門振衣臨高臺高臺望無際千里長江

開平野何莽蒼四山鬱崔嵬夕陽下廢壘牧馬空
蒿萊雄圖一朝盡孫劉安在哉雲中有飛鳥高鳴
悽以哀哀鳴亦何為似傷儔侶乖南北一失所常
恐毛羽摧故人方滯跡使我傷中懷

送劉東郊

垂楊夕露零廣陌清風灑朝與故人別悲歌吳城
下念子游京畿束裝當首夏歸來三徑秋白雲蕩
梧櫓何意十日期忽又事鞍馬一歲兩送君離愁
滿四野有妻病在牀弱女淚盈把丈夫雖割愛此
情豈易捨交至慮乃深意多筆難寫京華紛交遊

誰爲素心者黽勉立修名歲月不易假

雜興

寄吳青霞

客從津門來遺我雲中書書短不盈尺情懷何鬱
紆川原日以遠蹤跡日以疎與子百年內容易流
光徂居者守蓬蒿行者困泥塗吾道自有真浮榮
安所須春明賦歸來耦耕南山隅

秋夜

白露零如玉今序邁素商端居豈不樂展轉憂無
方木葉送秋響蟋蟀近我牀起視星河流耿耿秋
夜長雖有蘭蕙質淹忽隨嚴霜物理固如此陶然

盡壺觴所期務令德千秋以爲光

范增

史論千秋迴不同君人大度許重瞳一生奇計無多見只勸鴻門殺沛公

南村六子詩

朱肅園

朱子老布衣十載王門客才名重鄒枚高論每奪席掉頭輒南歸愛此池上石陶情日銜杯冥搜時讀易忽思宛雒遊驅車復遠適

蔣香山

夢蘭

談歸詩錄卷十

香山抱孤標畏俗踰塵垢中歲困諸生貧居一無有春風入書帷華月明戶牖悠然賦新詩神韻在韋柳三歎有餘思願言崇所守

金最木

國棟

金君愛結客晚歲深自訟擁書恣漁畋抽翰靜吟諷清襟藹天機卓識絕依從洗藥臨清溪看雲入靈洞側慕南村風素心每相共

繆桐邨

宗儀

桐村曠逸人襟情自澹漠門第本清華抗志愛林壑斐几擁瑤編古徑馴白鶴平生事風雅興至每

有託浮榮寧足多人生貴行樂

秦南岡

應陽

秦子江城秀奕奕謝時彥操筆成新篇淵雅復矜鍊張華性愛才見之亟稱善頻年遭軼軻學力乃益見送子去京華馬頭掠雙鴈

繆曉谷

嗣寅

繆子瑋麗姿玉樹光曄曄抱才雖未遇博綜奮修業兄弟皆同聲迭唱相和洽秀色春在花寒芒劍出匣誦子補臂篇紮塞風獵獵

揚州

談歸詩錄卷十

扼要雄南紀揚州古著名河淮通地脉江海扼春城礮火曾堅壁旌旗幾用兵太平身幸歷隄柳盡藏鶯

壬辰初春過陳氏木瀆山莊用杜詩夜宿贊

公土室韻二首

侵晨越西郊初陽明野路渺渺香水溪亭午始得渡此地絕喧囂居人亦樸素陳子曠逸姿尤會林壑趣喜我遠相訪攜手展幽步場圃散雞豚峰巒憑指顧野橋自橫斜竹籬各回互山中氣候早寒梅已滿樹撫景有餘清徘徊日云暮歸來未初更

春衣被風露

初夜月在西四壁雞犬靜委巷有古風空堂背山影故人抱真意交澹情彌永新韭剪春畦寒泉汲甘井相對忘夜長燼落燭更秉歛懷既寂寞高論復清迴不見唐虞時有客樂箕顓艱難媿知己紛埃未能屏請爲卜吾居山耕傍前嶺明晨且振衣陟彼靈巖頂

揚州雜詩四首

上巳紅橋路同人泛小船地非溱洧水春似永和年龍笛吹花外金鞍過柳邊興來還藉草坐看一

讀書詩鈔卷十

三

溪煙

最愛西溪叟雙扉獨枕湖潮田春種蛤沙岬晝眠鳬疏食不嫌晚新詩只自娛從來高世士多半在

菰蘆

聲聲擊銅斗小艤泛輕鳬物役無時盡煙波到處俱鷗閒浮曲渚魚暖戲新蒲漫說安生計漁家亦有租

春雲隔浦深何處足幽尋落日古原上獨行榆樹林疎花開野寺高鳥去遙岑寂寂無相識憑誰喻此心

送朱贊皇之大梁

垂楊葉老鶯聲稀桃花雨過江流漲江南四月天氣暖官橋草綠離歌唱朱君匹馬向中州欲行不行色惆悵馬頭駢駢高于人萬嶺巒峴起屏障廣武山邊舊遊處野花斷鏹消塵埃龍戰寧徒楚漢年把酒憑陵神愈王我有懷賢一片心登高遙望空悲壯煩君借問古夸門可有侯生爲相訪

贈漢陰周丈

內客蜀中

塵俗翻疑一羽輕行藏豈是世間情春風說卦黃陵廟秋雨橫經白帝城此日歸來甘抱甕連宵話

讀書詩鈔卷十

三

舊喜持觥誰將圖畫傳高潛想見巖邊日避名

古劍

我有三尺劍在匣流寒雪不知幾千載古色隱紅血傳爲歐冶子鍛鍊和爪髮其利可吹毛其氣鬱以結非直斷蛟鱷亦足樹功烈安能涸塵土熊羆光出沒中夜作龍鳴起舞向秋月

詠歸亭詩鈔卷二

詠歸亭詩鈔卷三

長洲 李 果 碩夫

溪堂集

答張日容二首

玉笛吹高樓江星照疎株念我同心人懷抱不得
舒燕臺隔迢遞半載無音書子方握彩筆出入承
明廬歌詠追虞唐其樂何徐徐無因託夢寐起立
空踟躕

有客江北來遺我詩三章詩中亦何言辭簡情則
長豈無同袍友未若子慨慷威鳳鳴高梧野鳥集

枯桑相去各千里無由共飛揚感子纏綿意繫我
百結腸讀罷再三歎益使五內傷

寄陶甄夫

陶窳豈陶者抱才起江漢結髮尚氣節早歲罹患
難親觀隔滇南冒險窮諸甸秋風下巴峽淚與猿
聲斷歸來發書讀縱筆雲霞爛達人慎出處不肯
妄攀援去年攜妻孥僑居石城畔鄰鳥依樹鳴江
雲出門看素心者誰子彈琴泠然善我本拙訥人
與子喜相見如何胥浦別時昔盼秋雁

得家書

二更客登樓照見月皓皓問客何方來云從吳門
道袖中出家書慰我心如擣開絨長跪讀辭旨一
何好慈親章安康念子幼冬襖老大爲飢驅此心
愧烏鳥繞牀獨徬徨歸思盈浩浩愁聽荒雞鳴誰
爲訴懷抱

送人之邳州

送子臨歧濁酒傾獨騎羸馬渡河行楚州雪霽延
年里淮海風高下相城地勢荒寒稀見雁霸圖寂
寞罷談兵橋邊黃石今何在却望遺祠亦繫情

雪霽登郡城望西南諸山

新霽陽景舒殘雪積林杪首春幸暇豫高城此登
眺東風破寒威漸見萌百草仰望西南山遠近青
渺渺雲壑延秀色靈洞迴窈窕豈無鶴上仙冥棲
絕人表吹笙碧雲裏流響遺縹緲我欲御冷風長
跪乞秘寶授以吸景方顏色得長好胡爲感霸圖
千秋迹如埽明發涉江去幽思空浩浩

紅樓

紅樓何處美人家乳燕初飛簾影斜吹徹玉笙明
月上滿牆開遍碧桃花

懷陳使君

幾載留京口不知時序更樓高延海月春遠入江城獨立安危難孤忠仗聖明湘潭豈迢遞歸雁正含情

焦山瘞鶴銘重立爲陳滄洲使君賦有序

焦山瘞鶴銘裂墜江中久矣滄洲先生募健卒數輩至其下爬搜剔抉懸絙昇出之得石凡五銘以復完構亭山中頓還舊觀

焦山蒼翠峙京口海門截斷青無涯真人瘞鶴昔在此玄黃幣裏局松茨立石旌事傳不朽百七十言皆妙辭或言右軍或顧況古來議論徒參差

蘇軾詩集卷三

三

陽隱居好仙術斷自貞白誠不疑不知何年裂江底怒濤走鬻蟠蛟螭潮落仰捫乃可讀好古之士空嗟咨滄洲郡伯亦奇士獨挾幽隱忘嶮巖冬深水落命健卒累舉寔焦先祠此石沉埋七百載一朝屹立稱神奇尚存六十有三字危亭高築爲藩籬華陽法書不汨沒初陽映微光離離從來神物鬼神守顯晦升沈會有時山靈待公舉廢墜岐陽岱嶧同昭垂吾聞石經久殘闕無人整頓空紛披願公遠繼蔡邕迹國門環視相追隨

梅花嶺

誤國空談不可聞時危歷數已先分中原萬騎爭流血半壁孤城獨護軍矢石何方收白骨衣冠此日剩空墳行人墮淚梅花嶺春色荒涼黯夕曛

浴福

入夏始三日氣鬱蒸我廬黃蜂透戶飛落花委階除觀變窮太始陰歛陽實舒起坐倦煩煥洗沐披輕襦神明自澡濯清風來徐徐太潔世所忌歛德寧求譽振衣望茂林明月生檐隅

簡沈叔子

十七攜長劍遊蹤歷歲多江盤巴子國驛枕白溝

蘇軾詩集卷三

四

河羽箭穿鴈鴉圖書束橐馳近聞登泰岱日觀倚高歌

夜坐懷杲公

皎皎松間月流光照我堂披衣起中夜念子意徬徨未見思以深既見情彌長感子求友情辛苦涉大江浮雲易分飛前期杳茫茫憂來傷疾疾况當風露涼寒衾不成寐展轉縈衷腸

送何昭夏之湖南

風帆疾于鳥飛渡洞庭湖表裏分湘漢東西控蜀吳猿聲秋後急雁影夜來孤若過羅江廟陳詩屈

大夫

寄吳秋屏

涼月上高樹江樓天一隅遙思素心侶空阻暮愁
湖劍氣寒秋水琴聲語夜烏無絲結清夢獨立意
踟躕

九日

誰說當歌仗酒杯每逢佳節轉徘徊閑情深羨漁
樵侶旅食頻驚歲序催故國關河憐去鴈大江雲
樹此登臺兩年真作揚州夢愁見黃花向我開

登樓

舊時高柳岸又見水痕收澤國星明夜平林霜落
秋一身同旅雁八口隔蘇州貧病關生事登樓何
限愁

寄懷施考功二首

芝田有黃鶴肅肅整毛羽飛鳴薄層霄羣鳥難為
伍大夫秉東曹矯矯持繩矩黜陟等周官甄別慎
取與拜命入黔中蠻江下銅鼓煌煌文昌星玉節
壯行旅貴陽古荒服人文尚椎魯公曾主試貴州尺寸求璠
璵衡量定銖黍遭時得駕馭用心良獨苦至今羅
施地絃誦欣稽古 帝曰爾知人前席承天

語看雲睽故山聽鴈思南土引急謝金門趨來事
農圃

故林吳城東池亭紆以折竹木散清陰魚鳥樂閑
逸飄然賦歸來三徑甘薇蕨遐情託吟諷大雅抗
前哲古音日以希朱絃獨疏越有時證無生觀空
悟禪悅賤子困窮巷忘年枉交結人生重意氣千
秋誦僑札渺渺大江帆皚皚津橋雪飢來驅我行
先恐告離別別去芙蓉開江臯望明月

羊裘

羊裘廿載稱吾身細意縫紉鍼線勻豈有奇溫从
狐腋嬾將新樣裁時人倚樓望月常侵夜冒雪尋
花恰入春遠愧古時高世士無勞物色到江濱

題深柳莊園三首

路轉蕪城古岸遙門前流水入春潮生綃誰寫江
鄉景楊柳青青接野橋

舍南舍北盡漁磯樓閣晴雲上袷衣昨夜桃花初
過雨沙邊閒看鷺鷥飛

蒼煙落日隱高原雞柵牛欄間小園指點牧童下
山路幾家風物似麻源

歲暮歸途二首

鄉心殘臘促寒色客程增積雪明京峴斜陽入馬
陵草聲驚伏雉天影見盤鷹向夕西風急河流又
合冰

鑿冰艱進櫂過壩苦乘車遊子敢辭倦吾親正倚
閭荒雞鳴野圻寒雁起江墟漫道歸心切還家已
歲除

歷歷

歷歷郊圻畫不如臨風佇立意躊躇高樓楊柳聞
吹笛流水桃花羨釣魚隔歲重逢南浦鴈經旬不
見故鄉書白雲一片飛何處想見慈親日倚閭

讀書詩鈔卷十

送吳秋屏渡京江掃詩人姚後陶墓余友冷

處士秋江亦葬丹徒因及之

姚墓在白兔山

羈棲東北一江分斜日輕帆挂片雲夜火乍過揚
子渡春風獨拜故人墳山荒白兔碑何處林偃青
松鹿作羣我亦興懷冷處士圖峰宿草正紛紛

平山堂

棲靈山裏上層臺堂構平臨春望開螢苑草痕隨
野闊龍潭山色隔江來梁間乳燕窺人語柳外啼
鶯送酒杯永村風流還在否斷碑空惜卧蒼苔

羅浮蝶

蝶有大如車輪者

羅浮深處結靈胎破繭遙從東粵來鮑女仙裙遺
古洞滕王粉本化丹臺江南草綠春風轉嶺嶠花
明午夢回我欲騎行觀海日神山左股即蓬萊

白燕

一雙銀剪破春陽不入烏衣自頡頏掠水似憐明
月夜營巢應在白雲鄉身隨雪片穿珠箔影共梨
花拂畫梁莫向六朝尋舊蹟歌殘玉樹已荒涼

岳武穆王墳

陰森檜柏猶南指瞻拜高墳日未斜不見兩宮還
絕漠空憐百戰失中華長驅白馬神如在痛飲黃

讀書詩鈔卷十

龍顧竟賒伏臘至今隆俎豆牧人不敢上棲霞

新柳

雪壓梅初間煙寒柳尚柔黃鶯渺何處春色上高
樓細葉映疎箔低枝拂紫騮誰家年少客調笑向
壚頭

新竹

舊種西軒下新成十竿畧嫌泥土薄幸耐雨風
寒色潤梢初放香清粉未乾成陰須異日移簟就
琅玕

寄陳虎文山

廿年爾我稱同調相賞何如阮與嵇竹勁雪深無
屈折蓬輕風起易東西天寒是處爭攜酒歲餘何
人爲贈綈落日高原頻駐馬大江南望重淒淒

瓜州懷友

大江何湯湯瓜渚日欲暮登城一以眺千里孤鴻
度海氣從東來翕沓合昏霧我友遵渚居欲往不
得渡匣中雙寶劍中夜氣吞吐壯志夙未伸黑髮
今已素盛年不再來泯滅令人懼不見白楊風蕭
蕭吹古墓男兒務立身餘者何足顧緬彼江上雲
短歌抒情懷

雜詩二首

隆冬氣嚴肅玄陰鬱霜雪白日歛光華况乃衣裳
裂北風利如刃川澤層冰結登高望五原路遠浩
難越黃蒿埋古城空林墮蒼鶻上有巉岼山下有
狐兔穴行行重悲辛默默回車轍

四野莽寥廓晨起各登車繁霜被前路行旅已戒
塗昔我同門友日夕同歡娛素秋告言邁隔絕千
里餘一心耿耿寐誰爲致區區安得如明月流照
君堦除

移家葑溪

羅含頻卜宅我亦幾經遷舊業龍邱北新家鯉水
邊川原歸遠目雨雪入殘年幸有漁人至雙橋早
聚船

九日與顧十一俠君

忽漫相逢邗水濱停車握手倍情親他鄉風雨當
重九故國溪山別幾旬詩卷欲傾天下士酒杯難
負客中身送君又指登封去洛樹嵩雲入夢頻

松下聽琴

同彭研持

松下有仙客橫琴鳴高秋白雲澹相合境含山水
幽寒泉瀉空澗滄波戲海鷗古調久不作聞者心

忘憂曲罷素月上餘音林際流

葑溪

葑水以門名諸溪自聯係惟茲東南隅明秀稱佳
地草色如青羅魚鳧有幽思野人日倚杖清嘯樂
衡泌月明聞舫聲吳歌宵然至

貽朱赤霞

精於畫

高樓丹采射朝暎頭白端居託酒樽盡識邵平為
逸士誰憐曹霸是王孫舊京嶺樹空霜露南楚汀
蘭入夢魂何日同君聯騎去滁陽山下訪柴門

還家二首

白華何皎潔烏鳥相盤旋遊子念老親魂夢無時
安昔來楊柳綠今見荷花繁欲歸歸不能回首常
辛酸一朝飛行旅輕舟破狂瀾絺衣不蔽體五月
江風寒侵晨丹陽道薄暮九龍山入門長跼拜慈
顏有餘歡

幽禽鳴短檐芳樹接四鄰白雲如素練隨風度高
吳春明憶別母轉盼成十旬雖有音問通何如還
家門從容話無恙次第陳苦辛稚子喜我歸繞膝
牽衣頻在家貧亦樂躬耕媿古人

揚州郭外

讀書詩鈔卷三

七

細草陳花覆古臺夜涼寶馬尚遲回誰憐一片如
霜月曾照隋家歌舞來

贈後山

寶刀繡甲漢家遺乃祖奇勲國史垂託跡漁樵人
不識秋風秋雨採江蘼

瓜洲牖口贈周編脩

津吏欄江橫索錢客舟過此每心懸誰知江夏周
承吉只載梁溪第二泉

徐編脩亮直冊封琉球

今皇五十有七載天下寧謐休戈兵仁滂德厚冠

初古操元九譯咸歸誠琉球之國在南海墨點兩
手花紋明隋元出師未內附勝國脩貢朝神京興
朝以來秉正朔子孫五世膺寵榮今年中山復嗣
服稽首請封詞屏營 天子敕下禮臣議遴選

重望儒臣行翰林臣寶臣葆光雞林海國傳文名
詔曰咨寶汝持節光其副汝東南征于時光也承
俞旨道經故里來吳城值公慈母壽七十使星輝
燭孀星精錦衣拜母便趣駕慈命不敢稽王程是
時孟夏風水順樓船迅發驅長鯨瞬息龍門復彭
島飛揚羽蓋虹蜺旌中山一點望中是番兒負弩

讀書詩鈔卷三

七

爭歡迎彩虹駢駕候飛度國王陳樂聲嚶嚶公捧
金函布威惠三跪九叩禮數成綺文銀印耀蕃落
何假諭蜀來馬卿海邦風土入新詠蠻布爭織子
衣呈祝公還朝上雅樂經綉九奏齊咸莖大開明
堂受朝賀坐令八表歌昇平

沈華陽詩

有序

沈公雲祚太倉州人崇禎庚辰進士授四川華
陽令有循吏風張獻忠破夔門成都危公爲蜀
王陳守禦之策不見用及城陷被執賊具酒饗
之公罵曰吾有口食賊肉耳豈食賊粟者遂遇

害鼎革後其子荀蔚傷先人之志未聞於時為
蜀難紀畧一書史館諸公見之為立傳焉

明季多流寇中原肆荼毒張賊勢更橫擁衆三入
蜀成都警日聞蜀王計日感沈公請募兵良策惜
不錄危城一朝陷文武遭桎梏沈公甘餓死義不
食賊粟罵聲未絕口早嬰菹醢酷可憐忠臣家坐
見巢傾覆有友仗意氣攜孤竄山谷歸來伏草莽
不敢高聲哭苦辛得樹立工文志何篤瀝血紀蜀
難將以待表暴我朝應運興滅寇清六服內廷
列經筵玉堂開史局遺孤走京師懷書編竿牘遂
使列傳中千載流芳躅我與文孫交情誼猶手足
國史與野史先後得盡讀忠孝萃一門天將綏汝
福作書以告之家聲勉繼續

詠歸亭詩鈔卷三



詠歸亭詩鈔卷四

長洲 李 果

碩夫

萊園集

碩夫

白紵曲

花繁葉媚芙蓉舒池塘秋艷臨玉除朱顏十五交
華敷鵲璫曳珮飄羅襦嬌歌緩節調笙竽一笑促
坐心相於色授魂與樂獨殊

送方源子歸廣州

波湧寒江雪滿天北風獵獵送歸船客程迢遞五
千里鄉夢參差十八年庾嶺雁回人跡遠粵臺春

入海雲連此行慎莫航遊覽試聽啼鳥何處邊

成指揮鐵券歌

成德會稽人洪武時下
濠和合諸州有功

指揮鐵券洪武賜子孫什襲傳明季以鐵為質合
如瓦長廣二尺上銘字文曰特諭爾臣德爾克濬
和著勞勩斬首千級平渠寇殊勲開國具神智黃
河如帶泰山礪封爵世繼爾其識三百年餘今尚
存流傳幾易諸哲嗣魏墓簪笏永珍藏錢鏐象貌
寧遺棄吳越武肅王錢鏐及五子遺
像順治八年錢氏子孫復得古人姓字炳丹青方之
指揮亦無異尚想風雲一奮興掠地攻城良不易
時移事改幾紛更寶鼎淪亡成往事凌煙圖像復

何有此券流傳實天意只今子孫守耕讀寂寞寒
門樂衡必欲追祖德賦千言每持先券空涕淚

雨後溪上見月有懷戴子孚階

仲夏雨不止溪流何汨汨徘徊溪上堂悠然見明
月明月如故人相思苦飢渴客從新安來寄書意
勞結黃山多奇峰仙人所宅窟花明洞壑幽山空
泉響發我欲往從之江水渺難越

陳處士過訪溪堂

故人能愛我遠道歷江干落日明庭樹清風動澧
蘭交深情不易年老別尤難借問陽山集何時寄

我看

蔣香山客大梁

驅馬渡河維憐君慷慨行秋風孟諸野落日大梁
城懷古情偏壯悲歌感易生登臺如作賦健筆任
縱橫

秋日雜詩四首

木落霜高旅雁鳴柴門寂寞傍巖城溪流數折當
秋淨山色虛涵向夕明九辨蕭騷悲宋玉四愁鬱
結感張衡振衣漫訪吳王蹟霸國樓臺幾變更
大父辭官歸種蔬先公潛德重鄉閭爭傳拒敵收

功日尚想尋兄度嶺餘一劒至今懷舊烈數編猶
自守遺書追思往事頻流涕霜露煮蒿慘不舒

羽書日夜達甘泉絕塞兵戈已五年河雒于今勤
轉粟燉煌自古重屯田紅崖雪凍凋弓裂黑水雲
昏鐵騎連共道王師最神武幾時西望靖烽煙
扶病驚逢節序催滿天秋色落城隈初聽白雁重
樓度又見黃花九日開錦瑟銀箏誰泛艇夕陽衰
草獨登臺故人傳說皆持節肯望雲霄遣使來

典試秦蜀楚
省因及之

我友

故人吳青霞戴子孚仲賢居
新安學階屢招余為黃山之遊

富春三百餘灘水逆溯新安巖壑重是處深村環
水木常懷我友住雲峰鹿隨玉女尋丹井泉應仙
人躋白龍便欲乘風餐沆瀣縱遊三十六芙蓉

觀碁詩為徐心友賦

錢塘徐丈工圍碁黃周在前突過之

黃龍士
周東侯

匠心默

運眾莫解我從旁觀驚絕奇森森布陣如鴈行轉
眼變化神無方有時殺活入虎穴疾若秋鷹只一
擊爭先陷敵潰重圍倏驚匹馬凌空飛偶然一着
似失計後來接應偏得勢乃知此道合兵機小數
還須具指歸丈人昔歲遊燕京九重天子知其

名烏斯番王諱善奕殿前諸臣莫敢櫻 詔令丈
人前對局指麾一定番王服 至尊含笑王侯羨
海內爭思識君面只今頭白尚驅馳昨向吳門訪
故知雨雪溪堂一把臂落花又過暮春時世事如
碁古所歎眼前勝負空籌算袖手高吟觀奕篇誰
能更待樵柯爛

憂旱

仲夏擬年豐孟秋遭旱苦相去兩月間災異真罕
觀去冬天不冷入春寒莫禦上帝明垂戒人事多
違迺先兆非不知預侍計輒阻災熇方鬱行田廩

東坡先生集卷之四

四

變焦土禾頭裹青蟲六旬竟不雨月閏今已盡詰
朝即處暑使君負經濟憂國心自許暴巫則奚若
鞭龍亦可補胼胝歎老農枯槁勞兒女草木半黃
落瓜蒌亦孿僂閉糴穀已貴派氓滿吳楚山東河南
被災者
常恐探丸徒屯聚在伏莽鄙夫困蓬蒿觸境俱齟
齬長歌雲漢詩如焚切肺腑願言賢有司繪圖告
當寧

過趙丈秋谷

僦屋欣相近往來無定期談當新月上坐對落花
遲乍止忘憂物時方
止酒常吟感遇詩東山高卧意惟有

白雲知

過鉛山池亭

野人結想屬煙霞愛此林廬坐日斜猶似去年寒
食後一池春水醉桃花

八月十六夜月

秋光還似昨涼月坐來遙山閣誰橫笛江門自上
潮盈虛原有數吟望轉無聊玉鏡空相照紅顏嗟
易消余於甲子冬
悼亡已兩載

使院有作

星河耿耿露華溥幕府清秋坐夜闌天外雲霞空

變幻庭中竹柏自森寒豫章禮重周旋久安邑情
深去住難何日江村結茅屋扁舟隨意弄漁竿

先遷甫輓詩

先世蜀之涪州
人流寓江寧

忽聽哀猿嘯夕曛白沙江墅悵離羣前期虛擬偕
君隱後世誰爲定我文寥落風霜餘短褐悲涼奈
海類孤雲紫金山下荒岡在絮酒何時酹爾墳

丹陽道中

水驛蒼茫復此行霜林蕭瑟旅魂驚孤舟去國清
秋暮一夕思親白髮生斷隴草荒梁帝塚閒原馬
放宮城臨風欲薦嘉賢廟李氏
祠也落日淒其野鶴鳴

遊師子林

王南軒觀察招同張樸村賦

長林薄東城祇園誰割此壘石若林立狎獐類師
子遊戲非一狀擁抱或延企曾無斧鑿痕天然露
奇詭其石壘成類師子乃元人所構似雲林有圖張伯雨諸公嘗遊其處向爲寺後於寺中割取爲園洞深路屢
易穴盡峰忽起登閣見遙山南浦秋帆駛疎花拂
檐端寒煙生足底重遊邇往昔撫景逾一紀白松
偃二株餘者幸無毀何意今晨集快心復徙倚時
當重九後風物尤閑美嘉客有二仲清談適中理
滄桑感雖深印壑良可喜

吳青霞歸自塞外枉駕草堂即送返新安三

詠歸詩鈔卷四

本

首

門前邊馬嘶吾友萬里還蒼涼關塞氣兩鬢蕭蕭
斑君訪故人去獨出山海關馬後桃花紅馬前白
雪寒陰燐與虎跡處處驚心肝非爲意氣重何由
歷險艱仗劍今歸來相見生歡顏遠別十七載寧
不少留連數語即長路離恨仍漫漫青霞園訪傳雪堂出山海關
黃山仙所都雲海絕塵滓紅芝繞戶生白鹿驚人
起上有無始公餐霞騎赤鯉服氣有秘術神明供
驅使子去試往求靈藥可以餌顏色復鮮好何用
憂年齒釋彼車馬勞逍遙著山史

素琴鼓元音聽者神皆疲新聲箏與笛盈耳情爲
移君昨客隴蜀派傳百篇詩力鉅掃頽靡古調儼
在茲我生苦蒙昧夢想見前徽思欲追騷雅廿載
茫無涯與子論頗合相與揚芳規丈夫志千秋寧
肯趨時爲青霞延安古詩頗有漢京遺音

題程生芷園江邨讀書圖二首

渺渺江中洲青青柳邊堰江村芳草綠春雨夜初
滿一室自嘯歌佳氣生遙燼沙鳥几席來渚雲空
際遠起我滄海思展圖輒稱善俗塵既不到世事
任流轉愛子自趣高游心在書卷

詠歸詩鈔卷四

本

讀書如種粟力勤迺有年六籍開其端左史流相
沿百家既雜出紛紛奚足言吾子得要領晨夕惟
精研理勝言則醇學久識乃堅願子崇經術涵派
溯淵源無爲垂空文千秋期不刊

費滋衡輓詩二首

定交猶憶廿餘年間訃驚疑到我前不信故人成
永別轉憐吾道益潛然新愁夜月空梁見舊夢江
雲古驛連遙望蕪城四百里東粵便擬哭新阡
早歲曾聞賦北征短衣匹馬負書行黃花明月漁
陽路廢壘寒沙古汴城幾處看碑空墮淚百年懷

古獨關情至今海內傳名句遺集重翻感易生

陽荊門昌平之間又至汴梁昆陽著有紀遊詩

高城

高城一覽前朝蹟空說吳王霸業垂
樵李復讐曾幾日黃池爭長不多時
梧桐廢苑秋風冷麋鹿荒臺蔓艸滋
回首可堪胥口望怒濤白馬古今悲

殘菊篇

初冬風日佳草木零落餘詎意老圃中
尚見黃花舒纍纍吐寒艷落葉依蓬蘚
誰言嚴霜厲傲氣能紛敷枝疎綠更淨
蕊凍香逾殊寒蝶偶來往野雀空相於
物情貴孤適晚節輕時趨何殊古逸民
寂寞忘拘迂相賞日已夕濁酒傾一壺
緬懷陶彭澤其樂復奚如

茅堂

癸卯冬自詩溪仍居大石里

深巷無喧雜茅堂淨埽除頻遷仍故里
半畝此安居苔積空階潤烏啼古木疎
綵衣娛老母況復擁羣書

關山月

重關峻嶺鬱嵯峨月色偏臨絕塞多
萬里寒生如苑郡三秋光射白狼河
黃榆風急傳吹角玉帳沙

明照枕戈最是空閨音信斷中宵愁聽隴頭歌

查書雲騎驢圖

山有猛虎江蛟螭道路派轉多嶽巖人生處世不得意安能老守田園爲查子明經貢太學上書壯關嗟數奇浩然忽發遠遊志策蹇太行感路岐西度潼關禮華嶽東登泰岱觀朝曦桐柏山頭罷長嘯南浮三湘歷九疑羅浮仙人月下遇匡廬飛瀑天半垂四十年來何放浪欲將名勝開心脾今者吳市重會面白髮被耳如飄絲舊交屈指盡凋謝惟君矍鑠神不疲中夜剪燭述往事能令聽者胥揚眉何子寫生推好手爲君作圖寄遐思輕衫席帽行古路霜林葉落西風吹得非襄陽孟夫子灞橋風雪吟清詩古來知音不可得君復騎此將何之不如還山駕白鹿三十六峰歌采芝

懷友二首

風寂幽鳥鳴雪霽凍草舒言別曾幾時序改歲又徂石城臨江許渺若千里餘念子蒙霜露誰爲厚衣濡本是同袍士今隔天一隅極目空延佇無繇致區區

天道難重陳世事不可知憂讒成貝錦瞬息生乖

離芬芳蘭蕙花荆棘行蔽之古稱行路難君子爲
傷悲心肝欲摧絕悌鬱當語誰

雜興四首

處世寡諧合入林冀有遇把卷對古人頗謂得真
趣世故何紛紛徒增愛惡具乃知賢哲流營道爲
要務

大樗貴能全素絲悲易染風雲寓天機有懷慕曾
點不見春池花零落空朱檻物理固云殊坐惜羣
芳歛

平生拙言利樹藝窺原委隨宜驗土性要在會其

詠歸亭詩鈔卷四

十

白日暮荷鋤趨風物亦閑美矯首送行雲揮絃答
山水

泉石足棲遲優游百慮屏君子交既久好古意則
永卷舒亦何常動復歸至靜遙遙沮溺心孤懷默
已領

哭蔣氏女二首

愛女甚于男悼汝爲悲傷自我失汝母汝苦乃倍
常而弟賴汝撫襄事烝與嘗于歸曾幾時省覲來
我堂詎意汝又歿回憶心淒涼汝行本無嗣汝命
乃不長秋霜與夏日酷烈使汝戕此理不可知感

歎何能忘

雞鳴自春杵汲井每提甕苦辛事老姑嚴寒忘手
凍夫壻去南越萬里望歸鞅年華逐水流三載空
候從免乳當盛暑嬰疾易沉重獨念出腹子臨死
忍負痛此事非所期驚定猶疑夢

女以夏五月生女
子以秋七月下世

我友二首

翩翩東林鳥載飛自西北我友隔長川自顧無羽
翼回飈卷高樹繁霜墮爾側月琯亦何周沴厲尚
難測朋舊日以疎咨嗟實寡力寶劍淪古獄孤桐
棄遐域引領冀陽和從天布明德

詠歸亭詩鈔卷四

十一

離居多懷憂中夜常刺刺檢子所遺書流覽寡懽
懽三復思益深展轉不能釋人情感新故吾子崇
質實誰爲相去遠脉脉胸與臆因風寄同心母爲
憂患戚

追悼二首

淒淒壁間風皎皎牀前月四載失我婦中宵情轉
切回憶抱疴時五月憂不輟人命如朝露瓊華竟
摧折大兒方髫髻小者覓梨栗尋母入空房四顧
輒嗚咽茵幃不復施儀顏猶恍惚腹悲人豈知空
觀所習物慈母盡傷心撫景倍勞結展轉遠追省

我躬實有闕寒烏繞樹啼助我心悲鬱蒙莊我不
如安忍橫琴瑟

甘瓜抱苦蒂甘苦祇自知為婦屢糟糠亦思安閑
時十五歸君門二十始結褵上堂敬奉養兩世尊
姑嫜椎髻操井臼潔膳翼酒漿伯氏始同爨委曲
無參商君昔為飢驅千里適淮楚離家動經年辛
苦誰與語君歸自河津歡如物逢春家室雖甫定
百病嬰妾身妾病不能起回顧情難已長女雖有
家次女將誰倚殷勤事老母善視兩幼子妾死猶
如生此心長已矣語亦不能盡淚亦不能窮中夜

詩歸正詩鈔卷四

三

一追憶使我心忡忡晨興駕我車遠涉西山麓低
徊望邱壘悲風振林木人生失良偶百歲空感盛

題汪西京乘槎圖

滄波不可極浩渺難盤旋汪子亦何意乘槎浮海
天天水相蕩瀟鯢鯨鼓濤瀾男兒負壯氣志欲吞
巨川安能迫世網擾擾埃壙間乘興入溟渤俯仰
開襟頗引領睇安期舉手招魯連石華既堪采扶
桑亦可攀蓬萊在何許宮闕紛編爛玉女駕綵鳳
仙花含紫煙飄若生羽翼適已寧拘牽我欲從子
逝呼龍耕芝田服食得至道沐浴紅霞鮮回頭視

紛濁蟻垤何足言

寄友四首

經歲金陵郡羈棲奈爾何江聲汎曉夜山色隔雲
蘿濁酒聊為醉殘編祇自歌安貧無物累即此是
恩波

親舍頻勞夢鄉思與日侵薊門空悵望泰岱亦崎
嶇盤錯知貞幹艱危損壯心莫愁前路冷翹首早
春臨

過眼皆陳迹年來客亦稀誰言春色麗都作彩雲
飛松石牽蘿屋溪林憶釣磯巡檐冬尚暖烏雀趁

詩歸正詩鈔卷四

三

寒暄

悔吝捐猶未風塵境久諳即看歸冀北猶復戀江
南魚鳥情空繫關河春已含幾時重枉駕匹馬見
驂驪

晚菊

迎冬方吐艷離下竟誰看豈敢傷遲暮何妨歷歲
寒孤懷迎澹泊獨立未凋殘遲爾風前落騷人佐
夕餐

憶昔行

憶昔少年時讀書慕遠遊謬擬舉足輕萬里攀弄

日月登龍樓一朝匹馬走淮甸擊楫北渡黃河流
水深浪高蛟龍鬪巖岼萬嶺多阻修朱門好竿不
好瑟掉頭不復干王侯年久絕迹歸鄉土松竹蓬
廬守環堵顯晦自知休問天荷鋤思種南山田功
名富貴豈必得人生貴自行胸臆他時與客尋赤
松騎鶴直上天都峰

詠歸亭詩鈔卷四

詠歸亭詩鈔卷四

十四

詠歸亭詩鈔卷五

長洲 李

萬廬集

歲暮雜詩五首

故里亦為客高齋時暫依殷勤漸素友商略到漁
磯北郭風仍厲斜橋雪正飛經旬疎定省能不戀
庭闈

燈暗見明月流輝半在牀可憐奩鏡滿不見黛眉
長河漢清于水庭階白似霜誰同憑檻望輾轉夢
難忘

詠歸亭詩鈔卷五

一

有女嬰憂患操持復母喪于歸曾幾日摧折似秋
霜疾痛縈魂夢音容結肺腸那堪揮涕淚雙鬢為
蒼浪

哭蔣氏太

停雲空有詠僑札劇堪哀山水牽離恨芝蘭委草
萊悲涼餘我獨懷抱向誰開千載愁鄰笛西州慟
幾回

謂黃儀通方蘇陵程
甫卷程柯亭先還甫

雉堞連雲遠城隅岐路分悲風忠武廟衰草白鸞
墳慷慨空陳跡淒清結暮雲低徊憑弔處烏鳥漫
紛紛

寄懷劉東郊

仗劍氣縱橫匆匆事遠征春風猶昨日九載客燕
京綠酒爲誰好青驄何處行妻孥日愁病曾否憶
吳城

雪漁詩三首

渴不飲盜泉蔭不息惡木古人亦有言感此深自
勗方冬寒威厲朔雪飛江麓之子抱苦心孤懷耿
幽獨

黃蘆冒凍雲四野風力峭鴻鴈多悲思哀猿相叫
嘯披裘大澤中清詠何高妙神與造物遊寄情在
漁釣

讀書詩集卷五

二

水澤腹未堅寒流鳴活活神魚雖深潛變化未可
遏遊心虛明際外物空瑣屑鍾期倘相尋援琴歌
白雪

寄吳處士漢陽

雙鶴離蹤守竹扉武昌江上有漁磯從來奇士多
樵牧自是高人戀蕨薇釀酒偶過陶侃墓杜門真
息漢陰機樊山夏口多佳境不向人間論是非

偶作

三十年來幾遷徙柴門深掩竊羨終歲沉埋惟
故紙自顧安能別離此窮達自知休問天不如飯

牛與牧豕

金石結交惟古人今人棄之如埃塵不見往者張
與陳始合終離心不親男兒所重在意氣區區利
祿寧足論

朱門高大耻曳裾桓榮稽古我不如城市之中難
久居願向深山結茅廬躬耕足以供甘旨樹下呼
兒還讀書

龍眠山中美風土故人一去隔南浦北園幾度花
如雨使我相思心獨苦昨傳書札慰窮愁一片高
情照千古

故人翁學使時
客桐城張氏園

讀書詩集卷五

三

題李撫軍鹿山學圃圖二首

春明風日佳水木有餘清脩竹紛可愛蒲柳依溪
亭薈隱經綸用學圃多深情膏雨回春姿遠風起
畦塍雖非箕穎間曠逸差足稱力作豈苟得庶以
謝塵榮

隨流非本懷枯槁合寡儔捷者矜駿足巧者銜棘
猴哲人何澹漠荷鋤看雲流時秣蕪種蔬無事垂
千秋物微生意全長貧亦何尤庶幾憑化遷聊復
得優游

有懷黃侍郎崑圖

最憶高懷黃少宰一年相隔意何如不聞啓事山
公鑒且讀河渠太史書秋冷神魚棲壑穩風清木
葉下隄疎比因何事頻惆悵有母燕京日倚閭

季冬霧中渡揚子江

失位涉大江白霧復四塞對面不見人金焦迷咫尺
回師識常程願不動色未顧一足寒調笑
瀾危地隱瓜渚轉挂帆席誰言履忠信豚魚
信

飲酒詩二十首

幽居觀元化默默將

半費白日轉轂無停

詩集卷五

四

時昔人貴適志安肯待來茲陶公千載人見道能
不疑雅得酒中趣一觴長獨持

采藥從古澗觀瀑入空山山中有花鳥忘機亦忘
言布衣而草食且得養餘年時擁一編書妙義猶
可傳

雙丸無定機流水何無清百年亦易盡何有身後
名衆人貴苟得役役虛此生顛髮忽以華蹉跎空
自驚訟過豈不力遲暮終何成

移家記風雪兩見白鴈飛林花不守故木脫聲正
悲流浪在塵土鹿鹿將何依榮盛不足慕賢哲亦

同趨顧視白髮親精神漸就衰古人稱養志俯仰
慙多違

我家雖近市門靜無囂喧日夕自抱甕灌蔬培東
偏緬懷龐德公高隱鹿門山朝看白雲起暮送飛
鳥還不復入州府此意向誰言

一寵復一辱何者乃爲是至人識機兆不暇計譽
毀升沈世所有紛紛空復爾入山奚必深空谷即
園綺

後園老梅樹雪中吐精英萬物正蕭條對此怡我
情素心幸相同壺觴花下傾冬晴得氣暖有鳥林

詩集卷五

五

端鳴不見蒙莊氏逍遙真達生

飛黃處大澤不異凡馬姿松柏在三春豈若桃李
枝相士以皮毛曷識胸中奇時哉不我遇何用悲
歎爲冥心觀大化庶免塵網羈

西山有佳境柴門臨水開鄰曲多素心相對有好
懷有無亦相通誰謂形迹乖溪邊共飲犢樹下同
雞棲胡爲當世士意氣隔雲泥處俗嫌獨異入世
仍寡諧溫飽豈不願違道情乃迷農桑有素業稅
駕從此回

撫劍昔行遊曾歷江海隅邇來亦何有僕僕空道

塗黃金多氣色捷足爭前驅慕藿雖不充自適乃
有餘長揖當世士掉頭趨後

知止自無營立身貴有道昨日美少年今朝成醜
老不見春待花秋來易結語安有白玉棺其說亦
何好神仙徒渺茫仁義乃爲寶有鳥曰令威空聞
託華表

陶公令彭澤祿仕偶因時折腰死不可解組從此
辭未能諫已往尚可追來茲幡然歸南畝不復更
懷疑把酒得冥會持已敢自欺下士未聞道毋乃
大笑之

詠詩集卷五

六

萬慮汨懷抱惟酒有真境野人雖惡醉有客無日
醒醒醉盡稱狂醉者得要領乃知醉時真往往脫
鋒穎援琴日嘉遁更欲繼宗炳

吾友亦庶吏論交獨情至攜壺勸我飲不覺徑至
醉涼風過園林坐起亦無次薄俗競要名知希我
乃貴含光而葆貞斯言洵有味

昔日歌鐘地今朝荆棘宅榮祿亦何常轉眼已陳
跡窮達信有命何人年至百棄擲華威時忽忽頭
早白秉燭盍追遊此夕良足惜

昔人務耕讀荷鋤恒帶經我亦深仰止區區竟何

成深隱有至樂此意不可更太湖蕩長瀾靈區隔
洞庭迢迢秦餘嶺日出聞雞鳴入林邈難得知躡
動中情

阮公雖淪跡千載垂高風觀其詠懷詩肯在樊籠
中蘇門訪孫登長嘯聲相追卷我亦常理天道如
張弓

弱齡遭多故力學歎無得飢寒迫慈親捧檄事多
惑兩子復瀨情何以舒抑塞讀書務實踐豈必在
華國黽勉念祖德秉心貴淵默

故人有黃子慷慨乃不仕出關急友難囊空竟意

詠詩集卷五

七

已意氣苟有爲干謁不爲耻晚歲幸相見泉石話
田里金丹雖未成樹藝猶能紀石橋吳城東優游
自閒止芝顏不知老力善固有恃

吾聞頌酒德所貴全其真陶公昔嗜酒寓意在反
淳武陵桃花源想像境亦新邈與世相絕寧復記
周秦循跡遂蕪沒此老真出塵閒居雖寡歡學道
亦已勤余生本鈍拙真樸情所親高行豈敢希醉
鄉或知津傾壺得餘瀝寧惜漉酒巾異代咸同調
緬懷惟斯人

別詩二首

生別不可知况乃久相思感此遠相送倉卒難盡
辭回邇三載別春風盈園扉虛聲禍所倚眾口生
危疑男兒貴自立得喪奚足悲行矣勿復道淵冰
凜自持

固窮苦心志深省在困阨不觀古昔賢憂患乃進
德盤錯見利器何憚受鞭策春風拂松枝磊落表
顏色毋為空徬徨出處期努力

青溪

綠柳接青溪秦淮古渡西欲尋江總宅煙草正萋
萋

丙午六月金陵留別諸子

雞鳴攬衣起驅馬城東陟故人感我去追送各有

辭朋舊歎晨星落落幾相知王君盛武功陶甄我忍捨

之去行行去故遲非我去故遲我心有所思頭白

復遠道會面寧可期白門有楊柳攀折何參差親

愛送此隔悵望鳥雙飛詞張子荆遠行

雪夜

風急夜窗鳴寒雪空庭積哀鴻不能起委巷斷人
跡飄灑繁長林凌亂早梅白寒衾作華夢五嶽快
遊屐千人亦何為遐想袁安宅

哭沈方舟三首

丙午冬客死清江浦

去冬送汝江上行今年哭汝隔淮城念汝寥落走
四海白頭客死難為情豈無當路可投足苦心自
許無人告中夜悲歌恒刺促

黃河風高波濤惡雨雪嚴寒古寺泊來船去馬不
敢行驚鷓鴣夜叫魚龍躍鄉國迢遙渺何處西隔金
陵東浙渚魂招不來奈何許

平生筆力足拒石西河藥亭爭避席故老詩成海
嶽編諸陵絕塞吟霜白廿載同袍魂夢勞相思落
月臨江臯鴈飛何處求其曹

種藥

端居澹無慮種藥為治圃所喜林隙地引泉蓄膏
乳甘菊與胡麻次第榮可數昨夜新雨過沾滯亦
已溥綠葉隨風翻周視鬱撫服食豈必期聊爾
慰辛苦孤生類浮雲家舍亦逆旅感茲生意蒙物
情頗得所高歌託長鏡結伴惟與汝

蔣香山水巖研

一片水巖雲割取得佳硯分明古浮槎布影石上
見秋星燭太虛隱隱度銀漢天地孕神采含巧不
欲銜截之適相遭精華暗生面磨礪跡益著雲水

波紋爛

九日賀九嶺初見霜葉

山遊無定所深淺隨處好俯仰意蕭疎登陟景綿
藐參差木葉紅灼灼耀林表夕陽散餘光輕霞互
縹緲因感節序流轉移乃不少古來登高人變滅
如過鳥榮好豈足恃奄忽成醜老笑謂同遊者何
如飲清醪

宿天池精舍

言隨樵父至攀條陟嶽崎空林歛暝色歸鳥隨雲
飛天池實靈境重此探巖扉石色倒空碧波明延
夕霏歡言得所憩中夜欣相依四山發清響霜葉
風正吹至聽境自寂觀空物無違塵累恍相失悠
然憺忘歸

月夜黃姑灘露坐東山中一二知己

懷幽路轉紆領異行復却寂寂黃姑灘波光動林
薄臨流擷芳芷月向手中落露下不知寒空巖鳴
獨鶴坐久發微吟覽物感離索美人渺何許吾懷
向誰託

還舟西津回望支硎天平山色

迴舟指西津水淨寒波細却顧所來路峯峰隔雲

際昨日別山阿今朝復鼓柁渺渺青芙蓉欲去還
含睇重巖煙未沈遙山樹如薺依稀得良友纏綿
不忍離何當復來遊咫尺悵迢遞

白堤楊柳曲

吳閶西望何逶迤風吹楊柳交生姿傍橋裊裊初
開葉近水依依欲綰絲絲絲綠葉葉爭搖曳七里春
堤趁晴霽二月輕黃拂影斜萬家重碧臨煙際白
公一去已千秋南浦遙遙動別愁可堪繫馬臨珠
箔尚想凝妝向翠樓翠樓珠箔今非昔流水斜陽
空脈脈幾度繁華過往年無窮佳麗成陳迹此時

雪絮正飄揚此際啼鶯益斷腸酒壚幾見遊人卧
古道彌令旅客傷君不見灞水疎枝半委塵隋家
舊苑總愁人輕盈遠近都堪畫剩見雲巖一帶春
已酉上巳雨中魏憲副念庭招同黃撫軍崑

園陳學士絨菴寓齋讌集

芳雨迎脩禊春風送曉珂使君開別館邀客賞煙
蘿地異周東洛時同晉永和銜泥來幕燕抽葉潤
庭柯觀物心无悶爲園徑不煩已能忘紱冕聊復
託詩歌著述囊箱富艱難鬢髮皤河渠淹使節星
象逼巖阿霜冷烏臺柏花漂鳳沼坡聲華俱茂實

功業詎蹉跎幸接鸛鷺侶頻傾鸚鵡螺右軍游騁
樂白傅醉吟多自得流觴趣何須屢舞雩繁絃吾
不食泛梗跡同科漫道前衰水還能卻病魔亂紅
明晚嶼相對愧顏酡

秋霖敗屋歌

己酉閏七月十五夜

今秋霖雨苦不絕狂飈撼屋屋飢號但愁短壁將
傾頽豈料高梁忽斷折老夫正卧草堂下倉卒誰
能避鄰舍夢中驚起急呼兒倒衣相對各驚咤葛
惟木榻幸無傷飄瓦崩檼不可當向非惡濕一移
枕那得今宵復斯寢

余林介於二梁下其南為臥處是日因屋漏沾濡移枕北首梁折幸免於難

詠歸亭詩鈔卷五

十二

翁得失豈偶然人生萬事皆由天不見杜陵茅屋
秋風破三重夕捲無安眠一椽但得容我膝廣廈
何須論萬千準擬移家載書卷空山結屋還耕煙

夜光木歌

古木徑尺傳佳名窮荒絕塞騰寒萌何年剗得狀
拳曲摧牙鏟甲文縱橫昏黃局戶忽照灼觀者色
動疑且驚初驚仙芝落塵宇紫華一吐光熒熒又
疑隋珠投暗道長劒欲按心怦怦若華四照麗清
晝桂魄千里輝深更爾亦何知發幽燄日收其耀
夜則明乃知此木秉陰氣冰雪千歲凝結成枯條

久更露光怪陰極陽動理所要微光所照豈及遠
已今貴重同瑤瓊茫茫沙漠斷人迹不脛而走達
帝京名山大木足珍異匠石不到誰論評

種良常山有芝紫華夜視有光見真語

華陽洞有夜光芝五

槎溪道中

同雲川文粹賦

忽漫相逢是此行素心不厭酒頻傾江天雨過殘
虹斷沙坪秋來新水生織女廟荒餘暮色葛龍橋
迴送潮聲揚雄賦筆樊川句欣賞渾忘滯客程

陳學士鍾庭範詩

早辭丹陛遂抽簪學士風流久入林桃李薊門瞻

詠歸亭詩鈔卷五

十三

使節竹松幽壑識臣心看山閒發謝公興覽古愁
多杜甫吟不信錢塘成死別招魂空望越溪深

詠歸亭詩鈔卷五

詠歸亭詩鈔卷六

長洲 李 果 碩夫

東樓集

婁江旅中詠懷詩五首

季冬十二月雨雪何漫漫時序已徂歲玄陰厲苦
寒凍鳥不敢飛我行發河干同舟各有營奔走不
得安念我亦何爲當此行路難
北風何獵獵白日寒淒淒我行古婁江三日河水
冰舟楫不得進百里稀人行西顧隔吳門東指阻
膠城河隄古榆樹柯葉日已零上有失巢鳥日夕

詠歸亭詩鈔卷六

十

長哀鳴我已多愁思對此感我情

水澤腹已堅烈風吹不休篙工競椎鑿往來艱行
舟道傍誰家樓有客彈箜篌嗚嗚兒女語兩情結
綢繆豈知聽者苦展轉增離愁四顧天冥冥何以
寫我憂

江樓城西隅遠圻聞荒雞寒月照我牀淒風襲我
幃不知夜如何攬衣復徘徊百慮積歲杪誰爲喻
中懷欲歸旣不得欲留空栖栖

寒松不改色鸞鳳方高翔故人守茲土知我客此
鄉褰帷遠相訪車騎何輝煌爲我開鈴閣勸我累

舉觴款款話故舊一一能弗忘貧賤時所棄纏綿
意何長念此多慰藉感激發中腸故人曾學使之子某
修補官太倉州

鎮洋陶明府嵇山營葬葉文桐初於沙溪余

昨舟過婁江感其高義爲賦此詩

石林處士今詩老遺櫬蕭條二十秋聞有穿塋藉
陶令直令高義接滄洲寒雲華表曾翹鶴碧水沙
溪尚挹邱記得繫舟江上日愧無古劍挂松楸康熙

丙戌年長沙陳恪勤公營葬黃岡
杜于皇司李於江寧葉即杜婿也

東園在太倉州
東門外

東門雪後潮初落偶訪名園婁水隈衰葦可堪棲

詠歸亭詩鈔卷六

十

鴈鶩寒花猶自傍池臺空傳捧日丹心在不見懸
車綠野回惆悵謝公遊屐冷斜陽暮雀轉生哀

婁江王來珍池亭偶作

池亭臨城隅微陽漾寒渚掃雪就松下歡然出雞
黍林陰忽以移竹色澹容與之子巖鄭儔無事入
州府賣藥聊自給課豎還治圃萊妻旣同心通子
亦樸魯邀我登古臺直東瞰遙滄海岸隱人煙邨
墟雜榛莽風起枯桑鳴江聲彌萬弩鬱鬱多悲思
日落故鄉阻身孤當憂虞力薄安艱苦多君情獨
深樽酒慰行旅明發擬開帆欲行復延佇

過高忠憲水居有序

高忠憲公攀龍作水居成於明萬歷二十六年其自記云涿湖之干有洲焉即洲作居以水爲垣豁然四達所謂宅天宇之寥廓餐元和之膏澤於茲蓋百三十餘年矣至本朝康熙十九年廢今雍正七年秋華舉人豫原首捐百金爲倡命工運木石構屋築隄將復舊觀因偕余艤舟月坡周覽湖山之勝緬想先哲遺風宛然在焉舟中誦公月坡初成詩即用其韻紀之

詩集卷之四

會心在何處而我將安之側聞水居勝揆權秋晴

時築隄適構屋舊規儼在茲百年雖如流清風常若斯讀書得知止此外詎復知朝攬四山秀夕送高雲馳水木自明瑟魚鳥亦何私天機得真妙新領增遐思

杪秋遊惠山用唐人王武陵竇羣朱宿惠山詩韻三首

九龍何蜿蜒山色鬱青蒼我來二泉亭緬懷漪瀾堂枯荷曲沼落野鷺高空翔流泉響潺湲映日含晶光遠林送虛籟古屋生空香此地有餘樂心跡兩相忘

秋雲不歸山飛鳥還依人向夕娛清景頗覺耳目新同遊有二子高潔無緇磷並得山水趣能忘世俗塵疎花倚藤架薄靄橫蒼旻何當歌招隱願與漁樵鄰

乳水滿山腹瑩瑩瀉林樾汲泉試煮茗清味迴幽絕坐見遠火明遙視浮雲滅荒臺想讀書李紳讀書臺石門待明月湖外帆初來籬邊菊猶發尚擬錫山遊詰朝更停轍

白沙渡

蕩舟初泊圻隨處見荷花出水一何潔清香未有

詩集卷之四

涯色矜紅粉艷涼就綠陰斜我欲遲明月微吟戀白沙

樓雨

莽莽沙邊雨高樓悵積陰連宵牽別緒萬點入愁心虛接雲霞麗還蕪江浦深年來多阻滯徒倚一沉吟

雁

春宵驚過雁一叫一淒然何事不羈去江南戀渚田影穿爪步月行亂蜀岡煙我亦空羈旅挑燈迴朱眠

善哉行

華燭照夜親交滿堂彈箏酌酒高歌慨慷解一今夕

不樂栖栖奚爲貪財狗名徒爲世嗤解二聖賢守道

身後名傳奸雄肆志沒則已焉解三好醜雜陳相顧

生忌女子入門各自賦媚解四福禍相倚適如春秋

至人樂天其外何求解五

富貴可樂不如神仙文章雖好不如金錢解一得志

何常貴在乘時騏驥蹶躅馬先之解二舉足宜慎

臨淵履冰志士秉貞憂心兢兢解三去日苦長來日

苦短河流箭疾時不可緩解四讀書味道耕于南岡

知足不辱庶幾安康解五

埭川悼顧羽皇

曉出齊女門鼓楫緣溪行但覺帆忽轉不知路已

更搖搖入古埭日午雞一鳴石梁水初綠原樹春

含榮故人昔隱此讀書與力耕東臯一登眺老屋

還談經良遊宛在目斯人竟騎鯨重來覽陳跡黯

黯傷吾情

懷魏西疇

我行婆羅林曾過白水蕩不知故人居村巷此相

向寒花明遠川檐端列遥嶂江景一披圖奇態復

萬狀崇巖翠欲滴俊鵲飛直上參錯雲木秀突兀
風濤壯峽江斷絕壁沙圻停客舫不見草堂人臨
風獨惆悵

從弟至

奔走憐吾弟歸來感慨多風塵遭白眼冰雪渡黃
河幾作無家客空爲擊楫歌嗟余亦寥落相對奈

愁何

泛艇木瀆

晨光初泛艇流水枕清酣風定晴湖渺雲生遠岫
含梨花明月寺芳草牧牛菴多景靈巖近乘春取

次探明月寺收牛菴詩之佛刹之
以梨花芳草爲景靈巖名句

郊女操有序

雍正八年夏杪山東大雨六晝夜琅邪以南山
水大發波瀾汗漫勢若江湖居民皆避水棲高
樹郊邑城東樹上有女子年十六七依於鳥巢
雲鬢朱顏繡衣金釧不知誰氏女也時邑令命
舟繞樹濟人篙工招女登舟女問舟中有女伴
否舟子不察漫曰舟中獨我耳女恐見侵遂舍
樹沉於水郊人有以其事來告者余悲其志爰
爲此操

我生不辰兮適當大水我失我親兮抱樹栖止欲
生不可知兮欲死又烏可俟彼操舟之招我兮恐
白璧之玷毀我不從之去兮援者誰乎我欲從之
去兮禮不可踰河之水兮畢我軀寧苟活兮還踟
躕此曲不可以終兮嗚虜嗚呼

白开行

有序

陝西富平人孫自慎幼聘樊氏女未娶而去其
鄉康熙二十二年樊女年十七翁姑迎之歸自
慎流轉貿易於漢省之白开別娶李氏生子文
達甫十歲而自慎死李氏以母兼師課文達成

富平詩錄卷六

七

材名列諸生不知家之有樊氏也而樊亦守志
不變雍正二年富平令移文漢省文達始知家
有嫡母因偕生母李扶櫬還鄉奉樊氏禮不敢
闕有司以聞請 旨旌獎方子東華感其事為
作白开行索余賦之

君如秦嶺雲妾似滇池水雲歸渺何之水定瀾不
起自君贅寒門中道成孤嫠餅無一斗粟膝有十
歲兒冰霜力操作撫孤事書詩兒飢一何苦母泣
恒如雨寒烏五夜啼相對共酸楚兒今為諸生可
以慰黃土府帖富平來始知家有妻一絲結終身

矢死守中閨如何不往顧白髮令孤悽艱難扶旅
櫬北指秦關道入門兩相悲且復兩相好在昔隔
萬里今日同一堂回遡四十年委曲始得詳所傷
君已逝不復借翱翔

登天平山

白雲邀我來石磴何層折高峰勢插天登頓力每
竭茲山無平地危樓誰所結伏檻攬雲霞梯空瞰
松栝吳山多戴土獨此露山骨刻畫各殊狀林立
森萬笏一石怒欲飛常恐墮木末絕壁懸疎花青
天過俊鵲山僧知客飢雲根刈薇蕨鐘聲自何來

富平詩錄卷六

八

夕陽半明滅歸路踰龍門沙邨踏寒月

白雲泉

在天平山之
半其下有池

名山有名泉白雲世希觀石壁當山腰雪乳滴巖
竇引竹瀉寒潭涓涓細成溜迴風蕩虛谷琴筑聲
交奏分沾藥草香餘潤雲木秀泉上屋兩楹倒影
兼羣岫懷公有道者飲泉得老壽曾觀石上題風
雨湮篆籀白雲無古今過客何新舊一往濯塵纓
豈復萌固陋笑摘巖阿蒲芳馨滿襟袖

范文正公祠

石筍排空山骨清范公祠廟儼崢嶸獨從天下關

夏樂尚想胸中富甲兵晚穗迎霜遠斷隴寒鳥啼
日傍丹楹 先皇銀榜龍章在紅樹堦前交映明
康熙四十四年 聖祖皇帝題詩時良 夏樂甲兵人 意中語
相四大字榜其祠祠前有楓樹三十株 此嘉其不私云云

庚戌小除太倉葉子山至自章江信宿草堂
有詩見貽和答

草堂相對酌流霞分手誰禁別思除千里乍歸猶
是客一年將盡未還家雪飛江上傷行旅春入冬
餘感物華我有故人能載酒西巖好共訪梅花

披雲菴

雲來自何處雲去青山曉迢迢披雲菴過客到絕

詩歸亭詩錄卷末

九

少蒼涼古松門風雨屋欹倒老僧此寄跡難難管
一鉅出世嬾于雲何心用智巧觀此悟所遺無求
乃為寶

一指窩

周忠介文肅兩公吟
蕭處榜聯皆周文手書

天地猶一馬萬物猶一指蒙莊多寓言瞿曇亦類
此精廬何人構隱在西山趾山光落門庭閒雲忽
飛起孤鳥如索羣松風清雨耳不知種松者倏忽
二百祀留連感昔賢高蹤罕倫比遺墨今尚存吟
嘯空延企

望簞邛寄蔡在谷

蔡子我宿好深隱栖空山窮經繼毛鄭據文追馬
班曾涉瀧江陰下筆增波瀾薄遊非所志翹來此
閉關窮年歷冰雪獨坐忘飢寒當世無狷者夢寐
思弗設何當歌澗泉抱琴為我彈

曾聽

曾聽當筵宛轉歌愁腸脈脈竟如何圓珠一串今
何處想見梨園白髮多

鈴閣燈紅咽管絃霓裳一曲萬金錢玉笙錦瑟猶
堪憶花發鶯啼自惘然

寶刀二首

先祖懷遠將軍有寶刀余
幼時猶及見之今已亡矣

詩歸亭詩錄卷末

十

歸田終日事耕耨寶鏹空含星斗文雞黍東郊春
社散路人猶說故將軍

馬上橫看客盡驚滄江曾憶刺長鯨時平利器歸
何處知與誰人買犢耕

述懷六首

吾生少孤露閱歷嗟未徧屈指四十年終歲在憂
患上有兩節母難難世所歎凜凜先人訓樹立未
有見垂老方讀書炳燭不待旦風霜久賤貧人天
敢尤怨惟有思親淚點滴漬遺硯

時運任流轉家累轉多慮美景不能常過眼如飄

絮說遇以求合常恐失其度世人笑我愚所執抑
何固豈知古人心破甑曾不顧南鄰有古槐吟嘯
忘日暮

十年不製衣終日無半絲吾姊既孀居吾弟亦癯
獨雖非同懷生同祖亦手足紉績與經營寒暑日
碌碌心酸腸內結念之空刺促愧無一囊錢攜汝
出幽谷夜深沙雁鳴嗷嗷意彌感

揚帆大江北跨馬黃河頭淮浦或垂釣金陵昔遊
遊憶與二三子酣歌孫楚樓抵掌海內士時輩何
足儔紛更數六代懷古升高邱乘月泛牛渚更訪

言詩錄卷六

七

天門秋言歸復持渡飄然去揚州繁華詠鈴閣春
風馳紫騮八載不覺久佳境常淹留何時復一往
登臨抒我憂

三十未舉子兩女咸愛卹奈何生不辰汝母卒病
殘離鸞痛方深撫汝情逾切汝姊適蔣郎三載爲
異物自汝歸武陵婚姻兩相悅猶憶華燈明再拜
苦離膝我欲止汝啼不覺有哽咽嗟汝早失母勤
苦誰提挈今春賦歸寧欲別不忍別尺書得時寄
慰我心如結

東髮好結交頗有同心人望子既高潔還甫復絕

倫歙縣方熊如何久奄逝磨鏡今無因里門推心知

四子尤情親遂初有曠懷方朝實逸民用意良獨

厚並欲逸樸淳直諒見石帆周仲才不羣皆能工

文章自趣何軼塵如彼霜雪中松檜標嶙峋吁歎

薄俗交翻覆作雨雲空言膠漆堅誰爲雷與陳四

子我所畏古道同所敦何當結鄰居奚必尋南邨

四子孫謨遂初方朝東
華張曉石帆周遠少逸

寄懷汪峻堂吳江四首

玄陰屬季久時序方嚴寒索居念朋侶冰霜隔湖
干偶來必枉駕別去情爲牽一夕兩夢君不自知

言詩錄卷六

七

其端古道日以鮮浮華寧足言欲寄雙鯉魚遠道
良獨難何時升君堂樽酒相盤桓

十年不窺園嗜學貴有用時研魯壁經或擬明堂

頌賢良行對策精義實足重不見揚輝光丹山有

鸞鳳終當翔帝廷羽儀被朝貢

妙齡愛賦詩玉樹榮春曉江山託騷雅風雲入襟

抱古詩七百言見者輒傾倒樊川氣豪雋餘子何

足道諷詠固有寄陳言獨能掃豈無春花麗對汝

覺枯槁尚其立修名歛華以爲寶

東樓寒已深朔風入牕牖明月湛清光恍如對良

友知己不易得經旬覺別久木葉落吳江旅鴻鳴
高阜君子貴久要相期在不朽

詠歸亭詩鈔卷六

詠歸亭詩鈔卷六

三

詠歸亭詩鈔卷七

長洲李果碩夫

舫齋集

過楊編脩文叔古柏軒却贈三首

積雨天未晴庭除決流水濕鳥集我檐感念同懷
子寒裳遠從之古巷猶尺咫欣賞非世情相得在
名理五月猶披裘可以觀素履愛此古柏枝孤清
鬱脩美

世俗競浮華君子崇篤實閉門謝冠蓋守身勵圭
璧燒葉還讀書飯蔬每對客莊簡與忠文先世有
清德家風洵不愧館閣舊通籍如何釋服久廬居
猶滯迹烏鳥情自深風木感靡極十載先人喪猶
未營窆窆言之涕泗派黯慘見顏色

雲川吾老友夙昔常論文當今數作者邾鄆應邇
君君才富八斗筆力雄千鈞往在翰林時碑版趨
其門集賢學士輩斂手避後塵即今賦歸來學識
老益醇百家別同異經術窮株根發矇與震瞶黑
白定一尊視被蜩蟬者曾未窺藩垣嗚呼知音寡
覆瓿古所歎千載非桓譚誰能識子雲

偶感示兒師稷志尹

馬援屢聞過柳玼重行已吾家舊遺經先德盛積
累龜勉無異營頗識制復理中歲偶行遊致汝業
漸弛我無一項田經籍足耘耔義理苟能通出處
有根柢整藥與貨殖困窮亦可倚吾生少失學垂
老方知悔展轉力就衰炳燭思曉起努力愛景光
汝曹從此始

吾勉以窮經以期以述祖
少年子弟共宜佩服斯言

兩年困行蹤栖栖益迂嬾自顧意轉拙歲月不可
縮空堂且讀書會心輸輪扁陳言豈糟粕致治三
爲善周秦代變遷政令乃繁衍求治日以急溫醇
漸難返 聖人方求賢三代應未遠閭井務農桑

詠歸亭詩鈔卷七

二

絃誦在書卷老夫忘賤貧擊壤歌隴坂

宿中峰寺

燭花頻剪夢難求夜氣寥寥雲不流飛過一聲何
處鶴四更山月水明樓

癸丑早春集方東華勺湖亭同杜雲川孫定
林張石帆沈確士尤在涇以杜詩溪壑爲我
迴春姿句爲韻得壑字

芳草綠乍生溪柳枝尚弱湖亭愛早春不異在幽
壑高會嵇阮流攜手忘離索清辭寫蘭藻名義交
郭郭水木交清華雲石相參錯樽前鳴山鳥琴中

翔鶴非君美無度真契疇爲託忘物故無欲守
道自不忤日落重留連明月上華薄

贈許武平子遜二首

與爾難言處愁心對酒卮竟忘多病後
罷官時快接龍川論狂吟李白詩田園春正好騎
馬復何之

采石題祠壁長沙送客行江山傳麗藻魚雁寫奇
情淶水琴原雅高雲心所傾野夫飛動意亦擬掣
長鯨

癸丑上巳繡谷雅集集蘭亭序字成詩二首

詠歸亭詩鈔卷七

三

昔人脩盛事隨時集稽山今歲亦在丑感此春暮
天幽抱託觴詠坐次林亭間曲流帶茂竹清風生
崇蘭騁目觀所化得已契諸賢人生慨若寄迹陳
世已遷彭年亦有盡爲樂豈虛言

少年嗟浪迹遊倦老已至隨遇整爲樂今昔豈云
異賢者每知足寄形山林地湍水無靜流風竹有
殊致天清氣故朗時和情亦係虛亭引清觴永日
託幽勢放言若有合相將期畢歲

重過施考功池亭

故家喬木已無多履道門前忍再過廿載舊遊如

昨日酒鎗基局沒煙莎

元墓山看梅二首

牛羊下山暮鐘磬出林遲
傍晚投香國凝明見雪
姿最宜無月夜翻戀夕陽時
二月春猶冷山風岬
接羅

嶺雲寒漠漠今暝與黃昏
斷磳無人逕平林何處
邨風迴香自合月上影猶繁
誰愛山中雪高眠獨
閉門

潭東

潭山東去路風景屬閒身
岬仄沙崩雨山寒草逼

讀書詩鈔卷

四

春雲中採樵子花外捕魚人
可與通商略班荆問

石麟明顧文康公諱臣墓在盤塘山

潭西

一山分向背此地更周遮
老圃不栽粟閒田盡種
花園林識時序雞犬入煙霞
撫景留連處籬邊曳
杖斜

山遊雜詩四首

一聲谷鳥怨東風水郭山
邨樹樹空楊柳弄絲人
惜別小樓春雨杏花紅

松楸相望接遙岑銅井山前斜
日陰共惜東林謝

康樂三年埋骨白雲深

義公禪室對嶙峋霜竹森疎不動塵
想見高蹤戀

雲水梅花閒詠一枝春梁溪禪人南行

鐵笛漁歌隔水聽莫釐縹緲插天青
風帆羨爾如

飛鳥我欲相依入洞庭

渡崦

溪暝漁初集昏黃艣未停
山雲低過雁湖霧暗藏
星未沫音微在重尋松竹局高樓
一留榻有夢幾

回醒時喧族人喪至光福

周子晚香集中送春日送鄭于谷南歸有花

讀書詩鈔卷

五

殘下弦月春似欲歸人
龍潭道中有江山吾

左右花柳路東西句此二十字新警可詠因

為賦之

眼中知己少鄭子獨情親
折柳驚時晚當杯得句
新花殘下弦月春似欲歸人
十字清翁拜憑誰識

苦辛為徐公稱許

江山吾左右花柳路東西
之子龍潭去新詩馬上

題空邨希綠酒深樹語黃鸝終歲如蓬轉鴻飛剩

雪泥

題高且園都統畫次韻二首

玩彼羣動物亦知戀其生矜此僵卧者不聞寒乞
聲乃知繪圖意欲以感我情我亦長貧士衣食誰
經營不惜八口饑所幸四海平仰承禹稷懷飢溺
若有櫻鈴齋發高唱聲如金石清

仲蔚居平陵不為飢所驅守道揚清歌貌苦心常
愉任愷每一食費輒萬錢餘臞臞肺熊蹯魚鼈膾
鯉魚奢侈亦何常安能潤黃墟獨抱固窮節斯人
真吾徒

黃山谷詩集
馬能潤黃墟

投所知二首

官保鐵嶺
高公也

林中有樗櫟雨露無偏頗羅立並松檜瞻視同等

詩集詩鈔卷六

六

科雖能吟風葉安得橫日柯車輪曲為用榱桷直
者多不欲枉其材詎敢違天和况非堅貞姿寧論
曲直何歲月積已久擁腫甘蹉跎不才避斧斤大
匠空經過

腐儒抱一經未能究終始于時不足用撫躬常自
恥相將秉鋤耒與國充耘耔幸生唐虞世室家慶
多祉謬蒙璫瑱賞石豈瑾瑜似惟願親令儀頑鈍
加礪砥刻楮三年成猶勝遼東豕

七月十四日蔣編脩西原陸太學我田攜酒
招同杜庶常雲川徐編修澂齋凌閣學榆山

邵編脩北厓古舉人剡樓程處士筠軒吳太
學拙菴僧雪礪集虎邱小吳軒得綠字

層軒接青旻梯空互盤曲自非陟雲巖安得縱遐
矚石湖渺巨浸虞山走平陸風撼四壁秋雨洗雙
樹綠今夕是何夕高會共秉燭興酣文字飲跡近
雲龍逐撫景世若遺觀空慮無欲客去我復留待
月石樓宿

沙頭葉子山過我石里書堂夜話即有淮安
之行

詩集詩鈔卷七

七

經年惜別過茅齋貧病相看各繫懷杞菊猶存俵
古巷霜風初冷去長淮燈前高論君頻發身外空
名我欲埋百卷殘書一林竹他時來訪白雲厓

中居
山中

古劍為梅道人賦

縹澹霜花明赤日爛斑血漬射青眸即看鋒鏑剗
犀兕便有光華轟斗牛燒燭引杯當夜半空山作
枕伴牀頭悲歌對爾增顏色借我崆峒萬里遊

用陶淵明擬古詩韻寄友九首

迢迢廣陵城鬱鬱江干柳折柳傷別離歲月亦何
久寒裳不可從展轉思良友霜天古樹烏官閣寒

更酒相依曾幾時
弊閣肯相負
感公問生平
殷勤意良厚
意厚豈云多
習俗乃無有

志在興有託
歡深情未終
竹林有賢者
嵇阮與濤戎
陸沉非玩世
于此見豪雄
浮雲自舒卷
未心因飄風
酣飲謝羈束
幽賞安困窮
惟有賢哲心
炯炯青雲中

美人絕世姿
幽貞寄城隅
婉孌有芬芳
莫若春華舒
手攜綠綺琴
流響盈室廬
聞者咸歎息
奚爲賦離居
芳心常自持
風露傷蘼蕪
願爲覆飛鳥
翱翔意何如

詠歸亭詩鈔卷七

人

驅車北郭門
崇臺臨大荒
青山隔江滸
乃有平山堂
問君何所之
曠野浩茫茫
寶城盛花柳
夙昔繁華場
何有賢與愚
聚歛歸北邙
感此爲起舞
負氣多激昂
秉燭方薄暮
明星爛東方
爲樂當及時
何爲縈憂傷

文章追賈馬
其氣充以完
被服何陸離
戴我切雲冠
秉志無矯飾
安舒見容顏
懷中濟時策
萬言獻矢關
恭逢堯舜主
飛步青雲端
睠懷在忠盡
乃或來譏彈
騏驎下峻坂
瓊枝去鳳鸞
不觀松柏姿
冰雪堅歲寒

明明曰昊天
昭鑒寧在茲
何爲縈憂煩
兩度霜風時
邪正亂繩墨
黃流混滄溟
履足在平地
中道生危疑
同心竊相訝
所見無異辭
幽蘭與芳芷
纏綿多遐思
瓊茅以爲卜
忠信不我欺
故山在渤海
雲濤遠問之
攬衣中夜起
高詠停雲詩

簾霜下亭皋
首夏方清和
紅樓與畫舸
虎阜紛嬌歌
玉壺春酒綠
滿酌歡娛多
何人弄瑤瑟
明月流光華
此間足遨遊
不飲其如何

萬類互流轉
達者與天游
高懷發奇句
老氣橫九州
用杜句仰瞻黃鵠翔
下瞰洪波流
左手招阮公
右手

詠歸亭詩鈔卷七

九

挹浮邱觀
化得妙理結
想遠更周陽
明燭幽隱行
矣夫何求

芙蓉含芬芳
涉江爲采采
采之遠相遺
常恐顏色改
日月如轉環
游戲在塵海
揚舲何時來
引領遙相待
順運而好脩
守之以靡悔

和答蔡在谷三首

次韻

何以結交契
有如膠投漆
之子隔東西
情好實無拂
曰予近卜宅
簡陋乃其質
後園頗空曠
愛此好風日
雖無溪水明
林木猶瑟瑟
讀書未萬卷
豈敢事著述
古音聽愈澹
橫琴在一

室慕學心則誠悅世愧無術茂樹互鬱盤惡木合
芟剝笑看桃花開春風養閒逸

役精責有爲奚爲街文筆小鳥安枝棲高翔任鷹
疾弓劍與詩書先人餘駿烈窮居思學道靜者吾
儔匹結夢空延佇予懷渺天末

寄懷海虞王次山御史二首

用其集獨
樹軒詩韻

虞山標靈秀仙蹟傳慧車君子此棲託高蹤何靜
嘉抱郝對檐樹橫琴就山花洱海昔持節雲霞翫
浮槎還歸依故林心閒境無譁俗流局宇宙碌碌
如塵沙少遇輒自炫所志徒虛詩

詩集卷七

十

高松抱孤芳嚴寒能不凋忠蓋批龍鱗去後真寡
寥直聲在廟堂庸見爲之消陋巷有真樂把卷忘
昏朝竊聞潁川翁考古時相招吾本蓬蒿人落落
不自聊君如不遐棄秋水乘蘭橈

題秋山轉運圖

尹開
畫

誰寫青驄三十頭長鞭驅策不知休欽崎劒閣通
雲棧突兀潼關出華州野店秋風沽濁酒官橋疎
柳拂征裘 聖朝至治消烽燧轉粟無勞繫遠憂

禹廟

渡東橋畔理溪船禹廟巍我金碧鮮碑篆讀來凡

幾字梅梁飛去更何年功垂天地成三極道冠殷
周共一傳陵寢仰瞻纔咫尺如龍松柏自盤旋

送李撫軍鹿山先生歸福清三首

纓組不足縈十載滯吳會賃宅石橋西衡宇遙相
對好士多雅懷往還不我棄讀書松桂林韓橫琴
山水際臯鶴出風塵翛然得高致達生理不違任
運心無繫緬彼還山雲初衣今始遂

古人耻巧宦亦恐稱俗吏公也本通儒爲政有次
第服官歷中外才如干鎔利取法在經術務欲臻
至治當其撫兩浙尤能挽元氣風霜肅下僚雨露

詩集卷七

十一

涵庶類千秋邇循良如公洵無愧
故山在何許雲氣連滄洲石竺有靈境神仙時淹
留阿兄曾見招從此相遨遊鸞鳳交好音蟻蟬開
飛樓真人有神丹親授不用求服食美顏色奚獨
苦煩憂浮雲視富貴外物皆虛舟

題朱愚溪寒松書樓

蒼松何離奇俯樓抱多節風月喜清幽蕭森歷冰
霜

寄贈汪念翼三首

浮雲起太虛變幻何可言荆榛塞路隅何處求芝

蘭溪俗結交易平地生波濤危疑與恐懼啓此憂
患端志士多苦心獨能安其難

羈栖浙水西池蓮正秋暑及茲春鳥鳴春花亦媚
嫵悲涼寶劍篇吟成疇見許沉淪亦何意識者會
有取神物不終棄安能溷塵土

虞山石書翠山在城西陬東海近几席縹緲鄰蓬
邱仙人慧車子雲際時來遊引領如可招胡爲縈
煩憂出處亦何常外物皆虛舟

詠歸亭詩鈔卷七

詠歸亭詩鈔卷八

長洲李果碩夫

編餘集

寧波全翰林謝山海寧施徵士蘭垞同爲南
嶽之遊讀其與友話別詩次韻奉呈一章兼
簡徐明府寶林湘陰曠翰林魯之衡陽

我昔一醉無春冬此身恍落湘雲中夢驚衡嶽走
吟徧高隨飛鳥凌祝融至今石廩勞想象枕上目
送南歸鴻洞庭秋風木葉下豪興忽發有二公快
辨蚪斗尋禹碣要捫星宿趨靈宮登臨此日始發

朝話別有句傳郵筒水面秋聲最清警九疑七澤

何深雄

洞庭秋聲出水而謝山句九疑七澤神女廟七澤吟擬鮑參軍謝靈運句

江山勝處構奇作

寄我莫惜遲乘風男兒睥睨宇宙小安肯局促羈
樊籠便欲追遊生羽翼飄飄雲海盪我胸湘陰鳴
琴有徐宰衡陽太史文尤工南行倘見望致語勿
嗤霜鬢今成翁

疊前韻寄貽全翰林謝山

霜巖雪凍忘三冬縱橫萬卷羅胸中太史才華擅
東越家學絕類立承融高文百軸組經史俯視末
俗真蜚鴻明州海色潤巖翠氣鍾清泚無踰公秋

風思凌夢澤去衡嶽秀攬南離宮吳閭花柳試遊
履廣陵煙月歸詩筒君文方李雲夢移堂二公久傾倒資深
養厚原沈雄宋儒學案方補錄排纂直繼黎洲風
黃黎洲先生有宋儒學案一書缺十六卷謝山爲補纂陸顏通經二劉史貴與夾漈難
牢籠東南鉅筆推作者拱如兩手環心胸君今紫
蓋賦雲海杜韓前後知同工雙帆歸來急示我紀
異可逢嬾殘翁用衡山煙霞

丁卯正月五日同葉編脩定湖顧處士礪西
張處士少弋沈閣學歸愚謝徵士林邨沈徵
士穎谷薛徵士一瓢周太學庸客集橫山二

詠歸亭詩鈔卷八

二

弃草堂用淵明斜川詩韻

入春氣澄霽乘景心逸休相將沙胥津共續斜川
游此地昔屢至載酒多名派亭臯隱茅宇春岬浮
沙鷗鄭公久不作陳迹空山邱披襟偶雜坐出處
皆吾儔即時且爲樂持觴還勸酬後會未可知遑
計重來不所志在千載頭白寧煩憂却指高雲翔
意得何所求

沙園雜詠八首

爲保寧太守
陸閣亭賦

宛虹橋

爲園城東隅流水抱河曲一橋宛垂虹下飲春波

淅倒影過遊人此景迴超俗

澆花井

古井水一泓泠泠瑩寒玉汲之勤灌溉花藥日以
沃企彼濯錦流晴瀾澹微綠

覓句廊

脩廊何逶迤心亦與之遠清吟追陶謝逸韻慕嵇
阮尋味得其旨不覺斜陽晚

月波臺

崇臺向東巖脩竹交杉蘿明月有好懷澄空照繁
阿如水光不定搖漾明金波

詠歸亭詩鈔卷八

三

紅藥欄

過眼桐花風寒食一百五花事亦漸稀春歸渺何
所珍重婪尾春丰茸散金縷

菱梁

菱花滿秋渚一灣雲水鄉盈盈采菱女歌聲出迴
塘何殊畫中景白鷺窺魚梁

簑簑徑

雨葉帶風綠煙梢拂雲長曲徑于此開招要有求
羊誰爲湖州畫作記傳簑簑

流香榭

水木繞岑樓曲榭在其下春派遠更香片片桃花
謝何用求仙源泊舟傍漁舍

淫雨和朱適庭韻二首

二月至四月連陰積朝暮濕雲飛不去屋後繞鄰
樹誰家鴉鵲巢驚聒聲常聚葉茂竦高柯俗互鮮
幽趣穀貴駭市廛坐愁雨奔注哀鴻猶徧野觸網
動多忤不知時氣冷天心豈無故我思釣湖渚挂
席風中度

寡營拙人事垂老悵遲暮昨日桃李花今朝綠滿
樹二三素心友笑語此歡聚安得山澤居共協漁

讀書詩鈔卷四

樵趣讀書未聞道心目空交注持守謝脂韋窮理
絕依忤肯以天機真諧俗損其故及此自策勵但
使無愆度

答福建按察雅公見懷步韻

古人重知己心契得真知惟公能下交三載成睽
離昔歲秋風初今當溽暑時鷁舟記追送話別胥
江湄囊中冰雪文一卷常自怡八閩古廉訪清望
肅羽儀民自以不寃明允良克持經術既興誦學
問詎管窺讀書括根本搖筆餘文辭微言久榛蕪
殊塗動多岐公獨得精奧恒以儒素期公餘奉北

堂歡顏擷華芝海嶠近咫尺仙醴麻姑遺移孝斯
致君務德日猶攷行當握樞柄即為萬類資果憶
荷提獎贈言復今茲自慙老廢學引領切與劇何
時快相見載酒傾深卮

題沈冠雲登岱圖

十八盤過曉色冥天門詖蕩俯云亭遠瞻日吐方
升赤岸峯山橫未了青羣帝玉函何處有五松幽
籟颯然聽探奇亦負休文癖欲共騎驢入翠屏

趙忠毅公鐵如意歌

誰將屈鐵走銀線籀書蟠結筆何善或為河嶽

讀書詩鈔卷五

五

日星百餘年來疾于電黨魁實首忠毅名鑄為如
意意不平強項肯俯英豪首繞指莫柔烈士情其
鉤無鐵廉不劇以歌以舞神所契二十三字銘何
奇君子之器德可儷其時奄寺方交紅赭衣謫戍
去大同樓居摩挲日在手何年流轉歸江東我思
精英當不沒此物雖微胡可忽誅禹方同提里劍
擊泚直嫵秀實笏曰鄒曰顧與齊名風義千秋共
高揭土侵鏽蝕淪落久三尺提攜剛過肘倔強黃
歇宿昔藏韓侯得之信非偶筵前顧盼頻低徊
劇談往事傾深杯遠勝少陵樓拂子蒼蠅雖除何

有哉

沈侍郎題愚 予告歸里賦贈四首

鸞鳳儀明廷小鳥翔寥廓毛羽雖或殊志趣各有託君昨侍承明術業興以博十年進秩宗晚遇超古昔^叶看雲戀故山當食念藜藿賀監許抽簪飄然返林壑顧我安邱園頭白忘寂寞

稱詩邈南雅漢魏迄李唐何有宋與元力能扶毫芒長歌 御榻前揮灑流墨香洪濶浩江海粹質倅珪璋伏誦 聖製詩元音盛洋洋 君臣洵一德賡歌慶明良

東歸集卷六

六

鄙生守遺編未能得根柢常恨遠古人不得共千載如君識獨堅論辨實知己竹溪邀我過席門為君啓相對輒夜分焚枯或酌醴論交垂五紀久敬若初始京雒寄鯉魚我方事樵採相思情則深引領遙相待

傳聞理歸裝遠道思漫漫攬衣登高原日望車馬還山川高且深春半氣尚寒有客從北來為君問平安一朝喜攜手追道平生歡朗吟冰雪篇臭味猶芝蘭寒山何蒼翠香水流潺湲願言共君子澗阿詠考槃

翁朗夫暨陽三十三峰草堂圖四首

白雲蕩遙岑紅樹帶流水名山豈云多暨陽境清美構屋緬舊蹤擁書挾微旨詎肯負所守汨汨不知止猶恐鶴書來姓名動 天子

平生專實學指歸在聞道獨抱千載心閱歷克自保流景逐去波奔涉亦易老方思秉燭遊林壑事幽討青蒼巖際松歲寒期永好

古音久寥寂知者固鮮儔漢京亦已渺唐風振千秋平睨王輞川友視韋蘇州綺靡若可埽淵澹與天遊衆人多岐趨役役將奚求

東歸集卷七

七

高舉誰不慕顧盼爭自雄超然悟易理所得惟謙冲卷舒如嶺雲浩渺隨冥鴻至樂不外尋令德日以崇竊願褰裳過庶追君子風

述懷呈元和吳廣文先生四首

辱其以隱逸薦辭之

僕本山中農城南此寄處弱齡早孤露伶俜備艱苦及今七十餘衰憊強支拄此身如老屋飄搖飽風雨眼昏頭屢眩心悸久弗瘳豈敢慕廉介非義固不取泚筆偶為文紕繆十之五文貴以載道顧我何足數謬蒙君子私幸勿上郡府^{時太守公方索觀余文}先生學者師淵源得授受尊甫太史公果肯論教

久殷勤通家誼愛我意良厚方今 天子聖英雋
盡羅取經學師鄭服文筆追韓柳賈董富著作枚
馬紛左右彬彬而蔚蔚人材盛淵藪賤子復何知
拙劣少抱負用世非吾才終老戀隴畝

在昔曾大父說經何鏗鏗楊李競標秀楊廷楷李模徐彭

共流聲徐樹丕彭行先百四十餘載遺事人猶稱墜緒愧莫

振冉冉竟無成清芬誦祖德緬溯多遐情

人生固有分所患不自知少壯不努力頭白夫何

爲余志慕昔賢駒隙不可追蹉跎竊自感詎敢踰

其涯偃鼠飲滿腹鷦鷯巢一枝鯨鵬日萬里賦質

讀書集卷八

各有宜閒雲澹無心落花春正飛手把一卷書浩

歌聊自怡

蔣太史西原六十賦二詩侑酒

鄙拙疎世情閉戶寡同調太史乃知我時復過蓬

藿宿學本六經寢食晰其要早遊蓬萊宮史筆得

精到言歸白蓮汪弟子多則傲輪扁喻糟粕偃師

忌銜巧吹萬里則齊至靜會衆妙自愧老荒學有

過幸以告視被庸庸派毋乃工外貌

漢之文有遷變化極繩矩晉後遂以衰字句徒自

詡唐宋舉八家弘簡各可數元明有短長別自出

機杼太史能振之通逸氣盤聚意在追臨川言簡
而理舉六十興頗高歌聲出環堵方為山澤遊煙
霞訪巖塢梅花幾樹開進酒偕舊侶方為澤東之遊

寄韓東籬太史二首

木落秋漸深疎樹鳴虛籟夕陽照城曲軒窗在霞
外靜者獨澄慮頭白何高邁澹泊意有餘所得良
已泰深談忘薄暮明月上襟帶

遷史我所師董子何醇淵磊落昌黎公六代掃籙
縛文以載至道遊心如嗜欲貽我三百言斯意遠
能矚尚想滄洲雲誰共一籬菊五夜常不眠空齋

讀書集卷八

坐明燭

同葉定湖俞賦拙虞東臯許竹素汪山樵袁

簡齋集薛水南居是日沈歸愚謝林邨未至

雲龍罕會合杖履欣斯聚水南靜者居盤鬱林木

古高情繼長史亭傍滄浪許菖蒲弄幽姿香氣挹

蘭杜主客興不淺杯杓雜談麈舊雨託綢繆雅志

略珪組羣賢才盡殊白雪嘉藻吐仲翔老更豪用

晦氣逾鼓英英袁彥伯詩壇今繡虎張望東陽沈

風流咫尺阻濕雲壓城堞狂飈掃檐戶顧盼感老

懷健筆愧牛弩欲張壁間琴冰絃一再撫清遊詎

可忘終期話農圃

感舊詩十三首

王處士東筏

名汲先大父同字友也著六書勺一書尊人聖
伯先生名元懋作文有漢人之風見重于孟津
王文安公錄遺稿十數冊當東筏年九十時欲託
之吳子山今子山亦下世遺稿零落不可問矣

高蹈儼遺民蕭疎九十春六書窮歲月一畝謝風

塵竹向鄰家乞

有乞竹詩

心從野老論乃翁多著作作流轉付何人

沈學正豹文

名荀蔚一字亦客太倉州人父雲祚明唐長進
生官四川華陽縣令以張獻忠亂殉節君七歲
流離蜀中子身屢困于賦年能讀父書入籍眉州以諸生拔貢
任崇慶州學正三十後始歸婚娶者有蜀難紀畧及讀史印

先臣能死節遺稚厭刀兵虎穴派離苦鱸堂冰雪

書

清一編成信史萬里痛餘生猶憶論心日秋燈老

屋明

葉處士桐初

名藩太倉州人先祖母葉洪人之嫡姪父中密
公前明崇禎末以兵至殉節君奉命不仕弱冠
工文為合肥龔端毅公所重黃岡杜于皇濬其才妻以女僑
居江寧客遊燕趙齊魯楚粵之間晚歲始歸沙溪依祖父墓平
生愛匡廬之勝思老於其間而不可得後客涿州歸途卒于山東之新城

少日遭戎馬丁年寄內家烽煙悲故國桑海閱朝

霞廬墓還攀柏為園亦種瓜匡山曾有志客死劇

堪嗟

蔡徵士息關

名方炳忠襄公懋德之次子康熙己未曾薦
博學宏辭起里事務程朱之學有耻存齋集

處士名何重忠襄澤尚新未為金馬客且養鹿門

身扶杖秋頻過論文老更親耻存原有意漫絕舊松筠

馮仲子服之

名行貞常熟人父珏兄行賢皆以詩文著名
長於弓馬詩畫其終事也當其逆賊時曾佐某
將軍幕府出師有功去之又為客部樂法為海內第一後
居安門村落與余為隣比庚辰年事理其終方以經書授後年
七十餘卒

從軍依楚塞亡命走山東不屑論功賞何妨去日

窮風霜吹短褐湖海信孤蓬留得金槍在沈埋芳

草中

唐長子鑄萬

名大同四川涪州人官山西長子縣知縣
官後為涪州文縣國策西漢有孫鑄師白公
諸傳而其正生經術在涪
書一書寧都魏子稱之

漳澤歸田後吳門屢賃居家還隔夔蜀跡自潤樵

漁衰謝交何晚纏綿意有餘尚傳經術在一卷著

潛書

黃處士儀道

名達浙江山陰人官居三月後歸
吳門客死上海朱而博贈其詩葬于半塘寺有
王壺山人詩江都
項副使為刻於家

徐渭原同里君才突過之王壺詩自潔錦瑟調尤

悲春雪吳陵酒秋風伍相祠名山埋骨好且莫悵

無兒

王尚書吳廬

名澤弘黃山人廬名未進士歷任內閣學士
禮部尚書書中實有外一逆叛諸將有婦行
間而載以去者公捐金贖回數百口又京師米貴公於城中
四販為糜以食餓者日費千萬錢活頗多又以江西湖口

補 9-396

近石鍾山波濤之險疏請移於九江事雖未行其飢溺為懷可以想見矣晚歲好立門之學寄居石城有園亭之樂年八十餘卒公詩自前壬午至今戊子有十二卷子材任歷官愈都御史亦工詩

難婦歸千口哀鴻救一時平生塵飢溺苦志繫安危說禮何難見還丹不可期石城池館冷春曉記論詩

朱郡博莊伯名端廬州府無為州人官蘇州府學教授有知宋家宰嘗以其詩資之新成王院其言最實其言當變樹直落日一僧歸之句傳一時年三十餘山陰黃儀通至吳君為下榻資以參苓死後營葬虎邱之半松寺內

筆力何堅老龍文昂可扛橫經重蘇郡解組指廬江醉憶池邊月狂吟竹裏窗猶能憐故舊早覺寸

心降都聖有碧霞池嘗拈開飲酒於此

呂處士逸田名熊崑山人與吳香齋交善頤天事于忠襄公嘗稱其經濟才久客督撫大吏幕于吳門梅隱菴購得一椽以居子孫皆物故君年八十二卒即葬於庵旁著有詩文集及女仙外史

老病無親故僧廬住廿年門稀載酒客囊盡鬻書錢舊事人能說奇文誰與傳棠梨花落處一塚菜畦邊

陳處士陽山名炳字亮文長洲人能詩無子寄居天池山年八十二卒葬于故居之陽山

老卧天池嶺寒松骨共蒼人如陳仲子詩是孟襄陽有女絰堪授無兒業久荒風流今已矣忍更過書堂

程舉人幼鴻名功一字柯亭休寧人康熙乙卯科武舉人長于詩畫常坐黃山蓮花峯寫山水又客於西甘肅累年有唐古詩則六卷行於世

才捷失飛騰名山昔慣登蓮峯秋聽瀑秦隴夜呼鷹畫欲追王宰詩真繼杜陵婁江相對處風雨共挑燈

湯處士葯房名光啓精畫花鳥年七十九卒于西陵

少年曾學劒老至卧廬中竟化蒙頭雪終埋吐氣虹圖書遺手澤花鳥展春風埭口無人過蓬蒿一畝宮

詠歸亭詩鈔卷八

七

詠歸亭詩鈔卷八

在亭叢藁二十卷

江蘇巡撫
採進本

國朝李果撰果字碩夫長洲人在亭其號也是集凡
雜文十二卷後附詠歸亭詩鈔八卷果之論文謂
弇州北地文古而患乎似義烏延陵文真而患乎
淺欲救似與淺之病惟在讀書窮理故所作頗有
矩矱而墨守太甚亦未能變化也

質園詩集三十二卷

〔清〕商盤撰

清華大學圖書館藏清乾隆刻本

附《四庫全書總目·質園詩集

三十二卷》提要

雍正甲辰春余選拔兩浙諸生貢於太學商子蒼兩
最少余愛其文驚爲異才越明年謁余廣陵官舍留之
累月叩厥蘊含星羅泉湧載荷中之通經陳同甫之論
事兼而有之然其一生得力畢萃於詩考鐘磬以宣和
握琳瑯而秘寶益嘆當代知今知古之士斷推此生昔
東坡遇歐陽時年纔二十有二公讀其文曰此我輩人
也吾當避之其後眉山詩派追配杜陵而功名氣節之
盛照耀海寓蓋歐公知人之鑑早於少年時定之矣生
之詩開學眉山而奇艷或似昌谷雋永或似襄陽根柢
屈蟠柯葉張王至欲尋聲捕影終不可得亦善學古者
質園詩集 序 一
也生手定質園詩集凡若干卷質園者商氏別業在越
之土城山舊傳爲句踐教西子歌舞處亭臺花竹甲於
一郡束髮就傅婆娑其下平泉綠野不能忘也吾聞商
氏先世多以綺歲策名垂勲社稷鏘金拖紫累葉承芬
今生負才若此繩武非難吾所期者將以東坡之品行
爲古今第一流則向於文取之者今且以詩信之生勉
矣新城友人何世璠叙

詩者文章之一也然極其詣必人與天兼焉其業之勤也必本之風騷漢魏以溯其源廣涉乎子史百家以博其趣傍及山經地志釋老方技以盡其變其思之專也必雕肝鏤心廢寢忘食一切喜樂怒哀榮枯得喪并而發之有韻之語夫既盡乎人事矣然非得曠世逸才俾所讀之書盡歸鑑治之中雖極功力精專而不足以極絕藝於天下會稽商太史寶意少負逸才年方壯第進士讀中秘書擅古今帖誦之工而生平能事尤專注於詩今讀其質園諸集文如虎豹之炳蔚也聲如鼓鏞之考擊也利如干莫在掌而物皆斷割也迅如蛟蛇之赴

質園詩集

序

二

壑大如鵬翼之怒飛人莫能捕捉而仰視也而時花之鮮美女之嬋蜚吟猋嘯之幽咽而凄清亦閒作焉嗚呼可謂盛矣嘗觀古人論詩司空表聖主韻嚴滄浪主趣方虛谷主法楊伯謙主氣高廷禮主格然必有才人之才以鼓運乎其閒則氣有自生法非徒法而韻趣與格乃能生動超邁唐之重太白宋之重子瞻惟其才有不可及耳抑又聞才足以運其學而學仍足以馭其才而養又足以忘其才繇此冲和膏愉與年俱深則行所無事而動與天遊者無非自得之候矣廉而不劇溫潤絢密予更爲先生誦焉長洲館侍沈德潛序

河之源發於崑崙一勺爾其渠并千七百有一下則湧而爲濫上則懸而爲沃仄者汎尾者濊小波淪大波瀾石激之而鳴風盪之而怒雷連車馬神物恍惚其爲狀也殆不可名無他其源深其流也盛勢之所趨非有所強而然也乾隆甲戌冬質園先生奉

命出守嶺南取道淮上就程二載園宅邀余質論三晝夕命予序其詩余惟質園詩本諸六經諸史莊騷以植其基參考漢魏六朝唐宋以下諸大家去迹研精涵濡融貫而一以自得出之行其所當行止其所不得不止如水之經涉高山大川細及狹溝淺洫無所不溢而其

質園詩集

序

三

朝宗則必歸於海分合異同之閒天工昭而人力不隱所由以交濟而獨造者微矣古來篇什之多至長慶劍南而止質園齒僅五十餘積至若干卷由是詩與年加其數較二公尤富世之覽者欲取物以名其狀而無一可指以名之則是集之必傳於後也奚疑嶺南詩藪也瀕行載園以海日獨漉二集屬質園購之夫蒞斯土者於諮詢政事采訪民風之暇凡遇斷碣殘編之淪棄於草莽閒者廣爲搜抉以表幽潛之光誠一代勝舉也余老矣與載園日倚南雲而望之秀水同學李宗仁序

編年詩始雍正癸卯至今凡若干卷老友歸愚沈公定之剪蔓星柯微露本質三十年來巖栖川觀風泊鸞飄瞻紫府之光華嘆錦袍之蕭瑟可喜可愕一寓於詩嗚呼唐瓢無恙江管依然此外升沈總如露電矣昔人論琴謂初下指一聲不合卽終身無復合理僕自弱齡卽負吟癖蒙衾索句擊鉢成篇殆如叔子弄環宿因不昧飲光聞聲結習未除者與稍長出交當代名賢驂駕服褻獲聞高論遂悟勿日之非因取已付剞氏者悉燬之竊念先代以三百篇傳家祖父庭訓師友倡酬於忠愛和平溫柔敦厚之旨嘗三致意焉故其言無啾啾噉殺

質園詩集

序

四

之音其味在甘苦淡辛之外寸心得失吾自喻之耳今國家承平日久典學右文紉繆廣朝猗那奏廟鴻生碩士左右魚鱗如僕者四部難探三長未擅正宜匿影設光顧猶以此戢戢者徵逐里巷旦夕之名不已僂乎昔蕭實作畫尺幅之中勢具千里矜慎不傳自娛而已然則斯集也又烏可示人哉寶意居士奇盤識



寶意先生傳

同館後進鉛山蔣士銓拜撰

公諱盤字蒼甫號寶意姓商氏其先汴人也世居峽縣之繼錦鄉四山公始遷郡城代多聞人前明太僕明洲公少廷尉燕陽公皆登進士遂爲邑著姓再傳等軒公位冢宰爲公六世祖曾祖濟川公郡庠生祖順山公康熙丙子舉人官嘉興教諭考令素公壬午舉人歷仕泰安州達州倅俱以公貴貤贈如其官康熙辛巳十月二十又四日公生於八士橋尙書舊第五齡就傅讀書於土城山之質園越七載乃出應試年十九補庠生與同學結社著小山叢桂集而髫齡所作新蟬詩紅葉白燕質園詩集

傳

等賦已爲時艷稱雍正元年設特科公年纔二十有三山左何公世璣視浙學掾公貢成均明年入京師周公學健任公蘭枝咸目爲國士凡名卿大夫文字之飲得公擊檠刻燭始相引重公灑墨淋漓每成四韻輒傾倒前賢而才子之名赫然布滿於都下已酉舉京兆明年登第廷對列二甲以知縣用次日特旨改庶常習國書散館授編修今上元年公三十五歲登充八旗館國史館纂脩官進經史講義數上封事戊午獻臨雍頌耕籍詩皆爲上嘉納尋以祿養陳情乞外任得廣西新寧州牧上以其親老特改授鎮江郡丞詞臣受恩逾

格前所永有也既而權海州牧及南昌令南康守調太平郡丞甲子以督造戰艦居吳門二載丁外憂去服闋補施南郡丞攝守篆壬申分校文武鄉試旋督糧艘北征甲戌擢梧州太守公年五十有四矣既入粵而知梧州者已易官乃權鬱林牧及太平守尋補慶遠府歷四年移守鎮安又三年持繼母服去甲申年六十四再補雲南守丙戌移守元江明年王師進勦緬甸公跋涉戎行夙夜靡逸感觸瘴癘受病日深六月渡清水河雷雨如注公露處馬家檳榔園一晝夜病大作歷旬日猶力疾理事晦日渴甚噉灰一環痰壅而卒蓋以死勤事

黃國詩集

傳

二

者也公游心典籍樹骨風騷馳騁百家弋獵四庫著質園詩幾及萬篇宦跡所歷方幅殆遍凡冠裳禮讓戎馬戰爭之區風月鶯花般樂嬉遊之地以及蠻鄉瘴海鬼國神臯奇詭荒怪之境莫不遐矚曠覽傾液漱潤一發於詩蓋取卷軸精華璀璨洋溢於呼吸吐納中遂併古人諸長使靈源漚心錦機納手故能清新無窮垂老不竭爲一代有數作者至在事有方人思其政從容馴致不尙刻深是以士女昌逸聞并謳謠公以此得與庶僚賓從迴翔文酒於江山清宴之間以視東臨迎楚於薄青篋篋中者翛然自遠公好賢愛士天性真摯見人擅

才藻若已有之壇坫風流俊彥景附而舞彩歌駉乞公醉墨霑溉者輒滿其志嗚呼豪矣公許句改樊南斯而出入杜韓元白蘇陸間歌行尤瑰麗縱恣跌宕自喜交友遍海內最善者嚴遂成袁枚王又曾萬光泰程晉芳及戚友吳燦文其子墳幼富文詞特爲舅氏矜寵晚年撰國朝郡邑人詩數千首編排品隲題曰越風然而無出公右者

論曰昔人謂位有窮通而名不可滅者文章其著焉經禮樂而緯國家通古今而述美惡非斯莫可誠性情風標神明律呂也商公仕宦卅年身佩十三印刻職專城

黃國詩集

傳

王

不廢觴詠有承平士夫之風迨老入師中盡瘁而死文人所遇克有終矣到慨曰有大才而無貴仕於公則何憾焉

質園詩集總目

卷一

古今體詩七十二首

卷二

古今體詩八十首

卷三

古今體詩六十七首

卷四

古今體詩八十五首

卷五

質園詩集

總目

一

古今體詩九十九首

卷六

古今體詩七十一首

卷七

古今體詩七十二首

卷八

古今體詩六十二首

卷九

古今體詩一百一十首

卷十

古今體詩九十二首

卷十一

古今體詩一百九首

卷十二

古今體詩一百八首

卷十三

古今體詩一百三十四首

卷十四

古今體詩八十八首

卷十五

質園詩集

總目

二

古今體詩九十七首

卷十六

古今體詩一百七首

卷十七

古今體詩一百二十一首

卷十八

古今體詩九十四首

卷十九

古今體詩一百九首

卷二十

古今體詩一百四首

卷二十一

古今體詩八十九首

卷二十二

古今體詩九十二首

卷二十三

古今體詩九十一首

卷二十四

古今體詩一百三十九首

卷二十五

質園詩集

總目

古今體詩一百首

卷二十六

古今體詩九十一首

卷二十七

古今體詩九十四首

卷二十八

古今體詩七十四首

卷二十九

古今體詩一百四首

卷三十

古今體詩九十四首

卷三十一

古今體詩九十一首

卷三十二

古今體詩一百七首

質園詩集

總目

四

寶園詩集卷一

會稽 商

盤 寶

置酒短歌

前有千古後有萬年人生天地飛終抵茲今者不樂雙
九跳躍灑掃庭內載歌且勞我生之初豐年降康男荷
其鋤婦執其筐爲酒爲醴以聚隣里遵豆既陳少長咸
喜有草可藉有花可簪贈我玉佩報以瑤琴高原大陸
車脫其輟君子令儀受茲嘉福

烏棲曲

金博山燒石葉香濃薰綉被棲鴛鴦爛爛明星剛夜半

寶園詩集

卷一

城頭白項烏聲喚

曾識菖蒲花可憐朱唇玉面出簾前月上闌干樹繞鵲

中門潛下歲粧鑰

鏡鹿高橋五兩縣南風吹送下江船篋中錦段不盈幅

爲郎襟帶作裙腹

玉繩遙遙珠斗闌芙蓉帳煖夜雨歡爲儂彈去烏白鳥

但願一年天一曉

白紵詞

秋霄無雲見銀河炯炯垂地揚素波九枝燈繁照綺羅
燕姬如茶細馬馱瑤華豔體行逶迤六銖珊瑚環珮離

琴言華語清以和含情流盼朱顏酡宛轉爲君奏短歌
請君安坐毋蹉跎今夕不樂雙髯歸城烏欲啼奈曉何

陽春曲

啁啁百舌語呼春共爾汝香風宛轉生錦帶飄飄舉橫
塘三十里夾道多朱樓晨光動珠箔正掛珊瑚鉤江漢
豈不思奈無柰與舟雖有楫與舟江漢不可浮逝水向
東歸逝日向西落丈夫有遠期誰能定所托

古別離

秋風動浩浩鴻鴈日夜飛矧彼鳳與鸞安能棲故枝兒
女重歡愛丈夫輕別離腰間兩吳鉤久與風雲期慨慷

寶園詩集

卷一

二

復慨慷出門攬衣裳人生如草木豈敢避雪霜驂驪歷
長坂蠅蛸翳曲房終嗟朔氣深坐失蘭蕙芳君身萬里
遊妾心萬里愁將心隨萬里量君必知此

關山月

蛻蛻秦時關湛湛漢時月嗟此萬里輝照見戰場骨關
山無古今明月有圓缺從軍組甲寒斑斑多積血萬幕
屯平沙角聲何嗚咽仰視天四垂長河淡將沒玉帳夜
傳令衝鋒陣如鏃努力靖九邊時危緩離別

劉生

寶刀春鵲尾爛爛缺月光報仇何處去白晝入咸陽

朝飲醉新豐暮飲醉平樂不識信陵恩但知季布諾
蹴踘上蔡門射獵西山頭時來取將相不敵黑貂裘

少年行

狻猊羽林郎白面瑩如玉春風汾州波芳草繞堤綠中
原無塵沙一眺陵與谷金鉞肅慎矢射虎南山麓暮脫
錦補襦花深杜陵宿男兒負意氣逢時卽令僕豈同轡
下駒俯仰傷刺促

子夜四時歌

青青陌頭樹嫋嫋楊柳枝東風漾晴日何處不垂絲
妾身冰雪姿不用白團扇願郎心裡熱莫到秋來變

賀園詩集

卷一

三

金井啼夜鳥玉墀鳴蟋蟀不怨機杼勞但願早成匹
玉手擁金爐沉沉天未曉恐歡愛異香爲歡炷龍腦

李波小妹歌

鑿蹄驕馬如游龍鬢錦十圍花外紅左顧右盼氣象雄
玉手撥開五石弓仰天射落雙飛鴻帶刀番部逐且從
捲簾作管吹寒風男兒不足畏女子安可逢

擬元人十臺懷古

姑蘇臺

歐冶鑄劍神鬼愁鴟吞結網爲復仇美人贈敵如贈劍
吳王一笑梧宮秋雄蜂雌蝶通叩叩地窄不堪迴舞袖

北山遶石南山材百尺高臺新築就如茶如墨望紛紛
振鐸鳴鈇日夜聞空向中原爭晉長却令近敵摧吳軍
百年霸業歸流水禾黍豐碑兩遺址亡吳興越果何人
傾城未必山西子

章華臺

楚靈嗜賦氣如虎鞭撻諸侯睨守府富都長飢宴章華
鯨作鐘聲鼙作鼓須臾樂人進樂方盛鬻盈列兩行
秦箏趙瑟參差奏小垂手拂雙明璫豈知饑走乾溪道
不臥金床臥荒草渭人遠去幾時歸鬼火零星山月小
復陶豹易一朝空花柳春深怨渚宮細腰最是無情女

賀園詩集

卷一

四

年年猶逞迴風舞

黃金臺

燕昭重士復重金高築黃金臺十尋一朝買駿自隗始
轟動風雲猛士心齊秦晉楚紛爭霸冀北何曾得方駕
黃金鑄出昌國君七十名城連戰下嗣王早自信譏言
將軍不用苦煩冤龍馬天邊凌天矯火牛夜半莽騰騫
嗚呼昭王不復作金盡臺空氣蕭索玉驄蹀躞長安街
仰對寒雲雙淚落

朝陽臺

諫諍主文多微詞憑空結撰神娥姿楚人壘土高百尺

丹壁雕楹卓翠旗十二峰頭重雲鎖綉鞋細踏雲貼妥
冉冉輕魂入夢中芙蓉雨濕胭脂采青螺點點垂烟鬟
碧澗琤琤響珮環神去神來儼容與斷猿啼月愁空山
江水如羅不盈幅荒唐一賦留南服裴王朝暮在高唐
有女西隣窺宋玉

歌風臺

秋郊鬼哭大蛇死五色雲從芒碭起王侯將相寧有種
乃公馬上作天子宮中雌雄鳴喧闕其勢飛騰欲上天
鐘室之謀誅所忌淮陰頸血濡龍泉當年自負非吟伍
走狗猶能制呂姥歌風一曲爲王孫且喜且憐露肺腑

寶園詩集

卷一

五

高臺不復舊嵯峨寂寞荒基感慨多河上行人臺畔過
棹歌歌罷歌漁歌

戲馬臺

學書不成去學劍八千子弟渡江戰沈船破甌挫強秦
壁上諸侯膝行見還鄉戲馬馬下羣獨有烏騅足等雲
莫矜辨馬重瞳好不識馬上韓將軍楚人沐猴秦八鹿
秦楚之際兩相逐鴻門宴罷赤龍歸居鄢楚更春聲哭
夜起帳中聞楚歌英雄兒女繫情多陰陵慘淡餘數騎
猶向虞兮喚奈何

望思臺

西京天子求不死仙掌金華接天起文成五利拜將軍
朝祀神君暮祀鬼桐人入土幾時埋宮掖深沈事可猜
廸德空將博望建弄兵忽向泉鳩來學仙不成成巫蠱
儲君早爲江充苦前星黯黯夜無光思子登臺亦何補
三老歎歎前致詞壺關詣闕訟冤遲請看四皓安劉策
羽翼潛成人不知

銅爵臺

刑餘遺孽曹吉利炎劉火燼窺神器南枝不許夜烏棲
大耳紫髯分鼎勢五官含涕逐靈芸八斗多才賦洛神
老子於茲興不淺銅爵臺藏佳麗人呢呢窻前兒女語

寶園詩集

卷一

六

寶履分香淚如雨羣婢無心望墓田上春何處呈歌舞
漳水無情日夜流西園賓客一時休三馬同槽移魏社
蕭蕭疑塚成荒邱

鳳凰臺

雌雄雙鳳鳴鏘鏘斷竹吹竹分陰陽四德本從丹穴育
九苞忽向金陵翔六代繁華易銷歇長江流恨環天闕
永昌故里寂無聲白門夜夜烏啼血錦袍學士飲中仙
爛醉長安酒市眠偶來臺上意瀟灑興酣舉筆搗山川
後人嘲口休輕薄絕勝崔家舊黃鶴才子靈禽招不歸
行寒鴈蘆洲落

凌歊臺

宋祚方興晉鼎徙十二銅鐘鳴漢水五虹瑞氣數傳消
嘉禾玉燭迎雲起大明校獵當塗游層臺百仞凌斗牛
丹霞紫電照珠翠歌舞三千在上頭陰室開時知儉德
麻拂葛籠猶掛壁嗣孫好作色禽荒田舍翁問應嘆息
萬里江流去不回寢園已化昆明灰題詩丁卯橋邊客
愁見棠梨花亂開

畫鴈

素練三秋迥寒蕪一望平盤空雙眼疾到地萬人驚雲
向身前散風從爪下生長揚方射獵狡兔敢橫行

質園詩集

卷一

七

題幸蜀圖

何人畫此千丈岡峽雲川樹爭低昂蠶叢魚鳧紛在眼
襟帶關隴連荆揚秦人雄畧議開選始與中國通梯航
蜀道之難古所畏天寶西幸謀非臧翠華蒙塵走萬里
文武一色皆戎裝仗鉞者誰奮奇節至今史冊留焜煌
腋肘思除根本固坐使李郭清邊疆乾旋坤轉國猶活
杜陵野老歌慨慷嗟余懷古距千載但從卷軸觀興亡
長安佳麗甲天下有池凝碧樓瑤光念奴歌喉玉窗窸
鬢兒舞帶金琅玕支滿篋進南海葡萄釀酒來西涼
五家珠翠照天地化為鐵騎爭騰驤終古鈴聲愁暮雨

當時法助傳霓裳美人鐘鼓散朝市此圖豈不關滄桑
嗚呼此圖豈不關滄桑

寄橋李陶玉川爾音兄弟

一串驪珠宛轉歌駉驪韶景太蹉跎茂陵詞賦雖然少
騎省春秋未覺多天上白榆難問種人間滄海易生波
湘皋望遠情千里奈此芳洲杜若何

北垞十咏

存二

雙杏堂

齊梁宮體最銷魂金粉飄零不可論獨有江南千里夢
杏花寒食雨黃昏

質園詩集

卷一

八

弄珠檻

采采明珠意若何芝田館外水如羅茵花落盡晚風起
十二玉屏生翠波

元夕烟火歌

勾芒執鞭雙髻了太平銀榜殊書斜立春節近上元夜
冬冬畫鼓聲紛拋火蛾麤質看不足碧空側掛天台霞
乍如阿房遭楚炬五步十步鞠雷車復如東風焚赤壁
舳艫千里成灰沙一云火鷄羗壘破又云燄象吳軍譁
虹垂電劃乃如此千金一擲真豪奢我時踏月逐茅屋
孤燈綠焰明窻紗珠斗星橋憶夢寐膽瓶忽放寒梅花

沈梵陵畫羅漢歌

冰綃八尺懸清秋梵陵下筆神鬼愁誰與匹者曾其休
應真古蹟今尚留益中雷電聲破壁一寸龍蟠如蜥蜴
須臾天矯凌九霄五人仰觀齊變色旁有三人同展圖
神勝貌古身清癯一尊側立橫睥睨九真膝杖紅珊瑚
其後神床不盈尺或坐或眠或袒裼玉女天花散衲衣
悟者點頭迷者寂嗚呼梵陵高手新百變幢璫冠玦開
生面蓮臺九品湧慈雲十八阿羅都不見

送吳好山之楚南

數聲橫笛起江樓旅鴈南征去不留人似六朝工賦別

黃園詩集

卷一

九

地當三楚易悲秋香荷好作靈均佩寶瑟能傳帝子愁
知有沅湘懷古意攸舷吟向白蘋洲

題黃園春宴圖

并序

先家宰等軒公讀書土城山榜其廬曰黃園通
籍四十年予告歸里奉太夫人板輿行樂置酒
高會嫺嫺即圖中所繪春宴是也鼎革後屢易
主者僅傳此圖縣之庭內乃與族人拜而祭之
慨然有作

嗚呼土城歌舞歷千載流水依然山不改新蒲紫立柳
黃眼尚書池館分明在憶昔先朝正太平青郊背郭賦

堂成許昌花木收襟帶洛下文章掇弟兄曲江一赴櫻

桃宴鸛鸞接翅翔霄漢天語親傳到玉墀承恩射策披
香殿南國寧人無競練持節載領東諸侯六師九伐歸
掌握公名且夕樹金甌采蘭忽憶南陔路倚門有母傷
遲暮下言疏入感宸聰詔許寧親十年佳入山重向土
城游狎鳥馴魚幾度秋草杜聲華方爛漫鄉校賓客倍
風流明年闕賊犯畿甸九點齊烟一時變全家相對盡
春皇太平樂事難重見只今圖畫想平泉漆炬陰森照
墓田僵枿枯藤迷處處兔葵燕麥長年年白頭父老猶
能識往事淒涼淚橫臆宋玉江陵庾信居延清輞口王

黃園詩集

卷一

十

維宅古今萬事有乘除一代繁華過眼虛綠野雕橋安
足嘆九成五柞尚荒蕪

打魚歌

船頭掛絞衫船尾掛罾籠銅斗一聲歌春波島頭綠園
郎十五身手輕乘船撒網如墮行破碎琉璃三百頃點
點歷歷癡癡生彷彿昆明觀水戰以楫爲馬南人便蛇
涎突走常山蛇參差亂落平沙馬大魚偏強雙眼赤小
魚瑟縮不盈尺腥風上捲紅日光陽鳥飛墜暈暈它自
言八口長江湖四腮入饌同園蔬秋風不必思張翰良
夜何用誇鱸君不見近水漁樵無稅賦家在南塘橋

外住收綸沽酒月明中一棹蘆花不知處

秋草

金風低拂小窻紗無復裙腰碧暈斜殘照半塘宗炳宅
寒山一抹謝敷家愁生落葉哀蟬曲夢隔香塵寶鉤車
喚得王孫歸意否不堪憔悴過天涯

題周文矩金谷圖

妾綠珠園梓澤石家富敵晉國綠珠死後幾千年梓澤
之名世尚傳蜀江錦段何時剪不障諸奴利財眼桃花
喚出墮樓魂夕陽紅照傷心淺雙燕多情接翅飛香泥
猶帶珊瑚肥風光如此無人賞滿目山川淚濕衣季倫

質園詩集

卷一

上

季倫勸爾一杯酒如意徒勞長在手不見齊雲湧月落
星樓六朝佳麗今何有

度曲行

紫霧迷春青帝醉火鳳夜籠金翡翠騰身飛上九霄歌
宛轉一聲雲影碎鼓師臨立袖高捲頭似山峰手雨點
秦時玉瑄相繼吹車馬山林颯然滿從此笙筑琵琶等
八音鼎業若貫珠利撥何須誇賀老催春不用勞花奴
急如萬仞摩蒼鶻細若千絲垂綠髮潮迴風散寂無聲
但見長天掛孤月勸君酒對君歌昔年臺榭今陂陀昔
年粉黛今藤蘿人生不樂將奈何太平歲月律呂和待

我雅頌廣猗那

上冢歌

青山繞郭碧水斜野風閑遍棠梨花衣香鬢影助春色
出門上冢知誰家真珠絡鼓拍復拍楊柳蕭蕭映松栢
湘蘭楚菊自芳馨石馬金蠶長寂寞剪紙難招萬古魂
舊碑磨滅新碑存生前有酒不成醉臨酌年年到子孫
空濛幾點神靈雨靈喜靈嗔沙何許一九小月夜臺寒
木客山精作人語

廢宅歌

樹非樹花非花何人居公卿家主入舊作金龜客威奪

質園詩集

卷一

上

千家成一宅平頭仰面倚椒圖見人驕作猱獐色民膏
點燭珊瑚紅當筵百串珠玲瓏捲起滄溟向人瀉不知
身入波濤中石苔泣露凝愁綠蛺蝶雙飛壞闌宿美人
狎客散如烟誰唱春風斷腸曲嗚呼人生何必萬戶侯
安用一識韓荊州古時笑語今時淚對此空爲世所羞
勸君不必長嘆息後之視今今視昔君不見崑崙萬仞
玉芙蓉巨獸靈香化荆棘

彈箏曲

綉襦寶袂邯鄲女綽約如花嬌不語參差鴈柱十三行
宛轉爲君奏爾汝今夕何夕銀漢清玉繩低低垂曲瓊

老蛟古澗叫千丈孤鳳高岡鳴一聲屏山六幅含愁倚
銀甲多情護纖指湘波如淚碧連天蕙草萋萋抱秋死

琉璃屏風曲

瑤館生涼晚風起一掬瀟湘瀉千里小鬟輕展六扇屏
放出寒光射眸子魏家公子春斷魂金爐石葉香氣溫
曉霞欲散猶未散安用懶懣懣傷痕水晶簾近共舒卷
薄比羅紈淨如蠶幾曾孔雀向風翻枉使吳牛見月喘
身在琉璃世界中大莊嚴海青濛濛豔雲一掃澹無跡
十二玉樓秋夢空

蓮浦謠

寶園詩集

卷一

七

采蓮女兒弄輕碧香老橫塘秋欲滴鴛鴦飛去太匆匆
綺羅畫舫無消息萬古西江日夜流綠波倒影入紅樓
重來已悔成前度白馬當時不少留

玩鏡詞

玉蟾古魄何年墜雨綉苔紋纈成字不知當日照誰家
曼睩修蛾無限意青樓美人香夢轉十二珠簾呼婢卷
初日未高花影寒一點春星綠雲滿

巫峽

巫峽思姚女懷轅望宓妃情花連理結匹鳥一雙飛並
權芳衛老當門皂莢肥車前曾擲果窗外正縫衣綠綺

看徵曲青綾聽解圍千秋扶錦下五日採蘭歸族望通
青瑣郎官近紫微遲眠中婦覺夢起外人譏短夢出鶯
語高襟許燕祈司花紈素薄拜月額黃微剪綵新成勝
呼盧笑賜緋芙蓉千疊繡芍藥九張機去速嗟段袂歸
遲怨佩章已驚新病瘦敢謂碩人頤古樹烏方宿中庭
蠶又饑寄聲銀漢遠相見曉星稀薄命身將老多愁淚
易揮蘭苔拾翡翠江漢拾珠璣青塚他年是紅牆舊事
非春光徧晴陌一一問芳菲

游仙

舊住無爲野新來小有天風微金作霧日煖玉生烟香

寶園詩集

卷一

七

草方紛若丹花亦赭然桃驂春弭節杏虎曉垂鞭沽酒
餘杭市哦詩太華巔紫臺初發笈絳崖欲通箋火藻堦
重上霞絲席屢踰百靈同講論五岳共傳宣正實分溪
父松肪贈僊伶飛軒弄白葛披氎引紅泉蕩志昆陵闕
尋芳雲夢田連眉俱窈窕廣袖正便嬾逐貌爭紫手聞
聲又拍肩定情投碧柰加食勸紅蓮蹁跹矢齊開口藏鉤
戢握拳拋翻敲藥臼輸盡賣花錢白鳳依雲度青龍枕
水眠荷羅堪織錦筠簞自鳴弦縣圃同鋤蕙蓬萊獨扣
絃蘭成堅似甕藕熟大千船嘉樹恆春植華燈徹夜燃
丹成真狡獪羽化最踰躐緱母原名婉彭郎近姓錢西

池春浩浩東海水
濺濺薜蘿衣
堪結芙蓉帶
可褰諸天
足官府莫把姓名鐫

蘇若蘭織錦圖詩

王虎牽素絲
金鴉護瑤壁
中有絕代姝
皎皎當窓織
春風入指寒
秋草穿梭碧
含淚思古歡
纏綿安可擘
不怨織者勞
但願觀者憐
仇英爲寫真
吮粉描姬嬈
薜蘿微小院
香翡翠重簾
飾麗景與幽
情紛人丹青
間我聞古姬
姜義不忘棄
擲長門陳后
愁執扇班姬
惻滄海咏元
稹紫釵辭李益
負心何足道
薄命良可惜
寄語卷中人
善保傾城色

質園詩集

卷一

五

園中花木詩

松

勝友蒼髯叟
盤桓舊相識
松花滿石床
無人見鼠跡

老桂

金粟跏趺坐
經秋寂寞開
無香亦無色
合掌古如來

竹

長身六君子
伴余清淨退
初日上紗窓
臥看金瓊碎

蓮

池上納涼時
露冷羅裙濕
高捲水晶簾
盡放香風入

水仙

凌波見驚鴻
徙倚水精闌
陳王八十才
一半消羅襪

梅

拘翼千玉妃
瑤林共遊戲
橫笛倚高樓
寒香滿天地

碧桃

吹笙醉碧桃
春風卷珠箔
不見桐臺人
飄飄夢伊洛

望香爐峯

出郭復入郭
望見香爐峯
不辨上方寺
冷然何處鐘
夕陽忽逐照
爛爛金芙蓉
逕欲攜筇去
雲深隔幾重

初食櫻桃

青梅似豆何堪摘
杏子初生未滿枝
才喜櫻桃紅上市

質園詩集

卷一

七

筠籠小簇少陵詩

尋柯山諸勝

游山如讀書
漸進不宜懈
亦復如悟禪
得意在言外

本即整人芒鞋信所屆
羣峰理曉髮綽約多姿態
大米小米圖粉本
辨茫昧脚下有烟嵐
胸中無罣礙何須建

采庵一覽九州大

溪山草閣

秋風吹木葉
忽送萬山聲
清梵有時斷
淡雲無限生
浴溪雙鷺下
洗鉢一僧行
不道開麋鹿
都含佛性情

七星巖

我聞北斗杓歷屋七星朗散落牛女曉望嚴重象其
下蟠蛟螭其上立罔兩云是神所爲歟讓開雄長與
不可作誰能辨微茫一徑入塵展如扇如盆盎白狐化
爲夢其蛇大於掌金輪不控地山靈豈來往世路多嶽
將去哀動俯仰千金蹈垂堂茲游真個儻

沐道人山房

道人老有道自製薜蘿衣清夢白雲遠晚林黃葉稀重
詩應不遇愛此暫忘機十里下山路蒼然橫夕霏

獨闕謝神忠敏公像

豈獨銅駝蔓草荒故家遺跡久淒涼兩京不盡孤臣恨

質園詩集

卷一

七

萬古長閑四負堂城郭鶴歸愁愴恍山川龍戰血元黃
尊前莫話華嚴劫百八鐘聲下夕陽

柯亭橡竹歌

中郎審音先用目以目代耳得橡竹高遷亭古歲月深
荒涼閱世無知音在昔曾經丹鳳食一朝忽作蒼龍吟
中郎當日來吾地青光咫尺含靈異遂師總祠配陰陽
吳峇一聲風雨至如此相竹天下奇伏潛作賦胡曾詩
良玉在山珠在水無意寶者乃得之卽今亭址生荆棘
六竹俱亡事堪惜神物千秋遇合中世間何處無焦桐

塗山謁大禹陵

蛇龍中國騰蚺螭萬民戢戢昏墊愁維帝有咨曰女禹
躬乘橈楫兼車舟蒼水使禹神夢異昔宛委窮搜求
庚神大鏡鑲奇相百靈炯炯譚政公積石旣疏龍門道
星羅棋布分齊州九牧貢金匱九鼎用錫上下承天休
元圭告成踐帝位塗山萬國來共球東巡翠蓋不復返
客居一逝同悠悠桐棺草檟無改列市朝闕盡如蟬蛻
烏松燕噪事頗怪無餘廟祀昭春秋我聞法官尚儉嗇
加以念碧母乃在旁廬一亭名窈石若鉅若杵神所留
或云內藏蚺蚪字黃白下護雲油油或云高密入此穴
土堦五等蟻蟻衰史遷不作劉向死千年聚訟衆楚咻

質園詩集

卷一

大

舊跡淪溷明德遠如地持載天覆幬揚州自古稱澤國
桃花瓠子多橫流側聞淮黃肆吞吐河伯獨目揮戈矛
楚州之南廣陵北辟諸魚在釜底游全淮已乏刷黃力
遂使濁浪排山頭况當雲梯古關口下隰漸化爲高邱
水無歸宿將汎濫議疏議塞無良籌何年金簡重世出
安瀾免厓東南憂

月夜宿雲門

木落夜氣孤萬峰一明月上方木幽映得此更清絕晏
坐人未眠四野啼蟪蛄

看劍歌贈趙野樵

夜談虎四座人色變談虎尚畏之矧乃真虎見背
前莊生說劍詞燕鋒齊錡何珣奇今宵看劍如看虎願
盼立退千熊熊掌上忽飛三尺水陽者龜文陰綬埋淒
淒古血鯨鯨胎虎吼一聲天地紫本是良工截髮成雌
雄百鍊雙丸明誰與佩者曼胡纓太乙下視妖狸驚君
不見三河少年輕俠子驍驍蹴踏長安里片言即爲知
已死恩耶仇耶伏劍起趙生讀書百尺樓慷慨自分無
恩仇胡爲按劍橫睥睨夜夜光怪騰蒼蚪趙生勸爾一
杯酒劍花滿空杯在手水轉天河濕牛斗

題孟昶挾彈圖

質園詩集

卷一

充

房陵雲樹錦江春杜國含毫爲寫真一片降幡齊解甲
欲將金彈向何人

早鴈

蕭蕭落葉點人衣正值金河早鴈飛丹鳳城中宵乍永
紅蘭澤畔景全非千家寒杵秋聲急一帶疎林夕照微
苦憶年年征戍客玉關迢遞幾時歸

出郭

幾日秋陰畏出城今朝天氣迥清明西風先到無人處
散作寒山萬木聲

聽隣舫琵琶聲

小泊吳娘銀鏤船伊州一曲四條絃水禽拍拍忽驚起
月照柁樓人未眠

質園詩集

卷一

辛

質園詩集卷二

會稽 商 盤 寶意

黃金臺懷古

燕昭禮賢士高築黃金臺當時昌國君豈爲黃金來高
臺尚遺址黃金安在哉我從千載後弔古披蒿萊身受
或忘恩旁觀有餘哀方今 聖明世珠網連天開夔龍
盡垂紳不藉管樂才騏驎充上駟此外同鴛鴦徒抱霄
漢心終慚樛櫟材日暮控征車檻檻鳴春雷浩歌感遇
篇席帽猶塵埃

入京晤周石帆庶常

質園詩集

卷二

十一

不見髯翁兩載餘碧雲日暮渺愁予幾人尚向長安笑
天下皆言處士虛那得虹蜺歸掌握揀將歲月注蠅魚
昌黎故事酸寒甚况少來京一束書

觀象臺

太昊分晝夜放勳命羲和皇虞在瘠璣七政平不頗馮
相與保章周禮詳縷觀天意卽人心方寸藏大羅景慶
共機槍福禍理則那 聖主握乾綱開闢高我按圖
顧天正咨女精研磨築以臺上尋餘符曉陂陀銅杓間
玉漏衡管厥用瑳春以平東作夏以秩南訛朝日浴咸
池夕月驅織阿天正工歷象寬測誠無差太歲曰闕逢

五星貫纈網合璧表異符壯采紛婆娑天正上茲祥

帝曰予女嘉古來踐皇祚欽咎罔敢他太上通呼吸其
次警薦瘞最下忽天戒妖鷄毒蝦蟇茲幸龍氣雲漢
文蚪蚪拚提命皇極樓垣市貨售砲鼓頤頤來靈龜撫
騰蛇五車兼三柱豕虎如投梭龍鳥分朱黃庭座相透
進中接紫微樞七曜歲一過陽燄止八宿分野列鵝鵝
經緯入一管細不遺么麼萬古看蟻轉太初安足多司
馬著天官平子靈憲謬何不登斯臺搗破老白科我生
已苦晚北斗纔能呵槃燭笑矇眊天高豈可摩 皇帝
道恭默八伯歷載歌光華旦復旦安用張騫槎

質園詩集

卷二

二

吳璽歌爲剡中吳大文賦 并序

溪光一鏡相傳戴氏舊居山翠千重不待周侯
著色家在畫圖之內人以耕織爲生桑土既蠶
鳴鳩拂羽莫不簾垂密宇梯倚濃陰乃有分甕
未繅宛然執綺臨流欲浣皎若冰霜長可盈尋
薄如無物雖百歲翁所未覩笑五色草之非奇
作爲此詩廣諸好事

昔聞員嶠山冰蠶七寸覆霜雪璇璣夜織雲錦衣入水
不濡火不滅又聞樛桑國曾泉蚤食開鴻濛野蠶作蠶
大於盎此語傳自蘇髯翁吳君舊住東山麓十畝閑閑

柘陰綠老妻采葉朝採葉稚子提筐暮歸屋簷簷變化
眞靈異口不能言通以意集思廣益厥功成小物居然
知大義乍如數尺鯨人綯天風海色翻秋清又如一幅
澄心紙紅燭珊瑚照修史吳君得此輕瓊瑣夜夜光氣
騰空虛百頭直可勝國客八廟何必誇吳都吳君珍重
經綸手述異誰從問遺史刻經局廣聚名材爲君作記
孤竹守君不見聖人在位陰陽和九岐五穗聞農歌
男耕女織無輕重懷寶不獻理則那豈無珠玉貢天闕
不貴異物貴用物此寶一出登館簾織具荆揚同黼黻
寶兮寶兮今奈異何吳君遇合毋蹉跎

質園詩集

卷二

三

雨夜

落葉帶疎雨不知何處聲驂驪清景暮浙瀝壯心驚砧
杵千家急樓臺一笛橫寒宵正愁絕况近鳳凰城

聞蟬

石繖峯邊路年年噪夕陽忽驚新氣候何處好池塘森
木雨初霽古城秋正涼如聞楚天雁悵望一沾裳

題畫冊

紅蕉花

占斷風光粵水邊數枝紅近僊人船自從譜入稻舍後
始然蘇園扇手仙

金蓮

誰將寶鉤作根荄皎鏡方塘簇簇開傳唱新詞花更好
凌波眞見宵娘來

夜來香

石葉香濃魏苑春靈芸原是此花身怪他子建多才思
不賦鍼神賦洛神

蠟梅

小月昏黃處士家智瑤遺照夜橫斜鬱金裙子銷魂色
不是仙人萼綠華

梨花

質園詩集

卷二

四

翠微宮靜罷吹簫玉雨瀛洲怨寂寥爲報多情秦駙馬
斷腸寒食又今朝

對月吟

鳳凰樓中玉輪滿龜甲簾輕帶烟卷舞妻瘦骨不禁寒
蟾蜍淚滴雙闌干十二峯頭雲一色湘水無波影微白
抱愁龍子耿不眠亂擲明珠打河伯流光如電復如馬
竊藥偷桃事疑似君不見野土難平萬古心無人燒作
鴛鴦瓦

吹簫曲

燕子啣春香滿地鈿暈鰲綃水紋細瀟湘簾卷珊瑚鈎

雌鳳一聲生古愁
碧雲壓樹濃意重
寒入筍枝紅玉凍
昭華斜壓不肯吹
閒憶騰騰昨宵夢
翠微宮冷銷魂夜
衛羅靈馭難同駕
沈郎歸隔小巫山
梨花如雪無情謝

書燈歌

短檠二尺短長檠
八尺長長短各有用
愛茲中夜光此
光纖細如絲縷
不向華堂照歌舞
惟有傳家四庫書
夜夜燈前作倚侶
仲冬之月氣鬱陶
暗風入牖聲颼颼
映坐何須覓螢火
開函不用焚松膏
君不見蘇秦失意愧
妻嫂口誦陰符歷昏曉
又不見朱詹好學世
所稀饑來無食寒無衣

贊園詩集

卷二

五

春行

九陌衣塵歲歲加
慣將潦倒閱繁華
王孫歸意深芳草
宮體銷魂爲杏花
擲果車從何處路
賣珠婢是阿誰家
金釵坊畔無人識
獨對旂檀日易斜

寄孟丈硯隣

三載一爲別
高風誰與親
白蓮香火社
黃髮太平人
地勝居仙島
心閒養谷神
種松無恙否
歲月老龍鱗

題八師吳丈撫松圖

不到珠園久
將翁得見無
雪中三徑在
身後一松孤
子夜誰橫笛
黃公尚酒壚
茫茫千古意
忍對坐龍圖

投壺歌

投壺之禮古所垂
賓筵酬酢樂有儀
踰言借立著深戒
義取正直非新奇
今朝張燕習嘉禮
兩楹羅列無參差
立馬以三挾矢四
諸賓登降肅不欺
嗟余好古生苦晚
魯鼓薛鼓亡其詩
張氏作圖卜作律
舊經新格何人知
分曹尚德不尚藝
但求命中良可嗤
是時深院日方午
酒鱗浮動黃琉璃
琤銅韻錚錚振庭樹
疑有落葉飄堦墀
丈夫懸弧本素志
會須手靖西南陲
弓矢載囊永不試
太平高會無窮期
作歌紀事人爛醉
玉女正伴天公嬉

題郭忠恕輞川圖

贊園詩集

卷二

六

摩詰輞川不可見
後人但見輞川圖
延清廢宅委荆棘
何年結構開荒蕪
椒園竹嶺最清絕
間以翠柳紅芙蕖
兩堤烟水渺無際
月中人語聞招呼
夜半高吟冰雪句
和者裴迪眞吾徒
天寶喪亂那可道
萬乘千騎奔成都
凝碧池頭奏絃管
古槐葉落秋影疎
太白醉歸芍藥老
海青血濺琵琶孤
給事一官等蟬翼
豈有慈名殲龍豬
功名雖不如李郭
踪跡尚可歸樵漁
主人高士寫此本
良玉百穀千明珠
郭君筆墨亦超邁
全是精魄非形模
少游昔日汝南見
驅遣二豎同收斂
始信丹青含妙理
光澤漫漶神明俱
題詩展畫夕陽落
蒼蒼野色生肌膚

題章藩長春郊試馬圖

東風吹草綠袍袖廣陌無塵春似綉銀鞍金絡玉連錢
鞭絲一縷斜陽瘦公子昔年居幽州五花駿馬千金裘
正遇洗兵初罷戰遂令投筆難封侯歸來豪氣橫寥廓
分付丹青畫行樂重憶呼鷹射雉天馬前五色紛紛落

題徐綉山從軍圖

執手問徐君踴躍欲何往未爲八州督先作百夫長君
不見聖朝威德敷四海奈弱連年齊奏凱一片雄心
入畫圖雕弓屬甲殊瀟灑嗚呼書生胸無文武才舉頭
空羨凌烟臺廉頗李牧今已矣玉關銅柱生蒿萊徐君

廣園詩集

卷一

七

年少好身手百戰功名雙印鉏龍淵三尺劍華寒恍憐
酬恩寧肯後越溪數尺冰雪紗千營萬幕屯平沙曾傳
赤狄夫人塞何處烏孫公主家陣雲邊月眞綿邈碧漢
茫茫一聲角此圖此歌愁煞人陌頭楊柳傷青春

秋夜聞蟋蟀聲

涼月忽東上金波如水流寒蛩四壁起長信一更愁欲
竟知何處餘音尚滿樓平生譏宋玉此夕竟悲秋

題畫五首

趙松雪李白天子呼來圖

花時倚醉入金門中使傳來玉片溫大德丹青天寶事

一般才調兩王孫

林良鷹

塞草全枯一望開西風獵獵掠鷹臺太平林藪無妖鳥
閑然金眸玉爪材

仇實甫老子談道圖

五千文字一朝成清淨何能佐治平失笑龍光染殿事
戎衣談道不談兵

高鐵嶺麻姑仙子

法醺天厨事若何孽磨沾酒笑相過纖纖鳥爪眞無賴
勾引凡夫背養多

廣園詩集

卷二

八

暉南田桃花

前度探春向若邪倚風含露最天斜多情畫裡朦朧見
銷恨銷魂是此花

鍾馗春遊圖

前輩論畫師唐有吳道子奉敕寫鍾馗含毫狀奇詭此
圖出舊家狡獪態無比彷彿古朱繇與師不殊曉馗也
磊砢姿日頰短髯紫踴躍赴春遊風日何清美壓帽花
醺醺灑裙水瀟瀟其從紛如雲各各被綺綺望豐穰纖
幢颺颺奉巾韃藐小白與魑亦復供使僣時嚼鬼肝
渴卽吸鬼髓衆眸伺顏色倏忽變噴喜山店酒初醺青

宿翻燕尾下馬進百觴一醉陵谷圯腰間雙步光玉具
委泥滓此老太沉湎定遭同列毀人言鬼易畫豈識丹
青旨石恪圖玉皇伯時貌山鬼國朝能者二亦足傳畫
史董旭吳下稱老遲越中起善窮諸變相妙得大幽理
平日縣此圖摩挲夜不止詩成鬼作聲綠燈小如米

姑蘇

花草千年怨未休梧宮蕭颯不勝秋君王本自堪亡國
蠶種何能共復仇爭長黃池茶火散驚翻翠袖管絃愁
采香響屧都如夢一綫餘春落虎邱

廣陵

質園詩集

卷二

九

錦帆往事總休論天子風流異代存博得雷塘廿一死
賺他杜牧又銷魂夢中夜月青樓影鏡裡春山綠黛痕
彈指繁華歌吹歇蕭蕭烟柳易黃昏

洛陽

懷古曾停攬勝車大梁佳麗近何如婆娑九老衣冠盡
賤現中原戰鬪餘洛水嵩雲春浩渺漢陵宋閣晚蕭疎
夢惟好續東京錄長使興亡感廢墟

臨安

何處銷金第一鍋小朝廷戀好山河千層巴蜀機中錦
上斜昆盧髻上螺痛飲黃龍遺恨遠疾馳白馬暮潮多

絕憐御愛花無主猶向春風鬪綺羅

雜題畫冊

鴈齒橋邊水春添百道泉溶溶流舊恨綠上麗人船
爾牛何處來濕濕有生趣一髮柳絲風吹笛穿林去
樵唱入南軒知有負薪客白雲深更深但見磨麴跡
月落子規啼略辨長堤樹春氣欲迷人非花亦非霧
空山六月秋山雨忽然至惟有碧琅玕知我清涼意
周石帆庶常寓齋舊縣高鐵嶺畫龍一幀入都重
經其地徘徊久之時周教授溫州

質園詩集

卷二

十

長樂三年夢裡鐘宛馬權奇思昔荷楚娥迢遞託芙蓉
滄波流盡人間恨一夕風雷失臥龍

讀溧陽師日南諸咏

貂裘古驛隸 皇輿絕域烟霞護 聖書旭蘇軍營應
不改廣淵風俗近何如簪花細簇交娘髻騎象遙迎漢
使車本是中朝人第一儘教名姓達單于

題吳樸庭燕游集後

佩得千金劍初爲萬里行飛花螭蟻葉落月空溪城珠
玉真無價登臨迥不平荆高遙抗手慷慨一遁名
絕代淒涼意侵衣月一痕麗情懷玉臂清景失珠璣

所居名 結客多燕趙論詩薄宋元破除文字業
無言

送樸庭歸越

昨歲聯征騎蒼茫望諸登臺徒有賦寄妹可無書
驛蹤此外鶯花旖旎餘感時菱舄熟同憶野人居
自笑冰心冷誰將鐵胆開雲連三雀觀雪盡五花臺
慈
兼福情緣却累才絳宮翹首望故國是蓬萊

題陳所翁畫龍

神龍不可羈驤首六合隘縷縷魚鱗雲波臣雜水怪展
卷聞驚濤隱隱起澎湃淋漓著墨處所向無壘礙濃作

質園詩集

卷二

七

春江烟輕爲遠山黛遙知所老心迥出雨雲外

秋夜聞落葉

落葉知秋意紛紛點客心邊聲三寒迥夜氣一庭深帶
雨應堆砌因風或出林夢回驚老瘦况雜搗衣砧

憫忠寺咏古

秦王最英武捷伐邁古今鄭主旣而縛夏主亦手禽如
何高麗師獨挫東海濤將母老老及戎者王心浮赳赳
殺魄雄閃閃青燐陰

有唐中葉衰漁陽實禍始天心未厭亂安殲又繼史乍
降亦乍畔非復人事理穹碑頌功德綴辭空駢侈悲哉

亂賊名石碎名不死

周封帝堯後燕國卽燕都燕金建都會屹屹開皇圖今
人感陳迹野老安康衢作豐與作編在昔無定區請看
古寺基舊在城東隅

子擊好晨風魏主與悲思裴薛愧異食因歌鹿鳴詩從
來至情人感觸皆淋漓義在五倫間忠孝良可移吁嗟
宋遺老死爲曹娥碑

玉河水聲

紫陌三條直紅塵一騎還洗將箏笛耳長在佩環聞天
上無凡響聽餘憶故山晚來宮樹碧搖動綠波閒

質園詩集

卷二

七

憶越中舊游詩

王氏十三樓

憶我少年游屢踏城南堤堤上何所有春草生萋萋老
屋無人居羣鶯繞樹啼朱樓昔臨水十丈如虹霓歌舞
一朝散金翠埋香泥雕楹遂傾圯泥土融鋤犁懷古增
感嘆獨立斜陽低燕京二月初花苞柳始稊眯目黃塵
多負此駿馬蹄舊游長入夢畫檻紛提攜東風漾人心
簇簇開棠梨

倪氏七寶林

司農別業今爲寺常住無僧寺亦殘惆悵六賢祠外望

亂鴉飛過夕陽寒

董氏沐日樓

曾記春游策短筇倚松枕日最從容
緜緜收盡碧空遠
獨對天南第一峯

陶氏曹山精舍

石簣先生死高樓積翠中觀魚春水淨
參天伯圖空詩
向危時就心從險處通
百金何日辦歸買小玲瓏

沈氏十錦街

吹簫跨鳳事全非戚里猶傳沈亞之
寒食梨花休悵望
六陵松柏已無枝

質園詩集

卷二

七

姚氏南華館

少保功名百戰場歸來小築午橋莊
數聲啼鳥不知處
拂袖野花生晚香

俞氏山池

歌聞畫棟聽無奈舞逐香塵去不回
惟有年年新雨後
斷碑春水綠如苔

劉氏柳西別業

上冢船歸波緩緩倚闌人去雨瀟瀟
分明前度尋芳處
認得垂楊第五橋

張氏龍吟山房

郡城八山中臥龍最雄長燈火十萬家
羅列歸指掌旁
有張氏園年深未廢寢我昔梓里游
芳時屢來往看竹
忘主賓聽松岩塵埃曲房猶窈窕
高臺直與龍去古
潭空鶴歸暮林響題詩巖壁間
倏忽成時驛騎馬豐宜
門南望心惆恍

范氏百草園

良辰關外非紫綠紛墮地世無靈運
鬚誰助兒童戲

錢氏牡丹塢

移將春色野人家衣紫鞋紅爛若霞
惆悵冬青啼杜宇
一枝猶發洛陽花

花爲有宋舊種

質園詩集

卷二

八

陳氏六宜樓

碧色琅玕棟宇材玉屏名山爽氣絕
塵埃半醒半醉危樓
坐山鳥無聲雨驟來

邢氏采薇山房

盡重功名付劫灰千年勝概剩樓臺
孤魚幾度酬良約
漁人屢有葳蕤草何人弔伯才
絕調好翻新白紵再游還

印舊蒼苔名園幽事吾能記曾剖香柑作酒盃

孟氏夕葵園

夙愛少陵詩負米夕葵外今與孟家隣
衡宇遙相對主
人七十餘居士稱錦帶入座無雜賓
藏書有前代我從

統綺年一赴茱萸會時將元方車屢下德公并悠悠道
云遠冉冉時不再攬鏡惜華顏風塵消故態何當冰雪
身重入鶯花界高吟招隱詩桂樹方承露

送倪徵士入秦宣力戎行

秦時明月掛長城
中萬里行人將旌旗初出塞
小戎婦女亦知兵
真來宛馬真無價佩得吳鉤舊有名
聞道邊機勞聖算要令絕域享昇平

長歌寄倪數峯卽送之金陵

去年別君燕市中
酒徒擊筑生寒風今年憶君鑑湖曲
秋水微波草殘綠
人生聚散如流電還家且作營巢燕

質園詩集

卷二

五

筍屐從教入畫圖
山林何處非霄漢梅花解語夜橫陳
萬玉樓前萬玉人
寒香疎影爲誰好一奏參差天地春
聞君近向金陵去
飽看龍蟠虎踞九曲通波泛畫船
四樓遺跡隨飛絮
懷古蒼茫思不羣明霞書破遠相聞
青山一髮三千里
南望江南是暮雲

鄭雲叟卽譜歌

我聞篆書分大小
前有史籀後李斯及歷諸篇相繼作
塗改頗謂開曹草
六書八體肇秦漢篆卽繆篆無參差
刻符令一尚非古
紛紛蟲鳥徒謂爲鄭君好古識變趣
石苔金薤無不窺
鬱律如龍虎篆突見神工施

綖緼萬象入五指
螺螄鸞鳳蛟龍螭雲霞爲文山嶽質
旁及鐘鼎兼彝彝所取既多川爛讀古法不失銖與鎰
正始之朝石經立
卽卽舊格差毫釐竟陵子良亦佳耳
流傳詎免通人譏
鄭君古心復古貌肯與世俗爭妍媸
自言一生湖海客
連蜷欲建下雲旗五花臺畔握君手
要觀十鼓論豐岐
韓蘇片日生已遲鄭君所寶尤瑰奇
吁嗟此譜與此詩
二公不作誰知之

龐公殉節詩

公諱大鶴會稽人任漢南陽縣令

天末烏蒙郡蠻烟萬里蒼
兩階自千羽六詔偶豺狼
寶嶠思王會蠡沙弔國殤
嬰城誰第一慷慨似睢陽

質園詩集

卷二

六

豈不懷家室其如大節何
丹砂孤宦遠碧血一門多
當代誰專閫同仇獨荷戈
春蘭與秋菊愁聽楚巫歌

題畫扇送章修軒之吳

才傳中禁上元柑
執手春明別意含
千點桃花三尺水
鱖魚時節到江南

李猷搏鷹圖引

道君畫鷹擅今古
誰歟匹者宋李猷
今觀此圖信神異
素練八尺橫高秋
草枯木落原野曠
鷄鶩累百離絛繮
此鷹一出振林莽
氣象不與羣鷹儔
眸金爪玉其色黑
雙翻未動獐狐愁
况當攫身逐飛走
如獅搏兔豹食牛

畫中之狀何處得毋乃射獵南山頭雄材絕技散天下
乘勢必與風雲謀廉頗不用枉善飯李廣已老難封侯
雲臺紀功二十八就中豈盡揮戈矛名鷹勇略比名將
一呼能退千貔貅 國家承平少征戰良威銳滅藏兜
獲禽驅獸應時令田車千乘行苗蒐此鷹才大必有
用但擊凡鳥吾所羞前身非鷹識鷹性待時養晦誠良
箚君不見空空妙手世莫公一擊不中聲名休

李後主萬鴉圖歌

西風簇浪碎珠滿夕陽影動鰲虬卵連羣接翼萬寒鴉
宕宕江天去何緩南唐後主最風流賦詩的的如琳球

寶園詩集

卷二

七

丹青餘事復英妙寫生直欲凌滄洲初看點墨冰綃泥
旋覺濃雲向身墮行列終輪鴻雁齊蔽虧不及鵬鵬大
當年下筆疑神工翺翔思入烟霧中短翎弱翅那可齊
真主一出歸樊籠使臣曾遣徐常侍臥榻豈容人鼾睡
曹彬戰艦下江南飛鷁軍散曉何濟一別江山再見難
多情洗面淚闌干白門楊柳青溪月夜夜烏啼故宮血

張平山深雪擁爐圖

畫幕半開銀蒜墮笑指雪花如掌大禦寒不用肉屏風
獨擁傾城人一箇瓊瑤裙袂輕綃綃綸寶釵輕雲影數
獸炭煇騰童子喜星星亂點紅氍毹人閒芳樂由天賦

肅月殿晨嘆行路處士西湖絕少妻先生東郭長無樓
豈知淺酌還低唱家家正掩銷金帳玉滿堂前廿五聲
月落烏啼起惆悵

題扇頭新柳

小扇輕羅一色黃風情烟態似南唐慶奴那識春春意
葉葉絲絲有斷腸

陳丈吹谷從衡州來貽岫嶠碑追和昌黎詩韻

夏后乘標留此碑元夷使者感夢奇金簡玉字手自披
古質琅玕文虎螭此碑昔日已莫窺君從何處訪得之
令我懷古涕泗滿昌黎夢得兩寂寞千秋萬世吁可悲

寶園詩集

卷二

七

漢玉小印歌

吳剛運斧修月輪玉屑散作人間珍因方爲珪遇員璧
過時一落隨埃塵此印廉纖不成印黯然出土光猶潤
得篆模糊漢代隔世無好古誰能信我聞衛青功高尚
平陽曾經刻玉爲文章又聞司馬相如歸蜀死玉印千
年委泥滓此印流傳無姓名心知其寶難定評摩挲且
自案頭玩什襲休教天下驚嗚呼黃金斗大人爭握小
印雖微國工琢片石青田正盛行瑤瑤傳物翻淪落

佩刀歌

黃衫白馬五陵客贈我寒光細如髮古血淒淒凝不消

入蛟龍窟雁翎尖薄陽尾長半鈎缺月懸東方
昨向簾櫳城外過層陰漠漠秋蒼蒼十年作佩風雲歛
滿酣拂拭騰光燄杜老虛誇大食刀李郎祇愛新羅劍
平生正氣凌斗牛孟勞伏哭忘恩仇此刀埋沒休太息
異徵那得三公職

卷簾曲

江雲粘雨燕飛急翠剪冰紉不盈褶綠窻美人春起遲
卷簾欲放輕寒入拂床小玉垂雙鬟騰騰倦倚銀屏山
橫塘昨日采花去錦裙猶染香泥斑美人對鏡語明月
似訴華容暗中歎杜宇催春落地歸枝頭濃濃猩血
質園詩集 卷二 充
東家貧女十五餘曉來理髮雲滿梳落紅狼藉閒不管
珠露一簷方摘蔬

題徐天池畫卷

我愛青藤翁寫生工百卉一莖與一莖游戲含三昧
詩世間無事無三昧 此卷出晚年羅羅更多態直從絢
老來游戲塗花卉 爛餘漸造平淡界先生經世才放眼九州大談兵玉帳
間籌策頗奇快文章已末技瑣細況繪畫時俗味重輕
爾傳隔年代猶知子雲名庶免桓譚嘲妙婦十二種秋
菊春蘭對微風露生堪作沅湘佩摩挲增太息手澤
先人在陶公共題識隻字同珠貝 上有先家宰等軒公
及陶石簪先生跋語

登卿平遠山秀色可相如王烟客秋山圖幸不委靈輿
或恐招蜂螫東風我最識勾芒殊狡獪揮毫花下成羣
芳倘來會

題林良九鸞圖

一鸞振振騰向天一鸞仰視欲上爲一鸞戕削寒隄肩
旁立一鸞一足拳中有雙鸞欽翅眠不飲不啄神氣矜
最後三鸞行不前羽族亦有遭連遭飛鳴宿食野態全
誰與狡獪丹青傳運意長在運筆先寫生妙手真天然
秋深夢入寒塘路葦白葭蒼不知處

質園詩集

卷二

手

賀園詩集卷三

會稽 商 盤 寶意

五月初二日 臣盤以縣令蒙

特恩改授翰林院庶吉士感紀二律

上苑春如海看花歲月遲迢迢驚異數容與得芳時

黃玉登真籍青真薦士詩文章慚報 國虛荷

九重知

身自田間至科從日下開一名雖已就百里本非才

秘閣逢初試瀛洲許後來

聖恩寬束縛馭氣入瑤臺

賀園詩集

卷三

一

恭賦

御製青瑤百蔬妍

嘉蔬含

帝澤秀色動芳辰翠入提筐女香隨抱甕人春盤登可

待野老獻方新知稼兼知圃郊風不用陳

御試 保和殿蒙

賜餽侍恭紀

已赴紅綾宴重頒白玉墀仰儼唐相有桓枚楚人爲

銀線堆盤滿瑤肌籠袖宜廣徵能賦不讓與紀

恩詩 銀線瑤肌見

釋褐後寄賀園同學

曉寒催賦衍波屢携得披香滿袖烟登第喜逢庚戌

歲譚經重憶甲辰年松陵倡和終當繼天寶歌詞敢

浪傳無限藍袍前度泪六銖欲換轉凄然

太和殿

賜賜果恭紀

玉殿薰風習習輕忽分珍果到西清上林會讀相如賦

虛稱楊梅枉得名

來如瓜大藕如船開在瑤臺玉井邊一縷絲香初熨

齒始知凡骨竟成仙

賀園詩集

卷三

二

含桃初熟小紅敷赤玉擎來辨得無但是侍臣多有

渴蔗漿還望大官厨

帶露新從

禁苑來甜桃苦李總凡材

聖朝事事無遺缺得味何須諫果回

四月二十日

勅政殿散館授翰林院編修

賜緞一端恭紀

雲影霞光散玉墀碧霄傳語近臣知未應羅綺拋金

線擬學羔羊咏素絲簾館幸成廊廟器經綸須展

聖明時六銖空有仙人帳不及朝衫照雪官

上封事恭紀

七載含香近侍身簪花視草記前因
郭侯豈合談黃老宣室何曾問鬼神
未必貲郎皆悞國本來書氣最
直人都俞特荷君恩重愧少嘉謨進

紫宸

大液池新柳

苑柳含春早絲絲不綰愁有恩承鳳沼無力拂龍樓
翠幃來中禁青驄控小侯豈知離別意攀折滿橋頭

質園詩集

卷三

三

景山杏花

得地原難並含芳不易殘總因高處放長得外人看
碧嶂藏螺髻朱霞撲繡鞍羨他雙燕子接翅上林端
太液池八首

熊波垂柳碧迢迢走馬重過玉螭橋
渾似永豐坊外路盈盈瞥見小蠻腰

澄泓一鏡似新磨矯鶴驚鴻照綺羅
錯認曲江寒食後滿城三月麗人多

出谷黃鸝奏玉笙偷隨飛絮近簾旌

御床正覽宣公疏不愛如簧壓壓聲

畫裏樓臺鏡裏天雕楹玉碣護雲烟
白頭宮監昇平樂話到康熙第幾年

眠兒浴鷺不相驚鱗甲三秋冷有鯨
設把雄風誇武帝樓船百道放昆明

金蟻曾逢最小車春泥一片染紅霞
南朝宮體人間不獨銷魂爲杏花

宮樹團圓覆苑青景山歌舞暫放停
西風自起朝元閣夜半何人壓笛聽

十載簪簪賀監湖偶隨鸞鶴到蓬壺
何時中使親宣勅重喚烟波舊釣徒

質園詩集

卷三

四

曉入

乾清門進講義

待晴視鏡月清光猶向人濛濛
三島路委委五紵身漢禮通儒議
郊風太史陳平生愧家令錯喚智囊臣
初入史館

我問左右史分職記言動千秋得失林相沿及唐宋
行將重鑑戒非徒尚贊頌華袞與鈇鉞褒貶厥權重
南唐既淪亡班馬稱伯仲列朝體製殊自檢無譏諷
陳壽誌三國大義乖正統歐陽叙五代當世未傳誦
舊編二十一乘筆亦云衆紕繆遞相攻古今紛聚訟

僕本無文章細如鳥吟呻一初入承明含墨充侍從
變化非蛟螭亦向天門狎徒抱五難懼未適三良用
溫黜史局間愧飽丹黃俸清苦靜垂簾秘笈高連棟
華論如懸河豈敢辭折衷我

朝乾德隆褒職無缺縫賜租寬荆揚洗甲靖梁雍西池
獻玉環南土來銀甕貂璫隸版圖蘇祿修朝貢文教
及武功大事須周綜符瑞亦偶書歲時見鸞鳳豈惟
雲漢昭堪與典謨共殘冬氣候寒水滴蟾蜍凍散直
出銀臺垂鞭過玉蟬晚雪碎瓊多朔風強弩中歸家
耐蕭閒杜門絕迎送期期托

寶園詩集

卷三

五

聖朝三島容疎縱

奉宸苑觀白孔雀

南客本炎禽乃秉西方質縱有潔白稱反將文采失
瑞或遜鸞鳳細不同鸛鷀堪與鶴鶴羣殊非鸛鷀匹
重譯獻遠人職貢比庭實上材有職司靈罔免羅畢
方當太平世鳥獸無狘備一物雖云微亦足占隆郅
御賜日講春秋解義一部恭紀

漢儒方議禮

時方開館纂修三禮

魯史已成書竊取嚴華袞

欽頒到石渠通經誰不重製簡竟何如芸局新操筆褒

譏盡慎諸

時充國史館纂修官

蒙

賜樂善堂全集日知蒼說敬紀四詩

書氣多年

少海漫乍從九五見

三辰正色當霄漢萬古元音在鼓鐘未許管蠡窺

聖藎卽論文學亦儒宗祥金多少還方貢都入

君王大冶鑄

萬卷何曾廢

萬幾觀書乙夜靜垂衣傳心默證淵源合貫意全收

品彙歸計日獨將三篋補歌風還取五絃揮

寶園詩集

卷三

六

盛朝典學超前代手抉

天章煥紫微

樂善心兼取善心寸陰用惜又分陰鶯花世界雕搜

遍河嶽英靈醞釀深豈比三唐沿兩宋可能一字易

千金鸞鳳自聽和鳴後廢盡鸛鷀蟋蟀吟

濫照瑤樓第幾層偶翻紅約擁青綾魚鱗許侍宣文

座鳳脰挑殘讀史燈芳杜幽蘭寒自好碧苔亦帶見

何曾等身

御製親承

賜不敢重誇得句能

奉

特旨史官侍班懸挂朝珠恭紀

一現牟尼五色重

新恩宛轉正當胸欲宣梵唄酬

君德百八珠隨百八鐘

螭吻鶴立兩班瞻中憲俄驚秋驟添從此披香案前

吏果然仙佛一身兼

冬日過玉竈坊

紅雨桃花粥青聽香葉鞍春風如隔世再到不勝興

玉礎和苔蝕珠簾映霧看萬年宮樹老長自碧團團

寶園詩集

卷三

七

西藏貢千里馬歌

昔聞穆滿八駿周四方造父磬控如風翔又聞貳師

十年大宛野葡萄昔籍隨天馬帝王有道威德敷山

車河馬入瑞圖大開明堂朝萬國巡行贖武非良模

聖人馭世乾綱秉朽索時時發深省人閒龍種氣秋騰

天上房星光夜炳西陲連歲方用兵千營萬幕屯長

城玉花雲錦來入貢遠人率服遐方平上書稽首知

大義八尺驂驪充下駟青海雲橫碧玉鞭紫微雪壓

黃金轡

詔付圉人職有司羽林及翼驚橫奇四蹄不動如山立

已與萬里風雲期君不見天開十二都舊唐以德爲
車樂爲御承平邊塞戢干戈大功他日成何處

御試 乾清宮恭紀四章 并序

聖訓寓之二年太和初洽至治聲香考衡室之舊章

訪峒山之要道近者觀光於國遠者來獻其琛顏

師古進王會之圖韓退之呈聖德之頌珠囊寶鏡

恢疆索於列朝秋月寒潭印淵源於前哲朝斯乾

而夕斯惕左置圖而右置書發二酉之秘函石苔

金雞授九雲之真誥綠字赤文遂令言語侍臣魚

鱗

寶園詩集

卷三

八

紺幄山林逸士鴻羽青爰文運昌期適當

今日爰有

臨軒之試以施稽古之榮斯時也律中蕤賓日行東井

傳宣在五月五日

召對有一百一人銓衡則堂敞芙蓉駢駢則殿高芷若

九華幔卷弼張響入層霄百蘊香凝綠繞烟樹滿

袖散隨豹尾遙聞

龍顏重瞻舒雨暉之清輝隆準萃三山之秀氣儀中天

之瞻雲就日非後世之賞花釣魚俄焉雉扇交迴

螭吻列坐紅襟數隊揀畫棟以呢喃碧線千條垂

硯池而婀娜含桃進早平分赤玉之光苛藥開選
尚綴朱明之令凌海中之瑤島迺殊鏡湖五月之
涼迺臺上之金華得解司馬六時之渴眷言盛事
迺若仙遊臣智珠未握學海難探初登瓊築之名
濫點芸香之列十年補屋徒禁翠袖之寒一日承
恩忽捧紅雲之重望觚稜而鶴立山閣
萬歲之呼揚鏤管以蜩吟日過八磚之影永懷葵藿謹
獻芻蕘

梁殿簾開曉尚寒桃都初日湧金盤

龍顏有喜天同霽鳳紙分題墨未乾

寶閣詩集

卷三

九

賜食當筵懷相紀

恩歸院刻琅玕緣知

聖學如山海親爲詞臣作考官

咫尺三山路不遙穆衣苑柳正鳴蜩頗嫌賈誼陳宣

室肯學王褒賦洞簫玉几金床瞻紫府祥鸞威鳳縱

青霄披香案下焚香坐疎散眞成托

聖朝

芸閣明憲四面開丹黃正藉出羣才陳詩未敢遺邪

俗議禮終衡對曲臺天上圖書嚴保衛人間鱗鬣待

風雷一條冷玉休言冷會許摩空作鳳來

年年持素入承明馭氣初游十二城花遷瑤階紅影
重果分金梳綠香清無勞海鶴傳消息偶被宮鶯喚
姓名慚愧文章眞小技屢拈銀管頌昇平

大禮慶成詩并序

臣伏攷緒鞭煉石之君紺帳黃幡未啟尊盧赫胥
之氏大主明水無聞自典禮命於虞廷六宗將舉
先上帝以辯羣神迨武成告於周冊四室未通報
皇天而兼后土風行水上疏精意以享之文章雷
出地中遶殷薦而交之律呂南郊配祖明堂配父
遠所尊而近所親祀天不屋祀帝不壇宮斯雍而

寶閣詩集

卷三

十

廟斯肅神南面王北面示北面王南面統以身承
有告祭尚其合有時祭尚其分皆由義起他如位
圓位方相其地用辛用甲練其時六變八變審其
音兩圭四圭典其瑞莫不掌之宗伯隸諸太常洎
四帝之號列在秦郊而寓馬寓龍徒誇水德抑五
時之名紛於漢代而非黃非紫妄指神光長沙宣
室敝言難追古制垣平渭陽設祭未有常期間六
議於蘇家終多聚訟考三圖於宋氏急待修明未
嫺肆類之儀安其于時之保恭遇

皇上

瑞應瑞光

德符景運

協顯頌膺圖之歲

值成王訪落之年兩階之千戚簡蓼九譯之梯航綱

綬爰承大統肇舉明禋

萬乘遙臨百靈斯集對乎

天地既崇正位以答生成配以

祖宗復奉嚴親而明陟降欽惟

世宗憲皇帝

文謨武烈

質園詩集

雨潤日暉

至治維馨

大觀在上乃蒼髯永去倚山之墓空存翠羽難尋梧野

之雲不散仰

九重之繼述配兩太以尊崇蘭栗陶匏苾芬並藟函鐘

雷鼓介羽潛通東方青圭南方赤璋西方白琥朔

方元璜盡觶解而璀璨聖人共相亨人共美鹽人

共散廩人共接咸泔淡而芬芳同其趨踰則子殺

男蒲卿羔士雁登諸簋簠則東鴈西鴈北黍南茅

諸臣所酢侯服貢祀物甸服貢殯物男服貢器物

合要服而衆職交修其時則緹幕飛灰素雲望氣

元冥收威而布煖望舒嘯氣以揚輝

皇帝乃將享宮慶精誠潛感洞洞屬屬顯顯叩叩陳琮

璧於廟壇肅肅肅於銀漢無非相予肆祀賚我思

成於是事畢功宏樂成禮備五嶽擁

六龍之駕十洲廻雙鳳之笙遂渙靈臺肆赦之文尤隆

天寶慶成之禮實盈千釜澤沛百川在廷競進九

如天保之章上茲大喜

至尊方觀七德祖功之舞凜此不基乾運自強恭階永

朗臣才非希逸漫瞻華蓋以摘詞學愧子雲敢向

甘泉而作賦誠雅獻雅神雅梁沈約未許揮毫迎

神享神送神晉傳元因而擲筆讀李翰林明堂賦

精畝親桑親張學士大慶篇囊錢負帛高高下下

知旭卉之可通子子孫孫引樂康於勿替春言盛

典謹獻蕪章詩愧小言之詹韻符大衍之數其詞

於穆難忱斯實惟有德存赫赫與明明一氣相貫中

虞書肇肆類義卦垂殷薦琮璧陳蒼黃蕭茅列蔥蒨

後世永相循其制凡幾變尊親上配天明禮本合撰

大哉

惠皇帝廣運萬方偏離照重有光乾行久無恙常潤風
雨怒或施雷電朝多岳牧咨野少饑饉治世千三
年

爲一朝晏我

皇繼大統秉錄

太和殿玉斗與神珠異徵符采絢純孝原性成繼述
規撫善古禮行諒陰宮庭絕游譙栢槐動餘哀素衣
淚如霰

泰陵龍虎蟠吉壤今甫窺將享遂告虔立壇去乃墀

質園詩集

卷三

圭

園邸時南郊駢蹕兼漫衍宗伯掌其事吉良時日練禮樂
各有司一一澤宮選其時一陽生六琯度灰燭休美
曉雲霞光陰添縷線五瑞輯公侯萬靈會幾旬先期
宿齋宮潔齊好相見綵帷赤羽張寶璫碧基播映日
樹魚旂連雲開雉扇上下分縝繡前後交連延豈但
及顯叩真能通灌奠昊天其子之配享祀非備列器
半闕編奉璋皆俊彥靈來肅風移雲人雷懼怵煌煌
典禮修穆穆端倪現維

帝駿假誠溫恭非飾緣事亡如事存緝以一身先樂天
保天下繁祉何憂延壽以五絃湯網開三面光華

咏堯階游豫聞夏諺南掌屢獻琛西陲方罷戰百穀
辨種稷十旬戒漁畋賦賦國豐盈政寬民利便稽古
每談經憂時長減膳鳳德備智仁龍性離時援保泰
良有徵歲時登史傳從田間來濫厠集賢院牙籤
中秘書玉帶尚方硯考典殊未遑議禮何由擅遙瞻
對越嚴徒抱趨跲美方當際明良毋爲嘆貧賤握管
紀朝儀豈敢陳封禪

耕藉恭紀

青壇嶽峙影森嚴星鳥方符太史占蒼馬行春雲縵
縵

質園詩集

卷三

古

鸞旗夾道柳纖纖協風應律千門曉好雨知時百穀
霑吉日祈年

親履畝耒紘黛耜萬民瞻

三推盛典

至尊勞

睿慮周詳到草茅粥鼓錫簫迎

法駕烟蓑雨笠滿芳郊倉箱預可占豐歲珍錯猶聞減
大庖指日良苗新意足平疇十里遠風交

布穀催耕喚早春南郊勝事及嘉辰輕雷出地黃初
動細草承犁綠漸勻禮樂經邦歸稼穡桑盛備物洽

神人

皇恩好共陽和遍勞酒先教

賜近臣

觀稼臺高倚碧岑農功詔景入登臨歌衢擊壤中天

世望香瞻蒲

聖主心玉筍筵前多亞旅

翠華步裡半晴陰載茲幸晴東耕禮愧少和平雅頌音

瀛洲亭晚歸聞隣箏

乍辭王母瑤華館又聽秦娥寶鈿簪入院偶隨新學士

聞音欲證古先生參差金鴈憐纖手悵望銀河共玉笙

寶園詩集

卷三

七

一夕橫塘舊時夢香燈涼月尚含情

吳君樓庭落成自題長句見志和寄

遠書重疊慰疑蛇前度名園一剎那彭澤孤松成悵望

杜陵老樹復婆娑千霄自翥鵬凌氣養晦休嫌臙臙柯

雷取十年嘉際在賦詩其奈角弓何

催人歲月去堂堂一笑相看漸老蒼未暇青冥薦東野

自慚棲被玷明光瑤花夢遠天無際玉蟬春深草又芳

記否南湖殘醉醒盡屏六幅似瀟湘

孫虛船峯命入卷宣諭以詩送之

暮梅綺緯下蓬瀛使節威裝出鳳城隴首秋雲蟠塞色

華陰春樹入河聲平淮碑記推韓愈論蜀軍書並馬卿

千羽兩階文德遠好將經濟翊昇平

移衣烟柳碧無痕橫笛聲聲度玉門東觀旬宣承帝

命西戎率服戴君恩鳳磨水漢八千里江漢功成酒

尊知有邪岐忠愛意古風他日問輜軒

寄劉柳村達夫豹君兄弟

問訊三荆舊隱居同株欬笑近何如呼龍要種芝田草

附鶴猶遲闕苑書位業真靈夢記憶神人姑射本清虛

鳳凰城裏春深夜迢迢思君托望舒

古詩三別
飲同林

語言消盡禮文殊剎造恆河照髮鬢已托定香勤懺悔

寶園詩集

卷三

六

更煩妙筆寫清湘難窮國手新棋譜無恙家山好畫圖

曾向飛英筵上醉酒痕猶在舊羅襦

題吳小仙瑤池酣會圖

流精城闕阿母家千樹萬樹恆春花蜂蝶翅翅不能到

人間遙指疑紅霞瑤華豔體光盈座六銖紫帔醺闌苑

五嶽圖中烟霧深七真會裡乾坤大古今誰是糟邱客

前有劉伶後李白豈知三萬六千觴釀取天泉作瓊液

君不見崑崙萬仞金芙蓉海氣一色青淥淥素皇漢武

那可到樓船甲帳生寒風又不見武陵鷄犬非人世流

水桃花風土界漁父重尋舊路迷至今但有仙源記由

來慧業當生天寸田尺宅堪求仙翠波滿酌駐光景半
醒半醉迷萊眠仙塵佛劫驚流電巨獸靈芝幾回變且
聽雲和碧玉笙山香一山花如霰

題陳老蓮號國夫人朝天圖

濯龍門開絳雲起雨過天街淨如水金車百寶聲隆隆
香散長安數十里唐家天子老阿瞞貴妃恃寵丞相奸
八姨蒙恩復第一入宮長得君王看宜華別館南簪股
鶴翎雉尾交官扇萬古銷魂秘戲圖明眸皓齒無人見
卽今相隔幾千年紅粉淒涼早化烟平明上馬事如昨
蛾眉淡掃來朝天麗情紛入丹青筆舳舻遙映曠龍口

寶園詩集

卷三

七

姚崇已死宋璟亡楊李無端作良弼杜宇啼殘蜀國春
青驪西幸遠蒙塵那堪玉輦開鈴處重憶金鞭爭道人

懷入秦宣諭諸同年

相肩笑向鳳樓洲四照花前汗漫游香案侍臣同出塞
鐵衣戍卒正防秋曾歌朱鷺看秦月不數元龜獻魯侯
肯使至尊勤遠畧玉關羌笛綏離愁

送同年朱元贊之山右

慈恩宴罷玉京游嚙手花香露未收趙女銅簪橫雁柱
太原寒雪壓貂裘關中白羽紛紛急天外黃河曲曲流
傳語深閨暫離別此行端不爲封侯元贊登第後入贊趙氏

土城山房詩

并序

先冢宰等軒公少時讀書土城山其地相傳爲
越王教歌舞處青藤先生作記距今百餘年傾
圯不可復識矣余曾繪圖藏於書篋近形遠勢
歷歷可指思異日葺而新之比來竊祿京華所
謂脂粉塘南華亭諸勝徒托夢見臥游因成八
詩綴諸卷末先業就荒名山未卜恐此圖此詩
終委蛛網燕泥耳

脂粉塘

教舞當年霸業成施朱施粉解傾城美人亦有良弓懼

寶園詩集

卷三

六

合伴鴟夸變姓名

衍波書屋

幽禽兩兩語疎簷晏起垂簾揭硬黃何似風流王子敬
洛神間寫十三行

香光閣

無色無香奈苑花人間誰信有駿伽電光石火分明悟
曾到曹溪六祖家

小浣紗溪

一樣春風長綠蘿含情片石手摩挲世間無限東隣女
如此千絲細網何

南華亭

繞砌玻璃碧漲天
讀書午倦枕書眠
尋常經史無人識
不止南華第二篇

策策廊

八尺珊瑚近若何
難拋雨笠與烟蓑
眼前萬里江湖思
銅斗一聲生翠波

採桑陌

綠陰如霧鎖蜂房
百箔三眠日日忙
怪底崑崙山下土
但栽黃竹不栽桑

橘鄉

質園詩集

卷三

九

柳枝詞共竹枝詞
又向南園唱橘枝
一帶人家寒翠裡
濃霜初日老晴時

鄭君雲叟新製布衣二古偉可喜贈以詩

三年舉扇障黃塵
曾是蓮花不染身
還汝布衣真面目
人間何處綺羅人

玉線鮫絲費剪裁
尋常杼柚不凡材
三閭奇服君應好
再取秋蘭作佩來

世業高文布帛同
東州重見舊時雄
丹青好事傳鄉里
團扇從今畫鄭公

樓敞凝暉入畫圖
垂簾清晝夢江湖
朝衫不稱烟霞貌

愧我年年玉鹿盧

寄周石帆

撩人花氣又豐臺
酒醒春融却費才
折得妙香煩惱破
白添淨水供如來

絲竹中年太寂寥
故園寒食夢迢迢
楊花如雪棠梨長
斜日微波壓翠橋

質園詩集

卷三

十

會稽 商 盤 寶意

雍正壬子清明日城南看花追和宋蘇子瞻明楊

孟載兩先生作

并序

眉菴自序云熙寧五年壬子清明眉山蘇公看
花於錢唐吉祥寺金盤綵籃獻花者五十三人
有詩曰吉祥寺中錦千堆是其事也洪武五年
基與員外方君看花於江西省掖節值清明歲
亦壬子去蘇公三百年矣作詩以爲後三百年
張本云云今 朝廷御寓十載壬子仲春城南

寶園詩集

卷四

諸寺何減龍興寺前嘉賓勝侶亦不止吳興方
以常一人已也太平淑景幸逢我生之初小初
華嚴竊附古人之後覽昔賦詩以待來者

太昊執規歲壬子鳳城九陌嬌羅綺傳聞長會今繼之
長楊眉菴呼欲起浩劫蒼茫六百年西湖南浦還流傳
更休自散琉璃界花雨諸天無芥蒂綵袖雙扶瓊珞身
綢繖小破旃檀戒憶昔看花最少時對花擊鼓吹參差
典衣不惜杜陵叟拍手偶逐襄陽兒七年人事驚飛電
聚芳重畫伊家扇安穩江州驛驛梯腰龐崔護桃花面
何處當歌不細聽諸公此會同強健片石三生證宿因

好風一夕登芳華林江左故依然上已山陰今再見
唾玉噴珠爛不收新詩他日傳幾句坐中有客論今昔
晚戲滄洲本無跡韋杜韶光屈宋心楚雲老瘦湘蘭碧

超然亭詩

并序

坡公超然臺在諸城大人治邑時追次烟江疊
嶂圖韻爲詩勒石命盤和之因隳括熙寧卯辰
間守密遼事遙題四絕使覽者有所感焉
名香一瓣禮蘇蘇夢裡盧山似畫圖欲問獻花資福寺
銷魂已謝玉盤盂

寶園詩集

卷四

二

誰似當年趙廣文

銀漢橫軒夜有波薄雲初散上纖阿吳兒嚦嚦如鶯語
細唱中秋水調歌
釋迦院裏題詩處廣麗亭中被酒時那及超然臺上坐
海風初碎碧琉璃

當年

當年東海忽揚塵珍重餘生度甲申同調近推吳祭酒
含情都付柳夫人絳雲一炬原非劫紅豆三生最惱春
證取化城文字業居然妙相現童眞
何處東南立玷壇詩天酒海寄悲歡雄青故鼎終歸革

戲殘杯豈奈觀夏統有心非木石秋娘無泪不波瀾
昔恩今寵都如夢啼笑人前自古難

燕譽曾聞有舊堂轉頭也問小治桑與回旂旆三春
雨得苗滋一辨香身後褒譏存史乘人閒聲價是文章
珠宮貝闕全磨滅海屋青紅氣未藏

馬阮何人預國謀小朝廷已一年休渡江春燕更新主
滿園秋瓜異故侯記到西京多瑣雜局非東晉尚風流
泰離麥秀興亡事盡作尊前髮微謳顓頊一作話到

雙玉芝蓋歌

波斯碧眼電光發來取諸田一輪月良工手運昆吾刀

質園詩集

卷四

王

故使園閣作四缺宛轉琢成兩玉蓋上有芝草連根發
九華曾聞現宮闕三秀何必尋蓬萊想見當年獻酬酢
淡黃一色琉璃滑豪家誰解玉雕鏤劇飲唯傾金鑿落
春盤夏屋紛在堂獨使瓊瑤氣蕭索巧匠經營費苦心
百年遑復知誰作嗚呼瑚璉重器終當識爲爾殷勤加
拂拭壽潛他日兆奇祥定見雙尊浮五色

呂香香詩

并序

胡生少時客姑蘇有妓呂香香者慕之每風月
佳時必攜酒與談藝事許以落籍侍歸出千金
爲贈生以未奉親命固辭宛轉別去後十年訪

之如武陵迷路矣今春晤生於都述舊情懷白

髮漸盈青衫尚濕他日相遇鍾陵多恐雲英欲

朝昭諫耳

傾城名士奈情何南部鶯花北里歌其向高唐尋舊夢

雨雲踪跡易消磨

採藥殷勤訪玉真烟霞深鎖洞中春翻疑初入天台路

流水桃花賺煞人

秋河耿耿夜厭厭惜別羅巾有泪沾不待再來門巷掩

當時先已隔重簾

鏡奩無復舊盤鴉出嫌成名念總差比爾今朝更憔悴

質園詩集

卷四

四

不知何處訴琵琶

題趙文敏沙河刺虎圖

并序

元渤海縣民劉平遣戍秦陽其妻胡氏隨行暮

宿沙河虎攫其夫氏掣虎一足以刃刺虎大得

晚趙三日乃死趙松雪曾圖其狀徐太常威卿

題識卷後代遠年湮凜凜有生氣余壯其事迹

是詩也

黃雲黑天寒日落猛虎噬人嚼齧誰歟虎虎虎蹄

女中乃有劉平妻君不見北平太守能射虎宜與少年

有用處東陽遣戍沙河行談汝崢嶸擅今古腥風血雨

天爲愁義男所激摧貌難妻報夫如臣報主同仇何必
修戈矛一髮寒光掠鵬尾虎不能生夫亦死徐詩趙詩
兩流傳異事真堪標國史我昔曾披包鼎圖爪牙氣鬼
世所無荆公題咏更奇絕八月陰山夜飛雪此卷摩挲
歷年代精靈迫出丹青外豈徒搏擊逞豪雄直爲綱常
垂勸戒涼颼颼吹暗塵酒酣縱筆疑有神下車據臂
士休笑馮婦分明類婦人

雲園詩爲李東洲光祿賦

我愛王摩詰圖寫藍田好風月復愛李賀皇品題花木
平泉莊先生標格宜臺省光祿一官清且冷朝衫暫脫

質園詩集

卷四

五

見閒身籬菊猶芳思舊隱退食披圖作臥游意中巖壑
空中樓菩提是樹初非樹般若非舟却是舟以雲名閑
殊有意迎人一片氤氳氣想見停杯拄笏時與酣自作
雲圖記我家別業若耶東古跡曾聞漢鄭公蓮女不來
樵唱杳但多暮北朝南風先生與我居同里繞門三尺
桃花水他年相約入山行共撥蒼雲拾松子

課女

四始皆成誦時還讀我詩熱心爭勝最弱質怕從師歷
歷難舒齒鬱鬱淺盡眉亦知還舊典榮耀作男兒

古函篇爲童南光賦

周官載電人厥祭廟用貞宜王錫召公對揚拜稽首名
刻三品中彝鼎同不朽下逮錫侯恩上盛降神酒非徒
供饗燕將以垂永久此自始何年葦落秦漢後外間如
象乾中虛不盈斗提攜貫兩耳吐納憑一口其文爲雲
雷其篆爲蝌蚪因思天地間顯晦理難剖棄卽泥塗
愛卽珍瑞玖重器日以湮搜求到既數無鹽爵自奇多
父敦誰取寂寞太常鐘模糊或負紐時無博洽儒所遇
皆瞭瞭錙銖較市廛真履亂苗莠至寶總宜藏善價終
何有進規君勿吮法物子孫守

宜爐歌

質園詩集

卷四

六

九牧貢金作九鼎小者爲爐成俄頃制器尚象厥義昭
其上有耳下有脰龍頭鵠尾體製殊近時獨重宣銅爐
北施南蔡那可並摩挲朱綠輕琉璃當時鑄鑄良工巧
焚香長奉宸遊好雲烟碎雨落人閒得者不知知者寶
君不見前代銅駝長荆棘雄膏故鼎須臾革宮禁流傳
刺此爐模糊兩字鐫宣德三百年來留古色

太平山人畫山水歌

山人昔住南高峰塔陽百水青芙蓉山人昔入長安里
雲霧時從手中起愛山畫山不自看寸縑尺素留世閒
螺螄垂橋晚波瀾鵲點石秋苔斑國朝高手誰第

一山人晚出真難匹
獅峯已老龍臺亡
數十年來無此筆
昨日曾題未了圖
大癡寫樹葉半無畫
師雖死畫圖在
復驚蒼翠橫眉鬚
嗚呼俯仰成陳迹
有山不歸殊可惜
老屋無人結暮陰
萋萋春草連天碧

立秋夜雨

空階夜來雨一點
一秋心涼夢忽然
斷暮愁相與深孤
燈迴素壁落葉助微吟
辛苦嗷嗷雁隨風不可尋

題杜雲川前輩蓉湖詞隱第三圖

玉梅花下交三九
檢討風流得並無
誰識蓉湖老居士
填詞又寫第三圖

質園詩集

卷四

七

身如黃面古羅漢
禪意風懷一指參
閒把丹青當招隱
望江南後憶江南

送史丈軼輶赴朔方幕府兼懷又南家叔寒外

絕域承天堡蒼茫試一登山
圍黃草雪路遠黑河水勃
勃秋驅馬蠕蠕晚按鷹掀髯
歌出塞懷古意難勝

慷慨諸侯客談兵露帳開
王師非樂戰書記本多才

朱鷺聞鐃吹黃河瀉酒盃
玉關楊柳碧天馬大宛

來

秋雨槐花院涼蟬第幾聲
撫書袁伯業酒泪成蘭成暮
景真無賴雄心迥不平
好將孤憤筆垂白賦西征

送子懷吾叔從軍已十年
寒花飛上粉遠角隱那連
蜀文應就平羌信未傳
鼓鼙思將帥褒鄂在凌烟

題鄭布衣秋郊餞別圖再送史丈

布衣老筆似龍眠
寫出旗亭薄暮天
折柳幾人同恨別
采薇何日能防邊
帳中白髮依嚴武
城上黃雲弔赫連
莫問賀蘭山近遠
數行秦樹帶秋烟

午食蟹蟹逸然有故鄉之思

老饕舊態入新詩
菊有黃華蟹有脂
長憶江湖垂釣侶
沙明星暗稻香時

曾奏希聲向玉清
七條絃上語分明
而今但有思歸操

質園詩集

卷四

八

落落秋意大蟹行

得獅狗戲成

深秋方戲門風雨近重九
昨從君平卜占得良為狗欲
分威寶名堪與後倪友
豈無宋與韓所重在禦守
義陽昔好學懷抱不離手
饑虛累汝曹肯受富豪嗾
爭道滿八閭臨事慎毋苟

送鄭雲叟還里

綠綺琴報我雙南金
肝胆為誰盡去留同此心
到家逢臘後飛雪滿山陰
知有懷人夢迢迢八上林
布衣新樣好幾度歷喧寒
雲叟曾製朝服布衣袞袞塵
同人皆贈以詩

猶積潛潛淚未乾雲叟近失詩空存慈母綫却稱腐儒冠舊日披蓑侶相逢拍手看

以俸米餽高妙主人系以詩

高妙上人冬掩廬枯藤敗葉盈階除典衣常賣少陵酒乞米願作平原書翰林一官清似水臣朔年年饑欲死便學侏儒將奈何自憐骨相宜如此薄少貽君君勿嗤加餐善養苦吟身裏糧畧可充三月救死何勞具八珍他年拂袖銅駝陌夕葵秋樹高人宅一片黃雲弄晚晴讀書負米真良策

寒夜馮稷山筵上聽度曲

質園詩集

卷四

九

錦屏銀燭散寒宵小朵雲箋遠見招十隊綉鞵紅鴛鴦坐中花月似南朝舞衫香重倚雕闌十斛明珠綺百端惱亂好花紅照眼不教攀折但教看

題蘇武牧羝圖

海風揚沙曉不止下有牧羊人臥起想見錚錚百鍊身不使不降亦不死穹廬一望盡三邊異域蒼涼十九年丹青寫此勸忠孝要與史冊同流傳牧羊日久諸羊性與羊相依以為命且邀胡婦歷冰霜翻怪單于問名姓吾聞金華道士深入山此石成羊出世間又聞洞庭龍

女失歡愛雨工散逐雷電隊山來牧事能通神仙踪烈氣俱難泯三百維羣誰授汝厥壯雖養女得乳腹生鞭後信有諸幻化隨行詎如許寒蕤春回漸白頭子卿歸國少卿畱五言驪唱河梁意萬里龍堆絕塞愁往事吞毡兼嚼雪賞薄恩輕向誰說裂土徒論衛霍功豈知漢有孤臣節

捫虱行

酸風如鏃透縕袍南榮曝背朝曦高有物作癢以手搔遣種聚族招其曹大者先出小者縮容之不可搜之勞臣本蟻虱慚憂卑屈身偶繫寒長號薄如蟬翼輕如毛

質園詩集

卷四

十

往往宛音篤生路曉患在臍臍消脂膏蟻蟻善吸蚤蚤往往往不除暴追遁逃此虱附體非貪饕么磨何足汗霜刀坡公荆公放與燒寬嚴處置吾所操君堅相猛豈易遭談天下事心忉忉不如一斗傾碧醪螟蛉侍側安能豪

敝履嘆為雪柯老人賦

東郭先生貧欲死雪中雙鳥穿無底泥塗荆棘行路難蹒跚踟躕對人恥君不見高門華屋連雲起春申去後無公子三千珠履散如烟文采風流長已矣先生本是山中人芒屨付入烟霞裡一朝塵土踐京華往往下淋

思萬里我有轉語誦君聽道遙深合衆華音一足如夢
無足蛇不脛而走從茲始安用飛鳬落網羅憂患山來
巢未紫會須赤脚踏層冰百頃玻璃淨如水

鄭雲叟別去經旬矣偶閱王孝廉雪子寄友詩以
坐惜故人去爲韻成古風五篇即用其韻遙寄
雲叟

寒燈如孤星照我讀書坐繼絕懷所欽獨倡誰與和憶
昔賦遠游日華浮駛安香塵送馬輕皎月當簾大酣歌
意慷慨十日豐臺臥美人乘龍輒回風入楚些怕看英
蓉裳爲有酒痕澆

寶園詩集

卷四

七

此酒不可嘗此日足可惜一語問昌黎當年嚼張翥與
君爲友朋三哭如金石雲路不同翻各自凌健湖江南
雪意深梅花開古驛蕭蕭長板橋中有旅人跡寒香壓
帽多念子鬚眉白

五載入京華朱顏漸非故離別已愁人況值歲云暮君
歸掛布帆遙指西陵樹鏡水碧泠泠聊洗風塵汗鹽虎
新盤堆雪獅兒童縑篩香與搗辣共樂新年度居者良
可娛行者何由聚

青史譏巧宦白雲爾高人窮達同此志念我君與親
驥飽玉山禾劍拭華陰盛欲遂顯揚願暫緩農圃身薄

俸未云薄感恩寧忍貧含情訴知己脉脉臨風申舊約
安可忘共采湘湖蓴

君昔泛瀟湘遠弔三閭去芳洲辜杜蘅渺渺不知處楚
雲攜在手重向東華過潺湲感逝波薜蘿歌零露良會
能幾時嚴寒犯徒御人生無蒂根飄若風中絮努力樹
修名經綸出儒素

雜題高司寇指畫

龍

尺幅起烟雲得勢易騰踔近代無葉公假龍復誰好

鶴鶴

寶園詩集

卷四

七

鳴鶴與鳳鸞各自吟毛羽鶴衣世上多百結空憐汝

蘆馬

野馬不避人自眠還自起秋意淡蘆花濛濛覆江水

衰柳寒蟬

柳色帶寒烟蟬聲咽廣陌秋氣滿人懷中有遠行客

僂手柑

弄哉無量意傳心惟合掌香林空更空時作妙明想

枯木

生意婆娑盡蕭疎三兩枝此心終不曲何待焚荒知

題趙仲穆漢宮春曉圖

漢宮一百四十五三輔黃圖紛可數河山表裏帝王居
寫出丹青照今古妙手吳興舊擅名揮毫忽睹咸陽城
雕塼峻宇設垂戒麗柳嬌花無限情丁丁漏水銅堂濕
幾和乍策東陽駕一色朦朧鑒畫旗銷魂與食鞦韆架
萬戶千門遙遞開君王正御集靈臺金莖露向盤中滴
玉女妝從閣上催雍州畿甸方千里及殿重樓接天起
長將曲宴奉宸游未必仙家能勝此禁苑多年碧草深
美人鐘鼓易銷沈可憐畫裏新鶯燕猶抱殷勤望幸心
廟社遷移圖計在劉家欲熄炎火君不見漢宮已圯

寶園詩集

卷四

七

題余高妙乘樣觀日圖

九州復九州四海復四海陽衍言非誣水華賦堪駭先
生萬里遊蕩胸波洩漫神光射貝闕鱗甲避珊瑚桃都
翔赤鳥初疑紅椿燭龍不敢視繽紛散五彩歷歷凡
麗展映日浮華舉碧浪濤衣裳衆如珠百琲綰絡素
空細不聞縹緲方喜天可通齊遺物所絃昔者楚三閭
蕭華寧蘭茝湘江羅帶水正宜聽然乃今君建采旄服
界則然收抗手仰鴻濛回頭謝鬼卿此璧結樓寧憂
木生瘰壯哉老畫師落筆淋漓心與波濤擊方將塵
上擺犯斗音獨知乘風君勿候把卷對朝曦搜奇泣具

幸

沈芥舟和余土城山房詩用集中看花詩韻賦謝
歌舞千載傳土城春風蕩翠芳意萌水犀十萬何足數
女戎一出摧吳兵勦才雄畧甲蠡種至今人物猶崢嶸
尚書昔日讀書處古雲如黛衣袂生當年結構非草草
一花一石勞經營水鳥拍拍晚波瀾庭樹策策樂鴈鳴
我昨繪圖索題咏要令後世聞其名小專才子共懷古
明珠百琲今始呈是詩是畫兩不辨畫有氣味詩無聲
寓園寶林成梵山神忠敏祝文莊嚴色相空幢嚶吞
家先業幸無恙傷羅怨綺難為情夷光雖去越女白曹

寶園詩集

卷四

七

題小國還堪傾

題番騎圖

邊城吹角黃雲起番馬番兒見獵喜幽燕不作畫圖看
逐電追風健千里一馬昂藏如欲鳴數馬勃窣騎不行
就中怒馬忽外逸能使突兀高原平雲錦成堆誰第一
曉騰都入曹韓筆合圍臨陣兩縱橫人馬同心勢無敵
聖朝駕馭盡英雄維繕塞年年奏武功已見助綏番部順
豈徒舉掌射夫同赤狄烏桓連大漠背生愧少平老堪
惟將老眼相驂驢一過空羣同伯樂嗚呼健兒慎勿誇
身手昔蒲蒲中國有樂府爭傳假儻歌閨氏且酌屠

蘇酒

夢章竹香急裝驟馬云自秦中返太原次日得其

近問與夢相符異而紀之

夜雪貂裘冷思君入太原關山遠何處肝腸向誰論朱
鷺曾聽曲青萍擬報恩侯生慷慨意回首信陵門

夢裡輕裝別朝來尺素通百千萬里外三十六鱗中草
向王孫碧花開戰地紅歸時談絕塞駟戰舊秦風

六憶詩

栗

栗葉微黃栗子繁繁繁滿秋園濃霜初降月初出

質園詩集

卷四

五

時有夜猿來叩門

芋

薄食持齋且自安禪房煨芋可消寒十年宰相輕如羽

何必誦誦問癩殘

秋夜聞蟋蟀聲不寐有作寄陶玉川

蟋蟀抱秋意夜闌鳴向人開簾一延佇涼月影隨身急

響不能和孤懷難具陳玉堂無夢寐況爲爾沾巾

題沈雲持載花圖

沈郎與我居鄉里我爲少年君童子沈郎與我居京都
君爲少年我壯夫堂堂如露復如電殿門淨洗風塵面

十願閒情十客圖溪山花鳥重相見問君何時得此
扇蓬騰脂雨濕琉璃風是花是人兩不辨但有百濯香
濛濛卷中人美如玉繡被鄂君舟金縷秋娘曲羅綺散
時山水綠簪花歸去抱花宿百舌一聲春睡足

勝業

勝業纏綿恨司勳薄倖名東風如隔世南部不勝情江
遠魚書緩花疎蝶夢輕丹樓眞縹緲何處望層城

題沈宛門桐陰小照

槐街柳巷住經年眯眼塵沙不見天只令水晶簾子下
桐花香重護春眠

質園詩集

卷四

六

小別家園六載情襟縱青鳳尾應成輪君疎雨閒意坐
聽到冷冷第幾聲

搗衣曲

山子抱愁作人語秋撲龍綃翠一縷結璘老泪滴蟾蜍
恨魄熒熒照雙杵玉階風露寒不眠封侯消息何時傳

白帝城高暮陰結砧聲有盡悲無絕冷入君肌妾心裂
洛下花隴頭雪

懷遠詩

抱影不能寐愁來獨自語落葉碎我心疑有瀟瀟雨秋
氣安足悲念君正羈旅居者已苦寒行者奈何許臨涼

千里殊未必透謁經雲山不分但見青一縷問歷我
盡知何勞報鱗羽寄聲同袍友珍重毋所苦

君從林下來眉目清且揚留君十日坐愛惜君衣裳故
悲與新喜論我錦繡鄉萬事難並歡相戒毋太康送子
遠行役握手慨以懷寒風爲君嘯浮雲爲君蒼所過分
思怨得志皆可忘滿水東西流歸海永相望

送海昌陳相國致政歸里

出處如嵩華功成始乞身白藤標鳳管絳幘別難人晚
赴晉英會羣推社稷臣澄湖天付與寒碧簇魚鱗

此日青門道爭看四望車鴻飛遵洛遠松古向人疎何

寶園詩集

卷四

七

物歸裝重中箱宛委書誰言元老貴滿灘混樵漁

自題課子圖

松枝本是王家旌荷葉從無鄧氏錢惟有先朝書萬卷

勝他百頃洛陽田

十年華未覺遲森森竹立四男兒君看栗里陶元亮

命在詩兼責子詩

汝翁耳筆直蓬萊結習多聞未易開昨見南朝小名錄

附珍法獲不凡才

嬌女從師識魯魚掃眉綰髻十三餘鮑昭若不如風雅

爭作他年寄妹書

何年含墨謝螭坳樹譜茶經手自鈔燕語數聲功課了
燈檠花下卷書包

題泛海圖

溟渤起方寸波瀾殊未平不圖人海裏忽見古先生濠
濮曾垂釣滄浪已濯纓尚嫌塵土瀉踴躍訪蓬瀛
鐵鎖開珠藏金輪轉日車休驚謝安石肯讓本元虛龍
子懷珍昨鮫人列島居變童兼卅女徐福竟何如

趙吳興馬

綠楊風細晚涼時飲玉黃池未足奇多少王孫亡國恨
寫將龍種與人知

寶園詩集

卷四

大

新真解籀圖

輕粉初勻碧未齊漾愁春水影離離湘夫人去湘君遠

正是黃陵暮雨時

題王石谷田家畫卷

綠陰布穀漸催耕歷歷田塍繞舍橫最好一犁肥雨後
菜花香裡叱牛聲

將歸鏡湖桐城左君作載書圖以贈自題四絕

三載登瀛眼界開拂衣重問小蓬萊家山相接還相訝

寒瘦依然舊秀才

雲外樓臺柳外溪半篙橫過畫橋西涼風先拂塵埃面

夾岸濃陰胡豹啼

曹倉邊笥本來希檢點青山舊業微尚有 國恩難報

答未應官滿載書歸賈島詩官滿載書歸

董石商松最擅名蒼虬鱗甲意中生昇平歲月閒消受

初聽秋濤第一聲中峯董公家石先家宰等軒公別墅松爲越中雙絕

太平鼓歌

犂牛不出露冠冠軒皇造鼓冒以紙云是點齋奏太平

南街北巷參差起燕都樂事幾番新雨迸雷轟最有神

狂吏何須服單絞花奴不用催陽春韶華如此須判斷

擊重擊輕都不亂應詔曾無絕世才改容時惜流年換

貢園詩集 卷四 九

聞說 朝廷思將帥鼓聲感動風雲氣要令異域暗昇

平先遣同袍作忠義援抱急進萬熊羆兵氣全消赤羽

旗澄心堂紙如霜雪好寫元和聖德詩大酺十日明光

殿五音繁會開芳宴鼓今鼓兮弗老將奈何太平日久

豐年多

冬筍

東南靈秀區蒼筤號嘉植厥土惟塗泥種竹翠如織春

雷迅未驚冬雪寒初過暫作蟄龍藏未充丹鳳食長饒

劇凍雲露此淡金色如花長蓓蕾在松疑琥珀磊節

未成宛轉難圻戔戔元村多髣髴破塘得元村破塘皆吾里產

盈筐鱗爪生壓擔市廛積龍鬚與貓頭到眼堪一擲

邇來居京師葭管俄三易饒口思渭川未得供几席玉

版絲已遲春衫脫何益本是藜莧腸舉箸生太息昇平

歲事豐百貨遠可極此筍北地來關津幾經歷重或等

包茅快頗同馳驛幸不橘化枳喜見蛎在壁小物離鄉

貴一握百錢值千里故土存斑斑寧忍剔餽歲岐下風

頌椒日邊客偶共魯芹貽堪與蜀薑敵於此速嘉賓淒

然念鄉國何時遂田園俊味羅肴核彈琴坐幽篁湘雨

春心碧頗菜好根實拔地當千尺

聞春聲

貢園詩集 卷四 十

何處冬春擾夜眠南街北巷響相連儘多糠粃磨窮後

大有工夫杵臼邊劉毅宿儲原自少梁鴻質廡豈非賢

腐儒一飽真難事粗糲深慙到百年

質園詩集卷五

會稽 商 盤 寶意

取急行有日矣先作四詩寄越中同學

開曹只合賦閑居九陌鶯花惜後疎豈有芬芳回齒頰

幸無塵土醫清虛重尋石上三生夢依舊囊中一束書

傳語耶溪好風月暫時容我學樵漁

大羅風景記分明人與秋光一樣清幾載無功叨祿糈

諸君有術答界平攜香去後心猶戀隨月行時影忽輕

莫怪衣裳雲霧滿燕山送了越山迎

蝦菜村墟符嶺鄉不將綺麗換清涼歸心天際千帆白

質園詩集

卷五

喜色眉邊兩道黃寒浪暗生丁字水春風徐到午橋莊

著書好續名山業五粒摩挲歲月長

驛路梅花破夢遲還家先問歲寒枝從教鷓鴣如風馬

閒看兒童紫雪獅越女小顰成一笑猿公無恙是吾師

書圖傳出烟霞態不是蓬萊下直時

高都晤章藩長

掛帷山莊近有無緣波宛轉碧雲孤客中勿勿同攜手

鏡裡鬢髩各長鬚曲破古桐飛霹靂淚凝樂蠟濕珊瑚

那堪趙女聞人夜重展春郊試馬圖長在京都會馬圖

太行客舍題沈石田秋山行旅圖

畫中獅子沈石田宏機八尺生雲烟蹇驢在冷院衰草

返照入寺鳴涼蟬遠遊何處秋風客衣帶生塵鬢頰白

誰與從者兩平頭背簾琴囊不盈尺後有徒步三五人

我負子戴多苦辛野塘水漲波沒足古木霜凋葉點身

丹青妙得運蠅態揮毫意與征夫會延鷲墩依茅舍旁

畫鳥亭在寒山外此圖本屬章鴻臚摩挲愛惜如瑤瑤

秋光落手蒼翠滿令我不復思田廬是日方登太行麓

積雪初晴白如玉洛水崧雲咫尺間中原一望皆平陸

我亦崎嶇行路難蠅頭小別蛾眉功壓馬頻嘶漏耿耿

幃燈細剔花斑斑題詩玩世忘昏曉僕夫喚人寒起早

質園詩集

卷五

身在山重水複中一鈎殘月鷄聲小

懷裕編修補庭

三載直承明曾聽百囀鸞早朝同待漏 御試每連名

遠信憑青鳥雕闌望碧城臨風懷小宋唐史定修成

廣陵舟中題家響意畫

驚啼余闕祠草長江都宅春祿晚蕭蕭中有思鄉客

題陸丈愛馬圖

先生少年居幽燕長楸走馬何翩翩錦障泥重芳草淺

春風緩送珊瑚鞭人閒過眼繁華歇白髮鬢髮鏡中雪

未隨壯士老沙場幾見層陰閉城闕凌霄意氣猶豪雄

丹青寫成八尺龍電光乍騰雲影碎桃花血染斑斑江
天閑十二何難駕披圖突兀疑曹霸愛妾昭華馬薄寒
蛾眉駿骨都無價陸丈侍者名昭華

送鄭雲叟游天台

風聞雲華亭近接石梁上九峯如九老鬚眉兀相向貽
君鶴頭鉏佐以青藜杖信步入金庭靈異誰能狀何時
許邁書慰我烟雲望
雙松碧帶衣老樸蒼摩天珠閣文字飲賓客皆豪賢對
酒忽惆悵爲君理朱絃願覓上曲瓊流光滿四筵後夜
無此歡揮手心茫然

質園詩集

卷五

三

徐仙客出塞遺照

相對曾相識鬚眉第一流生猶輕柱國死肯覓封侯碧
漢雄心暮黃蘆戰地秋玉門終古恨信斷大刀頭

經呂文安相國故苑

在姚江接符寺側

丞相園林古寺旁百年遺跡感滄桑無多諫草留明史
徒有天花作道場九老香山高會散一灣溪水晚波涼
平泉奇石今猶在差勝當年李賀皇世中尚有舊石其高七餘尺

黃楊詩爲傳玉筍編修賦

并序

玉筍先生僦居武林宅傍宗陽宮爲宋時北內
故址有黃楊一本六百餘年物也名流賦詩盈

用余亦繼承

六銖仙帳御星風回首三山一氣中近侍久知溫室樹
希聲長托嶧陽桐白蓮香社尋遺叟黃蝶秋苔感故宮
兩得空庭蒼翠在婆娑宜對信天翁先生別號信天翁
莫向東皇嘆數奇濃陰如蓋最高枝本無困厄何妨問
多恐蕭疎不入時養晦豈容孤鳳集蟠根惟許螭龍知
當門老瘦迎人懶肯學垂楊管別離
蒼髯紺髮兩鬢髮身外榮枯子細讀時不重來歲六株
人猶如此樹何堪休將咫尺爭消長大有風霜飽蘊含
瓔珞四垂黃面占妙香癸卯臘月

質園詩集

卷五

四

南渡興亡閱古今宗陽遺跡費追尋六陵未破冬青恨
一寸難移夏統心鳳輦曾經春望幸虬松相對盡常陰
旁有古松一蕭何里巷誇前代雙俊應添老翰林

與周石帆夜飲玉筍前輩信天書屋用雁門集中

寒夜與王記室宴集韻

銀臺吐花一寸強銅壺添水寒漏長異鄉會合不沈醉
負此滿巖玻璃黃已憐紅杜咏楚客况聽白雪歌吳郎
勸君起作鸚鵡舞莫待鬢髮如秋霜

冬煖

洪範載五行寒燠惟其時春秋紀災祲無冰則春之今

年月建丑九月何熙熙百卉未肯枯羣鳥鳴樹枝九霄
萬瓊玖滕六不敢施異哉顓頊權乃爲太皞司我聞諸
四序如車輪轉移奇恒雖可樂大寒卽在茲陰陽有倚
伏天地無偏私靜觀一滯竈遙和青田詩明劉誠意
有冬煖詩

城南踏青

小雨如酥忽放晴春衫曉著受風輕柳邊得句無人識
恰有黃鸝和一聲

粥鼓陽簫換歲華芳時容易日西斜歸家甥女牽衣問
南陌今朝有好花

鏡湖舟中送王古草游秣陵

寶園詩集

卷五

五

高舫人如玉含情一攬裾鶯啼三月暮草碧六朝餘汗
漫今方始風懷老未除江南佳麗地庾信莫歎歎

春游

羅書溪山續舊緣阮家游屐米家船負薪屢訪仙風塢
試茗遙尋佛耳泉妃子海棠眞一夢王孫芳草又經年
平霞橋畔凭闌處閒看兒童拾翠鈿

與僕庭過薛氏龍吟山房

混沌本無竅六鑿不肯止愛茲山水眞絕非塵埃比吟
壠駕層臺割取片雲紫年深松桂疎嘉蔭值茲春物有
萬蒼樓高見鏡湖水遠樹不辨名一色青如畫對時朝

州守萬金購得此位置成洞天軒窗雜圖史我來十載
餘殘春尚如綺老龍虛牝棲鐵笛呼難起古壁絡蒼藤
閒堦長紅荔夜雨洒檀欒濕透鳳鸞尾太息平泉園組
愁同徙倚

雨後望太白諸峯

曉望太白山心與翠微遠新沐露烟鬟態態不堪綰道
書稱福地中有雙鹿苑廣信旣登眞稚川不復返瀑掛
玉虹亭草沒太平館懷古意蕭疎茲遊安可緩山靈遙
見招招尋瑰琰琬

紫巖

寶園詩集

卷五

六

曉登苦竹坡宿露初身起翠濕千琅玕倒掛鳳雛尾數
折入紫巖步步呈謠詠山川秘秀靈攬勝難驚喜初疑
天可捫漸覺地無底松杉夾崖生謾謾奏宮徵下有百
尺淵寒流大清泚擲杖化蒼龍燃犀出奇鬼溪風凜然
來冷入詩骨髓秋氣感離懷錦囊相料理霜露淒以繁
燈倚守紅死流光挫壯心遠觀悟微旨五嶽有前期萬
里從茲始

藤花

幽人愛蘿薜蕭館纏蒼藤豈徒勝凡艷聊且忘憂蒸三
春鑿天巧百卉如雲興茲花殊骨格與物相侵凌美哉

托根異如楸如交結外榮繞苗裔中立儼高台相依比
虞號爭長同薛膝幻盤木客項踣跼山精肱蒼鶴初帶
縱猛虎未脫繩因風成拜敗映月爲弦恒一從冰雪盛
漸覺繁華增沉陰合昏曉曲體勞降登綠籬老圃識縛
架奚奴勝首攀尾自應餘屈身亦承越女衣成削齊童
髮翳鬢量之珠十斛錫以通百朋霧迷七日豹翅歛六
月鳴欬斜綉戶檻累上巖臺層神魚將出浪燭雉初避
戢陸離晨星布灼爛朝霞升依稀鳥窺樊彷彿蛟在罟
珊瑚季倫有步障君夫應流蘇美人帳環珞空王磨豈
誠九迴腸而乃三緘膝婆娑此架下且暮秋烟凝賦心
費園詩集 卷五 七

題沈啟南畫

石田老筆畫中獅寫出經霜栗樹枝返照半沈林影黑
野猿偷果欲來時

寒江聽雪圖

連雲如壤墻凍鳥驚不飛冥冥江上路歲暮鳴雁稀何
人刺船至浮空亂烟霏珊瑚受清響散擲如珠璣太和
有元音此音益幽微生平厭箏笛耳受心實違恨無賴
陽水洗滌通夷希山人得此意畫障恣所揮縛此聽雪

篷泊近青山磯匣中龍脣琴玉軫黃金徽泠泠古人語
不入塵世機請君爲一彈誰謂知音非

舟行雜詩

溪上春光盡不如黃茅縛屋幾家居平添新漲琉璃潤
二寸公蝦半尺魚
紅蕉花發雨纖纖曉起輕寒透指尖正是吳鸞齊上簇
柘陰滿院不開簾
暗潮百里長曹江不比西陵怒擊撞山雨忽來溪鳥散
自吹簫笛倚蓬窗

質園詩集

卷五

八

可無銀燭照宮袍

放舟仙巖螭浦間卽景成咏

螭浦如靜女仙巖如羽流青蒼杳無際一氣安可收我
木林壑身坐此書畫舟相賞在象外貌遺神乃留惠風
淡以遠景色同高秋牧笛弄初晴樵歌出古卽繞崖百
丈潭其下多潛虬未堪靈犀照何用寶玦投朱霞千萬
纓返照入大幽扣舷發清吟獨倡無人酬

蘭風山下是宋隱士王方平垂釣處

勝地殷勤不厭探瑯琊隱跡隔烟嵐寒光一色烏銜破
八尺珊瑚沉古潭

屢爲名山入剡中半醒半醉泊孤篷垂綸姓氏無人問
長使溪山占戴公

取漢玉斗酌客以詩侑之

凡器有真贋好古當求徵漢代去今選法物歸薄滕此
斗久埋土尚有黃氣凝縹緲蛟螭文其細如秋蠅至寶
不終秘出世神所憑纖華貴介愛渾璞庸愚憎宜尼嘗
太息名寶非觚稜此杯閱市朝百度經廢興未遭寶劍
碎屢取天壤承周瓚或不如杜解堪同登鷗鷺與鸚鵡
薄弱猶鄉鄆陽鳥忽西馳紫焰舒明燈但飲勿言別醉
卽眠耗耗銅鏡列坐聽兒飭介壽稱離離玉斗篇傳示
賀園詩集 卷五 九

雲與仍

孫妹按劍圖

紫髯男兒氣嶽嶽長江老蛟頭有角欲將一女換三分
明珠步障黃金槐江東人物孫仲謀天下英雄劉豫州
天桃穠李結姻婭能使區區曹瞞愁兩家一上淪盟誓
夫人悞作歸寧計步光曼曼背人看定訴胸中不平事
觀書曾見二喬圖誰其題者楊廉夫此圖神彩真百倍
帶刀侍婢森成對半斗冲天夜氣高龍蛇山凹江濤大
千里魂銷白帝城未除奸逆報夫兄傷心一片蟬磯月
夜夜遙聞玉其聲

田居詩三十首

整萬幾千地朝南暮北風騎牛嵐翠外吹笛柳陰中紡
績聽隣婦衣冠賽社翁杏花村舍酒正滴小槽紅
墨磯村邊路山重復水重焙茶春盡靜采藥古雲封絡
繹看秧馬陰晴卜土龍艱難知稼穡再拜問神農
秘笈三千卷良田四十雙清芬守耕讀和氣滿家邦
客炊香飯呼兒補壞墻老翁扶杖立黃髮兩眉龐
稚笋驚雷後嬌鶯出谷時靈旗明廟祀鼓蚌舫祠爭
席移芳草簪花揀亞枝醉歸春路遠茅屋上燈遲
不定燈寒候頻更生熟衣燕巢容燕子蠶月掩雙扉家
讀園詩集 卷五 十

有添丁喜軍閥洗甲歸太平高臥穩踪跡入城稀

花竹天然秀真宜一畝居碧香春熟後紅甲雨晴初倦
拂龍鬚簾閒攜鶴頭鉏誰言大官饌珍錯勝園蔬
無泉能作聖有谷合稱愚隱具千絲網名花十客圖先
賢雙賀陸淳俗小唐虞生長湖山窟寧知世路紆
出岫雲千葉知時雨一犁藕苗隨意長麥穗上腰齊岸
柳三眠倦園禽百種啼笑攜雙不借緩緩試新泥
風俗江村古饒花祿節佳春波跳白舫芳草踏青鞋簫
鼓聞殘照兒童拾墮絮新晴催上冢蒨櫺早安排
百舌啼深柳閒意午夢回名泉烹綠玉積雨熟黃梅到

虛梁棲燕何人屢破苔殿春紅芳藥忽報一枝開
松竹爲三友溪山是四隣豪家無許史同里半朱陳
蜺堪留客鷗鳬不避人耕耘忘帝力永作太平民
蔬果經時熟堆盤薦苾芬楊梅正項里菱角采羅墳
百畝千金直雙橋八字分明朝聚隣更舊社重榆枌
小小藏書屋低低覆柴門樹聲禽上下花氣日溫磨祀
祖求仁粟娛賓勸義樽共言豐歲樂比戶足鷄豚
天近麥秋寒黃雲四野寬桃娘成遠嫁梅子澆微酸古
鐵鑿田器新篲戩釣竿還嫌酒漿擾多事勸農官
寂寥朝市外小築養疎頑老屋無人處清溪第幾灣

黃園詩集

卷五

十一

花間喚渡獨樹正當關滿地青痕藉兒童園草還
密砌魚鱗簇疎籬鹿眼編盤車紆似磨斗室活於船
港安魚鮓分秧種芋田下鄉租吏少日日高眠
花影交清書書聲透綠蕉村師相識字童子正垂髫
孔雀逢人對雛鶯使母嬌休嫌田舍陋卿相出漁樵
細把茶經校問將樹譜鈔野鷺動作蟹口鼠長迎貓
夏果紅堪摘秋勝翠漸交夜來新雨過沾酒過西郊
楚楚農家婦親將井臼操隨郎如比翼宜室及天桃
白夢單衫窄烏雲假髻高同時游冶女解佩向江皋
柴門開曲徑老碧絡藤蘿紅雨粘蜂豎青山放雉回

旗村店小樵斧晚雲多印此成安樂八里第一窩
舊植千頭橘新收五色瓜池邊初結子籬豆亦開花
升木兒偷果挑燈婦績麻山居饒喜事簪際鵲查查
釀菊爲甘酒鷄兒破殼黃登高成好句扶醉作重陽
斫鮓中厨細持螯左手忙蕭蕭楓葉晚幽思滿南塘
刈稻喜新晴腰鎌結隊行三時力南畝萬寶告西成
稔稻輪王稅馨香捧爵觥鄉岐諸父老烽火不知驚
密雪酒疎櫺三更枕上聽古梅近破蕊凍雀急梳翎
乘興舟堪泛衝寒酒易醒遠山千萬疊盡失佛頭青
佳館離塵境琴尊樂事增翠深當砌草紅散隔林燈香

黃園詩集

卷五

十二

稻秋栖歎嘉魚夜入骨小樓新月上先照最高村
里美無爭訟交疎寡應酬山鷄誇似鳳野鹿健於牛
耕覆荷難著迷藏捉未休晚涼攜小扇螢火一星流
組綬成塵夢茅茨稱野心淡黃糟菽乳淺碧蜜林檎
園谷才三里圭塘直百金休逢外人道再至恐難尋
烟火離城遠南村更向南官身尊甲長戶口報丁男
數畜田家對乘涼故事談布袍兼素食淡泊有餘甘
山好人同雅林深意不厭柯橋三丈直梅里一峰尖
農具高堆屋村妝半出簾年豐多嫁娶吉日不須占
爽世傳耕鑿何勞換好街六如驚火電一瞬割仙凡

仙辭銅鶴新居對石帆寥寥家具在屋簷共長鑣

越游詩和施竹田黃筠村吳樸庭三友

臥龍山

如此江山麗當年只霸圖謀臣輕種人海得蓬壺起
鰲爲霖雨看松憶大夫晚涼成遠眺燈火簇通衢

禹廟

古翠鬱朝昏千峯拱殿門松篁鸞鳳異玉帛帝王尊風
俗傳槐櫟馨香薦子孫怪他秦篆穢漫漶不須捫

項里

把酒論劉項紛紛戰鬪中入關輕一炬蓋世失重瞳遺

質園詩集

卷五

三

廟猶存社靈旗怒捲風深慚諸父老死肯返江東

寓園

神忠敏公舊墅

六代繁華地都成選佛場休悲祁氏宅改作贊公房碧
血斑斑盡滄波泯泯長招魂歸淨土薝蔔滿林香

七星巖

北斗懸天上何年墜太清探奇三度到冒險一身輕冷
通幽禽語危催警句成翻令游客意不復愛空明

曹山

陶石簣先生別業

峭壁蒼晴陰危樓亘古今平生嗜靈秀奇絕此登臨揮
塵論前輩尋鐘度密林會須攜鐵笛一弄老龍吟

小珊瑚 米相國文懿公宅

當年米相國歸老小珊瑚褒貶存前史滄桑刺改家平
泉諸子弟東武舊烟霞獨立蒼苔外寒林急暮鴉

鑑湖

全家鑑湖住不賦鑑湖詩揮手又千里乞身知幾時屏
山收勝槩社燕訂幽期珍重菱花影他年照鬢絲

大塢尖

雲舒與雲卷只在此山腰下界忽蝶蟻諸星紛動擲天
鷄攸枕聽木魅隔林招癸兀登臨意安危杖一條

青藤書屋

徐天池先生故居

質園詩集

卷五

四

賀陸風流盡如君得未曾卷中雙白鹿身後一青藤魂
魄時相戀蒼涼晚益增攀條無限意疎翠刷眉稜

余自去夏歸里日在湖山琴酒閒賦詩盈卷自題

其後

骨相何曾稱玉墀承明榮遇幾回疑謝莊朝散衣多雪
質監歸來鬢未絲小酌鄉人親洗盞閒邀道士共圍棋
看花猶恐東皇怪莫遣呢喃燕子知

千姿萬貌總難忘翻悔身生錦綉鄉持節豈宜拋濮水
賜金先要買丰塘才如冰雪方堪琢病爲烟霞不用禳
收拾詩筒游紫陌還教滿路散清光

被酒長簪最好花一枝香壓州簪斜呼來白鷺知人意
行到蒼崖印我家仲舉風流歸蹴踘彥齡才調托琵琶
疎頑曾被羣仙惱自駕虹梁度廣霞

柔綠疎黃藻小船畫中桑柘鏡中天村師借筆書租券
隣叟扶筇索社錢養得清心酬聖主珠成好句咏豐
年玉堂骨冷原無夢况被溪山攬夜眠

飲吳山第一樓望江

吳山有三樓可眺湖與江錦春旣擅名茲樓更無雙好
風宛宛來四面開明窓羅刹繞其左水聲鳴淙淙烟帆
雜沙鷗望見一葉紅靈胥白馬馳難以成徒杠昨聞中

質園詩集

卷五

七

小壘潮頭怒擊撞正練界遠天其勢凌崢嶸冰夸揮霜
刃強弩安能降陂陀半傾圯下撼數丈椿萬夫急泉鼓
投石沉巨艘日費內帑錢乘載連箱扛大吏乘華節出
入油碧幢議疏兼議塞採擇羣言呢何人藉箸籌終日
臨堤蹕聖朝文教敷遠至再與駝河海奏清晏頌德
考揚聲其衣帶水令我中心懷昔謁海神祠其神雨
眉應白霜繪殿壁五綵懸旌幢姝女唱容與盛鬢雲
縈迴神復送神金鼓朝夕擬受職不捍患母乃神性慈
論事多罪言慷慨思安邦何時縛龍馭治此東南澤

浙江夜潮

廣陵今浙江其潮甲天下晴天走迅雷匹練馳奔馬
深枕畔聞萬里爭一瀉初如軒鉞鳴終旬洞庭野又如
昆陽戰呼號振檐瓦我思鴻濛中一氣所揮灑至秋金
水盛澎湃非外假前晉後有種其說懸大雅考古如可
憑質之觀濤者

借孫君中可趙野樵紹薪兄弟歌者孫郎納涼湖

上孫郎復置酒僧舍爲余餞行翼日登舟北去

晚次塘西對月懷人成長句以寄

招賢古寺水雲中湘簾如波午夢空放鶴欲尋真嶠侶
掛帆恰遇早秋風何年柳陌重聯襟此去蘭臺任轉蓬

質園詩集

卷五

七

梅向十三樓上坐春葱細按玉玲瓏

六橋勝槩證前因流轉芳韶又幾巡蘇小香車春有跡

唐昌玉蕊雨如塵知君絲竹中年怨老我江湖萬里身

閒倚雕闌望河漢一樽遙勸廣寒人

游錢舟 卽曹秋猷侍郎倦圃道場汪氏

宋社成榛界金陀有舊坊春深裴令宅圭易輞川莊水

石多清賞風流憶侍郎名園鳳洲記何處不滄桑

胥山

橋李無名山一望平野蒼胥山峙千古實少數仞同置
之岱華間稊米在太倉昔在吳越時此地爲邊疆伍侯

志吞越睨睨無餘鄉自從屬餽賜抑鬱志未揚此山非
山類實侯演武場碧血埋黃泉草木皆堅剛遂致土脈
墳隱隱高中央撫衣一登覽感激增慨慷時聞風雨夜
故劍生光芒

辨山詩

餘杭多酒家烏程傳釀法浙西本名都旨佳每不乏聞
來子城陰覽古日數匝中有土一堆與瓦礫雜宋朝
設酒務官居今毀塌敝甕棄不收成此山重沓或云是
古冢千年閉華嬰鄭泉及劉伶當時竹荷鋪長眠竟不
醒蕭蕭白楊來人生大壤開每怪胸懷隘非酒陶寫之

質園詩集

卷五

七

生機亦衰颯春風吹梨花糟牀紅可壓餅糖復空羞
從酒徒狎顧茲一簣畱有足不敢踏

弄珠樓望海上諸山

大風顛如雷白浪吹不止乘興泛東湖片葉輕舟艤登
樓豁雄觀歷歷如衆米九川環抱之若龍戲淵水回頭
望滄溟往來無百里縹緲三神山起落青蕤蕤飛蛾掃
淡烟蒼翠殊可喜纖纖上弦月一生復一死光陰同彈
丸輾轉長不已俗士困泥塗閉門隔塵軌安知江海情
芳菲到桃李寂寥弄珠人清歌夜潮起

渡江

鐵甕古金城襟帶三吳國鼓棹循西溪沿河見江色
頭望青天飛雲爭如拭天吳與陽侯深居自藏匿山翠
圓空可渚烟凝淡墨就中浮玉峯朱綠益華飾壯哉汗
漫游轉恃定慧力在昔漢道微竊據徧南北破虜有令
子割江作戶閩秣陵與武昌轉徙少寧息原其托始時
京口實邦域六朝踵相連此地爲邊塞重鎮置丹陽石
城有馮翊一從采石渡飛軍太相逼玉樹歌聲殘王氣
於茲熄茫茫廣陵濤沙痕日吞蝕一望海天寬東流去
無極

淮上寄樸庭

質園詩集

卷五

六

片月照孤影始知千里身鶯花雙涕淚歲序一鴻鱗老
樸應無恙空庭不見人黃金揮手盡何物買青春
小滿歸家後逢君慰我懷半盃新竹粉千股老松欹促
膝猶嫌遠同心故偶乖維舟成悵望把酒酌長淮

天妃閣

鐙船船頭與船尾天妃古閣峻無比千繩百索挽不牢
大舟一落十餘里嗚呼瞿唐灩澦無地無行路之難乃
如此應龍明眎去不還同律木田呼欲起怒濤駭浪我
曾經入險非憂出非喜好風吹衣月挂天柁樓晚食黃
河鯉

韓莊紀夢詩

七月既望夜宿韓莊夢中得句云鋤雲種蒼龍
經旬忽千尺守我韓碑籙遠與紅塵隔伏苓本
無苗琥珀寧有跡獨許鶴髮翁啼地如天碧正
欲續吟爲老僕嚔語而醒是夕月明如畫舟人
乘風駕帆頃刻數十里倚枕聽波濤聲遂不成
寐因紀此詩

琢玉穿珠四韻成老仙碧唾點衣輕覺來涼透芙蓉骨
臥聽秋濤作雨聲

將至京師途中寄唐太常荻村先生稭諭德補庭

質園詩集

卷五

五

鍾侍御仲恆林編修桓次三同年

春夢無心事有痕懷卿戀 關向誰論百金每受良朋
惠一飯難忘 聖主恩香燕芸香深處聞馬知金馬舊
時門獨憐故苑新栽柳借與黃鸝養子孫
稚子山妻旅食難兩年孤影失團圓伯生前後歌貧士
永叔殷勤乞外官紅燭修書人再到青綾擁被夜方寒
誰言蓬閣神仙侶只作藍袍故態看

少女風尖獵葉時黃河如帶落帆遲支那鐵鎖神功遠
博望星槎耳畔知醉入殘霞天玳瑁夢回爭界月玻璃
江山絕景雕鏤盡真宰何曾惱賦詩

錦瑟華年去不回吳霜點鬢自驚猜怕生肘柳支離病
忍難心花爛漫開魚婢兒翁知野性欲雲江樹護疎材
舉頭漸覺斜霄近喜見翠公列上台

質園詩集

卷五

辛

質園詩集卷六

會稽 商 盤 寶意

初冬卽事成詩

夕照沉山暗孤館五尺燈榮碧光短聞聽兒童講易經
離火中虛坎中滿我生寡過慚未能鐵撾三折豈宜緩
一元坎北天地心指日飛灰驗度管

少年落筆如挽強千詩百賦頗擅長西園十子樹壇坫
誰居南北誰中央服官早作香案吏莫矜報國工文章
金匱何日刮眸子一和天下真施嬌

孟郊賈島瘦且寒一生雕琢傷腎肝千氣萬力磨巨刃

質園詩集

卷六

一

古今獨有杜與韓五色絢爛造平淡雖有險語無山安
鍾嶸不遇表聖死作詩徒使盲人看

夜集分韻得市字

寒燈細作花夜閑照人紫諸公此高會吟聲出宮徵新
意離還萌古心鞭欲起方當太平時廊廟臻上理幸同
文字飲溫采參妙旨歸來擊柝喧涼夢清入乃陽
事生騎馬踏城市

寄樸庭

江山如夢倦登臨往事迷離未易尋命戰石殘花影瘦
銀箏聽罷酒痕深人因福薄方生慧天付才多却費心

青鬃留年能幾日二毛早有雪霜侵

響意傷足石帆有詩相調僕亦繼咏篇中勉以素

履無咎之義用解子春憂色非敢戲也

去年與阿同衝寒出燕市一登妙高臺再游秦伯里歸
家歷千歲濟勝具無比此足不負若萬里從茲始胡乃
入塵埃重踏九衢紫下堂古所戒傷足非偶爾蹢躅與
世疎予予向人恥大道本坦坦莫矜跛能履君子利永
貞何如良其趾歲闌燈火青謝客披圖史慷慨非天放
靜參仲尼理數月慣出門勿藥常有喜

早春懷越中舊游

質園詩集

卷六

二

憶昔春泥陌同乘白鼻騎小桃數水驛寒食孟珠家別
意深滄海仙居隔少霞東風太無賴依舊遲天斜

題畫冊

汗雨香雲倦可憐生綃寫山麗人天清明寒食匆匆過
看煞烏篷鏡裏船

題玉皇朝會圖

大羅覆笠青琉璃瑞雲細展靈姑銓海雞唱曉霞鳥曉
九淵虎豹毛氍毹晃晃昱昱瞻朝儀虬鬚仙曹入彤扉
後有六丁走且馳五嶽四瀛職有司旁列飄伯及皓師
日凡月姊雙連枝乍陰乍陽光合耀二十八宿燦珠璣

好風好雨因畢箕披脊媵女明霞姿清妍絕勝姜與姬
九鳳六龍保金表旌幢旄蓋鈇鉞紫香玉鼓蛟鼉皮
嘲谷小管分雄雌衆靈雜遝如布棋近者不衰遠不遺
帝乃端拱垂寶表亭毒萬有環四維剛柔交濟彰輝施
一夫不獲帝其咨太鴻既調錫以釐百神炯炯安政私
各秉元化莫泰基綿綿歷劫無終期石生不作作者誰
有此說亦此圖萬象紛蔽黠揭鉢變相徒爾爲髮持一
開藏魁魁不倚請觀圖中詩

題宋趙元長降龍圖

爲成黃門家舊物余
於雍正乙卯歲得之

梵唄唱秋水碧洗盡寒潭風雨激毒龍蟠蟠飛破壁

貨園詩集

卷六

三

火鬣蒼髯下盈尺天雲下滄海波直遊戲人間杳難覓
大雄神通思一擊牟尼之珠向天擲五色迷龍龍踟躕
衡衡不動潛幽澤瑟縮小如紅蜥蜴始知佛法大無極
七寶袈裟九環錫萬靈百怪目睽賜再拜皈依受乃職
趙生何年畱此跡漫漶烟雲尚堪拭我亦難除好龍癖
是假是真全未識葉公却走吁可惜不如且學支離益

三條綫陌倦游天小隔榆林亦黯然禮樂豈宜從後進
功名長愧著先鞭香開薜荔春將老影對蟾蜍月正圓
知汝宣尼曾受戒不須重悟大乘禪

送周君編修出守睦州

富春江水繞城流。送子全家盡裡游。行部正當櫻笋候。
懷人多向鳳麟洲。銀臺上馬成前夢。玉竈聽鶯勸小留。
聖世豈容高隱士。不須大澤問羊裘。

往跡

九枝燈紫簇迴波送客鬢酒半酣墮珥遺簪良會短
賣漿擊筑異人多收將金粉歸圖畫畱取鶯花怨綺羅
往跡重尋一彈指坐驚身是病維摩

綠壘軒前後作

桃笙當盡臥，急響促人醒。枯木有生意，殘虹無定形。蟻

質園詩集

卷六

175

居遷後壞龍陣過時腥孤負催詩意長吟只自聽

古藥歌

人皆愛藤花我獨愛藤葉猩紅與衣紫但堪兒女狎宛
平相國南城居怡園花木多扶疎五十餘年人事改平
泉綠野成邛墟獨有此園傳數代竹塢猶存石闌壞淡
中太守早歸田手植童童作車蓋我來已過藤花時
陰四角流蘇垂春歸蝴蝶病猶舞夜靜蟄龍蟠不移君
不見萬善寺旁呂氏宅滿架古藤翠如織鍊幹垂縹緲大
德年模糊辨是元朝植又不見海波小巷朱翰林古藤
書屋歲月深拂衣一去竟終古使我嘆逝需衣襟此藤

摩挲忽神王鱗鬣之而各殊狀開書相對正相宜
何時能一放曉來有客迷門過揮毫共作藤花歌春官
桃李廣寒桂藤今藤今奈老何

季夏藤花復發數穗憐其晚榮為賦此詩

綠雲滂朱夏層層收不起豈知黯淡中見此數葉紫方
當豔陽天滿院開如綺含苞獨過時中有藏身翅羞隨
桃李榮不引蜂蝶喜辟如後來英嘉譽動鄉里復如晚
節芳欄媚照青史在寒之初六宜待微旨學易悟行
藏愆期良有以

送同年孫虛船典試湖廣

佩園詩集

卷六

五

珥筆多年直建章第三廳上好風光豐貂官燭辭文穎
白馬飛鳥向武昌杞梓全材歸掌握孫劉廢壘幾滄桑
輶車到處應懷古閒聽銅鞮唱夕陽

文穎
館名

王具區畫山水歌

先生畫癖兼山癖橫掃千峰淡無迹邇來鍵戶居京師
長恨無山羅几席典酬落筆烟雲會畫山意在真山外
空青一片翠萬重看盡人閒好眉黛主人本是樵牧徒
一朝身入承明廬西山挂笏不可見軟塵直欲蒙清虛
朝回晏坐公事了瞥見淋漓潑墨好此是南塘雨後山
白練一聲翠微曉君不見涼鷹臺上寒雲高秋風涼透

宮錦袍故鄉舊隱不歸去坐驚鬢髮如蓬蒿昨朝數尺
鵝溪絹南華妙手開生面寫出樵風別業圖幽篁奇石
重如見先生持較當如何倪黃粉本俱難磨人生快意
那有此五嶽壯游幾時始

南堂真象圖為沈侯題

聖恩賜德敷四極東為泰遠西外國朱十玉戚陳兩堦
不為文身至重譯大秦獅子西洋牛元龜砲大隨共球
異物不貴古所訓但昭服遠懷諸侯我皇端拱垂裳
治豹房熊館經年閑游樂巢鳳威時祥却馬焚裘
主意九州之外復九州可與赤縣通車舟馴象蹠踰貢

佩園詩集

卷六

六

南堂旅葵彷彿歸西周碧甃不動如山嶽六管風烟莽
塞邸金環穿耳四蠻奴半挂珠璣皆戎馬吾聞南方之
美稱象犀魯頌爾雅名可稽天階立仗備法駕神在齒
犀車踐履當時開國三藩變南人騎象來酣戰石屏銅
犀與圖元和聖德今重見沈侯作宦昆明池遠從萬
里西京師丹青瑰麗寫職貢展圖欲賦明堂詩早朝雙
闕重更舞綢繆初學靈龍鼓萬載昇平王會圖何時復
進顏師古

王奉常烟客仿一峯秋山圖以贈先家宰等軒公

董文敏陳眉公題詩其上世所三絕攜入京師

縣志卷之六

會稽山水抱城郭，渡嶺入向身。落先朝家學，早乞身。
五十歸田，恣行樂。大常落筆生雲烟，高秋景色皆清妍。
董公陳叟共題跋，一時三絕爭流傳。人開九鼎齊烟變，
午橋綠野難重見。法物傳家僅此圖，古絹塵埃汨如霞。
嗚呼！人生林岫不可忘，永懷祖德留芬芳。翠微入手願
粗足，畫師何代無倪黃。

六君咏 并序

丙辰之歲，吾郡與館選者六人，皆余舊好，各贈
以言，紀登瀛之盛，使來者有所興焉。

賓園詩集

卷六

七

周庶常念山 應宿

周君著書處，蒼藤絡老屋。膝下有佳兒，甕中少餘粟。手
攜冰雪文，愛向古墳讀。一別駟澗秋，晚波爲誰綠。

張庶常素書 麟錫

論交二十年，其人若嵩華。垂綬汲井華，煉石補天罅。倉
卒遇中原，豈止過三舍。壯哉鵝鴨軍，一戰竟成霸。

王庶常公泰 和

得也默爾，才是我同年。友朋月滿入懷，鴻寶長秘手一
剪。蓬山雲三疊，蘭門柳看花。醉煞人春色，濃於酒。

羅庶常蒼山 世芳

夢裏江東詩，有湘波色如。但碧頭，舊爲王。夢裏
驢眉未，心冷豔。舊雨澤紛紛，桃杏奈。眼裏一，柳如波。
夢中佳句。

史庶常德璋 廣瑞

七歲初，讀那十歲富。細繅十三工，文章落筆誇長老。二
十跨汗漫，騰身上嶺島。三十四強令僕，黑頭早。

潘庶常明山 又

解元潘山，乃入粵。西籍握手，濯龍門相見。尚相識，天
末懷佳人。秦淮暮潮急，何處最銷魂。春風柳條碧，在夫人金

陵尚

賓園詩集

卷六

八

李于野舊構種山亭，華外老人爲補圖。今秋飲其

下，遂賦此詩。

李侯愛山能種山，翠微落手橫曉鬢。大者爲嶺小者岵，
如此即壑非人開。五丁力竭靈氣竭，石勢學人人更瘦。

補山爲亭，潑墨圖。一時占盡天然秀，我來不見爲山時。
九河一簣無由知，家山粉木長在懷。與君戲關千峨眉，

祇解九陌綠塘少，踏天宮取客雲好。彷彿吾家對雄莊，

野鶴烏相秋容老。西風獵獵單于臺，射鵰殺虎黃雲間。
好山好水不歸去，古槐小巷生蒿萊。嗚呼！人生何必居

蕙有莫笑李侯官，獨吟有約須招向。子平何時共訪陶，

宏景

題樵風小景

酒痕狼藉流蕉衫梓里春游興不凡異代平泉餘蔓草
仙人遺鏃委空巖何年執戟辭金馬蒨蒨登樓望石帆
好與溪山堅舊約此生家具足長饒

鄭雲叟至都知樵風逕已購

蘇北朝南趣好風遺踪何處訪仙翁玉堂枉自誇天上
同谷從教落手中射的好占新黑白盡橋遙指舊青紅
卜隣偕隱休相負道德他年傍鄭公

題花塢卜居圖送汪師李歸西溪用漁洋山人送

質園詩集

卷六

九

吳天章歸中條山韻

圖畫青龍寺鄉心動季卿探囊知定業掣筆謝浮名抱
璞猶懷寶臨流且濯纓兼葭深處路在西我見亦含情
昨歲相逢處宗陽宋故宮夢與汪君晤於王荀先生信天書屋爲南宋宗陽宮故址

宜船在否回首嚮游空

十五人登第同時授吏官諸徵士授翰林者十五人紅雲何處採翠
袖不勝寒補屋勞纖手歸田懼紫餐重思少陵語吾道
本艱難

林逋通幽異知君別業存奇書藏盡篋稚子欸柴門風

雪深時到仙凡悟後論灌園他日訪黃芥長兒孫

題雲叟畫

十里江深一安閑不分霧鬢與烟鬟冰廳玩畫情無限
看燕江南雨後山
軟綉天街策馬行故山入夢未分明翰君嫩綠陰中坐
應過春禽百種聲

忠武軍符狀

宋岳韓兩忠武俱有背旌軍旌酒瓶也親軍爲
大將負危者統制而下咸與抗禮此其軍符也
符制以銅圓徑六分高三分鼻紐以貫佩繩其

質園詩集

卷六

十

文一人飛騎背負酒瓶武林某君偶得於友人
行笥中孫編修約亭徵詩紀事因賦此篇

何年西此飛騎符非麟非虎體製殊北符南遷事已矣
此符尚不理榛蕪李綱既亡宗澤死九鼎一髮誰能扶
掌堂兩公韓與岳身經百戰揮鎗孤酒器負背弓克敵
親軍摩戰爭先驅權臣在內賊所利肯使大將恢聖圖
班師跨騎兩寂寞龍沙萬里悲鬱與輸金納幣計真左
可惜宋社成邱墟金牌書召銅印失邪王抱恨斬王孤
舊物流傳神鬼護疑有碧血光模糊約亭翰林頗好古
徵詩紀事來通都我讀青史已惆悵况覩此物增嗟吁

是荷是岳雨不辨千秋忠義難論青君不見唐林慟哭
六陵發珠襦玉匣歸泥塗

小鵲咏

金布衣壽門所愛一犬名曰小鵲食則果肉臥
則錦綺樂之二十年矣今冬攜至都門屬徵君
樊榭有詩余亦戲作

古人各有好一癖皆可傳金君愛此犬隨行二十年還
來八薊北雪暗雲黃天教弓聲平野韓宋爭于田此犬
獨無用但為世所憐未將暴客禦祇向重茵暖晏食清
本性豈惟小猶然三復盧令詩其人美且慧

寶國詩集

卷六

七

同年胡雲持少學託題賦賀新涼一曲傳諸家府
頃在都下讀其舊詞如閑檀情纖纖之聲激楚

未終泣然承賦為贈此篇

曾聽寒涼舊汨流青衫不獨感江州傳來鳳尾春冰句
雲持詞中語喚起龍堆絕塞愁破恨好風初入座斷魂
纖月恰當樓王維已老曹剛死莫問尋常轉部頭

題葛孝廉循初廣陵詩後

小雨蕪城易斷魂隋家飛絮近黃昏情多散恨存無賴
夢好還驚月有痕如此青衫休聽曲再來綠葉定連村
竹西是我傷心地一園繁華不可論

送春和葛循初韻

驚人柔綠近意紗解情香魂不寐難一笑竟成無處
雙鬟如是阿誰家同夢未卜他生事燒燭看昨夜花
好與王孫報消息斷腸芳草遍天涯

題黃筠村曹山園追次坡翁夢中詩韻

曹山在越中不及一拳大奇石小玲瓏具勢幾人拜虛
此勝光其下聚神怪寒蛟如凍蛇避此太阿快巨壑
勢不開千年東澎湃披圖猶破膽恍到元宮界何須五
嶽游始了三生債

懷古草進香普陀用東坡集詩逸真人詩韻

寶田詩集

卷六

三

我聞南海南一氣通混茫雲霞蒸紫洞纖此為鳳章靈
山翠無際矯若驚鴻翔念彼觀音力浩劫真難量琳宮
照三界丹碧交輝煌諸天龍藥叉出入青蓮房君乘萬
斛舟曉破海氣涼潮音古洞開忽現百寶妝云是佛所
為無相還有光歸來述奇異高唱金琅璫聊持玳瑁齋
永奉旃檀香

周研山畫石歌

何人畫此數尺峯連蜷鬱律如臥龍辟蘿被身苔緇而
幾時得勢摩蒼穹研山先生文中雄以文作畫不欲工
落筆如石雨飛動天驚雨逗無畱踪君家舊住山水中

當樓百木青芙蓉烟雲供養五十載夕佳朝爽猶未凋
九衢一踏塵土紅時時夢繞東山東方諸太少渺如斯
虛傳紫翠仙人宮勝情對此怪不供如瓜瘦骨禁秋風
巖巖獨立有真性勸君慎勿加磨礱

秋日過李于野在山書屋

昔我入山時不覺在山好今我出山後悔不還山早訪
李仙家田五畝未云小秋影淡閒堵蒼然不可掃細思
園中主結構非草草百金買玲瓏堆塚匠人巧絕景落
奇懷勝獲連城寶真假君莫論觀空心了了

寄華外老人津門

質園詩集

卷六

七

先生舊隱東南園中花木幽且繁滋畦教子吳復古
安貧好義王長源邇來相隔三百里直沽濁水聲潺湲
海風初收佔船到鹽筴未正居民喧先生不商復不旅
居此何異栖窮猿我昨停舟旬日住恨無名勝尋卽樊
籬置酒一會合車驚氣候移寒暄秋風策策動懷抱
陸沈不願平人援蒼筤何具節日驚驚憔悴難勝簪
作詩一笑鬚眉掀歸耕他日騎烏犍

相別行送樸庭傲鴈門集中相逢行體

一年相別在上谷秋風透衣霜滿屋我爲壯夫君少年
慷慨登車不曾哭一年相別燕京城我級子佩都未成

殘雪乍消北關迥暮雲欲起西山平一年相別在鄉里
綠樹手釀南湖水自喜歸來鬢尚青終愁此去衣難紫
十年三別真匆匆今年逢君九陌中豐臺芍藥豔含露
太液菱荷香散風吳生意氣如龍虎蹀躞燕臺訪周鼓
冷官下直方杜門重與吳生論今古君不見眼前衮衮
多公侯雙藤夾道鳴八駟何人能薦孟東野有客欲識
韓荆州一月掉頭不肯住還家要撫雙松樹伯玉休吟
感遇詩張衡且作歸田賦嗟余瑟縮如蠶眠甕中無粟
囊無錢男兒握印大於斗慎勿疎散思神仙

題響意刻溪秋泛圖

質園詩集

卷六

八

是李白非采石是蘇軾非赤壁何時寫此尺幅圖好山
好水絕代無蓂花香細秋容淺吳縠如水不堪剪銅斗
蕭蕭起暮寒七十二屏向空展晚霞染出紅楓樹曾是
當年泊舟處一曲清波直萬金全家羅襪生烟霧我今
竊祿燕京城朱顏欲凋白髮生子猷安道兩寂寞此事
原不關公卿吾弟歸耕不須卜營茅且縛三閒屋君不
見鳳凰竹實無處尋野田黃雀爭餘粟

王左手畫虎歌

南山石裂變平地木葉打頭狂雨至深林突出氣象爽
猛獸爭誇爪牙利仲冬之月虎始交若虺若虺求其窟

怒雷一噴陵谷震威在神魄非皮毛古今誰是為
道元之獅松雪馬包鼎畫虎天下奇真虎不如假虎假
聖朝恩澤及飛走駒戲在郊麟在藪此虎何人偶見之
大梁布衣王左手禿毫一尺如斷梗橫掃千重萬重嶺
渡河似畏長官清野哭須知苛政猛於虎此虎感慨多
勁風疾撼庭樹柯曾聞虎氣當騰越勳業無成奈老何
君不見南海子一色綠垣三十里射鴨池邊白草低
薦藁上黃雲起虎旅歸來甲兵洗壯夫手挽天河水遂
令李廣難封萬戶侯人不逢時虎亦死

質園詩集

卷六

六

曩與丁芝田丈訪陳靜軒儀部於適可園罌粟盛
開酸酒初熟坐上為詩以贈相距三年矣今夏
邂逅丁丈於東華門追憶舊游賦此見志時儀
部卜居嘉禾并以懷之

陳員外家好罌粟纈錦團窠壓西蜀我來正及花開時
蜂腰蝶脂交參差主人愛花兼愛客賦詩欲關花顏色
酸酒盈樽玉液清鯉魚入箸銀絲白花前一別三春風
蘭臺走馬如飄迷石泉槐火那可問時時夢憶芝田翁
天街十二園林少何處朱門聽啼鳥一架鞦韆雙畫旗
賜斷豐臺暮春曉禁門昨日東華開先生得得騎驢來
暮年烈士壯心在肩峩腰玉何人裁布帆指目秋風起

北訪陳侯到橋李米囊無恙再題詩好和簡州雅刺史
題鄭雲史載薪圃

昔訪倪氏園曾到樵風祠其山鬱嵒峨其水清迤潏其
時方賽社擊鼓笙竿吹其神鬚髮蒼來往飄飄旗幟是
漢郊公遺跡長在茲一別忽三載清景安可追君吟念
舊隱煩此老畫師魏塘數尺絹授意不暇辭遺勢與近
形落筆都無遺舟如缺爪小帆作快馬馳雖非仙客風
朝暮亦有期歸去見樵叟為盤問訊之

愁霖詩

三月賦閨農六月賦愁霖端居一室內長抱四海心

質園詩集

卷六

六

氣所乘除毗陽復毗陰占星月離畢望日雲覆露值此
下民墊敢云造物淫我欲上綠章仰睇何森森九閭虎
豹守肯達區區忱不如杜門坐抱膝成微吟

積雨有懷樸庭南歸

故人久不見相見別亦佳倦鳥思舊巢懶啄上苑花昨
日渡虛清揮手辭東華東華何所見但見馬與車雙輪
陌上塵四蹄風中沙邈者五六月積雨傷禾麻芝蘭生
腐角鴉鳴啼檐牙居者慘不歡行者將奈何君家半野
塘林麓如少霞雙松數百年疎翠籠窻紗歸讀種樹書
或坐垂釣槎父老賀君返庭鵲聲楂楂見君如問僕欲

對庭咨嗟休將簪組榮遙向隣里誇

立秋

蟋蟀傳秋信蕭蕭滿鳳城萬家都未覺
葉忽先驚裏
置班姬扇低迷趙女箏已涼天氣好冰簟夢難成

題趙野樵北游圖

結客初爲九陌遊陸離錦帶佩吳鉤
五花駿馬追風快
不作閒身舊倚樓

紅藥豐臺殿好春六萌車小碾香塵斜
陽欲落遙山紫
多少看花半醉人

萬家瑟瑟動秋光斗覺空青玉宇涼
一色緹城三十里

質園詩集

卷六

七

涼鴈臺上晚雲蒼

金簾翠幕逐時新粉面烟眉淺絳唇
訪遍傾城君定悔

虛傳燕趙有佳人

送徐侍御恕齋先生假歸吳興

桓典青驄馬吳興碧浪湖
片恩許休沐故國近蓬壺

香信三秋味中箱五嶽圖暫歸仍遠志
戀闕不能無

尋常明月夜共對玉嬋娟之子懷香草
今宵忽別筵倚

闌橫碧漢當戶理朱弦彈出思歸操銷魂各黯然

杭編修董浦松吹書堂詩

翰林愛松如愛龍以松名堂無一松直疑象外得蒼翠

忽覺耳邊聞鼓鐘有生有枯雙管書若遠若近
承明出入不歸去坐隔白雲千萬重

送萬孝廉循初歸樵李

萬郎二十正統綺生長南湖古樵李
蕩漿時過楊柳灣
尋春遠入桃花里等身早讀墳典書沈詩任筆總不如

雲霄萬仞若平地凌空何必奇肱車
朝廷方下求賢

詔龍文虎氣皆騰越賈誼將爲宣室陳桓譚初向長安

笑眼前衮衮多公侯子何愛我鳴和酬春衫狼藉酒痕

在走馬時作豐臺游臨軒召對天顏霽五雲遙見

皇居麗未能三鳥共驂鸞且喜一枝先折桂秋風吹動

質園詩集

卷六

太

南湖波難頭菱角戢戢多金門待詔難稱意有田不歸

將奈何一尊漱澗中宵別小月含情白於雪潞水帆檣

赤鯉風餅山帶坡黃花節別有還家樂事真數椽茅屋

清無塵留賓截髮稱賢母織素鳴機擅細君我亦鬢眉

江海客十年懶踏東華陌拂衣他日逐鄉園老樹生花

古苔碧

題羅將軍所畫蜀中山水

溪山平遠碧無痕晴意猶含雨意昏身在少陵詩句裡

白沙翠竹滿江村

水出瞿唐正急流鯉魚風起白蘋秋孤帆天際渺千里

帶晚晴人倚樓

錦江玉壘兩參差誰把烟雲付畫師如過竹公溪畔路
子規啼歇雨濃時

凌雲載酒憶坡翁西望青衣去不窮百疊琉璃數重樹
漢嘉城郭夕陽中

題謝梅莊侍御軍中學易圖

積雪初消日漸遲圖書妙義靜中知平生折檻埋輪手
都在研朱滴露時

雅弓縱獵寒風勁羣帳談兵夜月深誰識蒼蒼邊色裡
正從一畫見天心

質園詩集

卷六

尤

落葉

一夜西風入鳳城離離病葉最先驚明朝深院知誰掃
滿壁寒蛩助不平百種芳菲歸浩劫十分蕭瑟見高情
主人要聽秋聲細邀取山僧著屐行

含情悵望古山川萬綠凋殘露遠天斜日牛羊荒塚外
晚雲禾黍小村邊淋漓莫遣重沾雨慘淡何緣得化烟
但願東皇長作主免他榮瘁閱流年

鶯歸燕去兩無知獨有寒蟬抱故枝乍可早成枯樹賦
不應偏咏落花詩婆娑尚覺含生意疎放何曾怨後時
彈指條風消息近依然柔綠影參差

咫尺平泉有舊莊移家景色太蒼涼疎簾已失千層碧
小徑新添一寸黃老我騷騷驚節序懷人迢遞各風霜
挑燈獨夜難成睡策策休教到玉堂

質園詩集

卷六

手

質園詩集卷七

陳情紀

會稽 商 盤 寶意

恩詩

一宴披雲隔軟塵還從千里望 嚴宸徒慰河上神明
宰設指樓前侍從臣紅燭豐貂成舊夢青衫司馬稱閒
身頭銜合署金焦長組綬依然是散人
朱方雄鎮近如何北府南徐廢壘多割據紛紜垂史冊
昇平安樂戢干戈六朝金粉人如夢十道艤艫水自波
身到三吳形勝地縱橫豪氣未銷磨

質園詩集

卷七

蜀道崎嶇萬里行白雲天末遠愁生兩親漸覺衰兼病
八口聊將祿代耕但有家風雨菽水更無薦牘勸公卿
誰憐待漏陳情表自向承光達 聖明
雙輪綉陌失芳踪花影春明隔萬重翹首豈能忘夙闕
側身何必占鰲峯銜如白傅非長謫地是孫郎有舊封
莫嘆下僚難報稱此身旄節幾時逢

運河

國家設輓輸歲急東南課巨舸盈萬千漕政誠重大海
運不可循治河使北播去害兼收利蓄洩嚴巡邏非徒
充太倉且以通百貨日費內府金堤下屢興作宋潘去

已遙此事誰能荷是時秋水漲陂陀千丈破嗟此幾輔
民難免遭寒餓緣知五行沴豈盡三農憐憂時祝降康
輾轉不能臥北來馬注坡南去驢旋磨朔風起青蘋水
勢殊少挫燕齊忽中分一霎景州過平生仗忠信鬼神
爲護呵利涉信有時持尊聊自賀

撲棗歌

撲棗不用竿盛棗不用筐東隣種棗西隣打一秋棗熟
兒童忙兒童食棗未曾飽過客紛紛日多少鞭梢打驢
復打棗滿林亂落金丸小棗實拋殘棗棗疎千樹萬樹
枯不枯明年四月溫風起依舊棗花香十里回頭笑問

質園詩集

卷七

二

東隣家何如墻下栽桑麻

玉屏風歌

昆吾刀小光如電截取藍田雲一片不作方圓璧與珪
細意琢成屏六扇春山沐雨曉無跡連天展盡芙蓉碧
綉障空濺走馬泥畫屏祇待牽牛夕此屏一尺宛轉開
中有盛氣成樓臺良工勞苦人愛惜世間何處無名材
當年屢入公侯府想見光芒照歌舞錦暉牙籤夜不收
金牀玉几春無主一朝散落塵土中昔非榮遇今非窮
粹溫縝栗本性具但須拂拭毋磨滅主人得此輕琬琰
留伴鄰侯三萬卷紅杜香山薄暮寒楚天一望秋光遠

黃河

秋雨魚龍窟宅腥泥萍一氣接青冥晚輸最重河渠志
神怪長留嶽嶺經檣櫓東南通碣石汶淮支派滙滄溟
聖朝厚德昭清晏壁馬猶煩祀百靈
陰屯陽鳥共吐吞迅流如帶山崑崙徒勞賈讓陳奇策
再使張騫探遠源漫衍災先齊魯衛游疏事異宋金元
治河大吏持旄節安得潘陳與細論

武城

文學堪移俗城名武則那荒庭少公事流水學絃歌得
士原非偶斯人並不磨後來鄉里彥邠然更如何唐崔

質園詩集

卷七

三

馬默皆武城人

東昌懷古

靖難兵來此地屯前朝舊史豈堪論頽雲不定旌旗色
古堞長留箭鏃痕鏤板數重驚燕子金陵一夜失龍孫
太平雄鎮消烽火殘壘無人落照昏

太白酒樓

宮袍賜錦燦如春紅藥堦前舊侍臣花月定知天寶事
江山遙揖謫仙人前踪觸緒千秋感落日凭闌萬里身
從古香蘭易憔悴不須遺恨永王璘

沛縣

漢祚自終古遺墟弔沛公威曾加四海暴不類重瞻野
戍猶亭長高臺忽大風從龍思將相平勃盡英雄

夾馬營

昔陽五色雲南陽赤伏符真人應運興異徵炳史書五
代遭播亂中原少寧區太祖龍虎姿受禪膺輿圖南唐
北漢主橫戈為掃除常其降生時瑞靄神靈趨我從北
地來停舟訪故墟時平無戰壘落照低平蕪防秋撤勁
卒考典諮通儒長白鳴綠江王氣貫斗樞宋祚何延道
閔世同蟪蛄

渡河至清江浦

質園詩集

卷七

四

蒼茫一望收衰柳古堤秋南北忽中斷淮黃方合流蛟
龍從地出村郭接天浮禹貢圖空在何人藉箸籌

題小李將軍江村秋晚圖上有宣和御筆御璽及王守溪文衡山題識為

吳氏藏畫

大李不作小李亡眼中所見皆倪黃米老摩挲僅二幅
況今閭世多滄桑吳君何處得此卷斷繡寶若珍珠瑯
上有宣和御題字猩紅小璽珊瑚光諸公評跋誰第一
前朝妙蹟文與王想見當年寫清景冰綃尺幅含秋涼
蓼花半舒映蟹舍荻葉全老圍漁莊估帆欲落猶未落
疑有斜日低寒塘我時罷直蓬萊殿一麾出佐臨米方

滿目江湖起風浪

渡江至潤州

混茫一氣下岷峨兩戒乾坤此蓋摩天矯迎人雙鬢擁
蒼涼懷古六朝多西石建業如龍虎北指燕城正綺羅
脈有渡江名士感十分秋色滿滄波

萬斛舟同一葉輕魚龍相戲謔和驚從來利涉憑忠信
如此江山助性情細草平原人放牧斜陽古戍角吹晴
熙朝武備超前代耀德何嘗不觀兵

伯業銷沈劫火紅至今餘習尚豪雄赭衣馳道西秦帝

賀園詩集

卷七

五

青嶂遺居憶戴公三楚帆檣潮落後萬家砧杵月明中

芙蓉樓上人凝睇蕭瑟依然玉界空

秋影誰言入院臘應時暮桂正芬敷 夢思已許離家

近儒術何曾作吏迂碧落樓臺橫北固紫髯事業笑東

吳登臨極目無窮景第一江山展畫圖

赴東海郡

卓魯黃傳循良是我師疎才臨事慎小善畏人知古

槩依山近窪疇種麥遲平生談治畧此日愧牽絲

望海

碧落滄溟一望平天吳河伯兩相驚潮通漢郡蛟龍古

橋指秦皇蟠螭橫島嶼濛濛雲外出帆檣歷歷日邊行
木華去後無人賦陰火陽冰自送迎

行春

才名吏術兩難全疎拙由他士女傳楚意未闌詩意起
杏花黃到夕陽邊

禁烟過後課畊時布穀聲中日漸遲一葉凌波渡東海

天風吹皺碧玻璃

萬花巖畔失繁華豚欄牛闌野老家便遣芙蓉城土在

已無天牛舊朱霞

梨花用元遺山韻

賀園詩集

卷七

六

急雨催清明繁華感遲暮梨花何如媚枝枝泣清露珠

簾敗深閨白燕翻迴度有月不敢隣空勞靚妝句君看

新蛾眉招搖被人妬

石棚山

城南多崇山茲山實雄驚數武入屢展餘衍更排莽楚

楚其軒楹飢餓風前蕭瑟崖置不牢危機從此日蒼鼠

齧枯藤怪禽巢盤嶠金鳥不展翎何以舒光耀遂使賦

賦中神騰復鬼越平生輕險巇探奇三度到通天疑有

門穿地欲爲窟曲折我曾經不藉山靈導述異成此詩

意無硬語造

鷹游門觀海

禹貢紀徐州淮海環其外衆水聯絡之曲折勢交瀕茲
州枕東洋荒城如斗大畊存島嶼餘利析魚鹽內大風
表泱泱舊語傳前代歷歷田橫島雲帆遠可肩冰濤若
連山濺衣珠百琲青蒼通一氣渾涵涵兩戒賴此鷹游
門萬力束澎湃重鎮倚南城列戍多旌旆國家置諸
郡永奠六符泰嘉祥頌清晏至德同覆載波臣旣効靈
滄溟亦如帶休教保障疎莫使長城壞治民等治兵和
裏文武會鎮鹿懸高橋雄風歌擊汰揚輝蜃蛤浮鼓浪
鼉鼉拜絕景發清吟心在蒼茫界

寶蘭詩集

卷七

七

郊行

好詩多爲出郊成芳樹垂陰鳥變聲新釀乍香村店小
遠山如畫晚雲平草從疏廣墳前長潮向田橫島外生
豐樂臨臯遺跡在歐蘇千載盡留名

將離東海出郭送吳樸庭劉鹿池

解綬猶聯聽雨床十旬良會記駒陽輸他異政能驅虎
還我閒身免理蝗惜別一尊村釀碧迎寒二麥隴雲黃
却金載石非難事便遣人知也不妨

舟行雜詠

湖光一片鏡奩開湖面輕舟蕩槳回落日平添千疊紫

盡隨漁網捲將來

水田兩岸曲如弓百頃良苗翠鬱葱正是稻花將放日
踏車聲在柳陰中
畫舸真如畫閣寬溪山作態儘人看烟波渺渺棹歌遠
片山枕樓生暮寒
參差葑舍簇魚鱗四面農家住水濱莫嘆十洲無路到
料應風俗似吳人

鏡子岩守風于上舍華華鵝酒至舟紀以詩

鏡岩十五里一望青濛濛金壇咫尺不能到孟婆正起
東南風短蘆作響助蕭瑟巨魚鼓鬣爭豪雄平生利涉

寶蘭詩集

卷七

八

仗忠信江淮河海帆檣通一衣帶水竟難渡作書欲寄
馮夷宮地主殷勤遠垂念駕舟忽出驚濤中攜將家釀
寥寂盈尊琥珀如新豐連朝獨酌嘆無侶何由意氣
舒長虹對君不飲先自醉况兼酒味多醇醲九投古法
至今在清芬上與宜城同明年三月梨花發小槽滴碎
眞珠紅感君情重會相訪不辭雪浪堆船蓬

鏡岩曲

金壇城外放輕綳兩宕相連路不遙貪看烏龍山上塔
不知已進九宮橋
白藕紅菱直百金魚唇鱗斷蒲湖心今年笠澤西來水

長岩知添幾尺深

細細千絲聚一堆缺瓜船小趁風開魚娃十五能交易
籠得胎蝦上市來

夢花深處泊孤蓬船上官人本釣翁要渡湖時須晚渡
胡胡又起孟婆風

懷萬循初時客津門查氏水西園

萬郎二十餘能讀等身書昨歲來京國諸公薦子虛拂
衣向江海隨意注鰕魚他日西窓燭論詩待起予

查苑前游地朱闌第幾橋舊詩猶滿壁嘉樹定干霄之
子多清賞懷人在此宵文鱗三十六珍重寄瓊瑤

寶園詩集

卷七

九

題嚴蓀友中允畫鳳爲吳樸庭

國朝妙手憚與蕭專工花木兼翎毛梁溪中允老好事
寫生直欲凌崔曹垂簾解衣坐清畫魏塘素絹翻秋濤
欲成五色彩鳳彩先立百仞高岡高丹山嶰谷渺何所
頓令頃刻歸霜毫吾聞此鳥不世出九苞六象深藏韜
君從何處得此態毋乃意匠經營勞 先皇御寓六十
載干戈載戢弓矢棄東魯愛居久寂寞羅平妖鳥皆潛
逃金眸玉爪百鷹隼時清不用鸞繡羣臣搗藻頌功
德誰爲司馬誰枚叢伶倫師曠協律呂杞散笙磬鏞鏞
跳鳳凰來儀獸率舞 帝曰樂工予汝褒君方持橐入

霄漢祥鸞威鳳同翔翔散朝吮筆紀上瑞猶聞天樂鳴

雲敷滄江一臥嘆憔悴畫圖無色埋蓬蒿漢陽公子頗
好古百金購畫真人豪題瓊琬玉自標識盈箱連軫非

食糞晴窓爛漫展此幅華池阿閣看游遨嗟余舊直蓬
萊殿校書絳蠟凝寒宵卷阿有咏拜手進披香侍從嫺

風騷一麾忽作塵土吏昔爲鸞鶴今鷓鴣時時夢到舊

游地厥橋玉疎坊金鰲眼明見薨起惆悵徒有朱粉沾
宮袍詩成放筆深院晚碧梧千尺鳳鸞飛

題宮橋夜月圖

淡雲如綉絡素空參差禁樹青漾漾水晶簾捲曉涼起

寶園詩集

卷七

十

三十六宮秋影中西山石色如冰雪疊石爲橋懸序列

太液池寬一帶垂不辨雄虹與雌現凭虛雕闌玉漏長
結儀老魄交輝光歌殘清夜三千騎舞散金釵十二行

御牀深掩無尋處月落蟲飛天欲曙戒旦賢妃何代無
喚起君王視朝去

題後魏搏虎圖

吾聞百獸王後魏實豪縱搏象與搏兎皆以全力用南
山獵獵北風作猛虎負嵎氣磅礴大秦獅子來搏之鐵
額金毛雪斷齧一時失勢如窮寇困獸誰言尚能鬪獅
手獅乎一代雄爪牙神魄皆天授我 朝威德敷絃絃

黃獅入貢康熙年丹青情無顧光寶但有樂府爭流傳
此圖知向何人得以獸搏獸同臨敵北平射虎天下稱
對此真教棄鉞鏑嗚呼人間猛士如此獅會看手縛西
南夸

萬循初至餽然腹湖銀魚

雪色宜從人饌宜如絲如縷故人貽半簪新漲桃花水
憶得噉鴨結隊時

簇簇纖針出細針仰公頓覺食單增自從美產來平望
白小何須咏少陵

蜀藍金屑糝冰盤積雪堆來四座寒長記鯪魚良宴會

寶蘭詩集

卷七

七

蒲風梅雨在昌安

一寸魚苗似爛銀湖光淺碧淨無塵尺書他日如相寄
充使全憑六六鱗

游甘露寺

第一江山作勝游登臨雲物况高秋綺羅自向三摩懺
爭闢難消數世仇幾見冰濤奔怒馬試吹鐵笛起潛虬

時平洗甲中原靖弩手何須問潤州

續紛奕局指前朝黑白羸輸勢未銷伯業已荒蕭寺草

梵音長答海門潮風高鷗鷺飛無定夜靜魚龍睡亦驕

劉宋孫吳盡陳迹獨宜形勝屬漁樵

兩點金焦疊上驪馮夷踏浪駕鼉鼉岷峨一派西來駛
淮海千帆北望多天使長江成巨壑人從疊嶂發高歌
老僧那管興亡事自舉香燈諾矩羅
九枝蘭臺嘆轉蓬別來遙隔吸淩宮未能法曲聽天上
且喜奇峰落手中虎旅八門嚴壁壘鯨波十道息艨艟
書生閒享承平福贊郡慙無尺寸功

秦王馳道歌

祖龍賜朕天下雄劇削六王都關中大旗五丈拂霄漢
卷衣厭坐阿房宮東南王氣如雲紫鶴蓋窺輶行萬里
金鐙驅出風雨來石梁駕海虹霓起紀功刻碣蟠蛟螭

寶蘭詩集

卷七

七

誰其作者丞相斯鋤暴自稱救黔首求仙何處逢安期
焚書置郡規模變瀉池遺壁明年驗江東釜甌碭山雲
斬蛇逐鹿來酣戰赭衣徒卒死蒿萊輦路依然鎖不開
二世未知誰社稷六朝又見好樓臺國家保艾唯修德
望氣何須周四極君不見五代干戈前後同竊據紛紛
徧南北

丁卯橋訪許渾別業

當年許用晦曾咏凌歊臺伯業既已矣詩人安在哉故
居迷遠近欲披無草萊六朝全盛時甲第連雲開朱甍
及翠礎彈指成飛灰文采豈不重身後如瓊瑤晃眇丁

卯橋異世令人哀

北固山尋米元章海嶽卷淨名齋故址

前朝松楸寺門疎米老清狂此卜居北固頽垣凋薛荔
南唐寶石泣蟾蜍閑中是處堪懷古天下何人解學書
顯晦不關留舊宅戴顒蘇軾盡邱墟

登多景樓

無雲玉宇澄獨上最高層吳楚千樞集滄溟萬馬騰凌
虛天與健論古意難勝放眼蒼茫外承平氣象增

招隱山

丹徒宮殿委荆榛遺宅猶傳宋逸民綠綺一彈留雅奏

質園詩集

卷七

圭

青山數點學高人誰言桂樹堪招隱解聽鵲聲便出塵
尚有野梅香不散橫斜長占古時春

東坡詩載公山下野梅香

題趙千里長樂宮圖

漢宮第一長樂宮千門萬戶何玲瓏驪山渭水遠繁帶
禁花苑樹交青紅劉家火德膺神器混一車書傳數世
咸陽木號帝王州芒碭猶瞻龍虎氣大典土木役萬夫
員如良嶠方方壺杞梓名材貢荆楚丹青吳采來成都
良工巧構真殊狀飛臺綉檻疑天上傷離怨綺散雲烟
卽今對畫增惆悵想見明窓拂素紉施朱施粉連昏朝
白團扇掩班姬怨青鳥書題園苑遙從來儉德稱趙趙

雕牆峻宇會乖戒駭夢已圯建章焚蕝草寒雲話成敗

十三門歌

大江發源始岷山治水實唯神禹導交通沿漢注滄溟
北會東進京口到秦時置郡隸會稽精衣鑿坑改名號
南徐北府傳重鎮保障至幾得蘇盜國家武備邁前
朝鐵甕推鳴騶虎視文星挂靈隨帳寶赤帝除羽秉圭
珪舞千已見格題荒檠拆嶺嶺禦強暴慶亭舊壘久消
磨鐵甕古城重建造何人方掌北門管無路可通南渡
隄臨江枕麓起層臺克敵挫師藏巨礮花營當年創石
機後世李強皆則倣

唐李強皆則倣

唐李強皆則倣

質園詩集

卷七

古

金白蠟始以鉄爲藥厨甲敦弓遭焜燎我朝武備
以大燕之王京作大補
火攻倭坐守無忘及時操守發生機三吳奸宄等蟻蟻
八旗精勇如熊豹紫謨斥埃絕烽烟韓混樓船停渚澳
遂使江山萬載清陸可耕耘水可漕平生游覽此地多
自分升堂入其與振衣屢上最高城歷歷新晴開萬灶
今對雙峯答鼓鐘望窮三楚揚帆棹珠含老蚌自光茫
葉落寒蟬尚鳴噪永懷五代委榛蕪且喜三農免旱澇
談兵殊負絕世雄乘興非同老夫耄人生踪跡那可定
有臺不登徒悔懊乞外難除冰雪衙服官豈作臨錢榷
世鞋五嶽會須探橘酒一尊聊自勞詩成日暮天四垂

肅肅西風吹綉簾

九華山進香詞

耶婆小鼓響輕雷綠女紅兒結隊來誠意高香細心燭
黃旗百面四旁開

說法幽冥散萬花九真藤杖錦袈裟憑將教主慈悲功
降伏諸天龍藥叉

月出中元夜氣澄孟蘭勝會尚相仍沿河放盡蓮花炬
又覩青泥瑩塔燈

紫竹巷前紫竹多誦誦合掌念娑訶明年保佑身強健
更拜觀音到普陀

寶樹詩集

卷七

五

徐謹齋吳樸庭劉鹿池同尋竹林招隱諸勝有詩

紀游遙和

亭亭戴公山近在郡城外招隱與鶴林古寺交相對靈
境隔凡塵嘉名錫前代我來潤州居跡混漁樵內幸少
簿書煩芒鞋隨所屐此山咫尺閒未到堦羅界徒思藉
藟香簪曠茶瓜會有如珍錯陳熊魚失兼愛諸君得濟
勝了了無星礙初爽撲鬚髯夕佳收佩帶歸來述見聞
猶夢脩眉黛我時偃蹇眠屏體禁秋憊顚踞南樓牀
憶西園盛會須汗漫游登臨慰憔悴攜取葛陂龍一覽
江天大

秋懷

六代繁華瞥眼銷南徐殘臺太蕭蕭憑他事業歸塵土
西得江山話寂寥人是寄奴堪賣地當吳市善吹簫
感秋攬古真無奈付與東溟上下潮

擊柝重門漸戒嚴森森虎旅衛閭閻驂驪平野敦弓勁
鷗鷺寒雲盡角尖北府餘風蟠重鎮南山爽氣赴疎簾
六朝三畧平生志玉帳談兵惜未兼

送友之湘潭

之子初蘭蕙含情向楚游名香青翰舫新月白蘋洲更
有湘靈曲能添越客愁楓林霜氣迎葉葉洞庭秋

寶樹詩集

卷七

六

李供奉畫芍藥詩

虞山相公蔣文肅善繪翎毛及花木李侯同時亦擅名
腕指拂拂香風生十年供奉娛清晏承恩賜食南薰
殿齊紈必絹聚名材苑柳宮鶯寫生遍由來北地多脂
脂含毫不作冰霜姿翻堦穠態宛在眼令我惆悵春深
時嗚呼邊徐高手不可作衣紫綬紅氣蕭索本朝又失
惲南田餘子紛紛盡糟粕李侯揮酒不欲工意之所注
神已融縹身何用嘆坎塲解衣坐臥雲霄中我與李侯
不相識忽見此圖增太息飄游却憶舊臺看花走馬
何由得

題高且園指畫貌國夫人夜游圖

蜀錦如雲縫襖襪兒七尺宮中養金雞步障失猶龍
鞦韆鼓漁陽震天響當時醜禍由貴妃五家珠翠光陸離
八姨綽約最承寵鉤車夜向長安馳天生尤物供荒宴
看花屢入明珠殿卽今對畫尚魂銷蛾眉況親見
寶炬熊熊照暗塵道旁偷覩丞相嗔傾城傾國那敢惜
古今難得惟佳人粉脂肯汗天然質君望一笑延秋出
平時不識顏真卿亂後徒勞李光弼青史遺事咸滄桑
誰歟傳者高侍郎輪囷五指寫奇麗此圖雖小關興亡
題詩曾記東坡叟昔日丹青出誰手多恐今人勝古人
質園詩集 卷七 七

高公高公世安有

秋夕聞鴈

一鴈鳴天際隨風不可尋響從燈外盡秋到枕邊深
塞經年別金河此夜心平沙孤影落爲爾理霜琴

題邊頤公蘆塘野鴨圖

蘋花落盡水光淺秋老江南望中遠野鳬拍拍欲避人
衝破冰絃不堪剪邊生寫生絕代無妙手直欲凌偉徐
蒼然潑墨姿態備忽見秋影橫塘除披圖遙憶南塘路
鳬鴈翱翔不知數有家久別將奈何葦風荻雨流年暮
嗚呼人閒到處張羅罟況過蘆花脫繭出好向寒蘆深

處藏結伴相呼莫相失

黃筠村墨荷花

吾鄉墨荷誰最稱前有老蓮後梵陵黃君此幅亦瀟灑
黑雲連絡如魚脊人言畫荷少顏色不若真荷有香澤
一荷那復論真假神彩全憑寫生者崔徐已死朱粉消
磨盡龍賓未央瓦西風吹水寒不流迎人黯淡橫塘秋
蓮唱初沈越女散蓉裳已冷湘娥愁黃君居近西湖水
手掬波紋弄紈綺硯田無恙好歸家潑墨淋漓鸞鷖起

質園詩集

卷七

大

質園詩集卷八

焦山周鼎歌 并序

會稽 商 鑒 寶意

鼎爲周宣王時物內有銘篆與衍奇古康熙甲辰歲程別駕康莊譯之其文曰維九月既望甲戌王如于周丙子烝於圖室司徒南仲佑世惠歟立中廷王呼史端問令世惠曰宣治佐王頗側勿作錫汝懸衣束帶戈珌戟編鐸彤矢鑿勸繼旂世惠敢對揚天子丕顯厥休用作尊鼎用享於我列考用周簋壽萬年子孫永寶用凡九

質園詩集

卷八

一

十四字此鼎舊屬丹徒魏氏分宜當國以不已獻將罪之尚敗乃免魏氏懼不克世守施諸焦山新城王西樵阮亭兄弟各有詩余于乾隆己未分符是邦暇日往觀遂作此歌以紀法物云同年古鼎出江潭非虞非夏非黃炎周宣中興撫區寓左局右名謨猷參予嘉乃績錫以器一瓚一卣恩波涵復有良輔曰世惠對揚休命天顏瞻懸衣束帶及鑒勸爛編羅列輝烏蟾銘勲作鼎示來許子孫永寶非廉纖岐陽昔日頌獬狔厥詞篆越工雕刻至今石鼓置太學陸離光氣難沈潛此鼎同時出爐冶風餐雨發歸閭閻

集枯集苑有天意顯晦不用君平占曩者分宜提樞軸睨睨此鼎搜之嚴匹夫無罪懷寶罪包融神物藏置雲雲繡絲繞髣髴下秋異彩騰精藍我來潤州訪遺蹟舊聞此鼎今始探其旁尚存披瀝篆其上已失交虬螭文簡字與歷秦漢頡頏不作何人諳是時大江波浪酣海門萬馬紛駟摩挲朱絲忘險阻今夜彌勒須同龕嗚呼制器尚象寓深義重爲莽敦輕瓶觥流傳圖識乃可永不逢賞鑒塵埃淹作謫卿繼二王後夕陽鐘磬聲

京岷嶺

質園詩集

卷八

二

步出朝陽門數里上崇岡羣峰四面圍合杳連青蒼此山雖培塿虧蔽南徐疆昔者始皇帝東巡至朱方赭徒蓬馳道峻嶺成周行鞭石激雷電駕浪成橋梁自矜功業隆上比虞與唐相斯拜節首援筆書之詳至今頌德碑參差猶輝煌我登百尺崖一覽窮毫芒歷朝設重鎮舊學寒雲黃昔日征戰所今日桑麻鄉在德不在險規模浩難量馬援平交趾杜預屯襄陽遠猷畧銘竿勝算規河湟雖云天塹固端賴人謀臧請看古劍門失守成豺狼

陸探微畫獅子謔 并序

舊傳陸探微有畫獅在潤州東坡先生作贊後
歸仁氏今不可見矣余惜寶繪之淪亡以詩誌
之篇中摹寫自謂作象外觀可也

畫家高手陸探微指所至成後觀彈壓虎豹驚熊羆
狐兔歛驚何勝耻啼者角者蹙復觴或羣或友中原馳
全力搏擊無不披雄在氣魄非毛皮兜羅綿界阿耨池
纖塵不動涵琉璃鴈王鹿女戒律持此獅遠從西月氏
五體投地來皈依張牙奮鬣誇鬚頰刻瑟縮同駟驪
彤光下照野性移梵王神通馴擾之善哉我佛慧且慈
廣大法力降此獅在莊嚴海獅不知安用鍊鎖巫支祁
寶園詩集 卷八 三

憎鼠

洞鼠稱李斯點鼠賦蘇髯造化育此物秉性何貪婪新
秋百果繁棗栗堆甌既纍纍飽汝腹所欲猶未厭搜索
及書畫鋸齒勝蠹蟬白晝尚橫行深夜安肯潛我夢乘
車游厥穴不可探既無威寶獅盡取種類殲亦少御香
紫日搜數鼠啣此徒遂得勢跳躍穿墻檐巧竊子孫育

聚族冬夏兼壯哉乃有此庶矣真難堪三復相鼠詩有
體吾所嫌

種菊

菊以黃爲尚其餘悉堪棄東坡稱此言謂得持正意豈
知融融外朱紫殊可貴造物育羣芳五彩皆全備雖在
一種中其色淺深異非徒逞繁華實以昭芒駭主人教
晚節疎籬工點綴百本燦如霞筠籤各標識辟如公珍
厨燔餅有兼嗜復如試士文濃淡均難真偏愛與偏憎
均棄廣博義

古草王丈至潤州喜而有作

寶園詩集

卷八

四

先生半生江海客蕭蕭雙鬢將垂白劇孟重逢是故人
邈先素負多奇策今年訪舊來京口佩莧令節過重九
舉杯相勸君莫辭涼月當簾大於斗主人久別承明廬
一官落落同閒居作書不乞魯公米學圃常種樹願蔬
頭銜止號金焦長如此江山豈能兩冷曹家具尚堪誇
蠟得紅絲暖幾緡懷古探奇不厭游蒼茫遺事水東流
有甥我愛何無忌生子誰如孫仲謀六朝人物難重見
吾輩登臨復高譙昇平歲月健強身工詩何必傷貧賤
題古草王丈天際歸舟圖

津門連渤海蜃蛤魚鹽區歷歷舊游地村郭能追慕先

生不商復不買山門入門少倚伍拂衣一棹逐田園
好猶堪況簪組坐中有客工丹青畫鳥寫山春風亭
源路近行人遠但見江樹一色連雲平里鼓那能幾
宿到家正及櫻桃熟真珠細滴小槽紅嘉蔭初成深院
綠嗚呼人生不必身隨豹尾瞻螭頭百城高擁便可輕
公侯有君揮毫狹狹勢飛動故為蟬蛻新龍虬雲霄永
歛重天翼有奴能耕婢能織若蘇常門畫不開紫金巷
小無人識

爲亡女亡婿作墓志畢餘哀未盡復成此詩

太行王屋雙嵯峨始離繼合煩夸娥惟女與士珊瑚柯

寶園詩集

卷八

五

朱陳同里絲附蘿三月三日春氣和攜取愛女豐臺過
女乘雕輪父跨驢新泥路碾平不頗黃蝶脫蠶蜂出窠
歸來擊柝聞嘔訶入門一夕生瘡痂木皮五尺馱車馱
父母哭之涕泗沱壻也得信常嘆阿自言會見委與他
若有人兮山之阿鬢鴉首螭髻蟬螺六銖輕帔非錫紉
靈來靈往環珮雉赤豹文狸其從難我識此語傳聞謫
女年十六長綺羅厥堂畫錦坊鳴珂敦詩習禮靜以嘉
死肯作妖理則那耶君所遇母乃魔二老欲瘞兩玉瑤
卜吉廣召陰陽家未昏合葬如禮何緣情起義追計他
墓孰刻志親摩挲餘痛未消作輓歌日春月御如鵬梭

連枝比翼永不磨

鱗鱗魚

長江風濤如裂綰巨魚鼓欲欲上吻龍潛蛟徒波浪息
失勢遂落漁人罾其鼻有骨腮有肉大者數丈同叩陸
不與鯨鯢作靈怪竟隨鯢鯢遭烹蒸我居京口感寥寂
充厨水錯遺堪矜海鱗遠來存網得河豚纔上風人稱
一爲易腐一含毒暫時入箸終難仍鱗鱗肥膩異他種
平生見慣吾何會實鼎實俎香載備色黃色白脂膏凝
龍羹那須食指動鱸膾空使歸心增今夕何夕良宴會
荻簫黃雨飄華燈有客蒼茫憶湖海此魚變化慙鯢鰻

寶園詩集

卷八

六

酒闌人散詩忽就一規寒月穿窻棧

遙和諸友登焦山詩

金山如達官焦山如野老簪珥豈非華不如韋布好諸
君愛登臨振衣及秋杪是日天宇清素練波光皎返照
入大江千帆亂飛鳥南眺鐵甕城高踞何天矯作鎮故
壘雄屯兵武夫踞時平異割據盜息免撫劍海門東其
東乾坤盪昏曉蜃蛤成樓臺龍蛇動旂旄千頃一覽收
離離見諸島壯哉兩戒奇位置非草草登臨勉健強著
屐知多少何地無名山得閒良可寶

三石行

并序

藝在都門得三石於市一如舞袖翩翩名以拓
枝一兼山並峙不相往來名以長麓一較米家
研山差小巖幽洞遠別有天地名以小南唐北
轅南枕數石未嘗不借雖無襄陽之癖而天矯
玲瓏可喜可玩殆東坡所云寓意而非留意者
歟暇日賦詩錫之石願不幸耶

古人嘗有言石須微瘦透再拜其飽芻三品垂組綬我
昔九載京師居疏塲古版時停車象尊龍勺那可得買
取片石同瓊瑤其一欹斜逞媚嫵似看迴風長袖舞其
一並峙不盈寸義取兼山卦爲良復有寶石如南唐羣

嶺南詩集

卷八

七

峯青峭爭低昂獨者爲蜀屬者嶧頗看成紀平看堂鳴
呼莊金崑玉終難久何物輪囷垂不朽叱羊化燕幾滄
桑茲石岿然成老叟吾聞漢朝陸續稱廉吏鬱林哉石
傳遺事又聞香山割取天竺峰常恐清白傷家風我今
捫摸騰光怪突兀一卷貽後代君不見九點齊烟萬古
青會登衡華嵩恆岱

達夫劉丈訪予潤州喜而賦詩

庭樹方蕭瑟君來便不殘好詩多在篋涼月共凭闌話
舊愛良夜通辭敦古歡休言簿書吏只作秀才看
北府餘風在防秋虎旅陳雲橫諸將鼎山學六朝人對

景蒼茫感登臺落身幾年燕越隔此會續前因
老筆難兄擅清才令弟標絕然成鴈序未肯作蜂腰
燭原非夢論文又此宵會看鸞鳳侶接翅北扉齊
南村約君

昔在蓉村語長城最小雄華年驚過電舊會等飄風
城破依久名山事業豐無由作秦系五字一相攻
黃海

題劉丈愛女遺照時余方爲亡女誌墓篇中及之
君女方垂髫我女已綰髻各有林下風愛惜同蘭蕙君
抱玉溪痛援筆爲文祭沈香小像蕭瑟絹真容麗舊日

嶺南詩集

卷八

八

唾絨窻芳塵一朝翳遺詩散不收亂落珠璣細我時展
畫圖觸迹三年事嬌女亦知書宜家未歸壻紫玉易成
烟元都難固蒂徒驚一現看未悟三摩諦妙手無丹青
傷心自銘誌生有譽女癖忍見瓊瑤瘞夜臺倘有靈一
笑應聯袂

登金山

振衣百仞俯蒼茫絕景羅胸意慨慷萬馬怒奔峰四面
六鯨移出海中央輪船歷歷趨瓜步龍虎層層抱建康
如此名山歸淨土欲尋老衲話滄桑

金山追次坡公韻

半世搜奇訴與客方寸胸中藏渤海
不道奇觀此開在五丁力竭沈波
隨海潮正練和銀波
荻花蘆葉見勝處宮具關蛟龍多平生利涉輕舟
忠信堪論履險日修閣高收天地秋斜陽倒射梅樵赤
江山如此岩精魄郡城萬瓦魚鱗黑孫劉人法事分明
故壘烽烟幾度驚獨有老僧都不識一粥一飯無長物
自言愛山住此山孤雲片石容疎頑勸我一官殊可已
賀監庄頭好烟水

焦山追次坡公韻

平生奇古性所耽恨不名勝窮東南昨朝弄筆賦同吳
質園詩集 卷八 九

江山與我新交三此山態度遲且蹇不爲矯鶴爲眠鰲
焦翁昔年栖隱處人境相對都無恚大樹百圍潤急雨
老蛟千歲吟鏤潭江聲澎湃繞其麓時有戰鬪魚龍酣
今日何日波浪息水天一碧供清談曠經鼎篆兩羅列
油油光照牟尼龕茲游散朗追顏謝蓬萊淪落心所甘
人間風月無定主取之不禁誰云食樓臺北固近咫尺
賈勇濟勝吾還堪夕陽欲落尚未落海嶽再訪元章菴

重游金山

高厚始嚴肅振袂凌崔嵬一試南瀛泉再上東坡臺江
山自奇麗于我何有哉南人狎波浪起岸無懸絃絕頂

青蓮花知是何人栽乾坤秘端倪六選日夜開遂使兩
戒內勝概雷奇核擣取鐵笛吹掀舞騰虬能我欲擒天
吳八首安能災

品菊

散人散曹所喜稱疎懶豈惟飲光芒兼且絕崖窵
丁園校蕪三徑俄平川籬牆虎眼寬砌簇魚鱗滿其土
植寒葩燦然如錦綴牙籤手自標品題系長短辟彼善
與惡其權在彭蠡昔居侍從班持藥登史館褒貶良復
嚴求筆常備備一別濯龍門無由整雲屨腰閒紫羅襪
尚有青鏤管閒却著書身評花豈容緩

質園詩集

卷八

十

葛象之松竹小照

昔游雲臺手攜七尺筇九里十八盤曲折誰能通山
何所有有竹復有松扶疎拂烟霧蒼翠凌春冬澗水
真琤琤跳躍千玉龍是時三月初夾路櫻桃紅春服少
成各以次序從今君別東海猶夢青芙蓉幽情寄圖
畫煩此迂痴翁相賞松石閒宜置叩聲中前游已陳迹
屢畫將母同居人感搖落策策鳴西風姝女怨香草良
士驚秋蟲大江日夜流憐此梗與蓬安得羽翼生高揖
浮邱公

輓邢靜山

梓里春游少長俱鄭公古渡賀公湖東方死後無遺蹟
北苑人間有畫圖良約鯢魚難再踐名園蕤草竟全枯
合巽碎雲藍紙迢遞招魂托楚巫靜山別業在龍山
向日有鯢魚嘉招
水師行 并序

澤國所利厥惟舟楫 國家特置水師在東南
看京口其一也昔吳越時伍員以船軍之教比
陸軍之法其後漢有樓船戈船橫海下瀨川以
擊南粵朝鮮光武討公孫述岑彭裝直進樓船
與突目露橈數千艘唐孝恭兼統水師以破蕭
銑韓混大閱戰艦以禦李希烈宋選精銳習水

寶園詩集

卷八

士

戰于講武池號水虎捷趙善湘知鎮江製多槳
船疾如飛鳧復造赤馬白鷁兩大舟可容二千
人他如韓世忠之在黃天蕩虞允文之在采石
磯皆以舟師取勝明戚繼光論水師探敵之情
甚備載在兵法一書然則沿江瀕海之區非舟
師素習何以克敵哉京口舊有緡船沙船鉅麗
壯猛遠邁歷代訓練諸法較昔加詳今秋簡閱
于高資爰紀是篇并識其緣起如此

長江直下垂蟠嶺師鼓浪聲躐躐大翼小翼齊拔峨
駕帆百幅鶴舫三吳甲士虎豹熊列車桿馬如捲蓬

大將爲誰襄鄂公談兵玉帳氣概雄教以六伐兼五戎
乃命蒼兕開艤鱗背旗向虛整旅從橫海下瀨列鉞鏃
退釣道拒無不工是時梁淮初奏績沿江亦無錦繡城
樓船水戰昆明習安不忘危思營力一片琉璃千頃碧
條忽金蛇電光劃岩峩寒原雲失色百雉萬鷹翻健副
壯哉水犀軍禦敵突冒餘皇堪一擊將軍揮扇士持戟
賞信罰果戰方克夕照光縣大旗赤走舸齊回怒濤息
畫角烏烏隱堅壁獵獵風尖起蘆荻高資一望勢無極
孤月如輪向人白

其在東海得雙鶴載歸鶴俸不充感而賦此中閒

寶園詩集

卷八

士

托爲鶴語聊以自嘲當知言者無罪也

昔治東海郡璩璫得雙鶴載之回潤州經旬嬾飲啄丹
重頂未高白雪翎將落偃蹇如有愁主人爲駭愕翹首
對以臆欲告先囑囑主人昔牧民俸薪足揮霍列坐譙
賓朋餘恩施烏雀鶴從山中來參養費囊橐半載飽膏
梁未嘗甘淡泊昨日隨君歸所見多蕭索短垣長蒿萊
破屋欹櫺櫺榻印鼠跡重戶滿蛛絲絡典衣笥盡空汲
井泉長涸固之減鶴糧但許食塲藿搜羅遍池蛇爬搔
到蜈蚣邇來氣肅寒蟄蟲均未作口腹非小體失養卽
孱弱豈宜久居齊安得復歸宅我時聽此言撫衷乃大

忤身不據要津何由展雄畧凍餒累汝曹銕錫具成結
待汝羽翼成高飛縱寥廓

續菊

秋來手種一籬黃晚節曾無百日芳幸免飄零歸酒廐
直須醞釀出馨香多情解惜無為燕盛氣相凌有雪霜
采采莫嫌憔悴甚好收金屑枕中藏
半舒全放本蕭疎况值霜嚴雨橫餘新到元真方秉令
已歸少昊定沾裾寫真一代無高手堆案三冬只異香
兩樹古梅猶假寒待他香信入庭除

厚社姚氏家藏龍眠九歌圖凡九幅有伯時篆書

質園詩集

卷八

主

九歌在後予於雍正甲寅歸里借觀作跋卷尾
偶與客論古今名繪追慕賦此并寄姚君穎山
一覽焉

昔觀九歌圖乃在甲寅夏吳帶及曹衣堪與伯時亞遜
來五載餘精彩未凋謝瞻茲圖中景維還衆靈下神光
際太虛離合陰陽乍三閭遭放逐江潭發悲吟微詞托
杳冥結撰飛龍駕言本漆園寓畫比僧繇化李生在北
宋妙手聲名藉莊嚴狀阿羅一幅千金價遠意屬衡湘
柔毫傳娉姮秋深騷客悲日吉神巫迎衆女工諱諶娥
眉尚未嫁懷王自棄賢非因進說罷往事感靈均酸風

入簾鐔持寄同心人方寸凌萬仞

潤州署中看石一具狀如新勒時者抱膝而坐遂
以潤勒石名之

昔年曾游並氏園獨石如人儼相向出穴爲石亦離奇
爪翅森張不可狀此石相逢在潤州全結嶽嶽苔蘚上
多年尊宿化冥頑舊有香燈作供養戲將惡事比空門
禪縛何時能縱放主人閒似散叅僧與爾同飽豈非當
此生幸托選佛場諸石宜呼丈人行合掌莊嚴不壞身
百千萬劫知無量

紀夢

質園詩集

卷八

古

九光列坐宴羣真覽體瑤華絕代人謾指茫茫歸路遠
碧桃花外是紅塵

曉起寒甚

昨宵風伯勢飛騰變作雷聲撼谷陵夜月欲爲三舍避
曉寒斗覺十分增山中擁扇無完采江上叉魚有裂罅
凜冽逼人何計禦酒懷詩胆尚能勝

復風

萬木已全凋勁風朝夕播但聞窸穴鳴不見枝柯墮初
疑昆陽城屋瓦遭雙挫復如洞庭野龍陣錢唐破一索
長女征八首天吳大更深倍豪雄耿耿抱寒臥殘燈小

烟雨強起披裘坐憶昔居九衢出門苦堀堞馬糞維車
塵車勢都揚簸直將天宇蒙豈止客衣泥昨歲來江南
酌酒會自賀身隨鷗出籠官比蟻旋磨暫免鬼椰掄每
勞酬護呵屏翳爾何爲欺凌及柔懦江聲兼海氣奔騰
若應和不知古渡頭連日開帆那履霜堅冰漸降雪朔
風佐胡歷去時多令節存幾箇速哉鴻臚得通行且
過

學詩二十年訂詩十五卷自題集後

昔聞白樂天工詩擅唐代新排十五卷氣飽言語大又
問楊仲宏論詩得正派用功二十年諸法始融會我年

讀國詩集

卷八

圭

十三餘愛詩入肺腑深源欲溯淵僞體思別裁博涉得
所歸漸進無少懈新者爲風也故者爲蟬蛻如是十餘
年稍稍通三昧寸璧聚五穀小璣穿百珌未能敵陰何
聊以存曹鄴戢戢新舊詩編錄頗云快卷同白傳多年
近楊公邁無益費精神韶華安可再消磨事爲損喪去
義取夫讀書知古今設施良有在

贈戰歌

世間何處無將材舉頭不美凌烟臺孫吳之法在樽俎
腕臂所向生風雷主人設燕嘉賓至對壘爭鋒出新意
進退全憑五指揮縱橫小作三軍氣君不見隔坐藏鉤

昔用心當筵願曲須知音不如此戰勢豪放酒展百道
沾衣襟老拳毒手交相敵勝固無奇敗亦得項蹶劉興
一霎收離離珠斗垂天白

鴈梅

檀暈非梅却勝梅東風全未拂根荑誰喚起丁從事
要送宮人入道來

水仙

寒生翠袖又今年小謫瑤臺第一仙何事彈琴忽惆悵
月明湘水遠如天

山茶

讀國詩集

卷八

夫

淺紅初放正堪攀點綴年華不等閒好乞徐黃寫生手
曉夢一簇上屏山

天竺

鼎鑪瑟瑟任人探幾度風霜飽蕊含比作相思紅豆子
一時腸斷憶江南

雪中自潤州赴金陵途次口占

西南龍虎抱層層况值昇平氣象增臨水看松都不倦
中寒中酒到金陵
凍雲如墨晚冥冥懷古蒼茫此度經遙指蔣山寒不老
一痕猶露六朝青

寄母姨蘭亭劉夫人

吾家風雅擅先朝香閣能揮五色毫
更無人勝卯金刀

筆從才名總顧厨詩城勝會擅通都
女中今有劉賓客

探得龍第一珠
龍目初開玉女扉墨痕長澆六銖衣
市朝金粉會無價

何勞變少微
六加品禮罷結習猶將麗句耽略遣東風報消息
謝家輕絮滿江南

十三門晚眺以少陵落日平臺上爲韻成五詩

質園詩集

卷八

七

大江日夜流遠自岷峨落萬頃涵金輪餘彩散郭郭伯

圖不可問英風緬猶昨獨立感蒼茫孤懷安所托

我友二三子懷文復抱質發爲鐘磬音倡和無虛日遐

矚形神超冥搜怪變出清景木難摹何待異時失

王公重設險建此百雉城駮賦十三門上與浮雲平

獵大將旗日暮悲風生努力報天子尚德休用兵

寄奴昔賣屨大業起草萊銅鐘潛壤出十二聲如雷

會使之然豈盡由雄才王侯本無種物色須臾

我聞流精城歷歷浮海上不知阿母宮紫翠成何狀

烟龍已勞傳書鶴誰放三山無定踪凝睇遙相望

重過一笠菴

前度題詩佛坐前輕雲籠日養花天東風忽忽不相待
落盡滿階紅杜鵑

花有名虞美人者未知何指其後較來幾差小
反可愛爛然離落閒以詩寫照篇中亦及楚事
重違俗也

蓋世風雲失伯圖可堪紅粉竟捐軀未央春色全歸漢
不朽芳魂尚姓虞濃露乍枯凝帶泪嫩寒微中恐侵膚
輸他金谷園中燕啣盡香泥葬綠珠

下如聞喚奈何英雄兒女最情多朱顏一代埋沙土

質園詩集

卷八

六

碧血千年化綺羅豔質永依偏伯主細腰還闕故宮娥

惜花解得花心事不向尊前唱楚歌

玉砌橫斜宛宛開玲瓏弱植傍蒼苔略經暮雨全無力

擬托春風未有媒盡日游蜂來別院舊時戲馬騰荒臺

含情巧釋重瞻恨要占中原土一堆

花放江南最麗天無端錦瑟感華年畫屏銀燭嬋娟夜

紅袖烏絲映明鏡更聞吳兒渾似雪離魂楚女未成烟

感姬死後無人識斷粉零香更可憐

前題

別種含春小米囊蘭州刺史見何嘗須教蹣跚多慚色

但此玫瑰少異香宛轉不禁愁態度翻翻猶遲年
息媽舊標標若一様無言對楚王

五色綢紛新未真團窠文錦譜來新渡江岸

經代蛾眉死有神滿蓬莫嫌下寄迴身可待帳中陳

春風海補天祠部十客何妨列婦人

環佩歸時月印痕丁秋哀怨總休論蒼梧亦洒湘妃泪

杜宇難招帝魂依草向人還旖旎凭闌與爾致温存

春深密上歲難鑰不放香踪出苑門

有心題首意盈盈折向宜餅乍見驚怪得紅蕉偷小字

被他絲閣如芳名煖風自度鴻溝界遺照能傾下蔡城

寶閣詩集

卷八

末

四韻吟成翻一笑美人原不解卿卿

菜花

春到芳郊幾稜田無情有態儘嫣然信隨積李崇桃

後影入伍橋斷澗邊佛院嫩金皆布地道裝輕軟忽飄

烟半宮豚棚紛如綉點綴農家又一年

紅甲初翻雪圃晴漸看爛漫綠畦平閒居騎省曾留種

舊譜付絲未著名開處灌園方抱甕落時布穀已催耕

紫枯祇守溝塍畔不逐楊花若漾輕

嫩晴時候逞芳菲綺陌草畔結隊飛小築最宜村婦鬢

細香長簇牧人衣就中滋味根原美野外風光賞亦稀

要晴年年春事盛莫辭擔糞墾田肥

草疎薺密各盈晴輪爾茂茂一望稠老圃忽驚傾國貌

野花如對故宮秋路短芳草遙隨馬人在斜陽正倚樓

却笑費皇無倚意平泉園記未曾收

寶閣詩集

卷八

辛

賀園詩集卷九

會稽商盤寶意

秣陵秋晚逢陳無波吳好山南同學

老柳石城秋能生六代愁江山如舊識今古幾清游

記雙名士風霜一敵裘空思統緒歲談笑脫吳鉤

太息金焦長依然冰雪清飛騰當暮景四十未專城聽

雨泮迷合看雲組綬輕徒懸萬劫海泊那有循聲

南城尋衛玠臺故址

江左諸名士何人第一流羊車無舊陌馬說有荒邱涕

泗揮王導榛荆對孝侯周處讀書臺亦在城東茫茫今古意我亦

賀園詩集

卷九

一

欲言愁

登雨花臺

我來聚寶山上有崇臺麗哲傳雲光師說法天花墜香

雨已消殘靈跡存闔志烟雲供應接橫覽渺無際壯哉

帝王都鬱葱尚佳氣鳳臺環其下保障成形勢女直背

南侵登高縱睥睨北眺建康城咫尺消蒙蔽茲阜割郊

圻將無失地利方當全盛時河嶽羣神器棋布與星羅

重譯車書至列戍少旌旗比閭多倉積大業異偏安郡

縣東南置謁道因已蘇特德險堪棄凭闕思浩然振袂

秋風厲發為金石音樂此昇平世揮塵與揮毫都參第

一義強彼周伯仁新亭但垂涕

秦淮難咏和所見龍潭旅壁原韵

白門衰柳不勝鴉一夕吳霜點鬢華已到秋娘驚老大

那堪商婦訴琵琶

兩成江山萬古清劫灰歷盡見昇平後庭一曲堪亡國

三樹從今莫再生

新亭名士知何在舊院妖姬盡已無唯有夢殘香斷夜

一規小月印銀湖

南朝樓殿勝蓬萊物換星移起暮哀寒雨不知歌舞地

瀟瀟偏滴舊宮槐

賀園詩集

卷九

二

青溪小姑歌

吳均志惟干寶搜神厥有青溪之祠云是蔣侯

之妹元嘉遺事魂銷銀盤金簪束楚小詞夢斷

繁霜落葉此與杜蘭香之歸張碩夢綠華之降

羊權雖為流豔動人本屬憑空結想後來文士

多有熒言殊傷大雅之林且汙上清之籍暇日

過此紀以二詩作開扶優鉢觀可也

一幽紫霜意萬重薄雲如黛護真容微詞會讀高唐賦

莫信人間十二峯
青溪廟前桃李香青溪廟裡人斷腸碧天月墮瓊環遠

二十五聲更漏長

謁孝陵

建康六季餘王氣已盡泄龍虎勢鬱蟠時興亦時竭高
皇起布衣天戈掃妖孽一麾西漢平再舉東吳滅三駕
元祚移海外俄有截原其定鼎初創江作門關折衝得
牧頗佐命多稷高偉哉開創君顯承足謀烈天象固難
言陽春繼霜雪將驚燕翻翻遽見龍輯絕漢陵楓樹疎
夏井菲泉列弓劍早已藏裳衣可無設至今數百年祠
官尚羅列玉匣與珠襦幸不傷殘缺側聞古帝王寢墓
多遭竊表奏通天臺泪洒冬青血茲陵竟歸然享祀春

質園詩集

卷九

三

秋節雖由昭代仁亦本前王哲我來值祭時備物皆豐
潔丹青出御容載拜瞻隆準生前定太平死後猶英傑
松檜風蕭蕭荒原動鳴咽回望十三陵綿綿感瓜瓞

木末亭拜方正學先生祠

遜國龍孫去乘風燕子翔粉身輕十族血面訴高皇勁
草秋還茂孤松晚更蒼兩京多少恨陵闕總滄桑

王沛滄司馬席上聽吳叟官心彈琴

四坐悄無語穆然醉古心未彈情已變方覺感人深亦
是世間曲殊多絃外音誰言簿書吏此合儼山林

桃葉渡

桃根桃葉兩嫣然一色春波碧漲天如此風流真絕代
驚鴻宜寫洛神篇

望仙高閣宴游時忽報蠻奴已濟師自是後庭花易落
不關人唱渡江詞

長江

氣洩天關擊楫冰濤雪浪間無復中流浮五馬

誰道雄圖限南北車書混合太平開

萬里東流望杳冥蕩今滌古未曾停龍驤特地來三峽
犀炬何人照百靈涵取斗牛迴貝闕挾將潛漢赴滄溟

質園詩集

卷九

四

偏安自失沿江計廢壘寒潮不可聽

殘柳

殘柳如新柳依然作嫩金未能消別恨猶可綰同心綺
闌人初瘦寒雅日易沉庾郎枯樹賦搖落感江濤

夜雨

今夕是何夕始知漂泊身雨聲寒到枕燈影小於人未
濟蒼生困徒添白髮新明朝塔下看應有葉如塵

小市

小市娉婷別有家東風無賴逞天斜長千十里珠簾卷

第一銷魂姊妹花

秦淮

斷香粉未消磨依舊傾都炫綺羅
畫閣半從窗外見麗人畢竟水邊多
烏衣那省南朝事玉樹猶翻北里歌
剩有中年謝公感每聽絲竹淚滂沱
銷魂綺麗最難忘何處輕盈舞袖旁
名士尚傳麴扇渡故家已失聽箏堂
錦機軋軋秋無夢翠瓦鱗鱗夜有霜
問訊六朝僧在否欲從初地話興亡

明星歷歷見燈船前度游人意惘然無復垂楊杳似聲
祇餘遠水淡如天橫江館倚寒蘆外入漢樓荒葦靄邊
不信繁華彈指去西鳥南雁自年年

質園詩集

卷九

五

齊梁遺跡尚班班懷古曾登虎踞關
幾見羊車來市上忽驚鴛鴦被落人間
苔深曲徑名園盡風散秋笳列戍閒
幸遇太平無事日好將文藻對江山

春游卽事

早鶯百轉奈春何柳乍成絲水乍波
故苑千年銷紫界荒亭兩字記紅羅
牽情句線驚鴻舞絕代輕盈細馬駛
也似長安明媚地游裙到處麗人多
早押重簾玉琢闌雨綿雲絮助微寒
花開陳殿寧甘後燕宿盧家不肯單
小敢朱唇開爾汝屢煩黃耳探平安
東風一例多公道百種芳菲許共看

屏上樓臺鏡照花最難兩戀是昌華
夢覺猶結千絲綰博望空乘八月槎
香徑有塵春懊悵銀河無渡夜橫斜
浣溪紗與支機石天上人間路總遐
桃葉何堪勸小郎紅裙古堦溫采郎
郎豈可歸斷養沅湘何曾壯楚修誰遣
王昌成老大我嫌江總欠風流
緘盒暗解人心事也爲多情半白頭

題張氏河亭

春殘夢遠不分明宛轉歌聽斷續聲
風雨一簾花有泪綺羅六代燕無情
何人能脫沈迷界往日空留蘊藉名
借問連宵新漲水爲誰照影綠盈盈

質園詩集

卷九

六

風柔日煖弄溫磨最小烏啼最小村
雙槳未迎王令渡一杯還酌謝公墩
當年鸚鵡頻呼客何處梨花半掩門
曾是多情惆悵地病餘能度幾黃昏

舊京遺豔在秦淮雜坐雨荒有墮釵
仙佛機關原不壞鶯花消息巧相乖
古槐尚占齊梁土香草徒傷宋景懷
鷓鴣尾一爐焚艾蒨自生煩惱自安排

百級高樓六扇屏夜游曉宴幾曾停
花當韋曲偏無賴鷓鴣到後演倍有
靈舊事真隨波泯泯歡場忽見髮星星
誰傳燕子春燈曲倦倚雕闌不厭聽

秦淮蔡氏水閣

星山六扇夜淒清脉脉憑闌萬里情涼月在天
四條絃上作秋聲

茫茫宦海波千帆渡酒微次意不凡莫比江州舊司馬

並無閒泪滿青衫

宮槐花柳太蕭條璧月瑤枝久寂寥唯有年年新淚水

數聲嗚咽爲南朝

十五輕盈細馬馱當筵曾聽小叢歌烏絲紅豆飄零盡

願此風流奈老何

白湖漁家詞

經霜老柳未全凋拂水千條與萬條貪看漁蠻晴撒網

寶園詩集

卷九

七

行人齊倚赤闌橋

吹風船小趁風行船上女兒無限情擎篙蕩槳不知處

隔浦日斜聞笛聲

同出天然一幅閒蝦籠蟹罟滿湖隈漁家世業無租稅

不入黃梅縣裡來

龍坪砦是南宋戚方駐兵處

南渡陵夷日屯兵感戚方山河真破碎壁壘亦荒涼赤

土埋遺鐵青燐動冷光昇平無戰鬪楚老話興亡

東林懷古

松杉老勁翠全疎晉代禪林劫火餘絕少高僧逢悲遠

獨留古屋對匡廬百年幾擲紅蕖杖雙樹應藏白氍毹
戲得本來真面目桃源蓮社總空虛

登滕王閣

眼界真從此地開千年遺跡未蒿萊榮英令節賓筵散

蛺蝶香風帝子來浩劫有灰銷粉黛寒流如玦抱樓臺

唐時好景分明在懷古慚無作賦才

百花洲

舊日吳王苑蒼涼變古邛誰知千里外亦有百花洲疎

柳烟中笛斜陽水上樓平生臨眺意端爲此勾留

四十初度

寶園詩集

卷九

八

華年綺歲去匆匆香漢心懸路未通敢比大蘇居海外

曾聽小宋喚宮中暫時葉縣看飛鳥往事蘭臺嘆轉蓬

淺碧一尊聊自勸當筵豪氣尚如虹

抵南康郡

積翠初浮小雪殘九奇五乳向人寒今朝身到南康郡

才得廬山正面看

題烏目山人畫是蔡孝廉所贈

國朝好手憚與王山水花鳥兩擅場南田山水本工妙

獎借石谷隨緇藏冰霜數尺鵝溪絹不黃不米開生面

故鄉秀麗別多年壑萬巖于今再見我昨九載京師居

軸題堆案如瑤瑛就中最愛山人畫時懸深雪柴門圓
天然楚楚具林麓螺子青連鴨頭綠同時亦有羅飯生
方駕休論蕭尺木蔡侯何處得此幅盡日摩挲看不足
謾謾松風滿茅屋

贈內子四十初度

昔年前御七香車同里朱陳本舊家幾見麗才吟柳絮
略施仙術咒桃花恩勤漸爲兒童老白暫休將夫壻謔
勸汝一杯須小醉溫風正透越溪紗

憶聽靈鵲報初除九載東華寂寞居典盡金釵供餽屋
剔殘銀燭照修書承恩縱得新鸞諧侶隱難忘舊鹿車
質園詩集 卷九 九

耳筆分符俱不賤一麾休怪出南徐

人間仕宦海茫茫泛宅浮家又豫章五斗偶需腰已折
百年將半鬢同蒼安貧便是宜家策采葑何勞駐景方
差勝蓬門荆布婦白頭未識綺羅香

樂事燈前共細論團團繞膝伴黃昏燕雛雖長還思女
團果初甘要抱孫官舍雙栖清似水山城一望小於村
雀羅莫笑荒涼甚會待他時戟列門

寄懷劉鹿池

琤然一葉落始接早春書細雨梨花夜知君深掩閨
音勞結習覽景惜閒居誰道別離久翻如分手初

重過百花洲

繁花無復倚風開彈指停桡第幾回西子不歸吳苑去
東山還待謝公來美人勝士俱黃土墮珥遺簪但綠苔
剩有蒼苔今昔感秋聲如蟻起高槐

中丞才望重如山觴咏當年數往還開闢千浮海上
武陵鷄犬在人間行春東澗韶光早雷守西京幕府閑
絕代風流銷歇盡習池公譙水潺湲中丞指和

南浦晚眺

此亦銷魂地溶溶有綠波別愁流不盡獨立意如何斷
影疎鴻雁殘香守菱荷夕佳樓下客經歲感蹉跎

質園詩集

卷九

十

旅夜

西山雲乍歛東湖月正明寂寥虛館夢身在豫章城重
以友朋念凄然砧杵情蕭蕭新白髮一夕枕邊生

東湖

淺碧琉璃靜不波水邊蕭瑟晚來多徐亭勝閣題詩徧
斗雲秋風到菱荷

寒生高樹尚鳴蟬一鏡澄泓好放船菱女不來漁唱杳
蓼花嬌煞晚晴天

游瞻雲寺

雲佛寺古歸宗翠繞青環路幾重內史當年曾捨宅

小蘇何處更聞鐘
楚猿早竊霜前果
老鶴猶巢樹上松
望上金輪峰上望
怡攜濟勝一枝筇

某里

陶公舊隱居乃在虎爪崖
及身嘆流幻何况塵劫里
緬昔義熙年初局良復乖
寄奴晚晉鼎漸作狼與豺
劉明世享晉淵俗誠難諧
聊托折腰去任運忘形骸
靈鷲亦偶寄痛飲止亦佳
宜尼燔肉行異世爲模楷
區區一督郵豈介達士懷

游萬杉寺

萬綠森森手自栽
法雲長在擁如來
曹溪受記聞宏忍

質園詩集

卷九

七

玉局同游少
辯才暖翠已非新
翰墨散珠空憶舊
亭臺老僧解誦前人句
壁壁山屏繞寺開

題簡寂觀

演經搗藥已無踪
古觀丹崖翠壁重
要識廬山先輩面

含情一撫六朝松

霓旌玉節百靈朝
大小方諸路未遙
錢許不歸猿鶴老

綠波流斷望仙橋

丹元一去老崇虛
遺跡蒼苔浩劫餘
可惜春時長約爽

未嘗甜菊石花魚

瀑布歌

匡廬瀑布天下奇
昔聞此景今見之
鶴鳴峯下古寺基
旁有漱玉亭半欹
龍潭水碧涵琉璃
東西兩瀑素練垂
蟬蛩割斷驂騑馳
踐作平地千珠璣
我時磅礴方解衣
目所未睹心頗疑
此是一六派與支
厥源安在無人知
太白已往當告誰
溯流探本將奚爲
東坡謫居宜召還
快觀海市開朝曦
自信人阨天窮非
今我不樂母乃痴

讀書壑懷古

舊聞李景訛蕭統
今見開先改秀峯
二主有文皆不朽
諸天何相杳難逢
恆河劫盡禪林在
建業兵臨講席封
惆悵多才馮節度
殘碑千載已無踪

質園詩集

卷九

七

重游開先寺題漱玉亭

中丞不解了公事
到處看山復尋寺
此語傳自王文成
後之鄉人更不啻
今年選勝山水區
漱玉亭中再三至
東西瀑布總奇觀
匯向寒潭出人世
蜿蜒不辨雙玉虬
鱗甲森森半垂地
旁有石上摩挲書
雲壑風泉四大字
平生游跡滿東南
遽險鉤深聊快意
鯨綃欲攬色仍空
鼙鼓驚聞聲不絕
耳根眼界忽沉迷
合掌誰參第一義
晚鐘已動掩禪扉
夕照將低策歸騎
安得凌霄羽翼生
挾取飛仙共游戲

入青玉峽尋太白書堂故址次坡公三峽橋韻

連朝賦愁霖曉起漸驚濤言觀雙劍峰蛟龍互相鬥
懷李謫仙築堂在其右淵聲震巨雷石髓清甘
多荆棘攀蘿但猥狃代移詩卷留人去山容瘦誰抱百
神琴一彈再三奏游山如讀書均期志於發得意可忘
言冥搜微昏豈歸携一斛泉有口急須漱按志載香爐
峰西麓日黑
雲馬太白書堂遺址又太白五老峰詩將此地
巢雲松則當在五老峯下未知孰是以待後考

棲賢舍利歌

梵書八萬四千塔誰其造者阿育王衆靈雜選供役使
分置國土隨神光其在震旦十有九就中一塔留南康
內藏舍利十一粒禪門永鎮無滄桑瓶是玻璃盤玳瑁

贗園詩集

卷九

圭

入土出土全不壞百鍊終完寶勝軀五光遍徹兜羅界
圓扶月照影逾寒優鉢花籠形轉怪聞者不見見者驚
蒼茫歷劫知何代老僧向余言因緣古塔建自咸平年
牟尼之珠未遭燬遂從西麓歸棲賢其大如豆小如粟
長有寶氣騰星躡作銘作贊永無極不逢鉅手安能傳
昔時曾讀匡廬志復聞此語真奇異綰綬雖邀一命榮
繡經原解三乘義卽事初成舍利詩重游定作棲賢記
君不見宰官說法天雨花人間何處非初地

五百羅漢圖引

并序

凡二百軸貯之八箱幅廣五尺脩一丈餘法相

高者三四尺小者尺許其旛幢錫瓶坐立噴香
之狀雜出於山雲海濤龍象百怪間變化無方
莊嚴自在洵畫苑希世之寶亦梵林無量功德
也康熙年間奉天金方伯世揚捐千金延浙人
許從龍作此歷久始成裝潢整麗遂施棲賢僧
殆宿根淨業使然非特豪舉而已南昌萬編修
承蒼曾爲之記余於乾隆辛酉來攝是郡禪喜
獲觀敬抒長句以結勝因并識其緣起若此
諸家羅漢誰第一前有立本後貫休伯時文進復策妙
莊嚴一幅千金酬吾鄉高手邁前輩擲場又得許虎頭

贗園詩集

卷九

圭

曹衣吳帶入腕指寸縑尺絹如琳瑯摩訶迦諾本無相
全以神會非形求昔聞我佛世尊語曰阿羅漢戒律適
三以六通八解脫無等無量同覆幬低眉努目各有意
彫光下照驚潛幽許生觀空得變態筆所未達心已周
坐者脉脉斐几凭行者冉冉縑衣樞山花爛開鳥翔集
海水叠湧龍螭蟠婆娑世界乃有此普香眷屬誰能收
捐金作畫信人傑香燈供養歸比耶東坡昔年施大覺
捲圖一擲無停畱慷慨喜捨公再見皈依頂禮吾何修
會須拂拭大圓鏡纖塵不動藏閑浮

彭蠡

州公堤外響濺濺近郭波濤怒擊撞龍窟

蟻珠貢賦並三江石浮水面星餘幾帆遠天邊鳥去雙
更有數聲鷓鴣曲月高清韻到南窓

紛紛割據有英雄此地前朝樹戰功已見孫恩逃海上
不教項籍王關中石鯨湧出燄燄浪山鬼啼殘薜荔叢
今日太平風景異梯航萬國盡來同

題六老堂壁

物外真成六弟兄頗濱好句至今清周旋既久寧如我
駕馭無煩更到卿老去鬚眉猶颯爽雨餘蒼翠更分明
疎頑合作匡廬長自向翠峯達姓名

寶園詩集

卷九

五

望錦屏峯

錦屏何年濯光明直萬金芙蓉屏九疊面面落湖心淺
山衝破昏黃狼冷吟騎鯨人去久悵望到如今

觀穫

五月刈早禾六月種晚稻天時與地利總比江南好被
歐黃雲多一望盡垂倒指口倉庾開輪將宜及早諸邑
無漕糧給兵未爲少義在公私間餘粒謀一飽千箱比
戶儲半濕連朝搗非徒寧婦子先以享祖考國風存儉
勤月令戒淫巧備荒良有策藏富乃爲寶是用告吾民
樂歲室家保

雜草篇

南康太守苦且酸爲政寬簡民所安訟庭無人荒草滿
秋雨蕭蕭生暮寒今朝早起行香去荆棘軒于碍前路
盡力芟夷一日功深費淺拋無數我聞治民如治草
滋蔓難圖事須早勢稂莠稼穡豈容西門惠當門亦遭掃
君不見召伯巡行南國棠後人愛惜弗忍傷又不見昔
日閉門張仲蔚滿徑蓬蒿深可畏一草一木何從傳忽
枯忽苑全其天從來剪蕪乘時令柞氏周官本王政

大風渡彭蠡

狂飈挾浪撼高秋屏翳天吳怒未休蹴踏聲隨千騎至

寶園詩集

卷九

六

混茫氣接九江浮遙看獨鴈雲中失安得垂龍盞內收
只有漁翁寒翠裡烟波滿目不知愁

憶金陵

曾作秦淮畫裡身通波九曲碧如茵紅牙歌暗當樓別
綠鬢香消隔代春金屈戌中多宛轉玉闌干外卽風塵
憐他王謝堂前燕歲歲啣泥戀主人

紅羅亭畔赤闌橋穠豔無勞問六朝南部鶯花畱士女
中原龍虎屬漁樵秋生廢苑初衰柳人遠孤燈又暮潮
記得麗詞成醉後玉笙低按坐春宵
輕陰如夢穠蒼涼第一含情是建康走馬謝元還有路

湖海終竟無坊銅駝何處尋荆棘琉璃前番買馬
辱并疑城惆悵地拂衣宮柳易斜陽

龍唇鳳尾利那收與客披襟話昔游杜姥宅邊寒食雨
謝公墩外夕陽樓醉看潮漲三吳盡臥聽長江萬里流
安得促黃澁淡墨爲余寫石城秋

典衣歌

昔聞蕭翼宗家有質錢帖東昏將收之以此保先業製
衣不爲富典衣不爲貧有衣可典直須典莫待無衣空
告人今年堂堂佩邵印百事如人未能慙千金散盡不
復來典衣屢到吳城鎮昨日西風落地至枯荷殘柳含

質園詩集

卷九

七

秋意大夫耀體失三英侍女開箱添半臂曾信平生淡
溫飽一裘一葛寧嫌少眼前素位已爲豐去後廉名殊
覺小君不見緼袍寒士擁雪霜出門又苦行關梁持籌
大賈仰天笑世間無用惟文章嗚呼典衣慎勿悔安煥
何年被四海

金魚

文采人皆愛凡鱗得並無翻因成錦綉未許縱江湖密
罩雖能免微波恐易枯舊時臨眺處春水憶燕都

小鹿

鹿子初離母飢寒總仗火山林還未識仙佛可能馴細

點梅兩瓣開眠薛作和終當露頭角孤兔敢相親

老樹

此尚含生意婆娑不解愁高疎難入畫孤峭自成秋歲
久英華斂庭虛氣象收未堪爲世用斤斧莫相求

晚花

不具藏身哲非關得氣遲東風全不受自發兩三枝影
相對香慙夢未知梁州無賴曲唱盡綺羅時

紫霄峯雲氣

紫霄在匡廬羣峰無比肩辟如廣坐中遙識孟萬年白
雲繞其腹縷縷龍蛇蜿蜒欲攬渺何所一氣相鈎連時有

質園詩集

卷九

八

孤鶴至捲落長松邊安得深山居朗誦撻雲篇

秋霽郊游至棲賢寺晚憩玉淵潭三峽橋

樹疎藤密竹迴環別有乾坤在世間香社欲招方外侶
道場如見定中山悟來始覺簪纓累靜極能留日月閒
身是菩提心是鏡不辭荊記問禪關

道院江東稱嬾慵上方琳宇屢聽鐘地多梧桺涼颺早
人對烟霞野意濃碧海新圖非北苑赤髭老衲是南宗
定知紙帳今宵夢飛向寒潭跨玉龍

攬秀探奇不厭經憑高俯瞰畫冥冥人依薜荔忽深翠
天人玻璃多異青陶峴豈宜投寶袂謝安何用泛滄溟

朱衣絳幘分明在我欲燃犀照百靈

疑向夔州鼓棹行瞿唐灘頭使人驚好從翠峯尋
一奏冰車鐵馬聲如此峯寄翻散明肯將泉石換公卿
詞源倒瀉知誰勝慚愧波瀾未老成

再題玉淵潭

何年巨靈手劈此嵯峨石兩崖對面懸中虛不可測離
合互陰陽元氣暗摩挲奔泉如玉驄觸石勢相迫乘閒
遂忽馳下與蛟鼉敵殘鱗剩甲多晶瑩散還積震耳于
雷霆驚心萬鋒鏑人影與天光共入寒潭碧臨深古所
戒恐落冰夸宅安得御風行汗漫從所適

質園詩集

卷九

五

九日重登滕王閣

紫萸黃菊又芳馨勝地良時不厭經帝子繁華留玉佩
才人文藻映秋屏朱簾尚捲前朝雨綠鬢新添幾夜星
寄語山公習池上但堪沉醉不堪醒

秋冬之間重游匡廬諸寺

好游如好學如新在溫故紛吾慕遐踪俯仰成前度白
雲猶染衣黃葉多盈路攬勝歷幽深撫時感運暮了此
宿世因未覺山行誤緬思唐宋賢題名不知數鴻爪與
魚鱗滅沒隨烟霧心印大莊嚴菩提本無樹

右軍墨池

昔照在瑯琊戒珠在吾里兩寺右軍居墨池遺址之
于本清真節操存晉史工書一微長乃為世所喜我來
南康郡歸宗近尺咫中有洗硯泉滄滄異凡水代移歲
月深人去龍蛇徒想見臨池時潄然黑雲起

萬杉寺尋散珠亭遺址

萬杉在匡廬名與諸寺亞有如齊晉間宋製亦稱霸我
從前植游且喜簿書暇年深松檜疎寥寥見僧舍高雲
淡不收晚花寒已謝何處散珠亭蒼然夕陽下

三至開先寺

春時曾看瀑兩度到開先復向長松下西風正颯然在

質園詩集

卷九

五

山人似佛近水屋如船不聽無生話安能了宿緣

望去疑仙境到來生隱心集龍歸潭月靜猿嘯嶺雲深

蘿薜無人處旃檀第一林重游增勝槩勒石紀登臨

重葺白鹿書院落成延師講學以詩紀事

芳春曾記此登臨古木凌雲似孔林眠鹿地還存舊徑

落花大為開輕陰石門泉湧綃千幅華蓋星垂嶂十尋

彈指重來風景換勘書臺畔忽秋深

青天片片削芙蓉獨對峻嶒五老峯蘭蕙有香皆道氣

烟霞無洞不仙踪四時風月歸師友兩序規模列鼓鐘

多少紫陽遺蹟在探幽自剔蘚苔封

三級泉

我來五老峯得睹三級泉上級如垂雲中級如飄烟最下更奇絕如玉龍赴川千鐘既泠泠萬鼓何填填巨石橫亘之谿衍不可穿剛柔互相闕其勢長連蜷乾坤本確隙端倪秘不宜誰選混沌竅仍近於自然我欲探其源全嶂安能緣不如攬清景高咏招坡仙

偶成

花滿春城少送迎犀塘鹿洞屢經行俗安耕織官無擾人對湖山句有情清簟奕棋星數點層樓吹笛月三更莫言梅尉高風杳隱吏他年合著名

寶園詩集

卷九

三

年踰四十可稱翁塵土難拋綬半通薄宦浮沉榮辱外清身位置畫圖中秋生木末江波濶入遠天涯暮雨空自罷七真天上會更無夢到蕊珠宮

寶園詩集卷十

會稽商盤寶意

紀風十首 并序

竊祿江右建樹未遑盡諾多暇伸紙偶紀上風幅盡得十章未竟所見也篇中有刺無褒或亦古翰軒採詩貞不廢淫之義且冀遠諸當代秉鈞漸摩轉移之則此邦幸甚覽者其鑒余志焉

莫生女 戒溺女也

莫生女生女不舉女不能言腹洎如雨田不種米安得有食人不育女安得有室在昔淳于棼肝花狐有女上

寶園詩集

卷十

一

昔投瓜執父女亦何負乃棄諸塗

放野 顧俗樵蘇多需粵女女行不戒主亦利之名曰放野

采薪復采薪粵女養顧人但飽顧人腹不惜粵女身朝亦去采薪暮亦去采薪朝亦不采薪暮亦不采薪得錢買乾柴豈必由斧斤君不見吳家之姬鄭家婢磨墨知書不入市

旱龍舟 南昌郡中每歲端午舁舟伐鼓填溢過

衢士女施錢祈福競以昏礮辟除不祥云非是則竊行龍舟他處皆然早則創見耳

五月五日南昌城龍艘千隻岸上行
轉關但聽轟天聲滿街蹴踏如風雨
爆竹聲多神福女
屈原抱石沈汨羅負屍復有曹氏娥
招魂兩處忠孝
不聞陸地翻江河從來王政驅殃癘
九月之單三月禩
國人相逐毋乃愚古禮雖存近於戲
龍舟龍舟今且藏
聖君賢相調陰陽年豐人壽樂未央

棄婦嘆 江人鬻妻不惜都昌甚焉

紫藤絡蒼松松死藤不移夫婦共衾穴
胡乃生別離娶
婦不須好嫁夫莫嫌老溝水東西分
遠近難自保不怨
故者棄但願新者憐請看吳蠶絲一
斷不復連

質園詩集

卷十

三

不種田 溯郡湖者險在秋冬揚湖左里之民利
其溺焉

揚湖左里不種田一生好捨失水船彭蠡風濤天下惡
湖中壞船多水涸獨有揚湖左里民正喜風濤日日作
豈無救生之役防汎兵分財掠貨同橫行亦有周溪渚
溪兩巡檢呼應不靈打不敢鳴乎利災樂禍神所訶太
守不禁理則那賣刀買犢猶可效左里揚湖木非盜

檢金 檢金悲陳死人也賴吉愚民既葬其親隔

歲一發以驗冢骨黃乃掩之白則遷焉故有屢
易其地終不封植者

松金黃家之祥檢金白家之素檢金不已荒塚屢徙設
崇置翼山之麓舊鬼愁煩新鬼哭月落林深漆燈綠
無字錢 既鑄且剪錢乃無字任之不可禁之益

匪

盜鑄者寡盜銷者多作重既不宜作輕將奈何鑄錢使
之大剪錢使之小先鑄後剪之積邊不爲少千緡萬貫
堆市中制錢愈貴民愈窮 朝廷方下鼓鑄議何不去
採滇南銅

堯堯奏 每見訟言中有劄奏堯堯字作此警之

心稱龍心裁目稱龍目電更將守令堂比作帝王殿奸

質園詩集

卷十

三

民操刀筆知訟不知律安得一朝生屈軼佞人不來世
寧謐

南豐令 宰南豐者制於巨室及其解綬爭歛之

且厚資焉令去無置公者豈果尚義足多耶

柔風不搖勁木懦官不懾強族勁木猶可鋤強族不可
除吾聞漢時河南多近臣南陽多近親今之豪猾非難
治上書安用陳雷吏但得國家廉靜之吏多蝗不入境
虎渡河南豐南豐如令何

省祠堂 南昌人在鄉者多建宗祠於省藉作舍

館訟者居之自此故家廢宅出售幾盡而遠客

稅駕之地稀矣亦一暇習也

南昌十萬戶聚族處四鄉如何省會區建此昭穆堂豈
盡霜露感徒滋雀鼠藏訟凶古有訓請張難具詳遂令
祖地翻作軍旅場故居神所依妥賽安可忘

吳障嶺

近邦重保障設險聞王公茲山勢駛駭跨越兩郡雄連
嵯峨層城一氣浮溟濛其初本蟠鬱乃以人力通關門
兩舊址巨石蹲虎熊巖草有春碧埃火無宵紅時平撤
守禦盜息藏刀弓此地等康莊安用丸泥封

江州

質園詩集

卷十

四

小謫蓬萊籍江州兩度過土風潛皖近古跡晉唐多薄
宦蕭蕭客長江泯泯波含情酌潯酒淺碧慰蹉跎

庾公樓

庾亮登臨處南樓並武昌三秋賓從散一水楚吳長攬
勝堪吟嘯凭闌忽慨慷涼蟾如有意竟夕照胡床

琵琶亭

大江岷山來楚蜀勢寥廓九派何茫茫繞此潯陽郭昔
人去已遙遺踪儼如昨哀響無古今琤琤入絃索選勝
偶登臨春寒水猶涸柳未生移蹇梅方吐萼天際指
荆帆雲中望廬歎不聞商婦愁但見估人樂

登江州城樓

曉登瀟湘城縱目望吳楚長江浩浩流環繞如肱股百
雉通一壑參差落湓浦匡廬相蔽虧一氣皆下俯由來
形勝區戰爭頻用武生齒日以繁急須教養撫事往動
秋歎世泰消險阻列戍無烽烟揚帆有商旅我亦太平
民臨江道懷古

百花洲玩月

春華肅肅暹芳時侵徙會張舊水嬉忽有蒼茫前度感
照人重漾碧玻璃

歌舞寧藩去不回祇留片月映樓臺凭闌渺渺望銀漢

質園詩集

卷十

五

一夜白蓮花半開

水天一色碧溶溶講武樓船事已空疑有石鯨鱗甲動

昆明池上晚生風

玉蟾此夕太分明照見思歸一片情殘漏欲沈清露冷

四圍蘆荻變秋聲

新秋

境僻蕭疎早身微去就輕西風催搗練南郭罷聞箏溫
厚歸騷雅高寒見性情空堦殘葉落未免壯心驚

雨後

雨後無凡景遙天忽彩虹龍歸雲氣外蟬曳柳陰中瀟

切安能遍成渠未可通晚涼增小健著屐訪隣翁

早秋憶家

大火初流掃積陰西來爽氣暫開襟秋因雅淡芳菲歇
人歷艱辛智勇深海客瀛洲談有驗湘娥寶瑟鼓無音
鄭公鄉在仙風塢暮北朝南歲歲心

竊效真慚作吏迂公才公望我全無迥巡未濟孤鴻尾
造次難櫻虎負嵎好月雲籠遲朗照寒林葉脫曉平蕪
人生祇合師黃老好勝年來病已蘇

聞馬員外石亭奴於都下以詩觀之

香塵綺陌送鈿車曾請新聲夜合花公子不歸孤燕老

質園詩集

卷十

六

小樓寒食在東華

戊午歲員外納姬填夜合花詞一闕爲贈

憶從乞外別瀛洲攬景初登北固樓我已沈淪君豔美
爲言略勝白江州共道使君親乞外勝他白傳在江州石亭奴行句

孔雀尾詩

有客梁州萬里經攜來金翠勝丹青全身已入升墩譜

宜和畫學試斷尾猶輝選射屏籬菊月名開玉露菊有孔雀尾

苑花相對插銅餅自從作貢天家後四姓期門

總賜

渲染天成紫明藍不分疎密影氤氳家禽姓氏原從孔
上塵翎毛遠在南身後文章人尚忌生前怨毒爾曾含

琉璃硯匣珊瑚架得傍華堂死亦甘

春風若漾卷簾時比作盈盈乍折枝未得鳳翔同翺羽
眞成豹死僅留皮高飛豐滿猶難免壯采續紛更不宜
大抵韜藏爲善策憐他翡翠亦如伊

不同凡鳥競纖毫養得青旂數尺高中使苦求巢鶴翅
尙齊止識海鳬毛緩來宮扇金縷近綉入香閨玉手勞
光焰漸消人漸棄可堪集翠委蓬蒿

北蘭寺爲南嶽讓禪師道場商邱宋漫堂先生撫

江右時曾葺而新之中有烟江疊嶂堂列岫亭

綿津詩屋棟花坪諸勝秋日過此畱題

質園詩集

卷十

七

龍沙繚繞化人宮蹟有高僧便不同秋老滴殘梧葉雨

春歸吹煞棟花風西山宛轉千帆外南土因緣一錫中

紫壁畱題無姓氏免教他日碧紗籠

秋夕夢與樸庭游玉淵潭至密公丈室以詩紀之

又向栖賢續勝因芒鞋踪跡未成陳知君大有烟霞癖

不是同床各夢人

攀葛捫蘿次第行一條柳標衆綠輕才從三峽橋邊過

便有千鐘萬鼓聲

溪風冷受碧琅玕仙竹如瓜不耐寒忽報玉虬方戲水

但留半爪與人看

薜荔香間叩梵宮一宵清景易成空夢回說夢君休笑
總在蘧蘧栩栩中

題慈谿沈蕙山瘦吟圖 并序

蘧山舊館於盧巖使廣陵官閣明月梅花主賓
酬咏追尋往跡因補斯圖感慨係焉

忍寒相對聳吟肩寫入生綃態宛然莫向蕪城重回首
一規小月自年年

人海漫漫易起波南窗勝槩未消磨信陵座上三千客
頭白奪門淚最多

萬里未歸盧雅雨盧號雅雨山人九原不作馬扶風馬員外石亭為蘧山

質園詩集 卷十 八

題詩我亦淒清甚身在冰寒玉瘦中

家伯立亭先生作宦同州去秋攜弟輩于役江南

予方攝南康郡未遑往謁唯以手書承起居而

已茲遇便郵復陳近況並寄諸弟一覽

幼讀行葦詩嫺睦先典在同姓古所敦於分爲從再伯

父暨諸弟吾當敬與愛一從適西秦攜家近邊塞能使

鬢髮蒼生驚鳥鬼快昨歲賦行役數旬爾與令伯盤握

郡符未得及瓜代曾奉千里書聊以陳梗概我家世澤

長橫經兼負未盡城聚族居奕葉多簪佩一宅兩開曹

浮沈笑永停未爲百仞翔屢作三舍退先疇常恐溷壯

志遠須耐深望吾弟賢重遠堪荷載大厦梁木支風雨
安能壞功成返故鄉几杖重相對含意申此詞季秋月
初照

題趙千里阿房宮圖

祖龍并國作天子伐木建宮巖雲起何人拂絹寫樓華

妙手丹青趙千里大旗五丈高嵯峨十二金人夾道多

離離近見南山樹漠漠遙環東渭波卷衣綽約如花女

過雲歌罷迴風舞端起珠簾春復秋楚軍一炬成焦土

當時悔不學神仙山更興亡識一年徐福未歸空泛海

扶蘇雖在久防邊轉眼劉與項瞰王氣咸陽半銷歇

質園詩集 卷十 九

惟有淒涼老玉姜負琴猶玩秦時月

階下雜卉礙行曉起刈之

小卉半無名羅生太堪嗤花謝但留枝高低拂闌檻豈

不念芳菲過時澤應斬方當秋令行肅殺垂模範不爲

樂道和要取禮從滅再長或有期此別何須黯不斷將

養好優柔吾肯犯

旅憲自訂新舊詩四十卷因成長句并寄樸庭

不問前因與後因本來無處著酸辛刪詩斷自趨庭日

弱冠所著從政慚稱珥筆臣結習難除猗刺刺小言已

愧况陳陳操音聊應乾坤令蟲自鳴秋鳥轉春

楊風屹雅幾曾停此路多宜問已經遠岫出雲情冉冉
幽泉赴壑韻泠泠不分哇吟忘年代別有陶鑄屈性靈
絕調希聲原在世何時奏與子期聽

疎散連朝未整冠了無塵土染毫端 聖朝雖弛文章
禁外吏終非議論官野眺多題幽寺滿夜吟不覺短燈
殘 皇風熙皞殊難紀消遣昇平歲月寬

擊鉢蒙余事若何飄浮囊滿好搜羅明知愛惜終當割
但得流傳不在多四海風騷誰是主六時纏擾豈非魔
素心人去無酬倡廿載什經共切磋

心虛隨地可求師未若權衡我自持妻妾皆稱卻忌笑
質園詩集 卷十 十

竹桐須得蔡邕知瑕瑜迹在原難掩悟學功深始出奇
頗恠和凝誇富有編成百卷亦奚爲

訪華林山人畱贈

瑣細榮枯不足占已從淨業悟莊嚴秋陰匝地蕭蕭晚
正值先生欲下簾

六十三年大隱身心如圓鏡了無塵默然對坐吾能會
言易原非善易人

如雲如霧事茫茫肯放修塗一寸光失笑三閭憔悴後
但憑詹尹決行藏

銀漢迢迢路忽開乘槎博望幾時回待攜天上支機石

再向成都卦肆來

和下榻集中南昌咏古詩

澹臺子墓

偶來澹臺門一訪澹臺墓城東捷徑多吾寧歷紆路緬
昔武城宰邂逅歌零露相得乃益彰標榜不在互芳徽
千載畱持以風紳素

徐亨

江汪黃叔度藹藹郭林宗之子南州彥高疎不可逢清
流如稍激黨禁豈相容舉世慚羣盜能飲隱士踪

蘇翁園

質園詩集

卷十

十

豆分瓜剖宋山河南渡興亡感慨多完好周顧三畝在
晚菰早韭味如何

聞雁

辛苦南征鴈隨風不可尋江空何處落燈暗數聲沉行
列依然整程途自此深啓替吾念汝各有稻粱心

壬戌暮秋晤同門朱偶圃於豫章以詩爲贈次王

穀原東軒夕飲三章韻

日月無停踪金雅玉蟾蜍短景逐游宦作策嗟已疎僕
本農圃人祇宜長荷鋤半通綰組綬治郡來匡廬乍驚
雲波詭稍喜羅網紓邂逅神明宰昔共登賢書良材爲

世用肯作臃腫樗循吏傳可攷處上登非虛願絃合宮
商端在下指初

筮仕得百里專城典筦簫寬猛待權衡緩急費裁酌撫
率苟失宜手足無處著方今病饑寒頗少虛扁藥倉箱
寧婦子禮義興鉏耰耕織實利源豈可使長淵所頓卓
魯賢一矯孔桑錯創始挈其要久乃漸恢廓佇望三年
成有喜民病霍

側聞訟牘稀花放小胥告諸樹羅東軒幽禽來啄菹張
譙爲樂方賓集主前導詩川銅盞催義取玉索報堂堂
茶火場誰能奔其藎君性頗過余終朝脫羈帽外仰光

質園詩集

卷十

三

風度內含介石操退食有餘清受祿非濫冒益友曾擇
言進規同酒誥

題王穀原石梁觀瀑圖

一鏡一笠萬緣輕的的羣峯宛宛迎偶向雲華亭畔過
玉虬鱗甲忽秋聲

石梁飛瀑赤城霞絕景羅胸對客誇莫作荒唐晨肇比
此來原不爲桃花

噴玉跳珠近若何耳根眼界未消磨分明天上銀潢水
一瀉人間便作波

標格珣玕總不如追尋鴻爪六年餘願他妙手張萱畫

勝得高人許過書

古詩五十韻贈王穀原

八萬兵藏藕三千世納芥藕芥是何物其大竟無外文
人一寸心中有滄溟漚撐腸先星羅脫手便粉碎銘臣
屬性靈茲理日沉晦牛羊豈方隅少見多所懷百川起
狂瀾力障歸吾輩勃興得卿卿文質肆而儘雲錦剪新
機天葩舒異謁妙腕展玲瓏逸足離鉗鈇百納琴有言
六銖帔無齡遙祖坡老香急下浪仙拜我聞諸治軍常
變難一槩運思如運籌結體如結紫堂堂正正陳旂鼓
交相對開道出偏師接戰決勝敗要收拔幟功莫狙膠

質園詩集

卷十

三

柱戒之子淹通彥稱詩悟三昧終南有紀堂匡阜無面
背邾魯本連疆淮黃非異派久作如是觀達君合肺腑
憶昔紈綺年曾至嘉禾再南湖綠雨莊東塔青蓮界興
費裘馬輕刻劃驚花梅我少君垂髫未及共槃敦荏苒
廿年餘斗鷲鳥兔邁研光帽已殘柳果車應壞往往冶
游場根觸心無賴昨直承明廡得遇萬光泰風塵說項
斯善信稱不害坐待後至傾雲思先睹快君方入玉台
却聘書親裁煩彼迂痴翁寫出烟霞態今秋忽持寄披
卷如良會佐以冰雪詞照乘珠百琲漂零我自傷投贈
君何愛一從別麗農疎散爲丞倅未能手雨霖可許腰

銀艾無才人尚嫉有悔天所械學佛彼煩惱微吟同梵
唄幸持忍鎧堅漸使疑網退結習寧易除因君復雕績
願逐東野龍竹望西園蓋平生廣交游絲麻雜營蒯餘
子碌碌多無譏等自卽側聞古筠州修竹羅公解琅琅
金石音咳唾生沆瀣俯仰豈不寬建立誠有在磊落都
蟲魚還期圖遠大他時佳傳成豈特儒林載

楊將軍原笛歌

將軍朗朗氣如電大小身經數十戰興來屢笛儼橫戈
吹向關山夜飛渡此音不自笛中生此笛何曾世上見
桓伊已逝馬融亡古今此技誰稱善將軍獨得昔人傳

黃圃詩集

卷十

古

及峇數聲風雨變湘娥極浦颿環留鬼母秋郊涕淚飛
乃知總制具陰陽律呂精微潛貫串是時涼月大於斗
爲我殷勤照芳譜持杯聊復勸將軍關中雅度人中彥
我今惜別又將還離合匆匆弦釋箭玉門他日好相思
落盡梅花千萬片

題陳章侯歐冶鑄劍圖

吾聞赤堇山破而出錫若耶溪澗而出銅伯圖遺跡幾
千載但見雲氣不散青溪濛濛日越王寶劍擅天下湛
盧巨闕光熊熊誰歟鑄者歐冶子斷爪截髮具良工天
地爲爐陰陽炭太乙精鬼潛銷銘龜文縷理忽成就較

若銀漢懸秋空嗚呼風胡不可作雷煥安能逢又無莊
與薛舉世皆瞽瞍遂使宋鍾齊鐫委草莽那能紫氣貫
斗凌長虹畫師寫此亦何謂疑有欄具橫心胸冰霜數
尺絹大冶安其中祥金離火兩凝結彷彿烈燄交青紅
鑄劍之人坐恆石神閒貌古千夫雄絕藝成名非草草
今以命脉相貫通同時更有造劍手殺子戮血歸吳宮
惜哉神物並埋沒小割徒奏鉛刀功一撇寧無華陰土
不遇真賞誰磨礱急須捲畫毋久玩恐致雷雨騰蛟龍

重賦齊餽鵝戲答

換字山陰事若何石軍遺蹟盡消磨舊居對壩村相近

黃圃詩集

卷十

五

自小池塘善養鵝
銅盤吐納幻無窮陽羨書生術最工勘破機關成一笑
人閒何地不鵝籠

聞鐘

誰扣蒲牢古寺鳴透簾斜月正殘更沉迷納納三千界
喚醒冷冷百八聲過去梅花還可戲坐來祇樹豈無情
梅山甘露聽會熟不及今宵分外清

酬別澄源堂主人

黃鵠千仞翔大鵬六月息抗志在風雲乘時奮其翼自
我賦式微僮僕有憂色秋影忽蒼然碧空淨如拭理數

雖不齊否泰非難測於此受困衡幸不遭羅織致寇本
由已安問鬼與蜮宛轉十幅帆江流浩無極所歷多艱
辛但憑忠信力涼月湧金波破艇蕩胸臆丈夫慕遠舉
豈宜處荆棘作吏無寸長吾將自投劾

東漢尚節義黨錮遂禍興俊及總清流下獄首李膺卓
哉申屠蟠遠害獨見稱神魚不罟網幽鳥常避矰憂樂
在天地倚伏原相乘與公此從政臨履如淵冰危言昔
未敢盛氣今何曾被謗竟難引知過長可懲大易示反
躬利見信有徵願言守拙素相戒毋驚騰執手更分手
既會別亦應三復章弟詩君子民所憑

質園詩集

卷十

六

留別沈蘆山

昨披瘦吟圖寸人在尺幅雖見好襟懷未逢真面目聞
君念勞生爲我額頻感冒險孤濟河過剛鴻漸陸幸得
視履祥歸期今已卜未嫌就舍久翻怪整裝速泛泛江
上舟寒浪高如屋六朝佳麗場宮柳參差綠懷古倘來
游聽鶴酒初熟

留別汪生縈雲楊生子載

臨岐鄭重似卽山前路茫茫後會慳至樂自存師友內
新交偏在別離間真龍若見休輕却全豹初窺已得斑
片草不須南浦黯玉門今日算生還

過硯林書屋留別陳起亭

謫居流寓兩萍踪乍喜南州意外逢飲酒人攻蘇子美
埽巾君學郭林宗遠籬何處堪餐菊閉戶多年早種松
我亦烟霞成痼病倘辭簪紱會相從

渡鄱陽湖望匡廬諸峯

撥人積翠影如苔依舊芙蓉九疊間莫恠掀篷無語坐
看山今是別山來
從古高人愛隱栖宋賢晉逸姓名齊白蓮社後青松社
欲把鸞溪配虎溪

禪喜開先每日斜蓬萊曾訪紫雲霞誰教移入含風殿

質園詩集

卷十

七

春斷南唐第一花

彭蠡魚龍馴可狎匡廬面目久方真香山自愛江州住
再向他年作主人

重到秀峯寺

到此真慙未息機無邊秋氣入單衣古潭影自知龍臥
高樹陰疎見鶴歸世在山閒成淨界人從別後即禪扉
老僧不川勞迎送有日還來占翠微

觀王文成紀功磨崖碑

武宗喜巡游實始江彬導正德十二年上加威武號逆
藩蓄異謀乘機覬圭甲事殊靖難師勢甚潢池盜是時

海寓寧武備疎樞要驕蹇列郡兵倉皇那及調維公趨
吉安致討布文告先發能制人何待九重詔搗巢傷乃
根迎擊奪其蘇生禽夏主歸死關楚軍剽克敵僅兼旬
鹹囚皆獻廟大駕自征南建康屯七校方爲經歲留未
聞一筆勞褒勲在庚辰錫爵非溫日帝曰嘉乃猷咨爾
大有造公時拜稽首臣實無以報擣筆紀成功厥詞非
參權上言天子威聲靈震邊徼次言邦國靖業戢戢文
教駿肅仿甘誓信相殊洛誥百四十字中凍凜盡臣操
中朝賴奠安羣小爭嫉妬憾樹此蟒愚翳葉蜩蟬噪但
垂史乘光後世寧昏眊我來讀書臺懷古開憑弔摩挲

質園詩集

卷十

大

一片石勝觀千丈瀑莫令苔蘚蒙長與升恆照經濟本
良知體用同時到講學異空言樹勲成實效幸得共鄉
閭未能窺堂奧盛世無所就蹉跎年易老碌碌作庸人
撫躬徒悔懊

蘇湖玩月

月影當湖大湖光受月寒曉龍愁不寐夜靜吐珠看漸
覺神靈近還存世界寬殷勤惟五老相送彩雲端

自題匡山看瀑圖

玉龍兩條出峽飛銀河百丈向身落李蘇好句垂千年
後來有詩不須作我本山水人堪與山水友十載困簪

纓如烏佛其首一朝游戲山水鄉九奇五乳緣非偶嘯
歌長作鼓鐘鳴迎送無勞塵俗走每逢野老便聯肩時
見高僧遙抗手就中可愛惟秀峯近形遠勢何玲瓏東
西雙瀑下天際白蛭割斷青芙蓉使君看瀑來何暮相
對勾留不能去畫師解事爲寫真中有太白東坡句如
此溪山絕代無得閒不往毋乃愚好招樵牧作時侶實
有冰雪侵肌膚展畫題詩感今昔勝游清景成陳迹匡
君一去不復歸老鶴飛來破寒碧

石鐘山

彭蠡滔滔至孤城不可當峰巒雙戶牖簷簷一滄桑往

質園詩集

卷十

充

跡譏元渤新音扣輪闌洗將箏笛耳來聽此宮商
誰與分南北徒滋聚訟爭人情方鄭衛山骨自鯢鯨月
險身真賤搜奇意轉平飽觀廬嶽大盆盎不須驚
愛此小玲瓏天然上下同東坡文自好北苑畫難工細
碎縠雲霧雌雄割蟬螭船頭具袍笏偶學米南宮
刻削旁多透含弘內本虛不知千丈下其狀更何如鬼
獸森相攫蛟螭鬱鬱不撼題名甬勝概自向石崖書

登小孤山

彭蠡駕天來江勢挾之走禹貢紀中江迤會趨皖口小
孤作砥柱論功實居首爲獨不爲屬巍然無配偶初疑

釋迦髻復訝巨靈手外似渾儀旋內原太極刺層崖三
面懸得路西南四百級入屢屨數重憑部婁是日天宇
清一覽羅紛樣落景老龍銜急湍怒馬以九茲遠近形
歷歷呈高阜人生局方隅難脫此負柁何不日披襟御
風摘星斗

安慶

形勝今爲省繁華古建都鄉風全近楚江氣莽吞吳偪
岸千帆勢懸城八卦圖大觀亭上望舊跡半榛蕪
地處荆襄下居然作鎮雄時平無鼓角秋老有蘆楓霸
業銷唐主名山對皖公獨宜高季迪吟斷夕陽中

明高政登

質園詩集

卷十

手

皖城詩殘兵鼓角夕陽中

攔江磯

長江如修龍蜿蜒向東下庚神不能鎖其勢實雄霸天
帝勅六丁挾石爲堰壩千尋亘縱橫萬力防傾瀉赴海
得停機約束勞造化陽侯謹受命違則罰無赦我行秋
冬交水勢殊少謝圭角露危磯彷彿虹梁架百繩挽一
舟有帆安敢駕長年老解事快從急潮借始知天地閒
利鈍爭一罅鎮躁免險巇解紛在閒暇臥看江流安明
鏡光新研

題太白樓

蒼然風月樓中滿白也清狂海內知榮遇肯邀婚媾
才名偏值播遷時京華自古無冠蓋天末於今有魅魍
搖落江湖休太息沈香人誦倚闌詩

涉江吟

謝安居東山兄弟多貴顯丈夫負公輔提鼻恐不免局
促世網中如以蠶作蟹累歲既未遷名郡亦徒興銀菰
尚難叨安能望鼎鉉本非翼亮才無待及時展仙肩不
易拍市足何堪踈洗馬雖善愁一字唯有遣

質園詩集

卷十

圭

困一官有似項生嬰已嘆身苦屯况遇路多梗起疑因
三告掩德在一宵邇來出荆棘十幅歸帆整展卷倚蓬
窗聊以汲修綆有文將焉用何不竭力屏

陸續懋林舟江革固陵渡各以載石聞清芬殊可慕泛
泛一葉輕駕言向江路萬頃青蘋繁日夜涵鳥兔天勢
與低昂山形莽奔赴豁然詩境開未覺此行悞寶書吾
弗攜免受蛟龍怖

天末吟江南歸思繁夜寢辟彼饑渴人常夢食與飲家
累七八口寄居心慄慄既爲一姓人坎珂同所稟我無
負郭田拳拳望歲稔有蓄可御冬無備猶拾漚且喜障

磯消得歸勝衣錦指日相見歡一笑共喋吟

復園詩集

卷十

三

質園詩集卷十一

會稽 商 盤 寶意

卸裝與內子夜話

細花吐焰燭當筵中有離情二百天歲歎倍增酬應累
家貧端賴倡隨賢非常並坐猶嫌遠斷續迴詞豈得全
一舸歸裝輕似葉青衫在筇尚依然

初冬雜咏

久厭金門作歲星蕭騷雙鬢可重青漢庭愛少臣將老
蜀道雖難我盡經未了世緣疑夢幻乍寒天氣費調停
東籬幾夜霜濃甚特爲黃花購勝餅

質園詩集

卷十一

十

南部烟花總易凋虛傳雜佩采蘭椒何人荷住娉婷市
有水長通宛轉橋小杜秋娘重一過大蘇春夢竟全消
三山縹緲隨風引駕鶴驂鸞路甚遙

烏受樊籠馬受轡投開江海一官微關津屢笑長垂棗
樵牧遙嫌未拂衣濁水求珠龍不睡明片落實鳳猶饒
竹枝弓在休輕試射鴨還防有是非

如困如輪影乍收看雲幾度笑回頭雖虎踞寧須畏
賊已羊亡不用求流寓無端同削籍謫居何必更誇州
牟尼合有波斯識從此光芒莫暗投

題虬髯客圖

李花欲發楊花空太原公子英雄龍行虎步揚裴至
顧盼能驚虬髯公此客非常毅且武鬱律蛟螭待雲雨
海外他年起霸圖坐中謀士知典主當時會合皆人豪
殘棋半局星辰高藥師佐命號福將曾攜傾國潛奔逃
君不見王侯將相原無種創業成功豈在勇隋唐往事
畫工傳稱帝稱臣總印璽

題漆塵圖

畫馬本從重馬得似儻權奇幾人識韓幹一夫已千年
後來又失吳興傳此圖神駿出誰手箭雲逐電龍爲友
縱筆如騁欵筆羈蹠蹠毫端諸態有國家考牧稱蕃庶

寶園詩集

卷十一

上

十二天閑勞駕馭金階不動復不嘶立仗終嫌少生趣
昨者西陲方罷兵應時閱武右北平有駟有駟有駟驥
千匹萬匹松亭行畫中之馬勝百倍歸華在厠不列隊
翠綉平鋪十丈原玉花雲錦斑斑碎丹青寫生絕代無
全以意合非形摹穆王得八昭陵六持較此幅當何如
吁嗟九方臯已逝白義雖良一朝棄何人與爾成大功
慎勿輕思戰場利

靈澤夫人祠

青史重將漢末評笑看三國勢縱橫孫劉若不乖初約
瑜亮何須歎並生半壁爭雄終易盡長江流恨迥難平

曾聞破虜多才子愛女同時亦擅名
障綴明珠帳鏤金天桃穠李忽銷沈蒼梧泪盡無斑竹
白帝秋高有斷碣一舸歸寧誰定計三分割據本同心
紫綳新業輪巾幗遺廟東吳亘古今

重題秦淮水榭

已負花朝到雪朝碧紗如霧掩深寮洪崖衣褶肩初拍
玉遠鞭痕背未消燈影細知長短夢聲緩度往來潮
垂虹假月無分別人在盈盈第幾橋

肯游一夢失春華過眼離離落帶瓜結習猶煩大迦葉
閒情休問小璫花三生禪榻絲添髮八尺雕梁燕在家

寶園詩集

卷十一

三

前度客來憔悴甚祇攜斑管寫明霞

黃錦水製腐十二品譙客以詩十二韻紀之

淮南制腐初流傳及後代惜哉草郇公食品未曾載新
意飭中厨殘臠成高會珍饌非不充易饒還易敗愛茲
真味完迥出肥甘外桂蔬老辣心冰雪崢嶸態既朽能
化奇有烹豈須大正與腐儒宜不怕嘉賓恠平生調鼎
手小試亦稱快歡年古訓昭梁肉大夫戒易俗有微權
儉德先吾輩含情向主人此舉何妨再

疊前韻戲酬錦水

星回日月窮寒盡歲將代杜門絕送迎有酒無人載昨

朝雪霽初題詩紀良會屬和八父成驚看三戰收愛茲
南山種襄殲真能外作義無俗情比乳有柔態平易乃
近人即小可喻大重思下等時幾被厨壞堆盤一霎
空風捲殘雲快出私君最擅餐餐我難戒此中至味存
頃勿傳流輩前言戲之耳得一安可再

設燕投壺再疊前韻

投壺樂嘉賓酬酢本先代奉矢與奉中厥儀小戴載拜
受兩楹陳釋算一純金會將以觀德容非徒分勝敗舍
人激殿前將軍嫺閭外雅歌相繼作雍雍最多慈舊詩
魯薛亡列辟晉齊大左傳晉侯與齊侯宴投壺今人廢古禮少見多

錢國詩集

卷十一

四

所注慶馬旋微馬正爵行自快當其聚飲時撫教有深
戒格律制前賢司馬光有投壺新格圖經貽後輩張承
投壺圖知上官儀請君毋固辭燭跋還堪再

寒夕復爲投壺之會時張寧九司馬將回皖城并

以志別 疊前韻

射以賢序賓枉矢亦可代爲歡今尚沿習禮古會載昨
朝奏禮首就筵成勝會耳因偶爾中壺竟幾乎敗餘興
猶未闌履舄盈戶外不辭深夜寒復發狂奴態舊聞天
帝旁玉女神通本一笑掣電光其事原奇怪妄言妄聽
之聊爲拊掌快酒盡忽嗟然僕夫行李戒張公好鬚眉

湖海稱同輩指日試燈風立馬還期再

題文姬入塞圖

邊雲塞草兩蒼蒼接盡胡笳淚數行便向穹廬從此別
不須重憶左賢王

露質雲鬟玉雪膚豐貂如疊作襜褕畫師那解遼陽怨
繪掛牟尼百八珠

臨代中郎恨未平阿瞞生死見交情奸雄事事欺天下
小鄉千金博一名

悲憤詩成意有餘生還故國半邱墟一般悲業鍾香閣
不交班姬續漢書

寶國詩集

卷十一

五

題南昌楊生子載蝶痕詩後

縷縷梅檀字字金春風入手最難禁憑將趙女如花貌
試取吳兒似石心夢裡星河還有界曲中鶯鳳總無音
自從小謫曾城後回首千尋與萬尋

修眉翠色兩分開天付情多却費才信手又成疑雨集
護身須築避風臺侍兒巷小花迎送少婦堂深燕去來
莫問香車油壁事西陵踪跡剩蒼苔

唐花

誰將人巧奪天工早占芳菲第一叢不用催春勞羯鼓
漫誇剪綵出隋宮漆園凍蝶猶藏蜜金屋名姝正避風

小杜他時且恨晚可曾留得淺深紅

采芝詞

幻緣欲界兩茫茫
蘭桂浮生幾易移
何似出塵圖畫好
野人心跡道人裝

訪道穿殘石磴斜
六銖輕轡拂烟霞
伊尼也具神仙分
飽喫延齡巨勝花

辟穀有方能益算
授書無事莫開封
留侯早識眞名姓
黃石原來是赤松

天台深鎖洞中春
采藥當年憶肇晨
莫向桃花多處入
紅霞一片易迷人

寶園詩集

卷十一

六

對雪

去年冬雪少可愛今年春雪多
可憎愛憎於雪何分別
過時非瑞人焉稱在昔庶徵紀洪範
煥寒暄雨無取恆
中壘五行復有志災祥隱隱相除乘
天人一氣本通貫
潛孚默召寧無憑
聖明御寓今八載大疑能席斯民
登流亡經歲方復業載塗又恐饑寒增
小臣等國分爲
越對情忽覺愁堪解不憂一室憂四野
陰陽調燮吾何
能疎梅蘊香堪未放薄酒獨酌寒難勝
詩成手凍雪不
止萬璫千玖穿窓積

懷李肅村

曾從江上別春信漸駸駸舉世無知己論詩最賞青風

帆千里迥雪屋一燈深何日迎桃葉
蘇淮夜夜心肅村

苦澗

春久無晴日天眞有漏時
那堪人住此枉用瓦爲之連
且床頻徙多年棟不支
因循成屢候隙致潛滋舊宇
終歸破高樓本自危
數椽徒粉飾一雨便淋漓
獻歲猶如注重霽更可知
迢難新整理憤欲另遷移
分刺官疎散沿江地濕卑
東軒幽監到西廡陸生宜行坐
勞賓客沾濡及履養舉頭尋裂縫
入耳響流淅壁壤休懸蓋
孤寶園詩集

卷十一

七

說莫時詩補直童僕拙坎圻鬼神欺
沒潤如遭諧淵烈愈出奇
驚看泉瀉竇暗想水平池
浙瀝聲偏近綢繆計未遲
善全須覆庇急救且茅茨
免使衣裘黧聊將卷帙披
萬間營廣廈何日屬工師

暖室盆梅

林際方含藥盆中已作花
總緣重幕暖早見數枝斜
得氣寧非福乘時且勿誇
東君自公道一例到貧家
本與冰霜敵誰教錦繡損
羨他生處好念彼外邊寒
春意疑先漏人情反厭看
何當離火宅玉質免傷殘
蕉芭城北亦有西湖趙
生雪跳山所藏借圖爲贈

逸然動故鄉之思題詩卷端

此閒亦晴爽光面何處曾留白傳詩惟有東風如故
沿堤吹煞綠楊絲

最憶吾家樓外樓總宜船泛小瀛洲

先家宰公別業在西湖名小瀛洲內

有樓因君妙繪殷勤贈觸迷烟波一段愁

雪後繼之以雨水勢驟長時力致禱齋壇偶成長

篇以當綠車封事冀昭融垂鑒焉

占象知箕畢垂霖勝狀瀟湘花春無香破屋市聲曉俾

有懸傾野會無艇渡江薛蘿山鬼頭溟渤葉又紅孤鶴

遙傳語羣龍不受降鬱陰聚玉界可吟偶銀缸夾雪深

賀蘭詩集

卷十一

八

沾砌隨風密灑窓綠畦成巨浸黑夜瓊徒枉淮海災偏

重東南水尚澤深宮切宵旰大吏駐旌幢璫璫謀非

一餒寒竊必雙散財勢邑令轉粟急鄰邦此地瀕川澤

終年怒擊撞入春連晦昧被涉助嚴凍未得豐衣食安

能送厚厖穿墻多竊曉驚夕吹信九民難與頌恤天施

詎偶慈蕪章通碧漢空抱杞人懷

喜晤樸庭即送游燕

昨歲愁中曾伴我今胡意外忽逢君雖離劍影離然合

南北萍踪自此分齊嫌岸香重對酒草書馬林一袖文

人生百衲琴相似密寄疎疎有斷絃

區渚生波綠漸深翻因送遠暫題襟繡繡蘇李河梁別

鬱律幽燕老將心得佳爲佳聊信宿贈言有體在規箴

宣陽里是會游地感遇何須更碎琴

重過秦淮

碧玉春流燕尾船畫橋虹影尚依然那堪絕代銷魂地

聽到龍香第四絃

貴酒曾經典鵲鴝含情重問舊和坊春城門巷無分別

處處梨花半出牆

晤星垣弟於金陵即送之同州

相對原非夢無勞秉燭看萬金方破產一累尚存官絮

賀蘭詩集

卷十一

九

絮尊前語酒蕭雪後寒聯床真意外姜被不曾單

六代繁華地難忘攬古情烟花自南部書劍又西征執

手新離別關心老弟兄輸他維縉好隱計懶川成

題水閣

通波一曲碧盈盈映水朱閣隔岸明無賴東風無力柳

嫩金縷縷未勝鶯

題張焦衫平山堂倡和詩後

往事歐蘇憶兩公依然山色有無中春華蕭蕭收殘照

秋草離離掩故宮勝侶簪裾千里集雅懷今古一尊同

登臨何限滄桑感欲賦蕪城恐未工

制府宗室德公入都以詩敬送

遙看遵渚一鴻飛古柳含烟拂袞衣四海誰能爲已任
兩江無計阻公歸學醇好印前賢可事定方知衆論非
曾侍絳帷聞講易多年進退識先幾

蘇湖競渡詞

沿門新貼辟兵符一曲通波綠似蒲忽聽棹兒歌菡萏
菡萏花見天天海棠花見天天天不知龍子提燈傘
臨河兩岸有高楼近午朱簾盡上鉤官長其將風俗禁
水龍舟勝畢龍舟

長街十里水迴環人在盈盈第幾灣一縷衣香慶不散

賀國詩集

卷十一

十

斷虹如夢隔屏山

彈鬚珠球鳳黃銜東隣姊妹語誦誦府紗近日翻新樣
應節齊穿艾虎衫

撼將貝闕與珠宮一片旌幢碧浪中恁得明霞天半落

狀元紅過滿江紅俱龍舟名

蜿蜒蜿蜒各列行孰居四面孰中央錦標奪得休回去

再與烏龍鬪一場

蟠空得勢兩雲兼神物由來未肯潛舒爪張牙全不駭

六龍曾向九霄瞻

珠輝玉氣漾人懷簇簇燈船一字排曾爲金陵起惆悵

銷魂又見小秦淮

宿太白樓

人地俱名勝留傳浩劫餘樓同黃鶴古山繞翠螺疎片
石空遺跡長庚自太虛仙才淪落處坐臥一欹歔
回首長安市巉山渭水遙碧鯨疑案在紅蕖夢華消何
代無供奉斯人竟寂寥千秋魂魄應逐往來潮

送王丈緯聚歸越

秋色蒼然至天寒雁正賓江樓一尊酒落日送歸人駐
景丹顏古聽歌白髮新臨岐申頌禱強健比松筠
聞說藍田宅並同履道居品茶三月後種樹十年餘紅

賀國詩集

卷十一

七

紫春長在孫曾玉不如貽謀無長物經史作攸漁

鄉人稱善士宿世水禪師矜式先同輩平生慎獨知

鮑原自美節序况潛移預擬田園樂還山有定期

人上吳船穩天教魯殿存去來隨社燕忠信格江豚牛

榻琴書淨全家笑語溫年豐婚嫁易姻戚總同村

戲和歷山集中荳芽菜詩

菘韭分寒暑蕪芹抱苦辛四時長見汝一寸最宜人作
腐翻多事爲其便不珍玉川如請客合共馬蘭陳
經宿勞濡漑臨時任取攜潔堪登夏屋長不藉春泥純
白全欺雪微黃或類鰓吳娘厨下慣纖指招來齊

題吳宮教戰圖

昔聞孫武能用武曾與吳王治軍旅堂堂正正十三篇
不教吳兒教吳女宮中佳麗百八人日昃日收兩翼陳
將軍令嚴隊長笑龍姬豔血沾芳塵須臾步伐森相向
綉衣玉貌軍容壯人稱孫武善行兵我愛闔廬能任將
豈知一敗歸鴻李夫差未雪先王恥種蠡秘計勝弓矛
歌舞春風教西子傾國傾城為女戎驚秋一葉冷吳宮
依然教戰銷魂地不見當時秣陵紅丹青妙手真工絕
中有亡吳兼伯越殘壘無人鳥夜啼年年愁照蘇臺月

孫山人畫竹歌

質園詩集

卷十一

主

山人畫竹有成竹磊砢扶疎標節目山人畫竹得竹情
腕指拂拂風雨生展開一幅澄心紙興酣潑墨如潑水
檀欒曾寫萬琅玕掃斷青鸞八尺尾君不見畫竹勝於
真竹真古今傳者知幾人內擬外拓書法備要令瘦硬
方通神山人縱橫無不可剛勁之中含婀娜小筆為葉
大筆枝想見解衣離襖鏤鳴呼畫至工極無意工渭濱
千畝心所融歲寒欲結三益友何不與我更補梅花松
三華巷
靈秀結成峯蒼翠復重閣鐘知近寺迷路得看松樵
牧閒中侶茶瓜世外供還思凌絕頂乞借一枝筇

橫山橋

曉出赭圻城行至橫山橋修堤若虹影綿亘數里遙水
田千百畝左右分肥磽林疎村舍見市近人聲繇由來
饑饉地草木皆先凋嗟此被勞農未免妻孥號王道重
恆產要令長裕饒耕九全無備補豈但崇朝荒政已非
古況失十二條偏災偶見告撫恤煩官僚皇仁豈不
廣民患終難消我欲禱蒼蒼五風十雨調納禾祀方社
擊鼓吹笙簫永享太平樂徧聽康衢謠

蔡園雜咏

撫松堂

質園詩集

卷十一

主

樂欄筠徑列重重欲對蒼髯太古容一笑觀空成大悟
撫松堂外竟無松

玉蘭塢

瑩瑩素質比瑤環蓓蕾初含惜未開記得吳娘春餅曉
新年曾喫此花來

方池

黃河浩瀚終嫌曲鏡水空明太覺圓唯有方池多介節
不通不塞自年年

蕉窗

蒹花似草一時凋更少蛩音助寂寥不是夜來疎雨滴

安知庭有老芭蕉

晤曹太史冰持於江上賦詩爲贈卽送就職入都
世間所目皆春華安知色有雲與霞世間所耳皆秋蟬
安知聲有琴與瑟翰林堂堂才八斗大筆淋漓西漢手
感君高義凌華嵩貽我新詩勝瑤玖憶昔初逢九陌邊
我爲壯夫君少年編貝共看方朔齒振衣屢拍洪厓肩
一朝乞外爲人佐如鳥在樊墮轉磨故人相慰不相譏
對酒當歌涼月墮江波漸平江柳凋錦袍銀管將還
朝燕京到時夜飛雪兩行官燭融豐貂曹公曹公追大
雅劍彩珠輝長在把天上休誇白玉堂道旁且避青
驄
質園詩集 卷十一 古

馬

恭紀

聖駕口外行圍詩十章

謹序

乾隆辛酉南服作補編

臣聞路鼓大綏垂爲典禮攻車同馬載在詩篇然
而如棠觀魚者虛稱畧地卽或於敖博猷者不越
近郊雖脩簡閱之常未見規模之大我
皇上神珠秉錄寶座垂衣文事則發六丁之書倒披薤
葉武功則提三尺之劍直倚扶桑孔固自天方進
小雅九如之頌無疆行地迥非後王八駿之巡茲
者六紀乾符重申巽命應秋而肅諏日維良三選

七萃之徒羣環

法駕六郡五侯之子悉備戎行雖正若之深宮出瑞
華之別鳥出尤前導屏翳後隨張竟野之罽設垂
天之單其地則玉關鎮嶺元菟白狼軍都率犇之
山碣石崢嶸之館九邊紫色壤接陪京三輔黃圖
天開北戒紫城漢月屯虎帳以增雄遠壘金符駐
龍輿而攬古時則弓矢旣調錦紵競奏雲暗沙明之
地風毛雨血之場大兕小紀貫右隅而獻獲名鷹
快犬隨上將以論功乃於講武之中復寓籌邊之
意黃花戍迥楚笛年年自草天低廐廐處處奈曼

質園詩集

卷十一

古

巴林之族呼韓頡利之鄉勃勃之馬千羣蠕蠕之
鷹一按莫不備車徒於左右仰雲日之光華向若
是驚呼嵩而退此皆

皇威宣播絕異橫汾過沛之游

帝德懷柔豈徒佃渭蒐岐之舉故獵乃可喜而禽不能

荒也 臣昔侍螭坳曾瞻彩尾高原大阜慙非萬仞

鷹揚温室上林聽罷百花驚語自陳情而乞郡長

戀

關以經年望五校之縱橫真如天上想

六飛之蜿蜒欲繪圖中謹據向日之誠竊比于雲之

賦

聞道秋行獨從來日用剛三驅嚴虎旅七萃盡龍驤
綵仗移芳甸期門整具裝從臣誰第一染翰賦長楊
萬乘應時行秋高右北平巫閭蟠重鎮長白聳神京列
辟趨金鳥虞人植綉旌中原燕

天子徒御不曾驚

山海鳥孫外星辰紫極中省方驅索大舉擊射夫同
首宿秋還碧燕支晚自紅從今輕馴職不必採桑風
允塞兼文武聲靈暨朔南助綏驍將集辨物賦人諄
梓嶺高無際蒲泥遠更探左賢遮道拜率服不須戡

質園詩集

卷十一

去

霓帳圓熊地雕弓射雉天

盛朝誇羽獵宿衛選幽燕石鼓周宣字金支夏后年

皇心勤武備豈作十句田

至治陳干羽遐方貢象犀觀兵周冀北繕塞遠遼西
風入雙鵬勁雲屯萬馬齊豐碑宜有頌遙見拂虹蜺
熱河游幸地避暑有山莊地較華林勝花分勺苑芳
邊雲三色麗禁樹萬年蒼

祖德吾

召述從禽正享將

飛騰龍虎氣隱隱出中樞霽日頭鵝宴清霜詐馬筵

分弓秋隼外列戟暮笳邊應有屠蘇酒諸王次第傳
蟠螭烟中舉筵篋雪外城鳴鈐邊月滿回輦瑩花迎
玉帳深逾助金甌永不傾車書王會盛喜見泰階平
大閱陳軍實前朝總不如虞巡傳耕瑞鎬宴咏那居
但取李老畧無勞諫獵書小臣江海隔北望想
鑾輿

喜橋李王穀原至

粘天烟雨疊樓重前度游憶舊蹤常悔昔年交臂失
敢辭今日降心從六銖衣薄能飄舉九牧金多待鐫銘
詩教如禪歸解脫豈宜南北強分宗

質園詩集

卷十一

七

竹蒙

穀原所居齋名

旗鼓最堂堂五字偏師未易當風雅傳家

先別裁書生報國但文章滄波夜靜瓢浮去紫氣秋高
劍取將好結千絲成細網人閒原自有夸光

鄭布衣墨牡丹歌

古來寫生誰入神趙昌風露徐熙春鋪堂有圖太富貴
胭脂豈是人閒珍鄭君善畫不逞巧潑墨成花自娟好
浩態狂香淡處多腸斷雕闌暮春曉其一正面如畫盤
左者金舒右半殘數朵欲放尚未放蓓蕾似怯東風寒
聞君昨歲京師佳豐臺走馬看花去施粉施朱苦未能
候門歷過終難遇君今又向洛陽城魏紫姚黃舊擅名

爲花寫照翻新樣夜染朝酣無限情

靈璧石磬歌答沈令君凡民

禹貢紀徐州泗濱出浮磬泠泠叩有聲未許金玉勝我
聞英韶兩地多產石皺瘦玲瓏世無敵巖穴終非廊廟
材憂拊琴然讓靈璧沈侯作宰虹州城聚石何損廉吏
名置袖長蒙米老愛支琴曾伴香山行一朝持贈同瑞
玖翠截凝雲落吾手在懸不必摩旁端發響須教來擊
拊朝廷有詔定樂章語憂立辨磬所長考器審音含
至理誰爲師曠誰師襄吁嗟此石真堪寶中有宮商遠
幽渺君不見鶴鼓鬼鐘藍大鳴磬兮豈合塵埃老

質園詩集

卷十一

太

鳩梅杖詩戲贈穀原

我聞百禽中惟鳩最稱拙杖名義何取用以祝哽噎古
者杖於鄉禮爲六十設今子方壯年手足非萎茶持此
欲何爲母乃防蹉跌君家有古梅天橋如蒼鏡研來三
尺柯猶帶一冬雪作杖刻以鳩云是良工刻鵠巢方遠
離鷹眼尚微瞥入手勝扶節貫頤戒策鏗聊將示朋儕
未免笑弟姪憶昔游天台山行通曲折石梁吳華亭茲
杖勞提挈歸來補新圖鏡筭兩羅列如何野客裝遺此
仙人節功多不受賞時過反遭撇豈徒一杖然川舍何
分別涉世宜欽藏保身在明哲太息歲寒交力因輔人

揭戲言君感之相依至老盡

載酒小西湖穀原有詩繼和

九十秋光奈老何小西湖亦有烟波惡誰持較臨安勝
也算銷金第二鍋
一鷗點破鏡中天傍水軒楹活似船開到拒霜秋意頓
亞枝紅近酒人邊

游兵營

列戍旌旗故壘收天教南北混車舟錦帆豈少降吳盜
鎖鎖無勞禦晉謀估客紛紛爭利涉皇輿控扼在襟
喉書生可有安邦畧閑享承平易白頭

質園詩集

卷十一

尤

過泊舊縣

忽照波瑤受光明一片融收帆漁冠外吹角戍樓中水
空危幾出時移故邑空近游雖百里亦自感飄蓬

旅夜

萍梗年華寂寞增遺愁得句我還能江聲肅肅遙兼雨
秋夢離離短似燈過去烟雲全是幻古來青紫總無徵
月樓知在層城內九曲關千或可凭

漁人取魚結舍江畔一望若連營偶紀二十韻

洞戶居水濱結屋如龜殼其旁少窓扉其底多棧板其
岸可夷蓋聊比帷與幃縛架濶岸張低垂分四角取舍

極自操遲速俄能握漏網小魚奔嬰網巨魚啄守宜
以寧道在果而確吾聞諸周禮隨處以時籍王政重
生恩施鱗介渥仙寬汙池禁幾類山水濯邇者去古
遠元氣日戕斲採摘到萌芽搜求及穀鷸何況水族繁
供人飲啄巧取苟有方竭澤非所覺我欲返其初大畧
試陽雁自從立產古屢嘆民膏剝先令衣食充後可還
淳樸長養造化心持節帝王學咸若安江湖太和滿南
湖遂造成此篇獻詞善面慈

得風早發

五更聞掛蓬知是北風作遲速誠有期得勢相湊泊俊

黃園詩集

卷十一

壬

萬物脫絳名駒忽辭絳百里一霎開誰能定所托疑蓬
馬當神送到元嬰開浮生貴快意安可長就縛翻訝兩
日程通塞分今昨天心本自公人力終難搏早起急披
衣遠眺窮寥廓

皖城

揚舫四百里噴覽收輞輞朝過欄江磯暮見迎江塔孤
城蟠重鎮雄襟森險固水作三面環壤非五方維吳楚
之所交控制藉開闢前朝爭戰區屢聽鼓鼙不有
真人起安能統六合此地文教敷久無戎馬踏田野遍
桑麻歲時修蜡臘攷古與圖披登高履屐蠟采風備歌

謠他時資獻納乘輶望諸公昇平何以答

張寧九司馬齋中題松鵲圖

何人畫此十八公老幹成錢小幹銅蒼髯翠鬣衆鳥避
獨有山鵲呼山風一鵲展翎猗猗將奮舉兩鵲引吭植
植如對話旁有一鵲不鳴復不飛向人故故矜毛衣乃
知畫師寫生生趣備飲啄翔翔殊有意休驚艾蒿上參
天却羨芻尼深得地維鵲靈異禽經標皇家作觀仙家
橋能爲報喜動人愛山林似塞豈是爾所巢君不見此
松亭亭高百尺溜雨籠雲淡無迹鵲兮鵲兮莫久留元
鶴草來戲寒碧

黃園詩集

卷十一

壬

登鎮皖樓

層樓一望正朝曦氣色荆吳近可捫總是中原烽燧息
不勞大翼爲雲屯山從北起憑空繞水自西來就下奔
漫指六朝形勢地了無險峻作屏藩
迅流如決抱孤垣景耀封疆舊跡存重鎮列營熊豹少
上游專閫節旄尊范增老去無奇策杜牧狂來有罪言
放眼江山空絕勝欲邀皖伯細評論

江豚

江豚爾何來乍見吁可怪潛處蛟螭間迥出魚蟹外賦
形既彰時秉性殊狡獪不同魴尾類差勝鼉首癩潤澤

以奔騰微露背網苦世難取脂膏人所賴陸有
水居物理誠茫昧往往波濤翻縱橫始成隊今朝江面
平素練爭無齡突兀忽逢此寒流紛破碎有風當頂占
無浪竟先拜篙師老解事晚趁村墟快繫纜仰看天中
青恐陰晦

歸舟卽景

西風宛宛送歸船又是殘秋黯淡天孤雁斷於寒影外
遠山橫到晚愁邊江魚正美如堆玉堤柳初凋尚受烟
似此出游原不負奚囊收拾有詩篇

送穀原歸秀水卽次其薄游三首韻

實開詩集

卷十一

圭

三上待磨琢異香勞嘯吹古人重結交端賴道義維君
品本純粹餘事工文辭廊廟與山林所施無不宜東南
有盟會鹽沽何屈屐感子遠相訪翻喜握手運乾坤氣
清淑散入詩人脾但奏絃外音豈患無鍾期

今夕是何年仰視天宇潔小月照空階皎皎如積雪一
尊琥珀光持與故人別詰朝江舸開賽神取帶血孤客
倚篷窗撫時判寒熱十月素練平安穩勝輶轍所慮襪
被單禦此朔風烈計程我不辭含悵望寥泲

浩浩漸江水中分越與吳會合良有期我強君壯夫出
處非異理進退慎所趨服官重親民教養權在吾經術

苟不深後此建立無君抱用世其歸臥猶菰蘆連屋千
萬卷皆足供使驅勿慕且夕榮論秀升司徒

穀原歸程有建康之游再贈

此去南朝士女非君家舊巷剩烏衣寒花一簇斜陽淡
不見紅襟燕子飛

殘宵還憶景陽鐘碧瓦鱗鱗失故踪留與才人作憑弔
秣陵老柳孝陵松

秦淮流恨自年年臨水朱闌尚宛然前度秋聲最淒絕

勸君休聽四條絃

涼月在天雲在水四條絃上
作秋聲余題秦淮水樹舊句

錦江橋與緒圻城

去年穀原游高安地有錦江橋兩處風光不厭停料

實開詩集

卷十一

圭

得芟荷衣袖上新添幾抹蔣山青

送錦水歸里卽次留別原韻

范增好奇計李廣久窮邊白首談韜畧雄心劇可憐投
簪真汗漫臥轍每遷延且入西園畫風流故里傳

重鎮無戎壘清游托盛時江山看解甲僮婢總能詩連

軫厚書滿歸田歲月遲賀公棲隱處鷗鷺已先知

歲暮送劉歷山歸越

冰雪崢嶸候關山黯淡天稔年行路穩寒月到家則閒

倚聽松關新收種芋田還乘子猷興一泛剡溪船

飛來峯最秀舊號小鄒那之子耽邱壑移居故相家歷

鄉風敦蜡臘喬木引烟霞未臥滄江晚無
感歲華

千里丹陽郡勞君命駕來諸兒爭問字九日共登臺肝
肅呈知己江山解愛才倦游歸亦好故國是蓬萊
田廣荆原合繁花香不厭名家二難在勝樂一時兼羣
曲在井遠陵陽淚漫沾臨風懷小宋半臂幾重添此首兼寄

質園詩集

卷十一

五

質園詩集卷十二

會稽商盤寶意

秋霞曲并序

秋霞者武林蔣綺川侍兒名爲姑蘇張氏女娟
麗淑慧年十三歸蔣比長與昵合歡之夕解所
佩錦香囊爲贈膠漆歲餘等坐內訌遣去離雲
墜雨相距二十有六年矣今綺川已老醉中向
所舊黃塚山人偶述少年往事內及白洋池畔
密誓分攜可蕩可惻者數端言已泣下蒸鍾情
者山人感而作記屬余咏其事因取問諸山人
者演之成篇篇末畧參露電色空了義冀其閱
乎妄返乎真卽此可自懺悔花之夢不必更誦
圓覺決定諸經也以名命題以詩說法曰秋霞
曲凡若干言蓋自掩羞通語以至絲盡淚乾萬
轉千迴總歸寂滅有情皆幻豈不信然覽者不
以鄭衛齊梁目之乃爲知我云

百花洲上花如錦吳女如花抱花寢蔣侯重色訪傾城
一過看花皆下品聞道張家有麗妹含苞草薺未全舒
玉人初入千絲網石尉輕拋一斛珠城中坊里行無數
舊在采蓮深巷住得姓應從翡翠鈞問年恰比瑤簪柱

載得扁舟午到家香名兩字收秋霞待樓底氏梁開燕
催放吳王苑裡花轉盼盈盈年十五欲嫁東君尚難主
綺窗半掩綉簾垂手解香囊共爾汝酒渴思茶悄喚人
進來無跡退無痕相如未飲金蓮露阮肇先探玉洞春
機關未許旁人識心愛何須動辭色秋水伴稱課讀書
遠山詭使供磨墨白洋池上樓前路五鼓就如天未曙
啁啾昵昵向星河密地凭肩私誓處歲幾屈戌幾番開
暮暮朝朝事可猜忽被畫堂中婦覺潛攜崇讓外家來
諸姑伯姊謀非淺鏡破釵分終不免未得文禽一處眠
竟隨駱馬同時遺須臾惜別兩沾衣團扇吟成決絕詞

質園詩集

卷十二

二

一縷青絲臨去贈公然擊出與人知丈夫受制無一可
段橋赴水寧云左指軀原不爲紅顏自嘆今生遭坎坷
全家走盡盡倉皇奮手牽回十錦塘壯士豈宜蹈海
騷人猶喜緩沈湘從此出門隨所向男兒慣作中年蕩
庾果長爲幕府賓陶朱獨泛烟波舫青衫白髮最淒然
往事傷心廿六年斷續鶴書初到信迷離鴛牒後來緣
烏雲舊在藏書籠縷縷并州剪痕簇一髮濃香久不消
蘭膏猶膩深沈綠夜永燈明酒半醺含悽對客話行雲
追慕往事幾千劫漏洩春光滿十分連宵伏枕淚憔悴
重夢當年定情事願結章皇再世婚并揮阮籍窮途淚

四十秋娘鬢已秋似聞滅盡舊風流電光石火真難得
累累蘭因可自由楞嚴妙諦君須釋情想縹緲本無跡
未悟優曇一現花且尋圓澤三生石我亦檀林淪落身
未除綺語昧前因休將長恨新翻曲老盡秋風失意人
作秋霞曲後意有未盡再成五絕博諸君子一笑
從前密約臨行怯向後私書欲報難今日白頭無顧忌
香囊細髮大家看
一笑嫣然記會真銷魂彷彿夢游春天台已入休嫌暫
尚有終身未到人
照影池枯長綠苔綺樓深鎖未曾開風流輸與東方朔

質園詩集

卷十二

三

竟娶長陵宛若來
陶令閒情宛轉摹江郎麗色古今無再煩選助生香筆
細寫春宵秘戲圖
成陰豈但初生子感傳還思未謝花如此侍兒如此事
小名錄上載秋霞

題葉公却走圖

古今好龍稱葉公葉公之好非真龍一龍豈必問真假
假者本美真難達此圖豈龍不求巧點筆作鱗振筆爪
世間難得人中龍離席避龍龍絕倒吾聞神龍之性伸
屈在天則見淵則潛胡乃索龍擾龍古有職天矯空

爲人所瞻玩畫題詩寂無語水怪波臣渺何許恐有錢
唐破陣來頃刻青天送風雨

題沈璧圖

誰乘一葉舟載此千金璧兩蛟忽起大澤中層波捲散
琉璃碧潯臺子羽交子游非公不至徑不山幽豈因
威所奪軒然氣概凌陽侯投壁於河蛟已死依在洛洛
一泐水古血秋凝流彩
新寒品光暮海迴瀾紫瑤師寫
貌復寫神酣戰不分蛟與人嗚呼昔賢勇且仁長橋空
說周將軍

題陳老蓮后羿射鳥圖

質園詩集

卷十二

四

后羿善射絕代無一日會聞落九鳥又云十日堯時出
乃命關弓射九日異人異事中古多書不可信畫可摩
丹青突兀寫靈怪布置大地開山河鏤石銘金燄冶大
接翅神鴉滿身墮維帝方爲品牧咨在廷已見光華賀
明鏡孤懸耀太虛寅寅寅修車虞書萬里下春連石暗
九州先睹扶桑舒吁嗟后羿真善射更勝揮戈退三舍
如欲窮藥奔月中何不兼射寒蟾宮

送李靖村之廣陵

熟梅天氣漸溫磨惜別江草盡一尊獨觀雨花難問種
新詞春草最銷魂
偶填春草詞 曉爲已覺成前度剪

屬何緣得細論鄭重相期知不淺淮南桂樹有芳根

滄浪亭懷古追和蘇長史韻

昔讀六一篇滄浪心所愛風月本無價今古遙相待吳
門賦近游假館逢意外堂因碧樹成屋用黃茅葢魚鳥
盡浮沈花竹森交會繞亭一勺水宛轉肯羅帶墊意忽
然增市喧至此翻勝壤如美樹頗思一舉噉難呼遇容
起聊共高僧話洞山妙隱菴開世廢興再風流長史傳
圖志中丞載
錦律先生 薇帶有甘棠相期毋剪拜

韓忠武祠

老屋生寒敗葉黃居民猶自指新王傾都羅綺玉吳地

質園詩集

卷十二

五

破敵功名百戰場北狩鑾輿終寂寞南遷陵寢亦荒涼
勞他好事姑蘇守留取英雄翊運堂

題崔司馬宮姬照鏡圖

流蘇絡雲香夢小百舌一聲上林曉菱花微展玉嬌寒
曲宴催妝春起早良家妙選初入宮十五十六嬌春風
被酒倚闌干芍藥司花傍粧雙芙蓉長門永巷深如坎
秦國猶試虛虛膽脫珥賢妃異代傳抱衾下女中宵感
但使落筆百媚生嫣然一笑能傾城美人愛鏡名出硯
照影傳神無限情君不見九重天上瑤瑤閣鏡殿空明
鑒毫髮莫遣金衣秘戲知飛出宮牆報鳳月

題八蠻進貢圖

李太白成明堂賦開立本繪職貢圖其朝有位貢有物
篚筐紛錯衣冠殊誰歟倏繪作此卷南蠻北貊形貌
番部君長偉丈夫屬賓纈錦繡其軀腰間玉具雙湛盧
後有從者走且趨大秦之鄉大宛馬文犀香象同馳驅
其餘獎雉非一種迢迢重譯來通衢異物寧爲天府貴
包茅要是皇家須東鷄西鯨紀封禪元龜翠羽垂史書
丹青雖戲關國典荒服不至非宏謨我朝御世邁前
古外平河岳呈苞符蕙祿梯航歷山海商昌子弟充生
徒華夷一統大無外六街雜遝開僑休中原自有麒麟
寶圖詩集 卷十二 木

海市詩

乙丑春夏交觀海得殊狀是日晴無雲遐瞻千里曠水
天合沓中一氣相摩盪須臾發光怪湧出滄波上峻或
如層臺亘或如連郭雄如百雉城言言鬱相向深如九
折坂曲曲隘而妨隱隱通車牛森森陳甲仗造化狡僞
才經營勝良匠或云蜃氣成頃刻青紅漾又疑珠貝闕

異采騰龍藏炎歎所結疑此語誠非誣念我寂寞居奇
觀天所賦未取虹霓收徒隨童叟望歸來紀神靈一破
傳聞妄賦遜木華工言同騁衍放漫漫人海開樓閣空
虛殿閱歷變幻多屢見原非初世態自續紛吾身長耽
憐安得御風行高舉奔蓬闌

戰艦

舊聞水戰敘申胥古法戎舟比陸車下瀨濟師誰作此
餘皇禦敵竟何如俄看利涉洪波穩敢托承平武備疎
欲向縹緲論步伐退鈞進拒有成書

東南半壁海漫漫番舶交通禁已寬蒼兕尚勞秋閱武

寶圖詩集

卷十二

七

石鯨忽覺晚生寒高檣突兀凌霄起大翼縱橫列隊看
憶得計臣劉晏語比他轉運更艱難

蒲風梅雨到劉河鼙鼓聲中節序過官物莫教私用乏
工師其奈匠人何岑彭攻擊樓船備陶侃勦名木屑多
誰道書生無勇畧頗思慷慨一橫戈

露燒多葉儼飛鳧計日乘風達直沽已見甘寧歸部曲
不緣蕭統習輪船動搖旌旆波濤壯彈壓蛟螭氣槩貌
在德猶煩重設險水犀豈獨擅三吳

模庭四十初度以詩寄喻

攬勝珠園屢過從摩訶一機撫雙松科名於爾何輕重

巖壑迎人忽淡濃迅速飛鳥兼走兔迷離假鹿與真龍
眼前障礙消除盡曾聽華嚴古寺鐘

梓里看花記得無王家曲水賀家湖青春未算堂堂負
紅袖須教款款扶遲我烟波重放棹困人簪組久分符
乞身他日誰強健好上香山洛下圖

得姚孝廉斗南近問賦答

雲龍相逐浙西東顧及聲名士論公雙鯉浮沉芳信阻
一鞭先後故人同含香收事無留草聽鼓應官似轉蓬
曾記昔年休沐地小軒卷石尚玲瓏已即給假歸里訪
斗南於烏鎮信宿

質園詩集

卷十二

八

乞外七年賦詩盈篋秋夜編次成帙雖不得仙亦
足以豪也

簪筆多年忽剖符江山如畫稱痴迂詩篇較勝三千牘
口業難消百八珠金薤乍收雷電遠玉峯重赴鳳鸞孤
深慚未展絲綸手瑣細雕蟲負壯夫

江聲海氣轉移中春夢回時玉界空犀首本來無一事
辛毗豈望到三公破除煩惱禪曾悟揚花風騷理或通
楮葉值錢能幾許七年刻劃累良工

楚雨湘雲屈宋心廣庭涼氣太蕭森杜蘅雜佩留芳意
蟋蟀孤燈暗細吟翠色鬢眉多舊癖來絃倡歎有遺音

平鋪薤葉難成寐敲斷嚴城五夜砧
斑管牙籤雜印床手鈔善本小胥忙雕鐫百卷和凝板
傾倒連宵李賀囊建業未能聊放達立言不朽在平常
江春海日詩人句底用標題政事堂

酬童璞巖

萍踪宦海往來潮桑梓渾如萬里遙未有風雲生杵臼
可無金錯報瑤瑤名山是處藏金匱流水何心送大瓢
巨刃摩天容易見莫矜翡翠點蘭苕

風雅傳家萬古師溫柔敦厚向來知溯流畢竟須探本
化腐何難特出奇熟熟生疎歸解脫神明規矩破樊籬

質園詩集

卷十二

九

鍾嶸不作司空去獨立蒼茫一論詩

觀海

效順波臣靜不驕混茫一氣望中遙騰凌百怪光離合
吐納雙丸影動搖衆水朝宗安禹甸神人鞭撻失秦橋
法華性海生來其平視東溟萬里潮

東南地缺舊曾聞碧漢滄瀛總不分萬斛樓船看墨點
六鼉鱗鬣捲波紋抱愁龍女還宮老滴淚鮫人織素勤
吳興觀天外得輸他玉局有奇文

登臨不散昔今愁海氣天風浩宕秋絕代蛟龍皆識字
多年蜃蛤慣成瘳虛冰火誇能賦安石賓朋好共游

莫道終官無路到蓬萊原在極東頭

歲歲安瀾慶九域收將溟渤掌中杯田橫久已投戈去

徐福何曾採藥回向若定聞河伯嘆作舟楫精築夫才

聖朝神武鯨鯢息十道艤艤次第開

奉檄來吳監造戰舸將及一載偶聞介山王丈思

歸吟有觸於懷得詩八首冀同志一鑒焉

赤馬黃龍未易成檄書倥偬促人行溪山入夢還家便

杞梓掄才報國輕數載蕭蕭猶兀散諸公袞袞自聲名

觀空好近彈基局肯使中心有不平

四十無聞敢自寬著書從政兩關欄百年漸失芳韶景

黃園詩集

卷十二

十

一累難拋本分官世事不妨譏鼎履天公猶爲哨壺歡

當場戲具誰陳設只作魚龍復挺看

吳苑繁華過眼空重來已與雪泥同舊堂秋燕頻辭壘

新職冬官暫考工皋鼓公旬民力勸戈船古制水師雄

天吳八首休相駭曾見珠宮貝闕中

自愛凡夫不作仙虛名庸福古難全臣年已壯行將老

王事雖勞實未賢曲逆理財終覺短仲翔賦命况多違

殷勤更向般鍾請欲造西方大願船

故聞新城兩不磨鳩工歲費帑金多鯨魚欲掣初騰海

鼉鼠雖饑不飲河小雅憚人勤董事巨靈全力

晴窗島嶼分明見一數斑斑指上螺

白傅蘇翁且郡丞一條仍是舊寒泳憶言好與瓶長守

擇友誰如几可凭同學少年皆四十棲廬歷山修軒投

閒薄宦未飛騰良工利器吾何有蟠錯相遭恐不勝

潮去潮來兩岸痕參差廬舍自成村砧聲入夜疎將斷

海氣連雲厚可捫前度綠花方北里新晴穫稻又東屯

估人長賽天妃廟會鼓傳葩落日昏

理劇無才懶更加堂堂冉冉負年華賦形難得鬼兼鶴

可口何分橘與橈智慧每從艱處出銀黃敢向里中誇

釣竿八尺珊瑚遠問煞南塘舊缺瓜

黃園詩集

卷十二

十一

宣德密脂粉箱歌并序

明宣德密脂粉箱二具本宮中物散落民間向

爲萊陽姜學在所得貽其姬陳素素今歸新安

汪伯子氏袖白花青形製妍雅真舊器也長洲

李碩夫作記甚詳余曠括成詩廣諸好事者

有明八代擅窰器就中可愛稱宣密六宮粉黛已塵土

留此在具堪魂銷高廣二寸長則倍四隅兩寶其中枵

青花小朵顏色潤柔莢手澤難殘淵萊陽公子昔好古

重貲購得貽嬌燒廣陵女兒陳素素施朱施粉皆親調

梁氏鸞鏡太纖賦沈郎犀合徒鈿雕凝妝一笑增百媚

往往把玩連昏朝故物復新新復故玉人何處聞吹簫
安知遷轉落誰手豪家勝國同蕭條多羅款式始何代
太平御覽名曾標純金製自扶南國毗鄰投報如琉璃
小器流傳有顯晦市衢闔閭真難料粉確齊池恩賜盡
香膏脂蓋繁華消姦容浩態憶愔愔百年荒藉能爲妖
不如買取鬪鷄燕醉倒花下春光韶

僦居海濱

投閒兼逆旅寂寞未曾經巷靜牛鳴鐸天空鶴試鈴野
情疎更曠海氣晚尤腥正有蒼茫感寒潮不可聽

夜聞風雨橫甚頓起鄉思

質園詩集

卷十二

七

山橫風狂挾暮潮杜陵老屋感漂搖三更未息昆陽戰
萬弩難平海若驕偏岸魚龍非故窟懷人燈火是今宵
蘇蘇良約何時踐遠夢應過瑞草橋

徵歌

綠醕紅牙奈爾何深宵拚得十分酩吳兒家近吳王苑
最小秦青也善歌

小部宮衣玉不如檀槽金屑見流珠閒情已斷江南夢
任向尊前唱鷓鴣

歲暮雜咏

利涉何能作楫舟無端艱鉅一時投才爲人用終非福

事在天成亦精謀瑣碎米鹽行案盡奔騰歲序役車休
經營小試掄材手異日還堪藉箸籌

鳳有文章豹有斑中原羅網到疎頑政論駿骨無雙價
自乘蛾眉第一班往日債多平劍與他年游倦載書還
閒身合向光黃隱射鵲休將五石彎

斷崖畫粥舊儒酸冰雪襟懷本自寒學有進階知悔過
身無退步怕居官心勞自信治平人易肘掣方知任事
難今古浮雲多變態如龍如鼠幾回看

眠起長隨早晚潮不嫌踪跡混漁樵星雲雖未爭先睹
松檜還堪共後凋黑白楸枰機獨運青紅海國氣難消

質園詩集

卷十二

七

十年吏隱無塵土多恐疎狂負聖朝

王侯嚴太史席上聽袁簡齋明府談樂工許雲亭

事有觸於懷爲詩紀之將以示許不必寄袁

瑯琊兄弟最多情延取車公四坐傾話到瑤臺惆悵事
人間魂斷許飛瓊

比作吳姬細馬馱三生片石事如何喁喁早破君煩惱

菩薩鵝盤一刹那

贈來錦帕爛如雲縷縷絲絲有淚紋幾度見花遮眼過
不緣修道只緣君

烏絲紅豆舊風懷花落江南萬事乖他日長洲行五馬

殷勤先到臥龍街詩居吳門

初夏過朱氏綠蔭齋贈主人墊芳先生

穆衣絲雨訪翁家抹綠園林樹最嘉百衲古桐含氣化

六朝舊燕閣繁華西疇農事看登麥前龍風流喜種花

八載青衫無賴甚豈宜招恨聽琵琶主人欲陳家部先此止之

花步王氏苑爲古東園舊址掘亭館水石之勝夏

日過訪吳興沈南蘋兼晤吳門李徵士碩大嘉

定王明經鳳喈

難除結習是林泉暫作人閒最散仙解帶莫辭臨水生

綠槐風外卽炎天

質園詩集 卷十二 古

螢苑鷄臺跡已遙摩挲殘柳話前朝二分明月尊前墮

憶泊隋家廿四橋萬疊青山檻外迎二分明月尊前墮鳳喈平山堂句

盆梅八月作花

蹇蹇盆中梅乃是去年種束縛命園丁屈蟠勢難縱含

葩遂過期春深方破凍豈知玉露零來結羅浮夢失時

非不高先時何足重元化本無私百卉隨所用操此榮

瘁權好爲顛倒弄久抱歲寒心應恥色香貢卓哉竹與

松依然守繩甕

虎邱燈船詞

大船鉞鏤小舸舳第一繁華在此宵何處琉璃燈最盛

游人都向半塘橋

衣香鬢影小勾留重到吳中紀勝游傳與石湖居士道

上元還不及中秋范成大詩

金波玉氣拂人寒丁字湘簾亞字闌肯許雙鬟通一笑

好花宜向霧中看

爛爛銀花徹夜開玉簫聲遠酒船回畧遲三日吳山會

再向長橋串月來吳俗於八月十八日夜往吳山爲串月之游

暮秋重游滄浪亭

城南魚鳥最相親住過春風上巳辰前度已將門巷悞

再來無復水嬉陳冷冷清梵猶回夢漠漠寒芳不近人

質園詩集 卷十二 古

野老莫驚車蓋至依然疎散一閒身

丹黃楓柏望中稠人意闌珊易感秋蓮女忽消傾國艷

梧宮不斷隔年愁孽魚七首論前史走鹿屏臺剩廢邱

今古纓華一羅襪蒼蒼殘照最難留

每歲秋開吳下鄉風以蟋蟀鵲鴝爲關偶咏

年年秋興一番新好事吳儂雜戲陳握手筠籠方蟋蟀

垂腰錦袋又鵲鴝半開堂地正如夢百結衣寒且附人

爭道世閒誰解釋蠶沙狼鶴亦何因

金風獵葉作深秋白帝餘威勢尚邁列隊羽林原有衛

論功蟲達合封侯指揮多藉羣兒力報復渾如數世仇

有英雄搜索盡將材可得牧頗不

無端蟲鳥氣縱橫對壘交鋒四座驚嘆豈同螻蟻陳

騰超欲壓鸛鵒兵迴轅要式車前勇裝革空留死後名

如聽鼓鼙思將帥戰場弔古意難平

小其羅瑜斗室中像生花賭一枝紅

吳人角勝有
一枝花之目不隨

良士驚唐俗曾刺頑兄咏衛風辨色聞聲多入選舒籍

喬味各爭雄紛紜絕類固基局墨白贏輸看未終

沈南蘋畫花鳥歌

并序

余友沈南蘋名銓湖州人善繪翎毛卉木雍正

中日本國王聞其名令將軍給倭牌徵聘迎至

寶園詩集

卷十二

七

長崎島稱為唐儒禮以上客其國舊設畫院特

重花鳥寫生至是延南蘋掌之與彼都慶山高

大夫輩討論畫理七十二島就學執贊者無虛

日歷三年餽遺盈萬盡赴同舟友朋之急仍垂

橐而歸古心樸懷迥出塵表殆以餘事作畫人

者今秋邂逅吳門持贈花鳥二幀神妙生動擅

黃筌趙昌之長名馳海外洵不虛也南蘋嘗言

向與三韓提司馬象州論畫人物得不傳之秘

又乾隆七年曾寫花蔬夫人宮詞意為圖進大

內蓋南蘋之畫達於中外久矣作歌以贈

宣和御府立畫學甲乙品題無謬錯孔雀升墩馬踏花

古絹爛熳宋時作日本之國東海隅其俗善畫藏圖書

忽慕中華出林邑遂將上幣延邊徐江南高手誰第一

吳興沈生世無匹應聘初為異域行袖中攜得通靈筆

大開畫院長崎島海屋天鵝寫生巧掛壁將軍不厭看

展屏國主常稱好侏僂通語歷三年萬鎰歸裝萬斛船

異貝純金隨手散但存綵管揮雲烟還鄉重對鶯花寫

貌古神清意閒雅舊侶空思高大夫新交偶值崔司馬

與君相對論今昔旅餐蕭蕭半垂白米信前身是畫家

誰云曠代非詞伯吾聞新羅曾請顏士師鷄林亦織

寶園詩集

卷十二

七

衣詩還方愛文兼愛畫丹青中土無人知從來絕藝難

為用壯夫烈士增悲痛南粵能資陸賈歸西京未取揚

雄重先生閱世如泡漚澹然榮利忘恩仇生香活色動

腕指蘊含元化天為愁勸君且莫傷遲暮坎壈纏身原

有數好進郊風稼穡圖漫傳花蔬宮詞句

樸庭在保陽蓮花書院恭和

御製詩特蒙

宸獎賜合包一對書生遭際誠異數也近聞傳到以詩

紀事

池上蓮花六韻成法都拜賜十分榮

清語呼介憐他李
也為法都

嶠山才子記得韓柳舊姓名一代鉤衡誰敢事 九丘
酬倡到書生舉詞豈足供 宸賞耳聰鍾繇發大聲

論詩截句

縱橫齊粵各爭雄分道揚鑣士論公卑竟新成作盟主
嶺南原不及山東 山左名家爲王阮亭田山漁宋萬寧
三先生世傳嶺南三宗殊不及也

秀水香名數十年縣書亭集萬人傳自遺著姓儒林內
半爲當時賦洞仙 朱檢詩竹
宅先生

最好吾鄉老翰林西河經術本來深偶然采得秋蘭佩
未是離騷屈宋心 毛西河太史誤深
經騷詩通於文

越東耆舊國初多沈 康許文羅村徐伯總不磨還有西
臣

質園詩集 卷十二 木

澤州相國重文章前輩通懷未易量可有功名繼裴令
午亭何似午橋莊 澤州陳相國著
有午亭文編

晚入瀛洲號釣徒一巷初白又荒蕪辦香合下南豐拜
試展蘆塘放鴨圖 武林食利自著數葉堂集臣本州
波一釣徒先生句有蘆塘放鴨圖

總持風雅宋公堪並駕漁洋却有慙虧然青門老居士
拋殘心力作桓譚 商邱宋
案幸

金陵舊事武侯祠吏部文章日月垂歸臥東江成逸老
才名曾荷 九重知 唐寶君先生著東江詩餘解贊
典雅紀金陵舊事題武侯祠二詩

不愧

西崖一逝卅年遙遺稿零星始付雕舊苑校書忘不得
含徽花放正回朝 湯西崖少半有微詩集其校師
職居少半舊國合歡花一本最繁

滔滔吳派水趨東詩格吳門有正宗老掌絲綸耐冰雪
變虛脩竹後凋松 長洲沈歸
愚附學

歲暮聞鼓聲
爆竹連宵滿北城耶婆相問作雷鳴細腰星棟蕭思話
單絞岑牟福正平遲日繁花催到信晴天急雨送來聲

非常戊社聽無賴况有催年改歲驚

戰艦告竣歸自吳門暇日葺書舍五楹宛如江南
畫舸既取舟楫致遠之義以渙名齋復成長律

質園詩集 卷十二 九

四章須我友和焉
芳人草草傷材餘吳苑歸來過歲除韓泥樓船方減事

張融陸舫又移居眼前通塞原由我世外波濤且任渠
其怪經年長繫纜下帆宦海易淪胥

萍蓬踪跡太蒼茫泛宅居然水一方那得錦袍同舊侶
豈堪青翰獨焚香要津策足高難據彼岸回頭近可杭

刺有校書班管在擬他畫舫記歐陽

裏上十年染素襟全家江海信浮沉主張未得蓬三片
彈壓空思鱗十尋玉璫瑤題千載紫水蒲風絮五湖心
閒曹最與閒身稱寸骨分陰值萬金

舟船似米家燈書畫堆中古意增遲日暖風空自好
巨川洪澤竟何曾虛舟偶觸心無近廣厦多營力未勝
安得移情浮海上欲邀秦薛一同登

岼舫坐雨

灑窓厭聽連綿雨掛席難逢舶舫風湖海半生今始悟
泛舟何必在舟中

春日登識舟亭望大江

養花天氣半晴陰遲日江山宕古今野性頗宜長散冗
故鄉無此好登臨玩鞭地勝春應早采石人歸月易沉
世外禽魚皆舊識相逢從未起機心

寶園詩集

卷十二

丰

天際長虹萬里流憑高何處識歸舟茫茫不斷通滄海
浩蕩難馴美白鷗勝侶空思招尹謝雄圖那敢議孫劉
昇平戰戰消磨盡一抹斜陽入戍樓

曉起喜晴

一枕蓬蓬足晨光透窗明年佳節積雨天意慎初晴燕
噴泥猶濕魚塘水漸平關心農事早有穀已催耕

虎肉

本是尋常味充厨第一遭負竭無氣魄實鼎有脂膏牙
爪生何利文章死未教重思南海子殺虎武夫勞

鐘虎行

鳴鏜動地鼓十里牌前人捕虎此虎公然自昔行
不踞岡巒山林莽奮威初恃爪牙利失勢漸看神氣沮
農人攘臂無戈矛一夫當衛百夫拒服風有氣天無光
人獸爭持日方午咆哮一聲虎就戮血點斑斑灑沙土
全村未敢近身觀壯士尚堪餘勇弭與餘惠養神靈
割肉留皮獻官府國家綏靖百餘年豈少藏虎祠崇
殘軀貳負生可械殺魄刑天死猶舞王公設險為防奸
文武和衷能禦侮屯兵衛民養兵厭制駭駭漸非古
出車準賦本良模農隙還宜教軍旅請看鐘虎太平民
倉猝擾鋤勝弓弩作歌聊備採輯軒努力崇文莫輕武

寶園詩集

卷十二

三

曉見殘月

遠鼓沉沉報五更流蘇斷夢續難成恍心二十年前事
斜月透簾聞曉鶯

春寒

釀就濃陰淑意闌故留冬令助辛酸愁生南浦銷魂易
人對東君識面難梁燕林然猶斷信爵袍錦帳各知寒
擁爐得句真堪笑耐冷居然第一官

內子發靈克敏以詩勞之

桑肥柘嫩又今年碧蔭官衙屋角邊春日漸遲風漸暖
養花天是養靈天

浴種提筐婦政宜紅繭滿箔正機時同心要比同功爾
費盡纏綿萬縷絲

承恩鸞語敢矜誇紡織何曾廢舊家五字唐詩堪畫處
分明梯倚綠陰斜

食葉聲繁似捲風一春三幼始成功西陵故事吾全識
飽閱蠶叢世路中

瑟縮慙無理劇才吐絲自縛苦難開誰從只嶠先生後
再獻冰蠶五色來

繡幙層層長不收縲車軋軋相聞他年身入絲綸閣
手握宮雲報細君

寶園詩集

卷十二

三

黃錦水鄉示家居詩言投簪甚適和寄

兄說還鄉兩載中了無塵土得磨磨何人不夢青龍寺
美爾先乘赤鯉風如此溪山原錦繡向來談笑却熊熊
休官自有酬恩地長與邨農祝歲豐

新綠成陰

永和禊事憶芳辰紫綫紅跡已陳林暗昨宵疑有雨
晝長深院斷無人蔽虧平遠如千里流轉穠華又一巡
想得豪家猶燕會催妝傳蠟巧藏春

題葉明經式綏校花圖

喧曉初日上紗窗一色嬋娟未肯降甲乙欲分還問坐

金釵十二總無雙

珠圓翠繞玉玲瓏盡屬君家太不公生怕羣芳遭嫉妬
封姨近在苑牆東

洛妃行處搗傳侶漢水歸時得珮環消息休教鶯燕覺
會傳秘戲到人閒

朝眠未可珠簾卷夜宴長教翠袖扶參透因緣空結習
校花圖是散花圖

題武林仲小海秦淮詩後

青錢重拈紀板橋春榮手帕最魂銷誰憐孔雀巷中夜
小海寓老盡東風是暮潮

寶園詩集

卷十二

重

宮鶯歷歷語湘絃韶宥風光到酒邊莫向臺城尋舊伎
充庭樂部散如烟

聽殘頓老撥琵琶南部何曾有夢華忽憶少年統綺地
宜城酸酒杜陵花

三獻未應長抱璞百年難得共登臺如何牛壁東南勝
只有江山解愛才

會稽 商 盤 寶意

留別漢齋

舟楫濟不通厥卦取諸渙渙在躬羣開无悔利用散吾
以名吾齋細將爻象玩風從水上行致遠非漫漶是星
還是船不繫原在岸圖史多雜陳牒符亦偶判豈知緣
境遷利那年未半易理既有徵宦途何足歎後喜否應
先決去去能斷且免波濤驚肯遭文法按卓哉馬少游
居鄉乘欸段

春蠶能吐絲自縛緣作繭秋樹能發花易零不待剪萬

質園詩集

卷十三

物在天地憔悴實難免繫予困簪裾如疾嬰疥癬闔珊

歷數郡但佐未會典朋少西南得路多東北塞味甘不
及回事往方知外舊廬長恐壞先墓急須展長物身外
輕駱鬪楊枝遣矧此屋數椽翻作車輪轉鬱鬱安足留

早歸試新舛

永署在郡城駐劄移茲地敗舍數十間前官失塗墜昨
歲吳下歸薄俸捐冬奉公廨及閒庭繕葺分次第繞檻
雙梧桐入春轉葱翠選勝西山奇種花東洲麗豈徒坐
臥寬頓覺規模異作吏等持案大小毋隳事因循古有
戒修舉後難廢我躬既不閑迎問來者繼太息蕭田堂

安用昌黎記

守官如質蕪亦復如乘駟築館兼啟軒作策皆云失寓
意無留意百金非我恤宛卽免打頭彭澤堪容膝去住
類萍蓬戀此亦何必懷土與懷居恐被聖賢斥身隱焉
用文園存還尚質余家別墅名質園葛洪欲另移陶侃寧自逸
寒士天下多所憂在家室營茅不蔽身俯仰同屈結席
厦倘能營萬閒俟他日

南寺僧房題壁

恬淡長蒙舉世容江濱猶帶未歸踪山連赤鱗雲多異
天近黃梅雨正濃過去春華銷蕭蕭悟來疑網退重重

質園詩集

卷十三

二

木蘭二十年前事憶聽閑黎飯後鐘

綺麗歡場一刹那九枝絳蠟泪滂沱難留王母恆春樹
罷聽吳兒小海歌世上功名無將相坐閒語笑有星河
舍脂黑開何分別奈透機關總是魔

茶烟芋火證前因暫向樊籠脫此身社燕孤踪多應候

砌蟲細響不驚人讀書那可分窮達學佛何須戒喜嘆
得路漫將高足策要津還怕有迷津

物外形骸世外心暢師丈室頴師琴太雄龍象歸清淨
小劫鶯花閱古今天際碧雲方日暮驛邊禪榻幾春深
妙香好向空王懺銷得穠情是梵音

題封妻蔭子圖 張書影藏

張公愛畫開畫室玉軸金題世無匹示我封妻蔭子圖
云是元人寫生筆一鷄絳幘昂然來雌者對立毛瑋恐
下有衆雛方爛漫護持飲啄如嬰孩畫師畫鷄畫抱伏
聲家禽道在陰陽婦三唱休教壯士驚一噴不向豪家
鬪嗚呼人間多少膺高爵得意一鳴同願膊妻孥恩重
願復輕此事堪徵世風薄披圖觸緒泪紛紛罔極呼天
天豈問鷄豚不逮吾親養子蔭妻封何足云

謝潘謹菴贈藏香

燒殘迷迭與都梁百和難兩百戲場我正欲持居士戒

質園詩集

卷十三

三

只消半炷辟支香

番部輪誠絕域通寧邊不數貳師功紫濛青海天西路
原在茵蓋一氣中

以陶詩計日望舊居爲韻偶成五章

未儒論居官當存退步計驥首方盛年一往味斯義浮
沉十八載敷歷中外試小吏自蹉跎 聖朝非棄置行
將披經歸跡與挂冠異雖有賴上田暫畊寧避世
學古思服官服官思進秩誰料鷄退飛竟同獲長屈投
閒欲樹勲作策嗟已失等是樵牧身無殊在家日去此
更酒然吾甘守衡泌

今歲屆寶輿星輅出宗匠不知十眉圖又添幾許樣我
有黃金鏡刮膜除翳障抗志期親民一麾謝蓬閭持衡
尚不屑分校又何望太息九方臯恥將凡馬相
僥倖宜春坊作戲蒙錦繡登場既利那下場不宿留
俱去 共畏將軍新誰堪令尹舊此局太綽紛難以常勢
究唯有出世入旁觀手開袖

溫公獨樂園白傅履道居古來賢達人進退綽有餘我
年未及艾安敢希懸車但期有用身多讀未見書向慚
從政拙正坐窮經疎與行挾雲漢瑣細拋蟲魚根茂實
自遜此語良非虛作爲經世文百穀瑞與琚壯夫悔小

質園詩集

卷十三

四

技月露行當除

將歸故里信筆抒懷寄示同學

鏡裏鬢髮改舊鬚耽名得病久難蘇囊中豈少三年文
石上空生九節蒲出色穠花歸露電隨身老硯歷江湖
盛風未覺雄心盡重展濠梁健翮圖 宋崔白有健翮圖
如雪麻衣尚有塵梁山古操最沾巾對妻何必誇儀舌
衣母尤宜惜政身向後共柵欄浪叟從前自厭語言臣
武陵鷄犬分明在迷路無由再問津
掣電光陰惜寸分可堪四十竟無閒畧編永叔歸田錄
頗少昌黎諛墓文淨几漸消癡愛想名山待策古今勲

朝衫一脫滿閒甚許入銀鷗雪鷺羣

西崦南塘好定居芳隣猶結舊樵漁挽回風俗歸淳厚

幻物雲霞入卷舒小別葦蘿還有石再探宛委豈無書

到家一事嫌遲暮已過楊梅數月餘

解印歸時免繁匏獨行无咎履初及王家特為申偉約

揚子先應解客嘲敝宇尚煩良匠整近詩難付小胥鈔

多情只有烏衣燕接翅唧泥認故巢

疎懶終難與世諧百年才命巧相乖如輪幾見頭迷獨

化枳直成橘渡淮大願未登蓮葉舫野情初換蒹葭穠

山中築六道遙館莫道今生有恨埋

賢園詩集

卷十三

五

奇計曾經好郭先蹉跎湖海忽華顛已虛壯上乘風志

未了僧徒坐雨緣蝴蝶相蓮真一夢驚鷺成削刺雙眉

半生宦跡香山似但少披雲十二年白樂天詩宦游三

籍至今十

八年矣輞水樊川縱縷心肯將組綬易園林煩他北苑新茶景

同年黃字有學士會留得西清舊賜金龜正八年會

為余寫松風課子圖賜金龜正八年會

一臥且隨雲入岫十年猶待樹成陰少陵有語吾能會

鐘磬原須自發音

竹密槐疎綠蔭門溪山良約待重論名心未斷難遺世

晚景無多怕受恩草杜繁花何處散宗雷舊侶幾人存

惟他一掬南湖水不替涼衫淨酒痕

銀管烏絲判斷春未將綺語戲前因月沈漢浦珠無影

花落唐昌玉是塵霧變豹文雖可掩而淋鶴性尚難馴

最奇飛蓋西園會頭白當時第十人黃在里中聯西園詩社余齒第十

趙秀甄新構河亭以小秦淮顏之

一曲通波直百朋人言風景似金陵新居自攬中江勝

故事誰將六代徵玉樹已成前度夢畫閣難得幾回凭

殘春如綫還堪賞南部烟花怨不勝

臨水披襟晚最宜主賓名姓鷺鷥知宣城詠後江無練

騎省閒來髯有絲清景自存羅綺外廣場難定去留時

賢園詩集

卷十三

六

依然丁字簾前坐吟徧南朝絕艷詩

重登鎮院樓

卸帆一泊迎江寺振袂重登鎮院樓重闌孤懸當石臂

長江直下向東流楚氛逼近難揮手左傳楚吳會繁華

有盡頭總為治安疎武備此閒宜駐萬貔貅

南渡沿江計可成咽喉控扼藉干城書生建議原迂濶

聖世開疆久太平李氏再遷無國土皖公千載有山名

鷗鳥相對曾相識落日平沙自送迎

高處方知世界寬中年隨地有悲歡斷霞縷縷垂孤塔

臨景騰騰赴急湍興廢歷朝歸閱史江山兩戒入凭闌

登臨漫起無窮感只作明窓展書看

天吳八首息戈鋌氣象休然未暇頭探蜀道
直從樹杪見湘船輪租蘆荻方老聚窟壺堪悍不眠
五度樅陽門外過最無拘束是今年

乙卯年假滿歸館訪查澹宜於津門水西園大衆
王左手爲余寫照取江上詩情爲晚霞之意名
爲霞圖一時同人題咏忽忽十二年矣皖口舟
次重展舊圖自書幀後

名園簪履憶前游霽月穠花有倡酬一筆圓光王左手
七真勝會海東頭探珠屢到神靈窟瑞應圖云龍冠玉爲神靈之精冠玉

質園詩集

卷十三

七

難封曲逆侯誰與香山重寫照集賢已滅舊風流
餘霞散綺晚尤宜吟罷南朝小謝詩館閣本容虞學士
簪花偏泥杜分司人多愛戀生煩惱歲過芳韶覺鈍遲
不用三毫添頰上虎頭用意亦成痴

歸帆風利以詩志喜

順逆機關豈自持轉丸翻餅有遷移天公呵護原非吝
人意蒼涼爲稍遲快事相遭緣得險坦途當慎恐生危
江湖半世憑忠信不敢高吟利涉詩

咏金絲桃

別樣春風絕代姿芳名兩字是金絲紅霞易悞游仙路

黃幘渾如入道時檀量淺浮心細細夕陽遙映額離離
人閒正長燕支價說與邊徐總不知

寄吳樸庭都下時將應京兆試

人在槐花遠近邊鳳城易得早涼天罷聽擊筑空留市
肯學吹笙便作仙東塾才華遜一第少陵束縛感經年
青韶同學今淪落愧著前番士雅鞭

先業蕭然一畝宮翻因枕塊得開籠也知小隱皆君
澤莫使諸甥有舅風兩郎君爲我之自出綠髯近從廬墓改青燈
舊與故人同天空海濶原無碍奈此離羣踴翅鴻

寄鄭雲叟

質園詩集

卷十三

八

千里終嫌命駕遙此番問答比漁樵卜居乃在靈椿巷
赴約同過瑞草橋並不炎涼唯翠嶂斷無梯級是丹青
多生最有流光懼髀肉知從幾度消

負土歸田事不同敢將踪跡委蒿蓬保名未賦張平子
張衡賦欲盡選以保名強飯何如貢少翁好景永留蒼翠外盛年
虛度寂寥中南溟倘有飛騰信只借扶搖一線風

誰遣鷓鴣寄亞枝銅章一擲已嫌遲閒思任事原非分
醉欲逃禪似不宜束帶近游還有賦陸機遠宦可無詩
含情待剪西窗燭話盡山雲海市奇

月地花天憶舊游一聲蟋蟀十分秋已回妖夢還懸鏡

要擬仙居且住樓宿世金環誰復記多情錦段最難酬
證因亭在吾曾到手藝名香憾得不

得響意弟楚中近問賦此馳答

昔爲進士不得進今作司馬無所司其上有守下有令
稍剛則亢柔則卑如此冗員直可汰久居鬱鬱將奚爲
得祿承歡義有取爲貧安敢求設施老親相對頗相慰
感憤不使高年知筑筑忽抱寢苦痛落落翻與歸田宜
逗遛經旬獨有待嗟爾行役來何遲八行昨接漢陽札
內有十載寒暄詞驚心荏苒春易去握手迢迢秋爲期
眼前聚散難自主何況窮達天操持憶過朝籍歲在戊

廣園詩集

卷十三

九

萬言對策黃金墀虛聲改官充侍從我方抱愧人稱奇
弟兄九衢忽會合共賦紅藥翻堦詩此福濫叨有除折
一麾佐郡如羈縻鳴鳴空思霄漢振驩驪那得康莊馳
予不負丞丞負予卽非守制行當辭故鄉嚴整好棲隱
石帆玉筍雙參差蒼閣翠繞長入夢得代不返其愁痴
讀書丙舍亦良策種松老作蛟龍皮明春梓里倘相遇
是我酌水斟山時

江上逢門人潘立言賦贈卽送其歸里

去年見我青衫青今年見我白衣白執手重爲兩日留
轉頭渾似三秋隔親友如沙難可搏一放誰能尋舊跡

感君遠訪意殷勤繫纜一尊話今昔添予小累尚存官

勸汝要言休作客團圓仕宦牛轉磨賤賤光陰駒過隙

淳于飲爲羅襦歡無忌交從博徒得會須里巷共娛嬉

豈可乾坤長踟躕請看萬里大江流東赴滄溟浩無極

留別劉玉齋明經陶序東太史丁公望沈惟斯汪

琴山陳潤中四孝廉施益川鮑耀占蕭樹仙三

秀才

千峰翠色越客天信在鴻來燕去邊仙佛自知無棒鎖

蕙蘭隨分有因緣涼颼策策思歸操舊雨泔泔送別蓮

領取五湖瀟酒意但須一葉缺瓜船

廣園詩集

卷十三

十

盍簪上已到中秋四坐銅爐聽古謳直造竹間逢地主

遠從天際識歸舟地有識舟亭爲君鄉姑亭風月懷司

馬唐司馬武公見太齊相功名出飯牛珍重借書兼作

會東坡爭不戀黃州

留別及門張旣清

鶯花勝饌屢從游載酒車因問字留宛委藏書無玉簡

瑯琊下筆有銀鈎生工書法奉香我自慙曾鞶截銍誰能挽

鄧攸其道初衣容易遂江湖祇算暫停舟

浴罷

此身疑幻又疑空明鏡原無垢可蒙忽到浴室清淨界

方知浣濯是入功

暮秋達鄉意弟於金陵

燕淮寒玉不成輝老柳猶含六代情
五夜烏啼金粉盡一官蟬翼弟兄輕
對牀那可禁風雨解卽方堪答聖明
故里粉榆歸赴社好隨父老祝昇平

題戴巨川前輩行圖

吏室維摩證宿因宰官說法現全身
六時不結跏趺坐花雨曼陀真汗人

九品青蓮九級臺

先皇金粟古如來自從受記栴

檀殿旋經重畫一笑開

質園詩集

卷十三

七

晉如鼯鼠寧無屬困在金車定有終
參透禪機通易理坦途何處更驚叢

須彌納芥浩無邊閱盡三千與大千
各坐菩提登般若

願公成佛我生天

自懺次袁簡齋原韻

休將巨刃向空摩古井年深久息波
人嘆浮生如夢短我嫌上界太官多
能言未可誇鸚鵡腫背何須怪素駝
誰向金門招大隱爭教執戟不狂歌

市駿黃金舊有臺千年憑弔動悲哀
崔盧家世非關學管樂功名却累才
輒伯歲星輕一出方壺員嶠擬重來

朝天未斷春明夢聞闌沈沈次第開

番番風信報佳期肯使吳蠶有盡絲
宋玉荒唐神女賦繁欽宛轉定情詩
柳移秘殿貪眠早桃向仙山結實遲
人自盈盈天自遠紅墻銀漢影迷離

勝業坊遙路未通夢游春色總成空
南都頗少新螺黛西市徒傷老玉工
金縷衣收花易謝水晶簾卷夜曾同
天神相獻還相試众穢何堪丈室中

偶閱宋岸舫集中沂園十咏恍如入山得路時
余方有卜居之意援筆和之

樵風塢

質園詩集

卷十三

七

當年渡薪人於此遇仙客不見溪風來
但見溪水碧憶家嶺

到此可遺世如何猶憶家山深少鶯燕
蒼鼠抱松花

石帆

他風若連帆欲進不能寸學易知行止
兼山義取良

地磐

身在地磐居不覺地磐大遙看石傘雲
飛山翠微外

清輝堂

清輝堪娛人綠淨不可唾高咏韓詩溪
山雖行臥

梅坡

但聞雪後香不見月中影高人擁褐吟獨耐深山冷

玉照樓

銀淡淡如水光映池上樓竹梧聲瑟瑟相與作涼秋

澹室

築作奇峰間爽氣翠堪拭時有采苓翁相遇不相識

吟展廊

繞廊思騰騰望舒識來往世無杜少陵誰發鐘磬聲

留雲榭

人生百歲中登臺及無病時時攜白雲不與世閒競

倉帝廟詩

質園詩集

卷十三

三

臥龍山蜿蜒上有倉帝廟古今文字祖四目靈光照
觀龜鳥文遂啟乾坤興秘寶衍圖書增華盛謨誥聊代
結繩治非以長奸暴皇風漸杳冥古法紛竊剽蝌蚪及
蟲魚半遭秦火燎斯邈稍變更曹韋遠則效八體與六
書一一異形貌數典祖不忘探源流可導大哉史皇功
濟世如覆幬我昔謁荒祠蒼涼入登眺殘碑被蘚苔陰
房生熠燿一朝梁棟之歲事神所勞三辰互鈎連二氣
爭騰越身猶綴羽翰手不棄圭璋載瞻太古容萬竊開
昏眊南望夏后陵閭宮新建造敷上與開天功德均難
報人生須識字豈有憂患到不見沈荊州十年徒悔悞

拜手玉座前童蒙尚堪教

石帆周學士典試江南以詩志喜

西清全局待人擔領袖蛾眉子不慚承旨從來稱學士
唐朱翰林承
旨即今學士
輪才畢竟要江南多年粹鼎騰光焰老樹
風霜在蘊含天下文章 昭代盛齊梁脂粉豈須探
駢字經霜駢字絲衡文已覺十年遲再來蓬島原前輩
學士於乾隆元
年重入詞館
其喜盛陵作主師雙劍雌雄人未識一
燈辛苦我曾知還 朝自訂皇華稿惜少煎茶倡和詩
僕以外舉回籍不
獲預分校之選

療瘡戲成

質園詩集

卷十三

四

江濱卑濕滯歸舟病在肌膚藥易投四海瘡痍如可起
一身痛癢復何憂俗人那有癰疽嗜小恙翻宜瘡疥留
省識皮毛非太害何須詛祝對齊侯

歸途雜咏

如此還鄉第一遭臥輪原比剖符高誰言仙佛皆無累
豈可飢寒不放豪白露三更秋搗練滄江萬里夜驚濤
劇憐車脚爲薪日到得成灰亦嘆勞
世本能容我自遣寄愁八極渺無邊晚花小蝶曾遊地
疎雨涼雲送遠天落紙生枯雙管盡隨波上下五湖船
頑夫不解餐霞法但息塵機便是仙

梧葉良工費剪裁多情易起古今哀曲江春日無人過
汾水秋風有雁來誰道杜陵非野老我知李嶠果真才
迷離萬事藏鈎秘奇中何時一笑開

天地能寬失意人騰騰一夢短如春廉頗未老空思趙
蔡澤無謀致入秦東海鼉峯那可近西涼獸面總非真
山林到處虞羅密鶴自高飛鹿自馴

遠水盈盈碧似天抽帆直到里門前擗風踢翅三千界
衣錦回頭十四年甲寅取急歸里乞郡一官雲霧墮還

家八月兔蟾圓五陵舊侶皆遲暮裘馬輕肥意惘然
秋實春華兩不禁百年消得幾光陰微波意爲通詞淺

賈園詩集

卷十三

五

薄酒痕從判袂深病入少陵還有肺嘔殘昌谷漸無心
敏能永夜詩盈卷半是吳歛半越吟

別金陵八首

并序

行年六六始至金陵作宦三三幾更玉瑄本怨

綺傷羅之地值離雲墜雨之時對此何堪黯然而

欲別余舊有金陵紀遊詩一卷嗣後有憶金陵

諸咏至是而成別金陵詩八章感昔夢於春游

符少陵之秋興雖蘅蘭北渚有恨難銷而魚鳥

南華其言悉寓云

不知何事最含情病淺愁深白下城結綺臨春照御客

曉風殘月弔青卿時移絕少芳菲信夢覺空雨薄倖名
誰與才人除豔麗樓閣古寺有鐘聲

鯨吸魚噉失酒徒秦淮片月影長孤玉山屢倒橫中散

香草曾寒楚大夫寄遠一書交賴叱聞歌雙淚濕珊瑚

沈迷已墮風花界絮果蘭因證得無

蕭瑟蘭成賦裡身蒼茫隔代訪遺塵年深鴛瓦銷金殿

路近羊車遇璧人種種儘教添白髮堂堂原不負青春

殷勤特爲流鶯住肯續他生未了因

舊會三英此夜同水晶簾遠玉樓空鯉魚風浪催歸客

燕子生涯托社公入道緣深黃帳後懷人信斷碧雲中

賈園詩集

卷十三

六

支機誤落成都肆銀漢何由得再通

細賦風光困倦時千回消息百篇詩密防學語紅鸚鵡

怕聽牽情綠荔支春晚濃陰傷杜牧年深賸錦失叩遲

人生祇合江南老卜宅青溪未有期

粗豪湖海氣難收高踞依然百尺樓金雁一行橫趙瑟

瑤花十隊照吳鉤賣漿屠狗逢新侶走馬翔鸞憶勝遊

莫道多情非大俠黃衫原自解風流

龍蟠虎踞擅中華半歷恆河劫後沙已見相公爲蟋蟀

不知天子是蝦蟆楚囚又作新亭泣吳伎空將舊院誇

滿目興亡多少事欲憑頓老訴琵琶

一、春草與秋波幽夢方甜奈短何終古銀燈暗機杼
一聲玉笛動關河愁來潘令頭先白老去徐娘態尚多
消盡風懷真諦見六時頂禮病維摩

月餅歌

中秋月似中秋餅玉兔銀蟾光炯炯中秋餅似中秋月
入手盈盈廣寒闕君不見重陽之糕端午糉故事佳名
出唐宋又不見俚儻粗糲食譜傳此餅製造知何年我
今作客嗟羈旅人月雙圓義無取明朝餅缺月漸殘四
時那得長團圓

過橋李不得晤王毅原景會兄弟

寶圖詩集

卷十三

七

訪舊殷勤興偶乘南湖但見水天澄雲霄兄弟方舉桂
同赴時節人家正采菱經雨荷衣寒似客點秋螢火亮
於燈同羣那得如鴻雁宿食飛鳴總一繩

觀潮

廿年不看曲江濤意外奇觀第二遭千古種肯仇未解
兩綃張鄭戰方塵崢嶸冰雪相摩盪天矯龍鼉肯遁逃
縱少水犀軍百萬題詩腕力尚雄豪
勢當鏖鎗開時大波向蛟龍過處腥越甲吳戈翻糾練
青天白日走雷霆乾坤怒氣終須洩湖海危機不暫停
寄語馮夷休作戲自來眼界小滄溟

疾如駿馬駛趁趁浩茫茫不可探翠嶂收車迷畫水
白毫千纒放僧龍尋常隨月爲消長造次乘風得飽酣
歷盡六朝佳麗地故鄉此景勝江南

高樓四望獨凭闌晚信初來日色寒生恐寂寥無句得
特畱光怪與人看應時真覺凌雲易失勢方知破浪難
一帆去渡江心不駭未曾平地起波瀾

抵里

白蘋始花秋意淺一抹寒光不堪剪江湖十載乍歸舟
忽對連天蘆葦展溪山酌酌遠見迎父老牽牽近抽簫
折腰陶令苦思歸捉鰲謝公知不免梁棟終須用杞楠

寶圖詩集

卷十三

太

廟堂誰解登珣璣豈宜苦海任浮沉要與閒雲共舒卷
還家百事難稱意老屋將頽衣在典惟有年華不負人
青菱已綻紅杭軟

還家吟

并序

年踰強仕跡類左遷屬以外艱適歸故里庾開
府僅有江陵之宅鄭畊夫曾無谷口之田歎廉
吏兮難爲况棘人其在疾賦詩見志觸緒增悲
皆羣魚洒泪之痕非衛玠言愁之比也
千里津梁半月程虹橋東度卽慈城怕看鏡裏添霜雪
倦向人前說姓名抵舍便憂家累重過關方喜宦囊輕

水晴芋圃荒蕪甚馮偉何曾善治生

雲本無心冉冉回謝堦蔣徑剩蒼苔七眞座上抽身出
萬里橋邊卜宅來梁燕暗驚深巷改砌蛩忽報晚花開
三餘好督兒童課識字何嘗有難灾

枕邊喔喔聽雞鳴小艇如梭入城應候人隨鴻雁至

稱心天爲桂花晴承歡奉母煩中饋失學從兒望外甥

吳甥善屬文骨月相逢悲喜集無勞秉燭照分明

既號潛夫卽愛潛齋高臥一身兼年豐薪米何嘗曉

俗薄儀文反要添未可芟除多枳棘最難兩挽是烏蟾

授衣莫道時堪緩已有微寒透指尖

質園詩集

卷十三

九

飲啄無營但信天最殷勤是舊雲烟釣遊畢竟須吾土
仕宦能消幾壯年朝籍有人嗟驥絆墓門何處指牛眠
平生極策扶犁手要種松陵一稜田

碧海丹霄路未通古今才命巧相攻松寒竹瘦無榮瘁

護肩龍伸有異同哉破幻緣歸定後鍊成眞液入詩中

光黃異士遙相待妙手深藏射鵲弓

本是巖松寂寞身虛勞委佩與垂紳大名原是歸巢許

良弼何曾乏甫申靜對白鷗閒似我倒騎烏犢笑逢人

匡時壯志消磨盡不用陰符發籙陳

冀馬吳船負薛蘿鈍遲甘被俗譏訶燕鴻踪跡能常否

鷓鴣聲音奈細何向後豈堪長縱放從前原不算蹉跎
揮毫漫作閒居賦我比潘年老更多

五畝全荒舊業微比隣聯轡故人非枌榆幾點社公西

薛荔多年山鬼衣門外幸無題鳳客春前欲買釣魚磯

梨花寒食依然好不待功成髮白歸

世業平泉有汨潛百年松石好躋攀佳山佳水流連外

公望公才位置閒映日榜花今漸謝朝天疏草向曾刪

旂常鐘鼎俱無托只愛浮生半刻閒

病葉初黃綴樹稀轉頭百卉失芳菲寒深蟋蟀居三徙

歲久梧桐大數圍戶外停車人問字燈前放剪婦裁衣

質園詩集

卷十三

十

宿宿村犬黃昏吠知是隣船刈稻歸

惜後功夫得喪齊自然恬退稱幽棲檀溪屋用菅茅蓋

裏里田將榻樓犁閱世已驚千海屋讀書未識兩天雞

川張淮南間中清課眞難了又校新詩付聚梨

悼松

歲暮勝友凋零盡一叟蒼髯竟不存遂使林泉無氣節

直疑天地少貞元龍蛇未起生前盤霜雪難消死後冤

回首黃山隔雲霧芙蓉六六與招魂

次韻酬余山先生

眞成搖落感江濤倦材同時返舊林平子早傳遐逝賦

夷夫新唱打乖吟喚回杜曲鶯花夢儘盡吳兒木石心
古曲幽蘭誰解聽半枯樹內有元音

長兒隨石帆學士入都以詩送之

一累還存可笑官無多骨肉失團圓讀書應愧他途進
就職方知小吏難從此衆雛將爛漫相依外舅共清寒
長兒爲尋常慷慨離別送汝今番有泪彈

整姪行裝米可遲敵裘策僕儘相宜小春雖暖珠難惜
大厦將傾豈易支讀禮曾參徒有恨輸公卜式苦無錢
但教萬稗穰穰熟五穀何妨獨後時

隨任年深事漸更得官壯歲勝成名一妻未可持門戶

質園詩集

卷十三

三

三弟還須倚父兄富有藏書宜識字貧無負郭枉知畊
諸公衮衮誇臺省薄宦休將擊析輕

銅鑒會食舊曾聞一夕燈前影忽分此去汝爲辭壘燕

劇憐我是負山蟲築裴紹述清芬遠叱咤瞻望落日曛

鷗鷺故人勞記憶欲憑片語致殷勤指同年諸友

樸庭詩藥較版已竣從上谷寄贈率題卷後

稱詩一代已成家雕版何須百卷誇那得南金酬綠綺

但依北斗望京華幾人同調能忻賞諸方問學朱沈楊兩先生與夢常嚴

同輩兩此事多年共斟酌並燭窗前如隔世思君重到

小平霞棲廬所居

冰雪堆中歷歲寒虧他懷袖養琅玕太冲詞賦三都易
聖駕昨歲西巡昭諫才名一第難今秋又入院未爲持
索吏牽絲聊作牧民官蒲團芋火沈沈夜可有前程問
懶殘

梅花冢歌爲古草先生賦

我聞冢人載周禮佳城鬱鬱連山起誰歟肯向死前營
舊說玉官與栗里先生原是義皇人腕有珠玉胸無塵
乘風忽飄禦冠袂冢雨偶整林宗巾收身大隱城中佳
種得梅花三十樹入樹同時漸老蒼重遂猶記看花處
與公總總論今昔南軒良燕皆陳迹唯有寒香似故交

質園詩集

卷十三

三

百株又向墳前植賦詩自輓爲文弔達人作達誰能料
華表何曾化鶴歸蘇門但聽如鸞嘯先生扶杖樂昇平
修短彭殤理最明晚歲讀書袁伯業名門通德鄭康成
十年勝會難重舉六陵已散探梅侶上皇村外月三更
太尉祠前雲幾縷我今歸里當孟冬先塋馬鬣及時封
高原乍卜牛眠土宰木還防鹿觸松龐眉一老存先友
祝嘏登堂稱大斗指日芒鞋踏雪行爲余問訊花開否
懷吳甥芳句

繁竹如雷響安心了不驚淨因堅道力春意入江聲玩
畫論前輩鼓詩憶外甥聲肩知獨坐太瘦可憐生

徐梅知更餘過訪口占爲贈

北風釀雪天意酸主人無語客妙歡欲眠未眠犬吠怪
得過且過蠲號寒對酒當歌操橫槊逢場作戲遶弄丸
年踰四十不稱志坐驚霜霰芳華殘

答同學劉豹君

將老猶嫌未拂衣樵兄漁弟儘相譏重逢便印新詩可
隔歲真知舊事非月窟夜寒蟾欲墮芝田秋潦鶴方飢
子期師曠分明在百納何辭更一揮

王介山丈爲道園上人賦西林詩二十四首向會
索和未暇報也寒宵不寐偶檢舊題咏之得詩

質園詩集

卷十三

三

十二章初原數之半以質道公留爲他日西林
故實云

西林

西林不及東林制永法師如遠法師若向空門論廣狹
維摩十笏可容誰

過溪橋

白蓮香火舊相邀十八賢今去已遙又見三人同一笑
木末無社亦無橋

見山樓

檐影風聲喧寂外龜毛兔角有無閒
全剛經頌如龜毛不實似兔角無形

此樓彷彿觀空閣日在山前不見山

稻香塋

梵林功德兆豐年轉盼東屯穫稻天不要十方多布施
自鋤綠野種紅蓮

藏經龕

誰入三摩悟八還欲將了義叩禪關多生憶誦非無力
昆勒全文不用刪

寒捨居

坎珂初辭佐郡符衣塵抖擻禮文殊驚心十五年前事
曾跋寒山拾得圖
雍正甲寅春樸庵居士以元人寒拾圖施道公供養結清淨緣予方請假

質園詩集

卷十三

三

歸里與介山先生憩息西林作跋幀首相距十五年矣
昨冬樸庵藏書樓毀所貯名繪殆盡而是圖因喜捨得
存佛法護持妙難思議附識于此

二老庵

彌勒同龕豈有龕弁山一老太痴貪分明方丈無多地
竟欲畱詩占半庵
弁山詩贊公不惜西枝地與結風流二老庵

竹塢

春雷乍響籟龍驚密密疎疎取次成愛看一窻金瑣碎
不宜經雨只宜晴

伊蒲室

羅列嘉肴可腐腸年來漸嗜野蔬香梭花雜菜師何有

莫禁禪門般若湯

松風廊

取東坡煎茶詩中語

東坡詩句君謨辯聽到連珠第二聲不用纖纖擎玉盤
自然兩腋有風生

梅坪

瘦玉玲瓏東不勝數枝交映祖堂燈隔年重訪春將暮
不見梅花獨見僧

妙樂池

浴池八斛湛然流

見維摩經

妙樂應從道海求

見清涼山志

安得

衆生盡無垢爲君藏却石龍頭

質園詩集

卷十三

圭

消寒雜咏

添線光陰漸漸遲長年還逐幼年嬉身從冰霰堆中醞
歲在鉛華夢裡移天上挹漿煩北斗人閒得氣讓南枝
漁樵那管榮枯事寒盡春回總不知

杜門真有鶴山風入世居然出世同驕到陳登原是敬
介如徐邈始能迴年拋陰歛陽舒外道在龍伸獲屈中
堅守耐寒松竹性天全端不廢人功
頑散何妨入聖遲尋常驚鳳許鞭笞莊周午夢非蝴蝶
若士朝餐有蛤蜊紫笈可容全籍看丹臺空記隔年期
茅君枉恃仙曹貴已被昭融組紱羈

稱詩一代笑縱橫隻手誰將大雅擎秀句那從寒餓出
奇觀難與華嵩爭休誇洛下書生咏只作房中老婢聲
省識雕蟲爲小技名畱身後亦何榮
暗燈素影照庭除凍雀枯枝畫不如煖閣預爲畱客計
冷曹况值罷官居已同南郭能忘象敢學東方自好譽
燈火熒熒寒漏永還教兒輩惜三餘
對客心情翻似客在家踪跡本非家先塋此日須防鹿
再仕他年類畫蛇鵬鴒硯無開凍水鷺鷥藤是忍冬花
雪中欲赴溪翁約絕早披蓑上釣槎

三

卷十三

美

質園詩集卷十四

會稽 商 盤 寶意

題倪數峯聽瀑圖

昔齡當年到秀峯飛泉百丈下晴空勝遊回首成陳迹
意外披圖見玉虹

李白徐凝各有詩銀河白練兩爭奇千鐘萬鼓休相駭
正是聞根欲斷時

咏艾糕

種豈三年得名因九日甯堪煩越女產不類斯州洗
濯泉雙掬調和粉一甌鍊成蒼壁碎蒸出綠雲稠嫩比

質園詩集

卷十四

一

嫋娟少香如鴛鴦浮海嫌槐葉冷慘勝藕絲柔片段銀
刀裁工夫玉杵道膠牙飴可棄煖胃藥同投丙火承餘
影博物志謂冰令向辛盤佐庶饒周原人競采王風
艾陶製偏優此糕出自楚草乘春長鄉風餽歲收分
攜童稚喜熨貼釜鬻謀映綬遙從漢題詩突過劉寶階
前代擅堪並此糕不松漢紀聞余

遊吳別舊廬

昔將妻子累朋儔百里吳遊異楚遊行脚幾曾工托盃
握拳何必苦藏鈎事隨露電成烏有人對鶯花覺白頭
莫向市衢論虎鼠多年入世要良籌

匪師作戲屢逢頃最巧人為最拙人善彼將軍難用趙

敝裘說客再游秦雁程那可分遲速獲性安能定屈伸
攜取一枝斑管去風光豈負苦吟身

雲霧行藏任卷舒敢煩詹尹卜何如也知此別非垂暮
或恐將來少定居未校羣書還待補已荒小圃不須鋤

江山空入登樓賦王粲依人計甚疎
春意方回日漸溫霽陰其奈變朝昏情緣已淡宜揮塵

閱歷將深怕出門到處不煩羣說項最歡何處獨留髡
匆匆祖餞無人到自倚孤蓬勸一尊

以家釀餽南村曾使君系以詩

質園詩集

卷十四

二

東南麴蘖鄉作酒厥利溥吾里最馳名善法傳東浦色

必清而清味非酸且苦豫北及荆南張協七命乃有荆
差與絳灌伍使君曠達人品鑒嚴舍取越釀獨深好稱

為養生主三載居區湖相違僅數武穠花與皎月良會
時共舉醉同麋鹿眠醒亦鴈鴒舞小別恨星河既見喜

風雨留我夜開尊情話難覩縷偶攜家下隴絕勝賦中
酣醇和似主人茗芋忘羈旅此夕忽成今此意寧非古

客次送表弟鉅瞻雲歸里

百歲龍騰梭一官鴻脫羽不飲真大痴倡予當和汝
將將家釀勝蘭陵頓使長街酒價增三雅可能燒塊塹

一宵忽見饒親朋浮瓜西苑懷公宴煨芋南禪問定僧
寒食梨花虛舊約程蘇踪跡兩難憑

剪燭聯床地主賢勾留經月似經年逢君始得添孫信
問我何無贈婦篇舉案含怡情繾綣焙茶榨酒味芳鮮
南湖家具誰收管鷓尾燕爐燕尾船

題法意弟望嶽圖

昔披華山圖復讀華山記三峯如削成全身現晴霽上
有玉井蓮花妍藕亦異仙靈所窟宅鸞鶴羣遊戲吾家
老同叔輒舉結還契趨庭向西秦華嶽在其地關門開
四扇曉日行千騎盪胸怪變活縱目鬼神忌寫照托生

質園詩集

卷十四

三

綃中有凌霄勢披襟坐相對濃綠浮天際此事如讀書
索解昧書意亦復如悟禪觀空得禪味何須策杖登會
者齊其蔽人生宇宙閒長苦車絆驥耳目稍不舒卽爲
造物蔽迎機獲適收暮景迫前逝丹青能獻貌終嫌少
靈氣請賦望嶽詩一援杜陵幟

扣舷

扣舷吟罷一舟孤出聽蛟龍怪腐儒原涉豈能甘約飭
謝安終要忍須臾新遷那得鶯離谷舊翫會經鳳集梧
唯有占風思利濟浮生踪跡抵樁烏

西藏突圍圖爲玉雪村總戎題

將軍生長古幽燕三十從征行絕塞玉關西去萬餘里
夏月森寒晝陰晦飛花六出雪蒙裘畫角一聲雲擁蓋
左翼初過日月山前茅已偏沾界轉戰身經八十二
大小朝昏難悉載策勲第一勇無雙天語親嘉弓矢
資丹青妙筆寫英姿中有萬營千灶在初從緝素見精
神復向傳聞知梗槩是時進攻湯古特陣前金鼓親持
搃浮閣是鏖竟安用面具爲銅聊復戴提書遂報平藏
功羅卜丹津始無害賊旺雖奔勢未窮困獻還能施狡
獍駐兵地屬楊巴尖倉卒交鋒險尤最圍之三匝守數
旬血漬刀環融生鏜月暈終教宕宕開粉堆忽睹層層

質園詩集

卷十四

四

潰都護何人曰色楞金軍得返惟公賴我從佐郡識將
軍看花一笑逢吳會案上塵埃厭簿書關中風雅推裘
帶馮異立勲不挂口曹參被剗長滿背始知淵度浩難
量有功不矜功乃大兩萍聚散十春秋彈指共驚烏兔
快小謫蓬萊似隔生投閒江海爲丞倅我今少壯去堂
堂公亦行年五十外握手重逢皖伯城殷勤向我催詩
債自言戊戌歲征西其行本爲先公代定遠生從宛國
歸嫖姚幸免何奴敗主恩特重荷殊榮臣職多愆愆
匪懈廉頗尚用飯徒善李廣雖封年過艾馬革平生願
漸收菟裘卜築身將邁吁嗟乎將軍勸爾一盃酒與爾

縱橫論典廢關張無命人悲憐我何才像同給馬援
蒙諺爲歸裝吳漢揚威馳戰若大星三接朕將落長城
萬里俄已壞雄飛離伏敵何憑古往今來事垂戒公方
整旅大江南吳頭楚尾當衝隘鳴鶴將潤劍有芒犀兕
皮多甲無敵玉帳談兵鴻鹿聽牙憤關武江山對國
樂緩姑息鼓鼙一抔斜陽懸天卦城隍門有鱗鱗突冒倖
清沱唯有波濤起澎湃巨奸久已截鯨鯢小醜何須憂
蘇亦叔查設燕體自康弭盜寧民世長泰常將老眼辨
黑雲肯以雄心銷粉黛龍虎猶可健扛鼎狼營豈宜開
乘乘丹忱許國君莫辭白髮爲郎僕與儔來鍾齊鐸原
質園詩集 卷十四 五

題雪村總戎早朝待漏圖

百僚列炬照宮槐紫陌銀花爛爛開四姓期門全不避
設驚宰相火城來
射熊從獵擁旌旗比作詞臣注起居閣府新除方一笑
莫譏敬則不知書用南史王敬則事
牙旗出鎮趙吳兼遊祐風流尚未淹重捧紅雲眞意外
煩他畫手補蒼髯總戎以武科選侍衛年纔弱冠于康

公俱山前縣三十五年入蜀
東晉書之曰三十五年矣
運運沙漠陣雲寒百戰身兩箭鐵板三十年來人善飯
未應舉青話金鑾東坡送兩弟還都詩相
從結滿屋梁夢背談金鑾

登大觀亭

何處堪縱目上此百尺亭江天互吞吐浩浩同一形奔
流楚蜀來其勢如建瓴不有重鎮設何以爲藩屏緬思
李後主享國無修齡始遷實在此豐鎬難攸寧持較白
下門齊晉看邪邪降王昔已去文采今未零我來弔興
廢含意凭疎櫺時平息爭關歲稔除蝗螟奸雄消割據
山海歸圖經茲城久安堵水陸通車船遂使守禦軍冠
質園詩集 卷十四 六

登迎江寺浮圖

朝登大觀亭晚到迎江寺疎身入雲中千里絕蒙蔽鷄
犬無近聲鵬鵬有遠勢江山與城郭混茫浮一氣乃知
最高處原不阻人至十載遊三吳攬盡六朝麗放眼苦
不寬多緣在平地茲塔峙江干閱歷婆娑世現此不壞
軀佛力何最最疑有阿育王神光分舍利愧非人天目
一一窮元秘得魚筌可忘到岸筏應棄此來亦雪鴻踪

述母須記

重過趙零甌水閣

一尊重對意纏綿
盡閣臨江似畫船
夢蝶生涯才半晌
孤鴻旅迹動經年
春秋花月凭闌外
吳楚帆檣落照邊
亦有美人樓上笑
平原舊客故依然

題扇頭管竹

龍孫夭矯青初長
鳳尾雛雛翠漸勻
紈扇寫來殊有意
湘夫人是管夫人

挽吳門朱楚芳先生

憶從塔下禮先生
辰已無端喪老成
宿草多時餘涕泪

質園詩集

卷十四

七

舊圖何處見耆英
三春鶯燕傷刁約
四海賓朋弔顧瑛
別有蒼涼知己感
不聞鄰笛也含情

重到名園一惘然
故人屬續已經年
有愁躑躅紅垂地
園中杜鵑花
一本最繁
無主梧桐碧蔭天
作戲渾如金傀儡
徵歌

空記玉嬋娟
轉頭便歷塵沙劫
燈盡何由得再然

觀察武葵菴先生勸農用坡公語爲起句

勸農使者古大夫
歷覽稼穡沾泥塗
餉早邀田畯喜
胼胝常念農人劬
仲夏之時月建午
既種方耘殊覺苦
新苗有刺觸肌膚
熱汗成漿浹腰背
我公應候巡芳郊
後車十乘載酒肴
分貽主伯及童叟
和風如向平曠交

蕪湖二麥今年熟萬千未見倉箱足
議賑遙聞山左饑
運糧急發江南粟
賈船射利多奸詐
不惜三吳增米價
挽回要使天無權
豈弟由來民所藉
君不見市直愈畏
民愈窮
殷勤勸商勝勸農
灶前雖乏巧炊婦
境內原多足穀翁
知公太息憂艱食
康濟全憑大員力
論事何妨有罪言
救時莫道無良策

囊咏春草填金縷曲一闕晚上李嶺村蕪湖汪琴

山施淡吟屬而和之忽忽四年噫村遠峯廣陵

淡吟下世墓有宿草矣唯琴山歸自都門語舊

惘然題詩卷後

質園詩集

卷十四

八

蕪湖城外春草綠
曾唱傷心金縷曲
打出傷心稿
故人

愛我卷中詞屬和揮毫闢珠玉
郡丞放衙清且閒
嘉客

叩門來不速
花前晨飲那計盞
月下夜遊還秉燭
匆匆

聚散手搏沙
冉冉光陰車轉轂
彭殤未可齊
苑生仙佛

安能兼慧福
是身變幻等雲烟
萬事升沉有陵谷
江南

草長鶯又飛
逝者不返行者歸

爲黃明經觀鴈戲題橫陳圖

綃帳如烟簾如水
紅玉一團扶不起
未將羅袂掩酥胸
故向瑤華呈豔體
丹青寫貌兼寫神
恍逢小小呼眞眞
含情玩畫竟魂斷
何必邂逅傾城人
十五盈盈破瓜星

凝脂沃雪爲誰好
塗身定有白旃檀
作枕可無紅瑪瑙
花易飄零水易流
爲雲爲雨也知愁
周師已入橫陳夜
漢苑將驚棄置秋
多年懺悔除魔魘
破戒題詩增口業
功德曾隨黑闇來
阿難莫被登伽攝

別清定兩上人

在家僧似出家僧
叅到聲聞第二乘
戰退修羅原不害
濯來妙樂恐非澄
嘯軒爲我多栽竹
黃州定惠院僧爲東坡竹下開幽軒
深殿煩誰再頌燈
唐文粹有頌燈長明燈頌
借取善才童一箇
還山門戶要人應

宦意原如邵曼容
况修梵行契南宗
好花插鬢安能穩
質園詩集 卷十四 九

元酒沾唇自不濃
永遠叢林交有偶
思勤臍日訪應重
玉溪老去風懷盡
要打清涼寺裡鐘

玉琢豆莢一枚愛
不釋手忽落秦淮河
補蘿沈君惜之令善
泗者取以歸余事有
得失奇幻者皆如此
玉矣因賦此詩以自
廣

納納天地閒萬事
皆遊戲秦鹿與楚弓
得失何須異此玉
木輕薄隨波任所逝
故人爲我憐舊物
難輕棄完壁誠人謀
轉環亦天意我生原
長翁浮雲看一切屢
悞刻丹心漫洒亡簪
泪投袂塗驚探珠象
罔秘是舉堪兩忘翻
恐傳好事釋憾子多
情觀空吾有偈破除
痴愛

緣妙解直實義不知千萬劫
茲物更何寄

以丁字簾前題補蘿水閣

花月春江閱古今
六朝人遠事銷沈
同君丁字簾前坐
觸近窗枝一段心

歡場彈指勝蒿萊
徐庾輕華未易才
但是有情爭不老
牧齋去後阮亭來

十年感舊意難平
檀板曾留顧曲名
一樣瀟湘簾影細
要他消息隔傾城

秦淮水榭聽卜上人琴

起舞多生結習深
人閒又得穎師琴
瑤枝金縷無消息
質園詩集 卷十四 十

來聽泠泠太古音
九曲通波載酒船
儘多急管與繁絃
誰知月地花天外

早有秋聲落水邊

閒憶

柳姬如是閨中秀
顧氏橫波畫裏身
閒憶風流遺老事
兩尚書配兩夫人

隨園詩爲袁簡齋賦

溪山定價幾人論
福地明明世外存
別業原爲康氏苑
勝情恰對謝公墩
題牋未可關紅袖
畫扇從教徧白門
兩字南朝忘不得
賺他詞客又銷魂

廣霞一別失飛騰塵上襟裾漸漸增簡齊山左陵
看花君記否大堤騎馬我何曾過江不愧眞名士退院
其如未老僧領取十年卿相後幅巾野服始相應

趙王太守孟亭移家圖

結廬舊景未曾凋五十年來十五橋太守舊居名結何
處更蘇江令宅青溪一曲是南朝

圖書鷄犬各成行淦淦江波一葦杭身是散仙兼大隱

鮑宣眷屬葛洪莊

家具寥寥古意存退閒方覺塾人尊治城好景吾能記

千頃濃陰綠到門

質園詩集

卷十四

上

潛夫心跡總宜潛城市山林豈易兼昨向謝公墩外望

讓人先得小倉巖簡齊新購隨園別業名小倉巖

逢王五穀原有贈

最難畱戀是華年錦瑟重彈意惘然劫破華嚴唐玉女

滴殘鉛泪別銅仙南宮慣作迷離畫東野新成懊惱篇

聽我言愁應解釋借將一隻五湖船

題孟亭影研圖

研有東坡影最像與孟亭相肖故以名之

休論佛劫與仙塵莫問前踪與後身六百年來無此客

三千界內總非眞兩髯形影遙相對一研摩挲或有因

君是再生蘇玉局替人原不屬凡人

題孟亭過江圖

牛渚燃犀去羊車入市來古人不可見懷抱爲誰開書
畫還畱舫江山獨愛才六朝佳麗地何處問書萊

羅梅仙仿雲林畫卷

倪迂十萬圖藻繪窮變態未到絢爛極難造平淡界此
幀有深境竹石非淺隘乃知邱壑胸其大竟無外咄哉
郭河陽一角豈堪對

來安張振九招飲莫愁湖上梁氏水亭次壁間吳

蒙泉廣文舊韻同孟亭草衣賦

既不願高會追河朔又不願仙舟同李郭但願時時選

質園詩集

卷十四

三

勝秣陵游絕代江山掌中落徐庾凋零江鮑亡文采風

流渺難作張公好事兼好賓不就繁華就林壑臨水何

年備草堂截取琉璃青一角無基可向謝安賭有酒須

邀山簡酌我生漂泊歎萍蓬暫到南都類行脚持竿作

戲身無碍對客揮豪意有托故家玳瑁失雕梁上客瑤

瑤報金錯蘭亭梓澤易邱墟俯仰茫茫感今昨湖邊莫

動石城愁花下且看金戟拓

題桃花扇傳奇次云亭山人原韻

新鶯舊燕閱繁華南渡君臣事事差小部更翻清夜曲
上陽猶發故宮花從教淨業歸仙佛不止元談悞國家

長板橋頭人候盡斷魂芳草碧無涯

歸程咏懷

瑟瑟涼生柳數行蝦蟇簾外有風霜人辭白下秋偏早
歲過黃門髮漸蒼還璧青塵隨逝水凭關心事寄斜陽
紛紛智識餘煩惱未敢臨風憶建康

詩歸特爲燕鶯留草草看花忽到秋騎馬偶遭官長罵
題詩潛被友朋偷江山風月遙相待復疑魚龍或未收
銀燭光中人爛醉不須睥睨動恩仇

前度春城迹未遙綠波猶戀赤欄橋總因痴愛緣難割
若論繁華念早消杜宇歸心寒食雨鯉魚風信暮江湖

寶園詩集

卷十四

三

故鄉原有直蓬島多少仙人抗手招

歡場遇眼易銷魂蘊藉輕華要細論半壁烟雲畱畫稿

六朝金粉護情根中流擊楫人千里片月當歌酒一尊

他日江南追夢夢杏花疎雨掩重門

三至南寺

兩年三到南禪寺有錫如僧挂復飛折齒待修山壁屐
稱身宜著水田衣任華隨喜重題句王播何方得察饑
勘破因緣成大覺不聽清梵已忘機

秀忍宗門不厭敲淡然方外有深交十年宰相成虛望
再世經文待補鈔貝葉香翻獅作座菩提秋老燕辭巢

多生結習空來久何肉用妻漸欲拋

積堦墜葉感秋深佛火熒熒照夜吟業海不勞僧懺悔
劇場聊與世浮沉投河已失連城壁茸寺須留滿窖金
龍象藥叉都識面儘教游戲住檀林

消受氤氲半炷香暫時清課禮空王未能解脫因畱髮
若論神通會洗腸兩兔潛來牀上臥四蛇任向井中藏
道人已悟非常道省識無何是本鄉

燕洲燈裏玉擎話舊兼悼胡丹崖葉文典張東序

諸友

秋氣蕭森客意孤斜陽帆影落於湖雨雲世事新棋局

寶園詩集

卷十四

市

生死交情舊酒壚叢桂豈能招隱士優曇何不學浮圖

歸家欲結無心社逐利耽名病已蘇

題觀蜃圖

何人揮此冰雪絹頃刻青紅騰海面下有靈物吐氣成

歷歷亭臺城郭見滄溟秋淨連天高纖雲不動無驚濤

畫師寓目含妙理興酣自解丹青包斷崖如削寬三尺

一老振衣一扶策其一攀蘿最後登躋身似帶含皇色

空中誰造百仞樓非蛟非鰐非鸕虱仙犬得昇雲霧集

巨鼉失載遂壺浮老翁閱歷知世事翻覆波濤起平地

何況親觀百谷王奇儲惟原非異須臾變滅隨風烟

海天依舊光潯鮮
金陵縣圖散圖籍
虛教徐福沈樓船
安能信汝求神仙

諸葛君爲趙生鑄小銅章
一方列鼎凡九紋如蟹
絲余愛而搜之以詩示趙

刻劃方寸銅中有九鼎
時森森幾蟠隱隱雲雷起如
承夏后休不隨周室徙
黃金非九收鑄象出五指
離鎔諸葛勞投贈平原喜
什裝每藏篋解冰或盤几
偶然落吾手珍重連城比
尊愛事傷廉取巧心抱恥
忽憶坡老云在我猶在子
出否占卦爻與新合禪理
平生嗜好殊寓語參妙旨
是物果誰物何用分彼此

寶蘭詩集

卷十四

五

題仕女圖

絕代娉婷出采薪
青苔片石已成塵
無情最是千絲網
網得佳人贈別人
何處驚鴻照影來
盈盈一水碧如苔
人間那有芝田館
枉費陳王八斗才
隱娘劍術世閒無
百煉雙丸胆氣龔
黑白衛騎堪一笑
可憐磨鏡是庸夫
番部將軍舊姓沙
十分春色屬豪家
誰能奪取章臺柳
許押衙如古押衙

南寺文室題覽瑤華閣

玉兒嫋婉寶兒愁
荳蔻芳春一半含
拾翠阿誰逢道左
搗酥何處憶江南
錢心似我原無礙
金屋藏卿尚未堪
多謝丹青憐寂寞
六時長對散花龕

萬緣非到亦非真
且認鶯花見在身
勝樂世閒無國土
德疑方外有夫人
仙顏那得長冰雪
佛性何妨暫喜嗔
急待慈航來接引
愛河愁海怕迷津

感甄作賦比紅詩
寫照應輸老畫師
識破橫陳同嚼蠟
拋殘恩澤是凝脂
長干一別花如夢
小杜三生髮易絲
煩惱自纏還自解
鶯鶯燕燕不曾知

第一嬋娟不二門
肯將梵律破情根
真容已作優曇看

寶蘭詩集

卷十四

末

小像何勞艾納溫
三島鳳鸞沈遠信
六朝環珮斷啼痕
天公未斷相思種
西子明妃尚有村

張旣清以欽硯見貽酬詩二十六韻

品比端溪亞人稱
欽產僉潤溫同琰
琬磨琢類鍼砭
大鑿搜羅廣良工
剗削錯驪肝盡紫
鴿眼非尖天地
方日合紫欽硯方如耕耘口舌兼嘉名雷玉帶龍寶地象圖似天光
陋飛廉榮辱王銘古王紫硯銘墨運青黃柳論股權布筆染榮辱是應
論繁星垂歷歷素手捧
摻摻蓮葉舒還卷
松花落更黏
藏如珠在櫝
試忽鏡開險洗滌
身無垢摩挲意所欣
替藏春露洒芍藥
主恩霜永晝泉街
鶴深宵泪滴蟾霧濃

元豹隱波靜黑蛟潛文字緣難斷江湖跡屢淹圖書隨
米老笠屐刻蘇髯遺瓦片臺失浮城異夢占川吳苑新
龍賓成伴侶磨管絕精纖絲几雲光黯紗帷日影進分
題驅客共分觀名督課幼童添開民月令正月吳苑換劍
原相等研硃絕不厭擲會因忿怒穿必悶涼炎此石聊
堪語何時得免點贈來斗鑑重擊出衆人瞻力藉他山
助詩將險韻拈會須勤拂拭細校鄴侯籤
贈寫真金壇荆楚珍兼懷于翁傅巖
白傅傳真煩李放蘇髯題句贈何充凌烟將相尋常貌
嬾寫褒公與鄂公

質園詩集

卷十四

七

宦海波濤閱歷餘饑寒富貴兩華胥世閒那有真四聲
勞動長康置幼輿

昔遊冉冉散雲烟小別南徐已八年記得九宮橋下泊

孟婆風阻米家船

九宮橋在金壇郭外
春時常起孟婆風

縱宕當門水一方釀成琉璃液滴糟床煩君爲報于從事

要試鵝兒破壳黃

博藏家善釀
會許見貽

寄南村曾使君

南村先生廣德守平生好詩兼好酒我從初夏到東軒
意外相逢重握手脩篁繞屋碧似雲圓月當筵大於斗
攜將陳祖勝醒酬投以新詞報瑤玖我詩實少傾城顏

此作施嬌愛忘醜劍因華土始光芒錦得獨樹黑掌指
餘子碌碌安足輕此意拳拳豈不朽先生仕學原素儉
從政還能探二酉卽今四十未踰阨每有聲名動僚友
感君謂我老識塗要取文章定臧否昔功欲面達摩壁
博物難知貳負批明年訪舊泛桐川好試屠蘇剪春韭

晨起見微雪

一鵲踏枯枝欽羽帶寒色六出未成花墮階已微白當
此欲雪時念彼無衣客有爐不敢擁溫飽荷天澤

至日與仲小海論詩南寺時將歸里并以錄別

寓衛多時賦式微可堪搖落失芳菲宗雷姓氏芙蓉社

質園詩集

卷十四

太

屈宋才華薜荔衣南寺談詩僧共聽北風釀雪客將歸
閒身只合跏趺坐托鉢擔簦計總非

文章同調幾人存此事相期一細論齒爲太剛君忽病

小海方

舌如可用我難捫幽蘭在谷香原淡良玉經冬

性倍溫奕局繽紛都問遍還山要杜了翁門

白日黃鸝卵西邊無端催曉又催年緹灰漸動知長至

玉體橫陳見小憐

時與小海共題
玉體橫陳圖世事易迷三里霧生

涯未辨五湖船那能更憶昆陵闕答鳳輶鸞逐散仙

碧漢丹霞路甚遙子衿我緩兩萍漂劉賈對策推同輩

願卿爲郎歷數朝伏水抱珍龍自愛乘軒得勢鶴方驕

滄江歲月忘青瑣欲赴溪翁社叟招

周崑來畫龍歌

周璘畫龍兼畫雲雲龍繚繞勢不分片鱗半爪含靈怪
只尺縱橫皆有態當時何處見此龍或出或屈無定踪
探珠向稱劉夢得寫照近擬徐微中一朝開障懸素壁
如睹蚴蟉下空碧滿堂四顧忽改形白日光寒飛霹靂
龍兮龍兮汝能通天還入地胡爲乎有欲卽遭人所制
君不見上古參擾官後世支離藝作餐素洛飽失水余
且利隨身變化忽升沉信手丹青直游戲圖中龍何足
異

質園詩集

卷十四

元

題秦淮水榭圖

南都芳跡未全消禁得花朝與雪朝宮體輕華青鏡管
春波宛轉赤闌橋豈無柳意迎雙槳賸有鶯聲送六朝
誰遣含毫傳麗景又添新恨上冰綃

朱閣十里盡河房文德橫斜武定長烟月特畱邀笛步
綺羅宜對聽箏堂夢華易散寧無錄勝業重來但有坊
慘地落紅收不起江南到處曉風狂

屏敞金鷄佩玉虬芳辰肯爲少年畱當筵鉞撥初成調
隔岸珠簾半上鉤淺黛三分舒細意橫波一抹入新秋
笑他宗炳風懷薄冷淡溪山作臥遊

旖旎韶光不厭遲費渠八尺魏塘絲綠風紅雨原非畫
鏡檻香臺合有詩芍藥忍消前度艷鶯鶯誤被幾回欺
披圖認得青溪路卜宅他年我最宜

長洲李弘夫先生七十初度川東坡次李公擇梅

花詩韻爲祝

龍龍久藏身不受春雷動幽人能出世不遭造化弄俯
仰百年閒往往忍飢凍願與幾炎游恥爲鄒魯開憶君
初詣余欸門無僕從論文意自合攬景目同縱直樂追
啟期善交得平仲惜哉曠代寶未隨方物貢國家設科
名衡才審輕重恠或海嶺浮細或山禽哢誰解倚那磨

質園詩集

卷十四

三

徒慙矇眊諷滔滔力難挽耿耿心長痛蓬壺亘東瀛河
華鬢西雍閱歷稍不舒卽墮沈迷夢先生勤學圃垂老
還執種能扶大雅輪獨向修途蹉跎節序移薜蘿琴
尊共年高杖有鳩客至門無鳳多生本寂寥此腹長空
洞觀象知永貞吾道存繩纆

同年王侯嚴編修引疾歸里自號退翁頃在吳門

相晤以詩爲贈

觚稜回首九霄中署得新銜是退翁六鷁飛來寧有影
回時成後却無功絳裾免我麒麟楨爭關由他蟋蟀籠
舊侶秦淮雲散盡一尊今夕復相同

陸涉園太守爲李碩夫刻在亭文藻開其高義爲

賦此詩

流水無心成古調名山不朽屬高文在亭便是元亭路
應有桓譚識子雲

李賀一囊多散失和凝百卷自雕鐫吳門勝事人知否
太守名同處士傳

奉酬少司寇彭芝庭先生

林下重相見鬚眉尚未蒼先生眞孝友餘事在文章冰
雪酬知己登臨憶侍郎十年應土吏情舊敢升堂

執法辭嘉石承歡奉板輿還鄉身自在將毋意何如愛

質園詩集

卷十四

主

日冬兼夏看雲卷復舒誰言金紫貴問答到樵漁

質園詩集卷十五

咏史

會稽商盤寶意

絕域車書選選通王師不蹙寇兵窮捐金善川陳平策
持節重論魏尚功玉壘浮雲連紫起錦屏殘雪入春融
豈知第一安邊畧早定虞廷贊拜中

碧油幢下響弓刀飛檄紛紛集據曹敗後衆謀無馬謖
平時坐鎮有韋臯縱擒莫道征蠻易父老皆知論蜀勞
繪像麒麟徵故事就中何將最勲高

賜第連雲降鳳鸞天書初展紫泥乾中台劍履還留座

質園詩集

卷十五

一

上將旌旗別建壇襲爵恩尤隆祖父入官見亦具衣冠
平生恭謹朝端重莫作尋常外戚看

雲梯百隊齊前驅攫虎何曾怯負嵎鼓角忽驚銅而具
風雷漸散鍊浮圖雅歌那可臨強敵善飯眞宜用老夫
失笑嫖姚身不敗但邀天幸擊匈奴

西南新築受降城專閫宣威在此行回紇萬酋齊下拜
尉佗一詔早輸誠聚將稊米知疆界挽取滄溟蕩甲兵
多少武功垂汗簡古今青史待誰評

重經建業有感

地是銷魂地人仍失意人長干虛後約短夢隔前塵浴

浦靈應感恒河婢或喚板橋曾有記絕艷恐非真
北里溫靡界南朝蘊藉名瑤花仙不老貝葉佛無生宛
轉迴珠箔興亡問石城憐他陳叔寶抵死爲鍾情
前度臺城柳依依學漢南婦人嬌已失對我別何堪撲
蝶芳筵散翔鶴舊路語烏絲與紅袖楚客幾回酣
暫繫舸舫纜重來揖蔣侯江山長遶老陵闕易生秋墮
珥空遺跡聽箏尚小畱誰家新燕子接翅入朱樓

自題降魔圖

十笏居士房中藏失宇宙天神獻玉女欲與禪力鬪瓔
珞寶華髮燦然難幾被智燈無量光照見廣延袖漢殿

寶園詩集

卷十五

七

掌初擎楚宮腰自瘦作態億萬千奇幻難窮究娟娟月
印霄冉冉雲離岫風迴車轉輪進拆卦分繇嗣如鴻戲
海矯若鳳翔圓流峙川嶽交開闔陰陽姤盡道韋提美
不比鳩槃陋要非本來相皆以妄念就如露如電泡爲
妖爲蠱冠此時跌坐人垂眸等矚瞽但持妙明心豈畏
毗羅祝八垢魔能擾六通佛所授自在現牟尼氣氣聞
篤懽俱匪破懸崖善覺馴猛獸法苑得真詮了了無掛
漏善哉不二門獨許淨名扣

自題簪花圖

年年無賴憐韋曲夜夜相邀宿杜陵結習未除聊作戲

降凡天女在家僧

別苑春深爛若霞紫枝梵插朝簪斜縫紅衣紫非常貌
然然吾家解語花

偶占溫柔第一鄉安排輕脫對羣芳金釵有分應知足
絳塵何勞十二行

素手重臨入手好惜花心事養花天笑他韓令成功後
不作人間富貴仙

朝酣夜染倚雕闌小朵偏宜玉葉冠何似汝陽誇絕技
一枝紅槿滿宮看

金帶圍兼玉帶圍少年榮願長年遑那能更記春明夢

寶園詩集

卷十五

三

壓鬢濃香侍宴歸

題春泉圖爲天都汪攻石

倪黃筆墨是雲烟寫出深山雨後天忽憶右丞清絕句
果然樹杪百重泉

虛阜天台景若何銀潢千尺瀉巖阿殷勤畱與山翁聽
一到人間便作波

何處仙源可避秦洞中鷄犬武陵春桃花莫遣隨流水
元亮荒唐賺殺人

新安曹進士以南有山都畱別詩綿邈深婉得風

人之旨讀罷恨觸於懷依韻和之僕自雍正庚

戊申縣令改官侍從於乾隆戊午陳情乞郡浮
沉中外幾二十年每有門生知柳子
厚向後不堪把玩之時方服除義雖退伏恐
又續東華一段塵土錄耳

瞻龍宮殿照金烏和鹽醃珠列五都敢以疎慵負民社
許教遲緩到蓬萊凡禽也感荷韶奏貧女翻驚錦繡襦
如此登瀛真意外黑頭原不望公孤

最高寒處太蕭瑟慙愧文章驚雋毛長抱南陔遲暮感
忽辭東觀校讐勞舉頭望闕佩褰遺拜手陳情納陸高
莫問大羅天上事玉堂清畫罷揮毫

質園詩集

卷十五

四

十度賸涼換葛裘離奇宦局蜃成樓驂囑國外寧非馬
蟬詩中早得秋照夜待求無盡燭阻風其奈未開舟
南朝最有鶯花債屢作長干大小遊

傀儡盤鈴負夙期暫乘小駟也相宜前朝韓氏桐孫在
舊巷王家燕子知東作尚無歸老計北征將有紀程詩
素衣未可憎京洛何處風塵不化緇

沈南蘋畫鹿歌

山深樹老石犖确下有雙鹿行踟躕瑤光自向巖巒散
野性不知塵土躡沈侯作畫最通靈活虎生龍手能貌
茲鹿見慣不足奇寫出性性兼濯濯要從絹素露精神

豈但皮毛逞斑駁上林禁苑付職司參養難忘主恩渥
禦邊有力觸何奴謫諫無人似方朔君不見人間五鹿
何侯安得朱雲折其角長安地遠風寒日暮
天重雪重試鳴鵲走險安能擇死亡爭先未免
微服遊更使片試鳴鵲走險安能擇死亡爭先未免
不如玩畫淡營求兩兩伊尼歸掌握燕閒得夢
本非真太史方占鄭人覺

沈氏園看牡丹

芳信何勞蝶使探越昌風露曉來含玉盞小樣休相擬
金屋深藏尚未堪忽有春光歸掌上料無遺恨落江南

質園詩集

卷十五

五

名花合與名姝並漫撚天香醉後簪
姚黃歐碧總嫣然旖旎風懷到酒邊天上不知何富貴
人間誰信有嬋娟貧思傾國原非分閒愛嬉春豈礙禪
莫道對花增悵望最多觸近是中年

繡經有悟再和簡齋自懺詩四首

吳蠶偶盡尚留絲綺麗情濃懺已遲奉佛新街無量意
懷人替恨未寒時聽殘箏語原多悞隔斷簾波便不知
草曲年年春自好看花難定再游期
荒唐片石證全虛感夢渾疑惜別初度索蟠桃空有核
洞庭社鷺竟無書從前放鶴難招鶴此後騎驢莫覓驢

貝葉一編香半炷悟來何念不消除

番番芳信巧相違催促春光背我歸鹿女去來隨露電

美人涕淚珠璣玉窻不似歲時金縷還聞布施衣

破花開又花謝蝶採蜂採計原非

宿業新緣刻意剛深於滄海重於山莊嚴要閱三千界

髮齊休思十八髮餘當何須勞魏介衰顏漸已近張環

鳩盤木利無妍醜直透禪宗第一關

題萬壑聽泉圖爲沈桐主人

騎龍赤帝臨南方童童火傘森高張展圖一笑逢幽境

凜然六月生奇涼丹青誰設迷離色此景人閒安可得

贊園詩集

卷十五

六

叩壑真宜謝幼輿田園自樂陶彭澤山雨一夜泉百重

琢璫漱玉鳴琤琮其下有蹲虎蟠螭之怪石其上有凌

雲蔽日之長松倚松踞石人蕭散十載巖栖與川觀天

遠方疑蟠螭垂林深不覺冰霜泮特煩妙手寫閒身拓

開八尺鵝溪絹望去名心便已輕坐來凡骨應堪換乃

知世外明明存福地滿堂動魄稱靈異就中有客感流

年曾到南康秀峰寺我從四十專城居得閒往往游匡

廬匡廬瀑布天下絕倒瀉銀河千丈餘野老輟耕看題

壁高僧止宿邀停車追慕勝概驚過電此圖持較當何

如

不得赴廣德別曾南村以詩寄意

曠代論文幾夜同南村大筆似南豐荆川路遠雙魚杳

蕭寺人歸十笏空密意半綿芳杜若多生憾悔錦香籠

庚桑只合三年住又別山居入軟紅

擊鉢琤琤舊賞音江山一碧罷登臨逢人敢說官爲累

愛我無如子最深把酒豈能忘北斗贈言直欲報南金

吳頭楚尾重延佇草長鶯飛歲歲心

和張繼清粟蟹詩

我聞郭索中蟛蜞稱最小茲蟹更不如怪多緣見少一

匡乏脂凝六跪同縷繞取粟錫嘉名圖志無從考太倉

贊園詩集

卷十五

七

俗未陳滄海真堪渺求如火火足聚作山川巧誰信

江湖祇宜置行潦衆蟹在介族輸芒及秋早詎免左手

持部供大腹飽爾其細已甚橫行敢當道撥沙辭束縛

失水但枯槁釜鬻人或遺性命天所保一笑囊中藏莫

使錢昆曉

對雨

近午天如薄暮天知時好雨兆豐年風扶屯樹稜稜直

電劃江波滾滾圓爭殿龍歸雲氣外繞畦蛤吠稻香邊

今宵定有清涼夢畱取高朋對榻眠

挽書中乾蝶和孫生紹新原韻

廿四番中信不乖
盈盈脫顰一雙
借那知上苑花使
誤落會山積卷
素紙招魂還待
剪芳林雨恨最難埋
無因得上飛瑞
驕願化翩翩白玉
奴

會稽乾死案頭螢
此詩案頭螢
此蝶何辜赴查冥遺跡

長門千卷在芳心
已逐百花零
幾人東觀遙相引一夢

山草竟不醒
那及蠶魚成脈望
三回食字漸通靈

錦叢永別了貪癡
經史因緣有夙期
輪爾黃蜂猶逞刺

比他元豹僅留皮
魏收就學除狂態
謝逸含情賦輓詩

幸免兒童執扇撲
得親風雅死相宜

翠帶瑤裝爛若雲
忍看憔悴爲斯文
五車絕類蜘蛛網

寶園詩集 卷十五 八

雙翅同歸蟬蟻墳
翰墨餘芬全未散
燕鶯舊侶忽長分

自從困守陳編內
消息南園總不聞
音張協詩蟬

栖身玉軸與牙籤
粉褪香消亦可嫌
鄴架曹倉成浩劫

巖花潤草隔疎簾
東坡詩潤草巖花自無
初遽未悟生

前化金碧還堪死
後拈省識殘魂歸
楚客書帷寂寂夜

祇厭綠如風流楚客魂

戀紫迷紅結習深
百城一進渺難尋
待呼蜀帝新愁訴

職作滕王舊諸臨
憂患平生綠識字
機華三月易沾襟

何能再入宮牆去
急煞嬾妃望幸心

就職有期別燕湖同學

息軫三年未覺遲
征車又命僕夫脂
塵埃面目逢唐舉
傀儡衣冠托僞師
盤谷尚無歸隱處
潁川空有再來期
臨岐多少蒼涼感
要與兒童父老知

自厭承明乞左符
全家清影落歐湖
平生肝膽平生志

絕代江山絕代姝
南部烟花猶入夢
西風燕雁忽分途

借書作會開相稱
除却黃州別郡無

芳辰肯使賞心違
夢日亭連弄月磯
受餉誰如何敬叔

兼才我愧尹翁歸
春秋老上新華髮
京洛塵沾舊素衣

莫怪謝公會提鼻
人間顯貴本來微

剛風浩浩散鈞天
翹首觚稜一惘然
金馬已成前度客

寶園詩集 卷十五 九

玉釵何碍大乘禪
琅玕漸失三清事
嬰珞初開六結纏

官職詩名有除折
此生福慧恐難全

與環娘碧玉連環歌

玉環纖小不盈握
宛轉隨人去
主角淑質攜將滿座看

良工知是何年琢
踏天割取雲一端
化爲徑寸青琅玕

寶光入手極秋淨
瑋暈凝衣生暮寒
君不見方珪員璧

登廊廟此珮韜藏
向誰告漢水曾遊
肯見貽鄭風永好

難爲報我有侍史
顏如花皎皎與玉
同無暇一緘寄到

秋方半願得相連
不相斷

題胡秋潭扇頭秋江晚渡小景爲陳樞文

水蒸花開秋意滿
宕宕無塵望中遠
誰將一葉載寒光
點破琉璃去何緩
丹青布景妙入神
江南秋勝江南春
中流已有乘舟客
隔岸還多待渡人
關河滿目嗟行旅
蓬跡萍踪結儔侶
一抹斜陽自古今
但見蒼然下平楚
昔年剖竹來江城
涉江不受波濤驚
潯陽送客忽墮淚
固陵返棹難爲情
重游太息芳華晏
禽魚猶識勞人面
陳侯知我老江湖
催寫新詩仰家扇
惜別殷勤酒一杯
片帆要趁好風開
敝舸歇罷人千里
泯泯寒潮日夜來

聞暮潮

十載江湖浩宕行
寒潮有信水無情
夢回莫惜殷勤聽

寶園詩集

卷十五

十

流轉天涯是此聲

舟中排悶寄秣陵舊游

日黃秋老晚冥冥
百里程途兩日停
孤艇豈勞新月照
好山偏對暮愁青
穠華未斷槐安夢
解脫宜繙寶積經
轉轉帆移同浪跡
被天播弄作浮萍

巖雲澀雨鯉魚風
只尺長千路未通
紅錦贈貽憔悴後

碧城消息渺茫中
金人涕淚多年竭
玉女窻扉竟夕空

賸有閒情記南部
筆花落盡恐難工

曾住清溪判斷春
轉頭奕局幾番新
欸門看竹懷袁粲

時簡齋已曠代
論詩別謝榛
草衣朱山人亦向無復齋

泉追往跡可堪愁
絃管感芳辰
潯聲如鼓雲如墨
一散俱爲萬里人

登臨懷古意縱橫
遺事閒將舊史評
瑤壁有情歸靜井
旗旂何力護疑城
西風酸楚長橋柳
南國興亡故苑鶯
洗馬愁多難自遣
茫茫又爲渡江生

青衫一著便風流
吟徧鶯花倚徧樓
繞綺六街吳俗競
江淮自古禹功留
瞿曇懺悔煩黃面
騎省春秋易白頭
擁被焚香欠悵望
豈宜重問鄂君舟

烏絲絳蠟暗消磨
簪佩叢中有逝波
鵲鴝舞迴雲影散
鷓鴣典去酒痕多
飄零庾信長如此
宛轉桓伊竟奈何

寶園詩集

卷十五

十一

雨橫風狂春易老
江南花落淚滂沱

五畝猶存谷口田
歸耕難得在中年
未還鬱埽衣裳垢
已過寒暄箭釋弦
小駟幾人同入市
大羅一落不成仙
剡溪舊侶遙相待
乘興休回訪戴船

江樹江雲閱古今
中央容與發高吟
應時鷓鴣爭流響
識字蛟龍或賞音
昌谷嘔肝何日了
杜陵病肺入秋深
茫茫誰是真同調
蕭瑟成連海上心

句容道中

夢後歡娛醉後吟
韶光脫手卽銷沈
秋生建業涼偏早
日入華陽翠更深
老驥有途還識認
飛鴻無跡可追尋

西風透骨寒衣急敲斷荒城五夜砧

吳門東歸先生

東吳士論

皇恩荷始終但得烟波歸賀

不須冠蓋

青門祖帳舊曾聞許赴開鵠野鶴羣晚節不殊梁太素

內庭原識沈休文九旬鄭重還朝約百濯茵蕙滿座芬

長奉四香居士戒一身仙佛總難分

輓表弟劉鹿池

住世多艱與世辭懸崖擦手也相宜唐衢未了生前淚

質園詩集

卷十五

士

余愛其雙絕依韻和之

二樹山人窮不死陋室緼袍何足恥三冬漠漠閱冰霜

一腹便便貯經史示我寒香素影圖百升凋殘忽逢此

殷勤把卷前致詞中有故人心萬里想像明窓寫照時

挽回元化歸塵劫邊林下誰得見雪態雲容我能指

紛紛桃李自凋殘一入繁華失清泚嗟余行役歲將闌

旅夢還鄉水玉奴有信客未歸長恐衰顏到髮齒

平生愛詩復愛畫名士名花兩無比芳韶老去難爲情

筆墨通靈猶可擬作詩贈童僕寄劉欲采湘蘭佩沅芷

贈西林道公七十初度

腐糞花謝我別師木樨花發師招我蹉跎已隔幾春秋

一笑重逢話坎坷早歲皈依兩足尊游戲檀林無棒鎖

右軍要與世長辭靈運寧爲僧所可出家學佛本英雄

紅紫銷金直么麼見身說法官爲累作飯烝砂計殊左

師也能參最上乘發願衆

寬十萬兵藏藕還頗幻真全不落形聲儒釋何須爭水

火人從淨域悟浮沍天爲禪門存碩果常將菌槿視榮

質園詩集

卷十五

圭

華肯以蓋鋒觸函許春風乍動雪初消梅蕊當窗開數

朵九陌將沾冀北塵一帆未返江東舸寄語風流二老

蒼近我清齋共蔬蕨

歲暮北上畱別家人

景與年同晚官隨服共除北風涼太甚南浦黯何如逸

少忽辭幕昌黎仍載書多時青瑣隔鷺鷥生疎

桑梓平安里梧桐故舊家守貧妻不謫行役母長嗟待

自扶殘醉作花朝

少陵正感櫻桃餉小謝還吟芍藥詩春夢難醒人易老

江南愁在倚闌時

憶姑蘇舊游

近日東風不淡塵金閨曲折巧藏春桃花先放吳王苑

最小黃鸝會喚人

支硎十里路欹斜山橋無幃不用遮直得與夫爭道立

翻因小住飽看花

鳩工來往一年餘旅筴行厨僦屋居近海販鮮船到早

便從元旦喫黃魚

寶園詩集

卷十五

古

賞後韶光別後踪綠陰天際萬重重五更一覺牽情夢

正打寒山古寺鐘

題琴山煉魔圖

鬼母招搖鬼子呼不聞不見自然無煩他出色吳生手

特寫降魔第二圖

空空丈室下天魔離合陰陽變態多識破雄妍同一相

果然未利是修羅

聞鄭布衣在鄉力圖自食以詩寄懷

韭嫩松甘味不凡園官主領得新衙南昌賸有蘇翁圃

西蜀寧無杜老鏡未可素餐慚待獵更將清嘯奏韶咸

勞人漫作歸田計碧浪如山正掛帆

和童璞巖擁絮吟

大軫蠶絲迢遞貢少陵鯨鯢再三辭柴荆合擁蘆花絮

正是新涼薦爽時

清福福因小病留吟聲嚦嚦出衾裯笑他邊讓無宏量

作被安能覆九州

焚香原不稱高懷青翰虛傳越水涯和得蒼涼詩數首

風流重見貫酸齋

元貫酸齋有
藍花被詩

舟次淮陰重過程九菴江晚甘園有贈

凝眸彈指劃晴陰勝賞將闌別意深萍葉行踪寧有定

寶園詩集

卷十五

五

杏花天氣最難禁王裴倡和多傳誦淮海風濤自古今

每到會山一延佇積書巖畔好相尋

飲程原衡魚門緘齋昆仲西軒

江城風味厭魚蝦菱筍舒苗薺未花綠蟻古尊平氣樂

紅襟小燕管年華已辭蓬閣津難問再琢圭璋玉不瑕

此去金門少知己懷人遠夢落蒹葭

環娘至淮

迴身宛轉故依然小別重逢似隔年藥餌急須調病後

簪環親與卸燈前但教好月當三五豈惜春衣典十千

江北江南風正厲護花人祝養花天

上巳前二日攜環娘游晚甘園

一年難得此芳韶熟客重來不用招
研清軒外續花朝

衣香鬢影淡無塵絕代銷魂是暮春
但多名士佳人

推別入女散曼陀懺後風懷尚入魔
水邊其奈此人何

如酒韶光著體酣綺情禪意要深參
雅集何須繪晚甘

南園藤花

質園詩集

卷十五

七

芳信來時淑氣晴龍蛇滿架作花繁
不入東風廿四番

偕純江過邊頤公葦間書屋

叩門美竹幾回看問訊先生杖履安
卽無秋氣亦禁寒劇憐遲暮真同調

世外烟波入付與水蒲風絮五湖寬
一擲儒巾意浩然儘多月地與花天

豈有高人不永年著屐何妨來市上
丹青游戲原餘事便號倪黃亦可傳

重逢行 有序

梁溪林建中以韓欽名號客都門館於溧陽清

內翰予方應京兆試得暇相對甚歡明年入

史局潘公典學西秦林生別去三十餘年昔

阻絕今春淮上程魚問兄弟邀飲知僕嗜聲律

陳列絲竹忽與生醉藉追憶舊遊月地花天猶

恍如夢薛譚無恙非復轉昔芳韶韶風度矣酒闌

不能已於言爲詩贈之并以自念嗟乎茲幾

何君將白首生涯如此我尚青衫綠帶野深

情不待渭城再唱也

東風吹綠沿堤柳訪舊珠湖春命酒主人張樂爲樂坊

質園詩集 卷十五 七

質園詩集

卷十五

七

振箎彈箏皆妙手就中有客家無錫隔坐相看尚相識

常筵起立撚髭鬚把袂歎歎訴今昔我從弱冠游 帝

京僦居曾記香爐營密通往還潘太史談諧跌宕倪先

生當時方下黃門榻衡宇相連賓不雜醉倒常遺玳瑁

簪歌闌猶照珊瑚蠟豈知人事等滄桑華月韶年漸渺

停一尊慷慨難爲情休教衰浦愁中夜重聽梁州意外聲

渡淮而北觸景皆涼追念珠湖燕游之洽因寄程

氏兄弟

催詩劍鉢幾回敲惜別題襟我自嘲淮北木奴將化枳
社前燕子未安巢聽殘漸瀝芭蕉韻護好輕盈荳蔻苞
韋杜春光太無賴就中豈少歲寒交

維舟黃河口聞星垣弟自許昌辭職入都相隔數

十里恐致愆面以詩達意

欲將握手慰蹉跎奈此孤舟兩地何失意弟兄應白髮

寶園詩集

卷十五

六

同時舟楫阻黃河春令原上無芳草鷓鴣聲中有逝波
我最工愁君抱痛豈宜對舞共婆娑

守風

只尺仙槎路可通客程猶自嘆萍蓬寒途未進天妃廟
異命重由長女風岳牧咨時堯有警淮黃合處禹無功
大川利涉平生志老向江湖作長翁

晤星垣法意珠幄諸弟賦贈長句

端憂逢異地篤愛勝同懷破產還歸越登艤遠眺淮

曉登樓征衣塵土共旅食弟兄皆歌咏三年耐花期九

陌佳歲星漸曼倚博侶憶洪厓落落鵝鸞序沈沈芍藥

堦仙凡真不定才命互相乖失職寧因吏制詞首類俳
風緣千佛座舊俠五陵街厭看宜春戲堅持苦行齋心
源息淵浪意樹護根菱鏡掩蛾眉歛臺空駿骨埋那能
工嬾嫵豈敢避擠排無路通重囑何人識古欽安危關
大老窮達任吾儕仕宦餘冰漿江湖足菜鮓撫躬知進
退論世得模楷消遣書兼畫登臨杖與屨孤鴻燕雁
勁氣禦狼豺報國身雖逸承家志未諧短章仰別緒對
面卽天涯

聞家叔又南先生解曹邑之任以詩奉慰

雄才難展最清時爲政風流恐不宜人惜陳遵初被議

寶園詩集

卷十五

九

我知王湛本非痴還鄉未種千株橘賭墅聊收一局棋
聞道急流須勇退歸田白髮已嫌遲

陰平道中

柳絲初拂杏苞含冷地風光最不堪惟有遙山相慰藉

淡眉一抹仿江南

東阿懷古

懷古情於此地深名藩遺跡入登臨靈歸洛浦無羅襪
夜靜吾山有梵音八斗才華終寂寞三分疆土亦銷沈
行人莫問黃初事落日平蕪蕩古今

大風過高唐州

十二巫峯夢渺茫此州名亦月高唐曾無暮雨來神女
翻有雄風王王淺水生波增浩瀚殘花離蒂尚輕狂
楚天齊地俱塵土流盡騷人薛荔裳

由獻縣至河間有懷郡伯王西園同年

瀛海抱城雄蒼茫一望中賢王爲善樂蛇女數銘工幾
輔程將近車航路盡通凝香思太守燕寢與誰同

白溝河

一水環衣帶當年作戰場幽燕誰收繫遼宋此分疆
廢雲猶黑春深草不芳停車久延佇古戍隱斜陽

質園詩集

卷十五

辛

質園詩集卷十六

會稽 商 盤 寶意

送同年楊編脩榜同歸宜城

賦歸山顙不虛梧桐秋色點衣初高吟供奉臨風句
近傍都官異代居苑柳宮槐猶入夢蕭奴鄭婢總知書
宛陵詩體篇篇好肯使清華擅庾徐

題章侍御容谷沈姬傳後

一星如粟忽銷沉忍洗多年拭泪襟淑質自兼才貌德
幻緣竟昧去來今宜家豈可勞磨墨斷夢何堪憶抱衾
賸有人閒新舊感將縑比素意誰深

質園詩集

卷十六

一

燕衣問夜事如何驄馬朝回恨最多小照曾題周少隱
宋周少隱有題永年未及杜支婆陸放翁家乘曼殊那
得留塵界精衛空思塞愛河莫過菱湖舊時鎮西風瑟
瑟晚生波年家典典

與樸庭別八年矣蘇若都門以詩申意

竹碎胡琴遠近知宜陽感遇可無詩玉經屢賦方稱美
珠爲多求反見遺漁父桃花迷舊路鳳雛桐樹集新枝
東塗西抹原堪笑一到中年更不宜

梓里芳游舊跡沈行時聯轡坐聯吟陳琳書記工無匹

鄭亞交情久更深

指宋方伯大海豈宜長狎浪高山畢

竟待知音博他一第何輕重不朽文章自古今

題魯秋勝太史鏡湖歸艇圖

瑞草含春次第芳老仙相對鬢眉蒼重經海上三山晚
忽憶人閒五月涼驚驚桐花辭舊侶蛤蜊荻葉問橫塘
披襟大有烟霞氣畢竟難拋道士莊

臥城小月夜嬋娟分袂停尊惜此筵梁燕叩泥無定壘
江狹鼓浪有歸船靈光殿在天應護長慶詩工世早傳
一事休教成畫餅西溪卜宅待來年先生有卜居西溪之意

寄懷嚴海珊時宰長垣

藝苑堂堂要鼓旗鵝鵝雄陣向來知洛靈徙倚陰陽合

質園詩集

卷十六

二

海氣青紅頃刻移累我春明還入夢懷人歲暮共題詩

余與海珊各有成集懷人詩多生結習真難破起舞聞琴亦太痴

水荇溪各一灣托波通憐有機關頗同嗜好酸鹹

不待風雲杵臼閒珠已遭探驪尚睡林將向晚鶴應還

定知此夜匡城月照見詩翁兩髩斑

吳甥芳甸自上谷入京以詩志喜

應制題詩憶乃翁池蓮猶照講堂紅今年建業蓮池書院

召試蒙賜合包先是尊甫樸庭亦天教綺歲承君

以獻詩受賞父子遭際真異數也賜人道賢甥得舅風吳興嚴海珊甥詩殿云何無總

總雲雄涉遠童童火傘正當空乘阜父子皆名士飛

微傳看分外工

通州感舊

路河依舊碧鱗鱗往跡難消席帽塵載酒園亭多易主
重看弟姪已成人任離更苦家爲累困足方知國未貧
吳楚帆檣紛在眼太平何處不通津

題石帆學士海淀園居

朝來雨洗軟塵紅廢苑斜連禁苑東鎖鑰密封金屈戌
瓊環婁斷玉玲瓏豆分瓜剖寧嫌少物換星移自不同
惟有新蟬知客意數聲吟透綠陰中

西山爽氣最相宜挂笏重看歲月移儘直已迷前度路

質園詩集

卷十六

三

綺紉况失少年時頗聞館閣客虞集未敢家鄉隱戴逵

珍重雲霄諸學士江州曾有寄來詩白樂天在江州有寄三學士詩

謁座主少司馬孫公寓齋賦呈一律

續紛世事等恆沙安隱扶風舊絳紗人對古桐增靜穆

通理天雷拱壁鎮浮華重來漸失登瀛侶老去還停問

字車彷彿已公茅屋下齋期欸客具茶瓜時因齋

送朱太守南湖赴任金陵

淮海曾稱太守賢多時鵲退始驚遷陳花隋柳都相識

却怪來遲十六年南湖於雍正十二年守淮距今十六年矣

東南士女望巡方第一江山數建康置頓特煩新郡

長不須重遣度支郎

用唐書唐貞觀中東都府長史大長安府長史大長安府長史

八旬壽母髣初華迎養何曾異在家到日承歡風味好

後湖鮮菓孝陵瓜

南唐事太夫人最孝

大小長干憶舊游絲絲老柳板橋秋使君行部寒帷過

爲我殷勤問蔣侯

余自乾隆庚辰別金陵兩更歲時矣

送鍾岱峰奉常歸吳興卽次甯別原韻

白鵬振翮一籠開海濶天空任去來儘可高陽里中隱

慈明兄弟最多才

兩郎君俱登鄉薦

千古知音第一流牙期迢遞憶前游江湖疊嶂高於屋

安隱苔南到岸舟

質園詩集

卷十六

四

次韻送同年周夢君歸吳門

處爲騰躍出沈淪若若纍纍易受塵青史未曾譏拙宦

白雲寧不念慈親龔黃典郡多遺愛曾聞承歡在守身

奉檄絕裾皆失策古來祿養是庸人

送梅天氣似迎梅坐雨禪扉盡不開百寶莊嚴飯梵域

十年宰相問鍾灰燕臺饒客催驪唱楚佩含芳托鴉媒

鄭重坡公寒食約梨花如雪勸歸來

萬事離奇一現花久留肯作眼中沙專城氣色曾驅虎

寓意文章在捕蛇栗里儘堪消歲月剡川也擬乞官家

利那已失芳韶景脫帽驚看四鬢華

秋榜春闈同甲乙北轅南枕各風烟歲當五十應知命

界入清涼卽是仙老去應煩思用書來樂殺悔辭燕

臨岐漫說江州淚我比香山更可憐

戲和沈宛門照鏡始見白髮

霜華冉冉曉來濃四十年餘作太翁

余年四十爲爾解

謝道自解黑頭原不稱三公

照殘秋水嫌衰態享盡春風失少年一樣落花禪榻畔

最銷魂是在樊川

鍾情老不諱風流侍史凝妝未下樓豈可水晶簾底坐

半頭白雪看梳頭

質園詩集

卷十六

五

十八年前侍玉墀歲星今已髮如絲阿環偷覷遭嗔怪

曼倩何曾是小兒

飲費員外筵浦寓齋

永注無迴瀾電制無畱影百歲轉移中堂堂復鼎鼎憶

我爲史官逢君居畫省朝回騎鶴聯坐久燭長乘春秋

十八易前踪如斷梗我貧乞散曹君累掩微青雲氣迷

天鷄珠輝歛海塵未可金躍冶祇宜錦尚裝得閒爭界

閒知足幻緣屏珍重歲寒交頻來惠然肯

挽同年林桓次編脩

廿年同譜比同懷霽月名花舊約乖示我放言猶在篋

編脩有放言 看君擦手竟懸崖金魚尚憶從前解玉樹

詩四十首 何堪此後埋鬼錄模糊仙籍秘古來福慧草難皆

何處離離玉界寬聞思往事最心酸國書共爾探中秘

家累憐余乞外官遲日未舒花穩重遠風曾報竹平安

豈知十二樓前客一夜鞭笞返鳳鸞

畫裡秋容對翠屏西山游騎幾回停編脩會兩遊西山詩紀勝屬

余跋後向三生不昧椒花寺五蘊先空貝葉經殘雪飛

鴻安有跡承塵集鵬豈無靈侏儒莫笑金門聽曼倩依

然作歲星

持藥脩文日勞柯亭風露太蕭騷西清秋冷無餘條

寶圖詩集

卷十六

六

南海魂歸有怒濤絳淚未消宮燭膩黃墟漸失酒人豪

重踏休嫌晚猶及登牀一慟號

再赴浣心章秀才素食之招紀詩二十韻篇中偶

作莊語意在返樸勿訝迂也

昔有黃將軍製腐十二種享客曾賦詩至今食指動

結執黃將軍錦水會茹齋本自佳擊鮮誰作餽看一

以黎神十二豆燕客金直餐費萬錢奉受病必損腸破產不旋踵滔滔世運

關惴惴予心恐先生古意敦肯為豪俗聳東蔬野老貽

中饋細君董趙舫舫不肥菽乳乳無滷儘可登盤匪休

或出斗桶憶我初遇君嘉招已承寵知足苦未能望蜀

緣得隴赴約續前歡寧辭應務冗調鼎厨饗勞當筵小

童捧進將桑肥甘并以放馳驅鄙夫盈市朝飽德培耶

董風因挽始移道在果而勇主味自津津言任詞詢

少兒多所怪索車馬背離懷哉素心人勿厭足音荒

也車侍御容谷深柳讀書堂圖

火雲如錦高百尋下映冰雪襟展君深柳讀書卷

滿院涼生此境清涼非寄托意中原具真即壑

曹倉鄰架况相連享盡閒身讀書樂憶昔初為畫省郎

入官學古君所長朝回隱几夢蒼苔負此繞屋玻璃光

特遣丹青摹勝槩寫成柳下三閒堂垂絲漾絮參差好

寶圖詩集

卷十六

七

接葉巢鶯鶯尚小疎簾半捲雨方收人在盈盈暮春曉

即今幾度歷風烟張緒全非舊少年牙籤玉軸幸無恙

屢看脉望成神仙我來握手論塵劫束笥陳編猶在篋

平生不悔沈攸之老耄寧耽衰伯業明窓玩畫感慨多

一尊會合雙頰酡染衣有徵亦偶爾開卷無益將如何

學易知君大過寡題詩容我親風雅其戀家鄉碧浪湖

且乘御史青驄馬

蘋蓼果

昔聞我佛唇赤好如此果善哉妙莊嚴比擬亦殊可此

果產北方盛夏實磊砢鮮似霞光爛潔猶玉色瑤名婆

太荒唐與姝同婀娜紛紛杏李桃其細等么麼辟談江
珖柱能不思願采質錢以盈筐作策未云左會向兜率
嚴一啟寺門錄

爲程魚門題晚甘園餞別圖

晚甘兄弟就印室故取珠湖青一角我來記得暮春初
餐勝同登最高閣花前度曲每憑闌雨後泛舟長繞
郭偶然倡和繼王裴如此園林向京洛將離恰放玉盤
盃惜別頻傾銀鑿落坐中有客善揮毫日下何人非獻
璞法源古寺城西隅十笏禪房手重握爲君展畫還賦
詩令我繼續東風時

質園詩集

卷十六

八

哭史侍御栗齋

弭節瀛洲共拍肩六君舊咏至今傳乾隆丙辰吾鄉預
館選者周念山應
宿張心葵麟錫潘筠軒乙震羅蒼山世芳王鳳山秉和
及侍御共六人會賦六君咏紀登瀛之盛十五年來相
繼凋謝惟筠馬周早逝遺章奏賈誼多憂損少年殷壯
已無邪可觸人間唯有壽難延誰憐旅櫬還鄉後絕少
雷門負郭田

玉宇稜稜自古寒甃時執法惠文冠也知氣運關桑梓
其奈風霜鍛羽翰馳馬西臺成結局梨花左掖記同看
中年觸迹原多感此淚沾衣更不乾

哭萬循初

海內論同學吾推萬孝廉名成天亦忌慧極福難兼
照安能挽旅館暫停沈疴不可砭都侯身後發散失舊
牙籤

密密慈親線盈盈少婦機別離生最苦漂泊死安歸授
簡梁園香閣魂楚些微斯文吾黨痛不止淚沾衣

送潘筠軒編脩還越

昇平朝野總君恩扁舟將出處論結社未應歸白
傅種蔬早已賦黃門一竿遠拂珊瑚樹八口同居薛荔
村此去撫松深閉戶簪紳勝友老猶存

蛾眉班姪近瀛臺耳筆多年却費才飛鶴宦程三舍退

質園詩集

卷十六

九

冰歸思一籠開身從冰雪堆中出夢向鶯花課裡回
笑喚山容易別故鄉處處是蓬萊

題京口萬少滄詩集

昔年攬勝到南徐文藻江山兩不虛叩戶每停袁粲駕
過橋曾訪許渾居半通綬綬眞如戲九陌論詩祇讀書
慚愧使君稱越客千絲結網向來疎

九月十三日晚聞雷聯句

庚午九月秋陰陽失調順昨過君平肆占得卦爲震意
今朝果聞雷薄暮勢尤迅萬就就無停機填填有餘奮
萬怒龍萬發鳴堦入千林振車因阿香控鼓以皓師進

發聲雨應期作氣雲排陣芳天威不可測地軸誰爲運
洪範紀煥寒恆若重明訓春秋書無雷出地長男吝
嘉祥赫臨下土號令帝所恆厚當欽以藏道異前而鎮
通屬爲北海翻殷道南山近芳雖非搏擊宜能清妖服
學教亦類兵則功原同散潤觀化此詩默向蒼蒼問

恩吳甥芳甸下第次前韻

巨舸泛江河揚帆待風順潛虬困泥塗起蟄驚雷震氣
機旋轉之中分遲與迅我甥統緒年有嗣健能奮宜償
雪案勒早望雲衢振華易得兼山欲進爵未進方觀瀾

質園詩集

卷十六

十

上軍誰識淮陰陣三載一開科文風關國運臨軒命
使臣屢下清真訓旨酒共笙簧肯向嘉賓吝愛憎寧敢
私取舍須知慎倘令妍醜淆難將浮躁鎮委懷一第輕
發篋三冬近博覽得所歸探微求其藪此事如理家
富屋能潤榮枯任乾坤搔首安足問

送程二魚門歸淮

國家歲取士將以言舉人所取已非古况乃失其真今
年試京兆各獻希世珍君從林下至翠色雨衣巾黃鐘
讓細響碧漢多迷津反求或無怨旁觀氣不伸浩然歸
江淮謝此十丈塵玉體善自愛秋蘭紛可紉

夙吟太白詩坐惜故人去無計可留君翻怪經時住浮
生之定踪飄若風中絮海晏變青紅天鷄失昏曙所歷
皆幻緣觀空得了悟霜露凄以繁輕寒犯徒御一尊愁
未盡落日西山暮七十二長亭知君念予處

冰床行

虹藏不見水始冰繞城百堠玻璃凝渡河來往作平地
斷木爲床出新意涉險如登衽席安渙羣不藉舟航利
吾聞周禮凌人職有司春秋無此則書之按期鑿納供
祭享不聞蹴踏相娛嬉兒童得勢方爭勝履薄臨深輕
性命邀頭彩鷁暫消停濡尾小孤長竊聽明年二月春

質園詩集

卷十六

十一

氣融鯉魚噴浪桃花紅茲床無用推不起看我揚帆行
萬里

微雪偶成東石帆學士

僦居重繾褓東華冷淡生涯漸漸加作客殘年無幾日
卷簾小雪不成花寒消紅玉爐中燭晚急黃塵陌上車
料得謝郎衫袖澆退朝騎馬正回家

歲晏抒懷

疑網新來退幾重情緣漸淡道緣濃鷄聲喔喔頻催曉
花態珊瑚共忍冬琢取豐年三尺雪聽殘遠寺五更鐘
登臨莫恃身強健明日看余曳瘦筇

前度西清脫籍身，雙輪猶簇六街塵。
賈傅休爲歎息人，散到襟懷寧肯與。
祖洲凝望迢迢甚，一別何須再問津。

覆盆門低豈不開，車聲遠近殷輕雷。
奇石斑多爲薛若，天上石雲垂蓋海。
梁園猶授諸賓簡，獨讓相如作賦才。

擊鼓聲喧凍未蘇，朝天舊路憶曾趨。
楚佩將貽宋大夫，豈可問身長龍髯。
第三廳上非常冷，載筆誰言勝剖符。

片祿新叨荷，聖恩千峯萬壑近。
聖恩千峯萬壑近，荆門疎慵正喜苗。

賈園詩集 卷十六 上

辭駐劄方知武守尊，寅吃卯糧身更累。
有碧色眼初昏，開中閣遍升沈局。

燈火通衢密復疎，佛狸虎價何如五侯第。
萬念穠華歲掃除，短夢自甜宜獨枕。

他鄉是寓還非寓，久戀并州當故居。
分韻題牋共較量，無多故舊話蒼涼。

預恐新正碌碌忙，免我敝裘存質庫。
淋漓滿酌椒花雨，側弁還能舞一場。

一甥二子影團圓，絲蟬當筵笑語歡。
微蟲何事更號寒，政譏朝士麒麟楮。

欲就先生苜蓿村。

寂寞自嘲旋自解，黑頭令僕古來難。

暗愁擾觸此宵多，憔悴塵顏借酒和。
記來俊逸曲偏謔，南枝那見花含蕊。

雪後孤鴻來又去，自留爪印自消磨。
掉鞅名場最少時，蒼茫何處得安期。

除夕

鴻爪迷離驥足奔，凄然勝得此黃昏。
一命圭符荷，國恩翊美佳山無歷口。

賈園詩集 卷十六 上

溫吉人吉語比鄰少，鏡聽何須夜出門。

昔夢金陵復廣陵，遊春百韻綴詩能。

蜃偶成樓不可登，舊侶半爲垂老叟。

祇餘文字緣深重，舌本潤翻口業增。

九陌重爲擊累雨，執鞭誰道富堪求。

鄉里真慚馬少游，蟻國功名兼將相。

東方聞有千餘騎，蹴踏何人在上頭。

蕭某漁魚列饌豐，慶新戀舊一尊中。

麗日先臨駁筵宮，鴉凍豈能司旦暮。

悼詩姬環娘十首

姬姓趙名素貞小字小憐江南常熟人美而賢
年十九歸余先是薄遊建康邂逅秦淮意各相
屬解碧玉連環為聘遂召環娘會余服除歸里
經營補秩俶裝事姬待年吳下豪門貴冑爭取
千金托塞脩啖其母姬以死堅拒之至中秋之
夕迎納扁舟載之入都暑簟寒燈佳山勝水姬
未嘗不偕朝夕焚香虔禮大士自疑福薄不克
永年庚午長至後一日坐絳而死死之後顏色
如生玉箸下垂室中香氣不散此女殆有宿根

質園詩集

卷十六

南

所謂優曇一現者耶時余將赴官施州命僕送
旅櫬還鄉傷仲老之無花歎逝波之不返為詩
悼之不覺淚痕成墨也

載得香車向日邊驚鴻老鶴影相連桃貪結子花甘謝
絮到沾泥柳倦眠吹徹玉笙成絕調貯來金屋不多年
畫中幽意詩中識忍對橫陳哭小憐

各適令竟

愛海情田一念差討春梅折乍開花待年畧住娉婷市
却聘曾嫌富貴家鮫室夜寒綃有淚蟾宮秋盡月無華
六時頂禮三觀座招取香魂到落伽

毘嵐風起夜冥冥三五難留最小星金縷歌殘生有恨
木皮蒸後死何靈罷談秘事燈初暗纔入芳叢夢已醒
人是朝雲原易散歸真重建六如亭

玉煖珠涼眼煞人更衣侍寢總非真錦機未斷縷綿縷
羅襪還留細膩塵誰與宋神添半臂欲煩周昉畫全身
刁家空築藏春塢才得迎春便送春

火電因緣一刹那那碧城地界湧滄波體無燕玉三冬煖
絲有吳蠶八繭多絡秀虛為衰戶計章華其奈隔生何
憐他精衛辛勤甚銜石朝朝塞業河

行雲墜北不歸南算作雙栖睡豈酣臂影憶簪花第一

質園詩集

卷十六

北

眉痕怕見月初初三暫分烟島情猶戀略享春風死未甘
勸爾芳魂休悵望蘭因絮果要深參

誰損婆娑意樹根短如菌槿閱朝昏照殘翡翠金無量
泣透蟾蜍玉有痕儘抱衾裯非薄命勉加餐飯慰幽魂

重思阿憐池邊事一笑翻成隔世冤
三生結願忽消香百媚城為十笏房大捨全拋書卷帙
小蠻畧勝舞衣裳瑞花夢遠無春信燕子歸遲但夕陽

覽鏡始驚憔悴甚眼中泉共影邊霜
迎太迢迢見太遲抑絃竟失女鍾期舊居鸚鵡曾呼我
斷帶驚驚欲付誰末利往來終是幻嫦娥悔恨豈非痴

花魂月魄原難覓何處重招李鍊師
挑菜年光暗裡更靈筵小簇翠盈盈遠歸旅觀還雙槩
舊控鉏車是六萌劫火燒山吹易起情瀾鋪練熨難平
繙經懺爾生前業穩住西方舍衛城

履端雜詩

下筆新來忽有神掃將浮麗得清真畧參奈苑婆娑論
欲現槐林廣博身絳縣老翁應獲壽恆河小婢莫生嗔
逢場未減簪花興且逐羣兒戲幾巡

屢載雲旗向日邊蹉跎青髻忽華顛暫覓鏡鑷瞞衰態
要與鶯花割愛緣放學將開來學館迎春又赴咬春筵

質園詩集

卷十六

夫

淨名居士原無累嫁女婚男總是禪

西山遠翠散新晴合有遷喬出谷鶯欵手偶觀翻窟勢

轉頭好聽賣花聲誰言老始扶鳩杖畢竟春先到鳳城

絕好韶光閒意味銅爐添火煨詩成

軟綉聊爲逐隊遊我我百尺少高樓恐忘顧曲停三爵

暫走循牆避八騶淑氣東風初轉蕙農功南畝早祈禱

勾芒莫怪蘇繡成毀須臾是土牛

挑菜傳柑事已遙聯鷓鴣綴鷺侶全凋不因令節方成老

頗覺粗官勝在朝粘燕簾櫳才幾日閑蛾兒女又良宵

金吾枉弛天衢禁火樹銀花看易消

朝市千年熱鬧場熙熙哀笑人忙從臣預購南巡
賦閨歲重浮午節鰲訂就詩篇還改抹歷餘宦境只尋
常春華已醒長干夢且食江魚到武昌

典午頭銜遠近聞一麾輕出少奇勲待邀庾老床前月
漫賦襄王夢裡雲橫嶺嶺循聲安敢望荆高舊侶又將分
臨岐贈語吾能會要答昇平不用文

後路前程九折紆幾回拍手自擲掄功名未驗芙蓉鏡
金粉全消蛺蝶圖長日小年容我嬾中朝大雅藉人扶
蕓蘭舊有芳馨意下女佳期驟得無

厭聽連朝刺啄喧雲浮波逝與誰論鏡雖屢照原非損

質園詩集

卷十六

七

裘爲長披反不溫天付貪痴情有種人占吉噩夢無痕

書空何似觀空達且對唐花勸一尊

馭氣蟠泥少定踪少多惜憤晚疎慵觀中樹長成前度

原上車停奈下春誤射徒勞穢假虎充飢聊且乞癡龍

五陵同學休相笑懣後名心總不濃

立春前一日雪

此雪寧非瑞今朝尚是冬崢嶸高士意淖約小仙容碎
十俄成屑飄綿莫問踪淒聲聞折竹勁氣敵喬松銀漢
橫無外瑤臺幻幾重毘風吹未盡燈雨灑還濃游戲驅
香象神通制玉龍文殊方近榻勝樂已迷峰錦繡場俱

素鶯花界忽封紅爐人自擁白業我原宗平人三摩地
寒凝五夜鐘琉璃光漸定鵝鵲陣交攻易眩將昏日難
融乍冷胸大千誰不凍膝六爾何克壘拆驚分燕房空
欲散蜂影移簾洗潑韻斷佩璫作露出尤怪求珠象
罔情事隨冰泮渙情與汞銷銘輕薄同毛羽虛明了蓋
鋒世緣歸淡蕩禪味得醇醲絳蠟實筵啟青蓮佛座供
呵毫成短咏義御正高春

穀日集周洽池寓齋

昨日日爲人今日日爲穀農夫豈尚遲天子祈何速將
以貽子孫先爲耕種生逢康阜世四序調寒燠春風

質園詩集

卷十六

六

綏綏迎冬雪霏霏足吾儕享太平長鼓堯民腹宿醒朝
未解嘉會夜還續唐花勝娉婷忍凍藏金屋對卿絕代
姿盡我盈尊綠光心已最歡不減當筵燭因思天地間
事如車轉穀無戲並都慮有場皆蹴踘傳語觸歲人得
閒豈非福

留秦孝廉鑑泉夜飲

謝客閒堦滿綠苔蓬門祇合爲君開草從白傅詩中長
酒向黃公肆裡來但是鶯花皆勝侶况逢淮上最多才
春宵正有援琴感別鶴休彈緒彥回

簪花

梁州唱罷舒跼緩羯鼓催來破夢遲好與東園報消息
春蘭秋菊竟同時
護花房近散花龕蜂蝶深藏尚未探二十四番風信準
惜人春意是江南
淺紫深紅爛若霞鶴林幻術未須誇道人半結跏趺坐
慣閱離奇頃刻花

題張篁園舍人望雲圖

負米行夕葵循陔采芳蘭慰彼堂上老承茲膝下歡奉
檄與絕裾於義均未安養親寧在祿升斗奚足于我昔
紈綺歲濫居侍從官陟山思父母迎養良復難陳情向

質園詩集

卷十六

九

納陛涕淚交沈瀾江海非遷謫骨肉長團圓花萼十二
乍述舊猶悲酸舍人家有母髮白顏尚丹習勤或紡績
奉佛方旃檀雖聞寢食寧頗慮韶華殘無雲親亦在何
待立馬看畫師老解事聊作行役觀帽影浮水涯鞭絲
轉林端嬌兒將縱轡倦役還據鞍落日晚蒼蒼平楚曠
以寒此時倚閭人念子征衣單

樸庭自晉陽書院以詩寄懷賦答

正有烏飛兔走驚西來尺素慰勞生閒中馬齒頻頻長
悟後鴻毛種種輕戀職豈能辭束縛著書原不屬公卿
勝他萬里橋邊叟帶得看花眼最明

三山北向皆登臨勸爾且舒懷休車尚隨唐風古
挾瑟曾聞趙女佳仙園魔宮都是幻酒旗歌扇巧相乖
誰憐羸馬凌兢甚踏雪重過十二街

題樓庭後車集後

魚鱗左右詞臣近豹尾參差羽衛嚴不獻西巡萬有

賦六飛爭得九霄瞻

切雲百級瞭鷹臺纓帳牙旗次第開從此書生知武界

上林親見射熊來

淀河春漲碧濛濛柳細蒲新一葉通直得含情臨水立

燕南趙北似江東

質園詩集

卷十六

手

啟事山公能薦士壯猷方叔最知書聖朝祀典超前

代長乳休占第七車

時樓庭在制軍府故舊行

浣桐朱方伯家藏玉刀一枚是漢宮扶衣舊物吳

君樓庭有詩予亦繼和

赤菴山空若耶澗采玉爲刀國工琢扶衣秘殿始何朝

云是當年炎漢作帝王有道垂裳衣司服專司用事宜

上繪下綉藉平賦燦然粉米兼宗彛紹開衣德稱賢主

衰職猶煩大臣補外域裘將集翠焚內庭神罷迴風舞

偏頗弗作刀之功承恩近御講遺逸負展秉珪撫泰宇

瞻雲就日舒和容豈知時代滄桑一瓊琚黼黻無顏色

幽輝不與世銷磨古玩空爲人愛惜物換星移幾度興
昆明往劫問胡僧銅仙涕淚辭幽谷玉盤寒涼出茂陵
寒光徑尺休嫌小昔日尋常今日寶綉爐煙裊良緣灰
奇珍散失知多少此刀玉質兼金粹宋公購得洞連城
法物流傳神鬼護非唐非宋非元明君不見太阿
千將飲鏑欽鋒藏長緝密珍重名家貢玉堂熊熊
騰虹月名真室

題橋社傳書圖

八月波平千頃濶下有神靈珠貝闕誰將尺素托文鱗

社樹經霜葉微脫貴主于歸失恩寵含冤灑淚如泉湧

質園詩集

卷十六

手

便分鴛侶入羊羣那識蛾眉是龍種頃刻千雷與萬霆

雨工翻助錢唐兵還宮破陣重重樂惜別聯姻宛宛情

置梁鮫室知何處婢奴魚婢紛無數海外他時廣異聞

人間此會重奇遇君不見蓬島求仙太渺茫桃源避世

誠荒唐丹青寫此寓深意始爲蕉萃終姬姜宿業新緣

誰判斷珠寒玉瘦傳清怨待邀王迥碧雲樓欲報張衡

紅錦段湘雨巫雲菴蕭天柳郎道廟幾千年幽婚恍惚

崔羅什贅壻淹留沈下賢燃犀燒燕滄溟大絳幘朱衣

安足怪寂滅禪門覺有情纏綿水族痴生愛畫捲詩成

向楚遊岳陽城外洞庭舟好從張樂軒轅夜一問傳書

補秋

芳甸錫省親山石以詩送之並柬舟前樓庭

豫章初種時已具參天勢桃李競芳華過春即憔悴美
成有勁枝弱植無堅情甥也學詩文熊魚兼所嗜詩當
得正聲文亦非小藝綢繡迥平淡端莊雅流麗要具妙
明心默通直實義憶我與若翁式好如兄弟同挑五夜
燈各擅九遠轡誰言出處分未覺源流異甥今承家訓
能解書中味早握靈蛇珠未惜大鵬翅雕冰琢雪天擊
綬摩肩地虞卿正窮愁枚叔久留滯趨庭向三晉抱此
情陳志客費何所攜卷軸連車騎方知悟學深不因遊
寶同詩集 卷十六 三

寄別樓庭晉陽書院並為亡姬乞輓言

太行西望趙雲臺再拜雙魚問履興未敢雞豚忘舊社
翻綠車乘畏良朋雪霜歷處身長健智慧消時福漸增
聲筑寶樂人散盡歲寒交倍重延陵
懷古蒼茫感廢墟周師唐廟竟何如絳紗弟子君方盛
青史評論我最疎獻策憶曾逢 龍下登丘悔未詆丹

餘荷衣更誦遺山句爭遣書郎不讀書久別南宮

轉殺光陰客裡過迢迢晉楚各山河重經鴻背騎難穩

垂老蛾眉妬尚多縹緲還思迷閣否輕華其奈庾徐何

人閒南浦銷魂地又見春來漾綠波

憶揀梅花姹妮枝鏡中金翠惜來遲銷沈南國非常豔

質印西方大幻師點衲幾曾麾玉女建旛那得避封姨

東坡但誌桐禪墓未向秦黃乞輓詩

半舫詩為楊又村給諫賦時將之楚并以志別

足舟是屋欠分明水可淹留陸可行千萬里回洋舶穩

給諫曾過兩三人受野航輕開中書畫原須福意外魚

寶同詩集

卷十六

三

龍子不驚作楫涉川公自擅還期利濟及蒼生

握手重逢軟語多登瀛往跡盡消磨菰絲菰米思歸甚

鄧樹湘帆奈遠何舊侶綉衣猶總總華年錦瑟太蹉跎

幾時大願船中坐永隔江湖泯泯波

春寒行

玉河層冰堅似鏡益益同雲夜飛雪春行冬令殊反常

太昊之權元冥竊曰寒曰煥誰所訓五行洪範機殿昭

聖人在位贊元化肯使雀凍蟲為妖苞含蔞欬情猶淺

黃蝶雙雙連脫翮高士還閒臥處佩綰袍未可芳時典

我來寂寞京城居坐無裊輓行無車聳肩抱膝朝復暮

世閒冷况惟詩書昨歲歡娛重記憶蜀岡淮甸多遊蹟
已看蕙草轉晴光更藉梨花作寒食春來人去最凄然
暖老何曾玉有燕十笏維摩休再汗一龕彌勒且同眠
積陰不展金烏翅斗室深藏非失計杜叟空思千箇閒
寒威廣廈翻難庇

質園詩集

卷十六

詩

質園詩集卷十七

會稽 商 盤 寶意

淮上晤程二魚門

荊門淮甸費相思隔歲猶嫌命駕遲共訝別來人太瘦
卷中各有悼亡詩

一念三生事已差人閒小劫閱恆沙楊枝遣去朝雲散
重到江南見落花

魚門緘齋兄弟

重過晚甘園感念今昔爲詩四章贈吟暉主人並

上已曾披選勝襟山陰禊事在淮陰去年三月三日禊飲於此隔年

質園詩集

卷十七

一

似換鶯花界度曲終移木石心紅袖罷扶禪病淺青衫
重著酒痕深千秋會合同雙鳥才到名園嘆好音

采綠畱人不放行清和天氣似清明舊巢燕子寧無侶

芳草王孫最有情五畝未嫌城市隱官長負鷺鷥盟

依然舊屐西園盛惜少家姬侍晉卿去春曾携趙姬過此今已下世

幾度鈴鐘落枕邊觸人哀樂是中年追尋舊雨蕭疎地

量較名花同倦天無事一尊聊共對有情五蘊豈非纏

寸心嫌燭華筵照未到成灰徹夜然

一錫隨緣掛復飛鄧公作戲轉頭非花閒返照畱難久

絃外元音賞定希知己豈堪耐束縛逢人何必諱寒饑

他日重相訪鶴骨還勝玉帶圍

初夏程氏園看牡丹得四絕句坐中李杜

相調兼以解嘲

泥人柔態是江南邀勒春情入夏酣爭遣維摩除結習
護花關近散花龕

昧眼瓊華辨未真芳時何跡不成陳趙昌已去于競老
我是機樹寫照人

簪花斗覺雪盈頭每到歡場使小留持較香山狂更甚
酒痕不獨在杭州

絲竹中年最不禁暫逢勝侶一開襟休將紅袖青衫句

質園詩集

卷十七

觸連瑤枝壁月心

情田詩和達客酒青衫
相贈借花爲紅袖粧

程三載齋二十八宿祝歌

女媧煉石能補天衆星經緯安次躔何年夜質化爲石

元氣蟠旋久猶濕良工采石如候星星精爛紫石質青

摩挲不作文房玩鑿樞銀漢光熒熒二十八宿羅一硯

參差分野周綏甸孰爲牛斗孰背參夷區已逝誰能辨

我友愛惜同琅玕開絨拭朝暮看新樣迥非鴈鴒眼

傳名絕異騅驢肝想見寒芒凝尺水下有黑蛟潛欲起

在天成象地成形神物原無雕琢理阿兄辛苦耘硯田

去秋下第歸淮端隨君此硯寧非福慎勿攜之入場屋

魚門兄弟屢以鮓魚連客卽席成吟

昔我在南徐長江環鉄甕桃花春浪生汲刺銀鱗動

乘逆流舉價以先時重寧無異味古恰有劉家魚鱸

飭中厨招邀滿賓從一別歲華更前席香齋菜食感

今年授餐逢伯仲方嘗穀雨茶將解端陽糴每餅

珍卽與友朋共堆盤得此魚鱸無勝饌鳳嘉肴地主情

美座天家宜淮陰垓土民往往遭飢凍王孫何代無誰

能進朝饔吾儕寒瘦軀祇宜藜藿供忽驚韋陟單濫作

何會用豈惟口腹累兼憂囊空指日掛帆行分符向

忠峒敢辭罔咎觸未許江湖縱戢戢楚魚多欲買少餘

質園詩集

卷十七

三

休時難習儉効宦薄安愚慈放箸成短章此意非譏諷

喜王五穀原獻詩

召試陸段中書程二魚門爲余述之並用慰勉

三切吳蠶作蠶勞稱絲入貢偶然遭鄙原自昔推龍腹

豐于今得鳳毛春氣霏霏重異敷曉星落落幾同袍

人間才命何曾左能使孤寒一放豪

留別魚門

荻山蒲風曉叩門披襟慷慨一深論登樓要攬江山勝

指困慙叨故舊恩玉瑄臨岐釀調咽銅匱蘊火微青溫

定知楚客三秋夢長繞蕪湖水土邨

能開開剗故墟維風南服近何如盛朝那有長沙謫
異代曾無庾信居鶴去尚南千載跡雁廻易附八行書
與君窮達遭謫詠小吏浮沉處士虛

晚甘園芍藥將開吟贈主人有看花之約解纜南
行不及與會舟中爲詩以寄

南園芳信正如期中有翻增小謝詩
春色香成一笑賞花已黃未開時

分無香澤近羅襦花自將離客自孤輪與東坡資福寺
銷魂礪煞玉盤盂

晤前輩程午橋先生出示今有堂詩集

質園詩集

卷十七

四

疎水早登聞喜宴香山偶寫集賢堂先生一笑忘朝市
安樂窩中自在身

曾與西崑作郎箋多情錦瑟感華年不須掃地清涼寺
誰柳嘲桃總是禪

絕代風流出世閒遊人心跡水雲閒修來已到梅花骨
微爾當年謝疊山

燕春塢小何曾開積卷巖深未許探潛月一規雲半幅
白鷗今夜夢漪南

先生有滿南別業

初夏泛舟山紅橋至法海寺登平山堂

人到韓江且住佳蕩舟宛轉小秦淮東君還別無停轡

南陌遺塵有墜釵
外風光迷錦綉
席間談笑誰識
竹西舊路分明在
除却聽歌萬事乖

螢苑鷄臺歲月遙
含情款款話前朝
曲中蹴踏三千騎
鏡裏橫斜廿四橋
春去尚聞珠絡鼓
月明空憶玉人簫

故宮更少離離黍
芳跡都從法界消

蜀岡如几振衣登
江北淮南勝概增
羅綺千年隋大業

文章一代宋廬陵
高樓直賞留今古

本朝汪舍人蛟門建其賞樓於平山

老木疎陰閣廢興

葉少蘊遊吳錄左右老木參天

帝子詞人兩春

夢欲尋烟雨六朝僧

伯時仲穆畫圖兼金碧樓臺我獨嫌
兩岸別開新宇宙

質園詩集

卷十七

五

諸天斗現大莊嚴
劉安服食今何在
杜牧風懷老尚添
掉臂歸來成一笑
長街十里盡垂簾

維舟廣陵邂逅同年孫虛舟少詹

行勝檢點舊朝衫
未可江湖倦卸帆
玉節已收三楚景

冰廳仍守一條衡
主恩再造真難報
旅况聯吟便不

凡總有杜陵家具在
許身稷契緩長纜

少海官寮重少詹
宏文廸德一時兼
囊中彩管多年貯

殿上彤雲向曉瞻
塵土有人長繾綣
廻翔何地最深嚴

蓬壺舊侶晨星散
落落無由得再添

花月金陵接廣陵
昇平氣象此番增
纔聽柳陌迎鑾

曲共別遂意話舊燈得第光陰如隔歲打包踪跡類

僧藍田重續昌黎記十載投閒我負承

赴官荒微僕童皆容美司各兩字佳施州土司名容美向化不

問苗俗悍出遊真與禁情諸香城雪嶺詩多就驚宿鷗

浮信屢乖公輩莫譏身散冗古今紆折是台階

訪金壽閣於彌勒院

聞道芳辰杖履同天然山館小玲瓏馬嶠谷半查兄弟工文好客別業名

小玲瓏初來楚佩香何古和得陶詩晚更工盧後王前

名自好張南周北位當中指馬嶠樊樹陳竹町園韓江勝

事他年記曾領當花屬寓公

寶閣詩集 卷十七 六

挽逝詩

家叔又南先生

吾家痴叔最相關梅聖蘭亭共往還嗜酒恰逢隣敗甕

工書曾聚筆成山半符暫提官多累雙鬢重看影漸斑

扣袂思思驚屬續不禁清汨水潺湲家叔工書嗜酒晚年出半曹邑垂棄

許大守丹書

春江花月茂履年晚識湖陽郡守賢大谷有梨堪釀酒

瑞溪無硯不成田瑞溪硯之暇秋梓戲了將殘局非茂太

瑞溪硯不意竟於此乃了此率知歸第幾天宿草離離朝

露泣其譏航海遠求仙

胡提舉靜軒

每到江干便訪君平原結客共傳聞五花正待康莊驛

一火俄驚玉石焚新居火後隨卽指館歐渚烟波回借舫神山

地松檜簇新墳輸他蔡澤非凡相四十二年已立勲靜軒

得年四

台司馬仲選

昇州司馬瘦寒身費郡能甘徹骨食方外嘯歌如謝奕

病中風雨感元稹剪燈水驛成前夢誰識蕭疎雨司馬

余贈台聞笛山陽失故人兩地招魂底楚些海門匹練

寶閣詩集 卷十七 七

秣陵春台君山江寧郡丞調任京口

施秀才澹吟

古調濛濛靜夜彈發音不易賞音難劉棻奇字何曾學

余於澹吟有謝謬選篇忍再看時爲生定文唐末裴說

一日之長於惜少鯨魚翻渤澥憶從懷袖探琅玕成陰豈乏閒桃

李獨使高梧百尺殘

重過琵琶亭有懷權使唐俊公先生

滄波如殺一萍浮不聽繁絃亦泪流五老巔眉原舊識

九江楓秋似深秋團圓轉磨踪難覓鬱屈時畧未酬

誰解凭闌千里意此來豈爲此亭留

惠好當年手共攜，割符持節忽東西。元都客到成前度，山簡官遷廢大堤。往事已隨吳練遠，晚愁遙入楚雲低。荔枝開校君莫講，小綠輕紅待品題。

時先生移節粵東

自蘇湖解纜六日入楚境

利涉平生但信天，好風巧送逆流船。地當要害增形勢，官赴窮荒類播遷。天矯漸看雙闕遠，嶸嶸何待一城專。荆雲郢樹勞迎接，我已塵埃十四年。攬古縱橫可奈何，曼聲都入攸歌。歌雨雲有信人如夢，江漢無情水自波。戰戰孫劉同日盡，良材杞梓至今多。離離萬事成泡影，文藻山川兩不磨。

黃岡詩集

卷十七

八

吳苑隋堤路太遙，鶯花勝侶枉相招。蠻舸易散開生面，綠米難拋損舊腰。任事模糊初到日，懷人縶絆可憐宵。踟躕且學安禪坐，定成香溫達旦消。

仕路繁紆豈易通，新踪陳跡兩飄蓬。一航滿載誇書畫，八口隨行對僕僮。漢吏虛傳登宰輔，楚風聊與辨雌雄。南樓皎月應如舊，殷浩何須避庾公。

白鵬吟

白鵬何翩翩，名入梁園賦。賈君得其雙，會咏青蓮句。雅與山林宜，濫充章服數。朝廷勵有位，非以冷儀度。五品乃錫之，義取潔而素。我從田間來，蹢躅登仕路。茲禽綴

我衣無由狃雲霧，寒曹十載寒戀戀。不能去未養羽翼，豐甘遭塵土。汙予秩既難遷，爾顏亦非故。見月有歸龍，歸心向誰訴。冷淡世皆嫌，迂疎天所護。含意一，鵬本無羈。

楚江舟次寄懷程二魚門

楚尾花開袂忽分，珠湖消息遠猶聞。三山落籍休譏我，四海論交孰比君。冰雪倍堅松竹操，烟波須結鷺鷥羣。段家橋下居同卜，肯作無心出岫雲。

魚門有卜宅西溪之意，僕當百里塞。

黃岡詩集

卷十七

九

老聽鳴鶴亦自慙，廣廈千間還待庇。名香百藟謾思含，此外十年餘久安。安，荆山問道多良壁，隻手何由試一操。

會寫降魔出世真，祇林游戲味前塵。平分風月三千界，春秋半百人長吉。錦囊猶滿貯小憐，玉體罷橫陳。語言愛欲成疑障，安得香燈結淨因。前歲金壇別楚珍，為余寫降魔圖，因上天女，即侍姬小影，空花一見，心疑不祥。今果金化，不日昇去，無復塵之使去也。此事向為魚門道之。小技文章詎可傳，雜詩存稿未雕鐫。同時惟爾為恒賞，異代憑誰作鄭箋。列國無風及吳楚，中原何將是幽燕。生天成佛尋常事，要與聶翁定後先。魚門選錄唐朱以

不及其家廖登

登黃鶴樓

楚天抹黛淨無痕，高處遙將氣色捫。
大抵神仙多幻術，本來名勝擅中原。
江浮巨浪鯨鯢徙，雲湧層巒鷺鷥繁。
供奉司勳兩寥寂，千秋古意向誰論。

南都金粉散重重，漢女襄兒次第逢。
遊廟民分前太帝，方城百雉舊雄封。
市朝陵谷紛如夢，荷展登臨畧有踪。
誰道龍宮因塵出，開身今日最從容。

宛宛南薰透葛衣，轉頭春事失芳菲。
橋通漢沔龍猶伏，亭去仙真棗亦稀。
侃尚功名人不朽，亮瑜籌策局全非。

贊園詩集

卷十七

十

蒼茫都入登樓目，沙鳥江蓑漾落暉。

一麾漂泊十年強，覽勝題詩太渺茫。
多景烟霞橫北固，舊園蛺蝶記南昌。
荆王郢客皆愁侶，昔夢今游等劇場。
莫倚雕闌撫陳跡，昇平無地話滄桑。

春初樸庭寓書有楚游之訂，頃知其仍留太原掌

教道遠愆而以詩寄懷

荒微眞方外，因風一報君。
調絃思趙瑟，岸幘對荆雲。
驥老還迷路，鴻孤慣失羣。
飽尊何日舉，不爲細論文。
問道臯比座，多時設晉陽。
馬融新弟子，尹鐸舊封疆。
經史漁兼獵，關河雪繼霜。
含情向南望，應念芰荷裳。

楚佩紉芳澤，吳宮避暑溪。
宜幽詩孔碩，古跡多遺蹟。

稔營魚米時，平息鼓鼙襄陽諸。
估客猶唱單銅鼓，最小吟成癖會經。
傍地壇與廟分，晉楚甥舅比王。
蜂鳴塔細鯨鯢鯢，鯨鯢鯢鯢鯢。
抗言君自擇珠玉，要傳看此首。

楚中懷古

雄圖南郡舊開疆，抱古披襟意激昂。
重鎮節旄思祐預，騷人佩帶托沅湘。
詩成歷歷羅金史，事往寥寥對夕陽。

贊園詩集

卷十七

士

禹功江漢至今留，歲時待續廉纖記。
妻子翻宜寄托游，無恙一枝青鏤管。
仗他塗抹到施州。

仕宦仍爲逆旅行，雨餘涼氣散江城。
百年耆舊寧無傳，一枕君王最有情。
漢使乘軺風可補，湘靈鼓瑟月初橫。

南朝蘊藉今遲暮，晚草汀花怪姓名。

渚宮沙市半蕪榛，轉轂光陰跡易陳。
慷慨一言能復楚，零丁三戶竟亡秦。

秋深屈宋成愁局，世泰荆襄息戰塵。
小隱村墟連大隱，不關興廢是漁人。

筆路山林舊事遙，千年臨眺采風謠。
鄒田敢愛諸姬蓋，周鼎將遷列辟驕。
幾見章華贊那覽，漫憑倚相誦祈招。

故宮粉黛都零落，幽下盈盈最細腰。

自昔驚風類冉駝，繁華今已拉中邦。鍾操肯使龍唇變，齊傅能除鳩舌吮。白雪陽春誰第一，黃童江夏本無雙。文章振響同鐘磬，引手還堪試擊撞。

襟吳帶蜀勢相兼，分野星將翼軫占。遠意最憐衛社老，名材終覺羽毛纖。魚龍莫聽鈞天奏，鸞鳳猶栖抱璞巖。是處登臨稱開散，風光消得幾涼炎。

斜暉如電倂初投，極目蒼然迥倚樓。耐好聞歌知避楚，徒蒙失國羞多少。仙凡更替事幾番，絡繹上心頭。

質園詩集

卷十七

七

不將簪級混塗泥，囊重飄輕日日攜。孤冢客隨鸛鵲弔，舊橋名爲驢驢題。王僧虔成公如壤無佳勝，那爲陋詩。有評論格便低，待譜荆南新樂府。歷他梁武白銅鞮，一寸芳韶藉舊心。歡場無路可追尋，華堂絳雪賓筵散。野廟黃陵暮雨深，人去蘆花渺渺秋。來補杜陵沉沈方，平漫訝塵揚海嶺換香添。劃古今。

小鳳歌

碧桐陰疎竹實老，五色雛雛鳳雛小。飛出丹山與世看，波渚微波楚天曉。楚天如黛最宜秋，選伎徵歌宛轉留。三雅尊前花照眼，九枝檠下錦纏頭。就中法曲雙鬟度。

宮移羽換何甘悞，周郎雖老尚多聞。領畧春姿曼詞願，落拓青衫倍放豪。當筵解惜鄭櫻桃，問年已滿冰輪月。

得姓原從金錯刀，十年閱遍南朝豔。後緣前債生無欠，張燕娛賓又綺羅。投荒浪跡猶書劍，我昔曾隨鷺鷥翔。九苞六象呈文章，箭韶韶聽微雲霞。迥枳棘栖來歲月長。

今宵偶作逢場戲，芳名兩字吾能記。天涯垂翅對伶倫，感觸鸞鳳飄泊意。此時燭暗香冥冥，急管繁弦奏復停。應節柳爲鴛鴦舞，踞床不厭琵琶聲。慙慙滴粉填詞罷。

珍珠量較娉婷價，貯屋瓦堪阿閣巢。吹簫可許秦臺跨，歡盡悲來酒半醺。鳳兮鳳兮奈小何。

質園詩集

卷十七

七

吳甥芳甸以詩通寄次韻答之
天衢軟綉共經過，禁苑風光似大羅。待詔曾隨方朔否，謫仙其奈夜郎何。彤雲繚繞瞻雙闕，蠻語僇俾唱九歌。莫怪登臨起惆悵，楚宮花草至今多。

大別高觀紫翠凝，江山管領我何曾。無多麗句酬風景，有數雄藩閱廢興。弔古殘陽方滿日，聞歌清泪忽沾膺。歲時記向閒中續，提榼還將典故徵。

將赴施州查司馬綸軒張樂饒行賦此畱別
綺麗風懷懽後多，楚雲如夢奈秋何。無川可作長鯨飲，有曲須教小鳳歌。北里釵環皆紫玉，南朝亭榭是紅羅。

天蠶拚落溫紫初一寸蠶絲斷得麼

蠟炬當筵燦玉蟲衣香微度綉簾梳啾啾謝採來方外
邂逅荆王憶夢中百媚前塵如墜葉一尊永夕慰飄蓬
米嘉榮是銷魂種宛轉梁州聽未終

尋常聞樂易沾裳素竹哀絲况異鄉銀鑿落深消氣魄
玉闌干近偏風霜香焚君被情何限袖拂臣衣戲不妨
勘破繽紛皆幻境古來假面出西涼

遊楚翻爲赴蜀行嶺雲遙向馬頭橫暮笳隱隱聞夔府
朝雨匆匆唱渭城樂部舊人都散失秦軍蠻語太分明
定知別後中宵泪濕透巴猿第四聲

質園詩集

卷十七

古

題月缺花殘圖

折花插髻晨妝靚玩月凭肩夜漏殘今日玉容真寂寞
平添幾道泪闌干

白骨青苔漸漸枯花魂月魄得歸無前塵如夢分明在
認作橫陳秘戲圖

慧劍煩他割愛緣花休重發月休圓太如悟後東坡老
從此春宵不值錢

運斧無端傷顧兔建旂何計避封姨道人靜坐文殊室
參到香消影墮時

暮秋自鄂清赴施州以少陵萬壑樹聲滿千崖秋

氣高爲韻得古詩十章

生年不滿百閱歷已千萬未能滑稽轉遂使莫邪斷箴
易得兼山不進義取良今朝挂席行稍杼臨旅困落照
橫前川香杭舵樓飯恨望同心人加餐聊自勸

靖節隱田園幼與鮑邱整軒冕豈不榮高踪良有托繼
綿江海緣屈曲宰官縛久辭罪筆班暫攝司門輪抗志
慕親民愧少美黃畧要以簡馭煩聊將寬代虐撫字敢
云勞鉤距殊爲錯典利亦毋庸孔桑吾所薄

披襟武昌樓遠眺漢陽樹坐驚節候移蒼然秋已暮蕭
蕭南來鴻高飛一行度各有稻粱謀寧無矰繳懼我身

質園詩集

卷十七

古

乏羽翰何由奮雲路采采薜杜芳恍與蹇修遇含意殊
未申中洲獨延佇

泊舟仙桃鎮水宿第四程落葉打孤篷如聞風雨聲作
客已難寐况兼秋氣清披衣起中夜仰見河漢橫沾體

霜露繁歲管將復更浩歌蟋蟀章瞻茲良士情

古人佩章弦厥性慤急緩中庸不可能用長舍其短甘
載世網嬰所歷幸夸坦未堪磨守牧安敢望黃散施州

古蠻鄉其俗稱獷悍去國度三巴投荒類五管先將仁
義摩後取宛蔡捩豚魚孚忠信山川鑒誠款主恩豈

易酬先業空思繼服官如修真會待元功滿

鯨魚思掣海驚風思傳天功名失將相便當歸去
萊吾故鄉巖壑羅萬千道逢麗眉更授我內景篇還月
非外索葆此尺寸田采藥笑虛放入海乘樓船

朝過明月峽暮入空舸崖峭壁伴身起隔絕如吸乖狙
猱連臂呼欲上無梯峭迅流遶其下東去何滔滔緬維
夏后氏疏濬兼決排黃陵神贊佐享祀功難埋道江使
之通既通塞亦佳西望岷峨源澎湃驚我懷

漠漠夔子城其國著春秋沿革幾千載至唐稱歸州三
閭有賢姊能解放遂憂我來訪遺廟寂寞依荒邱但采
蕙蘭薦安用尊俎羞卓哉變與原名以離騷留

質園詩集

卷十七

六

夙愛賈長沙太息言時事復愛陳同甫抗論多英氣丈
夫身許國可否宜獻替思爲兒輩陳翻招黃閣忌乞外
寧爲貧校閒誠得計攬勝楚吳兼代庖守牧繼今歲握
郡符嚴程太迢遶官非香案謫跡與夜郎異勿嫌蠻土
荒赤子 聖心繫
學仙仙太臞學佛佛不高仙佛既無成吾仍守蓬蒿一
宇聚今古墳典兼風騷快讀未見書此福我所叨時發
鐘聲響如取絲綸綽胸中具鑑鍾世上堪甄陶茲事足
豪舉何必緩山桃

得僕庭入都消息

萬事優曇一現中悟來何境不成空即那羽客曾留枕
陽羨書生自出籠擊筑高歌燕有市乘輅列國楚無風
幾時共剪西窗燭兩地飄零話梗蓬

南服

南服觀風弔故都名材零落賸平蕪幾多包匭供王祭
如此江山但伯圖暮雨朝雲留幻夢春蘭秋菊薦神巫
樓臺已歷華嚴劫彈指還能卽現無

魂不禁銷意尚含碧雲片影墮荆南吟邊芷草騷人遠
愁外楓林晚態酣徒有結儀來入觴並無彌勒與同龕
山川絕景宜孤賞肯許尋常俗手探

質園詩集

卷十七

七

荆門懷古

寂寥句亶舊山川橘柚人家鴈鷺天幾見細腰呈妙舞
漫邀長嶺相華筵寒村砧杵秋回夢極浦蒹葭夜泊船
曾是郢中佳麗地至今花草總堪憐

上游專閫勢雄雄獵獵揚旗八隊開牧馬芳郊唐介墓
瞭鷹落日馬融臺昇平豈可疎戎政割據休教出伯才
朕有蒼蒼懷古意孫劉殘壘盡蒿萊

題楚莊王廟壁

絕纓深意少人知赴敵他年報未遲聞道賢王恕任客
我來偏值燭明時

十二倍

岷峨發源江沸騰千里直下趨夷陵建瓴之勢那可禦
重巒疊嶂相持撐此碣縱橫亘山麓鴈列蟬聯通楚蜀
日落蒼崖鶴鶴低潭深黑壓龍魁伏或云神斧揮巨靈
十二崖如十二屏又云鉗選象鐘巖歟數陰陽符律呂
吁嗟乎高陵深谷須臾變今古峻峭長對面呵叱難成
道上羊參差不化泉陵燕我來十月江水平挂帆宛轉
沿江行眼前彷彿見巫峽疑有暮雨朝雲生作詩孤客
休太息東去寒流浩無極

韓陵咏古

黃圃詩集

卷十七

大

黃陵廟

朝發黃牛山暮憩黃陵廟敷土溯神功江流從此導

宜都城

不見宜都城猶傳陸遜築失策為吞吳班師未歸蜀

爾雅臺

曾聞郭景純於此注爾雅瑣細愛蟲魚誰為博物者

三遊洞

元白與蘇黃勝事符唐宋慙非諸老才獨訪三遊洞

黃金藏

此地本經藏何由稱寶藏彷彿積書殿迷津幾回盤

絳雪堂

紅梨苑內花絳雪尊前句多情六一翁不放春歸去

田彝陵放舟西行兩岸山勢險峭逼人前此江南

所未見也

岷峨一派濫觴初絕嶂曾經幾鑿疏仙客有鞭皆破碎
始皇無鐸可驅除蟠雲鵬鴟驚難度偏岸龍魁鬱不舒
對此峯崙翻洒落江山平遠意何如
列岫層巒勢不孤屏風巧展未模糊隱幃秦代昭華瑄
滌翠周侯著色圖向晚無霞張錦綉釀寒有潤滴屠蘇
玉虛更訪神仙洞欲乞癡龍第一珠

黃圃詩集

卷十七

尤

百仞高峯孰與齊去天一握訝天低興雲未濟蒼生困
障日徒令白晝迷何物鬼工施鏵削多年戾宰露端倪
扁舟孤客驚心處莫聽哀猿兩岸啼
綰綬南徐攬秀時得聞笳鼓鎮相隨從來解愛金焦好
到此方成世界奇顛米迂倪難入畫玉姜木客盡工詩
羣峯面面如酬酢晚對朝看不厭遲

歸州

蜀雲輪影遠相迎古驛蕭蕭指建平疊嶂翠圍夔子國
落霞紅斷信陵城歸來娉姊寧無怨去後昭君尚有名
玉洞香溪已陳跡登臨何事太關情

三閩大夫祠

觸目蕭如此非關秋氣深宗臣委魚腹遺廟在楓林連
古天難問傳能祭或飲蔞蘿山鬼香何處遇知音
渺渺思公并千秋有怨嗟景差今亦少斯尚爾何說楚
魂珊珊佩湘波葉葉恍招魂廣只些遺意托巫咸

川遊

蜀道難在秦川注險卻楚乘勢出五巴疾若箭離弩導
乘神偶憶夢藉巨靈斧懸崖同履孟岌岌皆下俯茲行
溯逆流灘石兩岨崕百束挽不牢一落俄數武好奇不
厭紆得快翻因阻玉道本蕩平會歸示率土我將咎五

寶樹詩集

卷十七

壬

丁開此亦何補勞生世網嬰安危難自主所歷雖隄陝
吾心且容與矯首望冥鴻雲霄正冲舉

巴東

絮雨緡雲勒小園山城如帶暫維舟喚回吳苑三生夢
來共巴猿五夜愁木末芙蓉長在手天涯霜雪漸盈頭
秋風亭下秋風客潦倒秋風是此游

訪少陵草堂遺址

杜老幽居舊跡荒巴山夜雨助淒涼平生雅慕東西漢
今日題詩問草堂

巴東旅夜讀程二魚門近詩

何人旗鼓最堂堂曠代稱詩得孟陽吟到雲南

南施北宋總非常魚門鵲洲詩終古寂寞無人

非皆卷中佳句也

流蘇斗帳罷橫陳陳燈影疑迴却後身便使鏡中金翠在

可能重見李夫人指聲鳴咽柔中語燈影迷離

韓信臺前波淼淼枚舉里昨雨霏霏落帆相訪逢初夏

尺半鱗魚入餌肥今夏信宿書

一聽猿聲夜氣孤通詞何日到珠湖再煩淵頴先生筆

題取巴船入峽圖

曉發涼水鋪

寶樹詩集

卷十七

壬

宿霧濛濛不放晴懸車束馬向西行巴山欲別重回首
此是蠻鄉第一程

度風吹啞嶺

西過涼水塘一程未及半微霞集還凝濃陰寒不散嶺
以啞為名人遭風所誤難猜趙壹謎如吞譟讓炭多生
招悔尤每因口舌調誰能一餅守共駭百川灌慎言磨
堯堅宜為座隅贊得瘖體自安無語幾能斷亞羊釋氏
參照鷄莊叟嘆行藏觀化育緘默消憂患覽景發迂詞
此意匪河漢

楊柳塘

天無三日晴地無三里平斯語昔未信到此方心驚鳥
從原上飛馬向空中行迷路不盈尺兼多棘與荆前伸
後仍縮左縱右復橫怪木皆倒挂勢挾危崖傾濛濛衣
袂閒忽有雲霧生直疑坤軸窄未許陽燄明周道本如
紙奇局誰所成暮色駭徒御隱隱戍角鳴垂堂古石訓
目險吾身輕

連三坡

我昔往軍都關門僅容騎復上太行山天井欲回轡前
游歲月遙追思心尚悸今冬赴沙渠歷險更十倍山爲
勢奔激水作建瓴勢連峯鬱嵯峨迤邐向身墜瘦藤絡
質園詩集 卷十七

羊腸仄徑通猿臂白日無全光魑魅橫睥睨茲地本蠻
貊果朝雞肋棄誰將草昧開重譯機旋至當此黔蜀交
可無郡縣軍向化及苗民守土宜循吏要取古風敦還
思陰雨計繡綸戀 關情憐憫登龍意九折等康莊叱
馭何須避

石門

石門最高頂勢壓列岫低鑿開一混沌劃破雙虹蜺乾
連坤忽斷岡壁方爲圭至寶削雕琢化玉呈端倪老樹
不知年懸崖安可梯幽瀑其其腹瀝成九曲溪數折入
深洞厥狀如覆甌蒼茫出元氣虧蔽垂幙帳石髓凝不

消斑斑青紫泥惜哉靈秀窟遠落蠻荒西往者漢昭烈
兵敗於此栖代移疆索改國志無從稽絕景不沿革殘
碣猶標題嗟余慕印壑抗走沾塵墜眼明忽睹此勝剗
黃金鑲閭苑現樓臺武陵聞犬鷄雲霄若士竦物論莊
生齊茲游慰夙願柳標當重攜

由磬口塘至羊背壘

磬口塘如口羊背壘如背人行口背閒俯仰亦云隘微
茫一線懸峭拔兩岸對密箐氣蕭森神竅出陰晦邊指
屏雲生卷舒不在外疑通曉率天迥出閭浮界在昔容
美司竊據歷年代族稱田氏強勢比夜郎大誰攻滴博
質園詩集 卷十七

營自獻姑緡砦地利險難憑 天威遠能屈方當全盛
時六合車書會夷水與都亭盡入封疆內漸摩徭楚移
撫綏守令賴吾徒樂太平抵掌論成敗四顧忽蒼然落
照催前邁

核桃園

停鞭核桃園漸近建始縣連朝陟層巒到此稍平善如
經霜雪餘復睹陽春而巖草寒不枯石澗緩猶澗稻畦
半高低竹塢多葱蒨此景似江南村居頗堪美勞生困
風塵知歷幾郵傳驛驢道路長蟋蟀年華晏失足困坦
夷束身在磨鍊良趾利永貞危途慎毋踐

問猿

忽覺愁雲鎖翠猿向客鳴響疑分兩岸汨不待三竿木
脫已秋盡天寒方曉行王孫如有怨喚起故山情

南里渡

意外見琉璃放舟南里渡四山屏障開一水醴醴注修
月落鏡中連娟各呈露綠淨唾方宜翠深行易悞茅茨
兩岸分盡傍平林佳是時十月交小春未舉近早納東
屯禾旋收西嶺芋年豐養鵠豚日吉行嫁娶此鄉誠樂
郊翻起無窮慮休將地利貪幸賴天心護他年桑大夫
或議漁蠻賦

質園詩集

卷十七

音

質園詩集卷十八

會稽

商

盤

續

凝秀軒偶成

典範符從此處分沙渠風土傳會開地存青草黃菲瘳
官入山鵬坐鹿羣敝俗可能敦揖讓新民漸已習耕耘
香城雪嶺如相識開對朝霞與暮雲

亭州置後復庸州繞郭溪山勝概留官職指揮更世代

前朝置施州衛荆梁控扼重咽喉也知京兆同張敞豈

望吳民挽邵攸慚愧使君無異政祗餘詩筆擅雕鏤

卯尚乾溪路渺茫誰將人力破天荒賦輕不病追呼擾

質園詩集

卷十八

一

壤解能留日月長山上有星曾作客祠邊何竹更稱王

膏腴多少問田土析利休教效孔桑

茂簫將移訟已停無多案牘苦勞形軸簾每挂看山笏

酌酒還尋問月亭砌草漸從人散長林狼狽偏向夢回聽

一編舊史消長夜挑盡寒燈鳳脰青

訪太白問月亭遺址

謫仙遺跡在人間采石當年數往還身到蠻鄉重懷古

碧波峯似翠螺山

披來官錦黯無光一代仙才劇可傷莫話播遷天寶事

三郎當日亦郎當

下車兼旬卽景成詠以當采風

崗花攸鳥不尋常天遣題詩到夜郎持較江南風土異
雪中解縹見新篁

放衙官似放參僧小院人希寂與增乾鵲檣檣鳩穀穀
蠻方晴雨總無憑

冉曉遺種語侏僂大旺當年有舊司前錦如雲成五色
勝他番褐紫駝尼

遠山麓麓近山嶺負郭人家占地寬一帶枳棘菲舍畔
儘多豚糲少牛欄

蘇薇嘉產並來牟蔥翠連坡復滿嶙春摘嫩苗秋貯粉
費園詩集 卷十八 二

全家糧食不須憂
蠻俗新移尚未成不知紡織但知耕一城四面方如斗
三分居民七分兵

早禾晚稻積京坻擊鼓冬冬息蜡時白酒黃鷄盛背籠
明朝去賽竹王祠

羊腸蟻穴路灣灣古跡猶存振武關散木良材同一炬
年年十月便燒山

東西贊佐博什聞忠尚唐崖兩處分莫恠僮僮蠻語熟
新來蠻府作參軍

墊性依人飲啄同白鷗養得羽毛豐一官潦倒無歸思

不與閑龍只四行

樵斧閒題態若何利宜餘習未消磨金環貫耳誰家
解唱龍蛇蟻蝶歌

官符商引到山家綠雪紛紛乍吐芽莫誤采茶時節好
火前茶勝雨前茶

燒山行
朔風獵獵夜更迢列炬燒山騰影攸黃茅白草何足惜
中有棲仙高百尺崑岡玉石拉雜焚其勢直欲蒼崖晃

火牛長驅燕壘破燧象突出吳師奔君不見天樓山石
去天纔一握高雷深林掩牛角下策翻宜用火攻高坡

費園詩集 卷十八 三
漸可施錢鏹 國家休養經百年蠻土盡闢爲良田炎

火未昇應時令太平了不驚烽烟須與火熄風亦止翠
微依舊清如水明朝樵客入山行爛額焦頭虎狼死

還鼎歌爲沈宛門賦
合浦有還珠連城有完璧異事史書垂法物高僧澤沈

郎門第雙梧桐傳家玩好几席充就中古鼎尤可愛川
珍藏貢光熊熊雲雷驚驚迷朝代出土爛爛全不壞烹

龍原於燕饗宜雞雌長共尊彝對豈知人事閱滄桑鬼
瞰高明鼎忽亡秦鹿楚弓誰得失離朱象罔兩徬徨廿

年宦跡淹京洛二頃從無田負郭錦暉牙錢牛散酒苑

松蘿菊都零落還鄉觸緒正凄然故物俄逢列肆邊叔
子弄璋猶彷彿公孫求劍最纏綿百金重爲殷勤拂
試摩挲挾策補圖室錦存尚未殘虬食款好原如舊寓
書千里請賦詩此鼎當年會見之歸歸人老起惆悵今
我却憶垂髫時下巽上離探卦義鉉玉鉉金無不利願
君世守歷林林永與珠玑作宗祧

除蕉

百卉有榮枯過時卽堪憫此蕉經雪霜裏安生意盡窗
無碧影交庭乏濃陰引其勢難再留於心殊爲忍艾夷
王政昭肅烈天機朕序當飲以藏不利亦將頌養好因
質園詩集 卷十八 四

卷十八

四

姑息用法宜平準萬物在乾坤所遇多乖謬當門棄
蘭化腐成芝蘭誰操斯倒權難奇付一晒權期貴自全
何至傷肝腎君看松竹姿偏冬不寒窘

清江一名夷水土人云此水當春泛濫繞城而東

伏流巖下蟠蜒數百里遂達宜都苟遠石潯流
則百貨可致然施州惟不遇賣客方成樂郊爰

賦是詩

夷水環如帶滔滔總不枯伏流同潯潯歸宿到宜都未
可通舟楫還聞潯路橋休陳疏鑿計保富在崎嶇

磨嗟神祠曲

磨嶮巖下紛擊鼓楚巫降神神不語聞昔西川廣政年
曾助官軍攻洛浦聰明正直神所爲生有厥功死祀之
能司大災捍大患非此族者皆淫祠陰兵擊賊傳神史
惟事荒唐違正理收封未受蓋知神英烈翻過巴曼子
廟食千秋嶺土同靈旂颯颯暮捲風喜噴醉飽誰復見
斷猿啼月寒林空神兮寂寞歸山中

蠻王古塚歌

施州城北都亭鄉懸崖百丈勢鬱蒼下有崗門一十二
云是蠻王歸葬地高陵爲谷谷爲陵古往今來幾廢興
此冢亦遭人所發但存宰木經枯藤當年曾作西南長

質園詩集

卷十八

五

姑嶺壁壘堅無兩花鈴蘆管散雲烟黍齒雕題埋土壤
苗疆尺寸納 天朝脂壁高羅部曲消孟獲何曾縱後
反尉佗敢逞生前驕陰風吹冷荒郊月刀扇猺哥聲已
歇杜宇難平望帝心幽篴共酒湘妃血安得蒙莊語觸
骸殘魂賸魄莫生愁牧兒夜火穿秦壘義士冬青表宋
邱君不見繫繫道左今無數玉魚石馬知何處有酒堪
呼泉下人一尊且酌劉伶墓

連珠嶺詩

并序

城東五峯並峙狀若連珠爲郡治八景之一明
童景有詩而形容未備補賦是篇爲山寫照然

劉劉圭角殊傷大雅也

歷歷五星垂紫微八音貫古象史圖優典樂后夔贊茲
山靈秀鍾割取朶雲梳爲扇非爲獨相連不相斷十眉
雖未全一握已堪竿數行那得偶卦華安能換挾將羣
嶽來蔚爲衆峯冠有鄰德不孤如珠光可玩神羊羣自
垂老蚌胎誰判曉容造次探鵲以等閒彈一云懸大寶
輝華微昏旦又云現牟尼色空驚變幻得因象罔尋叔
成太阿按是石還是珠衆紛成疑衆待叩妙明師眞假
片言斷

劉鳳岡向客楚中近游豫章以詩懷之

質園詩集

卷十八

六

豫川不作蘿村遊旂鼓堂堂屬卯金同里有人扶大雅
高山何處待知音秋風楚館三年隔春水章江一夜深
料得孔璋書記暇徐亭陸觀幾登臨

得代有期賦詩述意

第一窮鄉樸塾情居然官長似暫生遊散山水靈頑難
流寓人民聚散輕懷歸經旬無客至興移即報有詩成
芒鞋欲探寒香信更向天橋踏雪行

連翠山通湖嶺自往還華風已華遠溪嶺村童競采金
星草驛路斜穿石乳關一郡欲將何事費百年難值此
身間相逢莫訝酸寒甚會點蠅吻第二班

放衙行部兩無塵鄒律方回煖谷春嶺嶂烟嵐工似畫
深林麝麝老於人占祥豈少豐年夢寄跡聊同亢士身
李杜文章眞尹績悟來絕業總非眞

耐盡層冰積雪寒登臨何處寄悲歡山緣豹隱長迷霧
淵爲龍蟠易起瀾小吏但供行酒用同僚爭索近詩看
明知虛牝黃金擲猶向閒中琢腎肝

石城綠繞短如垣小市長街靜不喧蠻地亂山皆產獺
嶺人深夜獨聞狼嘯嘯已覺官爲累牙角休教獄有冤
識得升霄階級在此生端不藉攀援

頭陀苦行我能持茹檠懸魚遠近知公廨只如三畝宅

質園詩集

卷十八

七

殘年何止六篇詩鳳燈報喜舒花早獸炭禁寒發焰遲
憶得頌椒珠桂地寂寥蠻獍勝京師

公牘無多尺牘增孟公醉後几堪凭二千石少長腰米
一百年如短燭燈占鵲拙鳩原暫寄隨獅野獸竟何能

宰官漫演瞿曇法且作西堂罷講僧

麥秀棠陰記舊聞古今難得是清芬簡寬政儉江元叔
平易詩稱李建勳遺愛安能留日久朗吟不覺到宵分

誰操史局千秋筆合有微名列藝文

孤桐追次少陵四松一章韻

施州蠻土沃草木皆堅強不凋松貌古無用栲壽長奈

何事婆娑游愛栗烈傷未能柯葉茂豈乏英華哉勢隨
獨立弱身貴先時防高原正凝閉動植紛蒼黃此惻雖
耐冷得地安且康顧茲逆旅會舊是藍田堂百尺棲鳳
幹所歷多喧涼亭毒我自主無須避雪霜會待春夏交
花舒陰漸張榮枯判俄頃否泰窮微茫化土本無私恩
怨俱可忘三復豈弟篇止棘情青碧

玉錢歌為李中書太守賦

太公九府立國法作重作輕盡令甲其行曰布藏曰泉
義取流通濟窮乏地用為馬天用龍民主采玉如采銅
雕琢成錢始何代不煩烈火為陶鎔方員入掌光溫潤
賈園詩集 卷十八 八

沈璧何人讓瑜瑾五銖未足辦山貲半兩休教價博進
李侯佩此同蕭韓手澤先人兩奕葉皎潔非從父老貽
摩挲差免空囊溢昔在都門賦玉刀扶衣寶器難藏發
方伯德衣且力賦朱又向丹陽得玉印啟文古篆遺唐
兩字篆刻微缺其光油然為友人所去 世事遷移詎
可論印乃二物今無存輪君玉湘非銅臭清白傳家示
子孫

唐六如畫韓熙載夜宴圖

南唐宰相韓文靖小面短髯丰采映清談花從轡游
三吳士女知名姓風流雲散千載餘誰其傳者唐六如

李氏國亡無寸土故家那得留韓熙載見余詩
傾都綺麗真無匹十丈沙堤蜀從同行紅燭輝煌出
雙帶泥金絕艷詞盡將官俸散歌姬丹青解當年意
托鉢應披舊衲衣重屏曾寫周煒炬蘭棋友愛稱中主
秘府宣和化劫灰此圖晚出桃花塢門桃花塢不見
秋風乍寒秋月白中原奉使無相識一笑蛾眉夢渺茫
江南路遠何人憶川韓相詩中語

題宋徽宗搗練圖

必機數尺絹中含秋氣涼征夫思婦兩愁絕千里萬里
關塞長雙杵懸新月五夜凝紫霜寒入良人膚痛入賤
賈園詩集 卷十八 九

妾賜誰為寫生擅神品宣和御製如琳琅想見揮毫坐
深殿念及遠戍心徬徨我聞白溝河遼宋曾分疆約金
滅遼敗邊蠻庸臣悞國謀非賊良獄摧殘汴京破北轅
南渡重蒼黃九天保衛遭兵燹此圖散落民間藏君從
何處獲遺蹟丹青雖戲闕興亡五國城邊異中土朔風
吹草驅牛羊穹廬一去不復返那有紉綺充衣裳偏安
納幣主和議岳韓旗鼓空堂堂題詩放筆木葉墮暮砧
隱隱聞村莊

題趙文敏修禊圖

會稽內史修禊事一觴一咏羣賢至永和太德隔千年

筆墨溪山兩明麗我若少壯燕齊游玩畫堂汗寒具油
借觀不惜鄒明府撤贈多蒙王郡侯並五州知此詞又
宛平王太守華嚴齋題家山觸緒增惆悵暮春天氣風
和暢烏帽黃塵久不歸茂林幽水仍無恙披閱且莫傷
今古蘭亭尚未埋塵土君不見雕欄金谷玉津園轉頭
已失鶯花主

題趙希遠海天落照圖

六然不載三神山游戲紫壁高堂開凌紙尺幅騰光恍
已作萬頃滄海觀誰為此圖趙伯驥青紅一氣浮毫端
天風乍收晚波止琉璃平展消殘義輪欲落猶未落

賀園詩集

卷十八

十

吞叶秋橘黃金丸珠官貝闕在其下彤光激射蛟螭蟠
始知海若大無際望洋河伯宜驚嘆瑞水三千肯信阻
碧城十二雲霞處教既逃徐福逝樓船童女何時還
安期羨門那可覓求仙采藥真愚頑掉頭且學孔巢父
東游遠拂珊瑚竿

掛像

杜老題詩解阿段陶公泗水得摩訶參軍鐵府通轍語
最小蠻童不厭多

啟齒吳兒嚙嚙清江南顧曲十年情櫻桃歸去芙蓉老
聽到侏僂第幾聲芙蓉本聚輪贈周小史詩

瘦木屏詩

癭疾如贅疣附懸在項臉唯木亦有然年深大且儼嗟
此貞勁姿忽遭臃腫掩無用甘比朽有文還勝墜匠門
乏棄材一顧運斤刻製為三尺屏光華同宛琬本具雲
霧紋不藉丹青染歷歷鵲斑羅羅瑋瑋點點采擇離倉
粹蘊含由積漸梁棟或末宜屏藩已無忝因思天地間
植物原娉娉惟木勢杈枒柔木枝荏苒長養任春秋榮
枯委崖隙置之寂寞鄉豈足當一覲此木世所珍得病
何須歎觸緒成短章信筆非褒貶

采薇篇

賀園詩集

卷十八

士

采薇復采薇薇生蠻峒嶧秋將蕨粉收春待蕨苗發
苗蔥翠如禾苗布種不用施鉏鋤婦女提筐立沙嘴兒
童負籠穿山腰施州地廣民富足况逢五穀穰穰熟比
隣都有好田園此產近同閒草木君不見嫩韭初芽薺
未花登槃蕨菜安足誇夕陽一片踏歌起社前競采西
巖茶

迎春詞

勾芒秉令土牛新轉蕙韶光又一巡蠻女蠻童齊出郭
聯珠峯下看迎春

夸水如環繞社壇東門巷陌稍平寬家家豚柵雞埭畔

不看新春只看官

東風宛宛逐人來得氣梅花爛漫開春色今年吾有分
一枝先插帽簷回

山橋行過又溪橋斗大荒城路不遙
非嫩茹甜皆上品
便將春餅試春朝

東門關

暮陰忽四垂宵宵日光薄
岌岌東門關勢向馬前落
板地有千尋去天無幾握
參作牛毛皺路爲犬牙錯
碧澗貫琤琮蒼藤挂瓔珞
怪木如老蛟伸爪肆挐攫
難通漢使車欲借秦皇鐸
五丁力已動知是何人選
在昔高羅

贊園詩集

卷十八

主

司種類此樓托舞干文德
敷納土苗民樂世泰息烽烟
時雍莫疆索美哉應應原盡屬
天朝拓

將至忠崗所見巖壑幽邃

坤軸新通透神工舊削劃
雲橫來鳳縣瀑瀉開雞巖
童叟迎雖少登臨興不凡
蕭疎巒崗長未可換頭銜
別開青玉峽望見紫金山
天入深林內人行焚燒間
烟雲爲供養藤葛藉援攀
身到仙靈窟桃源只等閒

蠻村秋千山

散毛司畔多村舍柳梯乍生梅
欲謝新姬結隊圖輕盈
早春已見秋千架秋千之架高入雲
鳳翥鸞翔影不分

翻翻可惜落荒土未展六幅湘波
帶黑白羅羅與事
蘆管聲中男女逐此戲還堪紀歲華
相沿何川移風俗
君不見豪家亭館三月時十尋綵索
雙畫旗江南舊夢
成追憶安得梨花作寒食

龍山道上

馬上詩成一路吟宿因未斷好登臨
多年古木如人瘦
昨夜空山積雪深巒俗歲華容易度
春寒天氣最難禁
洗羅村小憩增惆悵回首施州隔暮陰

望鄉臺嶺

晚度洗羅村所歷勢皆陡蔽虧南楚
疆茲嶺爲樞紐本
贊園詩集

卷十八

主

屬太極含誰將兩儀剖迴崖左右旋
峭壁東西偶高低
釋迦髻突兀天吳首下或起雷霆上可
摩星斗豈惟虎狼居實乃夔魑藪
眞宰難秘藏步步獻妍醜我從絕頂
行羣峯悉培塿負此搏風翮徒勞捷雲
手咳唾半空中
散落千瑤玖縹緲望鄉臺一笑無何有

缺爐坡

乾坤一洪爐元氣鼓磅礴人生受鑄鑄
誰敢不祥躍此坡得此名未到心已愕
從無離火焚但有異風作陰陽
或求爭鼎鼎何堪托我分掛崗符長垂
鶴旅蒙身誇百鍊剛事悔六州錯觀空
道念濃歷險宦情薄九轉幾時

成佇待丹爐藥

宿乾溪

咏楚靈中宿東坡之賦赤壁也

太息靈王事消人去不回
霸圖餘被鳥故國滿蒿萊
食同歸盡鳴啼忽起哀
挑燈重懷古倚相本無才

苦寒

萬竅中夜鳴勁風捲殘箬
山勢本嵯峨一雪藏圭角
老樹寒更假層冰厚難琢
下有獨行狐上有勞利雀
異哉太昊權潛被元冥握
方當康阜時幸少厲災作
從無人事乖得非氣機錯
多生歷長途四顧何蕭索
磨鍊高厚恩動忍聖賢學
古來大任身豈享安樂否
泰有乘賁園詩集

卷十八

古

除誰能量所托

昭雅將軍還雲聽話金川戎事

前度西川禦敵勢銀戈鏖馬擁旌旄
雲梯夜破蓬婆壘雪幕寒凝大食刀
福將功名歸李靖他年隴蜀鎮章臺
昔生愧少安邊策晚節從君習豹韜

山雪載途僕夫况瘁感而有作

團團旋磨去來程人意山形兩不平
官况備經風雨雪興圖全賴宋元明
纏綿楚夢三春病宛轉吳歌十載情
賸有鳳鸞飄泊感荷鉏歸計尚難成

巖門

巖峰高於雲人在雲之上
混沌一氣凝罡風不借
柏青芙蓉亭亭盡舒放
遠郭浮屠樓近村紫蟻
蟻窟基布局連斷卦分象
數折入巖門厥勢尤雄壯
危崖下欲傾亂木森相向
龍虎久鬱蟠何年方得暢
王公重設險茲山為保障
竊據何代無乘機扼其吭
乎羗策自良改土事為創
列戍戢干戈職貢登纁纁
休教霸圖啟敢與王師抗
戎馬限雖宜榛荆關須曠
致遠舟車通深慰黎民望

自生橋

兼山忽中分巢巢勢難動
絕剛架脩梁有馬不能縱
誰賁園詩集

卷十八

主

運昆吾刀雌雄截蟠螭
輕捷與蹢躅到此兩無用
造化設危機恐遭倉猝中
如隨地軸迴未許天門狂
入險怪禽迎出險羣復送

飛鵝閣

兼山勢東向宛宛如連帆
橫岡隔斷之取路何暫碧
在巖為劍門在秦為轂函
未能騁騏驎祗可游麀麀
飛鵝巖名無聞但有巖巖
上垂藤蘿巖下交松杉白
雲鴉翅捲紅日鴉嘴銜
經年歷艱險對此超羣凡
蒼翠濃不消誰能隻手撻
臨風一長嘯空谷聞韶咸

苗刀歌

沙渠上司悍且豪大爲容美小散毛納地久降諸酋長
尚存苗種懸苗刀此刀出匣三尺水吳潭素練翻秋濤
春鵬長尾自皎潔鷗鵲安用尋常骨蠻兒橋健逞身手
累年剽掠橫相遭官軍緩攻議勦撫居民雜處思奔逃
留茲利刃經戰關往往深夜聞鳴號卽今向化買牛贖
兼有就學嫻風騷朝廷德威加四海合兵不向羣蘭
應羅平妖鳥避鷹隼大宛犬馬隨蒲萄東南自充財賦
藪零屋荒土輕秋毫莫安有方賴守牧奸宄何日潛蓬
蒿正勞伏突本兇器昇平盛世宜藏收寒光如髮照無
寐起看太白西方高

賀國詩集

卷十八

七

西南諸上司以容美永順爲強盛連朝經其舊居

賦詩以志率服

蒼重翠復半蒿萊大長田彭去不回春老西川啼怨魄
時移南粵賸荒臺宣威久已平蠻徵負固何曾釀禍胎
漫道五溪餘習改撫綏正藉出羣才
拓開熊繹舊封疆玉斧金甌氣象昌秋浦巨壑留故窟
春風叢竹問何王軍書諭蜀先耆老武畧平羌勝漢唐
樓指古今沿革局華風邊月兩茫茫
置郡規模次第增舊圖新志總難憑中朝九賦通寶帳
絕域千年換谷陵化去縹沙生已盡舞來千戚死何能

寸田尺土歸周索遺族無須感廢興

聲靈傳不阻荒遐九譯冠裳本一家落日寒風收鼓角
深山大澤徙龍蛇類垣蔭滿柵欄樹墊鳥啼殘踞躅花
請賊已通番部散頓教險隘失三巴

來鳳山連賀虎坪寂寥遺宅尚分明曾無上將坑降卒
豈有主師敵寇兵赤狄烏孫齊納款渠搜回紇早輸誠
參軍蠻府蕭閒甚勒馬題詩滿博營

策馬溪山兩不磨紀風長恐攷精謫苗蠻守令遷官速
流寓畊耘闢土多幾見菁茅包匭貢尚聞鈴管布刀歌
平生解愛登臨勝東馬縣車奈險何

賀國詩集

卷十八

七

橫峯側嶺畫中看萬繞千縈勢鬱蟠龍爪有關長啟鑰
鴉飛無閣可凭欄農家兒女鞦韆競山鬼衣裳薜荔寒
其倚昇平疎守禦古來邊境要人安

椒酒纔傾令節尊勾芒偏到百家村層巒歲久懸危象
芳草春回捲瘴氛未可高深憑地利盡教撞燹戴天
恩采風聞有乘輅使安得披圖與細論

拖船功

古來稱盪舟寒泥之子界此均何代留非渚亦非渙夜
然藏不牢負趨實雄鷲剝木原無楫創土漸成窳設爲
缺陷形聚作乾坤與我行航航塗危機再三蹈曲折已

會詣豈稱僕夫導夾路古梅開暗香撲衣帽投館大庸
城明朝理帆棹

大庸所

岸山接天門山名青蒼連一氣庸城時其旁諸峯互虧蔽
林藪無怪形村墟得閒意我從蠻嶺來所見皆幽異久
鬱瘦蛟身忽舒大鵬翅方知震旦間原有空明地回瞻
龍爪關巖巖藏雲際指日涉江行好趁升航利

崇山

雲氣生衣帶崇山最上頭中天想虞舜此地放驪兜黃
鉞在何許蒼梧相向愁潏潏東去水利涉始通舟

質園詩集

卷十八

六

驪兜墓

一放人威服千秋罪不除生同旗布務死亦骨專車殘
魄依蠻土兇名列尚書三苗風俗近荒堊更何如

舟行

南楚蒼涼地羈懷鎖不開衆山津市盡諺云津市不須問行到山見盡
一水澧州來道遠思公子時平失伯才離騷千古意唐
景有餘哀

花信番番至東風勝剪刀春寒添縹緲瀨淺開艚舸赤
粉寧無從芳蘭尚有阜溯洄吟未罷出聽舞鯨鯨

自施至鄂途中雜咏

千里關津半月程楚南楚北不勝情多年雲雨迷朝暮
終古芬芳屬杜蘅馬氏數傳無國土賈生遠謫有才名
按圖問道新求駿會遣渠黃掣電行

矯首丹霄路未通理苗贊郡愧無功眼明立馬千崖上
腸斷聞猿五夜中待挽天河舒雙手漫經坐廟謁重瞳
平生曾擬支提藏勘破榮枯是大雄

南荒宦跡落亭州世不相擠我自投香案氤氲無夢到
弓衣刺繡有詩留百蠻男產多於女七澤春光冷似秋
如此散閒難報國一官眞覺四宜休

質園詩集

卷十八

九

慈嶺黃河萬里探邊郡幾會遺望繁華風久已被西南

陸澄增輯新方域廣袤還尋故老談
古蹟班班久不磨聊將憑眺慰蹉跎秦師失策存三戶
楚魂迎神唱九歌習俗尚然多詐否靈修其奈信讒何

春蘭秋菊人間恨試與投文弔汨羅
章華廣燕委蒿萊南服興衰事可哀櫓帆書成留信史
梗楠歲久乏良材重樓羽客仙踪杳一炬夷陵伯業灰

今古光陰江漢水滔滔東去幾時回
碧波初泛出蠻村如練如綃簇細痕八節灘頭停短棹
數層花外隔重門高雲未許輕身倚落日偏隨倦眼昏

作宦作詩同一況工遲拙速總難論

小機寸壁滿奚囊結習何能破
飲光詩法通禪兼頓漸
歲華入世忽眩涼退閒地少逍遙
館位置官宜著作郎
自訂一編長慶集匡山古寺好收藏
愁生愁破渺無端兀兀騰騰付倚欄
燕子舊居深巷悞
杏花芳信小樓寒年踰四十身猶壯
節近清明景未殘
却怪聚星堂下住鄂城春色不曾看
金鏡誰與刮雙眸應聘衡文我未優
鍔網珊瑚難出海
並珠宮殿不曾秋才如繡虎方堪薦
學昧天雞亦可羞
長憶昔年辛苦地三條官燭五更頭

質園詩集

卷十八

三

中春楚中試院偶成呈主司寶東臯學士莊方畊

編修兩先生並分校諸同學

應聘新隨奉使軺別殘官燭幾春宵
兩庠士氣經培養
一代宗工運斷雕出匣銀鉤秋水淨
入囊霹靂古桐焦
臨軒屢下持衡訓要取清眞答聖朝
鑽院暄寒兩候參柳穉才吐杏苞
含待聽良燕新筆瑟
共采名材舊杞柁匡戴六星光自朗
風馳萬騎戰方酣
休言此技銅蟲小玉律金鉞愧未諧

羅網羣英佐泰交
策征得志應初爰
玉無瑕玷珠無瑕
豹有爛斑鳳有苞
江漢至今留士女
匭包從古重菁茅

菱花影裏分明甚絕代施嬌總不消

浩淼恩波太液寬
廣寒身到不知寒
排空法曲
記位業全圖子細看
奉取芳蔭來楚曉
移將仙注屬春官
八月九重宸翰昭雲漢
華國文章亦大難

銅鶴詩爲同年曹震亭賦

良工鑄鑄自何年
幻出胎禽態宛然
建信可堪迴闕苑
前身曾記在芝田
九皋聲斷天無際
百濯香濃夜未眠
鸞鏡鵲爐春易去
留他寂寞伴雕仙

鎖院夜聞狂飈

忍寒擁被失春溫
長女何堪徹夜喧
防件諸星搖北斗

質園詩集

卷十八

三

爰居三日止東門俗塵莫遣嫌
同箴吾意唯愁眼
暫昏聞道五行會
有志欲邀中壘共深論

分校減事得士六人

聚奎堂畔夜光明
千古文章有定評
陸氏一莊雖寓意
蘇門四友最馳名
器非彝鼎皆凡質
樂到咸韶得正聲
九載西清叨侍從
却教遲暮采芳蘅

質園詩集卷十九

會稽 商 盤 寶意

月夜聞琵琶聲

月滿最高樓疎簾盡上鉤凭闌千古意裂帛一聲秋切
切傳私語淒淒起暗愁明朝臨鏡看應有雪盈頭

書樊南詩集後

詩關時事方稱史文寓微詞豈易才若使玉溪生宋代
也添公案在烏臺

滄海波瀾寧有盡匡廬面目本非真眼前妙諦今方悟

杜李義韓蘇總一人

質園詩集

卷十九

挽沈蘆山

老友誰如几可凭晚年忽失沈吳興瘦吟永斷梅花閣
虛山義客廬雅雨感舊重挑暮雨燈一葬小勇真似
夢幾回大別憶同登湘蘭沅芷招魂地欲遣巫陽竟未
能

南游

踪跡八年多繼繼歸心負澗阿世路鷓鴣行不得

才人鸚鵡恨如何雲霄漠漠天難問江漢滔滔水易波

畱取文章身後在青紅海嶽未消磨

借菴藏書圖歌寄董二樹

二樹山人居借菴菴中羅列書萬函發篋長譏蘇子少

積卷不待曾山揀此書戔戔亦何用中有星斗風雲

五車縱觀勝珠貝百城坐擁輕郊郊我從壯歲竊微祿

不學無術心懷慚昨歸鄉里時過訪快析疑義驚高談

所借唯書非俗負以菴名室如精藍縹緗自喜分甲乙

臨來追問儲畧既朱老補圖不書氣朱中峯堆牀落筆

爭沈酣曹舍鄰架紛在眼暇經河以寧貪婪側聞暮春

之初三月三茂林曲水南城雨好鳥喚人音現曉難花

滿陌香醴醺風光如此不勝嘆杜門兀兀情何堪寓形

適意解繩縛那能作蟹同吳蟹大千界多文字障不

門向空虛參是時山人讀書樂且湛題詩嘲諷吾且悠

質園詩集

卷十九

為二樹山人題趙秀才古餘花卉遺畫

天池不作章侯死碌碌丹青鄙餘子誰能揮酒仿徐陳

活色生香出腕底趙生與我同里居豈唯好畫兼好書

偶然游戲寫花鳥寸縑尺素珍璠璣二樹山人平原友

畫花畫石皆高手奇花忽謝石孤存遺墨題傳不朽

玉樹埋來土一層花前玩畫泪沾膺應珠初喪傷曹植

北垣臨終嘆庾冰作詩慰爾重泉路人閒從此無風露

莫過黃公貴酒壚共吟杜老招魂句少陵詩詞翰與招魂

續自懺詩

花叢偶揀最繁枝曾和游春百韻詩地到其茨迷亦好

入妙喜見還疑三千功行三千界十二因緣十一時
離樹平鋪清淨退樊川漸已發成絲

輕如鴻羽細魚鱗過眼離離辨不真洛浦微緣微步濕
曲江車爲近前噴三生夢入無遮會一炷香繁未了因
紅雨滿階芳意淺笑他痴蝶戀殘春

青溪曲六朝餘狎客名姬有故居燕子衣襟催赴社
梨花門巷悞停車十眉善譜張京兆百番奇箋薛校書
山鬼自迷人自悟文狸赤豹竟何如

算盡恆河億萬沙阿閼舍衛可爲家燈因慧極翻無焰
殺到焦殘詎有芽作戲那堪長傀儡逃禪祇欠暫袈裟
質園詩集 卷十九 三

六通一貫何分別未必宜尼闍釋迦

鄂城送春

趁趨韶序急相遭孤負芳游典組袍人逐雨雲行冉冉
事隨江漢去滔滔殘英落絮同歸盡白髮青衫且放豪
曾是蘅蘭哀怨地含情凝睇向湘皋

東君踪跡我先知惜別無筵但有詩紅袖泥人原是夢
綠陰成幄已多時從來粉黛歸荒土何處鞦韆尚畫旗
絕代銷魂黯黯意晴川雲樹晚離離

爲震亭再賦銅鶴歌

莊山既空若耶澗良匠采荆鑄銅鶴此鶴不鳴復不飛

中有活潑飛鳴機先生取作文房寶珊瑚瘦骨八老
不如雷伴睡鳴爐春宵四角垂流蘇今年攜爾入塲屋
月暗星明幾句宿文光十氣爭騰超恐隨鸞鳳凌霄
鶴兮鶴兮誰所煅安得腰纏十萬貫

偶成

鵲鳩鳴時未破寒客行客寢幾曾安意中朝暮荆臺遠
世外山川蜀道難堊史開亭何日建陰符秘笈昔年看
輸他高節陶宏景神武門前早挂冠

爲顧爲尉士論閒浮名奇福錫應怪斯人自古多憔悴
此席於今最散閒夢入栩栩全未悟詩非溫厚總宜剛
質園詩集 卷十九 四

眼前塵霧皆疑障欲向如來問八還

雙魚玉佩詩

李中吉太守繼室倪恭人前歲歿於京師所遺

雙魚玉珮一枚太守遺諸懷袖請余賦詩時值

改歲人事錯錯未遑報也今春襖被鄂城夜雨

挑燈爲詩以踐前諾年來方悼侍史之亡根觸

於心故末章及之聞太守已新續鸞膠而余自

六如化後猶孑然在經卷藥爐閒泉下有靈不

識誰喚誰喜也

舉索同心九陌居追尋往跡電光如丹山朕得孤棲鳳

錦水輸他比目魚小月珮環魂返後重門鎖錦綉

泉臺倘有微波托充使煩通尺素書

誰琢藍田玉一方文鱗三十六成行辟寒肯放纖纖手

初佩曾垂楚楚裳泉下喚喝寧有隊鏡中金翠共無光

老鰥耿耿愁無寐燭暗香殘夜正長

同安繼室最幽閑作贊彌陀有淚潛永夜添燈昏地下

多年金盃隔人閒燕臺凝睇家何在楚魂傳葩鬼不還

怪底風懷消未盡依然白髮對紅顏

舊鄉迢遞失溫柔聽子言愁我欲愁將老豈堪離伴侶

多情何忍續綢繆瑤環尚憶生前聘錦段空思地下酬

質園詩集

卷十九

五

一幅蠻箋數行字宵吟催白旅人頭

寄慰程二魚門罷舉

吳楚風雲遠信傳望君鯢化我鷺遷短簷易盡三條燭

舊業猶存二頃田滄海遺珠且有涖陵陽獻璞已多年

菜花新水盈盈綠且泛蕭湖放鴨船

病左手

雙肱宜整不宜零倉卒寧寧有異形預恐持螯孤令節

空思執籥向公庭偏官已苦遭牽制隻手何堪任使令

總爲從前太疎放一身寒燠失調停

咏史分得西漢

白登城下解圍農社稷安危托婦人誰道陳抃事

漢家從此議和親

落魄高陽最有名儒冠未泐竟遭烹悔將三寸澗翻舌

去下全齊七十城

大農平準法非良禱雨應難格上蒼畢竟直言輸卜式

牧羊人自解烹羊

傳購綠幘真無狀甲帳珠簾更不倫却怪歲星輕下降

年年執戟向何人

楚中問人徐階升彭茹九苓瑤階田綱叔蕭瑤圃

先後公車北上以詩送之

質園詩集

卷十九

六

十載分符兩鬢蒼杞楠新得楚材良未能神鬼陳前席

且遣崇宣到後堂遠道聯鑣隨計吏諸生報國在文章

曹溪屈嗣衣何有夜半空聞定戒香

惠風披拂滿芳郊柳已飄綿杏拆苞鳴鹿宴廣詩小雅

漸鴻儀應易終爻科名尚屬人間重形影何曾鏡裡消

包匭從來稱楚貢春秋王祭要菁茅

一官落落似閒居屐齒苔痕屢破除且意存師友內

別愁偏起笑談餘扶風向日能吹笛靖節他年待舁輿

夢逐槐花黃滿路今歲八楚燕心跡未曾疎

小技雕蟲我自詆鎖閣久困浙東西風檐舊泪三條積

日賦新篇五色迷幸免人職汪藻起未知誰作宋潛溪
元朱潛溪編新黃柳吳三公集上林苑發遙相憶恰恰
時余方訂定舊黃故戲及之

餅花

東皇歸意渺無端停供繁枝尚未殘小影最宜簾下出
老年免向霧中看含情仗爾留春駐擁髻憑誰語夜闌
香雨好蘇居士癡破陰結習本來難

盈盈冶冶最多姿交侍邊徐寫折枝比作殷勤金屋貯
漫勞迢迢玉峰期用唐韻坐來燭暗香銷後避過風狂
雨橫時省識優游原一作現卡分憐惜總愁癡

蘭園詩集

卷十九

七

鍾情脉脉致溫存拈取紅芳問世尊蝶脂蜂腰全不到
倡條冶葉共無根重門深掩人何在斗帳低垂夢有痕
又是一番寬業海多生禁得幾黃昏

觸近吟邊更酒邊難銷幽恨是今年鏡無金翠朦朧影
庫有琵琶斷續絃意外不知何氣候人間誰護此嬋娟
陶潛賦與崔徽卷纔隔芳叢便杳然

蠶市

孟夏天氣溫紅蠶齊上箔應候得嘉名豆莢正堪剝朝
采采盈筐暮采采盈握剝蚌便探珠與蟬同蛻壳何當
纖手捫不藉清泉濯細意飭中厨宜蒸不宜烙簇簇待

登筵誰方出鑲早韭與晚菘安能一時較我來鄂州
城月魄經三朔敢邀大烹養未逢盛饌作唯此園中產
充腸免慚作然非魏殿煎炒有蘇髯約列鼎藟肥甘娛
賓佐酬酢是物嫩而柔其情廉且樸試唱南山歌人生
且行樂

長歌再寄魚門追次午秋出京園別詩韻

去年此日淮陰城訪友初停書畫舸僕悲碎鏡君鼓盆
破涕爲歡均未可座閒豈少瑟兼笙夢裡不知誰是我
主人好客并好詩月夕每虛左赴官期迫敢淹留
從政才疎慚遠舉前短袂一朝分方外浮雲已楚腰

蘭園詩集

卷十九

八

太條越格荷矜憐岐路迷踪難付揣試劍曾無周宋鏹
關弓那有妨胡箭今春應聘入文闈聚星堂下經時鎖
遠從湖北望江南嗟君失志遭坎坷新圖十客門纖穠
細網千絲遺嫋嫋歸來堅臥晚甘園聊共難兄種蔬菽
九陌羞爲躑躅行典時全結跼跼坐蘇張有舌尚翻翻
朱象何煩大鬼瑣探囊棄悟去來今及第花隨露電火
價珍且復秘琳琅得疾休教生疾瘡豈弟愚誰薦孟郊
爾黎幸免輒王播半符我已讓黃雙俊君原如晉安
會須命駕慰蹉跎千里行糧數月費重聽舊雨燭條條
快展新篇珠顆顆臨風含意未能申佇待郇公碧雲來

程三緘齋去夏新葺書屋余在淮時以緘齋顏之

匆匆南行未暇爲詩補賦是篇仍次前韻

達官四望車高人五湖舸通介既有常進退無不可之
子楚州居懶性甚於我斗室聚古今作策未云左人因
幽始貞道在確而果要與義軒遊不隨雲霧墮以緘名
其齋斯義勞度揣言如玷在圭又如弦釋筭善哉磨洗
堅厥口宜局鎖守此金人箴平行遠坎壈憶昨孟夏初
晚花猶婀娜僕從北地來訪舊宮園賦君時偶示病十
笈披衣坐戢戢倡和篇投贈不嫌瑣忽分牛馬風頓敗
榆槐火束縛困寒曹有若肌生鱗跡非夜郎還名豈新
寶園詩集 卷十九 九

羅播會持三緘戒宜置一卸妥探湯手自垂避穢足長
裹咏必待袁宏惠須酬魏顥計日蟹輪芒過淮想頤朶

杜門

歐陽政寬簡公府同僧廬簡非尚清淨寬則能紆徐我
昨攝蠻郡吏民皆晏如矧當及瓜代聊作休沐居杜門
暫謝客蒼蘚盈階除穆穆囊中琴整整架上書一彈兼
再讀誰謂官箴疎

自訂新舊詩五十卷此後名爲衍餘

詩與年並長編成大衍餘不知從此進境界復何如冰
雪寒猶下爲花老未疎曼陀香雨汗結習恐難除

大中丞恆公屢賜鱗魚賦謝

江漢投閒節序遷媿無敏手試烹鮮連朝飽餽郇厨德
不美襄陽縮項鰓

元禮高門舊是龍檠文奮武本儒宗人閒多少凡鱗鰓
都在滄溟萬頃容

蓬萊清淺息波濤結網垂竿未覺勞知有經綸歸掌握
看公談笑得連鰓

堆盤玉雪午餐餘淡醢松鱸美不如領取中丞頒賜
要將清醢賜懸魚

方伯郭公座上呈詩一篇

寶園詩集 卷十九 十

屏翰載周詩帥伯垂王制顧茲南服雄句宣實重寄明
公翼亮才瑚璉宗廟器翺翔中外久敷歷非輕試理財
兼用人平章關國計民以食爲天尤稱第一義楚俗鮮
蓋藏仰給西川地况當四達區豈有三年積告羅鄰境
賴居奇商賈智在官與在民濟乏均無備邇來市價騰
糴米如珠貴賄賂兩候交付望麥秋至中丞在武關爰
諏祭未議節儉勸比閭補苴煩大吏毋使彫剋民勸資
盜以利偉人敷政優廣廈萬閒庇元化隻手勦偏灾寸
心繫旅食笑閒曹荷公不遐棄從容述見聞籌畫先時
事區區離合踪雪泥何足記

仲夏隨中丞公出郭觀農雨中小憩洪山寺

良苗新意及時耕
好景東郊仲夏初
白叟黃童迎道左
曉來甘雨正隨車

簇簇秧針遠近齊
甘棠閒憩得招提
元戎小隊無呵嘍
一帶濃陰謝豹啼

聖主恩深屢賜租
恤民三楚等三吳
知公體國惟忠愛
要進郊風稼穡圖

分將餅餌村村遍
演作歌謠處處傳
待補歲時荆俗記
蒲風槐雨訓農天

謁葉忠節公祠

質園詩集

卷十九

士

用兵不戢將自焚
裁兵不善起寇氛
武昌往事六十載

橫戈探甲猶傳聞
楚軍在昔稱輕剽
倉猝轅門爭鼓譟

擒賊誰移郡守文
用董攻城更甚潰
池盜是時大吏皆

徬徨我公意氣不可當
臣報其君子報母要與天地扶

綱常公既捐軀賊亦死
事上九重慘不喜惟將卹典

慰忠魂碧血爛編照青史
憶昨曾充纂修職令子文孫

鮮相識一尊促席誦先芬
五馬分符蒙聖澤

公守新

威馬雲車臨吉日
春蘭秋菊歌神巫
迎公公送公公知平

小豹

我聞虎豹駒其氣能食牛
秉性實雄桀委已安河梁此

豹不成豹甘與狸犬儔
當其墮地時乳育南山頭失足

樊籠困回首雲霧愁
唯餘炳蔚斑已作竟體彪異哉蠻

郡長入穴勢搜求
秦養類僮僕漸次疎半因一朝饑噉

人方悔招愆尤
藏兒宜遠慮畜獸非良謀尋彼鷲鷂盟

勝同竄竄游

問許工部南臺毀於京師以詩爲挽

十年吳苑每同遊
楚省爲郎雪滿頭
元度清風容易散

小別業至今
甫開情南都題還壁
乾隆戊辰秋共題

往事東華憶借裘
自南臺借裘多少蒼涼存歿感斜陽

質園詩集

卷十九

士

一笛楚天秋

咏梔子花

海榴開後過端陽
薜蘿林依選佛場
百媚未銷婆律火

一生猶賸辟支香
夢回寶釧聲聞斷
老覺空門意味長

莫以同心誇舊豔
重詩同心梔道人兩鬢已全蒼

朱東海畫龍歌

雷鼓出龍稱最工
後有繼者徐微中
本朝高祖周鼎亦

神妙爲生不讓陳
所翁此圖出自朱
觀察海立雲垂氣

塊凡在天爲霖爲雨
來去地千尋萬尋
拔君不見素壁

蜿蜒何擾擾時現一
髯兼半爪騰躍徒驚
變化奇經營

那識丹青巧我有性梅藏法華能伏諸天龍葉又掌犀
安知起雷電滄溟幾見揚塵沙捲圓仰視莫惆悵欲奮
丹霄須少壯

晚淮上邊頤公

昔年論交十六年林逋魏野共周旋閒揮妙翰無雙手
靜對雁眉最老仙悟後漸離文字障生前應怪姓名傳
歸侯臺畔溶溶水從此經過怕泊船

王芝歌

秋雲小朵瘦且寒化為盈尺青琅玕良工細意施雕鏤
幻出九華星三秀吾聞芝草稱壽潛名與楚蕭華萃兼

質園詩集

卷十九

三

函德什泉那可見奇珍一握非廉纖君不見桓圭蒲璧
昭世守此物傳家同不朽作貢堪登天子堂采芳早入
仙人手是玉非玉芝非芝玉質芝形兩可疑欲向蒼崖
訪綺季先教碧眼驚波斯美玉從來充上幣光芒大顯
文明世述異誰披瑞應圖賦詩聊補援神契

方伯鄂公入

觀將行奉

命巡撫甘肅以詩志喜兼送之任

華旌北指正朝天早賦彤弓第一篇三楚江山思故

鏐九秋鼓角待防邊承平久息臯蘭戰霍去病傳下

川 割據休論拱化年拱化年號 城久不城久不

靜玉瞻清影照那連 會陪簪筆立螭頭器業輸公累百籌寒外勲名班定遠

關中威望郭鄆州鄆州 海萍難合雲散屑樓鶴尚留慚媿郭先奇策少豈能談

題餅中芍藥卷子

揚州嘉種汝州寄寫入冰霜五尺綃金帶有園長列座
玉人多恨罷吹簫三生禪榻閒中悟百媚春姿夢裏消
會向蜀岡尋舊跡免葵燕麥晚蕭蕭

質園詩集

卷十九

古

誰遣邊徐爲寫生倚風含露太多情逢他相謔成前度
怪爾將離作去小名玉佩鈿車猶繾綣雲窗霧閣不分
明何時走馬豐臺路要對羣芳次第評
一春垂泪哭宜哥伴老花殘奈老何散罷曼殊僧有病
填來精衛海無波娉婷祇賸生前卷懊惱空聞醉後歌

已長丹青起惆悵佳期天上又銀河時值巧女此首因

風雨

風雨莽推殘點筆繁枝耐久看小謝細吟眞絕豔

二 高深鎖不禁寒韶年冉冉隨流水舊恨重重入倚闌

莫惟討春情緒懶傾城再得古來難

初聞蟋蟀聲

蛩語知時令能生旅客愁懷人半規月在野絲吹吟
苦如相和更闌尚未休含情開繡鏡檢照舊衣裘

咏猿

曾聽巴山五夜啼愁雲遠隔萬峰西人閒豈少金漿果
不及深林自在棲

樊籠一入別蠻陬草屋花記得不通臂天生無用處
北平到老未封侯

本是山林獸羣身憐渠饑飽總依人他年舊主王仁裕
峩冢祠前認野賓

質園詩集

卷十九

五

種籐遺俗尚豪雄登萬巖千繞越中自愛雙丸談劍術
拂衣歸去訪猗公

襄陽瓜

襄州美產馳名久西苑東陵未足誇小圃何人方納履
大堤有女尚如花破他燦爛同金屑投我殷勤勝木瓜
閒說秋來應得代佳期相訂莫乖差

鄂城旅夜憶秦淮舊遊

楚館蕭蕭暮雨收前塵如夢記并州南朝兩字傷心甚

宮柳宮槐不奈秋

古琴百納賞音難許氏河亭夜倚闌一曲明光三十段

自鄂先要聽人彈

丁字簾前水一方晚風涼透菱荷裳沈侯歸後遠郎
蕭去冷落橋西舊草堂蘇軾詩在鄂城

誰將細網結千絲解賦游春夢裡詩閒說玉京堪絕代
相逢偏值道裝時

陸海新詞小海詞

與化顧陸海有金雅詩二十首碎金

零粉未銷磨虧他一掬秦雒水蕩盡才華幾綠波

晚歲金陵作寓公郡侯談宕布衣雄王太守孟亭清涼

山下清涼寺黃鸝秋苦雨故宮後卡避世宮

後湖蓮子孝陵瓜水閣酒賓第一家文德橋頭遙望見

質園詩集

卷十九

六

出牆半樹紫荊花

紅牙翠袖奈多情願曲當筵舊擅名誰把新書續南部

米都知勝米嘉榮南都新書載伶人米都知詩有

城西風景似山村鷄犬仙鄉世外存會向隨園重懷古

小倉巖近謝公墩隨園地名小倉巖

梁武充庭殘樂部謫仙被酒舊官袍燈前畧補烟花記

便有吳霜點鬢毛

劉二歷山自越至楚以詩見貽賦答

越客爲越吟楚人爲楚奏土風良可操離鄉欲何就吾

友載雲旗作策將昨謬稅駕鄂王城會余方逗遛且喜

萍蓬合其驚鳥兔驟昨分蠻郡符所歷多巖岫絕壁掛
藤蘿深宵聽猿狖欲矯首望鄉關含懷思老幼逢君故里
來急取平安叩旅宦各蕭疎困窮天所授待卜爾家田
同歸事耕耨

依韻再酬歷山

一麾再出又經年敢向清時怨左遷楚北市雲原是夢
淮南鷄犬不成仙同爲絕代悲秋客未了深對剪燭緣
莫道夜郎憔悴甚新詩贏得百蠻憐

歡場忽失綺紈時帶索行歌幕啟期短髮豈堪吹落帽
長城祇合監降旗卷簾待月入先得隔座藏鉤我未知

讀國詩集

卷十九

七

一語自嘲還自解甘心折福要工詩

秋懷

雄風吹散古今愁何處登臨得勝游漢渚月明還有佩
楚天木脫不宜秋仲宣死後餘詞賦季主逢時卜去期
我已觀空忘節序虛勞蟋蟀促衣裳

宦跡東西類轉蓬才涉世豈能工印綬不用囊長結
讀本無多案自空聽鼓應官容我嬾歛門看竹與誰同
浮生早悟升沈理耐職何如向敏中

小病逢秋體漸康層陰釀雨助蒼涼拂邊是夢還非夢
傀儡登場易下場蠻土烟雲供養替盟鷗鷺怪行藏

鄉園嶮嶮休回首竹塢松林已盡荒
衰柳平蕪別意含可堪搖落感江潭山公敗事誰能
水部工詩我自慚身外浮名原細瑣人間急景太移
休言材大難爲用匠石何曾棄梓楠

秋蟬

寒蟬知語默秋至不聞聲飲露未曾滿舉家相向清古
城今日冷殘柳一枝輕促織何無賴乘時得意鳴

琴枕

製枕如琴巧匠鑄泥人恰稱乍寒天荆王自昔原無夢
陶令于今忽有絃直補蜀桐音寂寂七條湘竹泪涓涓

讀國詩集

卷十九

大

閒中豈少清涼界流水高山入醉眠

紗幮銀燭影幢幢情緒如魔未易降綠綺橫陳曾自薦
朱絃細按不成雙誰教牙曠來中夜自愛羲軒臥北窗
多事邯鄲仙客贈人間榮貴等竿橦

青象無尋闔古今三生前夢杳難尋消除伏虎神鷄號
鷄冠誰鸞別鶴心司馬潛挑傷獨旦宓妃畱贈爲知音
箇中秘事何人識未許蒼龍子細吟

小睡能將太古留華胥近在嶧山頭金徽玉軫爲誰好
冰簟銀牀相向愁捫斷虬紋千縷細彈殘蟬鬢一分秋
漆園遺羽終歸幻且泛成連海上舟

憶家

慙不能除懶更增思家鎮日出關凭平安信少傳書使
閒散官如解制僧旅夢無踪隨落葉秋蛩將恨訴殘燈
金庭山好遙相待苦屬經年惜未登

乍寒

大火西流白露過乍寒天氣旅情多人因病後加餐飯
官向閒中得嘯歌燕子尚依梁棟否桂花其奈兩風何
門庭已覺清如水不待他年雀可羅

個師噴笑爲逢場作戲人閒歲歲忙小園薛藤爭不已
中朝絳灌伍何妨梧桐影薄秋先到蟋蟀聲沉夜正長

質園詩集

卷十九

九

魂斷江南珠一串待聽古調按伊涼

聞石帆學士端憂歸里以詩寄唁

暫謝東華保直廡還鄉且作杜門居午橋重葺先人業
丙舍猶藏秘府書潘岳板輿長未遂王褒弟子竟何如
君親恩重皆難報知向松楸夢石渠

學士所居有上午橋故以裴令山莊

送同年黃澹圃還洛陽

如此年華伴爾農閒身今日太從容吾君吾相世緣淺
東水某邱歸意濃天外高翔同矯鶴人閒却走爲真龍
齊書且富名山業開戶摩挲舊種松

品馬鎮紙歌

水晶出水寒氣凝巧匠運斤如琢冰玉花照耀紛在眼
大宛瘦骨成鋒稜吾聞良驥一日行千里過都歷苑風
雲起未隨壯士去防邊翻向文房作鎮紙我昨題詩咏
玉魚李侯舊物增欷歔又在春園賦銅龜曾與曹公資
嗚噓魚兮不躍鶴不飛此馬伏歷如受機武師無功雲
錦散西陲首蓓年年肥吁嗟老矣猶識路下馬看余裁
露布

吳中酒有名老虎油者見到二歷山詩藁戲綴一

百二十言以博吾友一笑

質園詩集

卷十九

十

中山千日醉平原十日雷百川學鯨吸一斗與婦謀君
爲醜醜灌黃作琥珀浮厥德清以和其味旨且柔如何
麴蘖中乃有老虎油虎性實雄暴不與凡獸儔惜哉炳
蔚散誰取脂膏收餘威入醉鄉遺毒歸糟印命名垂鑒
戒沈湎庶稍瘳平生不善飲頗好獻酢酬賓從無號呶
免貽邊豆羞但得醇醪趣於虎乎何尤

題歷山瑤青閣詩卷後

雲霞態變因舒卷金石聲諧待擊撞君是再來吳內翰
一生心折李才江
發音鄭重賞音希藝苑雌黃足是非拈出詩中三昧旨

不粘不脫有禪機

王山吳庭師弟兩堂堂吟社聯壇在梓桑旗鼓莫辭迎
日整張南周北子中央

吟殘秋漏詩多藜草盡春光
新華雨處舊游地不得
小西湖共小鄆鄆小西湖在鄆城

取川酒酌歷山以詩爲伯

眞珠細滴小槽紅花月江南醉醒中勝侶凋零良會散

鄂城秋夜試卽簡

楚蜀經年旅思多燈前頗爲故人耽聽歌三爵由他悞
絕代周郎奈老何

質園詩集

卷十九

三

題襄陽孟友石漁莊手卷

煖後微涼雨後霞水村風物足魚蝦相逢不用相迴避

漁父漁婆總一家

雙槩缺瓜船似屋三楹臨水屋如船襄陽自昔多新語

恰有槎頭縮項鱸

什載黃塵未拂衣憩棠剖竹計全非五湖我亦烟波長

楚館秋深夢釣磯

聞李徵士碩夫捐館以詩挽之

舊侶滔滔逝水流今年又失李長洲等身秘寶曾無價

歷劫靈光不可甯東漢高名歸管邵西園公謫在塵中

金絲小巷斜陽暮鄰笛聞時欲白頭

懷王毅原周元木秦鑑泉汪琴山江樵谷老孝

應試南宮

忽憶公車五孝廉南金東箭一時兼定知有目皆同賞
未可將身更自嫌鳴鳳和聲詩最好漸鴻儀羽易先占

京華吉語憑誰寄要作秋來喜事添

秋晚登大嶗山

禹貢紀荊州內方至大別易名爲魯山氣象實雄傑繞
郡稱屏藩臨江作樞臬本非元武形謬與肥遺列我登
數仞岡正近黃花節四顧何蒼然斜陽澹明滅卻月有

質園詩集

卷十九

三

層城鎮江無斷鐵千年汚漠流溶溶抱環瑛涼颼起荻

蘆波紋忽繪裂浩歌惜短景俯仰懷前嘉忘機古丈人

遺踪自復絕

郎官湖懷古

古波如薜蘿鄰鄰張李相逢有宿因觴咏偶然爾勝槩
蕭瑟原未厄才人夜郎此去還千里賀監同游似隔晨

近侍可堪長浪跡散閒身是語言臣

質園詩集卷二十

會稽 商 盤 寶意

自秋徂冬偶有所觸以詩達之得平韻三十章

南紀江山自古雄追尋往跡委蒿蓬且初蘭芷三秋佩
未借鵬鵬一線風爭劫基聲多錯雜浮天海氣半青紅
喧寒莫道推遷易總在乾坤棄舊中

鄂城留滯閱春冬華綬襟懷半淡濃坦率未遭僚友恠
迂疎長荷上官容望塵伏道經年嬾吸月簪花勝賞重
治譜寥寥詩帙滿愧無循績贊時雍

詩意能將俗意降登臨勝槩總無雙白雲斷影樓橫郭

質園詩集

卷二十

一

元武迴身漢合江大別山俗名龜山時際昇平兵革少地通商

旅語言呢眼前有景憑誰寫鐘磬洪音待擊撞

華髮塵顏覽鏡知芳韶歲月漸衰遲性緣愛潔難諧俗
味到回甘已過時徐邈雖通原是介長康有黠便非癡
鵝鵝陣與鴛鴦劫袖手閒看一局棋

出世能忘入世機剖符綰綬素心違驚駘且喜馳驅少
傀儡安知面目非春夢迷人如許短秋毫析利本來微
樵兄漁弟遙相問潦倒風塵要拂衣

雲卷雲舒任太虛觀空萬念頓消除大還竟有昇僊犬
小史徒爲識字魚身外榮枯歸定業眼前羅列是羣書

歸閒不結春期夢驚序鶴行已盡疎

往來蠻郡近夔巫出峽巴船記得無一水建瓴直破膽

五丁遷石少完膚題詩屢下閬鵬拜玩豔長懸畏欲關

薄宦天涯成浪跡側身江海隔蓬壺

枳棘卑枝寂寞棲任將甲子混塗泥人逢聖世休傷

賤賤近仙源便易迷齒櫛韶華原最暫鵬鷖得失會須

齊瑞樓玉宇高寒甚其嘆青冥未有梯

九華樓閣五陵街走馬重經壯懷卿月有光偏吝惜

歲星何地許詠諧驚傳那有遷喬喜花信多綠積雨乖

誰與開中報時序一聲蟋蟀又當堦

質園詩集

卷二十

二

青史數名照鼎台幾人物色到蒿萊君王自愛傾城笑

花月能憐絕世才五夜聞鷄空起舞千金市駿尚留臺

梗楠聞道宜梁棟會遣良工度楚材

流轉仙凡第幾巡忘機無喜亦無嗔承平世享康寧福

本分官宜淡蕩人方外可容長岸幘坐中何事獨沾巾

渚宮花草晴川樹倦眼看來總不眞

疎柳殘蟬斷續聞一年涼燠正平分曾無意外披雲宴

但有秋來禱雨文莊若江皋貽下女芙蓉木末望夫君

憐他青翰舟中客綉被殷勤徹夜薰

桐陰滿院易黃昏長假經時靜掩門春草幾曾通夢寐

秋蟲好與話寒溫吹噓敢怪風無力雕琢休疑月有痕
官職折除緣底事甯將慧業及兒孫

閱歷深時膽氣寒漫漫陸海有波瀾才爲人忌終非美
事頓天成亦大難羈宦尚虛歸計就故交爭索近詩看
甜嫌孟浪長沙哭已治安猶策治安

滄海巫山盡等閒柔鄉淨界利那間掌中楚女腰仍細
鏡裡潘郎鬢已斑垂老豈禁情宛轉乍聽其奈語綿蠻
重思趙氏連城璧兩墜雲離永不還起後同年
新舊之問
殊堪感懷

暫典荒城未得專蠻花迎送意纏綿旅愁新醖醺冰

虞園詩集

卷二十

三

詩意殘霞玳瑁天保衛欲探元老笈退歸何待爾家田
偷閒聊逐羣兒戲第一癡頑第一仙

晚節閒身太寂寥江湖戀闕十年遙褒譏原自生前定
恩怨都從醉後消新握隋珠休按劍舊經吳市善吹簫
名材縱有中郎識到得爲琴已半焦

從政由來鄙斗筭遭逢偏直困亨交謹言要取詩三復
獲吉應占卦六爻傷足每緣行坦道腐腸何獨在嘉肴
空思世外棲真觀未有嵩陽羽客教

安于緩性稱閒曹手種芭蕉並屋高嘉蔭最宜鋪枕席
微吟曾未合風騷烟雲吐納天應怪冰雪雕鐫我亦勞

何似伯倫惟頌酒螟蛉敢逞一時豪

銀燈初爇酒初醅方寸虹霓未可磨枵里智囊還在否
信陵綉像竟如何清秋蘅杜迢迢夢往跡江湖淼淼波
填就新詞珠一串含情親付小瓊歌

形勝東南尚可誇肯教前代擅才華江山蘊藉宜平遠
風雅淵源識正葩楚館吳宮歸浩劫鼎差唐勒盡名家
蒼茫迴立無窮意乘興登臨日易斜

讀史多年最慨慷披襟重與話滄桑至今芳草憐才子
終古雄風屬大王運去典圖歸魏晉時平燧燧息荆襄
楚中懷古詩誰和旗鼓相持得孟陽程魚門曾和楚
中懷古詩故立

虞園詩集

卷二十

四

宿醒殘夢不分明聽到晨鐘百八聲詩債遇閒無可避
情根垂盡又重萌挾天那有光華絢墮地翻因懺悔成
結習未除花未落虛勞龍樹古先生

經秋雙鬢倍凋零攪鏡絲絲失舊青到處分符長越俎
多年食字漸通靈自將詩卷畱蠻土誰道郎官應列星
冷局熱腸無定著一身兩候費調停

考績三年望秩增可堪暮景忽飛騰人言漢輔多由吏
我信藍田不負丞濫瀝開俸浮綠蟻營營止棘任青蠅
休將厭事勞犀首兼握鈞衡惜未能

偉業芳名兩費光迷時眷戀悟時休多生起滅三千界

少日題詩十二樓作達宗僧宜結社請居元白漫誇州
散班閒道無拘束管應懶綴續舊游

六義源流源古今稱詩賦代一披襟雲霞定有紆徐態
鐘呂原無細碎音區鼎說來頗可解謝安拈出旨何深
平生揚扈丘慚愧大雅扶輪力不禁

勝遊踪跡滿東南鄧雪荆雲更一探萬卷隨行同海岳
六時了悟學羅義畧知因果消癡愛久歷風霜足蘊含
是處鶯花皆妙諦生香樂意要深參

團團燈影夜厭厭密宇深房不卷簾僦屋先宜安井臼
試泉聊與辨貧廉周菰庖韭三冬蓄白犬丹鷄八口兼

賀蘭詩集

卷二十

五

芳華漸消生計減祇餘霜雪鬢添

業真靈秘玉函本無道氣合塵凡仙都樓觀難長現
樊苑榛蕪欲盡茂海外有雲成傘蓋人閒何樂是臧

乾坤納納容疎散田叟溪翁贈好街

轉運

高橋鐵鹿影參天作楫無才可濟川三楚正供千庾粟
家清況五湖船宦途久困人皆慰王事多勞我未賢

換作白頭瀾浪叟江花江鳥護春眠

帶水東南蕩古今乘風漸覺負初心戍旗津鼓連諸郡
桂子桐孫直萬金荆俗歲時隨筆記漢皇環珮敏舸吟

前途莫嘆無知己最老魚龍解賞音

澹道人畫松歌

道人愛松能畫松橫枝直幹撐心胸筆墨通靈起雲霧
腕指所運成虬龍畢宏韋偁人閒少讓爾丹青擅場早
握手披圖意外逢婆娑人樹竹蒼老自言半生湖海客
紫綬青裘今垂白幾見閒身在廟廊休嗟壯士無顏色
涼飈獵葉天地秋振衣憶上雄楚樓是時道人相對無
一語乘興揮毫挾風雨陰森疑有鬼神棲天矯須防雷
電取此詩磊砢稱此圖道人得松道不孤願君守道偕
松隱莫作山中五大夫

賀蘭詩集

卷二十

六

題三神山圖

一抹鬢髮玉女鬟碧雲斷處是三山祖龍莫信求仙易
徐福虛放竟不還

李家金碧寫玲瓏幻出樓臺十二重解道桑田變滄海

靈香巨獸久無踪

三千功滿脫塵埃駕鶴驂鸞任往來會得登真元秘旨
寸田尺宅有蓬萊

早春江行

社燕春秋少定踪勞人未可任踈慵飛騰景向新年度
平遠山如舊友逢爭粟豈宜分雁鶩涉江不爲采芙蓉

鄂君青翰無高致仁解中流載鼓鐘

黃州懷東坡先生

玉局仙翁歷劫餘重尋舊迹半丘墟地經赤壁應謀婦
人到黃州好借書兩賦留傳能繼否一官還謫待何如
吳兒楚女皆無賴惟有江山意不踈

東坡詞兒童盡楚語吳歌

探梅

惠風初拂雪初殘世外孤芳驟得難南部好留餘地著
北枝猶耐幾天寒欵門景倩惟知竹紉佩靈均但采蘭
何似臨溪照疎影冷花不厭冷官看

綠窻幽夢渺茫閒消遣韶華不等閒兩字香成眷屬

寶園詩集

卷二十

七

一聲橫笛點關山朝雲散後無衣袂夜月斜時有珮環

重憶上皇村畔路瑤瑤撲帽曳鈴還

吾鄉上皇村梅花最盛

寒溪寺詩

并序

寒溪爲吳大帝避暑之地建寺以來向無碑碣

今春于役武昌禪喜偶到主僧請余畱題伯圖

雄業物換星移花草故宮全歸淨界感而賦此

漢鼎三分一代雄紫髯霸業盛江東孫郎自愛南都豔

不記當年避暑宮

逆旅初披攬勝襟瓊芳何處不銷沉至今溪上殘花柳

猶望君王翠輦臨

千秋勝蹟易蒿萊彈指風光化劫灰寂寞怕經歌舞地

夕陽偏照舊宮槐

羅綺都歸選佛場溪風猶送古時涼煩他一掬溶溶水

去洗人間最熱腸

九曲亭

河海崑崙崑崙數曲入中國武夸稱洞天九曲截斷籍此

山勢蜿蜒路從紆折得早春殘雪消巖石皆青色一亭

據要衝百級容休息其上見長江東流浩無極我思奮

羽翰奈少搏風力失足復奚辭踟躕還踟躕

寶園詩集

卷二十

八

朦朧直接武昌城一炬俄看鼎足成大抵南軍能水戰

况兼羽扇有風生於今烏鵲棲難穩終古波濤湧未平

兩度披襟弔吳魏飄然來往片帆輕

西塞山

雙峰九磧勢廻環西塞山前但有山歲久蛟龍移故窟

時平虎豹失重關紫髯定霸空塵土白鷺忘機自往還

誰唱當年漁父曲鱖魚時候水潺湲

散花洲

曾從青史閱滄桑鼎足分時漢漸亡西塞半邊當魏卒

東風全力助周郎散花事往春銷歇橫梁詩成意慨慷

不用臨江懷蔡凱自斟綠醕送斜陽

釣臺

古桃古所楚吳春垂釣臺荒偶問津翠嶂多年同道士
綠雲細雨訪高人舊詞賓客皆曾和遺跡傳聞或未真
正有丰標兩公子朝飛暮宿尚相親

題大治旅壁

萬里長治等良弓金井銀爐近已封一笑東吳爭戰罷

伯符公瑾兩銷鎔

江上大雪

昨夜北風急凍雲千里同拋爐孤艇內看雲水紅中春

寶圖詩集

卷二十

九

事隨飛絮生涯付轉蓬陽侯休貽愕醺酒貝珠宮

阻風夜泊

月出雲收玉界空碧天無際夜推蓬人歸漢渚猶聞
地異淮陰亦阻風劉夢得有淮陰阻風詩貝闕龍吟艇緩扣銀蟾
蠟燭酒微中盈盈帶水如千里不信仙源有路通

晚景

御浪南人慣其如減舊豪落帆沙岸澗擊柝堡壘高逐
照含容與雄風散鬱陶白鷗今夜宿清夢在江皋

途次得響意弟黔中家信以詩寄答

泊舟下雒界夜讀東坡詩離別恐不免功名難自期十

字贈友昆千古間嘆咨吾弟緙黃綬遠在西南睡鴟原
成寂寞燕羽分差池久處瘴癘鄉母傷冰雪肌客從蠻
土來殷勤尺素貽發函同覩面中有悲喜辭勞生嬰世
鞅五十歸田遲朱顏已非故青史將安垂不如廿載前
寒俄居京師求黜良可慕此意無人知

巨編連櫛之外別置小舟卷軸盡觴悉具坐臥其

中名江湖載書屋自題四詩

欸乃聲中得好懷飄然宮錦落江淮不須更倩歐公記

別樣烟波畫舫齋

結習多生未易除要從文字悟真如五湖却笑鴟夷子

寶圖詩集

卷二十

十

但載娉婷不載書

青簾翠被儼行菴楚尾吳頭路久諳春雨春風透蓬艍

杏花芳信夢江南

舉扇年年障庾塵肯教纖細點吟身相逢鷗鷺休迴避

我是江湖舊散人

驚濤

風餐水宿路重重偏枕江聲似鼓鐘河伯迎親開殿宇
軒皇張樂舞魚龍禪門定慧非無力宦海沉浮詎有踪

莫怪中洲久延佇塞途進退要從容

偶將彩鷁載妻孥八口安危十幅蒲海島豈宜承大祭

江豚原可格中平身藏書畫堆邊古藤出竈離宅外
卯酒一尊聊自勸玉山漸倒不須扶
乾坤合否影昏昏不辨烟村共水鄉片刻主張帆自定
中流彈壓舵爲尊惟奇每向平時伏忠信堪從險處論
原是騷人幽怨地卽無彭澤亦銷魂
披襟吳楚已多年疎散何能濟巨川磯浪漸消宗慤志
浮家欲借范蠡船未應蘿帶遶山鬼試解瑤環贈水仙
吟罷不知屏靜息安然一棹鏡中天

新霽舟行至富池

繫纜頻頻放棹遲幾番風雨助馮夷豈知破塊鳴條後

賀園詩集

卷二十

十一

原有安淵息浪時出谷驚遷鷺自好抱珠龍去窟潛移
重竿見慣無驚喜舉擬他年作釣師

題甘將軍廟

折衝昭毅死生榮遺像千秋識姓名下雉兼祠長祖豆
神鴉殘陣尚縱橫吳都多盛功難泯楚水生波氣未平
靈去靈來知不遠依然錦繡飾舟行

羅漢寺古柏

富池羅漢寺古柏一本相傳爲陳朝所植宋知
軍李壽朋結亭其側取東坡詩中語題曰蒼雲
余過其地亭圯已久惟見老幹獨標生意未盡

誠千餘年物也爰賦是篇爲此樹立一佳傳得
與簡寂觀松孔明廟栢並垂不朽願不幸耶篇
末意有感觸語近激昂恐與世蕪然吾自咏楡
耳其詞曰

富川環寺青如網曉來瞻禮諸矩羅阿羅漢名諸矩羅出佛書亭前

楡樹老猶勁枝疎葉脫經藤蘿生機垂盡生理具雖無

暇楓還婆娑相傳此樹植陳代考諸志乘言非譌霸先

開基叔寶壞沉酒酒色招千戈百艘未給三閭起湘洲

木根浮滄波

在恩請給金翅三石艘及園城楡林結妖

夢渡江桃葉開童歌二事亦官槐苑柳奉宸譙此楡龍

賀園詩集

卷二十

十二

肯隨槎柳集苑集枯富深意寧求佛力來護呵昔游建
康弔今古屢看荆棘埋銅駝青溪新漲盡船香白門殘
照啼鳥多美人御客長已矣隱囊屏井將如何後庭曲
終花早落但見蟾月低銀河三品舊石尚無恙差堪對
樹同摩挲泰山有松岷山栢秦封晉產名不磨詩人咏
楡亦偶爾蒼雲鬱鬱稱東坡方今國家營大厦選梁採
棟連車馱宜隨篠簜充貢賦乃與枋櫟畱殿阿得非散
材越規矩或因衆口輕譏訶惟幽始貞險能說天全幸
免工師柯楡乎寂寞甘白晦典亡五季如騰梭

富池解纜雨別迴龍巷主僧

富川東去水程遙
樓前雪已消
未得桃花携絕品
治桃花尖產茶著桃花絕品東但尋梅樹話前朝
人經信宿多
閉戀地擅江山反寂寥
珍重遠公臨別意
虎溪他日會相邀

讀桐城方息翁江北懷古詩

牧齋死後阮亭亡
一代稱詩得大方
庾信寧無蕭瑟感
徐陵賸有綺羅香
三分峙鼎皆吳地
百里看山到蜀岡
莫對鶯花頻潸淚
賺人兩字是滄桑

近遊踪跡打包僧
鬱律難平弔古膺
浮海文章如玉局
臨江作鹿指金陵
抹批風月無邊景
了徹人天最上乘

質園詩集

卷二十

五

安得畱翁長在世
高秋大華欲同登

戊樓吹角歌

并序

泝江而東宿亭嶠
旁聞吹角甚哀
輾轉竟夕無寐
昔少陵夜聽簫
簫感行路之難
僕今夜聞此聲
觸往事忽驚身
落江湖十六年
也攬衣起坐以詩抒懷是卽予之角音爾

黑雲如蓋金烏落
列戍沿江暮吹角
此角能生萬里愁
青天變色海倒流
疑是申胡吹威篋
絕非中國彈箜篌
蘇門清嘯長城哭
樂少哀多聲轉促
三更孤雁怨離羣
百道寒泉咽幽谷
方今天下稱太平
南徼西陲久罷兵

安用鼓鼙思將帥
但教刁斗嚴軍營
黃州昨歲天堂紫
六關舊壤連吳會
豺虎行看疾掃除
崔嵬何足論成敗
嗚呼書生久抱匡
時畧十載披閱氣
蕭索振袂初登却
月城舉頭空望凌
烟閣開角中宵起
嗟吁一身漂泊在
江湖諸公努力昇
平答陶謝勲名何
代無陶侃謝尚皆鎮武昌

京石觀音一尊沈立入朝夕頂禮示以詩

大士居普陀水月無邊際
初由聞思修證入三摩地發
願度衆生慈悲稱普濟
此像出京山琢石良工製與玉
關光輝比檀倍堅緻冠映寶華鬘莊嚴諸相備宜取
龕座供敢將袍袖盤細君奉香燈六時勤拜跪我本自在

質園詩集

卷二十

五

身默通眞實諦組綬無俗緣
鶯花得禪意何當結茅菴
同受慈雲庇

小東詩

在東三五影橫斜
比作盈盈乍放花
恐是玉簫償宿債
偶從錦瑟感年華
新詞且譜三姝媚
小謫多因一念差

畱取雕梁栖海燕
莫愁原在舊盧家

張宿更有三姝媚詞

定情何惜致纏綿
碧玉纔過二八年
未可楚腰擎掌上
試將吳語教燈前
髮長委地翻成愛
花豔撩人忽破禪
十載揚州香夢斷
虛勞春色泥樊川
駐景曾無第一方
百年鼎鼎且疎狂
登將老耄方爲老

除却溫柔不是鄉秋木自多閒意態香山猶稱好風光
玉奴絕代吾能賦未算人間鍊石場

輕雲冉冉雨絲絲想到于湖惜別時芳草天涯人去遠
杏花春社燕來遲南朝最有鍾情輩兩城寧無受記師
不脫不粘三昧在自招障礙自修持姬將隨內子寄居蘇州

舟夜讀書

盡諾生疎簿領厭每披細帙雅懷添無書可借方爲窘
有癖非癡不用嫌幾夜定知虹貫斗一春初見月當簾
連床列座原須福那得全才仕學兼

廣濟道中

質園詩集

卷二十

圭

野戍殘陽散不收臨江懷古又淹留潯聲近撼龍坪些
龍坪若爲南宋 帆影遙連雉水舟南宋淪亡無壁壘東
威方屯兵處 吳控扼有襟喉昇平草澤消奸宄篝火狐鳴一闕休去春
茲地有寇警

夜香謠

并引

春夕夢至一庭院月光爛然微通香霏繞廊哦
詩三韻而寤枕上續成之題曰夜香謠頗與蕭
賁賦宮中曉寒蘇老作龍殿芒神詩文及履銘
相類事出因想之外異哉年來飯心自業竟體
青蓮何處綴此綺語三生結習苦重海深欲求

大覺師超脫耳

蒼龍夜嘯海波滿湧入銅壺春潄緩纖纖手簇紅玉紅
鵲尾薰爐一生煖淡烟籠花花影薄痕蝶潛踪無處尋
朱戶微開響獸環歲華已下金魚輪今夕何夕銀漢清
衆星參差隨月明倚窗喁喁快私語玉繩珠爽無限情
生天那得如人願牛女經年多纏綿莫使雙栖燕子知
會向人間報幽怨

將至九江可晤唐俊公先生以詩預東

春潮九派托通牋記否南康典郡年晚節伏波猶矍鑠
舊詩長慶共流傳難除文字多生業自號江湖最散仙

質園詩集

卷二十

圭

再到凭闌惆悵地曉風殘月故依然殘月曉風大江頭去先生題琵琶亭

寒帷吟遍灌嬰城花月機關佛性情二六時中持梵戒
十三絃上簇秋聲電光露顆原無跡楚舞吳歌盡有名

莫訝重逢鬚髮改主賓談笑尚縱橫公有家部能歌自製樂府入塞旗亭

諸曲向
曾聞之

守風

片帆高掛渺茫中倉猝春期遇暴風二月七日破浪已爲春期暴
慙非少壯登臺何暇辨雌雄滔滔事逐東流水宛宛心
隨北向鴻男覲女巫休作劇祇憑一念答神功

雲騰波湧助汾沅吳楚東南影不分
鷗遠浮無定處
水犀酣戰是阿軍
隨身包圍皆充貢
識字蛟龍最好文
珍重子安才
在馬當其事得會聞
開闢楚驚其疑猜
一葉夷伯去復回
楓伯作威兼作福
陽侯能戲不能災
大鵬那有垂天翼
短楫原非濟世才
歷盡人間江漢險
直須清淺訪蓬萊
長女顛狂勢不禁
江南江北氣森森
千家響震昆陽瓦
萬里行飄禦寇襟
浪捲前朝空舊迹
春回廣陌奈層陰
都將過眼離奇景
收入蓬窗抱膝吟

爲王丈古草題梅山精舍畫冊

賢園詩集

卷二十

七

討春前度上皇村
鴻爪離離迹尚存
異境別開香雪海
神方重返玉奴魂
文貞已去無詞賦
和靖新來得子孫
寒月滿林雲滿屋
花時難遣是黃昏

遙望廬山追溯昔年假守南康賓從宴游之洽感

而作此

昔遊歷歷意難忘
拄笏重看面日蒼
五老多情尚迎送
十年勝槩忽暄涼
散珠漱玉亭應地
搗藥聞基路盡荒
料得舊題詩在壁
密公房是贊公房
贊時出游每信宿樓賢密上人丈室
專城四十景飛騰
遺愛長留愧未能
黃菊高踪陶靖節
白蘋新曲柳吳興
卷中玉屑霏霏散
鏡裏霜華皎皎增

我此香山多解脫
此生便作此山僧
樂天香山詩他生應作此山僧
會與匡君作外甥
橫巖側嶺幾番招
海綽何止垂千縷
瀑布依然下九霄
芳華慣迷行部馬
古松猶護望仙橋
江山風月原相待
祇惜嚴程去路遙
仙橋在簡寂壇旁
閒時記憶臥時遊
要對羣峯共倡酬
密邇眞如逢故友
隋隄猶自怯蠻陬
餘從施州來所歷山川險阻
舟舫帆去復驅別
後山靈應念我使君
漸減舊風流

別唐俊公先生

花展雪殘幾春冬
一代知音豈易逢
法曲休教臨水奏

洞庭今已少漁龍

賢園詩集

卷二十

六

曉風未動月當樓
千古魂銷李玉籌
唱罷珠山珠一串
不須重聽瀟陵秋
先生性愛虞美人花有珠山春曉一曲虞公夢傳奇

乘風東去漸隔潯水匡山有懷俊公先生口占五

截遣使馳寄

會與匡君證宿因
九奇五乳解迎人
窟中雲霧重來變

廬山名不及先生面目眞

問年已並喬松古
觀象方知碩果眞
結習莫嫌香雨浣

雖凡仙佛總多情

但論齒德是吾師
兼有元和以後詩
持較醉吟身更健
底須鬻路遺楊枝

百年藝苑滿荆榛
隻手能扶大雅輪
水綠山青無盡意

主人畢竟屬陶人
先生自號陶人

蓬萊鶴鳳屢管鞭
小謫風塵類左遷
他日詩人重一笑

幅巾至服到花前

泊湖口

全家安隱托舸舫
浩蕩東行未覺勞
臨水有城如郭索

湖口縣志云漢湖兩鍾山試鐘何石是蒲牢
恍宛轉

吟情遠戍角蒼涼
夜氣高十載涉江稱
漫叟媿無警句

壓波濤

華陽鎮遇風

質園詩集

卷二十

五

披襟容與向江皋
瞬息天吳激怒濤
萬頃琉璃紛破碎

一時蛟鱷逞雄豪
人情正喜帆初滿
吾意惟愁碇不牢

那及幽居張仲蔚
閉門安臥在蓬蒿

豬婆龍

物性靈絲分龍豬
本異種陸畜而水居
賦形實靡腫椒

圖蟲肩間置身慚
散冗未能與雨雲祇
解掀虛龍涉江

至中流駭目波濤
湧下矴榜人勞收帆
行客恐皆云由

此婆作恠逞兇勇
我聞糟糠氏出諸本爲七第奉執牢

與負塗名垂詩易
重亦有金鈴繫苦遭
種種事見

怪變幻事何常猶
如蠶化蛹朕隨商肆
收濫向河津擁

游魂魯伯豪突騎
漁陽統緒彼潛見
權將余舟掛壘方

常清晏時威治昭
端拱魚鼈稱咸若
島獸安耽配水族

容此婆得非龍伯
嬭請廣源王不殺
須枯槁要使萬

田廬金甌同固鞏

喜入江南境

杏已微紅柳嫩黃
江南二月燕鶯忙
漸多鳴背操吳榜

才度鴻溝隔楚疆
錦繡別開春世界
菱荷猶戀客衣裳

六朝士女休嫌老
謝尚還能舞一場

舟中望皖山

同安地近似鄉關
浴鷺翹鳬共往還
歷險遠離蕩平國

質園詩集

卷二十

辛

迎人重見皖公山
十圍前度金城樹
一抹多情玉女鬟

曾向大觀亭上坐
凭欄能得幾回閒

池州

長空雁度雲中斷
短景鴻飛月下春
身任郭熙圖畫裡

支頤看煞九華峯

夕風

月暈星斗闌驚蟄
振林葉百頃吹琉璃
高浪如山疊砢

崖震鼓驟近邑城
襟鯨鯢爾何知得
得意揚鬚戲錢唐

戰方酣廣潤游獵
挾遂使常安各船勢被洪濤肺我無

利濟才全憑忠信
涉玉程吳楚交家
屬晨昏接向晚停

渚沱先期戒舟楫力將定慧持心與顛危慚生逢熙俾
世陰陽正調獎母任箕畢狂免教商賈怯夜發攸然吟
有口忽喑嘿

脫險後感賦

十幅蒲帆薄暮收舒州已過泊池州麥芒風信真多厲
萍葉行踪本自浮春煖魚龍騰貝闕夜深旌節擁陽侯
自從游奕殷勤告不敢輕乘破浪舟

川宋相陳亮
佐三山磯事

朝昏兀兀與騰騰磨練應從閱歷增八口浮家安所寄
一身是膽竟何能驚回噩夢沉迷界比作安禪定戒僧
總爲樊籠多險阻舉頭空羨脫鞵鷹

質園詩集

卷二十一

三

質園詩集卷二十一

會稽 商 盤 寶意

蕪湖別內

憶分符竹古丹陽眷戀并州似故鄉歐水還同前度碧
緒山更比旅顏蒼一官衮衮寒如許八口寥寥暫寄將
慚愧昔年遺愛少漫勞重使餽壺漿

無多雞犬共圖書河北河南任卜居滿院綠陰鶯坐久
透簾紅雨燕巢初燕吳雨地須通問桓鮑何年共挽車
勸汝加餐休悵望菜花水漲正鱖魚

一麾江海別羣仙累爾塵凡十六年此去已迷蓬閣路

質園詩集

卷二十一

一

向來早割利名緣鸞驂鶴駕原須福婦饒男耕未有田
好禮慈悲觀自在全家都傍法雲邊

繞船春水碧鱗細酒酒色盈樽酌遠人慷慨雖非垂
老別迂疎翻爲守官貧穠華過眼皆成夢寒煖侵肌各
保身一語殷勤煩記取替予憐惜寶梁宣

仲春望後三日俗傳達摩渡江暴舟人候風不發

戲作此詩

達摩古尊宿舊擅菩提號緇昔普通年泛海金陵到折
蘆渡長江而壁居嵩少善哉大覺緣宜與衆生尋歸去
幾春秋遺踪留此暴妄言妄聽之難共俗人拘我乘萬

無家因轉漕千金犯重堂輕將險阻蹈觀空泯見
聞守困違騰連聊持道力堅一敬風威曉

夢至寶蓮菴見牡丹盛開以詩紀異寄道公

曾向西林禮永公在家豈少六時功分明入定還非定
來看珍珠九蕊紅

迷初回記不差鋪堂富貴屬誰家煩師指點沉迷界
此是人間頃刻花

醉裡風懷夢裡身慈恩前度看花人會昌朝士無真賞
祇愛深紅別院春

暮春重至建業東補蕭孟亭簡齋草衣諸友

賀園詩集

卷二十一

二

韶序江南正禁烟雜花破萼柳飄綿乍離疊嶂二品

重問春波六柱船白下故人還載酒烏衣深巷又經年

華嚴小劫非迢遞只在香消燭跋邊

絕代銷魂是建康可堪重到感年光離離宮寢成今古

種種鶯花恠老蒼麾扇事遙還有渡聽筆人去竟無堂

拍衾自譜秦淮曲交付多情薛潤娘

承平鍾阜夢岩幾無復黃塵皂莢謠春曉江山開半壁

年深松檜偃前朝吳帆似鳥飛何遠抱雨沾衣濕未消

多少關心陵陸事水天閒話屬漁樵

游名姓舊同題大小長干路不迷騎馬又遭官長罵

聽鶴那惜酒尊攜回光寺古高僧盡入漢樓荒莽竊低
準擬退閒來卜宅肯教江令占青溪

由鑾江至廣陵不獲見浮玉峰以詩代游

蠻花乞鳥歷喧涼重到南徐喜色黃勝樂原非中國土
多羅屢送逆風香勞人兩鬢初堆雪令序三春正斷霜

旅跡

楚吳旅跡寄孤蓬旋轉安危頃刻中雷電乍收元老策
江淮長觸孟婆風棟花開處三春晏貝葉緒時萬念空

不用柔奴來勸酒安心久已學蘇公

賀園詩集

卷二十一

三

入世忘機惡桔槔半生順逆任相遭禁寒花柳情猶飲

得勢龍魁氣自豪薄食園蔬皆有味多年官錦已無袍

深慙方外稱司馬岸幘何如脫幘高

舊帙新編賤戢多任華長句薛華歌豪雄却藉江山助

溫厚方能律呂和福折眼前綸未已名傳身後待如何

自從仙侶剛風散不記霓裳聽大羅

佳麗金陵復廣陵強歌強舞最難勝紅樓隔雨知何處

綠葉成陰又幾層人遠六朝猶藉藉江分兩戒漫依憑

書生閒享承平福不用題詩感廢興

憶家園

江岸跡逐年增圓谷主塘逐未化種竹久苦臨水
散花何礙在家僧滄波有筏休遲渡碧漢無梯敢驟登
緩步自安身尚健還鄉款段不須乘
消受南都絕艷春殘紅如雨襟衣巾偶逢桂樹思招隱
怕種桃花爲問津甲乙藏書多善本漁樵落照有歸人
杜陵用意原迂拙自許徒矜稷卨身

飲晚甘園白牡丹花下

尋芳不厭款門過雅潔真宜在洲阿錯認瑤花開后土
那知玉女是天魔雪霜兩鬢潘郎改絲竹中年謝傳多
釀取珠湖作醪醅朝酣其奈壁人何

賀園詩集

卷二十一

四

漂母祠

宦達難忘乞食時淮陰風雨阻行期慚無一飯千金報
不敢輕過漂母祠

題魚門白門春雨集後

渡江悵惻關繁華朱雀烏衣換舊家無賴東南園畔柳
淡黃縷縷未勝鴉

水榭凭闌喚奈何齊梁餘麗已無多憐他新漲溶溶影
一寸閒情一尺波

擁殘翠被吳船緩寫就烏絲楚客酣元詩紅袖烏絲酣楚客喚醒

一番春夢後杏花消息隔江南

南園送春

輕柔才過養花天催促東君赴別筵白雪盈梳猶旅鬢
綠陰成幄又今年勞生敢享芳韶福往事都消斷續緣
我有隱居歸未得江湖長泊阻風船
飛絮如塵隔萬重落紅深處是遺踪今宵蠟炬宜頻照
前度香車或再逢長信宮中人漸老樂游原上雨偏濃
珠寒玉瘦無顏色畱取櫻桃媚季龍
綺麗情多枉費才勾芒相慰不相猜棟花風信期何準
芳草天涯客未回絕調重翻淮海曲殘尊還酌伯倫臺
平生賦命原蕭瑟况爲江南起暮哀

賀園詩集

卷二十一

五

餐勝名研清新景未荒晚甘園似輞川莊幾番維延畱
眞賞如此鶯花奈夕陽就道豈能辭悵望逢塲原不減
疎狂兩垞烟水伊人遠欲贈蒹葭第一章時將蒹葭別
吟暉原衡緱齊兄弟
半江情田栗侯諸友

送汪琴山赴官粵西

車前無八驕何得稱丈夫王融爲此語所見徒錙銖親
民非置散教化良可敷起家由牧令後此多嘉謨孝廉
江左彥學古推通儒未登千佛經翻握百里符從政擅
果達設施寧濶迂中牟待馴雉葉縣看飛鳧但作鸞鳳
棲棘枳同高梧豈弟民所堅循良帝所俞

西古荆州其地爲邊徼五嶺接三江居民雜蠻獠我
朝文德敷遐方皆服教休嫌蠻土荒勿鄙庶人樵在昔
柳子與僧善元史乘垂光耀君行萬里遙作宰年還少前
賢作楷模絕景供臨眺豚魚忠信孚豐稔和平召閩閩
康濟心佇待三年效到日訟庭閒彈琴聞古調

渡淮北行

濁浪滔滔蕩古今陽侯河伯兩寄盞千年漸改東歸性
九曲空驚北渡心路爲轉輪程更緩雲連碭沛晝長陰
一編殘史模樹閣爭遣袁宏不夜吟

渡河

質園詩集

卷二十一

六

如帶如環濟輓輪麥芒風緩漾輪船淮黃勢合通諸郡
疏塞工興聚萬夫落日荒城低宿預疎林古驛指鍾吾
曾聞王景多奇策乞借山經禹貢圖
博望乘槎去不回誰從星宿海邊來書生敢有澄清志
聖代非無汎濫災禹跡遷移尋故道傅舟利涉藉通才
問津已近桃源邑那得繁英夾岸開

殷鼎歌

夏后貢金鑄九鼎築有昏德遷於殷賢聖之君六七作
協和上下承芳芬此鼎當年享祖考薦諸清廟神所欣
金玉其相比璫尚馨香始達盛傳僭蚪蚪饗終久壘沒

一朝出土光紛縕有鉞有鼎尚完好爲耳爲足無鉅鉞
既非玉璜浮渭水亦非金景騰河汾子氏遺西實車寶
貫崇以下如虹蛟在背高宗遇彤日異徵雉離升龍文
復有股臣作良佐割烹曾以負鼎開前朝雖已失圖籍
後代猶可酬功勳商之子孫其麗衆至今誦讀兼耕耘
法物摩挲生敬慕欲求斯器誰能分嗚呼嶽川所貢宜
輟橫毋使寶氣歆層雲

進牘

大河九折注東南故道淪湮不可復季馴六事今尚遵
濟運藉疏兼藉蓄刷沙借水利用衡引漕修防先事東

質園詩集

卷二十一

七

滌泗數里一牘橫何異歲隄鑲堂塾我來轉粟如磨
萬斛舟行百夫役左枝不覺右還梧寸進翻教尺仍縮
北望修途太鬱蟠南歸輕舸難爭逐乾坤自古忌亨通
身世從來宜局促請看巨石作重關人力爭難到津澳

虹石

蟠螭咏風人在東莫敢指季夏及孟冬見藏得微旨何
年化爲石光芒出泥滓蠃蜃氣浮隱隱龍鱗起置諸
几席旁如巨雲霄裡維石本來頑有文方可喜祥或歸
寶持異或稱連理作貢並喬松投書欵大梓考古皆有
徵難將斯石擬我生無他好偶然購得此掌握秘青紅

紆綰勝金紫寓意不畱寧爲物所梏是石還是虹
空悟元始

舟中續訂楚吳游葉自題卷後

伯生本是容詞館莘老何曾忤輔臣不用揮毫憶清畫
却教岸幘稱閒身

南戒江山北闕雲仙凡兩地一朝分石渠誰秉千秋筆

國史他年要藝文

楚吳游跡紀分明畫舫微吟擊鉢成輸與風流張太守

一時掌稿得雙清

鈔詩盈冊慰飄蓬事與元朝外史同閱盡泡湮銷盡艷

質園詩集

卷二十一

八

並無羅襪錦香籠

經年束笥漸成堆偽體淫哇要別裁莫作春鴈秋蟬具

折除官職換將來

放水登山願已虛宿因文字未能除蕭瑟有語堪長歎

仰屋年年苦著書

舞不勝人何用轉曲雖寡和未會高挑燈自訂編年集

一夜秋霜簇鬢毛

寄內兼懷朱姬

六六文鱗問起居平安兩字渡河書伯鸞德耀年俱老
司馬壽星世不如鴝鵒夢回香時異川歐陽蕚微開過

約全虛宋人詞算後五湖豈少閒風月他日扁舟共載

官柳

江南江北奈春何官柳沿堤占得多返照半明疎雨散
柳塵絲映麴塵波汪彥章詩垂垂梅子雨細細麴塵波

雙柑斗酒舊曾攜一碧濃陰十里迷今日戴頭身是客

恩恩無暇聽黃鸝

尺舟詩并序

糧舸羣兒以尺木成舟櫓舳畢具放諸中流宛

然畫舫但不能再任重致遠耳

質園詩集

卷二十一

九

量不能容體僅存凌波片葉了無痕招招且逐兒童戲

泛泛休將利涉論淺隘溝渠皆可達尋常魴鯉即堪吞

平生浩淼江湖意杯水均堂悟化鯢

虞姁刻木小尤工宛與飛鳥彩鷁同未可載書兼載酒

莫教經浪更經風將棠作楫難行遠比柳爲車不送窮

誰使餘艘置閒地幾人能建濟川功

起剝行

古城墩前春水涸楚舸吳舫齊起剝募夫一名給百錢
百夫方可挽一船沙淤路塞行復止運丁愁苦汎兵喜
可濟漕非緩工河流不濬漕不通起來難行還起貨

過關又恐遭巡邏明年此地仍帶不改遷雲舟
梁王筠輟利有詩曰侯
飭輕利搖官道飛雲

入山東境

旅跡經年類轉蓬吳都春色百分空南花漠漠歸殘照
東海泱泱起大風代遠邾郛無寸土渠成汶濟有全功
三鞭却羨騎驢客一路椒繁麥秀中

客夜次少陵韻

尋常戍樓柝此夜最分明黠鼠方聯隊荒雞未作聲關
山愁外暗日月靜中坐不到華胥界安知出世情

韓莊阻淺

質園詩集

卷二十一

十

治河通輓輪因勢爲利導蓄久洩堪虞源長流不耗人
力濟天時無涸亦無滂今年運舸來就淺頻停櫂催行
津吏喧起載篙工課一牌募下夫半將老幼日難追聯
舫章安得盡舟界國家重河渠兼宜疏渚澳方當春
夏交遽逢阻塞告鵠首旣不前龍門那可繫去涉川叶

中孚誰使蹇途蹈笑咏昌黎詩誠哉尺水漕并引

以詩卷寄西林道公度藏自題帙後
昔香山居士書其集三本一置東都聖善寺一
置匡廬東林寺一置蘇州南禪院自云願以今
生文字之因轉爲來世讚佛乘轉法輪之緣僕

詩謫陋何敢頡頏前賢然而結習未除淨因欲
登亦長慶後千年一重公案也上人能爲我懺
悔宿業乎

人巧代天工雕鏤出良匠經營小技勞詎爲壯夫尚僕
耽長短吟時哢清渠吮點納佛難除下筆神所覘顧此
於痴符思入支提藏澹然方外交浮圖得文暢一別市
朝深無緣聽梵放戲除文字因質印莊嚴相法輪轉他
生口業消諸妄南院與東林斯舉實非糊茫茫人海間
起滅隨波浪空門本不空長物何會長結願禮如來功
德應無量

質園詩集

卷二十一

十一

晤樸庭於天津

繫纜津門接起居中年齒髮竟全疎敢言曠代無知己
祇悔閒身未讀書去日暗隨川赴谷喜時翻見汨沾裾
武家臺畔重攜手湖海龔豪氣盡除

思歸吟

并序

僕通籍二十有四載矣宋儒云士君子居官當
先存退步昔在盛年不解斯義至是方嗟許丞
之老因起張掾之思信筆成長律五首名曰思
歸吟魏闕難忘田居待卜非神武掛冠之舉爲
康衢擊壤之歌他時得遂吾志用博同學和章

以增山中勝槩云爾

脫如殘鐸泮如水涉世深時意氣凝野雉豈宜矜異采
海棕原未失蒼校史魚乘直人多忽遽後知非歲漸增
荷鍾願隨諸父老較量晴雨我還能

二頃原無洛下田意中隱具動經年梨花細雨春開甕
菰葉橫塘晚放船絡繹賓朋千里外團團兒女十燈前
解疆脫鎖平生志待結家山未了緣

鑑水耶溪卜宅宜鄭公祠共柳姑祠地存古蹟稱名勝
人過華年斷愛癡拂袖雲霞辭北闕連床圖史近東
宦鷓鴣班鷺序皆時俊一作耕夫便不知

質園詩集

卷二十一

三

踐屈龍伸子細論蕭然吾道在衡門探春杏苑無車馬
聚族桃源有子孫婚嫁不將游興減歲時要取古風敦
塵纓已向清流濯畱驗滄浪水一痕

滄波淼淼屢回頭卷岬風中到岬舟獨樹當關直入畫
微官如葉况經秋鄉人瓜豆寧無約晚景桑榆正要收
珥筆分符俱夢幻新衙端合號休休

聞蟬

鳴蜩應節最相關疎柳橫塘第幾灣托跡自居喧寂外
感時偏在煥涼閒層樓遠笛音同亮古驛斜陽客未還
八派塵氛慕高潔故鄉無限好溪山

冷冷風露報初秋抱葉聲多晚未收送到小窗孤夢斷
輕殘輕鬢一絲爾物情宛轉都歸蛻人意蕭疎易起愁
會悟禪機知變化古今何事不泡漚

龍掛

神龍能屈伸古史紀靈異一見於絳郊蔡墨譏其智再
關於涪淵鄭僑不以祭潛躍無定踪要知不變義我行
齊魯開序屬夏秋際霖霖西郊雲蒼茫東海氣蜿蜒未
藏身衙衙將作勢鱗爪雖牛舒大可騰天地方當蓄
平乾德居陽位朝無參擾官野少支離藝此龍得晏如
專司興雨事早晚下天符違則遭刑則澤成泰與否

質園詩集

卷二十一

三

民家樂利有悔非所宜永作熙朝瑞

晚坐對月

需爲有平貞遷爲來碩吉學易審行藏端在保身哲今
年賦北征作策皆云拙未乘輕利舟屢改腹臆節程因
緩始安路以紆能遠觀化得停機鈍遲良可悅人生天
地閒疾如電光掣每聞鷄鳴常恐芳華歇素襟倘不
舒卽遭利名絀宦海自漫漫吾心獨超絕薄暮漾金波
破舫玩涼月

旅夜聞蟬聲

方歸南浦芙蓉老又動西窗蟋蟀愁燈影短於今夕夢

西華夢似去年秋
鄉書冉冉雲千里
旅髮紛紛雪半頭
我亦感時鳴最苦
已涼天氣正淹留

將驚載書屋於潞濱以詩別之 并序

別木爲舟載書如屋
遠從楚北漸達畿東
二十一句風餐水宿
五千餘里津鼓郵旗
值到岍以收帆將抗
塵而策騎巨川旣濟
善價當沽未免有情
豈能無語此後滄江
夜靜暫虛海岳之裝
他年畫舫齋成重續
廬陵之記云爾

安穩如舊發棹謠坐
來非屋亦非舟
桓厨鄰架全收拾
付與何人載酒游

寶園詩集

卷二十一

古

乘槎舍筏有因緣
接引曾勞大願船
登岸不須重繫

本來檣艣是蹄筌

吳楚燕齊一草通
慚無尺寸濟川功
南行準擬書驢券

鐸響鞭絲小雪中

蘋香蓼豔點秋多
黯黯銷魂對潞河
便學黃冠歸賀監

豈無一葉占烟波

雲帆

雲帆轉粟實神倉
河漢迢迢接混茫
織女支機曾入肆
仙家積困未休糧
近看左輔爲鴻翊
暫借南箕作簸揚
占路通津君莫駭
昇平萬國盡梯航

千艘重疊映朝暉
歷歷元明舊跡非
海道未能通碣石
水田何必議京畿
陳徐去後誰勝任
吳楚年來屢展饑
聖主愛民甘瘠國
五絃長爲阜財揮

抵京

結客重經少日場
賣漿擊筑總蒼涼
黃花鎮近秋屯馬
白雁天高夜隕霜
琥珀且傾燕市酒
菱荷猶戀楚人裳
諸公貴顯多臺省
騎馬還宜恕老狂

超凡入聖有機關
廿載浮沉散班頭
上形雲籠北闕意
中翠黛見西山
鞭笞未必皆鸞鳳
去就何須問坎環
不是嵇康乏仙骨
祇緣身在濁清間

寶園詩集

卷二十一

五

作劇

作劇逢場漫認眞
隱峯竿木偶隨身
都盧那敢緣千尺
胡旋還能舞一巡
漢苑魚龍紛角勝
偃師傀儡易生嗔
誰知白日燃犀照
更見朱衣絳幘人

鬢影衫痕失舊青
聊將曼衍慰飄零
明知窈窕同山鬼
豈料徬徨感洛靈
迷眼層層金麗綬
含情串串玉瓏玲
邯鄲枕上非常幻
一晌黃梁夢乍醒

五弟向宇童初近
易他號卻意不如
仍舊之善爲

示此詩

佛座有童眞
仙宮有童初
弟身兼仙佛
能讀琅函書
綺

歲錫嘉名寓意良不虛養正在啟蒙厥初非齟齬就勢
曰初學得官曰初除初程發車輒初服歸鄉問織阿初
月恆會泉初旭舒由壯至於老本此爲權輿還嬰與益
壽斯理或有諸不取兩字呼表識無楊葉請君莫疑惑
仍舊將何如

題雅將軍檢書看劍圖

書足記姓名劍非萬人敵拔山蓋世耻不爲此語當年
開項籍將軍身長七尺餘平生愛劍兼愛書擬向滄溟
刺蛟蜃肯從爾雅箋蟲魚千卷堆邊三尺水裘輕帶緩
閒凭几奇書本自老人傳長劍何須天外倚昨者金川

質園詩集

卷二十一

七

討不庭將軍親領雲梯兵烏道曲通蠻崗遠砌樓上與
屠霄平王師所向摧枯朽夜靜營門聽刁斗化外能
攻孟獲心陣前早授駒支首納降振旅鳴鐔鐸絕塞歸
來畫行樂豪氣依然髯尚青龍韜豹畧又若鏐君不見
滔滔江漢古今波廢黜荆襄滿目多武庫空思杜元凱
油幢但擁楊沙哥將軍好文不好武能以疆場運樽俎
坐上雄談得薛莊幕中佳士皆鄒魯嗟予薄宦久浮沉
書劍生涯誰賞音萬里渾如僂耳謫四絃偶觸潯陽心
將軍勸予休太息雙眼未昏頭未白細縹寧無李泌藏
十半終有張華識我聞此言意慨慷仰瞻八表何蒼茫

毛錐大戟兩無用不如燒燭傾壺觴人生須得封侯早
儒將風流圖畫好射虎休隨李北平短衣匹馬窮邊老
都門晤王五穀原

六載重逢老態多離離鴻爪漸消磨西游趙李全無侶
東逝江湖正有波廣坐玉山猶散朗仙翁劍狄一摩挲
迎 鑾詩好爭傳誦不作蒼涼斫地歌

南部烟花淑景稀銷魂人去畫樓非三山天遠留殘照
九陌塵高撲敝衣舊夢有情還未斷歡場無泪可重揮
沈郎垂老腰支瘦第一難勝玉帶圍

題王舍人穀原青溪邀笛圖

質園詩集

卷二十一

七

芳時有恨最難埋丁字簾垂卅字齋錢牧齋有摩笛三
更無主客凭闌千古此襟懷南朝麗製留零粉北里遺
踪拾墮釵蔓草共尋江令宅人生祇合住秦淮
冰霜五尺宓機絲清景追摹付畫師薤葉涼宵殘蠟照
桃花幽怨早鶯知京華北斗重攜手建業西風又過時
如此前塵勞記憶奈何頻喚老桓伊
羅襪秋塵動綺疏長虹壯氣半消除稱心烟月能邀我
絕代江山豈免渠選夢正當香斷後聞歌其奈酒醒初
扶風枉設三重帳持較胡床恐不如
情到難忘老尚鍾玉屏十二似巫峯攜將絲竹寧非累

戲盡功名不再濃走馬朝回青瑣迴懷人信斷碧雲封
石城艇子無多地佛劫仙塵隔萬重

題張芸墅三子論詩圖

寒蟾照屋大於斗賓主談詩夜對酒馳驟相當兩鼓旗
塵埃忽落千瓊玖君不見匡鼎云亡罕解頤鍾嶸不作
誰品之少陵老叟更孤絕蒼茫獨立無人知澳門司馬
鬚眉客采取椒蘭佩蕙澤南海分符蛋月迎東郊行部
珠孃識是時春服芳告成蝶脰蜂腰隊隊輕芳草已迷
劉梨苑繁花猶發趙他城流觴勝事成今昨逸少齊奴
皆宋冀野外披襟醉復醒坐中抵掌雜兼郭羅孝廉履先郭進士

賀園詩集

卷二十一

六

月披吾聞郊島瘦且寒大宗獨推杜與韓溫柔敦厚
微旨作詩不易稱詩難先生六義通三昧淵源胸有滄
溟漚養到洪爐漸漸豁悟來邪障重重退往跡追慕憶
五羊轉頭如閱小滄桑疎梅勁竹添三友墜雨離雲各
一方感君投贈難爲報披圖相視還相笑冷淡生涯兀
散官嶺南楚北聯同調此卷還君且莫開折除富貴爲
詩才急收魯國諸生席共上燕昭百尺臺一作好收錢雪雕冰筆共
上呼騰

爲陸芭洲題寒山舊廬圖和桐城張文端公原韻

平原歌舞散林垠人不堪論地可游五百年餘留瑞石

地爲韓平原南園故址在杭州瑞石山下數重花外出高樓吳山多態參差
繞漸水通潮日夜流曾向總宜船上望酒邊觸近奈閒
愁

樊隣潑墨似營邱樊隣爲萬孝廉所出巖巒引勝游芳草

雕橋非舊路杏花春雨是何樓追慕此景成清賞勇退

他時在急流我有故居歸未得却教鴛鴦替人愁

寒夜和樸庭伏櫪詩

房星中夜明爛爛光垂地誦君伏櫪詩知君千里志此
驥當盛年以德稱旄吏問誰控馭之玉勒黃金轡曾蒙
相國恩馬爲明相國所畜不識戰場利平津既云亡乘馬亦遭

賀園詩集

卷二十一

七

棄舍樓向市人猶作追風勢我友倏儻才揚鞭入幽薊
夜聞羣馬嘶中有一聲異代爲慷慨歌如訴平生事展
卷吟未終驚沙颯然至嗟予困鞅機與君同侪際時無
九方歎顛倒隨所置憎之卽驚駭愛之卽賦驥力以駕
車疲鳴爲立仗忌根觸暮年心銷磨烈士氣處仲本庸
流唾壺何足碎

贈裴歌非序

故人王太守沛滄禦冬無衣薜苕都門解羔裘

爲贈有感於懷作是詩也

君不見孤裘蒙戎一國三公誰適從又不見羔裘豹飾

彼其之子邦司直韶州太守七十餘黑花滿眼霜滿鬚
燕京仲冬朔風凜凜寒那得貂襜褕太守當年恣行樂
吳綾蜀綺重重著大夫在筇耀三英侍女薰香添百濯
豈知解組長罷官昔何暄熱今何寒素絲五紵那可得
組袍百結真羞看賤子今年運糧舸踟躕逢君行道左
劇場聚散訝離奇宦海浮沉遭坎坷蟋蟀堦前幾度鳴
深閨刀尺未曾成慨慷不遇謝仁祖撤贈徒慚劉伯曄
是日蒼茫天欲雪仰視層陰倍淒絕潦倒同爲失意人
我裘子褐何分別恩怨人閒事可忘噓涼分煖本尋常
楚人聊復裁荷蓑蜀肆曾經典鶴鵲舉杯勸爾休長嘆
質園詩集 卷二十一 辛

倉卒饑寒非患難舊衲披來體自康朝衫脫後顏無汗
吾聞皇風熙皞異嗶咻一夫不獲正堪憂迂儒大有無
窮願安吉何時被九州
聞析
萬籟無聲後何來擊柝喧忍寒憐邇卒禦暴護重門支
枕人孤臥侵床月一痕平生悲壯意此夕向誰論
武備嚴刁斗殘宵急吸呵蝦蟆更未斷鴉鳴語偏多
帳燉煌部穹廬勅勒歌抱關思漢相碌碌竟如何

質園詩集卷二十二

會稽 商盤 寶意

昆明湖

玉泉如玦繞離宮雨字昆明舊制同金簡夜開神禹蹟
石鯨秋動武皇風成渠是處涵恩澤橫海他時立戰
功漫道北軍難訓練水犀十萬駕樓船

黃龍赤馬及時修檣櫓都煩聖主籌已見雲雷生大
翼戰艦名不將簫鼓泛中流申胥步伐教吳士王濟麾幢
下益州敢以昇平疎武備從來未雨要綢繆

遶山疏道事如何漱澍疑浮太液波六詔幾曾遺玉斧

質園詩集

卷二十二

一槎直欲貫銀河曲江春日新蒲長汾水秋風早雁多
那及天朝戎政肅鷺鷥鄉裡唱饒歌

一色琉璃碧漲天弄潮今已習幽燕別開世界風烟里

海定一名風烟里大放荆吳突冒船妖蜃巨鼉移故窟玉璫金

劍出他年君王不愛魚龍戲錦纜何勞白丈牽

偶成

博戲羣童舊往還仙家得失有機關白輪五色斑龍後
蔡誕無心再入山

芸塋以女兒香數珠齋戒牌爲贈口占報謝

一串珠聯一寸脾幾經雕琢掛胸懷托身共在梅檀界

發願先持玳瑁齋隨我來瞻雙鳳閣知君購向三羊街
女兒兩字關情甚那得薰衣坐起偕

待觀詩

塵念都歸法界消半弓容膝借僧寮春從黍谷回來緩
雲在蓬山望去遙射虎三邊身已老探驪五夜侶全凋
誰知附葛攀藤後穩踏天街第一條
綴鷲聯鷄我自嫌鸞鵲漸覺雪霜添魏牟戀關心長
結顏駟爲郎署久潛眯眼黃塵多不散舉頭紅日近方
瞻人閒將柏原須種那得勲名內外兼

十年乞郡出金門依舊青綾擁不溫拓土夜郎覩國勢

質園詩集

卷二十二

二

看花蠻尚荷君恩燕雲作蓋無留影楚雨沾衣有斷
痕清磬一聲蕭寺坐雄飛雌伏向誰論

泥蟠霞舉總成虛車笠常情早破除烏府同年新御史
龍門座主老尚書官多上界仙宜散米賤長安客易居
扇影爐烟金殿曉分明記得唱名初

紀恩詩

宦海揚帆類梗萍天衢如繡許重經投閒未可憎蠻土
垂老何堪記御屏戀關心胸惟抱赤聞絃衫袖尚
留青詠諧漫學東方朔不信前身是茂星

迴翔紫禁五雲高自乞清曹改散曹錢甃城雄來佐

郡玉堂天遠罷揮豪會無側儻驕驕骨豈有威蕤鸞鷟
毛二十四年蒙帝澤全家老幼免啼號

收將晚景慰勞生朔雪南雲遙送迎寶劍可能安渤海
奕棋從未賭宣城四知此日心尤凜三異何年政始成
共識聖朝敦吏術一時惻惻起循聲

煖谷春回玉律初繞簷靈鵲竟何如五旬合有專城分
三上會無執政書格外主恩丹陛近望中親舍白雲
疎平生鄉里纏綿意不敢輕乘下澤車

題趙千里仙山樓觀圖

海上五神山來往隨天風六鰲何年被釣去輿嶠飄墮

質園詩集

卷二十二

三

無遺踪其餘三山若鼎卵半在縹緲虛無中趙生經營
出意匠造此具闕瓊瑤宮金輪高湧扶桑東見見豈
天門路雲霞樓閣雨不辨千門萬戶交玲瓏吉光草鋪
帛巖紅恒春花染猩猩紅靈香巨獸非一種寫生筆妙
安能窮壽而康者麗眉翁左扶右侍雙玉童滄溟欲渡
少舟楫羅巾戲擲如長虹仙家狡獪乃若此恨不輕舉
乘飛鴻放言未覺鄉衍誕絕域要使虛敖通幼時曾讀
十洲記風俗原與吳人同我生於世困羈紲還丹九轉
難成功淮南服食自安好丹雞白犬皆騰空卷圖一笑
忽大悟人間那有淨即公

圍爐歌

北風釀雪雪片麓古木僵立啼老鳥安排煖房置煖爐
騰騰焰映紅珊瑚銅匱土鎚家所需此物炎熱尤須臾
衆人皆附我亦趨寒曹自惜寒肌膚君不見袁安忍凍
洛城宿杜甫盧仝皆破屋吾輩圍爐豈非福

冰床

朔氣寒凝水腹堅木床五尺穩於船古歌漫唱公無渡
薄醉何妨我欲眠百疊空明浮衽席三冬推挽習幽燕
休將共載誇膺泰未算凌虛赤脚仙

凍合蒹葭水一方大光明裡有慈航延緣此日難移棹

質園詩集

卷二十二

四

消息先時在履霜蹴踏凌人藏未可淪漪故國見何常
玉河百頃平如砥引得兒童逐隊忙
臨履常懷失足憂衆人皆涉獨不玻璃斗見無邊界
銀鏤真成不繫舟何處大凝來外域幾時小坐泛中流
半篙柔綠溶溶影記得春波浴鷺鷥
一條寒玉隔前塵流轉荆吳第幾巡得勢欲行千萬里
渙羣祇受兩三人淒涼冰雪堆中况安隱蛟龍窟外身
聞却篙師無用處惠風解凍待陽春

接姬人小東信以詩答之

小豔咏國風三五厥數奇在月爲圓圓在星爲參差我

有抱衾侶盈盈二九時王昌已晚嫁宋玉非私窺出入
隨大婦紡績先諸姬娶妾亦論德正與儒家宜僕從鄉
里至一緘遠見貽念我行役勞早晚須扶持上問眠食
安次及過歸期將書置懷袖感此長別離垂暮銷綺情
受訛西方師腰減休文圓髻簇樊川絲堂堂眞背我腰
脉將泥誰風花與雪絮幻緣皆若斯我作在家僧卿卽
比邱尼阿難入娼室是心如琉璃笑問摩登伽安用毘
羅爲

黃芽菜

安肅連車入鳳城雪前霜後味尤清變成仙子黃芽骨

質園詩集

卷二十二

五

壓倒香芹碧澗羹騎省閒居知種法郡丞隔代有廉名
明瑞州郡丞劉羽 虛聞綺菜琅苾美那得中厨頓頓盈
茹素號青菜劉 嫩綠堆盤食品添贈貽地主雅懷兼民無此色年長稔
座有餘芳客不厭千古英雄聊寄托一時調劑在酸醎
重思紅甲垂畦日老圃曾將氣候占
菰韭齊名爾不慙攜來風露曉猶含百唇葉似蕉心卷
一寸根同蔗節甘此外珍羞皆下品就中至味要深參
斷簞畫粥平生事愛聽鐘聲到佛菴
金作肌膚玉作肪節香搗辣爲伊忙不須洗濯勞纖手
要使鮮肥遠俗腸抱甕徒慚灌園叟還家宜築菜根堂

諸公臺省東華滿退食何曾得快嘗

重游昆明湖

誰將寒鏡啟塵函勝地重經更不凡西望有山稱萬壽
南來何客引千帆仙都樓閣神鼇戴夜月珠璣老蚌銜
十載黃埃染京洛煩他一掬浣朝衫

橫如匹練抱如環近出宮牆遠出山羽蓋霓旌三島外
浪花雲葉五湖閒芻蕘靈囿多行跡魚鳥華林識
顏喜見吾皇神武畧滄溟千里射蛟還

水戰初嫺敵已降千縈萬繚景無雙移來南園齊雲觀
展出西川濯錦江勾苑繁花春盎盎玉泉清響晚淙淙

質園詩集

卷二十二

六

游淋謠洛風光好不比胥濤怒擊撞

流長源遠勢滌洞歲月無勞辨劫灰域外梯航方物貢
鏡中金翠麗人來星虹照影天浮動湖海忘情地鑿開
多少從臣能應制獨教沈宋擅詩才

太平鼓詞

鼙鼓奏辟雍魚鼓喧街市羯鼓催花柳社鼓聚鄉里
鼓百堵與鼙鼓三軍死誰知衆音外乃有高麗紙團團
月裁魄宛轉環貫耳軒轅曾造不矇眊安知此燕姬坐
煖房玉手纖無比晴天急雨來大漠驚颶起垣然晝長
鳴統如宵未止方當太平時廟謨臻上理季冬大勞息

豐稔從今始都城十萬戶戶足薪米南衙北巷開改
歲兒童喜堯民擊壤歌并入淵淵裡紀事異夢華采風
煩太史獨有羈旅人聞聲念桑梓

分咏鴈八粥

得鴈字

昔讀茅盈記嘉平初改鴈一彎月上陞八度冀舒蕩粥
因此得名餽貽隨畫楫剝果棗栗甘煮豆元黃雜進食
憩荒亭結緣分老衲霜雪歲華闌朔南風俗合今年大
有書穗結先期納餘粒瞻室家兼可朋簪盡長腰飪已
稠纖手擎何始休誇倉卒易頗費工夫匪我本寒餓身
重向天衢踏郎潛十載顏祿少萬鍾蓋豹文空自炳鴻

質園詩集

卷二十二

七

趙俄已踴壯志惜蹉跎勞生任摧拉邇來近市居厭聽
方言謠聊開息蜡筵特設留賓榻既醉勿言歸呼童燃
絳蠟分題五字詩宏音闕鎗鞞去日苦難追疾如騏驎
駁祀灶薦黃羊比隣再酬答

前題

得粥字

顏公與范公食粥還畫粥昔人去已遙千載留芳躅此
粥義何取逢臈家家足原本於稻粱參佐惟豚菽淘洗
得淨勻煎熬出神速如酥不由乳作糜何用肉既非穢
澤膏入手凝芬馥亦非青銅鏡凌晨照眉目解結粥詩
曉來不雨
青銅鏡眉目能回冀北寒不藉江西熟下是江西熟不

穀江南旅食在京師客居閑涼煥借春唐有花暖老燕
無玉難叨大官饌徒飽太倉粟萍踪四海萍改竄一陽
復秦鴈正催年堯民羣鼓腹矧此長生名載諸清異錄
尤於耄耄宜無煩嗶咽祝罪罪雪灑窻漠漠雲垂屋爆
竹聲漸喧枳盆焰將簇銜杯酒莫辭分韻詩還續願隨
耕鑿民永享昇平福

冬夜置酒與星垣法意兩弟吳甥芳甸談詩

挑燈聊取詩排悶把釐還憑酒合歡身傍春明門外住

消寒時候未曾寒

淫哇偽體漸縱橫得失千秋有定評不外溫柔與敦厚

質園詩集

卷二十二

八

直從漢魏到元明

不滅生中不脫粘定時斗現大莊嚴禪宗妙諦風人皆

木葉山花信手拈

春蘭秋菊各舒華曲澗疎林亦可誇巨刃摩天曾見否

大家畢竟勝名家

病苦

受病原來不在剛細推物理得良方瀾翻未可同儀衍

牽強還堪讀老莊一硯歸耕難望穫十年敗事罷含香

淨名居士忘言坐肯與溪聲鬪廣長

松雪視歌爲童初五弟賦

名士愛硯如愛玉肝是驂駟眼鵠鵠百錢入市得奇珍

朝夕摩挲看不足形模既古質性溫斷紋隱約疑蛇腹

涓涓一勺水凝池內有多年黑蛟伏此硯曾供松雪書

自宋相沿閱陵谷我聞承旨任吳興妻爲仲姬兒仲穆

家學能傳驂駟圖墨痕徧酒茗簋竹趙社遷移元運昌

隨身老硯無翻覆同時亦有玉帶生慷慨西臺留慟哭

身當歸隱焉用文物不磷緇豈非福州零雨碎易消磨

幸落吾家老同叔拂塵啟匣石聯交對客揮毫雲滿屋

角壁休誇十五城紅箋要展三千幅大德重論舊歲年

良工且免新雕琢與君洗滌試耕耘開凍還將家課督

質園詩集

卷二十二

九

四民月令正月硯凍

開命童初入小學

歲暮二咏

稱貸

久居不易閭冬春半爲衣裘半米薪省識乾坤成借局

任操緩急在他人買山自份原非策指困何堪屢救貧

笑領監河慷慨意西江無水活枯鱗

索遺

未會開剝啄多因債主催總爲囊空平剝與

却逢市近典衣回古今那有全焚券詩酒兼

河官家償博進太原厚祿幾時來

座師儲相合河孫公挽章

高標晚節最芬芳秉政兼衡一代文榜自有花長不謝
諫原無草豈須焚易名早向生前定隱德翻從歿後聞
誰與吾師作佳傳儒宗相業兩難分

主恩終始荷裁成喬木森森碩果貞天下幾人同長孺
洛中何社是耆英五音最解瑤琴理百鍊能完錢
漢名多少蒼生虛屬望傷心不獨在門生

乞菜詩

乞米稱魯公乞醯向微生乞漿與乞酒古人先我行今
年九陌居旅食淡以清厥菜滋味長堪敵樓護饑火時

質園詩集

卷二十二

十

竟無備作董翁未成分貽藉隣里金玉堆餅器義在取
與閒無傷廉惠名乾坤本乞界其術多縱橫齊壻留履
跡吳市聞簫聲萬錢符載索一曲知章營此舉細已甚
得失錙銖輕逝將返田園抱甕消較爭茲非品自佳早
晚看敗葉學圃吾所慕卓哉蘇雲卿

郭昆甫易小字受兒爲別號安翁戲取安義演成

長篇以博一笑

元結署漫郎陳造稱長陸翁郎少翁則老名異實不同
吾友小字受舊是垂髫童作戲兩親前爛熳簇青紅一
從怙恃失漸見頭角雄陟山無嘆聲浮海多游踪收妥

翁爲號私印鐫良工側聞安字義微寓小俯中國君與
大夫上下以綬同從位置平不頗幹當協且融具此妥
帖意排異方有功原涉難飭約胡廣非中庸願安心未
妥厥性須陶鎔先鏤五嶽平岱華衡恆嵩徐將五音調
角徵商羽宮豈惟州里行便可蠻貊通我有相諠語勸
子無慍怙他年九十九勿學邯鄲公

歲除雜咏

僑居愛近鳳城西饒騰迎春意轉迷同巷古祠神是馬
神廟馬異鄉今夕歲爲難戎逢新衣懶向塵中著故事
閒從日下稽膾有吟懷消不盡重拈庚午舊詩題庚午

質園詩集

卷二十二

十一

守歲與芳
句甥倡和

薄被單床未覺孤淡中儔侶靜工夫紅兒綠女家無累
雪北香南佛有徒天許閒身長縱放人稱大事不模糊
通靈誰擅吳生筆乞寫降魔第二圖余舊有降
乞烏蠻花倦送迎虛傳四十得專城恩未放歸田
里入 觀曾蒙記姓名朱實豈宜三度竊金丹須待九
還成都將舉日關心事付與沿街爆竹聲
微波兩地一詞通淶水西流路水東樓庭在淶星垣有
數雲霞生海外無多親族在朝中檢書小坐燈凝碧覽
鏡衰顏酒蓋紅預想元辰丹鳳闕凌兢待漏幾人同

夢中忽整冠招將喜氣舞斗紫仙雖登新蓮居
節漸交春畧忍寒餽歲鄉風方絡繹隔牆家燕正隨園
黃封翠釜多珍品頒賜何時出大官

四角雙輪就道遲燕雲如墨滯歸期長齋遙祝慈親壽
衰戶全憑健婦持遣使尚緘年內信盈囊猶剩祭餘詩
探春花好先春放那及吾家玉樹枝

游子孤踪托渭陽給兄相依內弟客衣久已換涼夢

通朔雪三更後人握南豐一瓣香墮地有情空紙積入

貨無力可爲郎時欲爲兄納費未果古今萬事魚龍戲難得登場

易散場

質園詩集

卷二十二

七

憶袍衣綢侍寢甘小星如豆夜光含修眉鏡裏新成感
秘事歷前久罷談行坐但教隨主母吉祥何用佩宜男

纖纖磨墨應相待裁詔他年我尚堪

柳巷槐街路舊經萬人海裡尚飄零冰霜每向天晴白

燈火偏於歲暮青五品章身還有服一宵煖足苦無餅

蕭蕭旅況寒如此不信郎官應列星

彈指堂堂失少年眼中花共耳中蟬無分上下休移榻

要辨貪廉不在泉銀管漫推良史手玉樓長聳道人肩

帆盆火暖深房坐自寫東華守歲篇

新春試筆仍用歲除十首韻

崇文宣武且東西蒼帝行春路不迷旅况甕中三斗粟
早朝天上一聲雞薪堆漸漸何堪積花信番番莫再稽
從此 闕廷長繫戀五雲高處望璇題

片月江湖影太孤自拋仙籍愛凡夫美人罷舞無長袖
公子論交有博徒晚景易沈猶偃蹇軟場重憶便棋棚
天衢未展追風足冷看周王八駿圖

閒身觸歲倦逢迎令節題牋紀鳳城出谷新鶯未有侶
綴花雜樹半無名前途此去皆陳迹太器從來在晚成
領畧東風披拂意玉河開凍已聞聲

九陌如弦處處通游人都集廠西東寒消綠柳燈棚外

質園詩集

卷二十二

七

塵埃衣香鬢影中苑柳未舒前度碧宮花仍帶隔年紅
尋常傀儡盤鈴戲一入宜春坊名便不同

塵上堆中笑整冠歲華照耀五辛盤松筠本性雖然在

鷗鷺深盟漸已寒萬事盡隨波浩渺一年初見月團圓

迎中剪燕風光麗得氣春官是貴官

種種無成色色遲蹉跎已過服官期鶯花夢裡多留戀

騷雅壇中要總持伏櫪竟消千里志報境重和四愁詩

宦游歸隱何分別祇算鷓鴣寄一枝

玉體橫時失晉陽小憐遺掛最淒涼室中懸亡姬小憐遺照會無

帳外珊珊影曉有爐中細細香更替一星歸楚女前歲

入更雙鬢感潘郎
魔宮欲界原無相
任遣天花散道場

晚境空思蔗節甘
自將孤操比羅含
鈞鰲頓失仙山戴
門風休將世事談
未得鳴鐘兼列鼎
待完嫁女與婚男
平生懶勝樵中散
何止年來七不堪

紉綺趨庭憶授經
自憐弱質望秋零
韓家樹老無全翠
王氏箱盈有舊青
寒夜聳肩長起粟
多年守口漸如餅
搓酥滴粉風懷在
但惜平添兩鬢星

華胄遙遙不記年
虛稱七葉有貂蟬
挾天那得千層錦
湧地何來萬斛泉
淑景待舒高處目
勞生能息幾時肩

質園詩集

卷二十二

古

重思南國行春地
未賦甘棠第一篇

新春孫約亭中允席上送徐潤亭閣學視學京畿

禹貢首冀州
邦畿民所止
列國缺燕風
陳詩遺太史
建都世代更
應運人材起
培養百年餘
搜羅權在子
臨岐索贈言
深情良有以
憶昔登第晨
簪花赴開喜
游龍中秘書
並馬長安里
顧我落塵凡
看公佩金紫
重爲異地歡
猶序同袍齒
劇飲十觴頃
高談雙掌抵
君其採芻蕘
相對增愧恥
夙聞少陵云
文章一技耳
重之則雲霞
輕之則糠粃
國氣關盛衰
士習分成敗
毋任別派消
要作中流砥
考行不徒言
聆音能察理
會相萬驪黃
曾經三

代沈荊日向京南春風發桃李

都門元夕

分芋傳柑事不同
六街剪剪試燈風
歸家自剔銀臺焰
留照重衾淺夢中

藏花歌

并序

入春讌集屢以藏花行酒
白髮同年頽然一醉
戲作此詩前此風人未有咏也

青旛夾道蒼龍起
九十韶光從此始
鳳城早有探春人
不在林間在杯底
良辰會合老同年
隔座分曹嚴壁壘
如將金屋貯娉婷
未許銀燈照紅紫
色空何礙妙明心

質園詩集

卷二十二

五

消息原無漏洩理
舊樣翻新新樣奇
勝固豪雄敗亦喜
君不見轉頭桃李紛作花
典衣爛醉黃公家

題王侍御萊堂盟鷗圖

青鸞俄驚失少年
聯鷗綴鷺玉墀前
朝回遠結江湖夢
好片琉璃雨後天

忘機何境不成空
老戀烟波尺幅中
認得幽居航口名
路抽帆來訪狎鷗翁

燈夕熊光祿廉村招飲南城新第同年在座者八

人撫今追昔爲詩以紀時將回楚並用志別
杜曲依然尺五天
坐中人似飲中仙
東都冠蓋公真盛

南部爲花我最憐
廣乘久離難掩足
烘屋重過且凭肩
高樓橫笛關山夢
只在華燈四照邊

題渡海羅漢圖

我聞釋氏言法華
藏性海方平塵不揚
元虛賦何駭善哉
諾矩羅凌波赤脚
蹤獻珠龍女妍列
島鯨人矮百怪伏
三明漚漲同爽塏
遙睇大方諸雲中
露臺卓登岸在回
頭豁然震旦改是
相原非相吾心有
丘宰銜石愛河填
蘇枝甘露灑持此
定慧功能將諸厄
解畫手類曹吳白
描現光彩廣博具
神通莊嚴長自在
敬奉旃檀香六時
勤懺悔

質園詩集

卷二十二

六

早春憶家

冰雪堆中醞釀餘
春光鄉信兩紆徐
土牛自古能占歲
錦鯉於今懶寄書
三省幾人願綵勝
六街何處避銅車
明時未棄身將老
也向南山憶敝廬

春寒

綵仗雲翹次第看
闌袍猶擁隔年寒
銅匱獸炭千緡直
玉指鸞篋一按難
有準上番花失信
無情南浦水生澗
蕭郎夢裡還能賦
半展宮牋墨未乾

紀夢詩 并序

昔王平甫夢至海上見海中央宮殿夢起俄聞

奏樂題其宮口靈芝宮覺後爲詩以紀余昨夢
頗同事出因想之外吁可怪也

玉女窻開徹夜明
記來小字是雙成
扶桑未散曉曉彩
早聽天雞喔喔鳴

羽衣初著上瑤壇
海氣罡風透體寒
一帶朱闌三百丈
人間遙作蠅蝶看

步虛法曲按紅牙
催放恒春萬朶花
雲液滿斟留小住
水晶簾外卽天涯

夜賞朝遊駐景遲
攜將眷屬到瑤池
樊南應笑仙緣淺
但寄華陽姊妹詩

質園詩集

卷二十二

七

春雪

十二門前耐冷身
良辰頃刻變蕭辰
韓詩好記元和雪
吳夢難忘鄧尉春
玉女乘鸞紛作戲
銅街走馬淨無塵
豈知斗帳濃香內
正有朝眠未起人

覽鏡見兩鬢已斑
雖親在不敢稱老
然難諱矣

老態新從鏡裏看
蒼華名已被雪霜干
也知鬢白鬚將繼
可比唇亡齒必寒
貽我一節爲伴侶
逢人再拜漸難難
寸田尺宅還無恙
益算原須煉內丹

往事蹉跎莫恨然
櫻花皎月儘流連
老修梵行如摩詰
前道姪人笑樂天
經卷藥爐原自好
樵山漁水豈無緣

夢寐虛言舍元化一何何分大小年

嚴二海珊赴官嵩明得其途中近問以詩寄懷

故、萬里意綢繆天外邨雲落案頭寄我一枝煩驛使
思君何日到梁州華陽黑水還堪考勾漏丹砂不待求
知有新詩紀風上樊童蠻女盡能謳

留別樸庭并芳甸甥

兩度天涯快盃簪客中一倍惜分襟
前北斗京華迴馬首南雲驛樹深
那及山家忘甲子偶逢海買問晴陰
多生惟有別難得社酒圍蔬歲歲心

帝里迎春逐隊忙倦舒冷眼閱韶光
香車霧散銅駝陌

質園詩集

卷二十二

大

感曉雲連玉螭坊早歲侯封輸鄧禹多時郎署滯馮唐
可憐絕代迴風舞偏在高低瓦礫場

沽水東流易水西深林猶覓一枝栖承筐未賦呦呦鹿

去秋北推枕長驚喔喔雞玉女虛窓斜度月時方金城

老柳漸生梯平生惠好無多侶那得登車手共攜

芝蘭芬馥繞階除遺子經籠意未疎天下文章劉孝綽

南史劉孝綽小字阿士勇王融嘗海中文怪水元虛臨

岐翻覺無多語垂老方慚未讀書時爲吾甥留望眼要

隨計吏上公車

留別諸同年

細侯竹馬幾時迎東郊芳草長南浦微波練練明
侵松林田未卜鄉田在松林者最賦倦遊歸計尚難成

久離香案玉宸前意外重瞻人五天轉粟寧辭三楚

遠航棋敢望一城專中朝特重無華吏上界難容最散

仙此去東南思利涉鯨波已息太平年河堤方告竣

登瀛舊事竟成空裝餅吳綾賸碎紅李絳幾曾私一薦

薛逢原本忤諸公喚回春夢殘宵短點就秋霜老態同

每赴華筵便惆悵搖鞭何待管絃終時在孫約亭宅張樂會飲

羣峯合沓近荆門營府參軍勝概存滄海廉泉知宦味

質園詩集

卷二十二

九

哦松忠簡分寄地名托皇恩龍蟠大壑雲無色猿嘯空林

月有痕原是騷人憔悴地臯蘭晚蕙要深論

懷貢玉主人

恩牛怨李局縱橫睡毗何人搆彖成馬援歸裝原未重

陳湯吏議已從輕碎來白璧昏無色捲起黃河漏有聲

一掬平生知己淚可能洒向晉陽城

滄波起落白雲浮聞道荷冠近脫囚未許相齊如管子

翻成寓衛喧黎侯滿盈或有將傾勢細碎原無可報仇

野老與人真不競忘機歸御魏塘鷗

復雪曉起寒甚

何期負冰雁歸暮投寒令啟太昊司功成元冥退同
少龍蛇採香遞蜂蟻五行有乘除反常卽爲怪都門十
萬家貧窶凡幾輩鶉衣結自垂牛衣泣相對誰憐臥落
僊難向監河貸唐堯病博施墨翟失兼愛生無濟世功
溫飽天所養俯仰多根觸呵毫發深明差勝杜文貞茅
屋三重壞

質園詩集

卷二十二

辛

質園詩集卷二十三

會稽 商盤 寶意

碧雲

碧雲深鎖玉宸家福地曾經到底霞王遠鞭痕長在背
安期棗實大如瓜羣真歸海知難覓一念臨凡記不差
莫笑踟躕劉坡子讓渠飽看洛陽花
通天入地兩迢迢往蹟隨塵未易消蒼負三山終被釣
鵲逢七夕始填橋素箏簇雨春如海楚館籠雲夢亦妖
半卷黃庭持誦罷道人兩鬢雪霜凋

鳳泊鸞飄去不還轉移誰識露機關休誇猿臂無雙技

質園詩集

卷二十三

一

曾點蛾眉第一班秦薛有情移海上孟嘯何俠在人間
邯鄲枕畔難成夢片刻榮華亦等閒
碧童卅女遠求仙萬頃滄溟萬斛船河伯望洋空自嘆
神人驅石是何年坎離要得陰陽濟壽考非關草木延
失笑嵇康無妙旨含毫別著養生篇

將自燕回楚取道江南是十載分符舊地去春寄

累於此望遠成詩

芳草芊綿路舊經迢迢七十二長亭絮雲有意還成夢
柳絮無踪屢化萍隔座金釵何客醉凭闌玉笛幾回聽
水天閒話南朝事不對江山也汨零

胸中虹蜺漸消磨東北其如遇蹇何壯不入秦輸蔡澤
老猶思趙笑廉頗巡簷鶴報新除緩轉磨牛尋故步多
春水方生帆影濶江淮二月碧於羅

題李龍眠張老移居圖

天桃穠李競春華白髮紅絲繫不差元祐丹青天監事
鹿車鴻紫在仙家

二八盈盈得婿年多情伉儷屬神仙人閒豈少張延賞
洞口何如葛稚川

天教章惇作芳鄰納采曾輕五百緡老嫗不知嬌女意
瀟園原自有奇人

質園詩集

卷二十三

二

山迷雲霧海迴瀾一隔仙凡會合難便遣崑崙奴尚在
已無鸞鳳集天壇

宣德銅瓶歌

銅瓶如膽不盈尺古色煊爛朱閉碧前代貽畱二百年
標題兩字知宣德當時大冶炎紅貢金三品歸銷鎔
此瓶鑄出奉宸玩高擎紫袖雙昭容豈知鼎革甌長缺
流落民間光彩歇宮井泉枯貯未能土花翠並磨難滅
客中攜作文房供冉冉條風將解凍養得姑蘇一夜開
綠窻細入春無縫君不見汝定官哥舊器消瓷鼎近日
稱宣密泥輕釉薄那可久不如銅質難傷凋我得此瓶

如老友與爾深藏同守口耶水莊山天下聞良工模範
今何有

裘少宰諾臯先生新納吳姬以詩爲贈

尺五天邊杜曲家城南初駐七香車閒情小試釣衡手
選取長洲第一花

瑤林珠樹世閒稀光照玲瓏玉女扉催促早朝先起早
不須磨墨但薰衣

絳蠟珊瑚列畫屏小星竟夕傍台星謝公從此能吳語
嚙嚙鶯聲枕上聽

風月人間要總持高談對客夜眠遲嫌他入直尚書省
質園詩集

卷二十三

三

只有應官舊侍兒

渡江橫穩迎來易臨鏡妝遲出拜難同賦洛神吾獨拙
春松秋菊未曾看

秋千詞

三條紫陌漾和風古戲流傳出漢宮小駐連錢金絡馬
看人兒女鬪青紅
隔院溫磨日漸遲燕鶯消息已先知粉牆一帶低如檻
畱待垂楊映畫旗
南朝烟雨護樓臺比作崇霞臺舞一回春態便娟藏不
住驚鴻影向半天來

高羅彩索繫新年蠻女盈盈髮覆眉前歲正月在施州
曾賦蠻村畢竟鳳城風俗華杏花時候試秋干

題寓齋

垂暮真慚未息機延興舊路認依稀久留豈止黃鵬識
閒道如懷白壁歸花信漸催孤客夢柳絲仍拂去年衣
詠諧却勝東方朔待詔金門正苦饑
電掣風迴過眼虛鴻來燕去意何如經時座有談元麈
從此門無問字車桑下定多三宿戀社前聊寄八行書
行勝到處皆塵土安得林宗爲掃除

春韭同芳句賦

質園詩集

卷二十三

四

燒燈度上元咬春過燕九坐驚節候移旅食亦云久
本北地良應時剪園叟微黃金吐芽淨白玉離均能爭
晚松先肯隨嫩薺後羅羅小市陳簇簇中厨有物以罕
方珍豈惟一春韭朱門尚肥甘嘉肴佐旨酒如藥當腐
腸無泉堪漱口寧知庾杲榮頰植周顒畝寒家淡泊宜
名列食單首徑寸截銀刀惜少柔莢手裹餅捧團圓爲
罄藏甕甔蜀薑奈遠何楚芹能敵否放箸迫含情嘗新
速親友

春光

春光如遲少年韶九九餘寒漸漸消蝶爲雛花先脫繭

鶯綠擇木緩還喬朱樓玉笛人初倚紫陌金羈馬正駢
惟有閒吟身不稱杖頭冷挂一詩瓢

鄭誠齋太史手錄近詩屬予評跋率題卷後

昔聞吳子華百篇中有兩句佳又聞張外史寫詩盈冊
貽知己古人才大心更虛今人持較不如先生標格
清且腴揮毫散落千璫璫季冬之月雪片旋術寒下直
承明廬新詩跋跋自編錄結習深重真難除願爲狂瀾
作砥柱力將巨刃摩雲衢僕也愛詩抱微尚恨少鐵網
搜珊瑚對公何止退三舍中原敢與爭馳驅琳瑯相示
許意外定文村凡言非誣倦圃云亡竹垞死禾中風雅
質園詩集

卷二十三

五

續紀夢詩并序

從迷積迷因夢生夢曾城十二重訪舊遊不逢
仙人但聞仙樂寤後尚瀟瀟盈耳也大千世界
中何境非幻古稱華胥羅浮信有之乎續賦紀
夢詩五首聊作吟嚙觀

宿因結習破除難絕代風懷在倚闌然記霓裳剛一半
廣寒宮殿不曾寒

周郎顧曲擅江東小拍檀痕入夢中三尺珠簾隔千里
知他黑黑與紅紅

離容妙想盡能歌霧鬢烟鬟態若何一闌山香春忽老
研光帽上落花多

仙侶同游鶴送迎暢亭張宴有鄉情無端一陣安陵鼓
散作晴天驟雨聲

雲中樓閣海中山馭氣排空再往還自聽髮持天上樂
方知鄭衛泥人間

題劉松年春社圖

宋朝南渡設畫院誰其稱旨劉松年今觀是圖信神品

質園詩集

卷二十三

六

恍如置我枌榆邊三點兩點媼翁雨五畝十畝禾黍田
婦女停鍼男擊鼓結宗西陌連東阡當時汴社已爲屋
六橋御愛花猶妍村農給軍運芻菽內府載橐輸緡錢
嘉定之閒安可問約夏攻金非萬全昇平樂事難再覩
中原父老驚烽烟賢后一匙那復賜遺骸五國何能還
劉君寫景思息戰要與耕織同流傳松年於寧宗朝嗟
進耕織圖得名
予作宦別桑梓夢乘六扇烏篷船瑞草鄉書大迢遞浣
花破屋將移遷扶筇赴會羨鄰叟合歡飲福相周旋綠
陰如織好廬舍負此酒地兼詩天鴻雁去來韶片換漸
看青鬢成華顛眼明玩畫起惆悵拂衣我欲辭幽燕

見月有懷小東

初三纖月仿眉痕不待凭闌已斷魂青鳥至今無確信
綠衣自昔有公言錦囊檢口卿能掌銀海橫波我未昏
應念忍寒深夜坐一條絛玉倩誰溫

論詩示芳甸甥

如來在靈山拈花示大衆迦葉獨破顏微笑機鋒中詩
學等禪宗千古淵源共質證聞思脩貫通風雅頌不脫
復不粘能擒始能縱索解苦無人執迷渾似夢刻鵠多
類鬼州雞難作鳳聚珍水獺祭引蝶山禽呼詰屈乖宮
商偏頗失磨礱欲借九丘風爲世務塵囂我甥統綺年
質園詩集

卷二十三

七

好爲柔翰弄三籟能補亡七畧皆成誦是當入鎚鏹非
徒充甄瓊僞體既已裁邪說何由動杜韓兩足尊蕪陸
堪伯仲比諸梵唄宜宜使瞽瞍諷大雅嘆淪湮聞者方
啍啍

連日大風霜靜坐一榻以詩撥悶

連朝異二太狂顛寒勒花枝不放妍對面甚於三里霧
托身那得四禪天景差侍從披襟處宗慈雄豪破浪年
老眼烏紗嫌一罩豈堪眯曠向人前
托跡飄飄類轉蓬避災長得六時功未超釋氏塵沙劫
欲趁江神舶踰風宋鷁退飛平堊外唐花深護煖幃中

三重茅屋還無恙不用題詩歎杜公

督家僮掃廬

花逕苔茵步步幽凌晨除穢小僮僂正宜敝帚千金享
且作閒居一室謀皎潔在案由拂拭清涼何寺可焚修
用矣賓鴻寄跡渾無定掃榻還將好客留

斯星士

共在乾坤玩弄中相逢不必叩窮通牛能奮角垂星象
鰥自多磨守命宮乙巳豈能占禍福甲辰誰與辨雌雄
馬周早達馮唐暮勸破升沉一笑同

懷友詩九章

質園詩集

卷二十三

八

張司馬芸墅

我所思兮在北樓夢中依約宛陵遊一天芳草隨人遠
二月東風似水柔未得觀魚借惠子休將種漆學樊侯
木後漢書 海南作吏原稱善會遣良鷹再下韉 雲雲宣
於今歲補秩 爲廣州郡丞將 城人向

程明經蕪江

我所思兮在晚甘一菴地北與天南 蕪江有晚甘園地
也 靜觀草木生機滿老閱烟雲幻態諸弟自常來兄
式好 門緘齋 君能作達僕何堪藥房麗色關情甚小
朵還宜短髮簪 園中芍 藥最繁

唐樞使俊公

我所思兮在九江陶人七十壽眉龐先生自平明淨掃
雷賓榻精進長懸學佛幃小海微歌原不誤 宋部周香
山並駕總無雙 重建北亭於並 樓前五老遙相對捲
取雲霞入曉窗

朱山人葵衣

我所思兮在秣陵米闌臨水每同凭閒身早早完婚嫁
老眼離離閱廢興南史待添流寓傳東林莫拒在家僧
青溪還壁音塵斷花落鵲啼恨不勝 草衣曾爲余題
青溪還壁圖

鄭處士雲叟

質園詩集

卷二十三

九

我所思兮在少微江湖處士一星稀名門通德留書帶
盛世奇人出布衣 雲叟曾製朝鮮布衣鄉 紅甲園蔬春
灌起 近開在白波社酒晚扶歸宦途自嘆車生耳讓汝
山居早息機

陳文學無波

我所思兮在武昌南樓何月照胡床掾曹未必皆殷浩
書記原宜問孔璋千腋盡歸高手集 無波工於集一尊
重發少年狂分明梓里前塵在歷歷春星左氏莊 雲在
與無波夜宴春星堂 距今三十餘年矣
願令君雲叔

我所思兮在玉山草堂經歲不開關春隨夢遠無驚喚
秋共雲深有鶴還雲叔自署秋鶴道人歎客應須千日醉棄官難
得四休閒小瑤花艷南枝秀且對蕭蕭兩鬢斑元顧同瑛二伎
名小瑤花南枝秀

荆畫史楚珍

我所思兮在楚珍其顏如玉畫通神丹青妙處光盈座
坎壈經時累及身秋水重傷侍書女香山要寫集賢真
荆生向為子寫照并葬亡姬遺像凌烟半骨原非偽枉遣劉琮遇貴人
胡鈴贈劉琮片云恨無裴郭之手骨以發其奇逢

西林道圓上人

質園詩集

卷二十三

十

我所思兮在寶蓮道公結菴名寶蓮剪葵燒笋又今年三千界
外寧無界十八賢中或有賢龍象能擔關福慧兔魚已
得棄蹄坐高雲勝語師應笑離却風光不是禪七字為高雲石
詩公舊

遲長兒不至

對景休為嘖暗吟全家共荷國恩深春回且待遷鶯
信老至難拋紙牘心長假何堪經百日遠書豈止值千
金篋中并少荊州絹官況如冰冷不禁
幾度迎春又餞春燕鴻踪跡太逡巡戀家翻覺官為累
知子無如父最真膂力已成方壯歲星埃同是未歸人

平生慚愧茅容奉祿養何曾及老親

新柳

此樹含芳早臨風漸吐芽沈沈寒食夜未可便藏鴉建
業重相訪靈和且勿誇長條太無賴一半屬鄰家

對月

雙鯉迢迢欲報難春心秋鬢漸闌珊多情今夜如規月
分作燕吳兩地看

偶憶

昔夢重溫在畫樓吳娘低唱雨蕭蕭桃花塢畔桃花水
流過桃花第幾橋

質園詩集

卷二十三

十一

信步至萬柳堂是前歲亡姬舊遊地愴然久之
鞦韆徐行不覺遙風城寒食又今朝地經前度增惆悵
人對芳辰轉寂寥侍史華年傷錦瑟故家別業問雕橋
丘珠亭畔斜陽暮翻恐無端拾翠翹
子楚鬚眉近已蒼春來豈合燕鶯忙還予清淨身三載
欠汝滂沱淚數行碧落招魂煩道士朱顏瘞土傍真娘
解禪曾到棲禪寺天女維摩易散場地有枯花寺
嬉春詩

春服初成少長偕芳辰有恨且須埋虎頭未算全痴漢
龍尾原通半壁街攜取勾芒聯勝侶欲煩寶樹幟風懷

憫他韋杜花無賴消得蘭陵酒似淮

豐宜門外是豐臺芍藥含苞尚未開寒食飴簫留落照
耶婆羯鼓簇輕雷西陵北里無消息社燕賓鴻自去來
十六年前盤馬地韶顏衰髯迥相催

身是湘萍少定踪愛河情慘老偏鍾照來蠟炬花猶睡
聽到鶯聲蔭漸濃佳句偶從天外落麗人多向水邊逢
禁城原有蓬萊路莫信烟霞隔萬重

慣將佳侶閱年光桃已成蹊杏退房率爾一麾辭北
關居然汗騎擁東方纏綿何客同攀柳蔽帟他時或愛
棠曾待法官香案側遠從湖海望巖廊

質園詩集

卷二十三

七

瀕行友人索觀入都近咏賦答

昨歲來潞河停橈訪吾友同心托蕙蘭芬芳豈可久詹
詹紀程詩棄遺輕敝帚旅人愁善鳴長者愛忘醜蟹螯
味無多羊棗嗜亦偶聊當楚騷讀如下漢書酒鐘呂君
素問何貴乎瓦缶茫茫塵海中貴音遇誰某謠詠蛾飲
眉支離柳生肘頗思結習除香雨歸鳥有楊綰常自顧
丁儀求不朽矜慎與質疑其意皆可取方當典學朝搜
羅到林藪鴻羽漸雲遠魚鱗依左右曩列供奉班愧非
雅頌手報國薄詞章寧須探小酉此卷不足觀請君覆
醬瓿含意分袂申驥駒在門否

題家法意商原射獵圖

面顏縱目嶺且嶠長虹平展浮雲高東河西洛連首尾
近形遠勢全終包爲原爲隰爲坑塹崑崙四扇鎖不牢
更與馮翊環週遭是時木脫風怒呼古戍亦凋殘萬
雄狐離兔招其曹猛虎負嵎誰敢鞭吾弟讀書通六韜
建功勿慕郭與褒選徒應令非繹騷前茅後勁靜弗
大宛名駒大食刀蠻雖鴟背蜀錦袍腰間綬帶懸烏號
田車十乘列戟戢誰其並驅遇諸獬獬我謂我滅而豪
後有載者獫狁獯凌霄郡君初脫條奮擊何異龜蘭麝
鴛鴦鴝鵒聲嗷嘈黑熊潛伏青兕逃頃刻雨血兼風毛

質園詩集

卷二十三

七

追飛逐走獲可掬來如掣電迴如濤承平偃武弓矢
小戍上女安耕甸越裳獻雉旅貢焚大啟王會陳干
從臣嚴助偕枚臯百拜稽首賡琅璫五陵少年氣不撓
匣中秋水藏孟勞恩仇細碎同蟬蛸慷慨笑握綬山桃
畫師爲君添三毫元冬猶夢搏獸教舊遊歷歷心切切
老兄見獵頗饕餮玩圖燒燭凝寒膏背癢欲倩麻姑搔
索居兀坐天所發鬼不揶揄人詈謗那能秉節揚旌旄
嶽蓮苑柳思翔翔涼州一斛傾葡萄

出都

盧溝曉月不成輪草草勞人是旅人那得鴉媒思入楚

丘同鶴病悔遊秦江湖豈敢忘 雙闕遙開還愁隔一
塵總爲 國恩難報稱故鄉農圃緩收身

曉過南園晤吟暉魚門兄弟

五年四度此凭闌人自蹉跎景未殘熟客也迷花暈暗
生衣偏試麥秋寒橋兄漁弟重相對流水高山又一彈
且酌堯夫歡喜酒淮黃今已奏安瀾時河堤告成

魚門新築書舍顏曰桂宦初夏過訪留飲其下

子衿我紱阻趨趨出處何曾判苦甘垂白鬢眉猶道左
落紅時候又江南歷資未典新除郡訪友重逢老學菴
一語臨行思踐約秋香小朵待同簪

質園詩集

卷二十三

古

蘋果花

兜率巖前種移來歲月遲花應稱絕品果自解相思
名相未入僧繇譜如逢妙喜時南人全不識
枝

淮上晤袁簡齋

掌袂一笑在中街虹霓依然舊壯懷謝傳兩墩爭姓字
周王則公詩中語簡齋史公橋妾涉江淮侍史同行三生結
隨園別業在湖公墩傍
習俱難破廿載同心故偶乖原是桓林雙弟子香雨雪
北會須偕

移松歌 并序

程氏桂宦有黃山松一本高不盈丈葉簡齋見
而愛之主人魚門贈之客或嘲之爲誤解者云
寓意非留意爲誤解者云在我繪在子一取一
與誰說誰粘二君以僕通達十二因緣請下一
語時客慨已南援筆賦此鄭人方覺太史同分
秋來踐約樓霞當出是詩質印兼問芸聖居士
以爲何如也

質園詩集

卷十三

五

槐杞梓榆楠楓其下陰垂翠霜霭其上蓋結青童童
此松位置在益益晉齊之側猶邱邱秉姿雖小具貞性
能開榮瘁兼春冬古來萬事一羅預芳韶過眼驚飄蓬
草木平泉徒作記烟花南部難畱踪斯樹斯人適相值
在我在爾將毋同貪痴愛戀亦何碍但須縱放毋牢籠
公等會心僕饒舌三秋一笑樓霞逢

韓江舟次讀程令言飲泉吟藁

東山絲竹舊曾聞令伯并玉樹芝蘭左右分誰似名家
華從好青綾帳下一論文

才人肝膽道人情越水吳山遠送迎吟罷一航計挂處

藕花香裡過臨平

集中別杭州詩五首

吳融全集君皆善秦系偏師我未雄從此燕城懷舊雨
鉢聲燈影畫船中

贈韓江詩社諸君

主領風華屬老成肯將此事委公卿蘭亭有會留觴咏
蓮社無緣列姓名江左文章皆鉅手淮南櫻笋最多情
行巷彷彿慈恩寺可計梁州萬里程

題泝江太史松風泉響圖

龍唇鳳足賞音孤泉韻松聲共一圖會得官商諧暢意
彥回何似段由夫

黃園詩集

卷二十三

六

錢馬冰車陣陣驚自然不及此和平炎雲如繖披襟坐
早有秋聲指上生

甯別嶠谷

把臂當年共入林相思無物報南金老來情似丹楓樹
一度經霜一度深

芭蕉葉已層層展芍藥苞猶密密含斜日未沈潮未落
載將詩意過江南

守風

世路原多梗吾生况阻風魚龍皆舊識作戲大江中奇
鬼燃難見陽侯信可通不知綸閣內誰建濟川功

泊蕪湖

朝雲淡淡雨疎疎四月江鄉畫不如小滿已過芒種近
柳陰垂岸賣鱸魚

重過南寺

纔向隋堤聽暮鶉客中容易失青春未隨袁尹看新竹
祇許劉郎見落花四月更衣宜芟荔一巷欵客具茶瓜
舊詩題壁依然在茶用他年滌碧紗

丹陽旅次得遷興緒都之信

方外長留岸幘名披雲信到赫圻城嫁衣晚著蛾眉老
廣陌吻乾驥足輕成佛義何分頓漸選仙圖未定輸贏

黃園詩集

卷二十三

七

歷資却與明經似老貢成均鬢雪盈

盛世何曾有積薪臣年方壯不如人招弓尚恐譏良友
奉檄差堪悅老親百粵狙伶皆向化三江舟楫正通津
孟公此去閒凭几依舊林泉淡蕩身

咏漢王虎爪玦

錢鑄蹲虎形枕標伏虎號厥勝義有取非徒供玩好此
玦出漢朝知是良工造大不及璠璣重不如珪瑁雄威
指爪畱古色爛爛照吾開細腰君拏攫逞强暴刻劃本
非直其氣猶騰踔方當天中節佩之得神效能將邪穢
除兼用嘉祥召一物利鈍分乘時發光耀搔癢笑凡夫

麻姑安可到

江上春夕照作歌

欲眠不眠舟中客欲落不落江邊日
劃開眼界得奇觀
大地河出現金碧寒蘆瑟瑟新蒲短
百頃琉璃西望遠
忽然翻動亂虹鱗裂碎吳綃不堪展
我來十日沿江行
風風雨雨今始晴
皖公鬚眉入蓬底斷霞紅照樅陽城
清景難辜時不再
人閒變幻真多態驅車莫向古原登
長劒終須倚天外

題扇頭畫魚是梁崑壁所畫

無角無牙斷簡通
仰家小扇寫來工
如何不食神仙字

賀園詩集

卷二十三

六

俟落書生掌握中

客囊一束少羣書
不用芸香爲辟除
身是江湖瀾浪叟
那能瑣屑注蟲魚
嬾拙原非理劇才
蒲葵在手應時開
仁風到處須揚播
先與黎民剔蠹來
難成脉望混魚苗
簇簇銀泥跡未消
從此梁家新樣好
不須蟬雀問南朝

重至九江晤唐俊公先生

此來特爲別先生一笑何勞倒屣迎
人是六如能說偈
地留五老最關情
艾桃旗印逢初度
端陽節先生鴻

臥春秋少近程燈檠九枝珠百串曉風招悵柳耆卿是
徵歌
達旦

題俊公先生備中人樂府後

亡國臣難禦冠鋒開披明史到懷宗外城失守將開鎗
前殿無人尚擊鐘未及乘騾還渡馬可憐陪鳳更偃龍
草間求活麒麟植愧煞天衢賣菜傭
一肩重擔是綱常蔬蕪能留百代芳士守厥根身抗節
民多此色世難殃故宮離黍雲千穗變徵悲歌淚數行
舊事翻成新樂府褒忠不爲感滄桑

題轉天心樂府并引

賀園詩集

卷二十三

九

原夫芒芒今古榮枯幾閱春秋納納乾坤蜃蛤
皆由變化乘鈞播物裁者斯培發軔登程運之
卽轉俊公先生本懲勸意爲傳奇現宰官身而
說法新聲菊部如聞吳市吹簫閒話豆棚可代
道人警鐸卦當否極積功漸滿三千神降泰逢
彈指何須二十福緣心造善使天回此如弄叔
子之金環前塵不昧按鄒生之玉律寒谷能融
者矣嗟乎滄溟萬頃殊少衆生乘坐之船因果
三生曾無大覺光明之鏡椒塗鑲上鋪錦誰開
彌戾車中輿輪不動人心頑頓佛淚滂沱憑將

豪竹哀絲散作晨鐘暮鼓君如不信請看傀儡
登場予復何言且待饒饒汲井

芥菜粒中藏世界藕絲孔裡避刀兵何如種豆南山下
後果前因歷歷明

乞徒氣槩壓朝紳未遇英雄有用身如唱盛明新雜劇
伐燕處室一齊人

太乙雌雄百鍊餘雙九持贈意何如空空妙手非非想
敢笑荆軻劍術疎

人心天意兩相通不用三千八百功剝復機關吾默會
只爭方寸轉移中

質園詩集

卷二十三

辛

質園詩集卷二十四

會稽商盤寶意

長夏自楚之京觸緒成咏共得五十二首

西南得利塞方占到岸收帆復辦嚴臺上雄風大王快
天邊魏闕小臣瞻修途遇合真難定勝樂江山豈易兼
幾度高樓玩明月揀曹踪跡未曾淹

霖雨初收驛路平兼程却稱客囊輕何人不羨登車去
昨歲先爲盡室行旅食嗷嗷寧有產炎官赫赫太無情
飲冰指日都門到銅蓋遙聞磴磴聲

梓里溪山首重回許身那敢臥蒿萊就衰漸有支離病

質園詩集

卷二十四

一

處劇曾無敏練才南國棠陰慚召伯北方花信過豐臺
九衢重踏休騰笑不比于思棄甲來

親舍渾如萬里遐絕裾奉檄念都差晨昏豈可官將母
宰輔難從吏起家世到三千還有界年踰五十不成華
惟應封鯁承慈訓敢望廉名百粵誇

腰紫懷黃願已虛還官已及服官初三條繡陌多朝士
十載金門少諫書鳬舫底須爭楚越馬牛聊且潤襟裾
少游有語吾真愧鄉里難乘下澤車

望闕高懸捧日心不辭塵土客衣侵荒雜催曉行常
早獨鳥防人避最深春夢半生回短榻夏雲千疊起層

陰鞭絲帽影皆清況收入車中一路吟

豪氣全除古意含屈如蜈蚣縛如蠶力無定態

味有酸辛要飽酣久曠酬恩身緩退和絲散事

請津門寄語同心友幻相真靈待細參庚午補官入都

云向日升沉俱幻相從茲位業始登真吳近客津門

聊將晚遇慰飄零老鶴何能有健翎追惜壯強徒贊郡

深愁施設未通經百年化洽兵刑措四會風淳婦子寧

預想三江待都憲蛋歌漁唱盡堪聽

醞釀多時在雪霜浮踪北顧與南康蛇工結誓身難展

驪長探珠夜自藏用世幾曾稱棹乘催年祗怪鬼烏忙

質園詩集

卷二十四

二

公才公望平生少那得甘霖沛一方

南國披襟最散身蘭臺風綏送行人隔關霸氣全消楚

平靖分界為繕甲畿民半戌申今信陽州

長夏瞻天

雲漸近短吟懷古跡都陳他時酬唱龍洲夜朗月還思

對許詢

信陽旅舍見粵西學使許霨齋同年詩偶和之

附霨齋詩蒼茫古戍問成周咽絕傷之水不流

伯國專封視小侯轉眼子孫冥塞外更教楚士感春秋

馳驟長懷蹟蹶憂陸行未必穩於舟遙天異彩雲迎日

廣陌新涼樹倚秋洛下芳菲刈兔苑楚人驅駭則鴻溝

鄂城千里重回首歷歷晴川是舊游自楚入豫

雨過沙堤似碾勻鄭州一路淨無塵荏苒近日猶多盜

芍藥當年最占春東里遺居應出涕北門掌輪屬何人

寒裳士女風流盡誰解盈盈涉沔沔雨後過

兩戒山川指上螺與國無外盡包羅天開大局奇觀在

地入中原古跡多漠漠殘碑門碧鮮騰騰濁浪渡黃河

嗣宗漫起登臨嘆奈此英雄墜子何庚午陽武山

早涼不厭馬行遲攬景新成適衛詩看竹豈無君子慕

采唐空有孟姜思松舟檣桿憂堪寫漢上桑閒俗漸移

留得淇泉清影在照人旅鬢幾莖絲淇縣懷古

漳南沫北一程通聽雨今宵寂寞中客子燈前無夢寐

主人意外有梧桐別離易起逢秋感嘆喜難成學佛功

質園詩集

卷二十四

三

川坡陰罷不知更漏永分將清韻助涼蛋宜師溝夜雨

忠武遺居不可尋行人憑軾過湯陰黃龍痛飲生前願

白馬乘潮死後心父老兩河猶望捷英雄千載盡沾襟

粉榆舊社留祠廟長與栖霞亘古今忠武祠

亂世奸雄割據尊鄴中文采至今存年深臺榭求遺瓦

客散簪裾謁廢園鼎峙已成終折足策疑何處可招魂

黃初舊事休重憶回首漳河落日昏鄴城

杜村路接趙王城蕩蕩畿南第一程旅枕香通蓮浦近

僧衣色壞葑田橫鄴城南望雲無際淦水西來夜有聲

莫問嚴關舊車騎地有車久開鎖鑰任人行

妙步珊珊迹已陳
蒼苔千載委荆榛
古來或遇悲歡士

老去猶誇任俠身
意外功名歸一枕
中日月轉雙輪

荒唐聽說神仙事
我是春宵夢醒人
即神道上

鵲嶺龍岡閱古今
那侯封國久銷沈
繞城水散鷺鶩隊

在望秋生蟋蟀吟
順德郭外有鷺水
老去鴻唐歸故里

年深郭巨少遺金
柏人城下還留宿
坦道何曾有戒心

片葉浮然脫故枝
一年節序暗中移
香蘭漸動三閭感

粉壁閒抄二許詩
同年許在齋信陽詩
又見海寧許西峯
題趙州二絕甚

上附錄於此
可知北秀各分門
顧謝宗風語太繁
多事

實開詩集
卷二十四
四

蘇軾題平原可憐一片英
雁足應傳將到信
龍須又負

原時藥城聽雨挑燈夜斗覺霜華滿鬢絲
立秋夜雨

連連疆似魯邾綺交錯錯羣
皇都平原故土誰澆

酒初綠正形自獻圖老驥風霜知道路賓鴻宿食傍葭

蘆一帆斜照滹沱渡還有君臣麥飯無
由趙州至正定渡滹沱河

千里驅車近日傍黃圖三輔不尋常拱宸極北規模

大作吏畿南應接忙舊壘干戈銷涿鹿美人金翠散華

陽燕太子丹與契將軍置酒華陽雲浮波逝渾無定懷

古詩成意慨慷
涿州

烟花南部十年情願曲當筵最擅名頻喚奈何桓叔夜

舊曾相識米嘉榮
隱來吟耳誰得詩
竟愛自教成

今日曉風殘月下
獨聽梵寺遠鐘聲
今日吳會

殷勤乞郡向官家
方外清游勝建牙
結習難除詩有

草前塵已隔榜無花
微茫待問三生石
不路問還乘九陌

車白髮同年重會面
曲江猶話舊繁華

人間萬事有筌蹄
悟後能將得失齊
展盡昔年會課子

作在京山
出游何事不謀妻
饑寒渾似替替雁老去猶

驚鴈勝難絳轡朱衣
吾見慣無勞牛渚夜雙犀

鳩茲城北緒亭東
八口移居在此中
銷夏先營因樹屋

討春許遇賣花翁
穉孫就學離慈母
健婦持家勝乃公

覺園詩集
卷二十四
五

解憶長安深夜坐
銀臺兒女一燈紅

美疾雖除體尚孱
一麾從此束疎頑
劉典項履收棋後

鵲退鵲搏轉轂開兩字
恩仇何足記千秋
毀譽頗相關

却因未脫當年幘
孟顓重逢或厚顏

山門江流秉性情
依然談笑氣縱橫
唱歌臨陳崔延伯

幾燭修書宋子京
世上勛猷歸將相
雲中樓閣近蓬瀛

南華寓托吾能會
肯使捫胸氣不平

早歲皈依兩足師
檀林功德我全知
待隨慧遠聽蓮漏

能遣修羅入藕絲
現宰身應來說法
在家僧不廢吟詩

此生肯被脂膏汙
曾浴清涼八解池

沙風雨對床時星垣法意新旅餐相看各有絲綸喜

鴛原無急難其教雁序偶參差洛陽往日慚虛輟口

他年索和詩會合三句行萬里弟兄出處奈多岐

小海曾聞醉後歌韶年遇合竟蹉跎錢唐仲秀才別號小海不得近問為

北風攜手同行少南浦銷魂賦別多成紀才華依鄭

亞在平奏記托常何鍾山雲樹姑溪月兩地為小海底

離離跡易磨

鍾鼎林泉兩不禁鱗潛羽翥異升沉高秋待踐栖霞約

遠道難忘向日心項與袁實游張聖諸友相訂秋和共游桐霞旅食京華此約暫曠風帆

地紫綬明知非俊物未弦細聽有遺音搏沙一散須臾

質園詩集 卷二十四 木

事未得重題漢上襟

令啟朱明掌祝融 禁與五月幸關東別登大漠凌歎

樹不比寒溪避暑宮勢正斧陳丹陛下質孫衣簇綠陰

中侍臣應有灤京咏百首傳來和未工

猗屋遙連十二街沾衣漠漠奈塵繚偷桃那得東浮海

化枳非因北渡淮暑有機關參露電休將文字類優俳

蘆簾半卷無言坐靜聽秋蟲訴夜諧

文藻湖山勝槩增前吳子後陸翁里中稱鼎彝今古分

丘質壇坫東南閱廢興日暮碧雲偏易合天寒翠袖最

難勝珊瑚歲歲枝柯長鏡網滄溟截未曾吾越詩人如劉鳳岡童璞

諸君皆一時後起之秀然猶未遇且貧旅中時復繫懷

清淨身宜本分官滿懷冰雪任人看客幾半精剛書重

家法休將子姪寬韓氏梧桐傳世久謝郎芍藥感春殘

人閒豈少吳興郡一曲汀洲興未闌

叔姪連年慶得與一方同事比同居家乾半叔於去夏相不取年宦

嘉德不暇臨壺將冰貯君何媿扇取風揚我不如未握

圭符臨郡境先煩鱗羽達家書蓮塘藤浦塞帷處瘴霧

遙聞盡掃除

海珊讓谷兩詩翁旗鼓堂堂一代雄好夢游仙蓬閣阻

又人失職古今同五華碧玉翔翔外三輔黃圖壁結中

質園詩集 卷二十四 七

小自幽蘭最高曲賞音期曠眼前空嚴遂成號海珊周天度號讓谷皆吾

者作鉅手未與館選一牧滇南嵩明州

字直隸饒陽縣所謂文士失職者也

已浮沉晚更驚敢言有術答昇平齒無可長驂驢老

蕭獨能持玳瑁清一切尚堪收勝局三重須得破疑城

簡寬我愛歐陽子公府蕭然絕送迎

周道明明坦不切獨行義在履初交多年搏獸獅無力

往日棲梧鳳有苞梨橘甘酸嘗易辨嬌媚妍醜見難清

由來藝達堪從政其怪宣尼嘆斗筭

憶看除目在蕪陰旅舍妻孥喜不禁除官之信得諸姑姊族次得信

如逢青鳥使遷官不唱白鵲吟五品章服為鵲狀門

恰好新篁長就飲休將寡婦尋不用重煩佳子玉自銘
座右自規箴

懺後穠華意未消秦淮春去尚停撓紅芳已散文殊室
綠水還通武定橋楚客涼衫秋淡淡吳娘舊曲雨瀟瀟
寒鴉殘照傷心處不爲興亡弔六朝

閒地長投意灑然錯將疎放被人傳阮孚算作登山客
王弼據充守廁仙道在虬清蠅濁外身隨鴻去燕來邊
鬢絲鏡裏年年長構散還同老鄭虔

草草勞人敢告勞茹荼清况我能撓梅妻鶴子還多累
詩品官階總不高半李豈成廉士節一桃能發少年豪

寶園詩集

卷二十四

八

二千石荷 皇恩賚得免花時賁緼袍

雪鴻風馬在東南舊蹟重經不可採茂苑秋霜侵綠鬢
洞庭春色試黃甘萍蓬與世浮沉久蠻觸隨他戰鬪酣
人樹榮枯原早定底須搖落感江潭

良友殷勤寄一言謬將此事獨推袁宋唐不必多分珍

韓杜還宜早入門豈可嬋娟施粉黛儘教香澤佩蘭蓀

柳邊花下如雲霧惟有看詩眼未昏時爲吳樸庭程
魚門兩友定詩

感舊津門老淚垂可堪宿草已離離一林薜蘿花無影

百尺梧桐樹有枝查蓮坡別號潛宜居士有花影歌席
巷前年下世兩郎君克承家學

玉簫聞醉後雍正乙卯秋假寓還朝訪潛宜于津門水
西園陳其家部命慶譽官度曲余以洞簫

吳事載淵堂詩話道裝金粟記生時米西園散年頭客
誰買吳絲繡潘宜

主領風華得馬谷程江廣陵社會廿年成何人傳看江
關集往日曾聞顧及名

酒禁江詩社玲瓏山館有詩城馬氏兄弟別業秋來
握手誰強健整頓偏師敵長卿

一銜落落一名微冰炭清時少是非刻楮七年成大晚
化鵬六月息方飛當前實相高僧示此外虛聲處士譏

寶園詩集

卷二十四

九

那堪方選向人閒才爲世用年將老天與身安意每慳
清淨敢希莊老學放衙坐嘯不宜閒

文字三生證宿因構將鳳管與龍賓詩中國手難居次
程年松前輩魚門同學謬查裡家園不當重張宮危南

從荒微望 嚴宸賴川渤海前巖在且遣龔黃作外臣

孟秋四日爲星垣弟五十初辰以詩介之回思東

髮隨肩三十年來如隔晨事今皆非壯盛矣雖

蒲柳未零而桑榆漸迫既用祝君行自念也

燕舞三十九已有龍鍾嘆柳州惜韶華向後不堪玩我

年逾服官投閒江海畔白髮早盈梳青衫今始換端顏
賢弟賢健翻凌霄漢光萬大鵬程剛展忽中斷豈宜歸
園農聊且離羈絆盡秋封建申涼颺動羅幃晝夜夕
前稱觴百歲半抱孫甘可勞娛養曲方接書哀感今昔
頻起奈何喚讀書家塾中其年皆弱冠蛾術有工夫
搖無急難難免世故接遂使關河身非金石堅閱歷
遭磨鍛萍蓬一會合快意消沈滯晚餘餘名出處期
內斷質直陳此詞深情托柔翰

秋日約亭萊堂旬山墨莊諸同年招飲陶然亭

朱子沾沾撲扇塵履程赴關又停輪纏綿雨意今如

質園詩集

卷二十四

十

舊錯落星光夜向晨凍水簪花成昨夢曲江驛鞍是何
人依然尺五城南路流轉芳韶廿四巡

晴後微雲雨後霞新秋于墊勝于家登臺且喜身無病
覽鏡休驚鬢有華趙李西游人漸散遶瀛東望路非遐
比他萬柳堂中燕惜少盈盈解語花

枯查歌爲梁瑤峯太史賦

瑤峯先生梁太史下直承明常晏起偶然觀化賦枯槎
中有乘除伸屈理此槎種種自何年屢支曾開春風妍
一朝柯葉盡零落母乃人厄天難全生意潛消本性失
是柳是楊渾不識斷處雖非霹靂幾時已作蛇龍蟄

先生相對起嘆吁以枯名槎枯不枯衆人皆棄君獨賞
蕙蘭可免當門鋤樗櫟猶蒙大匠取紀事微詩滿風埃
浮湘湘水出浮槎通漢幾時行象無象外尋吾契材不材
閒托此生我今將作東陽守摩挲茲樹傷心否天止遙
瞻白玉堂山中待訪蒼髯叟

秋夜聞蟋蟀聲和金華戴桐峯國博

炎官火絃晚來收已有涼螢報早秋寄跡未曾離宇楚
撫時不獨在衣裘西堂燈影深宵夢南國機絲少婦愁
誰似道超塵滿屋任他鳴壁獨垂頭

質園詩集

卷二十四

十一

贈桐峯國博

休嫌把臂遲通經掣筆向來知蹉跎春榜櫻桃宴
悵悵秋聲蟋蟀詩楚子他年終問鼎韓公太學暫爲師
得同共畫旗亭壁一乘圭符便不宜

送同年周華峯出守漢嘉

漢嘉西南第一樓范石湖萬景樓詩題作西南第一樓澧州官滿又嘉州

勝情堪傲蘇和仲眞作凌雲載酒游

廿年衫袖染秋香典郡俄驚鬢髮蒼百疊我嘲半輪月
思君身到小銅梁

後待觀詩

真成西笑向長安策馬重來指一彈地主殷勤貽菜把

天門詠蕩望雲端曾攜鳳簪趨中禁稍迷鳥私乞外

官何日御爐香滿袖幾多鴛鴦待回鑒

肅雍天子太平年軍實嚴同祀禮虔肅肅伏風騰萬

騎上陵寶炬徹三泉雅音誰續深京味青夢應占理

水收知有通明何處入小臣心在絳霄邊

芳宴披雲意外逢修門猶自滯萍踪放邀晝日榮三接

祗恨仙都隔數重禁曠退飛如宋鶴秋高遠夢繞盧龍

也知短後衣衫好于邁何由小大從

君子由來慶得與經時待詔意何如儘多賀監乘船

質圃詩集卷二十四 三

態嬾作顏公乞米書河出崑崙偏易渴雲成傘蓋竟難

舒達夫垂老悠悠甚未許漁樵戀孟諸

雜憶六首

橋西一草堂張孝廉右文別業在秦淮河畔屬余題額

何處銷魂在建康拂衣宮柳十分黃夢回銅鞮秋衾薄

曲按銀箏水榭涼狎客風流青鬢改美人消息碧雲長

直如萬里橋邊路未得重尋杜老堂

小瑯琊在越城東武坊為前明朱相國故宅同學劉歷山下居其下有瑯琊樓

東武飛來翠一拳故家喬木已多年平津閣共滄桑變

輞口莊因侶和傳著屐不須花運掃聯床祇愛竹樓眠

校書試問劉中疊可有青藜徹夜燃

鏡園國在常禧門外為鏡湖最勝處中將退閑于此

勝情步步出常禧第一湖山下宅宜賓酒帘通海尉聖

留泥船過柳姑祠人閒風月原無價谷口耕耘未有期

十載臥游聊快意煩他清計寫迂痴

土城山房為越王故宮子敬舞處有脂粉塘舊址先世亭館在焉徐青藤有記

教舞香風散綺羅浣紗人去奈春何蘇臺本易生荆棘

越女何勞出苧蘿三策霸圖流水逝百年先業夕陽多

寂寥脂粉橫塘畔猶唱當年采葛歌

仙風塢即漢鄭巨君渡薪處舊有宮園少時解于此而樂之

質圃詩集卷二十四 三

耶水波通鑑水濱渡薪射的跡俱湮好風朝暮無仙客

落日漁樵有異人老去漫誇翁子印向來原結鄭公隣

石帆山下重回首慚愧疎慵未乞身

賽西湖湖在蕪邑南翠亭傍過值菱荷為一邑之勝昔人以西湖為銷金窟然

夢裡丹陽路甚遙賽西湖繞赭山椒蘆亭滴翠歸何處

中婦流黃奈此宵時寄累百頃乍平如練淨一鍋

雖小費金銷凭闌北望休相憶瑟瑟秋風玉練橋

容膝吟贈戚友童南九

西域有賈胡到處輒長止東海有頑石神人鞭不起勞

生歷宦途早知進退理往還毋求終老逢後喜今年

賦北征待 魏居燕市久伸斗室中明憲列圖史華星
非不寬所求在適體門多問字車座設盈尊禮賢主與
高朋深情乃如此卓哉陳豫章能留徐孺子

感舊

大小方諸散仙飄鷺泊鳳雨茫然虛勞簾下夫人視
慘綠全非舊少年

愁霖

聽雨孤衾最不宜起看小院忽成池三秋聚宿翻鮫綺
五夜占星見畢箕郎得浮查乘博望空煩大錢鎖支祁
滂沱一室何須慮要與蒼生抹溺饑

質園詩集

卷二十四

古

遙縷多年束縛餘宣房秋汛近何如安危動輒關 宵
旰久遠終當議濬疏洪範五行原有傳河渠一代豈無
書山經禹貢圖空在王景新來策甚疎

楚中畜一川馬甚馴騎入京師聊以代車

逐電追風減壯懷按圖索駿事難諧誰憐歷盡羊腸路
穩踏新泥軟綉街

依倚行囊一束書暮年伏櫪意何如不須障面攜方劍
騁跨秋風弄尾驢

未舸安能通九陌小車未許借千秋背騰按轡垂鞭過
市里朱簾盡下鈞

五陵何處關翩翩同學都非舊少年重見四明狂客與
真成騎馬似乘船

瑤峯太史以白蓮花作餅邀客賦詩余爲首倡

銀線金絲失舊方梁家新意出厨娘自從片玉登盤後
減却溪風一陣香

寒具酥油曾汚畫冷淘槐葉亦題詩驚看舌本青蓮放
正是何曾下箸時

重晤王孝廉具區話舊爲贈

先生遇合竟如何八十年來髮未皤曾娶小妻同苑若
可知居士本維摩座閒談笑熊羆退盡裡烟雲供養多

質園詩集

卷二十四

古

重向昆明湖上見蒼然秋色滿靈波

名殿

離離老眼不蒙塵虎鼠看他市上人嘗以片言賜季布
豈無大筆擅王珣銀提鼓舞將三折銅狄摩挲又一巡
知有濟南經義在伏生猶可就蒲輪

肆中一玉墜索直甚高作此示之

寶玉重春秋在魯爲珞璣宜尼遠近視愛此理與孚不
問徑寸珍上埒躬桓蒲茲墜出前代美質非珉珉雕鏤
勞巧匠光彩驚通都饒難當梁肉寒難當襦絮善價良
復難蓋篋宜藏諸宋人握燕石掩口相胡盧周人懷鼠
璞求直何其愚古器眞僞清鑒賞分瑕瑜細彼李勿賓

小檢輕鎗鉢卓哉桓君山不市將何如

裘沙宰齒軒咏紅鵝鵝

雕籠垂在盡簾前萬里來從海客船恰好咏餘紅豆粒
甘蕉花放晚晴天

一樣能言巧鵲春錦衣應勝雪衣身矯捷十二如無分

底川驚寒屢換人

金兒燈下夜聞聲催客題詩樂意存莫比深藏歌舞伎
主人原不待來問

隨西舊族不分明寓月能添博物名飽喫離支教般若

明年身到五羊城

質園詩集

卷二十四

七

大漠

大漠蒼茫指顧閒甘英遙探鐵門還渡來婆悉渾如海
行盡神連更有山贊普小盟原自敗先零點膚豈非奸
等邊樓上人長嘯秦月依然照漢關

霧合雲屯萬幕稠控弦撥甲盡貔貅陳忠可有安戎疏

賈誼寧無何狄謀哈烈重裊爭欲坐阿端別部恐難留

受降城北誰橫笛白草黃沙正暮秋

火州葱嶺近何如火拂廬兼小拂廬蕭愼貢來多楷矢

郵支遁去失康居風馳萬里看傳檄木脫三邊待出車

關外韜鈴歸廟算未央奏捷豈無書

防秋紫塞駐新軍蛇鳥參差結陣雲舊部燉煌何代置

短歌勅勒至今聞人從充國諱范畧史載安豐立戰勛

那識聖朝綏遠意七旬干羽在脩文

八月十三日恭聞

行在新命赴粵候補郡守以詩紀恩

八桂方愁萬里行承恩忽向趙佗城桃柳影裡車初

下鸚鵡詩中識早成昨在素少亭上咏紅鵝鵝有飽

之句今赴嶺南竟成詩識將母殷勤家稍近赴官紆折累非輕越禽

本有南飛性待聽駒駟第一聲

攬勝寒輕霽嫩時陸郎入粵已嫌遲投香往事還留浦

質園詩集

卷二十四

七

肇荔來年好賦詩孔翠遙看泮客舫素馨如對漢宮姬
使君要與風光稱莫向珠江照影絲

秦未央宮銅奩詞

昔聞秦時明鏡如明月熒熒照膽無圓缺又聞昭華玉
瑄西京記車馬山林隱轉次二物珍奇委泥土此奩舊

屬秦宮女光彩終浮渭水濱銷鎔不被咸陽炬或云翁

仲鑄成時小器遺金貯粉脂催妝冉冉晨開帳傳蠅紛

紛暮卷衣想見深宮燕游樂瑤樓十二迴珠箔鳴狐逐

鹿起中原三十六年君未覺宸厯劉興幾度秋大旗五

丈一時收如花童女船中老采藥神仙海外求留此一

查更世代古質爛爛威成敗博物摩寧定有徵蕩心淫
巧曾垂戒漁洋述事我作詩此查雖細長不磨休教婦
女無顏色塞北江南奈若何

留別童南九

此秋黯淡此行紆待赴炎方秉郡符燕子辭巢猶戀主
鮫人滴淚不成珠難追潁潏循良績未了朱陳嫁娶圖
三十四年冰雪醺一枝春到嶺南無

出都吟

西山曉翠淺痕消疎柳經秋漸欲凋三窟未成輪朴渥
一枝無定逐鷓鴣思鄉此夕初聞雁請訓何人得

質園詩集

卷二十四

六

賜貂却向江湖凝睇望雲中雙闕影岩巖

垂髫兄弟漸成翁五十年來作寓公

諸星垣

應候各分

鴻雁隊掛帆恰趁鯉魚風先人玉節清芬遠

先家宰等軒公曾節

制雨家燕銅槃會食同安得共歸崇政里舊居門第有

梧桐

酒債長安償

去

得不篋中曾典鷓鴣裘故人絕少蘇司

業童子何知郭細侯南國可無棠見愛北堂賴有草忘

憂端明宦跡差相似飽喫香秔到惠州

陸有塵埃水有波嚴程其奈簡書何

皇恩借俸非爲

薄家累纏身自覺多幸免無榆逢路鬼難將稱貸向監

河鳳城欲別重回首一抹秋雲影似羅

鄉心遙寄富春船好片橙黃橘綠天清夢更難推枕後

勝情翻在守官前貧無退步歸難得老尚就名病未痊

姓氏不勞登薦牘他時隱吏有人傳

以所乘川馬贈星垣弟

歷徧崎嶇九折程天衢如砥四蹄輕休言燕趙雄心盡
助汝追風逐電行

壯不如人老未休一官百粵又淹留幾時款段行鄉里

慚愧平生馬少游

五陵馳騁已嫌遲暮齒頻增伏櫪宜一事勝他長慶老

質園詩集

卷二十四

六

金市駿更無人

會聞伯樂九方歎一相渠黃便出塵莫向燕昭臺下過

千金市駿更無人

寶研齋詩

并序

查敬亭得方干研一方石質細潤上有方池池

傍粘五銖錢四枚唐末兵燹之後入土最久銅

石相麗成青綠色雲霞蒸蔚不可端倪真古物

也敬亭以此名齋同人有詩余亦繼和

蘇氏文章久不磨小斜川似老東坡

敬亭爲道坡居士令子故人

有子論交始名士工書愛研多翠袖捧時真絕代黑蛟

蟠處起微波梨花疎雨垂簾坐片石摩挲奈古何

元英高節並元真此研會隨隱遁身鷓鴣舊班長在匣

鷓鴣遺宅早成塵方千號元英居五銖綠繞同埋土

握殷勤肯贈人藏者不知知者實好將鳳味伴龍賓

韶年著作滿琳瑯寶研齋始寶繪堂舉世爭求宮殿瓦

詩翁合住水雲鄉磨穿歲月成痴漢洗盡塵埃識晚唐

寄語咸通方處士良田身後不曾荒

抹石將爲赴粵行端溪幽邃路初經攜來廉吏何須棄

夢到浮槎或有靈快割驊駟肝盡紫偶逢鷓鴣眼偏青

相看不厭相思甚小朶秋雲寄敬亭

東園詩集 卷二十四 辛

同朱梧巢孝廉聽秦玉聲度曲

舊愛丹山小鳳鳴九枝燈下賦詩成春蠶慣墮靈絲劫

又聽琤琤意外聲囊在楚中會賦小鳳歌

訪舊雙輪入帶河天津北門名帶河蓮花沽水淨如羅周郎三

爵風懷減奈此驪珠百串何

步虛風外響璆然飛下瑤臺最小仙綠蟻乍酣紅玉軟

拒霜嬌煞晚晴天

燕粵相思萬里長渭城唱罷暮雲蒼何時果熟招朱老

共試炎州十八孃

次答余荆帆見懷之作

得失何須問楚弓梗蓬正在轉移中故人健似冲霄鶴

往跡遙隨踏雪鴻四座玉聲蟬搖柳一巷花影塵談空

遠坡居士有花影巷楓溪秋色應無恙羨爾垂竿作釣翁

翁荆帆有楓溪垂釣圖

查敬亭邀集東軒徵歌卜夜卽席成詩以紀良譔

舊侶題襟在直沽十年宮錦落江湖冷灰重感韓員外

今日丹山見鳳雛

雙鬟度曲小秦青換羽移宮不厭聽秋水始波秋草碧

玉屏風外卽旗亭

橫波盼睐直千金韋杜花繁惱不禁記得君家初白老

東園詩集 卷二十四 壬

櫻桃紅泥酒痕深查初白先生贈管郎詩酒痕紅到鄭櫻桃

揮毫珠玉當纒頭似夢非真見了休此調正宜弦索奏

小秦王共小梁州

秋花偏近酒人紅勝賞蘭亭梓澤同吳詠燕歌忘不得

漂榆城上月如弓

赤幘烏桓萬騎行防秋虎旅駐邊城四條絃急多風雨

休送征人出塞聲時聽秦玉聲邊塞曲

西清小別換頭銜楓葉蘆花與不几十二年來官送老

翻憐今日脫青衫

典郡炎方萬里遙吟餘玳瑁上春潮好將絕妙荆帆句

自教歌兒沈阿翹

余判機贈余出府詞云政務清餘垂吟代唱春朝富午絕唱也

重晤顧雲叔述舊爲詩

陸雨離雲隔起居天涯驚喜問何如
曾依嚴武軍中幕
且擁班彪架上書
倚馬雄才摩片後雲叔向在解龜快

事棄官餘憐他垂老高常侍故里能無憶孟諸

賓主東南謫賞宜

指武觀察前應隨夢落鳩茲地當采

石多風月人是長康牛

點痴碧漢秋開鵲鵲響雲秋自

道青衫沈沈感鵲詩
余向有吳兒鵲鵲詩
孤踪入世

何輕重如風如龍雨不知
借吳樸庭張梨谷周畏卿郊遊至查氏近園

寶園詩集

卷二十四

五

林如逸人蕭疎懶迎迓偶從郊外行
小憩林中駕愛

此水西莊宛與江南亞五畝分萊畦
十月結茆舍黃葉

方落紫藤尚垂架雖非看竹來吟嘯
不能罷其時擊

鼓喧沿村賽方社今年百室盈擇吉
成婚嫁吾儕享康

阜收身宜圃稼誰唱飯牛歌頽然夕陽下

送王穀原戴孟岑兩主政給假歸里時余尚滯津

門未得同載

耳成雙妙一臺兼長假同時異辦嚴
七十二沽帆影落

歸人清夢是涼蟾

歸心一片蔚藍天人在蘆風荻雨邊
乘興不須回夜雪

子猷安道恰同船

亭鳥埃鷺一程程君已將歸我未行
衰柳學人無意緒

淡黃斜拂柳分城

醉顏聽曲夜初長紅袖烏絲最擅場
如此風懷宜小住

更攜銀燭照秦郎

秋夜重聽玉聲度曲

細雨盈窗度馭南朝餘麗至今多
誰將漢上題襟句

付與吳中按節歌

再聞聞箏兒在身歡場芳跡易成陳
渭城莫惜匆匆唱

今夜何散是舊人

寶園詩集

卷二十四

五

斷盡柔腸劉刺史驚回紅粉杜分司
三生難了烟花債

倘值將離且住時

東軒飛蓋似西園眉翠鬢蒼一笑掀
傳與趙州賓客道

買絲同繡小平原

題牛員外六階溪南讀書圖

讀卷應須探二酉惜陰那可負三餘
韓公已逝符郎長

曾記城南舊讀書

鶯花歲辦課程嚴盡省風流仕學兼
爲報君家僧孺道

金釵原不及牙籤

甯別查筓樣敬亭昆仲

憶昨微伶寶研齋重登月殿與雲階
柳花已盡三千幅
列坐何勞十二釵
衆裡自嫌新雪髻
佛前難儼舊風懷
海南他日相思處
鴉羽沉鱗信易乖

兩別懷遠

別君經歲似經旬
意外相逢渤海濱
萍葉有緣浮到岸
鞠花無語淡于人
赴官那得離烟瘴
學佛先宜割愛塵
我乘圭符君講席
可知都是寓公身
迢迢北地與南天
此別銷魂倍黯然
二頃膏腴荒負郭
一燈誦讀記當年
倦知還愧投林鳥
晚用重如上瀨船
解道立言堪不朽
千秋絕業幾人傳

賀園詩集

卷二十四

音

白蘋紅蓼十分秋
帶水含情送客舟
增秩漫思乘五馬
避微何必托雙牛
魚鹽大有人堪舉
甲第原無刺可投
一語勸君須解脫
西河老淚不禁流
橫庭方失次子
絮雲鬲鬲釀輕寒
詩不能豪酒易關
射雀方山成往事
得魚沽水勸加餐
著書共喜謀生拙
領部將愁報最難
作戲登場思退步
不勞相慶笑彈冠

賀園詩集卷二十五

會稽 商 盤 寶意

夜飲滄酒歌

滄州城是麻姑城
滄州酒是麻姑酒
麻姑一去幾千年
安得麻姑捧纖手
我今無事同犀首
鯨吸魚噉宜此口
丁字沽邊見遠帆
武家臺畔攀衰柳
百年冉冉復堂堂
昨日青韶今日叟
達人已往留令名
七賢六逸真吾友
一壺那復遇長房
萬卷徒勞探小酉
是時晝短夜初長
爛爛秋星大於斗
願作凌雲汗漫游
恨不身為漢嘉守
君不見滄溟萬里騰
怒濤祖龍採藥煩
盧敖安期羨門

賀園詩集

卷二十五

在何所樓船童女歸蓬蒿
又不見杜老重觀劍器舞樂
極哀來情無語白髮紅粧相對愁
公孫臨穎皆黃土勸
君勿惜朱顏醅羅襦微解香澤多
瑤箏驟雨簇燈影金
盆落月傾江波霜天漠漠角聲起
醉不成歡奈曉何
題查梧岡戶部京口渡江圖送其省覲歸海寧
許郎省覲歸海寧誰其送者杜陵叟
宮衣內帛動光輝
十幅風帆渡京口
先生才如許拾遺韶年射策黃金墀
循陔長抱養親志伏闕遂有陳情詞
是日涼生暮雲結驛柳蕭疎不堪折
寫出文貞五字詩
必機數尺如冰雪
憶昨分符歲月遙披圖兩點見金焦
戴顓蘇照遺踪

盡北府南徐舊壘消美君此去還桑梓未到臨安先色
喜行將下馬敬鄉隣尚欲趨庭學詩禮阿翁強健七十
餘昔年曾校奎章書滄江一臥未蕉萃方瞳紺髮知何
如顯揚豈必登臺閣扇枕滌膺存至樂爲我高堂問起
居長安秋葉今猶落要在詞館會吟落葉四章葉尊公
旋因不掃與階
平前章句也

河間太守杜補堂贈我俸錢走筆報謝

一鞭遙指粵西東賢守能知旅客窮昨夜空囊看已澁
此間姪女數原工鄭虔酒債差堪償去符載山貲尚未
充深感殷勤持贈意不隨榆莢散春風

望岱

垂鞭緩緩過齊東嶽色迎人迥不同初日正當升海上
古雲長自護封中青蒼一氣仙間接呼吸何時帝座通
尻馬神興原汗漫直疑身到碧霞宮
愛他靈秀憚他嚴壯笏終朝意不厭穆穆尚留秦篆在
巖巖豈但魯邦瞻神州九點烟痕碧秘檢千年玉色照
望岱詩成聊自慰肯教勝槩少陵兼

新泰道中雪

朔風平地起如送鼓笳聲一夜小窗白錯疑寒月明看
松無凍態剖竹有嚴程誰念穹廡冷西陲正駐兵

蒙陰曉行大霧

咫尺安能辨魯齊鳥亭驚堠失東西蚩尤巧作千重布
襄野全教七聖迷彈鞋徐徐休縱馬沿村嚶嚶但聞雞
人生變化漸元豹欲向南山一處栖

淮上晤程二魚門

吳楚飄零兩鬢絲越禽從此托南枝人非廉范來偏暮
望是枚臯住最宜泛剡難消乘雪興到淮便續阻風詩
釣臺寂寞同攜手何限英雄未遇時

李情田出觀家部女伶卽席爲詩

鐸響鞭絲卽急裝過淮便得好風光西園雅集南都豔

最小章娘也斷腸

紅豆江南子易生十三花面最輕盈霓裳舊譜今猶在
自教雙鬟一曲成

含芳荳蔻惱人多隔幔無勞細馬馱裂帛一聲雲似黛
紫槽槽上有關河

吐納銅槃頃刻閒繞船三匝一開顏朦朧似夢還非夢
曾對瑤枝倒玉山

雙鬟度曲行同魚門賦

韓侯臺下波漫漫朔風如簇透體寒主人養病客無語
哨壺枉矢難爲歡世閒萬事皆游戲老來頽放湛歌吹

家部傳呼出綉簾諸賓動色驚妍麗吾聞漢代扶風稱
宿學前列生徒後女樂又聞白家蠶素雙嬌嬌櫻桃爲
口楊柳腰俯仰繁華閱今古嬋娟豪俊皆黃土朝元偷
記羽衣歌臨穎虛傳劍器舞今日何日絲竹陳顛令肅
月成嘉辰有情且賞執綺債此景不屬功名人一官萬
里炎方去殷勤特爲柔奴住芳跡微出踏雪鴻道心久
作沾泥絮君不見三更紙帳夢羅浮參橫月落無尋處
畱別韓江詩社諸友

芝有靈根蕙有夢挖揚風雅本吾儕雲龍逐隊今方始
笙磬同音昔已諧捧腹誰能知季主拍肩我欲狎洪崖

質園詩集

卷二十五

四

盤田倡和香山畫都在行菴十笏齋

盤上寒蟲赴壑蛇殘年踪跡尚天涯淮南鼓桂招何士

江左烏衣勝幾家看竹先宜來叩戶探河畢竟待乘槎

大槐相送皆賢俊慚愧林宗薄笨車

步行

車前無八騶車內無七尺往來朱雀航千古同太息我
身歷塵埃所遇多荆棘雖從大夫後聊作徒行客爭道
逢擔夫過衛俄阻塞解紛曾連優運腕張旭得仰視百
仞鴻雲霄正舒翮

敏庵雜咏

姑溪久住卽井州八口何堪寄托游如此赴官同泛宅

筆床茶竈五湖舟

將生也

分符北府有詩名但愛登臨厭送迎重擬以客問周鼎

海雲堂外晚潮生

望焦

誰寫磨牙裂背形肯教君壁獨通靈賓伽羅事人間有

何必重繙寶積經

題周

曾說安期海外居阜鄉畱鳥竟何如蓬萊原少神芝草

連弩虛勞候大魚

題果

黃繩紫帔道家裝一霎天風隔九光瑤圃侍兒皆絕代

降凡惟有衛承莊

傳

質園詩集

卷二十五

五

寒枝全不占春芳馨口檀心歲暮芳莫厭橫陳同嚼蠟

香情泥煞小黃香

梅中蠟

半衣七十鬢髮多聚琴書少室家絕似薄衾林處士

夜寒孤雁入蘆花

寄朱草衣結用王阮亭紀林茂之事

金縷歌殘舊苑非江南春草綠沾衣王孫一去無歸信

并少草鶯接翅飛

最與李嘯村咏春草各填全縷曲數闕久不得續付海客以詩復之

鬱鬱埋香冷夜臺不堪細映手重開重簾獨聽黃昏雨

今日增悲爲阿仄

題彩雲朝露集

江頭握手秦淮海相送歸帆到秣陵不向第三廳上坐

紙窗竹屋讀書燈

懷秦際泉假歸江寧

依然結客少年豪
睥睨何曾見節旄
延賓自合長銷磨

爾時原不識韋臯友

行馬將施昇道里
牧羊宜拜富民侯
老夫見慣心如水

只夢清衙署狎鷗過荷葉

吳橋楚楫遠浮空
蟻點蠅聲一鏡中
不道摩訶投寶玦

凌波安穩過蛟宮渡

唐昌玉蕊委芳塵
坡老金山跡又陳
誰按紅牙傳法曲

菊夫人後更無人題舊製唐昌觀妙高臺樂府後

九九圖中四九天
青紅兒女煖爐邊
誰知今夜戀江客

獨掩蓬窗聽雪眠廣州雪夜憶家

質園詩集 卷二十五 六

曾以詆諧侍漢皇
歲星下降笑東方
金門一飽真難事

敢向侏儒較短長臨揚山齋述事

六柱船同卡笏居
偏風慙雨欠伸餘
渭南入仕休相笑

安得長騎秃尾驢風

戍鼓郵籤記里詩
渾如八節上灘遲
東南佳味殘年少

已過金鑿玉餚時抵舍

涉江

連蜺遠意寄浮槎
欲采芙蓉奈晚何
無復崇臺翔鸞鷟

不堪巨浪蹴鼉鼉
千尋鎖鑰殘軍盡
百媚烟花舊夢多

不用祖龍親厭勝
建康王氣久銷磨

大川利涉我曾占
攬勝凌波氣概添
金翅百艘攻守備

石城半角廢興兼
蛾眉翠掃天門迴
犀炬紅驚水怪潛

終古乾坤分兩戒
此中吐納幾烏蟾

微帶風帆似雁飛
垂堂不戒一身微
草荒靈澤夫人廟

潮落昭明太子磯
擊楫已將初願左
解巾真覺遠游非

江干舊識多鷗鷺
相對猶嫌未息機

澤國清湖老漸諳
風濤如此客何堪
蟬胎月滿光猶歛

龍窟書廻戰正酣
蘊藉六朝餘士女
崢嶸半壁自東南

人閒豈少榴花洞
擬約藍超再一探

寄金陵

質園詩集 卷二十五 七

前度尋芳路已迷
紅羅亭下傍清溪
迎來桃葉初非妾

聘得梅花舊有妻
塞北書傳多附雁
汝南夢覺正聞雞

無情最是長江水
不轉東流送客西

真成追憶隔涼炎
箏語琴言喜愠兼
五夜居神空甲帳

六朝遺艷近丁簾
地多故苑春偏早
人到中年意不忺

賴有蔣侯如舊識
一痕翠色拂衣襟

艤艇江濱題甯濤
江南春曉圖

東雲如墨天曠曠
折葦敗蘆風助響
遙從江北望江南

欲渡安能蕩雙漿
鵝溪八尺誰所貽
蕭辰忽睹芳華姿

濃烘淡染總神妙
遠勢近形無漏遺
百舌呼春春漸曉

藏鴉門外垂楊小沈沈萬井翠光中已有賣花翁起早
憶昔游吳正少年潤娘絃管泰娘船久留三載亦偶爾
重逢一笑猶嫣然豈知飛走驚鳥兔狎客名姬兩遲暮
惟有江山不慢人揀青抹綠頻回顧我方痛飲歌楚騷
滄溟浴日翻金燄錦袍犀炬難再見太丘太白何雄豪
愁來玩畫無顏色依舊寒江浪花白原在蒼茫萬頃閒
掩蓬惱煞孤眠客

舊詩五十卷為途中泥汗重錄善本藏之

戢戢囊中書滑滑淵邊路車傾囊亦隨僕夫豈能顧我
生困泥塗斯卷亦遭汙未可登康梨渾如委蟬蠹重覓
寶圖詩集

卷二十五

八

小胥鈔仍符大衍數雖堪几案陳恐多魚豕悞殘編棄
巾箱觸目成新故垢淨利那閒無為生喜怒安得東林
藏永祈龍象護

題新安吳德巖笠圖

君昔盤山居徧屋盤山寺精藍各有名依稀七十二清
景費追摹烟雲如隔世此笠不負翁障熱游燕薊乘車
復下車豈介高人意壺嶠在海東青蒼浮一氣待飄禦
冠襟聊畢向長志我本山人握手結遐契惠文與進
賢翻遭冠所累科頭原自佳何如并笠棄

舟夜懷人絕句

鬚眉湖海有聲名南越分符澳畧成他日片君廬集
張宜城似邵宣城張氏所著南越門記畧南唐邵
抽宣城人有應徽集尚書郎孫適為

龍收隔岸黃雲氣水送前朝碧玉聲吟罷晉祠冰雪句

懷君萬里到嵩明二句嚴海珊題晉
祠詩時為嵩明州牧

平山堂與蜀岡連對客揮毫正少年今夜月明人不見

二分依舊墮尊前二分明別尊前墮
風雨平山堂舊句

禱因江革方堪脫車諱揚雄不厭停著作等身畱眼看

拜書亭勝曝書亭拜書亭程魚
門藏書處

善果聲聞證未遲餅花垂老泥人時勝他輕嬌張京兆

寶圖詩集

卷二十五

九

走馬朝回但畫眉旗花如對老佳人陳句
山近詩也時為京兆尹

簪毫延閣列羣英風雅中朝要正聲通德門高書帶滿

稱詩畱得鄭康成秀水鄭誠
齋太史

虎豹天關守不開廿年席帽泥塵埃江東珍重羅昭諫

後代應難繼此才胡雲持
同年

鳳羽雛雛不集梧憐他隻影落江湖樊南久別河東幕

更有知音鄭亞無劉鳳閣向入唐
義村先生幕府

海蜃青紅氣色開文章一代屬真才琅琊有語原非謬

無我當歸阿士來芳甸甥工詩文為
吾里後起之秀

玉樹歌殘故苑空小倉嚴倚夕陽中鶯花不是無知物

雨下南朝付寓公

袁簡齋卜宅金陵小倉巖卽謝公墩故址

許許州如柳柳州久思把臂入林游誰澆一片英雄土

喚起平原隔代愁

可憐一片英雄土惟有詩人醉酒尊許西峰過趙州詩時以館職改守許

州予與西峯尚未觀面

蛾眉班好太高寒如此清才珥筆難說法見身君莫笑

曾拋仙籍換麗官

錢塘周讓谷天度

樊隣樊榭皆捐館橋李詩人得穀原昨向蓮花沽上別

未曾同到近光園

萬光泰號樊隣屬鶴樊榭先後下世近光天津查氏別業

論詩南寺夜漫漫芋火茶香共歲寒小杜阿房曾有賦

殷勤獨與武陵看

錢塘仲小海蘊榮

質園詩集

卷二十五

十

六朝金粉未銷亡徐庾風流在建康他日如逢邀笛步

爲君三弄踞胡床

嚴東有之才魚門向余亟稱之未及晤也

登大觀亭奉贈鄂中丞李廉使楊副戎三同年

艤舟八卦門風定日方午振衣百尺亭遠形紛可數杯

中落皖公羣峰皆下俯大江環繞之勢欲吞吳楚曉茲

名勝區廢興閱今古奠定百餘年承平息鼙鼓重臣秉

節初和裏飭文武夜寢旅人安春游良會舉居然妙高

臺自揮如意舞昨歲聞有秋雞豚賽田祖漸覺民氣舒

正宜善政撫水火酌寬嚴剛柔愼吐茹教養世其康登

臨天所許卽景陳此詞芻蕘愧無補

東流縣紀異

大江向東流殘日收西照彷彿三山磯夢中游突告屏

翳挾廣源其勢寔雄驚危哉萬斛舟搖蕩如懸巖恐怖

累更擊夷險由心造定慧我能持忠信神所勞宦海足

波濤無形潛自蹈會訪武陵源一棹花時到

洛陽留別唐俊公先生

曉風初散雨纖纖繫纜登堂跡暫淹愁外九江長送客

吟邊五老正當簾停尊未覺清歌悵覽鏡同驚素髮添

多謝一言臨別贈要從蒞郡酌寬嚴

題講鷹

質園詩集

卷二十五

十一

阿誰拂絹揮霜毫黑鷹擊臂一尺高厥首有冠足有條

機來附人氣不豪秋原大獵風怒號隼鴟疾下呼其曹

豐狐狡兔難遁逃論功受賞榮慶遭鷹也在講深自縞

歛翻何異棲蓬蒿吾聞利器併而勞淬以鵬鷃白玉膏

陸獵虎豹水截鼈小割往往輪鉛刀始知遵養無屈撓

乘勢一奮券可操蒐於岐陽搏於敖遂禽驅獸戰正磨

其姿要比鄂與襄我亦久靜思翔翺慷慨爲鷹解諷嘲

詩成放筆心鬱陶支枕暮聽潯江濤

靈巖石硯歌并序

考吳地志靈巖山高三百六十五丈一名研石山

石可爲研由來舊矣此研爲長洲顧香霞所贈
香霞曾從軍入蜀篇中及之慨其遇也

雲巖昔建吳王宮吳王死後靈巖空何年入山斲山骨
紫雲小朵歸良工考擊不隨泗濱貢琢磨宛與端溪同
龍蛇欲奮猶未奮方池一勺波溶溶往者金川未平定
虎頭參佐經蠶鼓油幢鼓角殷地起硎樓烽火彌天紅
攜將此硯入戎幕飛書馳檄殊豪雄武夫揚旗君倚馬
已覺談笑無驍印長卿文論蜀父老少陵詩滿川西東
班師記室不行賞那有七寶莊嚴公此物不如持贈僕
位置淨几明窓中扁舟載書還載硯耕耘尺土爲良農

質園詩集

卷二十五

七

荷圖銷歇幾千載琴臺香徑無遺踪異哉片石尚完好
梨花細雨春濛濛乞身擬泛五湖去夢蘿有女應相從
沂江赴粵途次偶成

竹從詹尹叩窮通既濟依然未濟同安寢營邱非就國
久聞新息少成功難驚蛟蜃三冬蟄欲借鵬鵬兩翻風
原是蕭疎五湖長全家清況水雲中

西山南浦雨蒼茫三板船輕過豫章送喜燈花兒笑語
紀游詩草婢收藏行來任助春應暮老去師丹事漸忘
見說和風能解凍煩他吹却鬢邊霜

百粵蠻雲瘴霧邊未知何地一城專前座與嶠游仙枕

晚歲功名進峽船燕子失期如蓬客桃花得氣待今年
鶯遷鷺屈無分別總被吳絲萬縷纏
穩渡崑崙最險灘海南龍勝得奇觀
熙朝特重循良績俗吏何慚侍從官儘有光芒非日暮無多料峭是春
寒名花不向平泉送莫作尋常太守看

重登滕王閣

江山壯麗客飄蓬意外登臨舊景同十載如經龍漢劫
一帆未趁馬當風珠簾影遠人何在玉佩聲沈宴已終
莫道韶光尚相和使君今是白鬚翁

南昌感舊

質園詩集

卷二十五

七

一辭珥筆始親民轉殺年華十四巡舊憩棠陰猶在禁
垂簷竹馬已成人竿吹東郭何堪濫歌舞西涼總不真
重過百花洲畔路綠風紅雨隔前塵

豫章逢南豐宰沈衣門

北向鴻雁勞南飛鷓鴣樂綰綬赴炎州遠尋一枝托避
逅遇所親握手秋屏閣憶昔咏停雲暄涼移歲籥守令
非散曹施設覩吾學君方宰南豐民悍士風薄公家有
質租私室無餘橐權衡催撫開母類監鎖權獨孤留琴
臺前徽足龜灼我本山澤身愧少匡時畧卞壺執鄙吝
原涉難飭約養性戒偏頗臨民費裁酌要須簡御煩是

用寬除虐七尺酬 主知安敢辭繩縛君壯我將衰宦
海猶漂泊後覩自豪雄野于誠弗若臨別意綢繆其詞
直而樸

新淦道中

玉淵源從玉笥分洞天福地舊曾聞仙翁遺宅不知處
三十三峰多碧雲

廬陵懷古

文藻江山並擅場中朝大筆有歐陽崧卿去後無賢守
寂寞人閒六一堂

匡門運盡宋衣冠黃土長埋碧血寒不愧慶元王伯厚

質園詩集

卷二十五

古

始終消得錢心肝

上灘吟

香從逆風聞魚喜逆流上顧茲輕利船惟順能攸往平
生江海踪所歷多深廣今年赴虔州程遙道彌枉怪石
敵奔湍厥勢何雄長蹲踞獅象形喧喧鼓鐘響峻或類
關墉平亦同砌礫森如列戟矛亘若施屏幌車專防風
骨斧劈巨靈掌短體縮侏儒長身立翹翹就中皇恐灘
險隘更無雨落星散不收砥柱差相仿誰使蛟龍居突
兀成墳塹篙師知曲折安危在微茫左枝右復梧前俯
後還仰直教負而趨何異陸能盪吾心本茲航此境盈

天壤行將既濟占聊結未來想登岸可回頭斯言實非
廷待歸賀監湖空明蕩雙槳

章貢臺

溶溶兩江水合流趨萬安激石多危機中有十八灘茲
臺據其會雄峙成大觀雕甍凌倒影蕩瀟玻璃寒東眺
七閩遠南瞻五嶺寬厥勢爭鬱孤展翅如翔鸞緬懷趙
清獻治郡殊申韓登臨俯仰舒襟酒氣從歡斯人逸千
載古跡漸已殘我來章貢游及此春未闌澄波豈容唾
秀色良可餐簪花巾幘整扶醉兒童看有情感今昔盛
衰指一彈太息峴首碑涕泪猶沈沈

質園詩集

卷二十五

五

連日灘行甚險至贛州水勢稍平口占志喜

乍進黃公第一灘萬安南望客心寒虔州亦有西陵峽
不獨人閒蜀道難

五丁力士鏟難平下釜橫弦最有名皂口已過攸鎮遠
一程分作兩程行

半篙雪浪一帆風磊砢堆邊曲曲通也似清流船底薄

不宜更遇鍊梢公

福建清流船最薄有
紙船鍊梢公之謔

朝來急雨濺淋漓下碇頻頻放棹遲望見桃源須作福
黃雞白米謝灘師

客中寒食

入粵如乘入漢槎每逢令序在天涯疾風甚雨知幾食
粥鼓飴簫換歲華敷水天桃渾似夢王孫芳草未歸家
香塵南陌無消息曾見朱輪最小時

水車

良苗三月已懷新激水行田灌溉勻義仲漫勞移自御
法華長見轉輪團團比磨無須挽活潑隨機最有神
領畧東坡居士意欲同秧馬教鄉人
截筒編架半浮沈智巧人閒漸漸深沽酒但能資穡事
桔槔何必惡機心渾儀每向旋時驗太極先從靜處尋
他日學農歸谷口蟠車不藉牯牛任

寶園詩集

卷二十五

七

度庾嶺

咽喉資控扼鎖鑰嚴提封在晉爲孟門在燕爲居庸茲
嶺兩郡交苑與燕晉同得名由漢將屯列貔虎雄橫浦
罷樓船廢壘生蒿蓬承平息燭燧不藉保障功時值暮
春首夾路繁花紅好鳥鳴樹閒有梅兼有松隱吏與高
僧代遠無遺踪涉江周晦朔瞻落洪濤中未嫌登陟勞
况少塵土蒙粵雲天際起繚繞騰虬龍故墟弔佗龔成
敗隨飄風懷古縱遐矚心逐南飛鴻

曲江上巳

天涯韶景惜蹉跎半向郵籤戍角過客裡每逢春服換

水邊空說麗人多霸旗古廟張文獻故里羣賢晉永和
脩竹茂林虛勝賞相江南望碧如羅

彈子磯

何年巨壑掌劈開混沌石神工出自然皴染淨無跡嵯
峨一卷小勢與羣峯敵蒼浮鵬鵠騰黑覆蛟螭蟄嵐氣
與雲光深入古潭碧還丹誰所成悄恍衆眞集老仙去
不回甯此青鸞翼五乳七星巖到眼堪一擲我有邱壑
緣相看似曾識翠屏宜晚對金烏忽西匿擊汰始興江
春流浩無極

觀音巖

寶園詩集

卷二十五

七

粵山多峻嶒斯巖更奇怪拔地莽蒼摩天紛破碎斷
連象未分廣博身難壞竇穴潛貫通藤蘿互繫帶髓乳
皆下垂滴滴成沆瀣誰剪烟霧鬟落此炎荒吟其上置
層樓飛拱懸崖對青蓮九品臺六時宣梵唄鬱鬱洞龍
蟠聞鐘不會寐常恐鱗甲舒波濤湧澎湃佛力大能降
彤光遠無外妙相瞿神森萬古開陰晦善哉小普陀香
燈始何代發願禮慈雲皈依觀自在

望英德諸山

好山同名流坐上成屬目睥彼袁司徒解賞趙元叔我
行五嶺閒所過多崖谷青作鴉背青綠作鴨頭綠爛斑

奪由陳破瘦鬼神割是皆大造鍾無勞眞宰哭半生吳
趙游江山展坤軸荆關老畫師高堂橫巨幅愛茲盆盎
堆羅羅不嫌感良猷與平泉幸免斧斤斯連朝船趁風
翻怪揚帆速新月挂層巒一鈎皎如玉寂寂暮歸雲正
傍西巖宿

雄韶舟中雜咏

南安度嶺卽南雄依舊全家寄短篷燕子涎涎鴉殺殺
菜花新水棟花風
石泉槐火易銷磨水郭山村奈遠何生熟穿衣都不稱
炎方二月試輕羅

質園詩集

卷二十五

六

保昌形勢控羣蠻聞道秦時有舊關拉効初來有最好
紫霞一抹謝公山

水月前身證不差宰官舌本有蓮花耽禪雅慕南華寺
親到曹溪六祖家

千秋勝壤待仙才玉局南遷暢飲來賓主不逢花月老
殘碑誰問九成臺

清遠臨江有櫓城晚雲低擁戍樓平泊舟支枕難成寐
早聽莎雞振羽聲

紫雲小朵勝琳瑯一握差堪短袖藏如此玲瓏爭不受
豈宜行部責襄陽

一葉頻勞百丈牽旅懷難遣日如年海南已近江南遠
才坐兼程下水船

廣州

萬里來波選勝襟因緣南土屬登臨萑蒲覆湖仙踪杳
飛珥乘潮海氣森春景正當三月暮嶺雲長護百蠻深
据軒遲緩揮毫速添興新詩入粵吟
一園繁華逐逝波樓臺無復起離離降王宴罷紅雲散
貢使攜來翠羽多惹惹可容車載否鷓鴣其奈客行何
嶺南耆舊凋零盡誰似番禺董伯和

春城匝匝綠陰天何處尋芳不惘然花下班雕畱一笑

質園詩集

卷二十五

九

幕中寶劍出多年官車已隔呼鸞道蠻戶猶存種蛤田
省識炎方風土異輕綃細葛四時穿

重譯衣裳異域歡迢洋開禁不藏奸番兒鬻貨千艘集
炎土栽花四季看越網珊瑚洲清滿秦橋蟬竦海天寬

聖朝威德敷夷夏白氍紅毛盡大觀
非節休嫌瘴癘鄉僭潮自昔有文章修門北望舩梭迫

薄宦南嬉鬢髮蒼吏潔珠璣還舊浦年深歌舞在何岡
海山樓上人長嘯頃刻青紅去歛藏

會稽商盤寶意

初夏赴桂林

萍蓬無定粵東西木馬名舟輕襪被馬荔子早逢三月
熟桂林遙覓一枝栖蹉跎始悔人謀拙絲綫難將物論
齊唯有懷南諸世路綠榕深處盡情啼

肇荔

平生慕荔支輕紅實嘉果嘗聞江瑤美垂涎想頤菜首
夏赴炎方作策皆云左剖柑已過時淨瓜猶未可賴此
宋家香早熟知為我粵俗嗜檳榔紛將蔓葉裹何如白

賀園詩集

卷二十六

一

玉肌雖麗殊婀娜惜無纖手擎徒供饒口哆嶺南居不
惡去出勞付揣飽噉笑蘇公寧須三百顆

開道

聞道丁零萬里遙天威早已震天驕九門轉戰勞光
弼五路分兵制曩霄苜蓿蒲萄栽上苑朱干玉戚舞中
朝貞珉重勒平夸頌舊績新猷雨不消
紫濛赤狄漸生春玉帳牙旗不動塵關外受降如禦敵
軍中輓粟不勞民伏波亂已平蠻女回紇占當見大人
從古安邊為善策始知任尚是庸臣
廣運如天撤網羅瘡痍曾不點山河鬼方豈待三年克

蠻長猶嫌七縱多虎旅春回朝放馬龍堆日落晚鳴駝
從臣簪筆皆才俊雅樂應添奏凱歌

楊柳歸期指顧中雲臺高築待論功張良帷幄能扶漢

魏絳鐘鏞在服戎共識軍機由廟算要令荒徼被華

風重煩師古圖王會漆樹金山九譯通

自梧赴桂水逆灘高舟行甚緩

梧桂奔湍似吉度修途利鈍總由天已驚萬鼓千鐘後
况近炎雲毒霧邊仙客乘查難得路神人驅石竟無鞭
玉簫吹落如鈎月不遣魚龍自在眠

太極灘

賀園詩集

卷二十六

二

挂席辭蒼梧逆流赴平樂水從龍口名灘噴石類犬牙錯
茲灘錫嘉名旋轉通真漠胚胎品彙分闔闔陰陽薄世
無濂溪老圖說誰能作一葉浮三江相對徒貽愕麥芒
風正厲桃花漲初落百頃吹琉璃參差露圭角多生本
劬勞險夷隨所托剛柔爭盪摩動靜互磅礴難逃爐冶
鎔欲啟乾坤素觀化悟先天此行殊不惡

昭平舊礮臺歌

昭平邑小不成邑旁有高臺危岌岌舊成年深鼓角消
荒城世泰干戈戢激石發機誰所造坐守兼長利用礮
自注俄看列缺來紅彝特錫將軍號行師上策惟火攻

摧殘壁壘焚艤艫前朝子母無遺響留此頑垣荆棘中
憶昔分符京口住十三門峙風雲護閭武開將雄據
舒文大得江山助我今遲暮奈愁何百粵登臨勝勝多
下瀨樓船久寥寂伏波銅柱猶嵯峨人生有情增太息
南望江流浩無極擊櫓聲低蛩夜吟一九月墮空林黑
雨後放舟赴陽朔
觸熱兼旬與願違蒲葵在手應時揮雨交小滿多多善
灘過昭潭漸漸稀萬樹曉聲鷓鴣語半帆風色鷺鷥磯
地捕蛇驅鱷前因在泛宅蠻江作計非

次答查儉堂雨中過訪之什

質園詩集

卷二十六

三

兩萍浮海忽重逢蠻雨多情此夜濃遲暮每勞良友惜
迂疎深荷上官容栽桑拔薤知何地泊鳳飄鷺失舊踪
明日伏波巖畔過新詩題徧碧芙蓉

題黃忠節龍溪祠堂圖

并序

宋黃涪翁遷謫宜州明刺史張丹霞建祠於龍
溪上查君儉堂贊郡茸而新之立碣繪圖海內
名流賦詩盈卷勝舉也乙亥初夏握手建陵出
是冊索題時有鬱林之行江舸暫停率成二律
以應

清水如龍繞鎮城鼓祠猶識宋賢名黃鵬碧草春將暮

紅袖烏絲幃未成絕代張秦酬侶侶同時命蔣死生情
南樓風月依然好范傳重書氣不平
魑魅天末瘴雲愁一辦濃香歷劫留姐豆忽新賢太守
溪山遙指古宜州黨魁有籍投荒老信史何人秉筆修
我最善懷君好事實華亭畔約同游
與家太守乾峯先生出郭望灘江
碧流如袂繞城邊湘北灘南萬頃連仙洞至今留水月
將軍無復下戈船狙獮風俗何曾陋顏延孔聲名自
可傳共上逍遙樓上坐 皇恩應許住三年

粵西勸農詞

質園詩集

卷二十六

四

炎土多荒重課畊節交芒種雨初晴元戎小隊乘晴
白叟黃童夾路迎
百粵三農異楚吳孔戣惠澤古今無稔年戶戶輸將早
不用中丞免歲逋
村民游惰廢田功但取豚蹄祝歲豐米價定知從此賤
叫河南北賈船通
社酒秧歌處處宜乍逢官長似神祇金花燦爛銀牌重
蠻語僇俾謝賞時

經靖藩舊城

高皇起布衣耆定膺大統建國首天潢從孫本龍種寶

玉魯侯藤欄垂簾揜選設百粵區藩封權實重樓殿
嶺嶺峽峽翠環拱彈指明社邊綠垣變邱墟當年歌
舞場滿目棘荆擁梁苑羅賓客淮南岷川永生無夾輔
斯存亡輕蟻蟻鎗鼓任銷沈鶯花委塋壙唯爾獨秀峯
依然霄漢聲

登劉仙巖

辰山高插天灘水清環郭蠻鄉山水奇熊魚愛何博此
嶂且東南仙客曾栖托深林有蛻蟬華表無歸鶴寂寞
古時春瑞花幾開落雲霞朝暮生卷舒長在握亭亭萬
芙蓉映日成金蕊營邱與河陽放筆安能作我攜九節

贊國詩集

卷二十六

五

錦勝榮存巖壑誰言百粵荒亦藉五丁遷何處風泠然
披襟倚高閣巖上有冷然閣

從棲霞寺至龍隱洞

曉出城東門微雨作還止洗將巖岫青烟鬟臨鏡理內
有古洞天未入心先喜陰陽元氣含竊宅仙踪徒勝賞
逢意外搜秘出泥滓咫尺龍隱崖勢如三峽水驚動抱
珠眠摩空掉其尾誰唱步虛謠西天暮霞紫

七星巖

七峯如七星炯炯懸北斗成象與成形爲奇不爲偶酒
漿挹未宜橫轉機難剖散落建陵東碧色歸吾手唐代

奉玄元立祠歲月久古壁失龍蛇殘碑斷蝌蚪訪道萬
山中探奇千載後仰視影闌干急將塵抖擻絕頂可能
凌迷途問樵叟

粵西諸山萬貌千姿神剏鬼削皆拔地而起高插
雲霄生平歷游吳楚所未見也

帶水重重東寇巖山整整增祖龍驅不盡神禹鑿何竹
爲鶴羣游戲雲霞氣蔚蒸笑他吳道子祇解畫嘉陵
吳楚多清賞茲游更壯哉攜家行萬里特爲看山來壺
嶠仙靈秘乾坤鎖鑰開登臨思作賦愧少挾天才

鷓鴣詞

贊國詩集

卷二十六

六

山深樹老曉雲白中有鷓鴣聲格格越王一逝賸荒臺
年年飛去還飛來蠻鄉雖遠少荆棘坦道誰言行不得
鷓鴣鷓鴣爾勿啼人在五嶺三江西

楊妃井歌

范陽戰鼓邊塵起雨濕梨花葬妃子元琰當年掌上珍
生長容州普寧里威晚銷亡歷劫沙行人猶自訪楊家
傾城麗質歸宮禁隔代遺踪汲井華兒姊一門皆列戟
宅旁芳艷寒流碧眞同禍水蓄昭陽幾見恩膏沾太液
冷落延秋啼夜烏倉皇萬乘赴成都金餅百味君王薦
愁聽深宵響輓轍臨春張孔顏如玉燕支紅泪南朝辱

此井炎雲瘴霧中古波不動蝦蟆伏若不見梁家鬻女
珠盈斛墜樓不惜埋金谷一勺泉甯雙角山萋萋蠻草
含情綠綠珠井在博白縣雙角山下

鍾江

鍾水勢建平既落落未停唾餘無淨綠吟罷得空青
信美非吾土將衰此乍經流杯橋下客宜醉亦宜醒

咏鳩

鳩性從來拙誰知巧有餘幾曾鷹眼變長得鵲巢居拂
羽羣光集呼晴曉亦虛鳳鸞方繞樹三匝待何如

天門關

質園詩集

卷二十六

七

訣蕩生呼吸天門路可通日懸南極峻水到北流窮問
俗知矜但看山並華嵩鷓鴣如勸客聲出翠微中

下車鬱州

寶圭路接綉江亭意外分符此暫經雨過石袍山更翠
烟銷春瘴草猶青捕蛇有說應寬賦養鴈無池要省刑
聞道前賢多異政千秋劉劉谷永播芳馨

廉石篇

井序

陸公紀廉石一具已載回姑蘇置諸郡庠裝會
見之今權是州石去名存追憶賦此

昔游吳郡庠曾睹陸公石漢代去今遙一卷存舊蹟古

人勵貞操束身等圭璧棄硯與沈香高風垂簡策樂天
取支琴猶恐傷清白元章時置袖頗遭上官斥茲石得
廉名載歸年代易無川材自良不落果長碩蕭蕭臨頓
里介介鬱林客孜孜太守祠穆穆丞相宅摩挲十載餘
忽作斯州伯峴首訪殘碑柯鄉潮遺澤暮眺賞心亭松
篁起寒色

尋萬花臺遺址

坐嘯山城意不凡萬花臺似萬花巖巖在萬花臺有无基
古道無人問燕千殘春有怨啼百歲休教多病度一州
且喜少官監何時選勝題名徧自向懸崖峭壁刻

質園詩集

卷二十六

八

鬱州紀風

桂笏朝來望大容山名賞心亭外翠微重州治城西舊綠
榕樹古長宜夏城北牙堂嶺榕樹藍院陰繁直到冬業

雲林高楚烟嵐總不濃
重藍多秦與民同樂利地偏於我稱疎慵官情何似

省俗寒帷到四廂鄉廂有四愧無霖雨潤蠻方潤蠻泉

瑞春凝紫忽湧泉在城南嘉定間挂榜山橫晚送黃榜

山在城喜見沿村勤誦讀還聞舊習改獐豐年五月

輸糧早戶戶家家足蓋藏

潤繞峯圍路畧經闌風伏雨氣冥冥蛇有胆身難護

蛇胆名 翡翠無毛貢已停久罷翠拔越長官初入境

蔬禾楚老不登庭納涼支枕難成寐近砌蛩聲徹夜聽

平楚蒼蒼一望收關梁控扼重咽喉綠珠江曲遙通海

博色綠珠江黃橘山寒早得秋寒山在城西九城志云

經廉州人海牛女星聯北界州志分野考鬱林為界宋元

仰治屢南流舊治在南八營烽燧全消滅開倚當年鼓

角樓宋陶詩有

荒亭殘碣草蒙茸景陸思江舊跡空陸思江為大府知

州江龍建佳傳可曾垂信史前賢畢竟有清風西嘯承

穠時時長南園棠陰處處同劉勛撥祠蕭勃壘一般寥

賀國詩集 卷二十六 九

落夕陽中宋劉勳果蕭勃

月暈城圓撼麗譙李王蹂躪在前朝宋淳熙六年李接

丑流賊王道通澤中鴻雁鳴何慘江介鯨鯢氣最驕舊

寨可堪排象陣黃三才兵寇鬱林列象為陳破水寨新

泉猶自繞龍橋惠泉坡在茂林天威廣播妖氛靖銅

鼓銅船已盡銷城西有銅鼓山近南流江聲聞水

閒中追溯漢唐年為郡為州幾革沿山子室家長在野

世川有山子一但人兒女會操船北流船皆但人通商

種歲無定居那有新增課任土還多未墾田漫為興除諸利病承平

作息久安然

溫涼氣候總和平青草黃茅瘴不生早造新杭鷓鴣粒

仲夏刈禾晚殮異味鷓鴣羹山開多鷓鴣長教燕寢

香篆敢望與人起頌聲千騎東方吾獨後虛稱四十得

專城

積雨經旬頗出郊居然冷暑類衡茅官除苛政如驅虎

地蓄靈湫慣起蛟西甌池相傳有對我松筠長繞座任

他驚燕各營巢生平諳潰原深戒止下何曾有濫交

迎春宛轉接華春迎春華春羅望潏泗好問津羅望江

江源出大容石統州城西流十餘城擁溪山堪入畫職

兼守令倍親民農家菽麥全無種止種稻梁古淵魚龍

賀國詩集 卷二十六 十

絕有神五龍潭游魚洲待續定州風土紀輶車誰采好

詩陳

交姬詩 并序

同里乾章馮子曩客合浦曾納交女孫氏蓮娘

娟麗淑慧通習華言兼工紉組比諸朝雲之侍

東坡三年化去馮子棹之遺挂棹在韓遺衣在笥

每燈施酒闌與客追慕往跡洒洒盈襟蓋姬美

而賢且得諸荒徼外域古稱齊姜宋子不足多

矣宜我友此情之綿綿無盡也即席賦斷句四

篇為姬代傳並廣諸好事者

訪絕殷勤萬里行珍珠一斛換傾城來蘇江上溶溶水

蘇江在口南郡

燈前學語燕呢喃忍報迴身向汝南莫怨九真風力勁

本來一現是優曇馮君自教華語數月後便覺可聽

九品蓮花九級臺六如說偈悟根些蠻娘死傍朝雲墓

得占中華土一堆煙葬粵東馮君每上塚必慟而還

木瓜私約宿緣多曾聽狹狹小女歌常熟杜君昌丁少年從軍進藏有狹狹小女蘇若一事同學馮君稱今日黃郎倍惆悵

停尊垂泪為宜哥宋黃子思有茶愛妾宜哥諱

登水月巖

質園詩集

卷二十六

七

山中淨界即檀林水有淵源月有陰到處總非眞實相

定時長印妙明心宰官是法皆能說名勝如春豈易奪

記取城南新雨後軟沙畱得屐痕深

馬伏波銅船歌

伏波征南立銅柱四會風雲長擁護復有銅船在尹州

淪洲入土無尋處舊傳鬱林郡有銅船爲漢刻木爲舟

江海通未聞采用莊山銅飛鳧彩鷁出爐冶宛然十道

開鑿臆想見當時臨敵若微側成爲微貳收班師奏凱

棄船歸後車可有明珠載我朝威德被遐荒大容夜

逝安西王梟鐵鏡珍少遺孽八營廢壘皆農桑國朝風

土冠謝正奇聚萬萬人號爲八營參將上雲英討平之

順治甲午偽安西王李定國大掠鬱林戊午偽博寧伯

馬維翰將馬亮復入冠廣西此日分符到鬱府龍橋鳳

嶺開懷古北流小艇挂帆行擊汰凌波儗容與君不見

銅船易沈銅柱折是佗是援去俱銷歇惟有千年漢月

畱照人旅鬢如霜雪

公餘以詩送目語無倫次皆同野老鳴豫也

聞喜簪花記隔晨未優仕學濫臨民上官特地覘施設

邊俗於今尚朴淳八口遠從隣郡寄重門共見素心道

牙堂獅嶺披襟處圓篴方筇穩稱身

新沐彈冠浴振衣羅羅堆案簿稀蠻村晴雨鳩無準

質園詩集

卷二十六

七

官舍孤清鶴亦饑任事休矜當局易省躬方覺責人非

杜陵稷卨平生志回首何曾肯息機

五嶺孤踪久繫匏失時社燕未營巢監河有粟難稱貸

戶祝無能妄代庖率屬每於平易近行年猶在困亨交

民懷吏畏皆浮泛惟與溪山訂漆膠

坎滿離虛未劑和偶然小病異沈疴耳鳴那復分牛蟻

齒痛何嘗廢嘯歌仙米馨香難問種村醪淡薄不成龍

謝公陶寫憑絲竹哀樂中年我更多

種松歌

人言種松如種花比花閒澹宜烟霞人言種松如種竹

比竹威儀增肅穆花是女兒顏竹爲君子節松即特立
花竹旁雖遠非疎遇非衰吾家別墅皆種松倚松正對
天南峯徂徠不羨魯邦產泰岱何必泰時封平生巖壑
存眞賞一麾新作西旣長甘蕉葉大佛桑裂但愛髯翁
共來往是日雨霽層陰開蒼龍得勢揚鬚彈琴招取
元鶴下解帶恰遇清風來嗚呼昔賢手植多遺澤此松
自此生顏色君不見召伯棠萊公栢

游鈞天洞

輿嶠無蒂根隨風墮蠻界如堆玉女鬟忽湧金鼇背闕
聞嘯咽分乾坤不在外晃晃昇昇中厥狀非奇怪吾聞

贊國詩集

卷二十六

三

列子云鈞天帝居大

列子游都紫微鈞天廣樂帝之所居

茲穴通呼吸何

人遺覆載元宮可燃犀衆靈曾拾翠蒼虬泓下吟琤然

寒玉碎過此迷東西芒鞋信所屆時逢采藥翁提向瀛

洲賣

自棲霞菴至太虛亭薄暮出山

層巒若游龍騰身行術術偶許一氣作鈎連萬態脫步

聲平巖烟鬟殊竊窈雪鬅何亂離端倪已盡呈洲勝力云

勢小憩彌勒龕松陰日方午心清閑妙香杜少陵句山靜似

太古唐子西句丈室藏翠微玲瓏皆下俯誰植玉芙蓉花開

環淨土岷岷之所交缺處一亭補太虛原不虛造物任

攜取溪山與風月閒者常爲主短策度危橋斜陽明遠
塢餘興猶未闌西巖扣銅鼓

友人饋鵲鴝一雙命家僮畜之

茲非登盤頓頓需仰公異味斷中厨那堪蠻雨蕭蕭夜
聽鵲鴝時食鵲鴝

黃陵古廟落花愁還有玉詩鄭谷不憚憐憐鄉行不得
碧紗窗下語喃喃

幽人方寸存生機受饌烹鮮事總非待得羽毛豐滿後

越王臺上好高飛

李態張娟舊擅名鵲鴝艷曲最關情江南回首渾如夢

贊國詩集

卷二十六

古

莫向尊前唱此聲

五龍潭晚眺

我聞太華峯希存留舊跡五老五龍君同來聽講易茲

潭宵而深實惟龍所宅騰身入雲霧吐氣如虹蜺椒塗

寒不眠巖肩幼多力時乘皓月游戲取明珠擲爲靈白

昭昭原備飛潛德有欲培案馴無功政廟食聖主握

乾綱百神咸受職亢乖非爾宜行雨毋愆武殺我士與

女介我黍與稷誰爲庾昆羅幸少支離益日暮風蕭然

蕩滴天光碧通襟托微波登門定相識

文信國祠

丞相祠堂再拜登浩然正氣尚騰騰
弘碧血埋何久
賀監黃冠遂未能
蓮屋門無社
稷家傳蠻郡有雲仍
千秋泉獨知已慟哭西臺恨不勝

廣白懺詩 并序

宿業塵緣海深獄重老之將至破除久矣同事
袁簡齋集中有自懺詩八首裝在金陵見而和
之嗣後有續自懺詩再續自懺詩至是而成廣
自懺四章慧劍何來智燈自照或當爲佛可也
廣霞無路可追尋結習安知障礙深解語已驚花一現
掃愁須享帶千金黃姑會向橋邊阻青鳥書從海外沈

質園詩集

卷二十六

五

誰與樊川報消息吳興綠葉早成陰

迢迢銀漢是紅墻何處凝眸不渺茫
天女娉婷無肝鬲
洛靈徙倚乍陰陽人間未斷牽情種座上猶存結願香
居士新來能示病一菴十笏散芬芳
燭易成灰酒易醺笙鳴雌鳳鼓靈囀
小姑居處郎安在
魔母神通子太多誰轉飛輪持浩劫
莫教愛海湧層波
朦朧阿耨池邊見奈此三生一笑何
夢回記夢欠分明天到蠻方久不晴
玳瑁蹒跚浮海去
鷓鴣格磔阻人行
經秋每起羣芳感
學佛終須慧業成
一曲伊州雲破碎曉鐘聲是出塵聲

咏藍 并引

屬邑興業地多種藍其葉四時長茂利倍於禾
暇日咏之以志蠻鄉嘉產用告采風者

染物先將自染成如槐如芥影分明
通志藍有三種葉
藍皆可作緞
仙鞭夜落鸞翎細佛院秋多鳴腳橫片瓦
柴窰堪闢色羣芳畫譜不知名
最憐纖手終朝采
澹菊何由得滿盈

非夢非夢態嫣然四季蒼藍十畝連疎密不離苔鮮地
淺深都入蔚藍天
婦官采采宜朝服
本朝章服
尚青
蠶土輸
租勝林田植物動關民
牧念爲生聊當採風篇

質園詩集

卷二十六

末

夜雨

一箇無語夜淒然淅淅泔泔到枕邊
但覺蕭疎增旅思
宜知醞釀出豐年
日行北陸疑迴馭水漲西甌待放船
冰簟平鋪情不薄
今秋又負已涼天

蚺蛇膽

象焚因有齒豹死而其皮蚺蛇何慕慕厥膽分雄雌
深山大澤中乃爲世所知
先將和服引遂取藤條縻探珠
出蟬腹繞腹藏龍漿堪療肌骨傷
絕勝刀圭治共生在
天地惟膽能持護身翻殞身顛倒皆若斯
嘗未經句踐剖亦同姜維虛心秦鏡照大事宋相宜壯夫自有膽

安用蚺蛇爲此物不足貴漫抵千金貲三復捕蛇說子
厚誠吾師

七月十一日恭聞

王師平定準夷以詩誌喜

未央奏凱有軍書饒吹歡聲動拂廬定遠真能探虎穴
左賢早已遁狼居九重綸綍傳鸞鳳萬里風雲捲旆
旗却笑武皇勤遠畧輪臺悔悟待何如

大將螳弧落日紅關榆塞草被華風人稱方叔爲元老
帝命秦襄率小戎關外形旅三錫重階前干羽七旬同
燕然片石重磨勒不數當年寄憲功

質園詩集

卷二十六

七

出師原叶丈人貞遣戍何妨六月行慈嶺傳峯雲色
蒲泥伏甲雪三更武剛直控烏梁海文德先敷赤狄營
楊柳玉門歸繫馬東風羌笛不勝情
受降城擁萬貔貅勦撫全憑秘殿籌轉粟幾番勞度
磧采薇從此罷防秋天威化外驚雷電王會圖中列
瓊貞願得止戈長不用益調玉燭奠金甌

樸庭久客津門今年已屆服官賦詩爲贈

握別殷勤出帶河天津北門名帶河離離鴻爪又消磨杜陵枏

樹秋還勁沾水蓮花晚正波已見年庚踰蔡澤枉將奏

記托常何與君收取桑榆景其奈東隅失已多

蒲廷昌畫獅歌

吾聞漢代章和安息國重譯入貢來符枝爪鈎牙鋸尾
如斗威在氣魄非毛皮又聞狡狴日走五百里傳載當
年穆天子北接崑崙聚窟洲猛獸何人能致此聖朝
撻伐猋猋獵異物不貴山林潛傳神那有顧光寶獻賦
曾無虞世南此圖云是蒲生作出色丹青寫斑駁象
兔狡兩縱橫奮勇都將全力搏君不見西涼假面誰所
成河東一吼心胆驚下圖爲國驅豺虎免使公然白晝
行時奉捕虎之檄

東井硯詩

背有銘云五星聚於東井其文煥煥炳炳

質園詩集

卷二十六

六

我瞻天四垂其形類車蓋東井聚五星燦然綴珠貝光
采散文房琢石知何代墜地與繫天堅貞長不壞惟硯
本稱田耕耘資灌溉劃井授良農取義非私隘相養無
窮機有條無越埭萬寶應時成豐年帝所登平生心溫
飽建立期宏大五畝任荒蕪八蜡思報賽收民少寸功
不如仍負耒心爲古井波豈向江湖灑烟雲落墨宜坐
臥攤書對脉望果通靈星精宵可待

常秀才靜波畫竹歌

常生書作金錯刀常生畫作錢鈎鐏彷彿質簪谷裡游
身是吳興文與可六時偃仰一繩床簿書戢戢紛堆環

炎方無蝎但有蠅玉雪肌膚遭瘴蘂滿堂忽覺涼氣生
拔地修簷態阿那是真是豈雨不分拂雨籠烟驚尾彈
此君與僕結深交節目多年存磊砢開披圖障夢滿湘
廊廟江湖願相左會看平圃長琅玕容我解衣磅礴瀛
登鼓角樓懷古

銀墻百疊尹州城廢壘蕭蕭問八營鼙鼓有奇思將帥
陣雲無力擁旄旌守臣預作綢繆計豈子難成舍卒名
今日諸蠻烽燧息不勞畏甲夜談兵

運籌破敵事如何俱霍嶽沙變化多風定不揮諸葛扇
日斜曾挽魯陽戈五更悲壯驚魂夢四野蒼茫入嘯歌

質園詩集 卷二十六 充

漫比黃樓臨汴泗羽衣乘月醉東坡

蹂躪當年怨馬雄中丞禦寇有膚功波翻大澤龍鼉徙
霜下寒林橘柚空新息樓船回故道高昌子弟被華風
斜陽鼓角青邱句一樣凭闌對皖公

運際承平得引恬但徭舊習久摩漸詣營單騎無勞動
擊柝重門尚戒嚴絳蠟夜深方拭劍綠鴉山名秋淨恰當
簾翁歸有語吾真愧那得文經武緯兼

西清瑣語爲二十年前詞館識小之書偶得殘稿
於故篋中編次成帙自題於後

休誇寶笈與珠囊雜俎傳看似酉陽四部誰能探甲乙

一塵我已薄文章秋衾選夢迷銅鞮春晝揮毫隔玉堂
不改書生舊時態蠹蟬堆裏校丹黃

訪養齋古碑

漢代多鴻生通經飾吏治江都聞天人長沙憤時事厥
後養叔裔布衣前謁帝上書論五行爲國葆元氣洪範
休咎徵歷歷如奮議維天儆薦懲垂象邇元秘倘非納
諫君安敢陳災異故里有貞珉特爲先賢置我來訪遺
踪萬曆半蒙翳碑碣已虛文况乃虛文棄再閱百千年
雪泥誰復記方當變理朝陰陽消亢沴序無陽雨愆道
在猛寬濟還聞求直言觸諱毋須避吾徒享太平與民

質園詩集 卷二十六 辛

同樂利懷古迥蒼蒼典型今未墜

題景陸堂壁

輕舟人去尚聞堂穆穆清風異代香雅化自應歸誦讀
循聲端不讓龔黃垂碧軼事傳懷橘邀愛居民識舍棠
爲我今朝具袍帶一舉廉石拜襄陽

秋懷

秋蛩忽代夏蟬吟漸有新涼入紫襟雨後水田遲種稻
月中山郭靜聞砧支琴收取峻嶒石盈案何來細碎金
香草年年初雜佩撫時屈宋最難禁

一勺西甌水似環居然公譙習池還漏長蟋蟀初過後

人對芙蓉未老閒銀漢富軒高欲瀉碧巖過雨冷無斑
秋來指日開征訟不放凝香半刻閒

瓜期將屆別寮友部民

解巾敷政愧無成得代將辭父老行燕子歸期秋社近
鯉魚風色片帆輕登州五日匆匆守杭郡三年戀戀情
古驛西甌騎馬路數行殘柳似金城
多時挂笏倚樓西回首層巒積翠迷故吏尚分鳬雁立
行人偏聽鷓鴣啼塞帷有俗難長問繞樹何枝許另棲
憶得賀循吳郡語會稽原出嫩鳴雞

別定州

質園詩集

卷二十六

三

老柳古城秋無情不綰愁西風鳴策策惆悵別南流千
里客中客數重樓外樓玉蟾深有意隨照麗江舟

伏波灘

驚湍如雪渡涼衫緩度中流十幅颿首壘琉璃光破碎
伏波灘似伏波巖

明珠難弭生前謗銅柱長標死後功甯與行人重懷古

伏波祠謁伏波翁

質園詩集卷二十七

會稽 商 盤 齊 意

登壺關

長房妙術莫驚猜人向壺中山入來漢世應留三老在
蜀都枉費五丁開文犀桂蠹年爭食盧管花鈴俗要培
真覺太平無一事羽書露布不須裁
界台華夷市語呢南交寶帳納中邦尉繚乍轉烏蠻驛
急水遙迴綠甕江荒微多紆頻叱馭廣場作戲又懸檣
宛陵無淚如冰雪可有弓衣綉再駝

撫綏良法古今稱孫靖功名久服膺鹽鐵利源休

質園詩集

卷二十七

一

使涸徭徠遺習且相仍交人只愛藏三寶誰將何知反
二徵乘傳不須來陸賈蠻夸大長竟何能

三吳三楚罷登臨此地初披選勝襟蟬翼官輕千里遠

蛾眉山曉一痕深地有蟻石尊滑膩多柔態銅鼓和平

得雅音喜見諸蠻新服教五溪密竹不成林

送李季吉總戎出鎮滇南

驅縻有舊州居民半徭獍三關限外藩六蠻歸內屬蜂
蟻詎可櫻牛羊正須牧端賴文武和長享昇平福治兵
等治民寬猛待籌畫 熙朝文教敷川武何曾黷揚旗
蛇鳥開伐鼓熊羆伏百頃昆明池樓船紛在日坐銷豈

非雄雅歌原未俗飽旃在此行分袂休離離
軀黑頭期令僕我衰君壯年康莊敢馳逐邊城一
寒柳依依綠遙睇南飛鴻層雲結如屋

送安南貢使歸國

并序

乾隆乙亥仲冬安南外藩職貢臧事使臣武欽
隣陶春蘭武陳紹自京歸國時余權守太平相
送山關賦詩爲贈俾知

聖天子懷柔遠人之意從此益加恭順上承

天休當永永弗替云

皇水江寒泊貢船承恩來自五雲邊嫺儀久被華風美

廣園詩集

卷二十七

二

聖恩方知衛使賢博望浮查還海上伏波舊柱在關前
依然垂柳碧瑤驛立馬攀條記隔年

萬里梯航萬里身看花中土閱冬春連疆豈待通重驛
置郡何曾廢九真斧玉甌金圖版大澤龍山虎節符新
聖朝不尚羈縻術宣布恩威到外臣

望風門嶺

遙望風門嶺何如日觀峰接天橫嶺嶺映水簇芙蓉朝
暮紛多態仙竊合有踪阮孚遊屐徧吳楚未曾逢

麗江

此水真明麗盈盈不記年我來貪照影如在早春前湘

浦情千里汀洲曲一篇移時成獨立望斷水蘭船

幕府營

左關右隘籌策第一咽喉控若何要使夜郎知漢大
漫勞回紇與唐和長沙餽狄書生擅小隊防秋曠曠多
敢托承平疎武備宣威原不廢干戈

貢亭

皇華新館對蒼崖廣麗堪停入觀聳萬里南交仍禹貢
百蠻北望卽堯階玉環自昔攜元圃銅鼓於今扣寶釵
總在聖恩汪濊內遠人何處不柔懷

鎮南關

廣園詩集

卷二十七

三

尹鐸居普陽保障異蘭絲以身爲保障尤重筦鑰司茲
關限今夏作鎮天南陲風雲起呼吸虹蜺聲蟠雄雌桓
桓列戍軍耀日揚旌旗在德仍在險未可疎防維行部
周諸隘千里勞褰帷矧首望雞陵林木皆可疑諒山青
氣蔽此彈丸基遠勢與近形不待開關知夷官逞權
詐故作來往遲中原自廣大諸賤輕毫釐置吏謀非臧
蘇援如奕碁天子命交人還以交人治

昭德臺

碧天無外黃圖地不窮建臺昭厚德立柱表豐功
道千蟠細秦關四扇雄越裝修舊職升服被華風朝

氣血內承恩綬紉中 九重懸日月三接銀漢影
羣仙小朝宗萬谷深奇觀初泛海異域盡呼當使者將
同國王臣共匪躬六卿郊餞洽七子賦詩工塞柳分衣
綠發花照席紅雕題人漸遠吹管曲方終幕府諸軍散
文淵一舍通輅車歸甚速侯度中逾恭甲洗妖氛靖旗
收戰壘空和戎褒魏絳制狄問陳忠大澤龍蛇伏神州
玉帛同潭藏三尺劍嶺掛六鈞弓寶稅蠲荒土邊情達
聖聰茂陵如獻策何待畧馳轡

安南三貢使和詩六章見貽復成五律以答殷勤
南藩自昔拱中邦欵貢儀文異受降萬里乍停書雀舫

質園詩集 卷二十七 四

千夫齊列碧油幢奉來正朔夷情順記到殊方譯語咤
却羨遠臣蒙 帝澤溶溶流入富良江

摩天拔地嶺峩峩甘雨和風瘴癘消額將朱鷺移故邑
越裳白雉獻何朝金潏幾日行人到金潏交地名張籍

到金 銅鼓多年律韻調絕徼山川皆內屬奏章休學樹
佗驕

左鞍右傘近何如安南黎氏王國在富良江西後三峯山左鞍右傘山右傘則山富良江左右

因酒歸路分明不藉車要識吾 皇來遠意象犀角

盡 鴻來燕去一年期久習朝儀與聘儀楚貢包茅今未珎

晉卿鳴玉向會知當筵豈少同車賦宿學誰堪異域師

重續淡雲微雨句使臣才調勝高麗詩無使 初詩也 詩無使 初詩也

山曉望翠如昔日照關門四扇開六服敷文長卸甲

百年昭德共登臺何須馬援重留柱肯讓雞林獨愛才

莫起征夫原隰感來詩有賦駁 征夫之句得瞻仙仗遯蓬萊

邵 上幣陳龍輔交情遠象胥未堪收異物祇可賦同車厚

質園詩集 卷二十七 五

往來荒遠重來問起居守臣非陸賈金翠待何如

護送貢使信宿郵亭途中偶咏

尺皇華館初聯綺紵歡能知中國禮不作外邦看餽
凡人繼歸藩夜寢安丹青進師古王會列衣冠
舊是同川俗今爲伏闕臣大人占卦吉建使問安頻四
壯馳偏緩三峯望漸親三峯山在 富良江北恩恩渭城曲朝雨裏
輕塵
恆擊重門柝如屯細柳營南人原不反東道豈無情尊
酒須酬醉夷官白送迎曩霄今已制五路且休兵
玉帳談龍豹何人第一籌秋防嚴列幕春貢勞諸侯餘

為過歸啟戈因向化收 天朝全力大豈少孤龍
巡邊雜咏 并序

周禮掌固掌修城郭溝池樹渠之固凡守者受
法焉又有司險掌九州之圖以周知其山林川
澤之阻而達其道路蓋古制設官其重如此况
粵西太平一郡壤接交夷為關者三為隘者百
惟平而水口兩關及由村一隘例許通商餘悉
封禁盤於乙亥仲冬來秉郡符歷巡邊境見
本朝幅員之廣暨外藩納款之誠皆以韻語紀之詞雖
不工用備輶軒來擇云爾

質園詩集

卷二十七

六

王公設險限華夷外控交人內土司籌筆可無諸葛驛
揚旌空有少陵詩雉園樹密形難見熊館巖深跡屢移
遠不來充國逝戎機茫畧竟誰知
幕府營如幕府山鎮南百雉有嚴關椎牛藉草分諸部
騎象吹簫聚六蠻列戍平沙刁斗肅將軍專調帶裘閒
書生垂老雄心在射鵰猶能結綠彎
遠勢蒼茫落日低難陵凝睇使人迷漢家未召田橫至
蜀魄休為杜宇啼兩守循良思錫 光祝良一時笑奪笑
陳黎披襟絕塞重論古自向縣崖峭壁題
芹站芝封隸版圖關梁環繞勢非孤也知在德何勞險

其奈疎防有不虞出崗居民能趨避近邊華語亦傳休
繭絲保障聞前訓多少權衡在烈符

鑿齒雕題俗悍強中華聲教阻南荒過經誰繼後公輔
禦寇人稱狄武襄九德村墟無詭蹟陳陶開元詩 萬
承童女幾滄桑萬承州有金童玉女山 從來忠信行猶未覺羈
縻策最良

黃茆青草瘴初收開拓胸襟第一遊百貨盈船通水口
名雙旌竟日拂山頭督郵爭界非無石相國籌邊別有
樓莫比中原分楚漢藩臣那敢議鴻溝

伶徭遺族脆瓜綿流土相勢半華俗世系韓蕭樂蘇後

質園詩集

卷二十七

七

簪纓榮列馬人前薛勝到處皆爭長虞芮何時肯讓田
共感 聖朝寬大德衣租食稅自年年
瑞粉輕勻寶髻斜綰將組綬坐官衙合歡帳煖懸三寨
執法冠高綴六珈何夜得行巫峽雨有人思煞尚田花
角鹽往事荒唐甚曾娶穠苞老卜沙明季大角三寨女
沙為姓先是湖客尚邦功與老卜沙通有詩云作客西
中寨寺春向北沙積苞和露吐思煞尚田花詳載毛西
河寶司
翠繞青圍未易通茫然開國類蠶叢沈沈鼓角斜陽外
隱隱龍蛇大澤中關穴風羣驅已遠橫戈屢炬照全空
平生知稼如高允願與諸蠻樂歲豐

堯封化外有山川峻陟冥搜意酒然地僻不置坡谷
代移還用宋元錢占晴喜聽檀栢鵲墮水驚看站站
覽景紀風慚肆好自燒樺燭筆續箋

摩天嶺

偉哉挂榜山本號摩天嶺象伏與龍蟠相對爭秀猛
龍蟠兩上可捫星辰下或起霹靂巖石皆俯垂如木
怒生瘦美者雙髻鬚臨鏡整其色黝而蒼不辨紫
雲影全身肆擗擊元氣結背紫不圓絃絃外乃有此奇
景交州古荒服久爲中國屏守者受法疎天必迷惘惘
特將青螺螺化作平尊瓊瑤用以截黃夷有冠不須驚戰
質園詩集 卷二十七 八

水口關

水口關無關關以水爲口一幅青羅紉曲折纏肘未
可作藩垣祇宜溉田畝下東接高平西連高平水寔樞
紐厥源浩且長直溯廣淵右爲此水發源處顧此咽喉
區津梁設非偶堪濟志發軍樓船今在否撫苗安畊選
省俗諸耆吏新月漾波黃漁蟹唱銅斗

平而關

粵右非常鎮交南最要關勢分三角隘路扼五

龍州

同風久已受共球異種何須辨駘九德規模連象郡
百蠻貿易聚龍州葡萄天馬如西域慈黃明珠感故侯
漫道狂獠皆革面承平邊事正宜籌

上龍天矯下龍蟠安得封關土一丸雲外斷鴻回去緩
穴中羣鼠鬬來寬紫霞洞窟捫蘿入白馬峰高挂笏看
武德土司文淵州名均內隸要荒今已戴儒冠

題古甌洞

質園詩集

卷二十七

九

漱玉噴珠不記年銀河倒瀉洞門前試茶手掬泠泠水
古甌泉如古辣泉

仙巖

仙客行如電曾聞此地遊凌波乘赤鯉望無識青牛何
處尋遺跡題詩在上頭他時脫塵網訪道過浮邱

上下凍州

會調煖律挽春回此凍何緣久不開一嶺拱天長北向
州治接天嶺七源瀉地自東來七源之水發自擊槽豈其峯皆向北

可仍遺習互市還虞伏禍胎龍服至今多曠土無勞析
利孔桑才此洲荒土最茂

由安平州至太平州

筍輿長作入山行百里安平接太平
普媚殷幽舍雨意華光寺近出鐘聲
乘蘭漈消風猶在剗竹龔黃化未成
冬令夜看炎火界不教豹虎伏榛荆

由村隘

地比三關險商多百貨通
揮鞭蠻峒外聽角戍樓中鎖鑰
咽喉固昇平氣象雄狼狽休窺逸
閑道滿西東

伏波銅柱歌

大龜生毛兔生角微則既殲微
貳縛伏波未老遠征蠻立桂
宜威振揚路文簡字與上有銘
此柱折時交趾驚

寶園詩集

卷二十七

十

魯國靈光一殿在燕昭華表千年經
君不見范金製器皆奇絕銅鼓銅船
兩羅列自昔將軍已受冤至今交趾
何曾滅世閒觸處成恩怨朱勃梁松
邪正判少游鄉里善人稱不視飛鳶
乘欸段橫海舟師一旦空雲臺高建
待論功行人下馬瞻遺像新息依然
嬰饒翁

除草

柞氏載周官翦燠乘時候單子論陳
侯道弗固有疚矧茲荆棘藪蔚迷昏
盡草竊古所防何分人與獸治草通
治民其理當深究根莠未先除嘉禾
安得秀不斷將養好姑容卽藏冠我行
磽确閒一望驚紛糝任叻愛春

游杜甫譏冬狩身為司牧官設施在成就
亦知興廢從容無取驟奈此曠土多墾田
勢極極倘非熊羆其何以施畊耨燎原
丘上策炎炎功易奏卽事成短章晚憩
前山堠

捕虎謠

伐竹爲虎籠籠小虎難入掘土爲虎
穿穿淺虎易出一入誰所操爲籠爲穿
總不牢太守今朝下新令捕虎非籠亦
非穿死生落筆關人命願與吾民去苛
政聽我捕虎謠收我捕虎檄鑿井而飲
畊田食囑虞在囿麟在郊處處蠻村無
虎跡

寶園詩集

卷二十七

十一

山行見紅葉

非柏亦非楓無霜也漸紅蕭疎感人意
渲染屬天工老樹何年得寒林曲逕通
斜陽如有恨低照古原中送使閭邊得
詩數十章勞我精神仍以詩勞

南荒何界辨華夷攬勝登臺一賦詩
欵貢新亭存幾處受降舊壘廢多時
關懸漢月蟾蜍滿海隔秦橋蟬噪移
將老不堪臨塞上請纓徒悔昔年遲
聚米安能頃刻成翻從悵惻得夷情
多年舊制宜隨俗邊地又員亦典兵
何處長城堪倚賴諸公短策自崢嶸
千嶂九折都親歷落木聲中叱馭行

百里蟠旋賦近遊峯如寶蓋崗如樓所見之地

連白石行何仄白石不瘳過黃茅漸收秋黃茅南

關春貢象正十年南西郊舊社夜惟牛陸澄馬實圖

經在不比荒唐記十洲

百種夷民萬狀山開疆迫溯漢唐還縱橫絕徼金華外

依附 皇圖玉斧開共識任延龍領郡休教馬援屢征

蠻越風好備輜軒采太史他年或未刪

閱遊回署見竹屋已成喜而落之

經旬蠻土澆衣裳一笑還家見竹房幾度欵門看翠篠

此閒作宦似黃岡管茅楚楚材同取燈火熒熒夜正長

質園詩集 卷二十七 五

便是廣場清淨退楚情原不愛華堂

分明洪水深簾波衛武當年有切磋芳歲欲關人尚爾

紙意相對意如何楚詞好所青光寫平圃還問綠玉多

翠袖天寒重絕代再煩補屋共牽蘿

詞柑

鈞籠墊老貽菜把隣家佐多生口腹業不向鮮肥墮噉

荔願粗償采菱時已過誰贈洞庭黃鬱鬱香盈座負此

合歡名惜無纖手破元宵禁苑傳幻術仙翁作去釀酒

良復佳持尊聊自賀吟罷剖柑詩獨倡無人和

祁木公畫牡丹歌

祁生寫生稱妙手范露令風隨處有不貌年當冷漢安

姚黃歐碧花如斗趙昌已去徐熙亡人閒富貴無詩堂

福生冉冉老將至後來誰復凌熙昌忽憶芳齡年十六

太宰名園金麗殿昭華同賞洛陽春筆底闌前闌紅綠

少時在先太宰別墅與徐夫人昭朱門寂寞傷燕燕國

華同賦牡丹詩距今三十餘年矣

色天香一朝變勝事都從夢裏消春光重向圖中見祁

生作畫我作詩勸君且勿施燕支歲寒欲求三益友再

看明憲潑墨時

以巡邊近仕緘寄學使許霍齋同年

靈均荷杜佩芳馨平子瑤瑤貽娉蛇我旃思今天一方

質園詩集 卷二十七 五

正當明月清風夜今年初握邊郡符百隘三關限夷夏

周官掌固禁何嚴漢將征蠻師已能穰穰萬寶盡登場

戢戢諸苗多向化歷徧津梁瘴霧深歸來官閣寒香謝

側聞旌節下邕州伏道塵埃失迎迓宏獎誰能及李膺

拊循我實慚黃霸共抱秋風一片心揚帆大海真難卸

殷勤遠寄卷中詩聊代相思千里駕

題寧邊堂

甕水瓶山繞一城郡有綠甕山塞垣彈壓任非輕法垂蕭

相原宜守論出班君本自平 聖代服戎無異術退方

貢物是何名飛燕仰視休惆悵橫海樓船久罷兵

龍興西南蒼茫天萬山深處一城專徵兵入衛盈千數
無奇績徒有詩名異域傳

梗化當年亂已戡蠻村畊遠聚丁男本無案牘何曾積
要得今情不待探驅虎方知苛政猛射雕還覺晚年堪

明正繞郭坡塼碧一掬澄波 聖澤涵
三冬暖日照三關花落花開點點斑脫蟹忽看黃蝶早
泛波相對白鷗閒儂儂張籍橫中曲合香王濬畫裡山

何似習池騎馬路朝朝醉倒接難還
賀園詩集 卷二十七 五

夜聞落葉
落葉疑風雨聽餘百感生起看山月上低照紙窗明舊
事偏多憶寒鷄不肯鳴撫時知歲晏冰雪太崢嶸

李玉亭水墨花竹歌

畫家畫意不畫貌一竹一花工寫照懸向高堂素壁閒
相看動色驚神妙施朱施粉非天然眼中所見皆熙筌
李君潑墨具元化發生早在春風前縱筆成枝欽筆葉
近者能離遠能接行處疑聞恰恰鶯飛來欲活遶遶蝶
萬承一州如斗大 李官萬 尚花忙鳥多奇恠知君雲霧
滿胸襟還與蠻山染螺黛

二樹山人摘余土城山房舊句爲緒兒作臥遊圖
距賦詩之日三十年矣韶齡雖再先業就荒散
帚棄遺了不可記山人於烟銷雨墜之餘爲僕
完此一重公案吁可異也感而題此 詩云春山
約如處子不雨復不晴非對亦
非米乞寫臥遊圖收入丹青裏

春山排闥護春眠幼日題詩老尚傳其間夷光歌舞地
見此燕麥自年年

秋霜無賴漸盈頭梓里春遊是夢遊今日展圖人萬里
蠻雲如帶古交州

放猿 并序

賀園詩集 卷二十七 五

張楚洲別駕貽予一黑猿置諸庭畔野性難馴
縱之歸山事類王仁裕他日嶠冢祠前或重遇

塗賓耳

入畫會煩羅從 法事投荒最惱柳宗元主人大有林泉
性不解呼猿解放猿

胎禽同舞鹿同鳴任汝山中自在行夜半正回孤客夢
斷腸休送第三聲

傳聞磨閣畫猶猴一出塵埃不可留識得將軍通臂好
數奇何必慕封侯

二馬殷畔飛來寺彈指三生宿業空憶讀願復袁氏傳

玉環重同上陽宮

消寒雜咏

臘曉曉馬與林鴉指日椒盤待頌花良士里驚蟄蟄
更聞閣閣蝦蟇極邊風景歸詩卷垂簾情懷戀歲華
未卜明年在何處赴官祇算屢移家

月吹簾習漸更炎方風土樂昇平無冰不用春秋記
有雪翻教里巷驚探去嶺梅多結子聽來林鳳早催畊
絲簾畫鼓先期集指日東郊太歲迎

遠翠如螺不可捫神剎鬼削了無痕霧濃七日深藏豹
月落三更獨嘯狼長以卯申防醉飽古諺曰避色如避
難冷暖隨時換少

質園詩集

卷二十七

六

飲和時酒莫與申
時飯語載郡志每從晴雨變寒煖壺城地僻疎迎送
榕樹陰中自杜門

萬里蠻鄉挈累來持家健婦最多才先將臘酒梅花醺
佇待春衣燕子裁鏡匣有塵須細拭印裝無事莫頻開
鳳獅不讓王曇首笑看羣兒戲一回

九折千蟠世路經翻因奇險得安寧椒樽介壽身長健
竹屋挑燈影更青春夢忽從推枕斷夜吟潛被隔簾聽
賁雞白日休重唱催曉催年乞暫停

古蹟四咏

飛來鐘

鯨魚不鎖庚辰鏤飛出琳宮追議絕此鐘初鑄自何年
噌吰振響通諸天在昔曾經見氏造至今徒有蠻人傳
馱廟村中寒日落伏地蒲牢氣滿索誰將獨木試洪音
祇與吳牛礪雙角復有銅鐘在崇善紀年南漢東禪院
兩鐘閱世總綿綿古器同邀神鬼眷君不見耶溪水涸
莊山空鑄錢遠采昆明銅我佛慈悲應太息如此千鈞
歸剝蝕

仙人石枕

江州城外登波巖天然奇石如枕面仙人已去不復還
但有雲霧迷松杉蠻村冉冉暮風起枕上江南數千里

質園詩集

卷二十七

七

一夢牽情蓬樹遊流蘇斗帳濃香裡豈知片刻黃梁熟
呂公畱贈邯鄲宿悟後方驚結幻緣生前何必居華屋
我觀此石長摩挲有仙不學真蹉跎歸家自壘殘香枕
欲向華胥奈遠何

懸崖杖

吾聞仙人拄杖玉女峯又聞葛陵榔杖能化龍天生古
物真奇絕非竹非藤勁如鎖霹靂微燒露斷紋冰霜久
歷成高節我年五十方杖家濟勝無具凌雲霞對此懸
崖思撒手紛紛下視皆龜沙杖兮杖兮吾老友安得攜
之去訪浮邱叟

銅鼓

伏波征蠻立蠻府大冶鎔金成戰鼓烟銷雨蝕幾千年
神物淒涼落荒土當時製器厥義昭一擊嶺然振軍旅
我探遺跡到鼓祠日暮陰房窈窕不及岐陽十鼓存
登諸國學陳柳廡無象無聲返太初此意深微吾獨取
聖朝威德被遐方大地河山歸玉斧猶聞鼓聲思將帥
屢見苗獠格干羽銅鼓還隨葬鼎藏對此摩挲好懷古

遺緒纒兩兒歸里

瘴烟深處暫相依送汝扁舟萬里歸故園驚花三月暮
遙天鴻雁一行飛關心白髮高堂健回首青雲舊事非

寶園詩集

卷二十七

大

寺取顏家遺訓在隱囊方禪總堪譏

問道鄉關被勞餘江東消息近何如田園未免憂元亮
火異無勞論仲舒斷梗飄蓬身未定左館右粥計全疎
牛生宦跡香山似要卜中州履道居

咏水仙花

宓妃洛浦凌波處漢女江皋解佩時寒月未沉風乍定
祇應開向水仙祠

百濯香濃夜未闌冰肌霧縠不勝寒伯牙古操無人識
且向宏農賦裡看郭景純有水仙賦

驚鴻不定態如何十五輕盈細馬歇記得曲江逢上巳

此是三冬第一花山礬不及況山茶他年下降羊

肯讓風流萼綠華

交庭十詠

交扇

篴是殊方製金陵並仰伊萊頭雲散歛在手月盈虧瘴
霧重重隔仁風漸漸披還思慰黎庶舉向日南知

交燈

燈市開荒土高懸影不孤披輝雖燦爛流照儘交隅天
近元宵餘人思大寶珠九真歌舞樂得及九華無

寶園詩集

卷二十七

大

交檣

蠻槎來千里剛逢好客過郊游橋僕從奮具異多羅犀
合秦宮玩鶴龍杜老歌雕幾南國擅丹漆待如何

交香

標飯來關外粉醴勝海南麝腦濃不散雞舌細同含未
許攜朝袖還宜奉佛龕荒唐鷓鴣夢永叔睡方酣

交絹

蠻女勤機杼富窻髮未梳縵綠堪比素縞淚或成珠聽
曲彈頭薄敷衣稱體體誰知廉叔度正念都無襦

交刀

寶若新羅劍鉅同大食刀一彎寒夜月三尺曲江清鏡
不煩歐冶藏應敵孟勞眼前無可贈空淬鸞鷟膏

交輿

款貢逢存使籃輿信宿留輕宜乘五柳小亦類千秋丹
服長蟠膝筠簾半上鈎指南曾受賜歸路可無憂

交油

蘇合馳名久茲油可頡頏一爐分甲煎百和采丁香潔
比麻檀白濃添髮髮光姬人要粉沐收入粉脂箱

交酒

古法傳康狄華春燕樂同釀花三月後賽社百蠻中淡

質園詩集

卷二十七

三

淡玻璃碧沈沈琥珀紅醉鄉畱化外一斛勝新豐

交筍

種竹盈千畝成林在七源

七源交州名

春風搖鳳尾夜雨長

龍孫玉版閒中課珠良徵外村豈無西嶼夢清味似鄉

園

質園詩集卷二十八

會稽商盤寶意

行春雜咏

暖風如酒最難禁任昉行春愛獨吟省俗村莊多儉樸
試衣時候半晴陰三關鎖鑰非天險二月鶯花似海深
雞犬武陵人世在翻因迷路得相尋

名勝休辭一再探筍與小坐野情含深林麋鹿遊難見
大澤蛟龍睡正酣六服梯航長向北百年兵革罷征南
守臣謹奉脂膏戒絕徼看山意獨貪

冉冉條風漾遠坳榕陰蕉葉十分青負薪婦女俱係提

質園詩集

卷二十八

一

臨水門墻蚌蛤腥絕少衣冠何用褚本無訟獄豈須停
狼歌唱罷搖歌續到處含情不厭聽

晴後微寒雨後暄登臨勝概在郊原初無精舍畱靈運

可有遺經注道元古磧草肥春牧馬斷崖月墮夜啼猿

依然位置同閒客騶從何曾夾道喧

西嶼東屯步步連午雞聲裡起炊烟老農未解行秧馬

稚子何知放紙鳶青苧彎頭飄酒肆畫旗牆角見秋千

蠻村風景詩人筆如綺如羅直萬錢

勝壤芳踪最易陳一囊古錦鎮隨身垂楊影外聽鶯路

野菜香中叱犢人建業繁華成昔夢永和觴咏又良辰

工詩要此吳興守何處汀洲采白蘋

東君盛德啟芳韶特地探春破寂寥過勾芒檢出火

降來戴勝栢垂條怕逢交節連宵雨幾度臨溪獨木橋

紫妃紅長潑眼不知何日是花朝

萬里炎荒久繫匏獨行遊在巖初交雲籠碧樹禽聲密

草似黃沙虎跡交千古土風郵轉換一時輿論任譴譏

案無留牘庭無訟賦得新詩小吏鈔

修葺麗江書院延師課士賦詩四章

待聘誰攜席上珍至尊不薄讀書人七旬千羽三苗

格一代鐘鏞兩序陳小邑豈無忠信士宛官曾作語言

質園詩集 卷二十八 二

臣公門從此多桃李交萼連枝滿院春

麗江好片碧玻璃芹藻交橫入類池誰似文翁能化俗

人稱穎士可爲師隋珠和璧都無價鹿洞鵝湖各有規

指日嘉賓看式燕諸生解誦德音詩

典學熙朝景運開藝林久已闢菁莪文衡正待宗工

掌上氣曾蒙聖澤培百粵山川呈秀麗五溪蠻獠息

喧騰城東彷彿元亭路合有茶芭問字來

講堂清切傍樞星近聖人居至德聲名院聲中春負

笈扶疎花下午橫經香浮鵝尾嶺重簾卷雨洗龜頭名

壘嶂青柳不彫朽潮漸盛千秋前哲足儀型

蠻風

世泰從無埃火驚萬峰深處一孤城七擒已矣平蠻績

九折還爲叱馭行邊郡守關銅柱壯戍樓吹角玉繩橫

懷銘自記殊方事疎拙何由異政成

南交風土望中收可惜都非少壯游王會丹青圖鑒齒

蠻村昏黑出飛頭檀溪魚美香無比香魚產檀溪中果樹蛟

生種尚畱最是使臣多好事將詩傳到祿平州

花鈴椎髻近如何舊習從來要濯磨張網廣求山獍獫

登槃初試地菠蘿拂牋几上纖塵少挂笏樓前爽氣多

預料他年填下考未能撫字拙催科

質園詩集 卷二十八 三

山名進寶嶺分茅誰信蠻鄉是樂郊銅鼓至今思馬援

銀坑何處問黃巢農家競采枕榔麵春意全歸豈薺梢

蠻景觀風通政治豈宜鼓瑟柱多膠

東風著力破沈冥幅幅春山展畫屏石徑草深鳴蛤蚧

野塘波暖浴鷓鴣餘霞未散都成綺落絮無端欲化萍

節物動關詞客意含毫重與補圖經

試燈風過競鞦韆春事趁趨到禁烟費菜碧於新漲水

薺花黃入老晴天難攜仙客懸崖杖苦憶家鄉上冢船

迎送漫勞諸父老共斟社酒祝豐年

黃金藤懽歌

百步山深瘴雲碧千歲古藤蟠石壁土人攀援施新藥
手攀一束黃金條以藤爲管引盈尺此器宜雙不宜隻
取食虛蒙養發名用通中藉等欲近君王席土人持
贈存深意朝夕多能除瘴癘凡俄騰煙關光山山僧
帶烟霞氣不貪爲寶吾所聞是金是藤誰與分田家拋
棄官家愛削檀琢玉徒紛紛我來典郡冬春歷暮夜辭
金人未識色配中央價不輕受之惟恐傷清白謝爾殷
勤投箸起異物休教入圖史且覓堅蒼七尺藤扶我登
山拾松子

星月菩提子念珠歌

質園詩集

卷二十八

四

丙子沈恭人愛脩梵行舊得普陀星月菩提子
念珠一串宣揚佛號有年矣今春出觀以詩紀
之維摩處室法喜爲妻偶落言詮皆非真諦也
同普陀山遠在南海中青蓮千尺層波湧內有紫翠
琉璃宮大士慈悲衆生喜鵬鵬楊枝皆不死攜將甘露
灑山間結成一握菩提子其上有星還有月星不移躔
月無缺入手如垂奎壁文懸胸豈墮蛟龍窟老妻長齋
綉佛前摩尼百八親自穿喃喃口誦觀音祝大宏誓願
生西天我本皈依通梵夾現宰官身來說法常持戒律
勉循良實少慈航濟窮乏萬事優曇頃刻花朝珠欲卸

試裝裝待攜皓首齊眉侶同禮三觀到落伽

猛虎行

白雲巖前風捲沙猛虎夜入村民家鼻息如雷方睡熟
席地幕天充虎腹須臾虎去集四鄰但見殘血模糊染
崖谷我聞此虎橫暴勢莫當巧偷潛竊人未防穿墻伎
倆竟如鼠會須治獄逢張湯太守下車有嚴令廣置虎
籠兼虎牢胡爲白晝深藏黑夜行遇兇敢與玉章競安
得宜與周孝侯助弓突射南山頭虎患永除虎穴搗穩
放畔牛臥豐草

以人面竹杖寄崔司馬研澗

質園詩集

卷二十八

五

吾聞棕櫚葉散夜叉頭芍藥花開菩薩面此竹如人態
不同宛轉鬚眉驚畢見苦竹爲鎗笏竹城五十三村曾
弄兵蠻疆種竹有嚴禁獨許瘦玉搖風聲斫取青光盈
五尺天然面目非雕飾好助仙翁採藥行偶逢隱士耘
田植崔公六十宜杖鄉分符贊郡居平塘琅玕截得遠
相寄稜稜晚節凌秋霜隨身鐵杖吾何有題詩能繼東
坡否千里殷勤祝哽心樂全佳世稱耆叟

題梁崑壁桐陰仕女圖

一葉高梧正墮階美人各上共秋懷披圖瞥見驚鴻態
被酒曾眠小鳳簫崑壁畫室名小鳳簫茂苑蟬聲疎欲斷杜陵花

信巧相乖韶年往事渾如夢惱亂區區事

春日遣懷

蠻風雖陋却宜觀省俗長須譚字官擊鼓正逢春社集
吹笙猶快畫樓寒玉脩花肯全身現金桓山容正面看
莫惟吏民多玩法經時不整惠文冠
門無一客費沈沈對景宜披覽勝襟不集梧藏異采
思思柳柳新音居家自喜貧堪賀涉世猶嫌老未深
重憶騎驢京洛地屢攜方翅避楊情
經術何曾得貫淹解巾臨郡閑涼炎蠻方二麥登場早
邊地三關掌鎗嚴簾外綠陰春睡足鏡中白雪曉梳添
質園詩集 卷二十八 六

坡翁舊取魚鰕比自覺頻年懶出兼

種菜

舊賜在嘉音適口羅珍饈摘蔬良復美宜與園官謀公
解多隙地舊爲瓜芋畦五畝就荒蕪知圃海所優况當
春雨後潤澤如膏油雖非枕禾黍亦必施鋤耨四時甘
脆足一壺龍愁收誰言食肉鄙淡泊儒風所及共漢史
解不學公儀休

課讀

滿腹乏藏繼連屋多遺經教子復教孫葆茲世德學新
縛三朋茅燈火深夜青讀書得琅琅側耳不厭聽天下
幸無事老幼康以寧能挽兩石弓不如識一丁阿翁雖
好學奈此雙髯星端藉後起賢玉樹生階庭督課成短
章聊作座右銘

食鷓鴣

萬里南荒路舍情食鷓鴣勸人付不得憐汝幾何辜
俗多嘗此鷓鴣愁暫解無明朝林外聽鶯却數聲呼

鷓鴣唱歌篇

質園詩集

卷二十八

七

楊桃作花春水老郭公聲裏青山曉踰歌連臂滿芳郊
蠻女蠻兒爭起早麗水新波一幅長朝來隊隊戲鴛鴦
赤繩繫足欣成偶碧玉迴身願就郎雄蜂雌蝶紛求配
傾筐落實何須待舉策將嘗擬奈羹定情先解道關帶
君不見清溪士女相並
工贈胎芍藥翻嬌紅宜聖耐詩存鄉衛幾曾太史遺
蠻風從來禮失求諸塗如此來陳安足爲典郡漸無易
俗權道旁回轉轉春馬

石孔尊歌

太平七州山嶽嶽石孔下垂如束雪巧匠運斤歸自然

不取方員取坳凸宛轉琢成浮白尊內柔外剛氣存
嘉賓列坐正酬酢非金非玉手無門肯開王烈入山逢
石髓此乳延年亦如此醉客無心共掩抑胡兒不識將
酥比穠李天桃春書芳家開燕合歡堂已盈鐘乳三
千數豈少蛾眉十二行我今得此全無用淺量何勞春
滿甕他日還鄉憶異山嶺雲青入幽人夢石乳產太平州異山者佳
亥緒斗帳歌

玉虎牽絲秋影碧盈盈交女當窻織綺綃一東還剪綃
薄霧輕雲淨無迹我年五十得老翁舊在紙帳梅花中
龍州別駕遠貽贈流蘇四角細濛濛青賢守約冰霜凜
賈園詩集 卷二十八 八

少陵謙讓辭鯨錦服飾由來成不衷要令樸素存衾枕
聖朝威德敷百蠻日南貿易通三關守臣臥起蒙天澤
月照涼幙夜夢聞華夷向化安咍噫時平不敢談兵幕
十幅何能庇萬人書生愧少寧邊畧帳兮帳兮隨我歸
田里滿院綠陰春睡美

同年任太守處泉卜宅鑑湖重建放翁快閣爲里
中一勝

蒼雲莊是放翁居良友新來賦遂初入蒼烟嵐羅几席
忘機問答狎樵漁故鄉處處皆蓬島晚歲悠悠憶孟諸
稽山漫勞千里駕蕩舟相訪到嵒除

芝瑞堂前新松蒼翠可愛婆娑其下以詩贈之
前守愛松能種松童童結蓋經春冬玉芝西望出瑞應
至今暑院多清風炎方花木四時茂開門紫樓紅芙蓉
終當讓爾愛人行之而拏攫非凡容卑宏不可作張璪
安能逢爲松寫照無妙手儻然獨撫蒼髯翁故山勝友
難得見連宵夢到天南峯吁嗟乎新松雖小龍性具有
日高騰入雲霧

舊芳甸湖都門近詩卷後並東魯甫樓庭
天衢如綉挂衡車賞遍長安百種花對奕羊曇屐敵手
學詩鯉舍早成家古桐奏罷元音在春草吟餘老輩誇
賈園詩集 卷二十八 九

賜有春草詩最工爲石帆周此事由來關福慧傳衣何
惜一袈裟
京華旅食近何如綠繞樓臺雲隔起居君好譽兒寧是癖
人言似舅或非虛待攜聚窟洲中伴直探靈威洞裡書
二老堂堂擅旗鼓從冷寒氣欲消除

聞石帆學士新納燕姬吳甥有詩戲和
玉堂天上度春風揀取芳菲一捻紅問道百金新購得
小名合喚小玲瓏借用東坡語

願曲江東舊有名老懷宛轉悅傾城豐貂官燭春溪上
頭白脩書宋子京學士年已周甲

居士禪心繫在泥散花天女似韋提儘教香雨曼陀汗
丈室曾無法喜妻石帆新有騎省之婢

舒將纖指長磨墨並著香肩正倚闌菊秀蘭幽公自品

好花何碍霧中看石帆短視

侍史盈盈冶冶年雙清掌稿瘴雲邊少陵妙語延齡訣

媛老還思玉有燕子於前歲曾納楚姬攜至嶺南

得代有期內子先往梧郡以詩送之

甘子黃時會我來荔子紅時辭我去燕鴻旅跡閱春秋

臨岐無計攀徒御我年弱冠方就婚朱陳同里絲蘿附

鮑靈少婦能挽車孺仲賢妻長擁絮宦游吳楚鎮相隨

竹房夜雨

不覺蹉跎兩遲暮昨歲分符盡室行五嶺迢迢等閒度

官舍爲家寂寞居衆難繞榻恩勤護瓜期將及我還留

梧郡非遙卿且住蠻童傍砌命栽花侍妾鳴機工織素

漫嫌漂泊類萍蓬豈可繁華厭荆布烏鵲南飛三匝勞

今秋未卜棲何處等是人閒郵傳場安心大得觀空助

焚香稽首禮慈雲佛力能消諸愛怖

竹房夜雨

密密疎疎響深宵竹屋宜酒人初散後詩意忽來時夢

破窗蕭瑟聽餘覺別離明朝勸農去播穀不應遲

送海峯同年歸維揚

暇官不妨遲致仕不嫌早漫漫宦海中薄暮收帆好
昔登賢書手握琳琅寶雅歌鹿有鳴往跡鴻無爪荏苒
廿年餘分符來嶺表兩萍意外逢相對披襟抱酒花照
砌斑經雨誰能掃感茲韶序移思將令名保麗水綠溶
溶一葉扁舟小故人從此去秋到蕪城老

熊掌

摩訶仙厨珍饈美國君饗異品得熊羆厥味全在掌引
氣已無成就烹不爲枉偶供會食需休作蟄居想蠻方
崖洞深百獸結羣黨虞人善張羅搜求亦云廣此熊歸
束縛安能逞雄長一害勇夫除雙蹄坐客饌玉脂不同

竹園詩集

來山館難再往生入明王夢死邀大賢賞世無知味人

取舍味微茫松韭原自佳淡泊存天壤顧茲藜苳腸下

箸終勉強三復斯千篇祥徵記嚙齧

山羊

蚺蛇珍在膽蛤蚧用在尾爾羊山中來乃爲血而死懷

寶能殞身萬類盡如此南荒無異產羴羴稱美療傷

勝刀圭充貢隨篋篋當其捕捉時張網深林裡上天難

奮飛入藩猶觸觚宰夫執蠻刀取血不盈盤藟爾一器

貽居然百朋比玃玃非易獲公符下鄉里土官施鞭笞

付民廢耘耔一物役千人作俑知誰始 聖主勤痛瘵

惟能尸事
惟及交趾噤噤與猶芸芸皆赤子茲弊宜革除

卜夫人守城歌 有序

前明陸川令張子翼之配卜氏值其外赴官邑
中冠起倉猝卜氏親督鄉勇守禦未幾糧盡城
陷以身殉難葬於萬丈坡蔓草殘碑芳蹟湮
沒西蜀石明府崇先來攝邑符請於當軸慨然
建祠而俎豆之千里寓書徵詩於僕遂賦此篇
詹詹小言何足闡揚幽隱聊答明府謦譔而已
昔聞勒正禦金師梁氏臨陣椎鼓聲又聞周帥鎮寧武

寶圖詩集 卷二十八 主

劉氏登垣率婦女兩媛氣槩何堂堂誰歟繼者垂芬芳
其大臣報主能將隻手扶天綱陸陽勝國遭兵燹
昨屯知不免赴省難邀縣令歸守陴悉聽夫人遣
黑雲回合城欲傾孤軍力竭無援兵受圍漸失揚旗勢
後聞俄聞碎玉聲烈婦捐生羣賊去夫人錦徽隨朝露
鬱鬱深深萬丈坡云是當年埋骨處一代朱顏事可哀
忠乎義感起風雷蛾眉雄畧有如此肩膊腰屈直愧哉
賢侯弔古褒奇節秋菊春蘭永無絕毅魄貞魂招不還
杜鵑滴盡三更血

三觀篇

一觀盈尺背刻國祚笠穿履眉山蘇一硯五星聚東井
有芒彗熊文炳炳最小一硯圓不切其形宛然度索桃
三硯相隨多歲月北走燕齊南入越馬蹄龍尾滿人間
此硯文房自怡悅膏映先代無所貽石田方寸勤耘耔
磨穿要比桑維翰棄舍曾聞吳隱之平生嗜好輕珣玖
列生東元如益友收匣長凝蓋雲臨池欲捧纖纖手
我從庚戌除翰林玉堂天上宮漏深清晝校書全賴汝
梨花雨細春惜惜一麾忽改專城長快放蓬萊出雙掌
人在塵埃硯亦羞剖符猗作登瀛想柳西別業幾時成
洗滌流泉一掬清泉固不用殷侯贈綸閣休看鄭相爭
寶圖詩集 卷二十八 主

玉鵲歌

鏡前角作鵲誰將玉代之昔爲童子帶圓佩今見女兒
鏡內攜玉性溫和玉質潔良工雕琢真工絕中有纏綿
一縷心春惹難解相思結我逢古器頻摩挲玉印玉環
皆作歌眼前璀璨忽睹此賦詩其奈含情何秦歌漢歌
非近代出土千年長不壞繫向輕羅小扇旁行人遊在
鏡山外 丙子臨行 取此鵲眉

歐陽桑花下

庭前兩樹紅佛桑尹邢相並影
可憐有色全無香太平無事得高枕
醉後同吟艷體詩為花寫照將花品
佛桑滿院開無數今年此地重看花
及時對景宜行樂彈指花開又花落
春歸為燕先知覺

遣使往梧再寄內子

一枝無定燕雲邊累汝持家井臼
紅兒綠女戲燈前正逢入夏鳴鵲
想到鹿門山色好龐公夫婦至今傳

質園詩集

卷二十八

古

新竹歌

向令擊鼓鳴不已夜裂春泥籜龍起
以青鸞七尺尾平生愛竹如子猷
重村豈無篠簜貢退食常作貧簪
已占蒼髯叟此君相對更相宜
聞說森森竹城郭此地冠昔年
理靜聽受玉敲瑤聲洪園君子年
報詩汝成林結實時衛羅知有靈
離菴

題寧邊堂壁

州號鶴嶺特置官藩臣恭順土會
安連冠豈可疎戎

萬山遠防敗露端故郡思明移未久
浴川跳月風難易比作魚肥復從觀
案牘寥寥吏亦稀紅棉輕絮撲簾飛
安川舊被露酒衣三宿桑柘人欲去
片帆來往原無碍祇算中宵訪戴歸

題秋塘雙鷺圖

眼前所見無紀良寫生又失崔藻梁
先發一枝紅拒霜西風吹皺秋波綠
不鳴不食寒聲肩夜夜白荻洲畔宿
風標公子蘆綺度只在蒼茫浩蕩閒
雲籠月照無尋處

質園詩集

卷二十八

五

書芳甸甥春草詩後

三春賦別江淹老一代知音願况難
題詩人正住長安發家書連邊月拾故官碧映上花明甥詩中語也

南朝烟雨問誰家金縷歌翻穆蕞沙
何處王孫最魂斷

赤闌橋外是天涯余舊咏春草填金縷曲一闕詞云打

最斜斜早斜斜新雨後腰平似柳腰如舞

花芳菲新雨後腰平似柳腰如舞

天秀麗小此詞江南屬和甚多皆看一此

趙秀才古餘劉秀才鳳固皆以中後起之彦相繼

下世同調希矣客次偶憶追悼為詩二樹山人

童穉嚴與兩君深交兼寄省覽瘞玉林

同慨也

青楊居接白楊居雙俊才華世不如一撮豈堪埋玉樹
四明何備解金魚發言此後誰欣賞結習從前未破除
迢遞小勇山下夢樂川旅鬢已蕭疎

悠悠生外死交情宿草雖多淚尚傾穗帳幾曾逢蜨化
故人久已罷驢鳴餓寒不到重泉路後及空留一代名
知有借菴懷舊賦缺歲新居各借菴聞猿禁得第三聲

題慈溪沈蘆山艷體詩卷後

宋時學西崑體者楊錢之外有文忠烈趙清獻

微園詩集

卷二十八

七

諸家路公以功名著清獻以介直聞而詩格殊
不類其人始知賦閒情者不獨一陶靖節也亡
友沈蘆山古貌古心游楚八年好作崑體此冊
得諸鄂城乃其吉光片羽耳結習未除斯人安
在對此但有撫然

馬蹄秋水言皆寓鹿苑春光意是禪證得空空無上法
不妨長住散花天

南楚登樓眼界開司勳原屬不凡才誰知黃鶴題詩
會賦鴛鴦被罵來

瑤臺何處訪仙踪極目蓬山一萬重王母侍兒皆絕代

不知誰是紀離容

紅豆江南子易生想他名士悅傾城春蘭秋菊芳華在
招取吟魂逐四明

冬夜富仁軒先生招飲陳其家部冠絕一時卽席

成咏

小部充庭舊擅名鴉黃螺翠可憐生風流何似香山老
自按霓裳一曲成

纏頭豈惜錦新端出色花枝倚醉看簾外濃雲天似墨

九華燈下不曾寒

印床喜得簿書閒紅豆拈來一破顏陶寫中年藉絲竹

賈園詩集

卷二十八

七

杜林從此有東山

生領風華在瘴鄉頓教肅月轉春光安昌門下徵歌夜

也遣彭宣到後堂

金尊灑灑行無算銀箭丁丁響莫催記取思公畱守日

西京賓從盡歐梅

蠻中所見花草多異擇其有名者爲詩寄示鄉人

龍鬚花

托體原龍種畱髯在馬塍小臣攀未得仙館將何什朝
暮霞光綉青紅海氣蒸誰教籬下寄雲路不能升

玉修花

花是藍田產何人巧琢成乍逢秦弄玉小謫許飛璫對
月全無影臨風綽有情強他張敏叔十客未標名

扁桃花

種異元都觀名非度索山探春來五嶺含笑向諸蠻流
水行難盡斜陽照漸殷休疑武陵路一入竟忘還

觀音蕉

妙相何年化成林綠滿窠慈雲春不散香雨暮偏多一
現同優鉢全身在普陀祇宜禪榻畔長對病維摩

懼內草

此草趨時尚垂頭偃短籬胭脂難避虎哮吼况聞獅指

贊國詩集

卷二十八

太

倭安能及忘憂未可期剛柔應自審不要疾風知

獨脚蓮

夕藕芙蓉號盈盈不在江愛看身樣小疑聽足音聲舒
葉渾如艾垂條亦類紅玉兒誇步步宜隻更宜雙

贊國詩集卷二十九

會稽 商 盤 寶意

讀少司寇繆澧南先生餘園遺集題詩代跋兼寄

令嗣海峰同年

南施山北宋嘉不尋常秀水竹他山初可頡頏畢竟扶

輪歸大雅吳陵得寶疏堂先生家秦州

天女維摩盡解禪東坡湘山湘水別多年香山如何宿

世張文定昆勒經函窮未全公初時夢至一古刹證

第一官須第流玉堂紫壁畫瀛洲往來朱雀航南路

不要車前列八驕入驕朱龍航南路只愛車中七

贊國詩集

卷二十九

一

百榼千鍾世共傳西清雅集飲中仙汝陽一事直留恨

未得移封向酒泉先生洪量有汝

紅粉成行且莫迴九華燈影簇深盃鄭嬈曲曲春風手

賜斷當筵小忽雷集中舞燈行小忽雷歌

泥人花月在長洲海湧山前愛夜游如此新聞傳不絕

當年臘月作去中秋集中有臘月十二夜游虎邱詩一

前重顧

梓里溪山卜宅宜鄭公祠共柳姑祠風流好事輸前輩

早有雷題絕妙辭子卜居在鄭公柳姑兩祠之

後米詩篇戢戢多皇華游跡盡銷磨平生咳唾皆珠玉

其奈人間散落何先生奉使江右自云有後集則其舊著散失多矣殊可惜也

千秋驕雅總和平清響樓中響自清澄得三閭蘭蕙葉

辦香何必奉新城清響樓公所居漁洋書室正聲

校書東觀徒嗟晚余於先生為飛燕西園竟未逢每誦

公詩如薤露海山歸去是何峯昔年來湖海山歸去是何峯公集中詩

警意弟從定番州寄書鶴一幅題詩其上

幼前春令篇深知在原義長分鴻雁羣各有稻粱計豈

不懷舊巢欲展凌雲翅迢迢定番州奉檄居荒裔寢興

尚憶旃兒日嗟予弟一絨遠見貽中有纏綿意寫此九

寶園詩集 卷二十九 二

阜禽恍從三島至不飛復不鳴獨立丰標異芝田方就

荒於汝亦何利會須脫樊籠高入層雲嘆

洋菜莉

南花推素馨茉莉品居亞雖非漢宮姬亦是媚媚化此

種來東洋海船連帆卸彷彿許飛塙初向瑤臺下又如

越娃好體香非外借旂旛最占春婀娜偏宜夏點髻晚

妝成橫釵新浴罷伴老愛曼華曾擲千金價妙喜不重

逢摩登殊可怕障礙老來除獨臥清涼夜紙帳有梅花

寒芳長不謝

水晶鉢

憶居龍尾街曾賦銅鉢歌具區老好古詩餘同摩挲
廉其區有此器光皎潔良工經琢磨一六所生成凝結
陰陽和貴可並金玉珍亦同官哥佛力大無邊聞攝賓
迦羅鬼母逞雄威能揭此盞那我思清淨退苦行如頭
陀沿門長乞米未見香積多欲授無處能奈此法器何
不如盛美酒滿酌朱顏酡

苗錦

千羽格虞廷未聞方物貢篚篚遺荒服寧充天府用有
苗在上古不與中國共百粵秦漢開置吏同梁雍綉面

與雕題咸知惟正供熙朝文教敷六轡皆馭控梯航

寶園詩集 卷二十九 三

久已通紡績亦云衆就中椎髻女村軸當隱弄異錦一

朝成天吳兼紫鳳平鋪剪不分細入針無縫番褐未爲

奇交紗安足重迂生守清白施設多愚憐他種婦勞

卻彼土官送織素老妻工可免全家凍

隆安扇

陳思賦九華逸少題六角安石取蒲葵景秀翻蟬雀團

團形象更聚撒仰伊作夏舉與冬潛鳳虬踪跡托茲扇

由蠻鄉古製儼猶昨月輪滿不虧鏡匣塵難著祇堪纖

手擎曾見洞房卻京兆無威儀便面車中握顧此滿懷

風安能揚廣莫玄思慰庶黎撫渠增愧怍

雨不止

泰基二氣蟠洪範五行列陽雨母取恆厥義謂前
備同極無均未知時節芒種雨經旬細恐傷苗葉雷爲
王虎鳴電作金蛇掣得非人事垂誰取天符寓芸芸十
萬戶催耕聽鵲鳩平疇耘稻梁近圃栽瓜瓞端賴化機
和無虞民力竭矧茲徭徭鄉不善溝渠設旱澇任自然
何法施漸洳我從田間來作吏安疎拙愁霖與憫農輟
轉心如結淋漓樹屐屢遷蹢蹢香頻蒸一室豈足憂所憂
江海決安得端宇潛倦闌望寥泚

憶金陵舊游 并序

質園詩集

卷二十九

四

吾鄉放翁在蜀十年曾有所盼歸日每懷舊游
屢見吟咏僕於金陵亦然月地花天復此追憶
不知身滯百蠻也

選勝驚花幾度經吳娘低唱酒微醒誰知暮雨瀟瀟曲
偏向蠻村意外聽
何處南朝不可憐屏中樓閣鏡中船茫茫洗馬愁難遣
已過羊車入市年
驚坊寂寞鳳臺空白髮吳伶話故宮外院尚橫金鎖戟
內閣誰奏玉玲瓏

紅袖烏絲奈爾何最是玉璫花月

江南從古曉風多

湘莊玩月凭闌坐梁緒簪花側帽歸古巷
重來惟有舊烏衣

淡金宮柳乍垂絲曾和龍潭旅壁詩記得紅羅亭畔立
四條絃急而來時

名士當年說過江園基邀笛總無雙只今惟有青溪水
九曲潺湲到客廬

崔嵬蘊藉終難喚張敞威儀不耐修祗合水晶簾子下
綠雲滿握看梳頭

壁荔吟

質園詩集

卷二十九

五

得甘於回待嫩醃威儀而食嫌舊歌荔子能兼色味香
日日宜宜三百啖晚年與郡殊碌碌手壁輕紅意無厭
玉體初逢錦帳陳金槃不用冰鹽糝頰頰姑射爾何慙
唐突夷光吾未敢兜率蘋婆舊擅名如來唇色還堪掩
長公願作嶺南人對此欣然忘謫貶試聽柔奴宛轉歌
炎荒莫起離鄉感

承乏邊疆訟簡民安得詩五卷志喜

心太平時俗太平澹然公府有吟聲一麾不愧東陽守
元暢樓中八咏成

高陽酩酊戒山公吟徧蠻花百種紅落日大堤騎馬路

免教拍手笑兒童

玩月良宵不負春魏城君語是詩人梅花詩院依然如

惜少同時趙德麟

香山宦跡未全殊長慶詩篇數又符他日洛中傳九老

文冠知人畫圖無

歸程

料峭歸程整妮裝無多舊履與琴囊行人正避新禾瘴

夏秋之交臥榻還懸舊竹房微外山川原自美公餘誦

讀未會荒分明又向桑乾渡回首并州是故鄉

往耳瞻涼半載餘登車重憶下車初兵非北府何堪用

賈園詩集

卷二十九

六

土著男弱女習是南蠻不易除豐樂新亭誰作記

偉畧我原疎一甌麥顛披襟坐將老還看夾注書

本是蓬萊脫籍仙休矜垂暮一城專爛編鐘鼎誰銘勒

項細蟲魚自注箋內翰此閒無坐地文人宿業定生天

渭南莫嘆朱顏改梁益何曾滯八年

放翁詩八年梁益周朱顏

點染天花結習深偶然示病印禪心逢場竿木隨身戲

往日山茨抱膝吟小草半生違遠志涼蟬前路送清音

吾家貞義應相慰垂榮會無一餅金

用列女傳樂羊子妻事

歲值實興有懷待聘諸君各寄以詩

淮上程魚門 晉芳

夢何通波九曲邊槐花黃近已涼天豈無淮海開居集

素少游著准合有昌黎薦士篇北斗望京成往事西門

京兆南國錢別又今年庚午北上石丁家水樹聞歌處

試憑通雕閣夜不眠

魚門舊館青溪水閣

錢唐仲燭庭

蓮紫

華月韶年付剎那可能無意惜蹉跎隋珠在手休論價

楚澤含情乍起波絕代才人成佛易向來名士過江多

吳兒誰道心如石試唱鄉音一曲歌

用晉書夏統事燭庭別字小海

山陰劉豹君

女蔚

蘭芷芳馨問澄沅真成飛蓋憶西園

少時與豹君聯雞西園十子詩社雞

賈園詩集

卷二十九

七

羣自昔稱嵇紹龍腹於今重祁原少日俠游經柳市晚

年寄托在桃源文章聲價千秋定此事安能不屬哀

外甥吳芳甸

瑣

遠道鱗鴻信杳然王韓甥舅最纏綿久留伯玉登臺地

已近蘭成射策年春草有詩傳藝苑

甥賦春草詩最工

秋宵何

曲奏鈞天逢時利器如龍雀百鍊還應勝赫連

家五弟童初

衡

昨歲曾為入洛游遙聞秦贅在商邱

弟入贅一頓先已歸德郡

登方丈四海誰能及子由竹榻幾時還再對梅花隔世

正宜修老兄才似江淹盡望爾新成五鳳樓

津門查敬亭

玉聲度曲酒微醺寶硯齋中每夜分前冬訪敬亭于寶硯齋聽奏玉聲度曲泉下故人長入夢尊前公子又能文少陵存沒寧無憾小宋風流迥不羣好奇相思團扇上含毫為畫敬亭雲

楚中方資石

幾回听憤漢江濱會嶺幽蘭雜佩初楚士誰能如屈宋蘇門何幸得張秦生為余壬申分校所取七年刻劃方成楮一代媚娟尚鬻薪此後名場須得勝再休悵中副車人

質園詩集

卷二十九

八

過新寧州有感

自厭鞭笞最散仙陳情納陛向南天一州斗大前塵在不覺來遲十八年乾隆戊午以館職乞外初除新寧州收尋改郡丞浮沈吳楚歷資遷秩

崑崙關

天險不可升地險為邱陵王公設險守其國重門擊柝民所憑此關發業當邑管天柱移來巨靈腕南望熊熊似有光山海經南望崑崙武襄舊蹟流傳遠誰歟叛者儼智高大羽之箭大夏刀築壘堅將潭毒守合兵久向畢蘭庭將軍應敵施奇計令節張燈深有意雪夜潛師破蔡州乘虛已縛吳元濟折衝樽俎成大功賓僚歡宴翁

未終班超突入狼虎穴日光縱覽過茲宮從征將士齊魯裝得蒙恩長守土蠻荒漢代已難平諸鎮唐室寧受撫只今收土半歸流亂關鯨吞一旦休戰鼓無聲埃火息但聞林鳥鳴勒勒籌邊閣上閒垂手在德無勞熊豹守遺鏃千年鍊未銷古原拾得耕田叟

憶家園寄示結纓兩兒

玉蘭花發爛如銀小別俄經十度春垂老酬恩身未退平泉水石付何人質園有玉蘭一本高弟兄萬里乍歸家重向門前理釣查嘯父舊居原近海春潮連夜長魚蝦

質園詩集

卷二十九

九

五僧詩

僧鼠

誰謂汝無牙夜夜穿我壁異哉梁簡文愛此承塵跡

僧蚊

蚊母出西方蚊樹生南海負山縱無能聚雷誠可駭

僧蟻

占候居頻徙爭雄關未殘先生方熟睡無夢到槐安

僧蠹

曾從座上捫個向禪中出小臣盧玉川告天天不識

僧蛙

作賦聞下彬紆青更拖紫令僕世間榮厥狀乃如此

題仇英上林圖

相如託諷賦上林漢家苑園廣且深翠華之旗誰得見
實甫作圖含賦心離宮別館難親護跨谷彌崖制非古
要將苑囿應春秋兼用車徒載歌舞丹青神妙尺幅傳
西陂東沼紛綯連是時萬騎屹不動曙光湧起南山巔
須臾七校森成對君王別領貔貅隊豈同石鼓紀功勳
直寫冰綃垂鑒成好武居神事總虛輪臺甲帳竟何如
漫道西極求仙使且納東方諫獵書

答友

贊圖詩集

卷二十九

十

奈我燕支山婦女無顏色奈我鳳凰池填門辭賀客豪
主昔地分巧取衛卿得等是攘劫場何分螟與螻君身
本意闢世路多荆棘但守妙明心兼持定慧力北溟鯨
化鵬其此垂天翼萬里雖有程六月先宜息願言慎所
之古交知鼎實

古鼎歌

昔日南徐賦周鼎振袂焦山最高頂前年商鼎淮上觀
雲雷繚繞饗餐蟠此鼎蒼茫迷世代爲貫爲崇顛可愛
寶氣汾陰出應期千秋家國關興廢其上有金旁有銀
翡翠斑斑點無色幾會鄭相鑄刑書可與蕭侯紀功德

嗟余好古勝古人恨無古器捫漢秦所重在詩不在鼎
魯齊何必爭質重吾身有鼎當自愛鉉玉鉉金非在外
勸君安置平勿頗一朝折足將奈何

題趙敬灘

履險忘忠信波濤托此生呂梁猶可涉灕澗不須驚激
石熊熊怒連天蟠螭橫沐食舟楫刺來及馬蹄輕

歐胡植堂太守就雅軒出象牙花作供侑觴

樹非樹兮花非花一花皆象牙無香有色不零落
滿堂風露歸豪家切磋細緻雕鏤久化工忽出良工手
桃紅李白帶人嬌竹翠松蒼稱我友平生最識東君面

贊圖詩集

卷二十九

十一

今宵燈下瞻瞻見本在沈迷震旦中是真是幻何須辨
南方美產馴不煩蠻兒乘象能據鞍生前未脫狹身厄
死後猶供照眼看聞說朝廷除進奉遐荒菌草都停
貢浮巧休教蕩上心此花雖好原無用主人大笑客大
痴有花堪賞假亦宜漫勞坐上金鈴索且盡壺中玉練
槌

贈陶穎如卽送其歸里

具剪蓬窗燭其如欲別何鄉心莼菜重歸路夢花多戀
綺殊難報朱顏且暫醺臨風思舊隱安樂尚無富
舟中畫眉鳥其音清越愛而咏之

白黃作花秋似水片葉浮江渺千里夢回忽送最清音
不在林間在蓬底閒身相對意相關呢喃皆可晉
架有多年味嗽書幾無官產香稅米朱戶深沈戀主人
雖能改閉司童子節序推遷鳥預知中含語默舒藏理
畫眉畫眉爾善鳴故山富春無限情何時一棹嚴灘過
臥聽斜陽兩岸聲

紅蝙蝠歌

甘蕉花放深院紅蝙蝠成羣關錦叢甘蕉花謝深院綠
蝙蝠雙雙畫梁宿畫梁燕子方結巢青容異類啄其實
兒童護燕逐蝙蝠抱頭奮翅潛奔逃人生少見多所怪

賀園詩集

卷二十九

三

縱浮蝴蝶車輪大此蝠如仙駐好顏竟時果老今猶在
開落南中幾度花飛來飛去問誰家待求九轉還丹術
一采延齡句漏砂

晚泊層崖下

未可辭登涉何從著喜學水花宜晚照山鳥勤勞人小
耐詩重和髯蘇賦絕倫老龍泓下起來伴獨吟身

敝紕吟

名勝都非訣蕩遊仙踪誰記鳳樓洲敢云史筆推三館
特上封章乞十州釐酒多情宜醅醑豐花如錦又勾留
平生雅慕荀方伯相對真慚雪滿頭

退食從容得代遲簡寬人道守邊宜正逢截鉞攀轅後
已近迎鴻送燕時龍東何堪長被笑榜人未是好相知
浮家泛宅平生志只少漁樵婢僕隨

灘江雨夜頓起鄉思

聽雨蠻江上孤篷夜不眠南湖在何處應濕采菱船我
有臨湖宅荒蕪又三年白蘋風信起香到墊鵝邊

止灘謠

三老且勿喧聽我上灘曲百丈挽十丁前行毋取速
作千運謀勢如萬騎蹴誰遣巨靈掌劈此兩崖谷輕舸
自西來無勞駕帆幅舊日垂里經何入敢爭逐放懷偶

賀園詩集

卷二十九

三

不戒巨石中流觸爾滯困能寧滿盈災所伏翻思上灘
船安穩寧非福

坐月達旦

入峽出峽詩收帆挂帆客多生世網中未許勞肩息今
宵天宇澄仰見月光白下映九曲溪上懸千丈壁蒼鵬
栖復驚繞巢鳴格格山鬼薜蘿衣窈窕深藏匿此時凝
睇望河漢淡無色虹橋接太虛廣寒如可即千歲玉蟾
餘老淚不成滴恍然夢瑤臺萬事隨口出貞吉本幽人
漂泊殊堪惜撫景感年華東流去何極

望水簾

萬里看山意不厭每逢名勝跡長湍前塵已隔塵王谷
又見珍珠第二簾

十五夜對月

玩月今秋第一回琉璃世界豁然開玉闌此夜幾人倚
銅斗數聲何處來望遠未成希逸賦凌虛空憶妙高臺
青天搔首殊難問獨有纖阿尚愛才

秋懷

大火西流節序催涼衫被體碧如苔車前擬就三騶飲
堂上何勞一客來幾見報瑞敦永好真同棄甲笑于爨
人閒疑網重重密纏結新從悟後開

質園詩集

卷二十九

五

五百禪房退院身淡然無喜亦無嗔易看蒲柳成衰態
難得江湖號散人社燕去來原是寓野鷗情性豈能馴
平生閱過魚龍戲觥角場中莫認真

百級仙巖紫翠重探幽攜得一枝筇隔年再到冷然閣
勝概如經卓爾峯卓爾峯在匡廬山簡不妨池館醉鄭虔何畏

長官逢宦情老去秋雲薄惟有登臨意最濃

曾禮元都大法師暮年功行已嫌遲六安寶枕聞雷夜
九轉丹爐伏火時天上新闢留位業人閒熟睡是希夷
散仙問道無拘束那得鸞輿與鳳簪

南熏亭題壁

吟徧殘花跡已陳凭闌含意最難申薰風亭上秋風客
老盡江山萬里身

題西林相國戲彪圖

秋原剌剌草微綠內有於菟平地伏此虎不怒不負嵎
衆彪爛漫如衆雛炳蔚未成牙爪具兩兩作戲爲親娛
畫苑流傳識包鼎本朝又得高鎮嶺西林相國能繼之
寫出南山駭人景真虎不如假虎活與尾持螯心自悅
馮婦雖然未下車班生只恐來探穴君不見天陰日暮
風滿堂北平太守雙鬢蒼

送劉香巖太史使旋

質園詩集

卷二十九

五

銀漢紅牆使院深聚星堂下暫聯吟校書本是劉中壘
分取藜光照鄧林

北臺春晚舊停車資福看花繼大蘇二十三年彈指過
對君重憶玉盤盂雍正癸丑省親諸城攬九仙五蓮之勝距今二十三年矣資福寺玉盤盂

見東坡守密詩

清芬環頰有家風持節重褒繡塞功用魏尚事時司寇

蒙賜賜第恩到日趨庭新賜第春明坊近五雲中

花送征輶夾路香攜將彩筆紀蠻荒明珠翠羽渾無用
滿載歸裝笑陸郎

題望洋圖

會問作賦木元虛忽見滄溟萬里河
伯陵圖說要知鮫人稍盡泪成珠
絕無若士逢雲表可有飛廉寬海隅
如此茫茫朝夕對枉攜童女訪蓬壺
蕩雲沃日吐光芒陰火陽冰接混茫
鱗甲漫驚龍變化樓臺直笑展荒唐
鵬程有路三秋迴犀炬無靈百怪藏
豈特麻姑歎陵陸大千何地不滄桑

鴈毛扇

豐滿多年羽翼成何來掌握好凉生
會隨鴈鴨三秋迴忽與蒲葵一樣輕
身後藕絲全得解眼前蟬雀不須驚
重思雨血風毛地莽莽寒原百里平

質園詩集

卷二十九

六

鳳舉龍潛進退中冬則龍潛夏則鳳舉知進知退隨時出處係前人所贊凌霄猶奏郡君功北史齊後主鷹有凌霄號雖無小月乘秦女亦有深秋感漢宮
搏擊可能除鷙性導揚畢竟動仁風
綸巾諸葛今何在白羽揮殘故壘空

月下新妝出綺寮銀河低映玉繩遙
草枯木落知何處鬢亂釵橫奈此宵
猛士圍場從未按美人手澤最難消
嫩涼只在修翎內不藉明珠向晚招
珠有招涼之名聚頭無力懶頻開健翮何勞更剪裁
東晉翩翩揮扇渡西風獵獵掠鷹臺
流螢小撲隨高下狡兔多替任往來
玉爪金眸豪氣盡人間誰惜不凡材

題大獵圖

蒼隼摩空一碧開蠻獠百隊繞龍堆
鴈鴒小管吹霜雪知是金人出塞來

近形造勢指幽燕畫出崢嶸殺虎天
莫道生綃纔尺尺黃雲盡處是三邊

草衰葉脫畫冥冥朴渥伊尼走不停
如向玲瓏山外望天風怒擊海東青

憶獻長楊傍羽林蹉跎踪跡入山深
健兒且其誇身手歸臥會無見獵心

稽中異產四咏

質園詩集

卷二十九

七

仙人掌

我聞漢宮盤上有金莖露仙掌幾時
畱銅人已非故春風透指失綠遍蠻村路

霸王鞭

重瞳蓋世雄夜帳聞歌起鞭亦一人敵
不救陰陵死籬落有英名欲返江東恥

水腰子

腰爲身之中木乃肖其狀成器歸琢磨
瑤瑤不相讓蠻雲深更深拾子層崖上

千張紙

贈貽九萬牋舊傳王內史豈知片葉中藏得千張紙煩
他吳彩鸞寫韻霞光裡霞光 卷名

落葉

綴樹必離樹非關秋氣深續紛逐人跡剝落見天心
理婆娑在斜陽點淡沉哀蟬曾有曲爲爾撫瑤琴

題七賢過關圖 并序

世傳七賢過關是開元雪後張說張九齡李白
李華王維鄭虔孟浩然出藍田關遊龍門寺鄭
虔圖之見陸深玉堂漫筆余愛其事爲賦此詩
玉峯雪後青無痕梳翎衆世寒不喧畫圖何處得此景

質園詩集

卷二十九

大

七賢同日游祇園三郎四紀作天子太平盛治稱開元
二張二李王孟鄭誰歟策蹇誰乘軒溪山勝槩赴幽賞
想見拄笏巖眉掀鼎湖故宮垂異蹟輞川別業如仙源
龍門寺古更清絕宜有倡和留邱樊姚宋云亡楊李相
范陽戰鼓驚中原青騾曉辭京兆驛白鳥夜宿延秋門
馬嵬西去數千里百官倉卒成都奔秦嶺回看半烽火
五更月落啼哀猿茲游天寶難再續盛衰轉盼移涼膺
廣文寫照傳藝苑近形遠態神明存今宵有夢隨諸老
藍橋流水聲潺湲

慰芳甸甥下第

爾爾多年嘆式微餐餐韶景訝全非君門三已無三獻
仙館珠難瘥一飢燕侶待尋何處社花香空染別衣
騎驢懶作京華客且趁春風席帽歸初替居都門 故相太師

李禹珣畫蘭竹

蘭爲王者香竹爲君子節誰收八幅中相對兩清絕李
侯亭亭玉不如與酣作畫同作書湘皋洪渙紛在眼滿
堂風露秋蕭疎六一公府如僧廬坐中無花心不舒令
朝曉起拂屏障左闕右竹園台須向背縱橫多態度揮
毫落紙神明俱如現畫松雙管下有生有枯非生枯南
荒九月天未肅童童庭樹猶榮敷垂簾綠陰不在外擅

質園詩集

卷二十九

七

塲妙手凌崔徐是真是幻要參透繩床正結全跏趺
病齒

吾因柔得存齒以剛招悔左輔搖搖懸右車岌岌殆其
餘戲與嬖未動先離解豐饌速嘉賓中厨飭膳宰舉箸
起嘆嗟翻宜魚肉餒大烹養老饕此生知幾載編貝昔
曾誇狐犀今忽敗餘論雖堪借慧思竟安在一笑比張
倉吾亦需人妳

孟愷齋太守在柳新置一舟宛似江南畫鶴余既

以載鶴撫琴題額並賦四詩博太守一笑

凝香小坐日如年名郡分符吏似仙載得圖書與琴鶴

孟家船勝米家船

洛江海水雨濛濛理劇應需作杜才左跳鵝峯石龍壁

忘機鷗鷺忽飛來

綠波浮動赤蘭橋吳苑繁華舊夢過六柱不歸雙燕斷

更無人唱雨瀟瀟

同舟共濟喜連鰲帶水盈盈一葉杭準擬秋來重過訪

鯉魚風送白蘋香

王次古草今年七十有八以書題情奉答

問訊城西舊隱居遠青高咏近何如客來共探梅花冢

老去猶臨柿葉書久厭朝紳離束縛偶繙梵火悟乘除

質園詩集

卷二十九

辛

晚菰早韭山中味爭遣周顒不種蔬丈居遠青樓自營生曠名梅花冢

挽老友唐俊公

海山兜率悟前因歸去依然不壞身九派茫茫楓荻暮

一天秋色弔陶人先生自號陶人

憶聽豪竹與哀絲銀蠟當筵玉漏遲懊惱人閒春夢短

珠山花落已多時先生愛虞美人花會製珠山春曉一曲

侍史娉婷伴白頭彩雲易散豈能留廿年泉下遙相待

不住尚書燕子樓可姬為公鍾愛早化集中有傳

帽巾舊約竟如何華屋生存一剎那他日重經房相墓

杜陵老淚最滂沱向與俊公有禽尚名山之約幅巾野服到花前贈公句也

早涼

人與秋同老卷簾相對暮昨宵疑有雨深院忽生涼捐扇宮娥怨更衣侍史忙杜蘅今在否遠意屬瀟湘

詩集

卷二十九

注

奉檄樓臺

驥駒又聽僕夫歌西指宜陽奈遠何
虛荷上官知惻惻深漸下考拙催科
隨身卷軸裝偏重改土矜狼種尚多
曾是宋賢臨眺地郡樓遺墨未消磨

浮沉垂暮始專城從政曾無果達名
八口妻孥煩寄託一身功過任譏評
休言僻遠寧人易早信文章報國輕
興利不如除弊好要令蠻土樂昇平

賓鴻踪跡愧閒鷗來去何曾一歲休
山月照人長到曉

野花滿路不知秋依然襖被同孤客
如此風光異壯遊絕微侏僂雖向化
久安邊事正宜籌

屢薦無緣樹一揮襄帷行部有光輝
宣城豈待圍棋勝渤海須教佩劍稀
累德或因攜片石酬恩何敢遂初衣

嗔他靈運多疎放列炬游山事總非

赴郡將行許霍齋同年三疊蛇字韻詩以代渭城

率和

多生同樹花過時消蛭蛇漫漫逝水波
寂寂重門夜千古鍾情人獨稱桓叔
夏聞歌喚奈何宛轉不能罷所遇非
芳辰事與烟雲化天南萍梗踪未覓
風流謝昨荷高

軒過倒屣失迎迓投詩七字雄張軍一戰
霸要取鐘磬宜淨將執綺卸念舊成短章
雙輪僕夫駕

秋風鳥詩并序

魚化爲鳥產於馬平趙明府以此寄贈青鱸切
玉黃雀披綿風味兼之商子浪跡南荒秋風雨
度感時物之變作是詩也

鵲鷦鷯未休鵬鵠行不得納納天地開氣機安可測異
哉秋風禽大類秋風客候隨田鼠化身受虞羅厄口腹
累吾曹細不遺山澤堪供七箸需殘忍復奚恤敢變出
珍饈當筵增太息高會代持幣涼颺動蕭瑟

泊蘇橋次日重陽

暮色映山紫含情西望遙秋風吹木葉今夜宿蘇橋獨
飲不成醉良辰誰見招所思千里外何處采蘭蓀

題羅池廟

太息元和守郡年龍城循績至今傳文章漸化諸蠻陋
組豆難酬刺史賢隱隱白駒還入廟嶺嶺丹荔又登筵
夜郎萬里長流客持較愚溪更可憐

謁黃涪翁祠

太史叢祠劫火餘丹霞遺構近何如西江有派歸文苑
南土無人弔謫居名到子瞻寧易並傳惟孟博始堪書

生綺語公應筵紅袖烏絲未暇除
忠節長留死後名蕭然塔下禮先生
林花寂寞低垂檻
溪水潺湲近繞城一代交情命若著
千秋大雅杜文貞
萬紅門外重延佇蒼鼠陰房作伴聲

題清介堂壁仍次前韻

清時雅化慕絃吹疎拙其如曠職何
驥展可能居別駕
鹿鳴先已聽高科奉檄之役仍也知瘠土民還樸且喜
公庭吏不多堆案簿書非制誥
隴猶待遠山磨
繭絲不到晉陽城赫赫從無按部名
流水行雲隨宦況
舊侯新令付鄉評管中版籍千鈞重
身外簪裾一羽輕

寶園詩集

卷三十

三

好共諸蠻歌擊壤含宮嚼徵最和平
行藏泛泛逐鳬鷖大海揚帆暮未休
五袴幾曾歌士女
二毛其奈感春秋平鋪冰簟難成寐
屢載雲旗漸倦遊
析利從來鄙桑孔鐵鹽原不善持籌
玉軫冰絲一再揮娛人到處得清輝
官閒憑几身長健
地僻投文客亦稀燧燧已消還置候
喧涼無定屢更衣
漢朝治行推經術始信申韓法律非

登簫邊樓

馮京守太原德裕銀西川各建郡治樓
其名曰簫邊茲
地雜蠻獠陋習還相沿丹平與荔波
黔壤紛鈞連咽喉

資控扼保障須安全疎才忝守土斥埃無烽烟公餘一
登眺巖岫皆雄妍身閒托聖代俗善因豐年時和清
福具外吏寧非仙

張楚洲通守殺虎歌

上龍下龍多惡山腥風滿村門早關猛虎撲人作人立
黑章黃質何般般虞人應募連羣往此獸安能入羅網
慶亭那復避孫權湖郡須教逢李廣張公堂堂偉丈夫
入山不佩黃越符土兵十隊分肱敢指揮悉聽張公呼
磨牙齧爪咆哮出兩勇相持紅日匿行旅難酬官長恩
殲除豈藉神明力掀髯氣槩不可當寢皮食肉進百觴

寶園詩集

卷三十

四

誰歟變色驚談虎快事傳聞到慶陽鋤奸禦暴民之福
肯使兜徒林莽伏帝世難寬涿鹿擒海隅終見飛廉戮
嗚呼張公珍重埋輪手眼底狐狸竟何有

遊白龍洞

曉出北城門知有登高分秋多長女風路入兼山艮白
龍何處藏爪牙失騰奮得非魚服蒙翻受豫且困雲舒
瀚六合雲卷盈方寸在田與在淵潛見機誰運幽洞閣
神靈古跡無從問

慶黔連疆有懷鄉意弟

絕微題名勝概多暫棲其奈一枝何新詩正感秋風鳥

近集有秋 往事都消春夢縈 綠綺竟成無物報 朱顏能

見幾回 酡黎雲如黛 情千里日送征鴻過 芳波

滄海長浮一葉萍 解巾初見鬢星星 晚年喜得養生法

遲日閒經酒具輕 老酒盈尊如沈瀝 猶酒一諸賢何嗣

是清靈 猶酒一諸賢何嗣 鄉惜少吹簫 倡原上搖身念鶴鶴

游會仙山

百仞天門擁鐵城 仙翁幾度下霓旌 幔亭罷奏安陵鼓

縹緲疑聞子晉笙 世外不知何宴會 人閒無奈有逢迎

老夫眼界原開拓 曾向金鼇背上行

極目虛無縹緲閒 長生何藥駐丹顏 囊中蚪蚪金經字

寶園詩集

卷三十

五

海上蓬萊玉女鬟 絳節多時仍入夢 青禽有信最相關

詠諧輸與東方朔 得近廳前覩阿環

見說壺中日月藏 九雲真誥豈荒唐 花籠玉洞遙聞犬

石叱金華盡化羊 縣圖曉光融紫翠 巨靈全力割陰陽

嫌他上界多官府 整頓鞭笞路鳳凰

灘湧波濤石作堆 挂帆特爲訪真來 紫雲一片誰能蹕

元鶴千年竟不迴 埜老有緣攜客住 異花無數向人開

題名舊跡模糊甚 自讀殘碑剔藓苔

滄海長浮

忽有雙魚至 兼將尺素傳 烹鮮慚守郡 結網勝臨淵 食

客方盈座鄉心又 一年殷勤感投贈 宜畜不宜懸

拜麻

燈前兒女影團圓 補屋牽蘿共歲寒 喬木好音鶯自喜

畫梁新壘燕初安 正逢蠻土豐年慶 不作勞生傳舍看

庭草砌蛩皆有主 簿書鼓裡一凭闌

居官畧與在家同 樓托依然一畝宮 向後漫勞頻越俎

從前原不欺飄蓬 陶情老酒盈樽綠 作態炎雲照檻紅

總爲升平容臥理 栽桑拔薤竟何功

民無爭訟吏無譁 鼓吹聲中放早衙 稚子詩書勤就傳

老妻井臼善持家 妄希循卓三年最 祇惜衰遲兩鬢華

寶園詩集

卷三十

六

先業荒蕪鄰里怪 敢將燕寢向人誇

說法誰通最上乘 宰官身似祖堂僧 亭名環翠山千疊

樓爲籌邊晚一登 郡署有環翠亭籌邊樓 甌月勝情原不淺 撫蠻

遺習且相仍 掃除几榻渾閒事 廣廈人閒庇未能

劉道士玉冠歌

并序

道士江南無錫人 原名泉能 詩善飲久作諸侯

幕客 性好元門在京師投拜妙正要真人學道

更名冲原號鶴岡 晚棄妻子遊吳居梧之白鶴

觀足跡不出觀門所藏一玉冠爲山東李化熙

之孫維梓所貽云是伊祖得諸前朝大內其本

師妻真人出 御賜玉冠比對玉情既合製法
亦同洵舊物也僕與道人初不相識聞其有玉
冠遂以玉冠道人稱之並賦長篇廣諸好事昔
錢唐汪水雲長身玉立廣額修髯元世祖常命
奏琴賜爲黃冠南歸時瀛國公王昭儀以下二
十有九人賦詩餞行蒼涼絕代今道人挾有用
之才際太平之世乃能超塵脫垢豈無所得而
然者哉道人何必玉冠玉冠乃屬道人此詩紀
道人非紀玉冠也

質園詩集

卷三十

七

五嶺三江西更西樓車初卜林間宅鬚鬢冉冉漸垂白
萬念長消衆妙門半生懶作諸侯客篋中玉冠希世珍
朝元曾並婁真人清輝雅稱紫霞帔古式還勝華陽巾
此冠雕琢知何代見說前明藏火內法物都隨舊社遷
醮壇可有青詞在彈指滄桑幾度秋宮人散失塾人收
戴來震且壓塵土欲向方壺最上頭君不見彌明道士
吟石鼎龍頭豕腹成俄頃又不見希夷先生居華山五
老聽講來扣關道人整冠如晉秩夜誦黃庭朝注易不
用麻姑借大鵬凌霄鶴背原多力

老友鄭雲叟從里中來設榻款之

任延治會稽酒掃迎龍邱矧爲貧賤交堪比膠漆投握
手宜陽城共訝雪滿頭請君且安坐聽我銅爐煎日月
無停御江海無回流撫茲遲暮辰尚思汗漫遊蠻貊與
穠酒聊作嘉賓羞東皇方敢令應節鞭春牛年豐倉廩
足土樂民居稠故鄉凋劫餘能享此福不綰綬滯炎荒
久戀如并州客從萬里來當作千日留偶耕堅舊約暫
緩歸西疇

署中舊有清介堂年深將圯捐俸葺之以詩落成
卽拈清介爲韻

質園詩集

卷三十

八

泉水方在山溶溶貫底清及其出山後厥性原未更服
官慕循良學古志利名矧茲二千石任重祿不輕倘非
簞簋飭何以酬 聖明賢哉吳隱之官滿棄硯行
柳下聖之和三公難易介義存進退閒所爭不在大拘
守毋硯硯決去寧决决龍變而鼉行尹喜言非佐仕宦
三十年畏恐立身敗舉世方尚道有常吾所愛

方塘

如鑑方塘皎不昏琉璃經雨淨無痕楊花吹落魚苗長
一夜春流綠到門

與雲叟對酒談石堰盡橋村居之勝鄉思頓增覺
前詩千日之留殊非本意復贈此篇

梨花滿院香浮甕春水通船綠到門自入蠻鄉無此樂
每逢令節便銷魂閒中著屐村童惟醉後揮毫老輩存
我正思歸君強住一般難遣是黃昏

初松年畫松歌

松年愛松長撫松有松在手兼在胸興酣落筆露神骨
攫挈夭矯成蒼龍我家天南第一峰古松繚繞夏后宮
君從何口得此意披圖正與天南同松下垂髫雙玉童
去揖金母拜木公朝元法駕誰導引載花千乘祥雲紅
仙真游戲無定踪松年或向深山逢歸來畫松更奇絕
腕指謾謾生清風

寶園詩集

卷三十

九

題孔雀圖

北宋宣和開畫學會命丹青圖孔雀何人稱旨動天顏
幅幅升墩先左脚張公貽我南粵禽滿身搖曳翠與金
是真是畫那可辨如在五嶺三楓深我朝恩澤敷蠻
峒越雉旅獒皆入貢異采安能內地藏修翎久作天
家用紀良見慣不足驚揮毫神妙能寫生高堂素壁忽
燦爛勝展六扇雲霞屏吁嗟此鳥雖含毒實有文章誇
羽族萬里丹山鳳不來貧賤讓爾雙棲宿

元玉尊歌 并序

曩在廣陵得玉尊一質踴形古其光油然久藏

行簞中蠻方偶獲佳醢月夕花前取以酌客客
未賞也意有所觸遂賦此詩

黑雲小朶藍田落元冥之精藏在璞良工采得施雕鏤
非榮非敦非彝鼎此尊體製奇且古清廟當年享羣祖
豪門惟愛雪霜姿黜黜無光棄如土千秋法物終不磨
疑有鬼神潛護呵節操皆同黔哲異墨茶著論聞東坡
勸君且酌春宵酒識寶波斯世安有一樹梨花月滿庭
捧來惱煞珠娘手

瓶花

瓶花含畫意疎密巧由人將爾伴清畫爲誰充下陳湖

寶園詩集

卷三十

十

洄原在水開落不關春多少閒蜂蝶聞香認未真

五課詩 并序

棲身十畝舊學圃農出守一麾新逢吏士至於
家塾每念羣兒偶當退食從容各賦短章勸勉
課分五等時屬三春有水曹官閒之暇無山簡
習池之醉采風行部正宜治事如家獨立趨庭
敢信愛民猶子撫衷自愧考績何優用質同人
毋譏拙宦

課畊

我本舊知農半生以仕易常祿雖濫叨未敢忘民力治

郡首田功厥土分肥培何種軍高厚何種軍下隰布穀
已頻催九九犁把飭乘茲春令和相戒毋休息指日具
壺漿來就畊夫食

課圃

少陵在蜀川萊把園官送何不勤灌畦抱此漢陰甕芋
區應候鋤瓜時及時種厥味旨且長口腹非云縱堪作
王公差亦爲賓客供鄙夫無遠謀斯意非嘲諷

課吏

惴惴自無華古稱廉靜吏有餘補不足當以日月計政
或拙催科心其勞撫字許丞原未邁尹公嘗請試掾屬

質園詩集

卷三十

十一

有通才瑜不因瑕棄孤賞出風塵靜觀屏浮議托身俯
仰間未可隨同異廉部告鄉人二天何足庇

課士

昌黎在潮陽子厚居柳州各將教化著能轉文風優
熙朝振鐘鼓遠不遺蠻貊茲郡雖荒僻黷序人才收所
學敦本原經明先行修懷此希世珍佇待側席求太守
老腐儒耽書親校讐茶芭如問字裁酒元亭遊

課兒

正月硯凍閒童幼入小學易哉執紼年沈潛遠涉積
墨道後昆溫公意有托我子十齡餘孫亦非總角訓課

不及時將成乃翁錯延師啟東軒近傍等邊閣書長功
課了庭花紅未落好鳥忽飛來丁丁動鈴索此時讀書
人應識讀書樂

宜陽行春詞

百舌聲中放早衙行春小憩野人家迎暉門外桃千樹
不待東風已著花
竹院松扉繞郭多畫旗絲索問如何蠻村兒女連羣出
不打鞦韆但唱歌

層崖奇石碧玲瓏鬼削神刊處處同莫惟連朝具袍笏
平生顧勝米南宮

質園詩集

卷三十

十二

勾芒作意畱人玩積雨初收宿霧開新蝶出窠黃尚淺
菜花陂裡一雙來

綠柔紅弱闌芳妍融作香風簇馬前乍煖乍寒無定準
養花天是試衣天

朝來行過小曹塘塘畔山田報墾荒整頓水車修石礮
五年期滿要輸糧

寶華散落萬紅傾太史文章委棘荆畱得丹霞殿上月

一規還照古祠明

萬里南荒兩度春寒山林鬱麗水平太跡都陳雅懷輸與吳

興守未向汀洲采白蘋

六餘詠 并序

古人愛三餘吾愛六餘此爲有餘誰爲不足要
之吾身皆餘六餘亦皆無餘也閒中遣日作六

餘詩

公餘

小吏抱簿書森如春筍束長將簡要理自然少留牘靜
極含化機閒簾見新綠時逢雙燕來棟我畫梁宿

吟餘

杜叟賦新詩長吟當改罷銅鉢響方終銀燈光亦瀉擁
鼻忍春寒消此沈沈夜幸不咏鴛鴦免遭李邕罵

質園詩集

卷三十

三

讌餘

爲歡須及時浮生眞若夢秉燭夜留賓漏盡亦將送西
苑與南皮樂極成悲痛覓心悅羅襦其言婉多風

睡餘

希存臥華山法自五龍得黃妳與黑甜有鄉枕函側相
栩不曾知蘧蘧俄已釋小玉起薰衣爐溫香未息

病餘

維摩十笏房示病原無病談笑卻熊羆神完心有定服
藥祈延齡徒戕草木命一笑方霍然郊遊及春令

懺餘

幢爲精進幢鎖是光明鑽半炷棒支香觀室無不可沈
迷綺麗情待證聲聞果天女散文殊來共跏趺坐

題卮室四首 并序

卮爲佛祖胸前吉祥字錢蒙叟集中有卮齋詩
居士夙耽禪味老而益深其守慶也以清淨理
之讀不啻庭不擾日與吏民相安於燕寢之宦
陳設几榻俱彌勒佛一尊懸降魔圖一幅澄心
默坐時聞妙香宛然精藍題曰卮室願居士爲
在家比丘內子沈恭人侍史朱氏皆可作在家
比丘尼同持梵行不干太常齋禁也世稱歐文

質園詩集

卷三十

四

忠爲政寬簡公府如僧舍豈不信然此意惟蘇
晉王維輩可共語耳

檀林近在解東頭功德香因結願留學佛何妨三不戒
應官自覺四宜休補鈔貝葉原無欠欲到梅花正要修
半世枉居山水窟寶嚴諸寺未曾遊

疎才眞與世相違蘊藉長蒙北魏譏垂暮方爲蠻郡長
多年已息漢陰機飽觀劉項新棋局重鑒雲山舊衲衣
誰遣柔奴來勸酒嶺南雖好不如歸

春風享受最難禁鏤盡芳韶一寸心豪客黃衫遙抗手
舊遊綠樹半成陰懺來綺語消難得悟到空花病已深

妙喜重逢原不礙阿閼城裡欲相尋

玉局香山宦跡同晚年兼有好神風浮鷗久已置溪畔
佈鶴還教集掌中竹院偷閒聊逐日清言舊感飄蓬
散花天女應相笑結習難除是此翁

傀儡歌

昔聞邯鄲郭公九十九伎倆漸盡入勝口又聞偃師絕
代稱巧人盛姬一笑周王噫此戲紛紛偏朝野木偶多
年尚算啞梨園弟子本非真况乃梨園弟子假總是魚
龍狡獪場盤鈴搖動聲鏘鏘可者揮戈責與育美者含
睇施兼嬌霧散風迴雲又起線索通靈竟如此小駟長

寶圖詩集

卷三十

五

乘杜相公宜春尚憶唐天子眼前傀儡不足驚胸中傀
儡何由平如觀臨穎佳人舞月出東方無限情

宜州羣山環繞擬於近郭絕勝處建一挂笏樓先

賦此詩

朝來爽氣到窗前小立看山意洒然此外不煩卿料理
就中惟與我周旋北臺對雪蘇和仲東湖行春白樂天
等是平生遊釣地鶯花休笑未歸田

同年任處泉以移居快閣四詩寄示依韻和之

往跡都隨踏雪鴻劍南遺宅委蒿蓬因耽邱壑移家住
不放烟雲過眼空綠樹當門含野意黃羊祀灶請隣翁

梨花柳絮橫塘路記得韶年控玉驄

好鳥催歸宛轉呼驚回存夢失歡娛舊居松菊閉徵士
晚節漁樵稱達夫仙佛因緣長不斷利名痼疾已全蘇
芳辰早駕車出莫遣鶯花笑白鬚

無價休論四萬錢清風明月取攜便青紅兒女從師塾
安隱江湖到岸船長物猶存廉吏石舊衣已散御爐
烟老農老圃時相見較雨暘晴度陌阡

安樂壺夫未有窩疎慵其奈一麾何曉星錯落朋儕少
邊郡蒼涼瘴癘多太守聲名慚渡虎書生戲劇慣籠鵝
人間快事惟辭職好共村民鼓腹歌

寶圖詩集

卷三十

六

哭響意弟

田廣三荆樹春來竟不芳遙傳飛鵬賦未到咏離堂

居有咏離堂
為先家宰第簪組生前棄園林死後荒豈無魂魄戀彭

麓晚蒼蒼
彭山為越城八山
之一環繞宅後

十年為掾尉萬里挈妻孥失職藍田記收身輞口圖
原成阻隔龍溪歷須臾多少人琴痛新添幾白鬚

義豹行

井序

德勝鎮山中一豹能為近鄉禦虎居民德之歲

時以犬豕酬賽余聞其事作義豹詩

南山霧濃元豹變七日文成人共見此豹不與常豹同

驅逐於菟垂大功蠻村雞犬聞鳴吠深夜不遭猛虎害
居民感德比神庥歲歲春秋爭報賽少陵義鶴曾作歌
義馬勒石長不磨人生識字忘大義不如以此獻天良多
吁嗟豹兮吾遜汝異政何時能渡虎

曉起見郡圃棟花盛放春將歸矣老來倍惜年華
觸緒成咏

紫雲細簌棟花叢廿四番風最晚風南粵春殘芳意減
北蘭人去舊遊空豫章北蘭寺有棟花坪爲宋綿津建夢回綠書初長後
愁在朱闌獨倚中久客不知韶序換一尊祖饌與誰同

送汪臨川回錦州

質園詩集

卷三十

七

千仞威鳳翔六月大鵬息迢迢九萬程從此搏風力
友濟時才宦途經坡歷美疾異沈疴暫謝親民職錦州
古遼西在昔稱邊塞環繞衛神京厥勢聯肘腋君家
廣寧城形勝雄東北其地牧牛羊其人習金革舊堡白
旗懸新屯黃草積生逢偃武朝豈少平寇策進爲倚木
鷲退卽荒郊鷗權衡進退閒盛年殊可惜

少時爲劉達夫題濯足萬里流圖其詩集中失載
今達夫重寫此照舊書索咏補綴舊作以應距
賦詩之歲甲子半週卷中人俱冉冉老矣

達夫達夫胡不策高駕據要津跋珠履爲上賓而乃下

床動足思萬里飄然瀝向春流水春流如練千頃碧湖
中見山山倒立少女微風破曉來落花香入蛟龍宅路
經仙人歸去久騎鯨學士知何有此足游行不負佳芒
鞋踏徧無塵垢臨淵早已羨蒙莊輟洗何須動漢皇水
清水濁能自辨還將一棹歌滄浪

仲夏勸農小憩南山寺

溪山佳處有衡茅此郡分明是樂郊黃鳥數聲雨足
綠畦十里遠風交土牛卜歲原多驗秧馬行田尚待教
身似東屯少陵叟長饒托命未曾拋

守土慙無異政成但隨堊老樂片平高原下隰多開墾

質園詩集

卷三十

六

乞鳥蠻花管送迎慈遠東林間問法尉佗南粵早休兵
橫經負耒傳家舊廿載聊將祿代耕

宜州於我最相宜入境蕭疎臥起遲高允本來知稼穡
劉寬井不用鞭笞花鈴蘆管蠻中曲雨笠烟蓑盡裡詩
總是聖朝農務重遐荒風俗似邠岐

麥浪秧針疊翠中不將徵訟擾農功十千已自成良耦
六一何妨號醉翁世外茶瓜留客住坐閒憂樂與民同
餐門腹皆天賜也共豚蹄祝歲豐

初晴卽景

樹色含晴鵲未知南風吹斷雨絲絲炎方節候今年早

四月沿街賣荔支

題查相國征西圖

軍中有一韓西賊聞之心膽寒軍中有一范西賊聞之驚破膽潘陽相國韓范同帝授節鉞征西戎親承方畧運帷幄捷書早奏平夷功凱旋身上麒麟閣還遣丹青寫沙漠如睹全軍酣戰時英姿颯爽來褒鄂相國騎箕二十春黃支烏弋莽生塵禁中屢見求頗收閭外重思得祐遵我皇制秋重神武能取疆場定檣俎風雷疾起武剛車千戚終歸文德舞小臣籌國原非分萬里長城難一奮列成誰通轡輶營分符未到燉煌郡豈意

質園詩集

卷三十

九

端陽前一日復遊南山寺入龍隱洞遇雨暮歸

曉出定武門郊遊常夏仲停車祇樹林遂探龍隱洞矚狀何谿訝如幄如餅甕石乳皆倒懸滴滴青脂凍下有千丈壑古波涌不動云是龍所居鬱蟠難一縱雖多雲氣從嬾向天門紅爲靈本昭昭潛伏竟何用我來訪神奇雨後迷陰霧客至椒園迎客歸最屢送忘機了不驚

廐險真疑夢回歸九龍山晚晴橫歸嶺

城南古蹟八咏

白雲巖高僧德洪

空門無去來涅槃圓入定惟留嶺上雲怕悅難持贈

御書閣宋崇寧三年藏真宗手蹟一十六軸于龍濟寺閣郭良翰有記

不見御書函兼失御書閣寂寂古雲深時聞松子落

三賢祠祀黃太史庭堅余安撫靖馮三元京

有功在祀典俎豆歷千年誰識三公外俞張亦大賢宋

守俞若著張自明

春意菴在廣化寺側舊址尚存

質園詩集

卷三十

十

香風散萎花梵語雜流麗瞻此春意菴比作相思寺

龍洞碑明嘉靖進士王鉅作記文甚奇肆鉅徽州人

異哉王新安其此離奇筆古碣斷紋多疑有龍蛇出

放鶴亭在大號山宋趙抃判宜州時建

雅調琴何在高標鶴自來欲留清獻蹟還築獨孤臺

清獻書院在香山寺旁爲趙抃講院今廢

鹿洞與鵝湖規條勝鄉校遺澤溯前賢蠻民尚堪教

南樓黃治翁所書范滂傳刻石于上嘉熙三年樓毀

堂堂漢宋儒名姓垂殘碣何似庾公樓胡床龍吟日

登籌邊樓晚眺此樓舊名望仙元劉棻建明陳三竺俱有詩

暮色蒼然一覽收籌邊樓是望仙樓從無別
可有羣鶴駭太守文章漸往哲承平歲月得
冰蟾爲我今宵早面而湘簾盡上鈎

題香山寺

宜州亦有香山寺不與當年白傅同我比昔人還曠達
此生可住此山中

暮秋雜咏

東湖閒臨水南花巧占秋土風難驟易邊事要深籌畧
有爐香凝原無案牘留依然方外吏呼幘古宜州
不耐幘車閉初爲按部行山如羊角解隘到馬蹄平

質園詩集

卷三十

三

山名馬舊礦多年銅濃雲觸處生村村秋賽社擊鼓慶
蹄隘名舊礦多年銅濃雲觸處生村村秋賽社擊鼓慶

西成

最是金城柳依依仿漢南城地有金風流人不見憔悴我

何堪危筍新愁起蠻村舊路諳夕陽深有意相勸一停

夢

芳草庭階長官清吏亦廉猗猗諸岫雜冷煖一朝兼咍

纖風還古溪山住不厭渾如方丈坐粥飯老僧嫌

質園詩集卷三十一

會稽商盤寶意

緒見自里中來頓起鄉園之思

香山履道宅涑水尊賢坊服官思退步矧茲巖壑鄉兒
從萬里來告我田園荒幼時手植松虬髯今已蒼老鶴
巢其頂羽衣生晚涼在家亦傳舍差勝居炎方主人歸
不歸松鶴遺相望

消夏雜咏

西郊無雨但聞雷彈指迎梅復送梅麾蓋不張呵吸寂
九龍潭上請龍回

質園詩集

卷三十一

一

徵訟停時晝漏長小胥雁鶩不成行薰風入室披襟
滿院槐花五月黃

支枕連宵夢若耶覺來衫袖染烟霞正愁鄉思難消遣

又試瓷甌日鑄茶

吾鄉產茶以日鑄山爲上

第一溪山第一樓卷簾宜夏亦宜秋

時於東郭外建溪山第一樓爲寶意

觴咏之所漢嘉太守凌雲宴眞勝人間萬戶侯

赫赫炎官火繼懸榕陰如幄護窓前南游到處風光異

惟有蟬聲似去年

根籬若徑絕塵埃小圃羣芳手自栽百種蠻鄉花信早

交霄開過拒霜開

蠻地木芙蓉盛夏作花

年老偏憐最小兒徐黃稚孫能伴太翁嬉平生雅

慕王晏首日日庭堦看鳳獅

倦即高眠健即行了無塵土累簪纓非緣五十堪攜杖

要聽鏗然憂石聲

憂旱

農事重古今經營在溝洫要佐天時窮全憑地利得蠻
土異中原有水亦云沃天澤難倖邀蓄積藉人力今年
三伏初陽燄未曾熄渠塘既無備何以滋種植旱雲烟
火凝旱草蕪藜塞口賜而賜恆母乃氣機忒身慚霖雨
才收曠牛羊職綠章安可通帝座高無極甘旨出田間

質園詩集

卷三十一

二

當筵生太息粒米等珠璣無法平市直指日倉庾開聊
將濟民食

寄同年任處泉

梓里幽居興不凡潛夫兩字換新銜高秋玉宇心同淨
世事金人口合緘千頃玻璃環快閣六朝風韻在涼衫
鐵江渺渺空相憶畢竟收帆勝挂帆

送鄭雲叟歸里

杜陵遲暮供多病符載殷勤乞買山借隱不知何日遂
清時難得此身閒重經通德門猶峻未作參軍語亦蠻
爲報舊溪鷗鷺道勞人旅費已全班

題鹿車對挽圖

鮑宣大類梁伯鸞少君復同孟德耀清標一去幾千年
出色丹青寫遺照榮利高人視等閒攜將幕綢向深山
遍天翠黛亭亭秀一抹烟痕入曉鬟隨車僮婢曾何有
既載琴書兼載酒露宿風餐絕代殊挽率那惜柴荑手
吾聞張果成婚入洞天劉綱與婦皆登仙不如桓鮑多
芳潔女汲男畊仇儷賢豈無第宅連雲起亦有樓華逞
桃李太息花開共命禽轉頭忽逐東流水君不見田家
荆布樂且和黠妻煽處將如何與君偕隱隨吾適楚相
堅辭非失策

質園詩集

卷三十一

三

題洛神圖

東阿作賦因感甄後改其題爲洛神乍陰乍陽光不定
凌波一現驚天人盡工異代傳清婉羅襪塵生微步遠
無計當年殺漣均抱愁厭坐芝田館離劍安能斷愛絲
鍾情凝睇兩纏綿錦綉經且聽魚山梵解佩休思漢渚仙
春松秋菊歸何有枉費君王才八斗子敬風流寫未全
鐵江桃葉迎來否

李玉亭畫松歌

李侯畫松妙入神用筆如鐵能屈伸是蛟是龍那可辨
橫一縱非凡麟世閒無事無元化筆墨通靈真宰下

人樹間時耐歲寒眼前幾度蠻花謝我居公府如山中
登樓北望天門峰霜皮黛色自今古此圖正與山中同
拂拭驚看雲霧滿摩挲忘却丹青工乃知畫竹有成竹
畫松豈可無成松君不見高堂清晝寒起風恍然萬鼓
兼千鐘夢乘元鶴游黃海飽觀六六金芙蓉李侯家在
黟山側倚松或過浮邱公珠簾石室更繁華離離異境
推心胸一官萬里不歸去坐使旅貲凋秋蓬披君此圖
三嘆息故園吾亦思韓翁

送劉四爽林歸里

三年攬勝嶺西行蠻女蠻童識姓名鴻雁雲程雙翅健

質園詩集

卷三十一

四

鯉魚風信一帆輕故鄉嬌首如蓬閣中表隨肩是弟兄
從此望仙樓上月照人孤影不分明

綠石研山歌

石是同年楊初菴所贈

楊公萬里探奇客贈我滇南銅礪石一凡俄看列衆峰
連雲展盡芙蓉碧職貢青州事已遙後來美產稱英韶
終當讓爾逞顏色玲瓏不用施鏤雕翡翠之毛鸚鵡羽
長向文房結儔侶擁護細函四部書滴殘綠研三春雨
經年寂寞宜陽守青鳥丹霞山名環左右只尺烟嵐
出袖中摩挲此石眞良友君不見仇池作供海嶽圖誰
其愛者米與蘇不逢采擇焉成器石谷銅坑何處無

對鏡始見白鬚詩老難矣賦詩自嘲

公道人閒老態同九秋霜信數莖中靜光相對休相笑
不愧諸孫喚火翁

王度世鏡記補爲壽光先生

會因吟苦方成雪總爲情多易損人一事看花惆悵在
風光不稱使君身

香山詩風光不稱白髭翁

新秋詩懷

歷歷清吟出世齋一年涼序最相諧雲扶鶴影遙冲漢
露咽蛩聲不滿堦韋杜繁花成舊夢沅湘香草寄幽懷
五溪不厭諸蠻陋如此風光且住佳

牲芻朝來爽氣多疎慵其奈撫苗何采風已徧都雨稿

質園詩集

卷三十一

五

得雨雖遲及菰禾積蠹偏藏新卷帙殘蟬猶戀舊枝柯
會仙巖下落溶水一夜平添數尺波

晝漏宵籌漸次平祝融引退爲功成將拋暑簟還垂戀
補種桑花尚向榮訓課農桑原少術折除官職或因名
南樓饒有胡床興且待銀蟾萬里明

颯颯西風起白蘋一江寒浪送歸人簪裾席上俄離合
傀儡場中雜喜嗔慷慨莫傷垂老別蹉跎同是未收身
諸君且結湖山契有日重來證宿因

此首專懷歸里諸友

傷腰

頻年酸軟嘆衰微病入身中老更增

字義腰爲五斗米身之中

珠原易折一條帶玉竟難勝舊園不止書生減大羽徒
誇猛將能南北兩山青繞郭可堪重上最高層

咏玻璃屏

番舶攜來海國珍展開六扇淨無塵諸天斗現光明界
此地難容膩垢身歷歷山川如聚米翩翩花鳥欲生春
華堂見慣何曾駭多少人閒喘月人

胡植堂宋靜山兩太守賞余近著並鮮于伯機所
云愛忘其醜爲長者之事然亦晚年知己也

在昔袁司徒曾賞趙元叔端明曠世才乃讓黃山谷宏
獎古人優名場好推轂品題已寂寥千載懷芳躅平生

質園詩集

卷三十一

六

詩酒交舉手多翻覆老懶消關心韜藏寶爲福知己暮
年逢往事猶堪觸沾體落髮陀聞香入薜蘿願除文字
緣皈依向天竺

題老蓮竹刻衛夫人臨池小像

有明高手陳老蓮博古爲圖文苑傳曹衣吳帶並神妙
丹青餘技工雕鐫雍雍衛夫人生當建武年畫師追慕
千載後青光斫取描朱顏琅玕盈尺花石妍夫人含毫
方邈然授書宛轉涕淚連弟子逸少如來前絕藝成名
關命脉得魚得兔忘蹄筌嗚呼章侯何日畱奇筆以鉅
爲毫精采出世稱張蒼周昉誓寫真安能刻削蛾眉人

戲咏籠中斑鳩

呼晴呼雨在蠻鄉鎖向雕籠等繫袍世上雖多香稻粒
林間豈少古藤梢拙難學語偷爲舌橫欲聯羣占鵲巢
猶勝家禽啼葉畔不司晨且不充庖

種菊

婀娜早春時園丁植桃李素馨紅佛桑爛漫開如綺料
酌淡濃閒皆非吾所喜嘉種在東籬栽培命童子多覓
融融黃兼收冶冶紫中央與閒色都含元化理炎土少
繁霜傲骨尚如此待試鬱金香醉臥秋光裡

黃楊拄杖歌

質園詩集

卷三十一

七

吾聞青楊白楊標雙俊獨有黃楊逢厄閭誰歟採斲成
美材三尺蒼稜質堅韌我年五十杖於家垂老未遭當
輔援久處炎方實畏炎初爲進士何曾進蠻山多熊繞
荒城或淡如眉濃若鬚便從康樂思游覽何異支公賞
神駿濟勝無具增嘆嗟此杖扶持堪作債男兒金紫佩
非難峻陟奇搜天所吝獻鳩祝嘏雖有待下堂傷足先
宜慎古筇九節藤萬年會遺良工來選選忽憶宗陽宋
故富喬柯永作元門鉅臨安宗陽道院爲宋時北內故
地有黃楊一木高丈餘數百年
物也少
時有詩

玻璃燈檠歌

長檠八尺長短檠三尺短焚焚無量光出自玻璃盆上不照九成臺下不照五花館祇在重簾淺室中低映却
境匣初從畫閣開月輪長向良宵滿颺母風
收番瓶停粵城競購東洋產九華百寶屬豪家餘料還
教作罌璫外藩奉朔順 天朝碧眼紅毛齊納款卽看
海賈澳門通一器能昭文德誕共慶昇平玉燭調四時
佳景迎人緩

與程二魚門淮陰相別三年矣因風寄懷

季布感曹邱夷吾逢鮑子茫茫四海間平生重知己我
有素心人握手枚阜里旨遠無煩言名高有深恥古歡
質園詩集 卷三十一 八
君所敦芳馨佩蘄芷三年稽呂情夢落蕭湖水誰唱濯
纓歌清音月中起

遣緒兒歸里代省老母示以詩

北平陽亢宗讀書長閉關及其成進士乃隱中條山今
人慕榮利抗走塵俗閒生無翼亮才戀職何痴頑承歡
思菽水感此萊衣編仲春家信至遙知母體辱晨昏藉
扶掖深望兒婦還儼裝命汝行聊慰遲暮顏再拜問起
居奉勸加朝餐封鮪屏官物製嚴親所嫻毋勞慎旃念
久靖南方蠻

植堂太守爲余錢近詩數卷賦謝

昔聞薛道衡爲文踟躕臥亦有秦少游對客揮毫作
拙速與工遲較量理則那鄙人寡治畧萬卷書盈座身
依蟬蠹堆歲辦鶯花課幸值邊地寧閒吟稱懶慵貯瓢
識唐求投則嗟李賀流傳良復難此舉誰能荷情因泛
海移顏爲拈花破臯賞在忘言空際烟雲過

秋暮重泛灘江

片帆托命一身微退步偏多進步稀八節灘頭三度泊
蘋花猶拂鷺鷥磯

秋懷

蟋蟀催時序暄涼幾度經秋風長作客春省尚留亭
德

質園詩集

卷三十一

九

州有春省亭明州 水落安魚樾雲開縱鶴鈴凭闌多遠
意山色晚來青

秋日出郊省俗卽景成咏

淑景蕭辰指一彈寒帷行處又秋殘輝鄉節氣全無準
沙坂泉流最易乾歲稔漸成風俗美政平久與吏民安
橫斜閣徧登臨路難得溪山正面看

童叟休驚冕綬尊相逢款款叙寒溫輪他樂布標新社

畱待盧藩改舊村

用新安太守任昉事吟咏徒增行篋富轉移要

使薄夫敦前賢去後無循績安得侑張共細論

方勉攜來我最宜風謠都入紀游詩殊恩小吏遷官速

舊墾荒田納課還花迎賓何待掃蒲鞭掛壁未曾施
秋原踪跡如樵牧尚鳥林俱已盡知

嚴疆形勢接滇黔循撫心勞教養兼南廠鑪錮何日丁

南丹厥為所北門鏢鎗及時嚴樵稅在北門山川競獻中朝

瑞蚌蛤能知太守廉一事災方行坐好免教霜雪滿鬚

髯

雲叟鄭布衣屢言龍君莊之勝勸余與日卜居今

秋雲叟歸里偶觸于懷以詩寄之

舊聞龍君莊近在鑑湖畔上有天池碑年深文漫漶探

奇情未經咫尺同河漢宦海久沉浮將衰思里閑根觸

質園詩集 卷三十一 十

臥輪心烟波夢吟案菰葉滿橫塘蘋花垂隔岸時逢采

菱女照影盈盈姿領郡我非優歸田君所贊生無康濟

才合與閒鷗伴整頓載書船蕩入茱萸泚

佩刀曲

三河年少五陵俠十色陸離錦帶結太乙元精藏寸鐵

秋雁之翎春鴈尾一縷寒芒收不起提攜伏突報知已

赤堇所產大冶鎔鷗鷁有膏淬其鋒震驚魑魅惟汝功

倚嗟佩刀慎自愛托身雖小龍性在他日飛騰倚天外

憶質園

江東門第盛無雙韓氏梧桐列蓋幢長記垂髫家塾好

新陰綠到讀書窻

中厨款客戒豐華小摘園蔬味最嘉訝道春槃春餅脆

不知細嚼玉蘭花園中玉蘭一本高數丈花開皎若琉璃作餅甚美

臨水參差屋數椽鵲觚吹到畫闌前烏蓬鏡裡人如玉

一簇衣香上冢船

春宴園中淑景非尚書晚節遂初衣同遊賓客凋零盡

那有年年舊燕歸先冢宰等軒公子告歸里有質園春宴圖

教得兒曹能握管邀將父執亦停車輞川倡和平泉記

不及班彪有賜書

垂暮殷勤念梓桑還家要建可開堂南園若待功成乞

質園詩集 卷三十一 上

快意何年得醉鄉王元之詩他年我若功成後乞取南園作醉鄉

紀夢詩 有序

秋霖獨臥朦朧至一山山徑幽邃行數武野

鬱起榜曰東明館後有丹樓如霞杏花盛放樓

中游客咸集有瑤生者邀余並坐舉觥相屬酒

味清和云是採杏藥所釀飲之延齡須臾相送

出山時夕陽欲墮回望樓臺金碧隱現及將依

然寒雨泔泔惟聞蟋蟀鳴墻而已感念仙凡為

詩以紀

我聞東明山上有九芝蓋青宮帝子居絳節羣真會凡

夫守泥塗選勝安能屈今夕是何年身到清虛界一簞
淡紅霞影落雕闌外仙郎美無度玉樹亭亭對花香入
酒尊沁心同沆瀣縹緲下山歸良晤應難再人生困羈
勒俯仰方隅隘不御冷然風豈知蓬閣大王迴碧雲樓
夢游非誕恠衰老謝芳卿徒勞垂盼矚前塵隔渺茫定
力除痴愛原在雨聲中寒花正殘敗

環翠亭中秋對月

蟾酒盈盈琥珀紅殷勤相勸廣寒宮胡床嘯咏諸賓在
海賈陰晴萬里同幾見異光含老蚌平分清況與涼蟲
瑤樓玉宇多年別高處何由得再通

質園詩集

卷三十一

主

龍母祠古榕歌

大榕繞屋龍所寧橫柯曲幹成龍形貝珠宮闕在平陸
作帷作蓋天晦冥榕也初生如葛藟綠崖附木鬱鬱青
櫟樗爲伍良匠棄不勝梁棟栖神靈散材無用免斤斧
好隨龍壽登千齡我來叢祠瞻玉座其顏軒黽非娉婷
龍君一去渺何所畱此老嫗傷伶仃海氣青紅朝暮變
神升神降乘雲駟春蘭秋菊愔容與惜少婢女舉芳馨
百年獨樹靜相對陰房窈窕穿颼颼眼前有景那敢玩
頗疑白晝藏雷霆秦朝之松陳代檜往往珍異標圖經
古柏尚存丞相廟誰爲晉楚誰邪邪此樹婆娑落荒裔

殷花澗草同飄零植物苑枯闕運命不逢盛賞輕毛翎
新詩題壁朗吟罷虹霓激射蛟龍聽洞庭社橘原可叩
傳書亦欲通滄溟

題邢靜山遺墨

飲中歌八仙畫中歌九友在背杜老貞於命吳祭酒邢
君畫好飲復豪醉墨淋漓時出手中散玉山誰得並長
康素練吾還有憶從休沐赴春遊賓主揮毫兼繫馬真
祠秘笈問庚辰孫代羣賢追癸丑勝侶如沙豈易搏珠
圍往事重回首撫松檜下我行遲采薇山前人去久雙
丸烏兔嘆飛騰十幅林檎等哺致鄉人多以近况遺長

質園詩集

卷三十一

主

者何勞愛忘醜平生供養飽烟雲身後丹青堪不朽再
過黃公舊酒壚荆關魏魄歸來否

題查明府承齋九石圖并序

石產瀚海爲承齋尊人少保公征西凱旋時所
得繪圖傳後昭世亦也

一石純白冰雪練一石淡紅朝旭暈一石輪囷黝且黔
其旁雙石無猜嫌比目者鰈比翼鵲最小一石秉性嚴
侃侃特立平不陷後有三石圭角尖或黃如鞠青如藪
奇峯羅列心爲快此瑜彼亮相對愈命工圖寫親標籤
粲然堆案衆敵兼厥形礪礪厥性恬何其賴上三毫添

憶昔西陲蠶爾潛丈人出師貞吉占談兵玉帳開
車鷹奮擊泉鏡鐵歸從瀚海經涼炎撫此九石寧傷廉
贊皇聚觀多可厭傳家舊物朝野瞻不雕不琢非礪
英韶所產輕而纖相門遭澤奕世沾肯教宗器遭淪淹
賢侯退食風度慙嗜好與我同酸鹹清秋玩畫高捲簾
邊沙颯颯吹鬚髯爲君題詩險韻拈驚看寶氣騰烏蟾
飲韜菴雙桂下主人折枝爲贈以詩致謝

昨朝好風日就飲雙桂堂雙桂植何年亭亭應候芳如
來古金粟浩劫誠難量散爲百億軀衆香同一香折枝
貽燕寢作供吟案旁杜曲及第花過眼雲烟蒼老桑木

質園詩集

卷三十一

古

枰靜靜坐十笏房聞根如何漸意味空門長

木芙蓉

蠻鄉九月初天氣未曾肅乍逢紅拒霜如寫黃辭玉堪
鬪佛桑妍翻嫌木棉俗伴老無娉婷久抱花香宿昔人
曾有言看花常折福銀燈照去遲獨鼓催來速安得萬
黃金營此藏嬌屋

趙秀峯明府復以秋風烏寄贈奉答小詩

異品年年荷贈投是鱗是羽不沉浮忘機魚鳥頻觀化
轉穀賸涼又感秋出水待絳生處樂試飛難免弋人求
老養易起當筵嘆布網張羅正未收

寄懷西園社友童嘯嘯

經卷丹爐見在因君方登岸我迷津烟雲不定浮生局
仙佛誰爲出世人而壁達摩非幻相抱關尹喜是前身
嘯嘯罷官後西園簪履重回首流轉年華四十巡
註道德經

煖室

一樣維摩十笏房入各位置不尋常也知炎土無冰雪
其奈衰年要退藏清淨自然何待課溫柔雖好本非鄉
及時收取桑榆景蠅逐魚龍牴角場

守邊仍似散開投出世居然第一流燈下琴言人共聽
案前詩本吏能收隨身古硯成良友何處華軒號大裘

質園詩集

卷三十一

五

公謙無多私謁少親朋情話最綢繆

斗室觀空萬念輕幢爲精進鎖光明新成苦海回頭記

明金陵陳魯南有善知微苦海回頭記

舊向長街掉臂行

元詩先生掉臂長街過十里朱

樓盡羅列左圖兼右史較量北關與南榮情知寄跡同

郵傳未可塵埃滿榻生

承家堂構百年遺一木聊將大厦支履道故居還未返

宛邱矮屋却相宜樗雖得壽慚無用檄到回甘惜稍遲

莫惟分符長閉閣平生黃老是吾師

得朱悟巢孝廉津門信兼寄金縷曲一闕追念昔

遊爲詩以答

頽臥涼宵酒半酣蓮花沾水淨如羅玉山堂上南枝秀
奈此廉夫白髮何

勝游寂寞感飄蓬綠雨金陀舊夢空綠雨莊金陀坊在嘉禾時孝廉處從

津門傳到錦鱗三十六始知身在百蠻中

前歲自京赴粵取道河間杜補堂郡伯由杭守量

移出西湖送別圖屬題旅次未暇報也冬夜記

齋燈下追憶爲詩緘寄補堂一粲

吾聞鄧攸挽不留廉范來何暮片石峴首碑輕壯固陵

渡從來良吏多去思于載高風有餘慕使君昔剖杭郡

符香山之白眉山蘇軾移步赴京國烟波長憶西子

質園詩集 卷三十一 六

湖畿南會合緣非偶燕寢花深重握手出示當年送別

圖就中僚佐兼童叟是時水碧山更青總宜船泊湖心

亭芳草垂楊無限意繁絃急管難爲聽攀轅遮道臨岐

語酒泪多於江上雨人稱美政似姚公我愛嘉名齊召

父離筵歌舞散匆匆瀛海胥江一氣通踴浪吳兒今尚

徒數錢姪女向原工迢迢燕粵音塵隔瘴霧蠻雲濃似

墨補作新詩了負通強拈禿筆無顏色凭几殷勤萬里

情武林東望遠愁生知君夢到西湖上昨夜人閒風月

清波公詩昨夜風月清波夢到西湖上

初冬巡閱邊版觸景成詩

溪山相識不曾疎攬勝分明抵讀書小院黃花幾種出

晚林紅葉又停車儉勤未覺蠻風輕康濟徒慚素願虛

誰道承平多向化五溪餘習總難除

越組多年始印直要從省俗變俗然昇平邊郡銷烽火

報賽蠻村尚鬼神百折潺湲遲放棹數聲格磔苦留人

翻嫌強健難歸隱勞動登臨萬里身

鳥道羊腸曲曲通轉旋如入渾儀中連天黛色山凝翠

湧地金沙版挂紅紅版名千里巡行隨處好百年樂利與

民同漢家曾遣輜軒使提槩還宜采粵風

茶亭西去路崆峒峴近厭惟聞市語唯銀篋寶深難下鍾

質園詩集 卷三十一 七

銅車水淺不成江稻梁被畝無哀雁燈火連村有吠龍

宣布 聖朝寬大德南荒賦額減中邦

風未會寒日尚遲褰帷正與小春宜地多美產先充貢

官有餘閒且賦詩夔府鼓笳聲自壯儋州文字老尤奇

浣花玉局俱黃土獨立蒼茫世不知

千嶂危巖古雲對信宿郵亭勝可容向晚猿聲清似磬

穿林竹色老於松畧嘗楚楚堆槃味重踏團團轉磨踪

何處不如陽朔好人家多住碧蓮峯晚唐沈彬陽朔縣詩人家多住碧蓮

峯宜山藏帥

聊將組綬東陳頑僻郡依然類散班斜日獨經羅漢寺

瑞雲長擁狀元山龍吟夜靜無同調豹隱年深有異斑
身似打包來又去浮生難得暫偷閒

寒燠均調少咎徵黃雲散盡晚禾登長教世際豐穰歲

豈可官如粥飯僧代賑城工與自緩酌歸案牒簡還增

粵西各屬城垣經前撫市福公議請以工代賑此省從未報災將見田賦不盡宜陽一郡已也新頒酌

政款師丹忘事殷鈞病廉部籌邊兩不勝

淵複嚴重欲度難綠畦多處是南丹南丹地多種菜錦機婦

女當愈織南丹土錦銀礦工下按籍看仁讓將興衣食

裕迂疎要與循循安浮沉愧少循良績惟有新詩勝好

官

寶園詩集 卷三十一 六

前望茫茫後顧迷深林聊擇一枝栖重尋舊侶思蓬島

小築新亭記苕溪苕溪收李漢有若溪新梁際燕巢原

是萬雪中鴻印總成泥古今多少殘碑在拂拭閒看姓

氏題

度第五嶺

日極萬重山身經第五嶺嶺勢上摩雲一氣相吞并藤

蘿紫斷崖虹蜺化修垣懸如帆在檣杓若弓施榮難援

百級梯欲挽千尋縷此地本要荒劇疆前代屏改土始

何年全歸州收領我行九折塗叱馭安能聘勞人閱歷

多夸險俱平等觀空意洒然世路原無梗

晚觀燒山

經冬墊草尚芳芬早有炎威起夕曛戰艦多年沈赤壁

成旗何處捲紅雲地有紅雲塘豺狼那敢當塗臥玉石惟憂

一例焚聲鼓不驚烽燧息藉他禾界助耕秋

夜聞金城江水聲不寐

寂寞長山館琤琮聽水聲何人搖玉佩此夜宿金城敗

葉寒初墮孤燈耿不明耶溪思舊隱鷗鷺有前盟

鬼竅

仙島昔曾游鬼竅今忽到森然欲搏人厥勢實雄鷲遠

路如羊腸五丁力云耗坤輿少完膚呈此崆峒貌神姦

寶園詩集 卷三十一 九

巧自藏山鬼偏宜笑我生嬰世網信步危機蹈列炬幾

回看垂堂一身冒高咏石門詩臨川有同調

粵西山形奇麗有一峯百尺特立千霄者未識何

名以詩傳之

昆嵐撼瑤樓一柱雲閒擲玉杵搗元霜何年化爲石奇

觀逢意外藹菖亭亭碧共工觸未傾巨靈擎有力或云

燕昭墓華表千年得或云仙客節九節一莖直前人失

品題湮沒殊堪惜有峯不可登負此阮孚屐

途次口占

琬腕籃輿石罅穿土州漢邑界相連晚禾處處登場久

收割臨溪種蔗田

幾柳含情尚拂衣金城凝睇景全非空留宣武攀條恨

不待重來已十圍

遠望高原土帶沙蒼葦屋小人家夕陽一簇黃如鈿

十月蠻村見菜花

蝴蝶思花鯉過河搖人歌龍鐘人歌

西粵民俗諸歌如蝴蝶思花不思草

見思情妹不思家已娘莫學鯉魚子那

河又過別條河頗有緩聲子夜遺韻明年春水盈盈

綠奈此寒裳一笑何

挂笏看山落照中半林烏柏半林楓炎方四季如春夏

不染霜華也自紅

質園詩集

卷三十一

辛

相逢耆老勸停驂蠻土耕耘事畧諳壞色僧衣看不盡

水田一片似江南

寒林萬木未凋零向晚猿聲不厭聽記得黃梅新雨後

課耕小憩阜民亭

褰帷賞徧好山川人在柔風暖日邊黃蝶一叢新出蠶

埜花嬌煞小春天

悶邊回郡芳歲將闌獨坐北窗偶咏

誰道新街勝舊街公庭草滿幾曾芟才離南國棠陰舍

未辦東屯木柄錢蟋蟀唐風合古意芙蓉楚客感涼衫

清香畫戟渾閒事惟有登臨興不凡

守官無日不思家况值飛騰暮景斜萬里信稽開塞雁

一年人老崗田花談元坐上能揮麈作戲場中慣聚沙

忽喜忽嗔難自定本來面目總乖差

兩鬢新添鏡裡霜多生結願久難忘閒披甲乙忍千卷

老戀溫柔第一鄉綠綬可能拋若若青春其奈去堂堂

櫻桃宴上重回首比作華胥夢渺茫

清濁源流別渭涇羸輸奕局費調停執迷豈止三重障

垂戒徒勞百悔經

五代劉乙著百悔經解事隨禽知語默過時離

菊斂芳馨千秋期曠人閒少綠水幽蘭只自聽

質園詩集

卷三十一

壬

質園詩集卷三十二

會稽 商 盤 寶意

自冬入春經營宜苑頻憩城東一水如環觸石作

響稽諸圖誌始知爲龍溪下流從此曲折達江

洶勝壤也建亭其上旣作龍溪之贊復賦此詩

贊云蛟龍環亭有龍則靈以潤以澤實惟爾德

并州快剪刀霍霍截取游龍青一角我來守郡得餘閒

選勝朝朝由東郭逸少賓朋善觴咏勿與位置宜邱壑

繞城流水舊知名比戶豐年同此樂官無伏謁民無訟

瘴癘誰言蠻土惡浩翁去後尚聞亭清獻來時重放鶴

質園詩集

卷三十二

二

古今難駐好風光仕宦安能長束縛君不見峴首淞陽

何地無有山不游胡爲乎

坐岑然亭

西湖東澗儘流連記取分符第二年四面好山留客處

一番濃雨種花天畫闌曲折都臨水蠻嶺高低半墜田

如此韶華相稱否使君鬚鬢已蒼然

宜苑種花歌

世間無事無經濟時竹栽花非小試閒來選勝鉞城隅

購得臨溪三畝地公門桃李已成林分映湖山闕明麗

前歲廣植桃李於邵園

蠻村芳信總先期不按番番二十四羣賢

修禊集良辰可惜落紅香滿地有花須及早春看莫待
鳩鳴元鳥至野老堪爲物外交醉翁別有尊中意宜州
好景似丘州揮毫重作東園記當前片石我雖留此後
甘棠誰所憩且學高僧邵隱峯隨身竿木長游戲

新正郊行

轉轂喧寒幾度更熙熙蠻土樂昇平共斟歲酒椒花醴
初試春衫柳絮輕太守文章空自愧清暉山水最多情
黃童白叟都相識已在芳郊一笑迎

寧邊治畧我何曾現宰官爲說法僧壯志漸銷三尺箠
新交喜得一枝藤山經雨後全身淨人立花前老態增

質園詩集

卷三十二

二

種得海棕多氣槩杜陵相賞在蒼稜

鶯花結習向來深勝侶如雲約共尋山簡習池休倒載

水曹官閣得清吟冷金小展閒中課煖玉旁觀局外心

等是浮生郵傳寄家鄉無此好登臨

鍾日奚童負古囊鈔詩不獨小胥忙追隨傲吏籃輿後

迴還佳人錦瑟傍此地可消閒歲月阿誰能稱好風光

休倚野調吾全解采得蠻謠第幾章

讀丁芷溪太史粵游近著賦贈卽送還 朝

千秋雅奏八音諧傲外山川入勝懷却笑龍門無遠意

但誇游跡到江淮

一尊酒富筵進二月蠻花壓帽多原是輪軒行萬里
采風休采擊槽歌

珥筆重瞻駁安宮槐廳位置柏臺同青綾被與青驄馬
總在春明雨露中

太史館
用西臺

第一溪山勸小留贈來錦段意難酬他時宜苑懷人處

獨倚天南挂笏樓

時於城東結精宜
苑內有挂笏樓

挽玉冠劉道士

南海游踪似泛槎碧雲深處羽人家會傳石鼎勝臆句

未種元都爛漫花身後小冠南白玉墓中遺骨變黃芽

平生方外尋僊侶又失仙翁蔡少霞

質園詩集

卷三十二

三

修軒將至以詩迓之

蠻酪沈沈碧蠻花灼灼紅十年懷舊雨一別負春風大

海收帆緩衰顏對鏡同依然鷄黍約身在五溪中

偕章修軒遊宜苑

潺湲世外得清音與客同披選勝襟內史淑期三月近

右丞詩意兩垞深他鄉會合洞霄尋暮景闌珊對綠陰

猶喜相逢魚鳥熟親人情況似華林

尋常梓里每聯肩各賦停雲意惘然命駕故應來萬里

分符何止住三年雨收炎土初晴後春在蠻歌未唱前

此作滁陽臨眺地醉翁實從畫象賢

玉虎墜歌

虎性兇暴玉性溫以玉爲虎誰敢捫昆吾之刀琢牙爪

玉光虎氣爭騰驚山君雖小出崖谷其文炳炳神威存

踞虎之錢伏虎枕義取厭勝安心魂此墜流傳良石用

紫諸紈扇歸豪門入土爛爛全不壞負嶠直假難具論

爲民除害方禦虎宏農德化慚劉琨豈知神物在吾掌

百回把玩連朝昏藍田但須巧匠采黃越何藉靈符吞

詩成放筆仰天笑紅日正墮蠻荒村

宜苑錢春

層雲如夢釀蒼涼抹綠新陰漏瘴鄉荷葉贈來人漸遠

質園詩集

卷三十二

四

茶蘼開過月初長聞歌北里成前度載酒東園盡此觴

樊子先歸君又去暮年一倍惜韶光

仲夏勸農復憩南山寺

巖花凋草記前踪出郭年年不厭重行處風光春去久

及時雨意曉來濃高原磽確勞黃犢古洞幽深隱白龍

野老漫誇官長貴傳家耕讀本知農

芳辰選勝便登臨野外溪山物外心新墾田疇無國課

舊停帷蓋有禪林妙香丸品青蓮劫後殘多年碧蘚侵

彷彿已公茅屋下茶瓜畱客好相尋

雨後却行望天門鍊城青鳥諸山紫翠千狀森然

吳觀人言粵山雄峭吾但覺其嫵媚耳

龍江勢屈蟠羣山繞其左宛宛向東行一氣作連舸况
當新雨餘洗淨芙蓉朵美人曉整妝綠雲蟬鵲卿誰云
蠻嶂雄對此殊婀娜三年邊郡居無山不能坐褰帷晚
對宜挂笏朝看可投荒甘味回猶如咀諫果何須慕仙
佛吾自開羈鎖

鍊城懷古

一水如龍繞郡流避兵此處可無憂嚴城豈止環三里
古鍊曾經聚六州青鳥紫霞紛入畫青鳥紫霞鍊城名
柝罷防秋承平未敢疎戎政邊事猶煩藉箸籌

質園詩集

卷三十二

五

戊鼓聲沈埃火消多年殘堞在山椒玉蓮並蒂無芳信
北山石井上舊出並鍊鎖孤舟有舊謠郡志載有鍊鎖
不遠花稱為玉井鍊孤舟千年永
之謠楚馬浴溪波瑟瑟林猿啼雨晚蕭蕭長安漫道終
難見北望天門路不遙天門山在城北

何處堪披選勝襟前賢遺跡入登臨鍊城為宋雲拱晉
所築以資備禦

陽保障匡時畧渤海耕耘向化心松竹總歸禪院淨有

北山烟雲猶護礮臺深同岸有礮臺址誰言征戰無時歇西

寺水東流自古今詠云東有日山西有月年年征戰無
休歇幸得西水向東流世代永無憂

疊嶂都成鈹鏤紋青蒼一氣杳難分未達鸞鶴隨仙馭

城近會使山祇見牛羊下夕曛省俗愧非賢刺史平蠻重憶

軍休偶傾耳三年熟牧唱樵歌不厭聞

小玲瓏研山

我聞玲瓏山遠落三邊杳彼是火玲瓏孰能為之小英
州舊產石置袖嵌空少難作蘇髯供寧為米叟寶斯石
秀靈鍾天然造化巧厥體臞且卷其色紺而縹高巖鳳
翅斜深谷龍身矯頗疑咫尺烟嵐閤昏曉平生嗜好
殊寓意原微渺披襟對松竹忘机狎鷗鳥與石淡相交
因緣非草草試奏玉玲瓏結契隨吾老

綠葦軒宴客

永安門外花千樹都是宜陽太守栽風月主人間最好

質園詩集

卷三十二

六

不妨日日出城來

爽氣朝來挂笏收西山正對最高樓分明廣麗亭中宴
記取坡翁在密州

堆案曾無漠漠塵簿書叢裡好抽身綠榕如幄開襟坐

同聽蟬聲有幾人

圓壁方珪畫不如墊塘經雨便成渠勝他裴令多遺憾

快碧池中綉尾魚

看花左掖別清曹老對良辰一放豪坐客莫嫌蠻郡陋

忠州楊柳海州桃

宜苑納涼

人喜醉翁醉我來宜苑宜荷塘初放棹松院忽開棋調
鶴閒相稱觀魚樂共知含情問山簡何似習家池

秋日登北樓

江流宛轉石嵯峨歷歷同指上螺青鳥硃砂長好在
青鳥硃砂紅墻銀漢遠如何迴天秋色鵬鵬健繞郭人
家橘柚多是處登臨發清嘯昇平久已息干戈

暮靄蒼然入老懷清身福地兩相諧北門鎖鑰從來固
南上因緣且佳佳物外真游羅佩帶人閒榮遇阻台階
翻憐紉綺登科歲走馬看花十二街

鶴岡道人化後玉冠落市中長兒世綸購得之知

質園詩集

卷三十二

七

余欲見從蒼梧緘寄道不在冠冠不重玉事可
得失兩忘者皆如此冠矣爲賦是篇

昔年戲寫簪花圖圖中玉冠映萼跼蓋在江甯判生爲
余寫簪花圖玉冠

羽衣作是真是幻那可辨人閒豈少良瑾瑜鶴岡道士

曾相識玉冠云是前朝得偶作長歌贈道人識辭竟應

凌雪翼余贈道士玉冠歌結語云不用麻姑借大鵬羽
凌雪翼

化登真方一載身後依然玉冠在寶貴何堪落市廛摩

挈重見生光彩此冠巧匠費磨礱與我簪花舊式同玉

質長溫人漸老自憐衰鬢如秋蓬吁嗟乎瀛洲一別塵

埃汗絳節青旄何處遇幾見盧敖海上還空驚若士雲

中云被謫猶充守厠仙步虛畧記胡元路方外清游稱
此冠駿驄解豈非吾慕

早秋墊意堂小憩

響塔一葉降梧桐初試涼衫薄薄風福地自出行部外
高情都付卷簾中琅玕平圃仙緣在圖畫藍田勝賞同
畧有鄉心棧觸處橫塘菰蛤似江東

得家書

中元前五日始接早春書知我慈親健孫曾侍起居古
人譏祿養遠宦待何如况值秋風起投荒計甚疎

久雨望晴

質園詩集

卷三十二

八

秋來積雨書冥冥斗大城墟混一形雲氣直從簾罅入
江聲近向枕函聽農家檢歷占三白官閣看山失衆青
最是林鳩無意緒朝呼暮喚不曾停

公廨遙對九龍諸山頽屋數楹取宜苑長材葺之

向有六餘咏顏曰六餘齋題詩四律

南山積翠正當頭結屋居然在壑邱五課儘多終歲業

近有五六餘聊作暫時漚天容野性閒相置人笑官場

老未收差勝藩車頻就飲一尊祇與細君謀

梅花官閣有餘清客膝何須廣厦成延客待開三將徑

論詩喜得兩蘇生郡中蘇氏兄弟能詩已看千羽敷文治要使絃

歌僊武城凭几攤書清永畫堂
三吳三楚跡俱陳主領蠻風過五旬
無多餽飭速嘉賓曉山抹黛都隨柳
宦海浮家聊寄勝深慚垂白未知津
此身不繫與舟同何處能開踏雪鴻
恬然知足暮年中夏畦久病銀章因
省識浮生如傳舍卜居休擇廨西東

題芳甸甥病榻吟後因悼侍史環娘

臥榻呻吟已隔年寄來好句默過禪
秦觀何須見輞川客裡豈無行藥地
室中應有散花

讀園詩集

卷三十二

九

天丹爐經卷投荒老重憶朝雲一泫然

題芳甸甥津門集後有懷亡友萬循初查心穀

舊游歷歷在塵襟望遠多年意不勝
海光祇樹偶尋僧題襟勝友成今古
修禊名園感廢興

詔與吾甥作憑弔斜陽西墜月東升

昭平夜泊聞灘聲

戍亭燈暗更籌永夜潺湲到客舟
直教見月啼吳牛垂堂屢犯千金戒
較勝當年韓刺史投文驅鰲向潮州

題向在江牡丹

熙昌寫生絕代工本朝獨擅南田翁
正宜多買燕支紅國色人間誰與比
一年一賞洛陽春但恨不如劉跛子
高低蠻上龍烟霞姚黃歐碧難得見
今朝玩畫絲非偶疑有天香濃暖手
含情笑問東坡叟

戲作短歌題之

翠以羽受殃蚌以珠遭割鳳子休誇
一生活色屏風好拆枝丹青何代無
昌熙芳叢不著

讀園詩集

卷三十二

十

探春使畱待羣兒逞巧思傳聞五彩
蠶化蛹此蜨曾無斗犬形可憐郊費
報花開良會今朝撲蝶來攜將薄翅
謝逸才君不見南華覺世言皆寓栩栩
臥蒼藤六尺床花開花落春歸去

古龍隱

龍隱三千年化石知何代益然古時
惟劉累馴獸或錢唐收蒼藤作之而白
源宮散落千珠貝與區人未經奇觀天
所資是石還是

龍吻蟠堅不壞失水甘魚困負鰭同處害頗慈羅綺堆
猶疑鱗甲蛻秦鐸詎能驅夏楫徒勞載釣深一線過渠
暴重門賴椒園聚種居永鎮南荒界吾心本寬平翻訝
坤輿隘安得駕飛鴻曠覽滄溟大

春日廖然亭聽陳公子理箏

花樓曉曲記龍標玉手曾經趙女調誰遣會仙巖下奏
十三絃上簇春潮

涼月香燈舊夢空鈿蟬金雁亦飄風蠻鄉此曲如天樂
春社尊前耳未聾

南陌羣兒方鬪草東坡小宴偶簪花分明上巳蘭亭會

質園詩集

卷三十二

七

二十年來不在家

再題芳甸甥春草詩後並寄顧端卿孝廉

鳳城旅食閱暄涼春草吟成第幾章一語無心今忽驗
賞音真遇顧華陽

花前對客小揮毫和寡多緣爲曲高若應岐王筵上教
宜輕奏鬱輪袍

幾度羣鶯接翅飛萋萋碧色上人衣王孫自古多蕉萃
地北天南尚未歸

何無忌果如其身嚴挺之那有此兒曾咏桃花又春草
海珊作跋我題詩

上二句嚴海珊跋
甥桃花詩殘語

題靈泉

一樹寒流晚更青此中何藉有龍靈雲堆隨屋資餘潤
風掀玻璃出異形修禊事遙誰作序弄珠人去尚留亭
含情重憶滁陽守萬斛香泉醉不醒

過陳榕門師新第奉懷時師開府三吳

疊嶂如獅獅山貌勢鬱蒼停車來問午橋莊中朝族望
舊喬木往事生徒到後堂履道卜居成已久集賢寫照
昆何嘗麟符虎節迢迢甚又負池蓮一度香

宜苑繪景十五章

廖然亭

質園詩集

卷三十二

七

泠泠與耳謀會心喧寂外如逢衛小君垂簾曳環珮

綠畫軒

風愛韋郎詩綠陰生晝寂春去已無踪晏眠猶未識

紫霞山館

不見紫霞裾惟聞紫霞崗鸞鶴失鞭笞嬾向雲衢控

唾碧廊

唾地碧如天仙翁遺此跡凭欄曲闌干吟餘睡將夕

晚翠草堂

天然此翠屏晚對舒還歛疑是敬亭山相看不相厭

宛在舟

張融無定居在舟還在屋春水漾桃花醉著莎衣宿

采風亭

東郊芳草綠椎髻雜花鈴寄語軒軒使蠻語尚可聽

墊意堂

林幽巧近城步步含墊意樂矣宜人游頽然太守醉

溪山第一樓

吾亦好樓居帝座通呼吸四面捲湘簾盡放星河入

眞賞亭

愜意澹忘言萬蒼紛在側勝槩寄茅亭徘徊北山北

雲澄

寶園詩集

卷三十二

圭

東海袖中藏南山籬下見何如石數層皴作雲千片

橫塘

龍江東注海一掬引支流菰葉涼風起橫塘是舊游

貫虹橋

蟠螭青紅色低垂雨後天溶溶橋下水惜少秦娘船

梨花坪

玉川酒瀛洲芳辰開未謝梨雲結夢多寒食春深夜

古放生池

宋代千秋節傳聞此放生古波流不盡泛泛野鷗輕

思歸吟

并序

鄉先生王弇山爲南宮令賦思歸吟八章昔

江南曾和之爾時正當強仕一往無前實未解

田居之樂也相距十載餘飽嘗世味舊歡感額

久未回甘行將冉冉老矣重拈舊題以堅志

雲山東望我勞如何

歲不曾閑興已闕騰騰轉燭換暄寒蠻兒僮女都相識

尚草巖花漸倦看荒裔倍增家累重衰齡圖報國恩

難沈迷歷徧華胥界回首方知退步寬

鬢雪無情漠漠侵芳韶能度幾光陰鵲鵲辭社秋何早

鴉鳴催晨月易沈公紀一卷歸棹穩啟期三樂晚年尋

寶園詩集

卷三十二

圭

名山勝水家鄉富蕩漿攜筇不厭深

東澗西湖宴賞收不教白傅太勾留雖非曠達能辭郡

豈有神仙必住樓潞國多年猶虎節剡川一曲是菟裘

人生閒健皆天賜重向芳辰續舊游

繞閣潄溪水簇波黯然其奈別離何宣城咏罷霞光在

簪耳歸來海氣多小徑晚香供采擷寒山遺石任消磨

紅梨釀酒盈尊酌要使塵容仗醉和

仙籍蓬壺偶挂名敢嫌遲暮始專城八千蠻徼黃茅瘴

七十慈幃白髮盈渡虎幾曾標異政哺烏猶得遂私情

家園菽水承歡好若若繫鼎印綬輕

宦途如海卸帆遲萬里分符挈累隨健婦持家無諍語
頑童失學少嚴師韶年不覺雙輪轉頽厦安能一木支
歸棠甚輕先業廢午橋莊畔草離離

嶺崎長開玉局翁六如化後藥爐中祇看淨室生虛白
那忍閒花試淺紅馭氣重招難得見搏沙一放便成空
麗情藻思俱銷歇從此皈依向大雄

一枝湘管綠雲斑收得風光滿篋還迎送重煩諸父老
夢魂長繞好溪山誰同倚檻招元鶴自愛開籠放白鷗
他日漁樵來問訊茅檐曝背話南蠻

題落演橋

質園詩集

卷三十二

主

通橋一水碧如羅奈此盈盈灩灩何垂地玉虹畱斷影
接天銀漢瀉層波日斜虹蜺看無跡夜靜鯢鯨睡有窩
重憶江南游冶好年年三月畫船多

冬煖郡圃卽事

不令如春淑氣加久居炎土悶芳華未逢人日先挑菜
不是忠州亦種花閒逐兒童聊作劇老禁瘴癘倍思家
長荒踪跡真無定得代年來正及瓜

喜童初五弟登京兆鄉薦

四海何人及子由朔南踪跡各萍浮寒芒已吐雙龍劍
少日能修五鳳樓下策幾曾攻火具先鞭長曳到瀛洲

取珊瑚貢鍊網滄溟再見收

銅鼓歌

靈龜瑟縮潛海中洪爐夜煨莊山銅鞮人改造鉦人伐
蕭蕭作氣成戰功濃雲如墨覆炎土耕夫掘地得銅鼓
其高一尺員五圍四耳在旁身有乳南方負固昔未平
文淵武鄉勞遠征自漢流傳非近代埤然一震諸蠻驚
嶺表喁喁都向化多年橫海樓船罷此鼓深藏久不鳴
鐘鐸考擊因婚嫁壺關前歲歌銅柱定州銅船亦曾賦
二物何嘗親見之異哉此鼓無心遇手摩朱綠雲雷紋
密須答臘安足云聽音按節思將帥榮遠寧邊休出軍

質園詩集

卷三十二

去

卽室歲闌偶咏

曉梳理髮影蒼然寄跡蠻陬又一年坡老尚能如意舞
萊公原號柘枝顛南都螺黛無深淺東海鼇峰有斷連
且學堯夫覓安樂打乖吟罷獵人傳

一念三生悟宿因乾坤無觀可栖眞神樓操縱原由我
幽憂紛綸肯授人搏兔何須用全力收豬聊復潤凡塵
試讀莫怪東方朔執戟頑仙本蓋臣

爐中香篆架中書世外升沈且任渠楚澤秋裳涼太甚
越人天姥遠何如多年性改西門豹往日豪稱北路魚
霜雪盈頭蟬噪耳老來禮數要刪除

飽嘗世味我全知
葛歎回甘覺太遲
夢鹿竟疑重得鹿
隨獅終笑不成獅
分無台坐登三獨
老度殘年嘆四雖
敏叔新圖嘉客在
就中豈少歲寒枝

冬月

冬月如來女無雲亦自藏
畫簾三十六何處出新妝
穆穆遙通漢沈沈緩度廊
含情向希逸音信隔蠻鄉

移守鎮安行有日矣留別宜州寮友父老

晨鵲何勞報美除
遷官祇算偶移居
鰲峰鶴嶺俄千里
劍匣琴囊共一車
奉檄私情人共請
安邊善策我全疎
解巾穩度遄華梗
知有清吟繼六餘

向有六餘吟

賀園詩集

卷三十二

七

十二湘簾盡上鉤
紫雲長護望仙樓
一尊特與蒼崖別
五馬空煩翠黛留
南浦有波通瘴海
東園何記在宜州
古原樵牧都相識
祇怪勞人易白頭

玉聲宛轉繞龍溪
一聽璆然意忽迷
踟躕開殘芳事了
鷓鴣唱罷夕陽低
水曹去後空高閣
山簡歸時燠大堤
諸路濃陰遮不斷
翻憐久住識黃鸝

地紱從來易染塵
多年宦海屢迷津
濫竽豈可叨齊祿
出境翻思用趙人
那有絃歌能向化
徒慙農圃未收身
黃童白叟攀轅意
比作迎春復送春

內子攜兒輩歸里以詩送之

尋常分手慨嫌多
此別凄然奈遠何
八口東西雲外散
五溪瘴癘費先脩
浮沈晚節難辭職
安樂他時要系舟
舊種蒼松知已老
龍鱗歸日待摩牛

度蓮花黃

西登太華巔東眺浮玉峯
拔地勢蟠結狀與蓮花同
茲黃落蠻荒奇秀天所鍾
爲嶺不爲獨衆皴堆重
晚雲三疊歷朝旭開瞳眈
皴皴巨靈手瓔珞如來胸
元氣出深穴渲染修眉濃
旁有百尺藤倒挂千年松
飛泉觸石行怒斷雙玉龍
誰將太極剖闢陰陽通
混沌本無竅錯遷勞人工
此地屬南交置郡規模雄
掌圍限夸夏設

賀園詩集

卷三十二

六

險歸王公時安撤
守禦故壘很烟空
長嘯度危磴回睇青芙蓉

秀峰洞

神居浩劫畱絕景
化工造真宰愛自然
誰設此奇奧穿地窮
九幽蔽天藏二曜
山鬼學高人鸞音發
清嘯瑤膏石有金
簡衆靈召乍陰還乍陽
呼吸安能料吾心
本光明列炬無勞照
歷險忍須臾未可思
騰蹕仙館有痴

龍潭

觀象得蒙泉其源出山穴
漚作百尋潭潭泓鑒毫髮云

是龍所居下有貝珠闕青紅蜃氣凝舒卷鮫綃裂散開
深夜游凌波弄明月我來食照影天水兩澄澈沿塘桃
李花燦若錦屏列休嫌蠻土荒撫景亦殊絕此水溉田
疇厥功俾雨雪流入富長江滔滔永無竭笑問六一翁
何如釀泉列

歲暮閑邊回署率爾成咏

蒼重翠疊勢含包開拓遐陬見樂郊三面新城虛北郭
北郭無百年舊習化南交蓮花水淨鵲鵲戲榕樹陰疎
鶴鶴巢攬景題詩行篋滿一編親付小胥鈔

公餘退步屋三楹嵐氣初收午院清鐘酒沾唇濃有味

質園詩集

卷三十二

九

蠻花觸目艷無名豐年比戶皆安樂邊地經時絕送迎
也似少陵多野意青郊背郭賦堂成

綠萼微舒破曉寒風光漸近五辛盤人閒至味黃芽菜

歸順州產畫裡清標白玉冠葉寫綠花小鄉夢已隨雲

其甚美其遠宦情真與歲俱關依然蕭散同司馬送老將爲告

老官

問俗新從絕域回巡閱至殘年且覆掌中杯諸賓談笑

清無比六結簪纓老未開虞氏故居原傍海身王殘跡

尚留臺鄉人炒豆關情甚瑞草橋頭赴約來

石帆學士捐饋以詩代奠

如戰雪霜侵重入西清冷不禁老去宦程飛
秋來歸思放鵲深生前顧曲行三爵身後遺書直萬金
五十年餘中表盡梨花寒食負初心

寄懷樸庭都下

萬里雙魚問起居京華旅食近何如孔璋奏記人閒重
垂老應裁却聘書亦札有就幕

上林仙杏一枝芳散作紅塵紫陌香誰道詩人官有例

戶曹郎勝水曹郎郎君登第後分授民部

含和樂事晚年增佳氣充閑喜不勝原是釋迦親抱送

永光古寺翠微僧樓庭郎舍在永光寺

質園詩集

卷三十二

十

松菊蕭蕭舊圃荒風流二老鬢同蒼他年許翟休相訝

君是唐裝我晉裝川翟休許許珍周

大松嶺

嶺以松得名度嶺無一松綿亘十里餘厥勢如修龍蜿

蜒不可捫時有雲霧從纖鳥雙翅歛誰指金芙蓉哀猿

嘯深林綠陰千萬重下有古澗泉碎玉聲琤琮平生嚴

壑綠對此開塵胸山光與詩意持較誰淡濃郵亭發高

咏夢繞西南峰

新舊詩八十卷選存若干篇語雖不

長慶渭南矣自題快後以勞

質園詩集三十二卷

編修程晉芳家藏本

國朝商盤撰盤號蒼雨又號寶意會稽人雍正庚戌
進士官翰林院編修以養親乞外補改授同知終
於元江府知府盤與錢塘厲鶚名價相埒才情富
贍生平篇什甚多此集乃刪汰之餘尚三千首云